







PUBLII OVIDII NASONIS

OPERA.

EXCUBEANT TALBOYS ET WHEELER.

*A. H. Wachtel*

P. OVIDII NASONIS

OPERA,

E TEXTU BURMANNI;

CUM NOTIS BENTLEII

HACTENUS INEDITIS, NECNON

HARLESII, GIERIGII, BURMANNI, LEMAIRII,

ET ALIORUM SELECTISSIMIS.

VOLUMEN QUINTUM.



BADENI INSTYTUT  
BIBLIOTEKICH PAN  
04-200 Warszawa, ul. Nowy Świat 72  
Tel. 26-68-63

OXONII,

IMPENSIS TALBOYS ET WHEELER; ET  
GULIELMI PICKERING, LONDINI.

M DCCC XXVI.

P. OYDIE KAZONIS

OTERA

W. T. B. B. K. U. N. A. N. S. K. I.



22.426/5



## LECTORI MONITUM

QUUM in uberrimo Amorum, Fabularum, Religionum, neque eodem politissimo scriptore Ovidio, quid dixerit potius, quam quomodo dixerit, rerum studiosis indagandum videatur, textum per paucis mutatum Burmannianæ illius editionis in hanc nostram placuit recipere, adnotationes autem, si minus ad emendandum, ad explicandum forsitan Poetam idoneas e criticorum doctissimis adferre. Cui incœpto in primis subsidio fuerunt, hic suis, alienis ille copiis, Lemairius quidem et Harlesius; ne tamen e prelo Britannico prodiret omni Britannicæ eruditionis ope destitutus Ovidius, cavit diligentia patroni sui typographici, qui notas lectionesque Benteleianas e schedis in Mus. Britt. depositis nunc primum depromptas adjici curavit.

Oxon. Mar. 1827.

# LECTORI MONITUM

Quae in editionis Antiquae Tabularum, Re-  
rumque veterum eorum permissio scripturae Ori-  
ginali inveniuntur, quae quaedam dixerit,  
tamen studiose indaganda sunt, utrum per-  
tinent ad vitam, utrumque illius editionis in  
haec, immutatae sunt, respiciunt, adnotationes au-  
tem, et nota ad comparandum, ad exhibendum  
locus, etiam ad notandum, et criticam doctrinam  
adhuc. Quae inchoata sunt, a subsidiis fuerunt,  
hinc, ubi ubi illi scripturae, etiam quidem et  
tabularum; ne tamen a parte Britannica munda-  
rent, hinc hinc, et hinc, per hinc, et hinc,  
hinc, ubi ubi illi scripturae, etiam quidem et  
tabularum; ne tamen a parte Britannica munda-  
rent, hinc hinc, et hinc, per hinc, et hinc,  
hinc, ubi ubi illi scripturae, etiam quidem et  
tabularum; ne tamen a parte Britannica munda-  
rent, hinc hinc, et hinc, per hinc, et hinc,

## PROŒMIUM.

QUÆ causa impulerit Ovidium, ut ad Fastos Romanorum elegis exornandos adjiceret animum, equidem liquido dicere non ausim. Mitto Propertii (IV. i. 69.) verba, *Sacra diesque canam, et cognomina prisca locorum*, quibus excitatus prævenisse amicum nonnullis videtur. Memorabilior est sententia eorum, qui Callimachum putant ab eo esse expressum. Hunc enim constat carmine, cui *Αἰτίων* sive *Causarum* nomen inscriptum, rerum antiquissimarum, ad Deos et heroas pertinentium causas (*αἰτία ὀγυγίων ἡρώων καὶ μακάρων*) explicuisse; cujus carminis fragmenta, sed brevissima, Bentleii curis collecta, in editione Callimachi Ernestina, tom. ii. p. 416—426. leguntur. Et ex his quidem fragmentis operis ratio minime cognoscitur; verum Anthologia Græca, tom. iv. pag. 236. Epigramma habet, unde poetam usum esse hoc figmento videmus, ut in somnis se diceret in Heliconæ abreptum, quæ quæreret, ex ipsis Musis accepisse. Et sane, etiam Ovidius in Fastorum opere *Causas* multarum rerum, non Romanarum tantum, exponit, quin et Deos sibi Musasque fingit apparuisse, ut, quæ abdita laterent, sibi aperirent. Etiam hoc certum est, Callimachi carmen satis notum fuisse Romanis, laudatumque a Varrone, Martiali, Plutarcho, Servio, aliisque. Ruhnkenius denique locum ex Trist. V. v. 33 sqq. notavit, quem ex ipsis illis Callimachi *Αἰτίαις* expressum esse judicat. Concedamus igitur, quod et recentissimi Fastorum Interpretes, Lenzius, Krebsius, Gesenius, amplexi sunt, quodque etiam Jacobs in Animadv. ad Anthol. Græc. vol. III. p. ii. p. 161. tuetur, Callimachi carmen observatum esse Ovidii ingenio, quum suum opus moliretur. Aliud tamen est, causas rerum ab heroibus gesta-

rum, non constat quo ordine, canere; aliud, Kalendarium Romanum carmine persequi, causasque reddere eorum omnium, quæ ad dies singulos paucis literis notata erant<sup>a</sup>. Exemplum ejus Argumentis librorum subjecimus, id quidem, quod e pluribus, quæ exstant, etiam Mitscherlichius elegit. Formam ejus fuisse videmus talem, ut non nisi ingenium multarum rerum scientia inundatum, atque tenuissimis etiam rebus exornandis idoneum, ad se tractandum invitare posset.

In examinandis carminibus inventio rerum ac dispositio primum spectari solet; atque his ingenium poetæ vel maxime æstimatur. Verum Ovidio inde laus debetur prope nulla; etenim Fasti docebant ipsi, et quas res, et quo ordine singulas tractaret. Illæ vero ad hæc ferme capita revocari possunt: ad descriptionem anni Romani, numerum, ordinem et nomina mensium, discriminaque dierum; ad cœlestia nonnulla, ortum et occasum siderum, initia vicissitudinum annuarum, solisque per signa Zodiaci decursum; ad dedicationem templorum; ad festorum et ludorum vel rationem, vel originem; ad res denique memorabiles, vel ab antiquis Romanis, vel ab Augusto, Tiberio Germanicoque gestis. His Ovidius præter necessitatem siderum multorum originem addidit. Insigne igitur hoc opus et uberrimum dixeris a rerum ad cognoscendum minime illiberalium copia. In istis autem omnibus non licebat poetæ, quæ vellet, fingere, sed ea lege tenebatur, ut quæ notata essent ab aliis, aut tradita, ea fideliter repeteret; et, si traditiones sententiæque inter se dissiderent, aut eam exciperet, quæ ipsi videretur proxime ad verum accedere, aut plures lectori dijudicandas proponeret. Atque hunc cursum per totum carmen tenuit. Ortum et occasum siderum notasse videtur e Kalendario quodam, adhibito

<sup>a</sup> De *Fastis Romanorum*, tam *Kalendaribus* quam *Historicis*, pauca diximus, ad i. 1 et 7. Plura de iis disputat *Gesenius* in *Symbolis Observat.* ad Ovidii *Fastos*. Nonnulla etiam præmisit *Lenzius* notis ad loca selecta *Fastorum* in *Encycl. Schol.*

etiam Astronomi cujusdam Græci libro; originem siderum hausit ex mythologis, quos in Metamorphosesin secutus erat; reliqua petiit non ex Annalibus tantum, quanquam eos solos bis nominat, sed e plurimis illis monumentis librisque, quibus res Romanorum enarratæ atque illustratæ erant. Multi enim, in quibus Varro præ cæteris memorabilis, in rituum Romanorum origines diligenter inquisiverant; unde et serius Plutarchus *Quæstiones suas Romanas*, aut *Κεφαλαίων καταγραφὴν* excerpserit, quibus et ipsis in Romuli Vita nomen *Αιτίων Ῥωμαϊκῶν* tribuit. Quin Butas quidam carmine elegiaco et ipse hoc argumentum tractavit, cecinitque *Αιτίας μυθώδεις περὶ τῶν Ῥωμαϊκῶν*, e quibus Plutarchus, in Rom. 20. distichon laudat. Sed non constat, quo tempore Butas ille vixerit.

Rerum porro istarum acervum ita tractavit Ovidius, ut insignem illam ingenii vim, egregium illud ingenii flumen, quod per totum Metamorphoseon opus spectandum et admirandum proposuit, plurimis locis desideres. Mirificus ibi est in rebus, quas traditas acceperat, explicandis et exornandis: in Fastorum autem carmine multa tenuiter tractata, multa breviter relata, multa ex aliis scriptoribus repetita videmus. Neque aliter per rerum illarum naturam fieri poterat, quum sæpe Grammatici partes agendæ essent, quas ille minime fastidivit; immo diserte id egit, ut docendo et explicando prodesset tam æqualibus, quam posteris vetustatis cognoscendæ cupidis. Non tamen, quum hæc dico, sua laude poetica hoc carmen fraudare volo. Quod contra ita decurrit, ut mentem tuam alliciat, allectam suaviter teneat. In illecebris, quas eum in usum adhibuit, primum posuerim *interventum Deorum*. Sic in principio statim operis *Janus* adest, omnemque mythologiam suam, implicitam illam sane, longiore illo cum vate sermone, 89—286. expedit. Procedente libro illo, ver. 695. *Musa* intervenit atque Sementivæ originem indicat. Lib. iii. 170. *Mars* eloquitur, quæ sint Matronalia; ver. 260. *Egeria* Nympha, cur Salii Martis arma ferant, enar-

rat. Lib. iv. init. *Venus* adest, poetamque myrto tactum numine suo implet; ver. 191. *Magna Mater* unam ex *Musis* excitat, quæ eundem instruat; ver. 723. *Pales* adjuvat Palilia canentem; v. 191. *Flora* ipsa facundissime omnia, quæ ad ipsam pertinebant, refert; vi. 251. *Vesta* nonnulla suppeditat de sacris suis: ver. 655. *Minerva* discesum tibicinum narrat et reditum. Sed in primis memorabilia sunt duo ex hoc genere loca; V. init. ubi tres *Musæ*, et VI. init. ubi *Juno*, *Hebe* et *Concordia* sententias dicunt de nominibus Maii et Junii; quibus locis disquisitio grammatica, eaque admodum tenuis, dramatis suavissimi formam induit. In reliquis illis figmentis non multum quidem ingenii elucet; namque Dii vel respondent interrogati ad singula, vel continua utuntur oratione; tamen vel sic non male variatur et animatur carmen. Varietatis causa et homines vates induxit, sacerdotem, hospitem et matronam, a quibus se nonnulla accepisse fingeret. In rebus vel gestis, vel ut gestis referendis ubique se ut poetam ostendit, verbis delectis, figuris, sententiis insertis, notationibus variis, oratiunculis fictis. Non enim ut historicus, ii. 195 sqq. interitum Fabiorum in bello Veientino narrat; non ii. 394 sqq. negotium eorum, qui Romulum et Remum in Tiberi mergendos ferebant; non ii. 685—852. Tarquinii Superbi, Sextique filii facinora; non iii. 259—398. delapsus peltæ e caelo; non 523—685. Annæ discesum a sorore et adventum in Italia; non iv. 249—348. curam Romanorum in arcessenda Magna Matre Deum. Tam illa, quam plura alia loca poeticis luminibus distincta vides. Et quoniam in illis historiæ fides impetum ingenii coercebat, idcirco etiam ea admiscuit, in quibus ingenio suo atque phantasiæ posset indulgere, ut iii. 459—516. Thesei et Ariadnes fabulam, quam in *Metamorphosesin* breviter attigerat; iv. 417—620. Proserpinæ raptum Cererisque errores. Adde ludicra illa, i. 393. de Sileni asello Priapique libidine, quæ cum varietate quadam repetita sunt lib. vi; tum ii. 305. de Omphale et Hercule; iii. 741. de Sileno mel reperi-

ente: in quibus eandem, quam in altero illo opere, et phantasiam et petulantiam observabis. Insignis est locus, ingenioque poetico dignus, iii. 11—54. de Rhea Silvia; suavissima reperitur, v. 191—330. Floræ narratio. Quid? quod et tenuissimis rebus, quæ ad numerum et ordinem mensium, ad discrimen dierum, ad etyma vocabulorum pertinent, genealogiæ Dardani, Pleiadum nominibus, catalogo Græcorum, qui in Italiam pervenerunt, aliquid tamen gratiæ addidit, ut libenter cognoscantur. Illis multa interposuit, quæ lectorem impense tenent, veris descriptionem, laudes primorum Astronomorum, locum egregium de Veneris potentia, hymnos, preces ad Cererem et Terram, ad Palen, ad Robiginem, et mercatorum ad Mercurium, notationes morum priscis et recentioribus temporibus, Augusti laudes et cum Romulo comparisonem. Sedulo elaboravit, ut rebus tractandis variam formam daret, ut plurima animaret, atque doctrinæ suæ copiis exornaret. Ac varietatem quidem haud scio an in vinculis quoque admireris, quibus singulorum dierum seriem connectit. Rerum igitur innumerarum copiam, quas nosse et Romanorum olim intererat, et hodie nostra interest, perspicue atque jucunde retulit, neque neglexit Augustum, omnemque domum Cæsaream pie venerari.

In hoc carmine componendo *Elegos* adhibuit, quibus antea in amoribus canendis usus erat. Quam audaciam excusat, lib. ii. init. et multo magis, ver. 125. ubi honores Augusti celebrat, eamque tangit etiam vi. 21. An Callimachus in causis suis eodem carminis genere usus sit, in eo viri docti non consentiunt; affirmant enim Salmasius ad Solin. p. 601. et Hemsterhusius in Ed. Ern. ad fragm. 19. quos Lenzius sequitur; negant Valckenarius ad Callimachi fragm. p. 10. et Ernesti. Ac Lenzius quidem etiam observat, Propertium quoque carmina quædam argumenti historici elegis concinnasse.

Quum Ovidius hos sex Fastorum libros Augusto sacros absolvisset, A. U. 762. ætatis 52. patria pulsus est;

*Trist.* ii. 532—549. Sed in exsilio eos recognovit, atque nonnulla, quæ serius gesta erant, inseruit; nam et de exsilio suo queritur, et Germanici de Cheruscis atque Cattis triumphum, qui in A. U. 770 incidit, memorat. Opus sic auctum, atque, quum Augustus interea exstinctus esset, Cæsari Germanico dedicatum, eodem illo haud dubie anno vulgavit. Paulo post ipse mortuus est, neque adeo reliquos menses, quos se et ipsos cantaturum esse, ii. 57. promiserat, addere potuit. Vid. Masson. in Vita Ovidii, ad A. U. 759. 762. 770.



## AMICE LECTOR,

KALENDARIVM, quod vides, quum in vetustis membranis reperissem, quamvis mendosum foedeque depravatum multis partibus et ab homine hujus argumenti non satis perito confectum, quia tamen Fastis Nasonianis attexitur plerumque in codicibus antiquis, nos quoque illud in editione hac nostra nequaquam duximus omittendum, adornaturi et ipsi aliquando Fastos, qui Nasonianis accuratius respondeant. Vale.

THE HISTORY OF THE

... of the ...  
... of the ...  
... of the ...  
... of the ...  
... of the ...  
... of the ...  
... of the ...  
... of the ...  
... of the ...  
... of the ...

# KALENDARIUM.

## JANUARIUS.

- A Kal. Januarii. Jani festum, Junonis, Jovis et Æsculapii.  
b iv No.  
c iii No. Cancer occidit cosmice.  
d ii No.  
e Nonis. Lyra oritur.  
f viii Id.  
g vii Id.  
A vi Id. Festa Jani, Agonalia. Delphin oritur.  
b v Id. Medietas hyemis.  
c iv Id.  
d iii Id. Festa Carmentis et Juturnæ.  
e ii Id.  
f Idibus. Festum Jovis. Redditæ sunt provinciæ populo Romano.  
g xix Kal. Februarii. Cæsar Augustus vocatur.  
A xviii Kal. Sacrificium Carmentis. Festum Porrimæ et Post-  
vertæ.  
b xvii Kal. Festum Concordiæ.  
c xvi Kal.  
d xv Kal. Sol in aquario.  
e xiv Kal.  
f xiii Kal.  
g xii Kal.  
A xi Kal.  
b x Kal.  
c ix Kal. Lyra occidit.  
d viii Kal. Pectus Leonis occulitur.  
e vii Kal.

f	vi	Kal. Festum Castoris et Pollucis.
g	v	Kal.
A	iv	Kal.
b	iii	Kal. Festum Pacis.
c	ii	Kal.

## FEBRUARIUS.

d	Kal.	Febr. Templum factum est Carmenti. Celebratur Asylum.
e	iv	No. Lyra penitus occidit.
f	iii	No. Occidit Delphin.
g	ii	No.
A	Nonis.	Augustus dictus est pater patriæ. Aquarius vadit ad occasum.
b	viii	Id.
c	vii	Id. (Primus dies Feralium.)
d	vi	Id.
e	v	Id. Ver incipit.
f	iv	Id. Initium Veris.
g	iii	Id. Bootes oritur, et est festum Fauni.
A	ii	Id.
b	Idibus.	Festum Jovis et Fauni. Nefastus dies Fabiorum.
c	xvi	Kal. Martii. Anguis, Corvus, Crater oriuntur.
d	xv	Kal. Sol intrat in Pisces. Iterum Fauni.
e	xiv	Kal.
f	xiii	Kal. Festum Quirini. Festum Stultorum et Fornacis.
g	xii	Kal. Feralia.
A	xi	Kal. Caristia virorum.
b	x	Kal. Terminii.
c	ix	Kal.
d	viii	Kal. Fuga Tarquinii Superbi. Veris initium.
e	vii	Kal.
f	vi	Kal.
g	v	Kal.
A	iv	Kal.
b	iii	Kal. Equiria in campo Martio.
c	ii	Kal.

MARTIUS.

d Kal. Martii. Festum Martis et Junonis. Ancilia feruntur. Non est bonum nubere.

e vi No.

f v No. Alter piscium conditur. Oritur vindemitor.

g iv No. Bootes citius, vindemitor tardius occidunt cosmice.

A iii No. Festum Vestæ. Cathedra Julii.

b ii No. Festum Vejovis. Pegasus oritur heliace.

c Nonis.

d viii Id. Corona Ariadnes oritur.

e vii Id.

f vi Id.

g v Id.

A iv Id.

b iii Id.

c ii Id. Altera Equiria fiunt juxta Tyberim.

d Idibus. Festum Annæ Perennæ. Julius Cæsar occisus in Capitolio.

e xvii Kal. Aprilis. Scorpius oritur.

f xvi Kal. Milvius oritur. Festum Bacchi. Vilis anicula herederis coronata vendit populo libatum. Melle Libero patri sacrificatur. Libera toga datur. Milvus oritur chronice. Festum est Ledæorum qui fuerunt Argivi, vel Larium.

g xv Kal.

A xiv Kal. Quinquatria Palladis captæ.

b xiii Kal.

c xii Kal.

d xi Kal. Sol in Arietem.

e x Kal. Ultimus dies quinquatruum.

f ix Kal.

g viii Kal. Æquinocinium vernale.

A vii Kal.

b vi Kal.

- c v Kal. Festum Jani, Concordiæ, Pacis, et Salutis.  
 d iv Kal.  
 e iii Kal.  
 f ii Kal. Festa Lunæ habentis templum in Aventino monte.

## APRILIS.

- g Kal. Aprilis. Festum Veneris et Virilis Fortunæ. Scorpius occidit.
- A iv No. Pleiades oriuntur.  
 b iii No. Meretrices lavantur sub myrtho. Fors Fortuna Virilis. Scorpius occidit cosmice.  
 c ii No. Hebæ et Matri Deorum Megalenses ludi fiunt.  
 d Nonis. Festum publicæ Fortunæ.  
 e viii Id. Orion occidit chronice.  
 f vii Id. Festum Cerealium ludorum. Libra occidit cosmice. Juba victus est a Julio Cæsare.
- g vi Id.  
 A v Id.  
 b iv Id.  
 c iii Id.  
 d ii Id.  
 e Idibus. Festum Jovis Victoris. Templum—Libertatis.  
 f xviii Kal. Maii. Dies grandinosa. Augustus Cæsar vicit Mutinenses.
- g xvii Kal. Forda litatur Telluri.  
 A xvi Kal. Triumphus Augusti. Hyades occidunt heliace.  
 b xv Kal. Sol in Taurum.  
 c xiv Kal. Equiria. Combustio vulpium.  
 d xiii Kal. Festa Palis. Roma condita.  
 e xii Fal. Festa Veneris Vinalia.  
 f xi Kal.  
 g x Kal.  
 A ix Kal.  
 b viii Kal.  
 c vii Kal.  
 d vi Kal. Festum Rubiginis. Aries oritur heliace. Prothius

oritur cosmice, occidit heliace. Tempora Veris  
prima finita sunt.

- e v Kal.  
f iv Kal. Festum Floræ et Vestæ.  
g iii Kal.  
A ii Kal.

MAIUS.

- b Kal. Maii. Amalthea capra oritur cosmice. Ara Laribus posita.  
c vi No. Flat ventus Argestes. Hyades oriuntur cosmice.  
Finis Floralium.  
d v No. Panthera Chironis oritur chronice.  
e iv No.  
f iii No. Stellificatio Lyræ. Sagittarius oritur.  
g ii No. Scorpius apparet in parte media.  
A Nonis.  
b viii Id. Lemuria celebrantur. Non est bonum nubere.  
c vii Id. Orion occidit chronice.  
d vi Id. Festum Martis Bisultoris.  
e v Id.  
f iv Id.  
g iii Id.  
A ii Id. Pleiades oriuntur heliace. Æstas incipit.  
b Idibus. Ora tauri oriuntur heliace. Scirpea simulacra mit-  
tuntur in Tiberim. Festum est Mercurii.  
c xvii Kal. Junii.  
d xvi Kal.  
e xv Kal. Sol in Geminos. Agonia Junii fiunt.  
f xiv Kal. Canis Orionis exit.  
g xiii Kal. Lustra Vulcani fiunt.  
A xii Kal.  
b xi Kal.  
c x Kal. Mos sacrorum pro fuga Tarquinii faciendorum,  
non modo inest fuga Tarquinii : inest viii Kal.  
Mart.  
d ix Kal. Festum Publicæ Fortunæ.

e	viii	Kal. Rostrum aquilæ oritur chronice.
f	vii	Kal. Bootes occidit heliace.
g	vi	Kal. Hyas occidit heliace, oriens cosmice.
A	v	Kal.
b	iv	Kal.
c	iii	Kal.
d	ii	Kal.

## JUNIUS.

e	Kal. Junii.	Festa Carnæ, Junonis Monetæ, Martis et Tempestatis. Aquila oritur chronice.
f	iv	No. Hyades oriuntur heliace.
g	iii	No. Bellonæ Festum.
A	ii	No. Dedicatio templi Herculis.
b	Nonis.	Festum Trinomii Dei Fidei Sancti Semipatris. Malum est nubere ante Idus.
c	viii	Id.
d	vii	Id. Tergum ursæ occidit heliace, et regis Lycaonis. Lycaonida fiunt, ludi Tyberis.
e	vi	Id. Datum est templum Menti. Festum est Vestæ. Asinus coronatur. Ara Priapi. Priori Palladium liberatur ab igni Gallico. Mors Crassi et suorum.
f	v	Id. Delphin oritur chronice.
g	iv	Id. Matralia fiunt. Rutilius et Didius occiduntur. Templum Fortunæ Servius, Concordiæ Livia dedicavit.
A	iii	Id.
b	ii	Id.
c	Idivus.	Jovi invicto datum est templum. Minora quinquatria Palladis fiunt.
d	xviii	Kal. Julii.
e	xvii	Kal. Dione orta est heliace in fronte Tauri.
f	xvi	Kal. Flat Zephyrus prosper navigantibus.
g	xv	Kal. Sol in Cancrum. Pallas colitur in Aventina arce.
A	xiv	Kal. Secundus ventus. Orion oritur heliace.



- b xiii Kal. Delphin oritur chronice. Sol in Cancrum. Volsci et Æqui vincuntur.
- c xii Kal. Templum datum est Summano Jovi.
- d xi Kal. Æsculapius, qui et dicitur Ophiuchus et Serpentarius, chronice oritur.
- e x Kal.
- f ix Kal. Victus est Flaminius.
- g viii Kal. Syphax vincitur. Hasdrubal occiditur. Festum fortis Fortunæ. Solstitium.
- A vii Kal. Festum Larium et Jovis Statoris.
- b vi Kal. Orion apparet a Zona inferius. Solstitium.
- c v Kal. Laurum.
- d iv Kal. Templum Quirino factum.
- e iii Kal.
- f ii Kal. Festum Pteridum.

Quem ortum occasumve siderum astronomi *heliacum*, quem *cosmicum*, quem *acronychium* dicant, admonitum est ad lib. i. ver 295.

## LIBRI PRIMI

### ARGUMENTUM.

Argumenti expositio et dedicatio, 1—26. Digestio anni per Romulum et Numam, 27—44. Discrimen dierum, 45—62. Kal. Jan. invocavit Jani et bona vota, 63—74. Consules munus ineunt, comitante populo, 75—88. Jani mythologia. Interrogatus apparet Ovidio cum insignibus, 89—99. et ipse res suas explicat, ac primum quidem originem suam atque figuram, 100—114. tum officia et inde orta nomina, 115—132; causam quoque figuræ, 133—144. Hinc expedit nonnulla, quæ ad Kalendas Jan. pertinent, cur novus annus media bruma, non vere incipiat, 145—164; cur eo die causæ forenses agantur, 165—170; cur sibi primo sacra fiant, 171—174; cur læta verba dicantur, 175—182; cur munuscula dentur, 183—226; cur nummi antiqui navem habeant et formam bifrontem, 227—254; cur ipse in uno templo statuam habeat, 255—277; cur tempore belli reseretur ipsius templum, 278—288. Hinc, misso Jano, poeta incipit e Fastis haurire. Dedicatio duorum templorum, Æsculapii et Jovis, 289—294. De exortu et occasu siderum dicturus, laudes astronomorum præmittit, 295—310. Occasus Cancræ et Lyræ, 311—316. Agonalium nomen et ratio, 317—334. Digressio ad nomina victimæ et hostiæ, ad sacra prisca et initia victimarum cæsarum; quibus Aristæi fabula intexta, 335—456. Delphini ortus, 457—458. Media hiems, 459—460. Carmentalia, ubi multa de Carmenta, Evandro, Herculis adventu et Caci nece, 461—586. Sacra Jovis, 587—588. Octavianus Augusti nomine ornatus, cujus nominis vis exponitur, 589—616. Iterum Carmentalia, quibus Porrima et Postverta placantur, 617—636. Concordiæ templum a Tiberio restitutum, in quo et Livix quædam opera, 637—650. Sol ingreditur Aquarium; Lyra occidit, item Leo, 651—656. Sacra Sementiva, requies, festa, preces rusticorum, pacis salus, 657—704. Castoris et Pollucis templum a Tiberio dedicatum, 705—708. Pacis ara excitata; vota pro pace et domo Cæsarea, 709—724.

CL. RICARDI BENTLEII  
IN PUBLII OVIDII NASONIS OPERA  
EMENDATIONES,

NUNC PRIMUM EDITÆ. DECERPTE SUNT E MARGINE EXEMPLAR. BENTLEIAN. EDITT. HEINSII ET BURMANNI: UTROQUE IN MUSEO BRITANNICO SERVATO.

HEROIDUM EPIST. I.

- 2 Nil mihi rescribas *tu* tamen,  
4 Troja jacet certe *denos obsessa per annos*  
6 Obrutus *Ægæis* (vel *incanis*).  
13         *glomeratos Troas*  
15         narrabat a *vulnere* victum;  
16 Antilochus nostri *causa doloris* erat:  
27 Grata ferunt *nuptæ* [vel *sponsæ* MS. D.]  
28 Illi, *quisque suis, fortia facta* canunt.  
40         proditus ille *metu*.  
47         *Grauis disjecta lacertis* [Rem. 66.]  
48         *murus quâ stetit ante*, [Trist. iii. 11. 23.]  
52 *Accola* captivo  
65         Sparte quoque *nescia vestri*. [Trist. iii. 3. 26.]  
66 Quas *habites terras, aut ubi lentus agas?*  
82 Cogit, et *invisas* [xix. 210.]  
83         *tua sim, tua dicar*  
91         *Medontaque dium*, (vel *Medontaque dicam*)  
100 Dum parat, *ignaris omnibus*,  
103 *Huc* faciunt  
105         qui sit *inutilis annis*.  
107 Transpone 107, 108, et 109, 110.  
110 Tu *citus advenias*. [Ep. v. 57.]  
       *Spe citius venias*. [Fast. iv.]

- 113 Respice Laerten: ut tu sua lumina condas,  
Versus 37, 38, 39, 40; 83, 84; 99, 100; 111, 112, 113, 114, pro spuriis  
habet.  
Sabinus 53. Pacta quoque es thalamo nisi mendax tela moretur  
Et cœptum revoces callida semper opus:  
Hoc in hac Ep. deest. Vide Am. iii. 9. 30. Tarda que nocturno tela  
retexa dolo. Sabinus ii. 82.

## EPIST. II.

- 3                   *semel orbe coissent,*  
6                   *Bistonis unda . . . [90.]*  
10 ———*Invita nunc, ut et ante, nocent. [Ep. xvii. 1\*.]*  
25                   *ventis et vela et verba dedisti:*  
27 Dic mihi quid feci? Si non sapienter amavi; Crimine, etc.  
31 *Pacta, fides,*  
35 Per mare *Bistonium* ventis agitur et auris (vel *astu*)  
36 Per quod *nempe* ieras,  
37                   *nisi falsus et ille est*  
39 Per Venerem, *natique*; (vel  
Per Venerem et *natum nimium* facientia tela)  
62 *Cuicumque* ex merito  
69 Cum fuerit *Sciron*  
74                   *hospita cæsa dolo est [157.]*  
75 De tanta rerum *serie*  
90                   *membra levabis humo*  
121                   *fruticosaque vimina calco,*  
122                   *Litora nota meis.*  
129                   *minus est mihi mentis: ut adsunt,*  
144 In necis *electu*  
148 Ille *necis* [MSS. Dun. Rel.] *causam præbuit, ipsa manum.*  
Abjudicentur vv. 17, 18; 35, 36.

## EPIST. III.

- 1 Quam legis, a *capta* Briseïde [cf. 16. Rem. 469.]  
11 Alter in alterius jactantes lumina *vultus,*  
12 Quærebant taciti, *vester* ubi esset amor.  
26 Non repetisse [sic MS. Rel. Dun.]  
30 Auxerunt *blandâ* grandia dona *prece:*  
39 *Hoc tibi* (vel *sic tibi.*)  
44 Nec *veniet votis* mollior *hora* meis [Pont. iii. 2.]  
48 Tres cecidisse: *quibus*  
51 Tot tamen *amissos* te compensavimus *uno.*  
58                   *Lintea velle notis.*

\* Lege Ep. xvii. 2. (restitutum: vide infra Emend. ad Epist. xvii.)

- 60 Sanguinis et *animæ*  
 61 cui me *tu, lente*, relinques?  
 67 Si tibi *tam* reditus  
 78 Quæ mihi nescio quo non erit æqua modo.  
 80 Sed leviter dicas:  
 95 positis *secesserat* armis,  
 96 mente *negârat* opem.  
 98 At mea *pollicito* pondere verba carent. [vi. 110.]  
 100 Scilicet in *Domini*  
 112 gaudia *capta*:  
 115 Si quis *forte* roget (vel, si quis *nunc* quærat.)  
 124 laus tibi victa jacet?  
 132 *Præsentisque* oculos  
 Abjudicentur versus 61, 62.

## EPIST. IV.

- 3 Perlege *quicquid id est*. [MS. Dun.]  
 8 restitit ore sonus.  
 15 vorat igne medullas, [Liv. 134.]  
 16 Frangat sic animos [Met. viii. 508.]  
 24 Sarcinaque hæc humero (vel collo)  
 25 Ars fit ut a teneris *regimen*  
 26 Cui venit exacto tempore,  
 38 Cf. Ep. vii. 38. Met. iv. 404, vii. 387.  
 48 Quasque sub Idæo  
 53 *Pendamus* amorem;  
 59 *Tertius Ægides* [Ep. xvi. 328.]  
 67 Tempore, quo nobis  
 78 Ut levis egregio *navus* in ore decent.  
 79 Sive *fagacis* equi  
 81 Seu *lentum*  
 86 Non sum *materies digna vigore tuo*. [Ep. vii. 34.]  
 101 Nos quoque *jampridem*  
 123 quos tamen *olim*  
 128 Quem *fugat*  
 137 Nec labor est celare *virum*: pete munus ab *illo*. [Fast. iv. 149.]  
 141 per tenebras *duri*  
 149 humilisque *vocari*.  
 150 Heu! ubi nunc *status*, altaque verba? jacent.  
 151 At pugnare  
 155 *Depudiû*; profugusque pudor sua signa *reliquit*.  
 160 *Purpureum rapido* qui *vehi* axe diem?  
 169 Sic tibi (*venanti* [subaudi?])  
 170 Silvaeque *prædendas*  
 175 Addimus his *precibus lachrymis* quoque:  
 176 *Perlege*; sed lachrymas  
 Abjudicentur versus 175, 176.

## EPIST. V.

- 6 quod mihi *sidus* abest. [viii. 88.]  
 8 *Cui* venit indignæ [Ep. iv. 26.]  
 33 *Illa dies ater* miseræ mihi *luxit* : ab *illo*  
 35 *Quo Venus*  
 41 classe *parata*,  
 45 nostros *pressisti* flentis ocellos ;  
 62 æquoreiis *ille residit* aquis. [cf. x. 25.]  
 68 *Fæmineos* (vel *fæmineum*) vidi, corde tremente, *greges* (vel *gregem*.)  
 83 *Nec* tamen. MS. Rel.  
 89 *ibi* nulla parantur  
 121 *Vox erat* in cursu, etc.  
 125 Sit *facie* quamvis *præsignis*,  
 126 Deseruit *socios* hospite *capta*, *toros*.  
 141 rupi *prius*  
 152 Fertur, et *e* nostro

## EPIST. VI.

- 15 credentibus, *ipse*  
 18 *Officium*, maneo  
 24 *Venit et ut* tactum  
 29 timidumque *Deos* jurare coëgi.  
 37 *Restabat serpens* [Met. i. 700 ; ii. 655. Fast. v. 361.]  
 38 alternant spesque timorque *vicem*.  
 39 studio *cursum* loquendi,  
 40 Detegit *indicio* vulnera *nostra*.  
 (MS. D. *nra* ; MS. Rel. *facta* post rasura.)  
 52 pellere *transtra* manu.  
 55 virum *vidua* lectoque animoque recepi : [ii. 57.]  
 58 Implèsti lacrymis talia verba *suis* [Met. xiii. 586.—cf. xx. 76.]  
 63 *cadentibus* ora,  
 66 vento concava vela tument.  
 68 *prospicientur* aquæ. [v. 63.]  
 76 *Dedolet* atque ira [iv. 155. Art. ii. 55.]  
 77 quod *Iâsona* *perdam*.  
 78 *Hostia* pro damnis *concidet*  
 82 Non *expectato* [xii. 182.]  
 83 *Nec* facie meritivse placet ; sed *carmina* volvit.  
 87 obliquaque *fulmina* sistit.  
 88 vivaque saxa *trahit*.  
 93 male quæritur *istis*,  
 100 *Se* *volet* ; (MS. Dun.)  
 104 Aurea *Phryxæ* terga *revertit* ovis.  
 108 Quærat, et a *ripa*  
 (MS. *Pria* pro *ripa*)  
 111 cur non meus inde redisti. (MS. Rel.)

- 119 *Namque etiam* (vel *quin etiam* xv. 151.)  
 125 *Legatos quos* [iii. 127.]  
 130 *Viscera pignorum*  
 133 *adultera furto*. [43.]  
 140 *Quamlibet infirmis*. [Am. i. 7. 66.] (MS. Rel. iratis)  
 150 *abstulit illa tuas*.  
 152 *Juppiter, ille meis*.

## EPIST. VII.

- 4 *averso vomimus ista Deo*.  
 11 *Nec mea Carthago*,  
 12 *nec scepro tradita Byrsa tuo*.  
 15 *Ut tamen invenias*,  
 17 *Altera habenda uxor tibi restat*,  
 33 *En ego* [cf. Ep. iii. 7.]  
 37 *elataque rupibus altis*  
 40 *adversis flatibus* [xviii. 211.]  
 45 *Non ego sim tanti*,  
 52 *Et, nisi duritie*  
 53 *Quid? quasi nescieris*,  
 54 *Expertæ toties tam male*  
 55 *Ut pelago suadente viam* [Met. xiii. 14.]  
 56 *Multa etiam lætus*  
 60 *Udu Cytheriacis* [sed vide Amor. i. 14. Trist. ii. 527.]  
 63 *Vive procul*.  
 71 *Quicquid erit totum merui* [Am. ii. 14. 33.]  
 75 *Nec mihi tu cura*  
 82 *Primave plector ego*.  
 87 . . . . *Quin te mea munera damnent* MS. D.  
 89 *Syrtibus ejectum*  
 97 *Cod. Dun. Exige læse pudor pœnas violataque lecti Jura nec ad cineres*  
*fama retenta meos Vosque mei manes animæ cinisque* (leg. *umbraque* B.)  
*Sichæi Ad quas me miseram*. [Sic et Cod. Reg. cit. ab N. H.]  
 105 *Da veniam fassa*; MS. Dun.  
 113 *Occidit Hecæas* (vel *heu! Tyrias*)  
 116 *Et feror in dubias* (x. 62. xvi. 22.)  
 117 *Adplicor his oris*  
 119 *laxæque patentia jeci*  
 122 *Vixque rudes populos Martis ad arma paro*.  
 127 *manus impia poscit* [MS. Rel.]  
 140 *Punica neu Teucris* [MS. Dun.]  
 147 MS. D. *Ut moveas velo que tuas remoque carinas* (*Ventoque tuas* MS. Scriverian.)  
 150 *avectas Pygmalionis opes*.  
 152 *sceptraque regna tene*. [MS. D.]  
 160 *Hactenus et damnis* [xv. 156. Fast. v. 161.]  
 168 *Dum tua sim Dido quodlibet esse feram*.

- 169 Afrum *plangentia* littus:  
 175 *Lacerataque* classis  
 179 Dum freta *mitescant* MS. D.  
 180 Fortiter *ediscam* MS. D.  
 193 *Et consumta* rogis,  
 194 in tumuli *marginē*  
 196 concidit *icta* manu. [MS. D. vide Fast. iii. 550.]  
 Versibus 7, 8, 9, 10, 12, notulas interrogationis adjungit, recte: vv. 85,  
 86, 87, 88; 97, 98 abjudicentur.

## EPIST. VIII.

- 5 Quod potui, *tenui* [MS. Coke; vel *feci* MS. Dun.]  
 21 vidua *flevisset* in aula;  
 22 mater ut ante *reæ* (vel *sibi*)  
 24 Nec *vires* Danaï militis: [Met. xviii. 7.]  
 31 *meritis* gravis auctor et annis,  
 33 Ut pater *Æacidæ*  
 34 Plus *patre* quo prior est ordine, *pollet* avus. [xix. 76.]  
 39 genere *concedet* amorem: [MS. D. MS. Rel.]  
 48 Si *medios* numeres, (xvi. 174.)  
 52 sed data *nempe* tuo.  
 59 quidquam ne *objecit* Oresti?  
 65 Num generis *fato*, quod nostros *durat* in annos, [vii. 111.]  
 73 ab hospite *victa* (vel *rapta*.)  
 79 etiam *tunc* scissa (MS. Dun. tum scissa MS. Rel.)  
 84 facta *proterva* *parens*. [MS. Dun.]  
 88 Quodve *mihī miseræ*  
 100 quæ *tua* nata foret  
 104 *Muneris* hoc nobis  
 107 Mox ubi me *thalamus*  
 Abjudicentur vv. 21, 22.

## EPIST. IX.

- 1 titulis *accedere* *vestris*:  
 3 Fama *Pelasgiacas* (MS. Dun.)  
 4 *Discolor* et  
 10 Non *satis* ut tantus  
 12 Sustulit hæc *humilis*.  
 15 tibi se *tuta* æquora debent:  
 20 Si *maculas turpi* facta priora *nota*?  
 29 *veniunt* ad aratra *juvenci*,  
 35 *studiis* operata *pudicis*,  
 47 Nec *mihī*  
 51 *Teuthrantia* turba  
 52 nulla *relicta latet* (MS. Dun.) Nulla *relicta tibi est* (MS. Rel.)  
 53 *narratur* adultera nobis  
 55 Mæandros, *toties terris* *errator* in *isdem*,



- 56 Qui lapsas  
 58 Collo, cui cœlum  
 61 *Nemeæa* lacertis  
 77 *deducens* pollice fila,  
 78 Et data famosæ MS. Dun.  
 79 *digitis dum torques grandia duris*, [x. 90.]  
 83 *Ezimiis pompis immania semina laudem* MS. D.  
 84 Factaque narrabis  
 86 Infantem nodis  
 87 Ut *Tegeæus* aper *Cyparissifero* [MS. D. *Cuperissifero*]  
 88 *Incubuit*, vasto pondere læsit MS. D.  
 97 *dextrumque* lacertum,  
 104 *bina tropæa* viro.  
 110 *amica tua est*.  
 111 *costis exuta leonis*.  
 120 En venit ad *visus omnis* ab aure dolor.  
 123 *mediam carpenta* per urbem [Fast. 619.]  
 124 *adspicienda vehunt*.  
 125 *Nec venit incomitis*,  
 126 Fortunam *vultu fassa tegensve suam*. MS. D.  
 129 *sublimis at Hercule victo*:  
 133 *atque Inachii* [vel *Aonii* Met. ix. 112.]  
 134 *fœdera junget Hymen*.  
 141 *lotifero Eveno*  
 143 *referenti nuntia venit*  
 149 Et quid adhuc (MS. D. *En* MS. Rel.)  
 150 *mors mea pignus erit*.  
 156 *vivus in igne perit*.  
 160 Ne videar *festis* [x. 6.] vel *thoris* (MS. D.) *insidiosa tuis* (MS. D.)  
 163 Illita *Nessæo*.  
 Abjudicentur vv. 17, 18; 61, 62; 74, 75; 81, 82; 135, 136.

## EPIST. X.

- 3 *Quam legis*,  
 8 *Spargitur, et tactæ rore* (Fast. iv. 166.)  
 9 *Incertum vigil anne a somno*  
 10 *Thesea prensuras*  
 16 *rupta coma est*. (MS. D.)  
 21 *Interea toto clamavi*. (MSS.)  
 26 *Nunc scopulus* (MS. D. *Hinc*. MS. Rel. *Hic*.)  
 31 *Ut vidi, aut etiam cum te vidisse putarem*, (MS. D. *me*.)  
 40 *Jactatæ longé* MS. D.  
 45 *quam me mala lumina flerent* (MS. D. *Te* mea MS. R.)  
 46 *Postquam desierunt*  
 69 *Nam pater et justo tellus* MS. D.  
 70 *nomina hinc*,

- 73 *Tum mihi* (vel *tunc mihi*. MSS.)  
 75 *si modo vivo* (vel *vivit*.)  
 86 *Quis scit, an hæc sævâ tigride sylva vacet.*  
 96 *Destituor rabidis* MS. Rel.  
 104 *sæpe relecta manus!*  
 106 *bellua planctit humum,*  
 110 *Illic, qui silicem,*  
 111 *Crudeles somni, qui me*  
 115 *Destraque crudelis, qui me fratremque necasti:*  
 116 *Quæ data*  
 120 *Nec mea quæ digitis*  
 126 *Cum steteris turbæ celsus in ore tuæ,*  
 141 *quod jam cesserit, adoro.*  
 143 *Sed ne pœna quidem, sim non ego causa salutis.*  
 Abjudicentur vv. 1, 2; 45, 46; 85, 86; 95, 96; 145, 146, 147, 148.

## EPIST. XI.

- 1 [*Forsan*] *Si parvæ cæcis extabant scripta lituris;*  
 10 *Spectâret siccis*  
 46 *Plenaque luciferos*  
 61 *Germani nupta futura es.*  
 65 *Quid mihi grataris?*  
 77 *tæbentia* (vel *languentia*) *membra videres.*  
 80 *Et vix a miseræ*  
 89 *silvas immitis in altas.*  
 106 *Amissæ memores.*  
 111 *rabidarum præda ferarum.*  
 Abjudicentur vv. 1, 2.

## EPIST. XII.

- 6 *Produxi vitam*  
 16 *cornuaque unca boum,* (vel *armaque adunca*.)  
 17 *totidem jecisset et hostes:*  
 29 *Accipis si hospitio* (vel *accipis hospitio*)  
 53 *Quam tibi tunc longe*  
 54 *nata Cræontis erat?*  
 63 *adversaque in ora jacentem*  
 65 *petit altera, et alter habebat.*  
 69 *Sunt in eo, fuerintque diu,*  
 75 *juvet ista potestas;*  
 80 *Per quoscunque alios*  
 87 *Conscia scit Juno,*  
 92 *Si cito*  
 93 *Jungis ænipedes*  
 101 *Insopor ecce vigil, squammis, etc.* [ut Puteanus.]

- 110 *Nomen in exilio quodlibet esse tuli.* [vii. 168.]  
 118 femina, jamque nocens.  
 125 Quæve vomit  
 137 Ut subito nostras *Hymenaus clarus* (vel *lætus*.) Lucret. i. 97.  
 139 genialia carmina [fortasse. Sed vide xxi. 155.]  
 141 scelus esse patebat [xxi. 155.]  
 149 casu studione videndi  
 151 Hic mihi, Mater, adi; (vel *ades*)  
 152 Ducit; et adjunctos  
 163 *Serpentemne* igitur [cf. v. 190.]  
 199 Dos ubi, si quæris:

## EPIST. XIII.

- 15 abreptaque vela tetendit;  
 43 *Dyspari* Priamide,  
 50 Et sua det *reducis* [MS. Dun.] vir meus arma Jovi. [Cf. v. 144.]  
 53 Simoisque, et *Xanthus*, et *Ide*,  
 55 nisi si defendere posset,  
 57 lato spectabilis auro, [ix. 127.]  
 60 pars quotacumque sui?  
 61 *Illis* te victam, consors *Ledei* gemellis,  
 65 si sum tibi cura, caveto.  
 69 Et tacitus dicas,  
 71 Si cadere Argolico *fatum* est  
 72 vulnus habente, *cadet*.  
 74 Et rapiat *Paridi*, quod *Paris* ante sibi. [MS. Dun.]  
 76 *Dispar* caussa tua est [MS. Dun.]  
 83 quam pugnat amare.  
 87 Cum *laribus* velles  
 104 Tu mihi luce precor, (vel *memor*,) tu mihi nocte, *veni*, (vel *venis*.)  
 116 *Languida* nequitia  
 121 narrantia labra *resistent* (vel *resistunt*.)  
 122 lingua *refecta* mora. [Cf. *Fast.* iv. 610.]  
 135 Sed quid ego has *revoco*? *revocaminis* omen abesto,  
 137 quamvis lacrimosa suorum  
 140 *Dardanaque* arma dabit.  
 159 Per *reditus*, corpusque tuos,  
 162 Tu tecum  
 Abjudicentur vv. 1, 2.

## EPIST. XIV.

- 4 Est mihi supplicii caussa, fuisse *piæ*.  
 14 non est, quam piget esse *piæ*, (vel *piam* MS. Dun.)  
 22 [Sic MSS. Dun. Rel. recté: ex. v. 77.]  
 23 magni sub *templa Pelasgi*;  
 \*\*

- 36 Et tamen audieram ;  
 42 Quæque tibi dederam [MS. Dun.]  
 47 At rursus monitis jussuque coacta parentis. [MS. Dun.]  
 49 Et timor  
 83 Abstrahor a patriis laribus ; (vel manibus MS. Dun.)  
 93 miraris in undâ ? [MS. Dun.]  
 100 durâ (MS. Dun. vel uddâ) nuda recumbis humo.  
 107 Per septem Nilus portas.  
 109 mihi cana vetustas  
 112 ejectas (MS. Dun. vel ejectos, MS. Dun.) ultimus orbis habet.  
 128 Sculptaque sint titulo [MSS. Rel. Dun.]  
 Abjudicentur, vv. 109, 110.

## EPIST. XV.

- 4 unde movetur opus ?  
 8 barbitos illa meas.  
 11 Arva, Phaon, celebras  
 17 mihi crede Gyrinno :  
 19 quas nec sine crimine amavi.  
 32 damna repende meæ.  
 33 Sim brevis ; [xvii. 13.]  
 49 confusa voluptas,  
 53 Aut vos erroneam  
 63 Carpsit opes [Pont. iv. 8. 32. et 9. 22.] frater, vinctus [xx. 86.]  
 66 Quamque male amisit, tam male quærit opes.  
 75 nullum est in cruribus aurum :  
 83 artisque magistra ;  
 89 Hunc si conspiciat, quæ conspicit  
 92 Sed videt  
 134 Sine me non licet esse tibi. [xix. 57.]  
 157 vitroque magis perlucidus omni,  
 162 Naias uda meos.  
 178 Et mea non magnum  
 185 miseram me mittit ad oras,  
 191 Ah quanto melius  
 202 Desinite ad citharæ verba venire meæ.  
 211 votiva paramus  
 212 Munera ; quid crucias  
 Abjudicentur vv. 219, 220.

## EPIST. XVI.

- 1 Hanc tibi Priamides mitto, Ledæi, salutem ;  
 15 Quæ rata sit, [MS. Dun. : i. e. spes. Bent.]  
 29 Nec nos huc adpult error. [MS. Dun.]  
 33 Nec venio Grajas, tentus (vel tanquam MS. Dun.) spectator,

- 39                   sicut *Apollinis* arcu
- 45 Illa sibi *in partu*
- 53 Est locus in *mediis nemorose vallibus Idæ* [Am. i. 14. 11.]
- 69 Arbitr es *nudis*: [xvii. 116.] (vel *sumptus* [Met. iii. 132.] )
- 75                   *judexque querebar,*
- 76                   *causam posse tenere suam.* [xvii. 244.]
- 83 Dulce Venus risit, *ne te, Pari,*
- 87                   *donis formâque probatis,*
- 91 *Læta domus, nato post tempora*
- 96                   *cura dolorque (vel laborque) fui.*
- 99                   *oculis animi*
- 100                  *vincta sopore jacent.*
- 101 Quid *facere* præsens,
- 102                  *tam procul ignis erat.*
- 113 Qua tamen ipse *vehar,*
- 114                  *Dea picta tui.*
- 117 At pater et genetrix
- 133 Ut vidi, *ut stupui* ;
- 134                  *incaluisse novis.*
- 143 *Crede sed hoc nobis ?*
- 145                  *quam quod promiserat illa :*
- 153                  *caput hoc cervice recisa, (vel cruenta MS. Dun.)*
- 167                  *stulte legisse fatebor :*
- 175 *Regna parens Asiæ,*
- 185 O *quotiens* dices,
- 186 Una domus *quævis* [MSS. Dun. Rel.]
- 205                  *socerum Titana fugantem*
- 206 *Numina ; qui trepidis a dape vertat equis.*
- 221                  *quidne [MS. Dun.] enim non omnia narrem :*
- 241 Ah quoties *aliquem* [MS. Rel.] narravi potus *amorem,*
- 249                                  *tuamve*
- 256 Et modo per *nictum* [Met. iii. 460. Ep. xvii. 82.]
- 267                  *audacia fortiter isset : (vel protinus iret:)*
- 274 *Alet hic Tænaria*
- 277 Hoc mihi, nunc *recolo*
- 295                  *quæ corriget hora jugalis : [MSS. Dun. Rel.]*
- 298 Neve *sui furtis*
- 301 *Risit et Idæi (vel Esset et Idæi : MS. Dun. cum Put.) cum jam tibi [MS. Dun.]*
- 304                  *hospitis ulla tui*
- 305 Hunc *cine tu credas*
- 307                  *hic, si bona magna putaret*
- 308                  *crederet ille viro.*
- 309 Ut *nec mutua vox,*
- 320                  *in stata jura tuis, (vel in tua jura meis,)*
- 328                  *enumerabor ego. (MS. Dun.)*
- 336                  *totaque Troja, (vel Trojaque tota [MS. Rel.] v. Penel. v. 2.)*  
*dabit [MS. Dun.]*

- 340 Græcia mota suas.  
 341 Tot prius abductis, *œquæ*  
 343 *Erethida* Thraces :  
 353 quam *Graia* copia terræ : [i. 47.]  
 371 Nec tamen *indignum est* pro tantâ sumere *bellum*  
 Abjudicentur vv. 39, 40; 49, 50. Post v. 50 plura desunt. MSS.  
 Dun. Rel. et alii omnibus a 39 ad 143. versibus carent.  
 Dubitat Bentleius an Ovidius hujus epistolæ sit auctor : vide Cl.  
 Burmanni notulam ad v. 13.

## EPIST. XVII.

[Versus duos, quos ad calcem paginæ 224tæ adscriptos habemus, restituit Bentleius, ut Puteanus.]

- 7 diversa quamvis *de gente venires*,  
 15 Si non est *acto* [MS. Dun.]  
 16 Nec sedeo *torvis dura* (MS. Dun. vid. xvi. 287. lege, *Nec sedet in torvis cura superciliis* ;)  
 19 quæ sit fiducia *capto* (*capti* MSS. Dun. et Rel.)  
 29 non his *contentus abisses*,  
 30 similis non fuit ille *tibi*.  
 35 (quis enim *irascetur amanti*?) [MS. Dun. pro interpretatione.]  
 37 non quod fiducia *desit*,  
 41 *formosaque rara pudica est*.  
 54 *Tyndaridæque decus* ;  
 58 Cumque suo *Priamo*  
 61 *potentia terræ*, [xvi. 175.]  
 66 Ut *possent ipsas*  
 71 sic *acceptissima quondam*  
 73 quod sum tibi *caussa doloris*,  
 79 *proxima nostis*  
 83 Ut sæpe *extimui*,  
 90 sic *ego posse loqui*.  
 95 Altera *sed potius* [MSS. Dun. Rel.]  
 102 *nec* [MS. D.] *minus* [MS. R.] *oris, adest*. [MSS. Rel. Dun.]  
 107 *præceptaque prædia serus*. [xx. 143.]  
 109 Ut tamen *optarem fieri tibi, Troice, conjux*, [MS. Dun.]  
 110 *Invitam non me sic*  
 113 *natura tueri* : [MS. Dun.]  
 115 *altæ collibus Idæ*  
 119 *celestia pectora possum*  
 127 Sed nihil *inficior* : (vel *infirmior*, vel *offendor*, ut MS. Dun.)  
 128 Nam *cur vox, animus quod*, etc. (vel nam *mea meus*)  
 137 *sed amare recuso*  
 140 quam *locus ipse negat*  
 141 Sum *rudis ad furtum Veneris* [MS. Dun.]  
 147 *Ipsa virum metuo, jam nunc*, etc. [MS. Rel.]

- 157 Aut mihi sic *visam* est; ego, *dum* dubitaret,  
 167 *Forma* quoque  
 168 *Laudatur vulgi*, justius, etc. [v. 174.]  
 170 verba dedisse *fiat*.  
 185 *Quod bene* persuades, utinam bene cogere *posses!*  
 186 *Sic mea* (MS. Rel. vel *Tunc mea*, MS. Dun.)  
 188 *Sic certe felix ipsa* (MS. D. vel *esse*, MS. Rel.) *coacta forem*. [MSS. Rel. Dun.]  
 190 *residet aqua*.  
 193 testis Minoïa virgo [*deleto r̄p* est]  
 194 *lesa toris*. (237. vel *pacta* MS. Dun.)  
 196 *Disseruisse* (MS. Dun. vel *destituisse* MS. R.) tuam.  
 197 *Non tamen* [MS. Dun.]  
 206 *Laomedontis eam?*  
 211 Priami quid *sentiat* uxor; [MSS. Dun. Rel.]  
 213 quī poteris *fore*  
 226 me tenet *ipso modo*.  
 227 *succuret* in oris?  
 228 Unde petam *fratres*,  
 232 *Chalciopeve* soror.  
 252 *dissidet ipsa tuis*. [MS. Dun.]  
 253 *quam sunt* tua corpora Marti. [MS. Dun.]  
 256 *altera danda tuis*.  
 259 *sapiam* fortasse,  
 261 *præsentes ista* loquamur; [MS. Dun.]  
 264 *Nec mora fit*  
 265 *captivæ conscia* mentis [Am. i. 2. 30.]  
 VV. 109, 110. *abjudicentur*. A MSto Rel. *abest* hoc distichon; in Dun. post sequens ponitur.

## EPIST. XVIII.

- 2 *Sesti puella*, tibi.  
 5 cur mea vota *morantur*,  
 6 nec *patiuntur a quâ?*  
 17 Forsitan *admotis etiam* tangere *libellis*;  
 31 *vigilantia turri*,  
 42 *incaluisse neges*.  
 43 *Gaudia capturo*  
 50 *prope litus abest*.  
 53 Interea, dum *vera* negant  
 54 *Guadia* prima mei. [v. 107.]  
 56 Cum *laribus patriis* [xiii. 87. Rem. 237.]  
 63 *Non sinat* (MS. Dun. vel *non sinit* MS. Rel.)  
 70 *ipsa vide*. [MSS. Dun. Rel.]  
 76 *Sponte* ferebar *aquas*.  
 79 *Nullaque vox usquam* nostras veniebat ad aures,

- 84 *Fortior* in summas  
 119 Si qua fides, *videor* veniens ad te esse nator;  
 121 Hoc quoque *mī* credas;  
 125 Hei mihi! cur *animis* juncti  
 135 nisi sic *iterante*, querebar: (iterare MSS. Dun. Rel.)  
 142 *nomine* crimen habet.  
 144 *tergore* vexit ovis.  
 147 *Parte* queror nullā: (Am. ii. 12. 14. MSS. Dun. Rel. ut vulg.)  
 149 *Nec sequor* [MS. Dun.]  
 152 *Quæve* (vel *quaque* MS. D.) micat  
 153 At mihi, *quam* Perseus aut cum Jove  
     *quas* Perseus et cum  
 156 Non *errat* in tenebris  
 160 *Morsaque* quem *subitum* [Met. xiii. 943.]  
 171 Hic es, at exiguum misero  
     *Huic est, quod raro* misero [MSS. Rel. Dun.]  
 174 Nunc minus *hæc* [xix. 142.]  
 177 Quo *propior* nunc es,  
 186 *Et* [MS. Dun.] ventis et aquā spes *mihi*  
 187 *Æstus* adhuc tamen est. *quid erit cum læserit* [MS. Dun.]  
 197 Optabo *tantum*, ut partes *extollar* in illas; [MS. Dun.]  
 203 Desino; parce quæri. sed ut *hanc* mare *desinat* iram, [MSS. Dun. Rel.]  
 211 *flatibus* ulla: [vii. 40.]  
 213 *vestrique* lacerto; (MS. Rel. pariter, ut vulg. MS. Dun.  
     *tenerique*)  
 Abjudicentur vv. 1, 2.

## EPIST. XIX.

- 11 aut unctæ *mane* palæstræ:  
 18 Plus quoque, quam *credi*  
 21 Aut *freta* prospiciens,  
 29 Utve (MS. Dun. *Usque* MS. Rel.) rogem  
 32 *Hellespontiacas* ponis iturus *aquas*? [MS. Rel.]  
 35 *lumina turri* (vel *tacto* MS. Rel.)  
 36 *assiduæ* signa notata viæ.  
 41 Jam putes *cepisse*  
 42 An vigilant *homines*?  
 49 *tactis* perfeci stamina *terra*, [MS. Dun.]  
 70 lente *morator*, abes?  
 71 Est mare (confitetur) *non nunc*  
 77 *pacati* forma *profundi*:  
 81 lenta *sonantes*,  
 82 *Stare* precarer *aquas*.  
 89 quove illa *audacia* fugit?  
 92 per mare *cautus* iter. [xviii. 110. 290.]  
 100 *Thressa* puella *viro*. (MS. D. toro MS. Rel. ut vulg.)



- 105 *Vulnere morior isto*: [MS. Dun.]  
 116 *Caussa que sit certè*  
 117 *Quod si qua*  
 118 *Jamdudum pecca,*  
 133 *Ceyceque et Antonoe nata*, [MS. Dun.]  
 151 *Sternuit en lumen*:  
 153 *medios dum stillat in ignes*:  
 161 *Ire libet medias*  
 169 *Atque ita uterque*  
 171 *clam cogit amore,*  
 180 *sit passibus ire, natas.*  
 183 *Arte laboratæ merguntur*  
 207 *Spes tamen est stratis* [vii. 49.]  
*Abjudicentur vv. 29, 30; 65, 66; 147, 148.*

## EPIST. XX.

- 4 *Qui meus est, ullà parte dolere tui*. [MSS. Dun. Rel.]  
 13 *Nunc quoque idem cupio*:  
 15 *nec tempore longo,*  
 23 *nisi uti tibi jungere runi?*  
 24 *Id te, quod quereris*, [vi. 24.]  
 27 *(si quid tamen egimus) arte* [MSS. Dun. Rel.]  
 33 *mittoque precuntia verba.*  
 36 *caveas te* [MS. Dun.] *licet ipse peti.* [MS. Rel.]  
 38 *Scripta mibi astutè*  
 46 *Quæ tibi, si credas,*  
 48 *Inque mei cupido* [MSS. Dun. Rel.]  
*Inque meo cupidi*  
 67 *Invidiam patior*:  
 70 *nepe secuta suum.*  
 74 *sit modo facta tui.*  
 77 *Utque solent famulæ,*  
 87 *Cum bene se, quantumque voles,*  
 93 *Hoc quod amor jussit, scriptum est injuria nostri*: [MS. Dun.]  
 95 *Nec meruit*  
 101 *Testis erit (vel adest MS. Dun.) Calydon; nempe aper; nescimus an illa*  
 113 *Inde fit, ut, quoties hanc fallere* [i. e. fides.]  
 120 *Quique subit niveo lenis in ore rubor.* [MS. Dun.]  
 121 *Hostibus et si quis,*  
 127 *In caput hoc*  
 134 *adsideoque toro.*  
 143 *nostras decerpere messes?* [MS. Dun.]  
 144 *Ad spes alterius* [MS. Dun.]  
 155 *Nam quod habes et tu thalami*  
 159 *hæc se juravit amanti.* [MS. Dun.]  
 161 *Hic metuit mendax, hæc et perjura vocari.* [MSS. Dun. Rel.]

- 162 *An dubitas, hic sit* [MSS. Dun. Rel.]  
 172 *Ad te, Cydippe,*  
 176                   *qui movet ille, cadat!* [MSS. Dun. Rel.]  
 183 *Ut valeant alii, ferrum patientur* [MS. Rel.] vel *patientur* [MS. Dun.]  
 188 *Exciderant animo foedera pacto tuo.* [xxi. 101.]  
 189                   *modo casibus istis; [xxi. 99. Am. ii. 1. 10.]*  
 193 *Audiet; hæc,*  
 204                   *dum facit ipsa Deæ.* [xxi. 93.]  
 212 *Esse reor vinctam,*  
 219                   *qui sim qualisque, jubeto:*  
 223                   *si generosa probabis* (MS. Dun. *probatis* MS. Rel.)  
 226                   *me tibi jungat amor.*  
 228                   *talis habendus eram.*  
 235                   *data signa salut [is?] [xvi. 90. rata signa.]*  
 242 *Clausula consueto*  
       [Vide quæ diximus ad finem sequentis Epistolæ.]

## EPIST. XXI.

- 16 *Tabida vix cubito membra levare puta*  
 23 *Cumque venire videt,*  
 25 *Sicut erant,*  
 26 *Et tegitur tepido*  
 28 *Quantus sis nobis,*  
 29 *Quo peream,*  
 38 *Perditis; et proprio [v. 58.]*  
 44                   *corporis ardor adest:*  
 49                   *contendit: at alter*  
 55 *Dic mihi, solitoque*  
 67                   *deducta est tempore (vel sidere) navis,*  
 89                   *et crinibus aurum:*  
 91                   *quibus insula grata est,*  
 113 *Luminaque in gremio, vel humo defixa,*  
 127 *More proci solito*  
 135                   *nil nos juravimus illa;*  
 144                   *isto more legendus erat.*  
 149 *Major es hoc*  
 165 *Projicit ipse sua deductus [Am. i. 6. 67.]*  
 167                   *lætum consistere turba:*  
 168                   *transit in ore color*  
 180 *A'que tua est (vel áve)*  
 186 *Non tua sit,*  
 198 *In dextrum vertor,*  
 199 *Nec loquor, et clauso (vel dempto)*  
 205 *At mihi signa foret;*  
 213                   *anne ut miserabile corpus,*  
 227 *Sed tamen adspicias vellem, quod et ipse rogabas,*

- 228 *Aspicias sponsa:*  
 229 *Durius et ferro nisi si tibi*  
 234 *vocis habere fidem.* [Fast. iv. 58. 141.]  
 235 *Hoc Deus, hoc vates, hoc edita carmina dicunt:*  
 239 *partes sequor ipsa Deorum:*  
 240 *victas in tua jura manus.* (Am. i. 2. 20. vel *victas utilitate manus.*  
 Trist. i. 3. 88.)  
 Abjudicari videntur vv. 247, 248. Bentleio, sicut et Burmanno, ultimæ  
 duæ epistolæ ab Ovidiana vena non fluxisse videbantur.

## AMORUM LIBRI PRIMI

## ELEGIA I.

- 7 *Quid? si præripiat rava Venus arma Minervæ,*  
 8 *rava Minerva faces?*  
 13 *Sat tibi*  
 18 *proximus ille suos.*  
 22 *spicula nata meum:*

## ELEGIA II.

- 3 *Et vacuan*  
 12 *Et rursus nullo*  
 13 *quos habet usus aratri,*  
 14 *Detrectant prensi*  
 20 *ad tua crura manus.* [Ep. xx. 78.]  
 25 *populo comitante triumphum,*  
 48 *tigribus ille suis.*  
 52 *Quæ vicit,*  
 Abjudicentur versus 25, 26.

## ELEGIA IV.

- 5 *Alteriusque sinu dextram subjecta*  
 7 *Desino mirari,*  
 15 *Cum premit ille torum, et vultu*  
 36 *Tolle nec in rigido*  
 38 *nulla dedisse velim.*

## ELEGIA V.

- 1 *Æstus erat, sextamque*  
 11 *famosa Semiramis isse*

\*\*\*

## ELEGIA VI.

- 15 Te nimium *quantum* [cf. vv. 41. 72.]  
 25 Excute : sic *quondam*  
 43 cum, te *celante*, solebam,  
 54 *pande fores*.

## ELEGIA VII.

- 13 *Quin formosa fuit* ;  
 24 *Utiliter potui*  
 29 *media de plebe Quiritem*,  
 33 *profitebar amare*,  
 37 *comitantum turba sequetur*,  
 46 *Et nimium*  
 47 *leniter orâ*

## ELEGIA VIII.

- 13 *versam volitare per umbras*  
 16 *lumen ab orbe micat*.  
 19 *Hac sibi* [v. 6.]  
 37 *spectabis ocellis*,  
 49 *volutilis ætas*:  
 53 *Forma, nisi adjutes*, [Art. iii. 105. Met. ii. 732.]  
 54 *Nec satis in sumptus unus amator habet. (vel erit.)* [Cf. II. 10. 12.]  
 64 *Respice, gypsati*  
 65 *circum atria ceræ*.  
 67 *Qui quia pulcher*  
 72 *sibi constet honor*.  
 85 *perjura esse timeto*.  
 86 *Commodat in lusus* [Ep. xx. 11.]  
 96 *jurgia, durat amor*.

## ELEGIA IX.

- 13 *timidus caussabitur Euros*;  
 32 *maestus Achilles*.

## ELEGIA X.

- 5 *errabat in agris*,  
 27 *vacca reposcit* :

## ELEGIA XIII.

- 14 *Et miles serus aptat* [cf. Pont. iii. 4. 62.]  
 23 *poscunt cessare lacerti*,

- 37 quia *grandior ævo*,  
39 At si quem *thalamis*

## ELEGIA XIV.

- 54 *vellera* digna loco.

## ELEGIA XV.

- 25 Tityrus, et *segetes*,  
26 dum caput orbis *erit*.

## AMORUM LIBRI SECUNDI

## ELEGIA I.

- 15 cum Jove fulmen *habebam*,  
18 *Juppiter* ipse meo.  
19 *Juppiter*, ignoscas:  
30 Quid pro me *Ajaces*

## ELEGIA II.

- 11 *servare labores*,  
20 postmodo notus *erit*.  
Post verba *velis* [v. 17] *times* [v. 18] *secum* [v. 19] *ignotus* [v. 20] et *visere*  
[v. 22] notulæ scribantur interrogativæ.

## ELEGIAM III.

elegiæ prioris partem esse videtur.

## ELEGIA IV.

- 5 *odisse*, quod odi.  
9 *invitet* amores.  
17 Sive *est* docta, *placet*.  
18 Sive rudis; *sapior* simplicitate *sua*.  
23 *altera dure*  
24 *mollior ire viro*.  
25 *Huic* quia

## ELEGIA V.

- 16 *Nictibus* in vestris

- 27 nec *Phæbo ferre Dianam* ;  
 34 venit in ore rabor,

## ELEGIA VI.

- 6 guttura vestra tubā.  
 8 Expleta est numeris [v. 40.]  
 9 divertere funus.  
 21 hebetare *Smaragdos*,  
 39 Optima quæque fati manibus rapiuntur acerbi ;

## ELEGIA VII.

- 17 sollers ancilla Cypassis, [vide v. 23. et cf. Am. i. 8. 87. ii. 19. 41.]  
 21 Quis demens  
 23 operosa capillis ;  
 24 apta ministra manus.

## ELEGIA VIII.

- 2 Comere sed ominas [Am. iii. 13. 18. sed v. 4.]

## ELEGIA IX.

- 8 *Confixum medicā*  
 9 capta reliquit :  
 23 merui sub *Amore*, puellæ,  
 36 Hic tibi sunt vires : hic tua dextra valet.  
 45 modo jurgia nectat.

## ELEGIA X.

- 9 Auferor, ut [ii. 4. 8.]  
 32 Miles, ut æternum  
 38 Conveniens voto mors fuit ista suo.

## ELEGIA XI.

- 6 Argo funestas mersa  
 12 Una est in toto cærulea forma mari.  
 17 At vobis alii

## ELEGIA XII.

- 12 nominis alter habet. [Trist. v. 9. 32.]

## ELEGIA XIII.

- 5 *Et tamen*  
 10 *Per septem portas*  
 14 *Et comes in pompa*

## ELEGIA XIV.

- 10 *Gens hominum subito*  
 33 *quis vos irritat Tason*  
 Hanc etiam præcedenti adjungit Elegiam noster, et vv. 27, 28. abjudicet :  
 vide v. 3.

## ELEGIA XV.

- 11 *Tunc ego, si dominæ libeat tetigisse papillas,*  
 14 *Inque sinum magica*  
 24 *per pereuntes aquæ. [Art. iii. 335.]*

## ELEGIA XVI.

- 27 *Quod si Neptuni (etc. ut vulg. vel)*  
*Quod si navigium ventorum prælia vincit,*  
 28 *Et subventuras auferet unda trabes ;*  
 39 *Choleosve feros, viridesve Britannos,*  
 40 *Quæve*  
 46 *ventus et aura ferunt.*  
 Abjudicentur vv. 31, 32.

## ELEGIA XVII.

- 26 *Non erit hic vobis*

## ELEGIA XVIII.

- 3 *Nos, Macer, ignava*  
 29 *signum cognovit Ulixei.*

## ELEGIA XIX.

- 13 *Ah quoties fingens culpam, quoniamque libebat,*  
 14 *Insonti speciem*

## AMORUM LIBRI TERTII

## ELEGIA I.

- 7                   Elegia *pea* capillos:  
 9                   *vultus* amantis: [Art. i. 730.]  
 10 *Et* pedibus  
 13                   late regale *movebat* :  
 22                   *furta* pudore refers.  
 25                   cane *fata* *potentum* :  
 40 *Obruet* *exiguos* regia *vestra lares*.  
 43 *Rustica* sit  
 56 *Ancillæ* *miseram*  
 60 *Munus* *habes*,  
 64                   *magnus* in ore *sonus*, (deleta parenthesi.)

## ELEGIA II.

- 5 *Tu currus* [Trist. iv. 2. 63. Art. iii. 634.]  
 8                   contigit esse *tibi* ;  
 20 *Hæc mihi* lege loci [Art. i. 142.]  
 25                   *jacent* tibi *pallia terra*. [Art. i. 153.]  
 70                   *proximus* axe *subi*.

## ELEGIA III.

- 4                   postquam numina *læsit*, habet.  
 6 *Ante fuit* : niveo *nuncet* in ore rubor.  
 11 *Scilicet æterni* [Rem. 688.]  
 14                   *en* doluere mei.  
 17 *Sat* non invidiæ  
 20 *Et* *mecum læsor*  
 33                   imponere *curat* ?  
 35 *Juppiter* igne *suos* *lucos* *jaculatur* et *aras*, (vel *ades*.)

## ELEGIA IV.

- 20                   *nempe* *sefellit* Amor.  
 29 *Non* *proba fit*,

## ELEGIA V.

- 19                   *adimente* *ferendis* [iii. 6. 70.]  
 26 *Sed* *niger* in *vacuo* [Met. i. 520.]



## ELEGIA VI.

- 46 *pomifera arva rigas.*  
 78 *Nescis famosus, (aliter famosæ,) qui notet ora, rubor.* [Met. iv. 329. vi. 46.]  
 85 *latis spatiosior undis,*

## ELEGIA VII.

- 15 *et inutile signum :*  
 21 *pias Romana sacerdos* [Fast. iii. 9.]  
 41 *Illius ad tactum Pelias*

## ELEGIA VIII.

- 25 *nos scimus inermes,*  
 59 *avidi liceantur amores ;*  
 60 *Quod satis est,*

## ELEGIA IX.

- 23 *Et Linon in silvis idem Patareidos altis*  
 29 *Durat opus vatis, (vel vati,)*  
 31 *nomen habebis ;*  
 35 *Cum rapiunt*  
 49 *Hic certe*  
 51 *Hic soror*  
 57 *Quid ait? tibi sunt mea damna dolori,*

## ELEGIA XI

- 4 *Et quæ non puduit*  
 19 *comitata placebas.*  
 32 *non ego nunc stultus, ut ante fui.*  
 52 *An quamvis nolim, cogar amare tamen?*

## ELEGIA XII

- 3 *occurrere votis?*  
 15 *Cum Thebe, cum Troja foret,*  
 20 *Debuerat verbis [v. 43.]*  
 21 *croceos furata capillos,*

## ELEGIA XIV.

- 6 *Solaque formosam*  
 39 *Tunc ego :*

## ARTIS AMATORIÆ

## LIBER PRIMUS.

- 101 Primus *solennes*  
 110 pectore multa *vovent*.  
 114 signa *petita* dedit.  
 126 ipse decere *tîmor*.  
 153 Pallia si *terra*  
 263 Hactenus, unde legas quod *ames*,  
 343 *Quare* age, ne dubita cunctas *sperare* puellas; (Cod. Alb. Rubeng. v. Ep. 462.)  
 343 plus aliena *suis*?  
 362 Ipsa *patet*:  
 400 *respicienda* putat.  
 413 *Tum* licet incipias,  
 439 imitataque *amantem*  
 447 Si dederis, *aliqua*  
 515 *Labraque* ne *rigeant*:  
 759 quot in ore figuræ: [Rem. 425.]  
 Abjudicentur versus 587, 588.

## LIBER SECUNDUS.

- 24 Semibovemve virum, semivirumve bovem;  
 96 Ossa tegit *Tethys*;  
 219 Inter *Ióniadas*  
 469 Mox cœlum impositum est *auris*:  
 479 Quod facerent?  
 496 ille videndus *adit*.  
 506 qui *legit* arte, *legat*. [iii. 334.]  
 554 conciliante *viri*.  
 611 *Scilicet* inter nos  
 612 *Sic tamen*, inter nos  
 616 *nempe* puella suos.  
 659 Si *straba*, sit Veneri similis: si *rava*, Minervæ.  
 694 Quæ *puto*  
 724 aptaque verba *joco*.  
 Abjudicentur vv. 3, 4. ~

## LIBER TERTIUS.

- 13 *Tulaionia* Eriphyles  
 28 Femina quo *cauté* possit amare modo.  
 61 Dum licet, et *virides* etiam nunc ducitis annos,

[Mark. p. 293: dum nondum fingitis esse, quam esses juniores.]

- 129 Vos quoque *ne* caris  
 485 *manu pararate* tabellas: [Am. i. 11. 7.]  
 532 *nempe* clientis agat.  
 570 Nec *ruptus*  
 572 *vulnere* mente feret. [ii. 535. Nux. .]  
 730 *Ut mens ut* rediit  
 771 Nota sibi *sit* quæque :

---

## REMEDIORUM AMORIS LIBER UNUS;

COLLATUS CUM CODICE MSTO. CCC ANNORUM COLLEGII SACRO-  
 SANCTÆ TRINITATIS CANTABRIGIÆ.

- 9 *quâ potes* arte parari:  
 11 *nec nostram* prodimus *artem*:  
 16 *sentiet* artis opem.  
 17 Cur aliquis *laqueo collum*  
 25 *Non* poteras  
 32 Et *tegat oppositas*  
 34 *Verbaque* dent cauto (T. C. ut *nostra*.)  
 47 *Vulnus in* *acdilleo*  
 54 *pectus* habere *suum*.  
 65 *Crede* Parin  
 67 *Impia* si *nostros*  
 71 *Naso* legendus *erum*,  
 72 *Naso* legendus *ero*.  
 73 *Publicus* adsertor *virtus*  
 75 Te precor, *incipiens*  
 94 *est (lege et) qui non* hodie,  
 95 *Verba* dat omnis *amans*,  
 97 *parvis de* fontibus orta: (T. C. *lege magnis de* fontibus orta.)  
 103 *Veneris* decerpere *fructum*,  
 106 *acrius* arbor agit.  
 112 *Debuerant* *celeri præsecuisse* manu.  
 118 *convalescere* suas.  
 119 *Dum furor* (cum furor T. C. ut *ñra*)  
 121 *cum* *descedere* possit,  
 123 *Impatiens animi*, (forsan) nec adhuc tractabilis *arti*, [v. 135.]  
 124 *verba* *docentis* habet. [v. 298.]  
 129 *impleverit* ægrum;  
 131 *Temporibus* medicina *valet*  
 133 *irritesque* *monendo*;

\*\*\*

- 135 *nostra medicabilis arte,*  
 136 *Fac fugias monitis*  
 137 *hæc, quæ fecêre, tuentur :*  
 141 *Quam platanus rivo*  
 143 *finem quæris amori, (T. C. amoris ut ñra.)*  
 147 *Eripiunt animis omnes*  
 152 *Splendida castra togæ.*  
 164 *Transtulerunt vires*  
 177 *Adspice labentes jucundo*  
 180 *Ut referant hædis*  
 185 *suppositos fugiunt examina fumos,*  
 186 *vimina curva favi ?*  
 189 *maturus rusticus uvas*  
 190 *Colligit; et (etc.)*  
 191 *alligat herbas ;*  
 192 *vertit humum.*  
 193 *deducere in hortis :*  
 203 *vacua formidine cervos :*  
 206 *Excipit ; et dulci*  
 207 *alite capto,*  
 210 *Abdere sub parvis (v. Met. viii. 855. sed parva jam antea 208.)*  
 213 *Tu tantum i, firmis quamvis*  
 215 *Flebis, et*  
 219 *Nec pluvix et venti :*  
 220 *alea nota suis.*  
 230 *ora lavabis aquâ ;*  
 233 *mæstissima janua nostræ,*  
 234 *tempora posse pati.*  
 235 *Adspicis, ut pressos*  
 240 *Pretendes culpæ splendida verba tuæ.*  
 245 *Sed (T. C. vel quod) si firmatâ properavis*  
 247 *Quicquid et abfueris, sitiens avidusque redibis ; (T. C. vel sitientior inde redibis.)*  
 252 *Innocuam nullo crimine*  
 259 *pectore curas ;*  
 264 *Cum tibi Naricias abstulit unda rates ?*  
 266 *lintea vela fugæ.*  
 268 *Longus et*  
 282 *Non aliquis [Am. i. 13. 39.] socios rursus*  
 284 *Totaque (vel Tuta) sub imperio terra*  
 293 *Optimus ille sui vindex, (T. C. fuit, ut ñra.)*  
 295 *Sed cui*  
 296 *non eget iste meis.*  
 297 *Tu modo,*  
 299 *damna puellæ ;*  
 301 *contenta rapinâ est*  
 302 *Sub titulo*

- 304 Ante suas quoties passa jacere fores.  
 307                   marcescant omnia sensus :  
 317 Quam mala, dicebam, nostræ sunt  
 321 Quam brevis est! et erat.  
 322 Hoc odio  
 323                   errore sub ipso  
 325 Qua potes, in pejus vitium  
 332 Hanc moveas, (vel moveat,)  
 334                   si qua movere pedem.  
 337 Durius incedit; fac ambulet.  
 338 Pectus habent crimen;  
 339                   narra, quod rideat, ipsa.  
 340                   quod fleat, ipse refer.  
 345 Sæpe, ubi sit, quod amas, inter tam multa requires.  
 348 Infelix vitii decidet  
 349 Non tamen  
 357 Num tibi,  
 364 Qui volet, impugnet (T. C. vel quamlibet)  
 365                   livor detrectat Homeri :  
 372                   exige quæque suos.  
 376 Versibus e mediis  
 380 Et lis arbitrio cadet (vel cantet T. C.) amica tuo<sup>a</sup>.  
 389                   magnum jam nomen habemus:  
 392 Et capient anni  
 393                   crescit honore:  
 394                   noster anhelat equus.  
 396                   nobile debet epos.  
 401                   si corpore sumes,  
 403                   tua prima voluptas  
 407                   Veneris quoque junge figura,  
 408                   quoque decere potest.  
 413                   fuerit finita voluptas,  
 415                   malles tetigisse puellam,  
 417                   quæcumque in corpore menda est:  
 425                   totidem, quot in ore figuræ; [Cut. i. 75.]  
 435 Attrahet (T. C. forsan attrahat B.) ille puer  
 440                   expedienda tamen.  
 446 Lataque subducto  
 453                   Prognide perdidit ignes:  
 455                   Phyllida semper amaret,  
 456 Calliope fecit  
 463 Parcius e multis  
 464 Quam qua (T. C. post rasurum)  
 470                   natâ flebat ubique pater.  
 471                   bene convenit illi.

<sup>a</sup> Lege lis et quære cetera. B.

- 472 inepte, tuam.  
 475 proxima formæ;  
 476 littera, nomen idem:  
 478 sentiet ille meum.  
 479 excusat, Achivi;  
 481 mecum dormiat illa,  
 484 repulsa novâ.  
 486 detiniatur amor.  
 487 artes, tu perlege nostras.  
 492 Frigidior domina  
 495 abrumperet flammâs:  
 496 tam fera jussa mei.  
 501 simularat amare;  
 506 janua clausa; feres.  
 507 nec fac convicia posti,  
 513 Te quoque fallat amor,  
 514 Propositus frænis  
 517 Ne tibi tam placeat, quod  
 518 cedat ut ipsa tuis.  
 521 si non patientia desit;  
 522 Protinus ex facili  
 523 mea sæva vocare?  
 525 variabimus artes.  
 530 colla tenet;  
 531 referent tua carbasa venti:  
 532 hac tibi navis eat.  
 542 non libet isse domo.  
 545 subtrahet illam;  
 546 tutus erit.  
 560 Omnibus ille Deus  
 563 Cui pater est durus<sup>b</sup>, ut voto cetera cedant, [T. C.]  
 566 Uxorem voto  
 568 ne usta sit uva time.  
 574 sustinuisse tuis.  
 581 Nam tibi secretis  
 588 flebilis adde tuos.  
 589 Semper habe Pyladen, aliquem qui curet Oresten.  
 593 Ibat, ut Eonio celebrans  
 596 fessa jacebat humo.  
 598 verba loquentis erant.  
 600 Qua tulit  
 601 viderit, inquit:  
 604 ad sua verba refert.  
 606 Non flessset  
 607 secreta timeto,

<sup>b</sup> Sic in autographo Bentleiano.

- 611 *Decidit, ut cupido*  
 612 *Et, quæ conciderunt,*  
 623 *sana cicatrix;*  
 636 *Non ipsam satis est*  
 642 *Perfer: erit lucro*  
 643 *quæris amoris,*  
 644 *multa medenda refers;*  
 651 *altius ire.*  
 653 *radicitus exeat aures,*  
 654 *emoliat amor.*  
 657 *Nec curandus adest: odio, etc.*  
 662 *oberrat amor.*  
 678 *irrita vota Deis.*  
 679 *cum sis venturus ad illam:*  
 682 *Jam face ut e multis*  
 693 *divortia quæris:*  
 699 *Non ego Dulichias*  
 700 *Nec rapido (vel raptas T. C.) jubeam*  
 714 *obstet amor.*  
 725 *Et loca sæpe nocent.*  
 726 *illa doloris habent.*  
 728 *nocte tulit. [v. 778.]*  
 729 *Admonitu renovatur (T. C. post rasurum.)*  
 734 *Flamma recandescet,*  
 735 *Argolicæ cuperent*  
 741 *possint aliquâ ratione moneri, (vel levare)*  
 745 *Cholchida fecisses*  
 753 *cantusque, lyræque;*  
 756 *Quid caveas auctor,*  
 778 *gaudia ferre viro.*  
 793 *renuente, saluta.*  
 805 *Vina parant animos*

---

## MEDICAMINA FACIEI.

- 4 *vivaces interiere rubi.*
- 

## TRISTIUM LIBRI PRIMI

### ELEGIA I.

- 57 *Tu tamen, i,*  
 84 *vela retorsit aquis.*  
 112 *Sic quoque, [IV. iv. 8.]*

## ELEGIA II.

102 Si satis *adjuvi publica vota meis*;

## ELEGIA IX.

56 *Expedit a studio*

## TRISTIUM LIBER SECUNDUS.

- 85                   *faciente, futescunt* ;  
 111               *patrio dicatur ut arvo*  
 138 *Verbaque fortunæ* [Ep. xxi. 121.]  
 145                   *sperabimus usque* ;  
 175                   *aspicis urbem* ;  
 223                   *lumen ineptis,*  
 236 *Bellaque cum vitiis*  
 254 *Quod* (v. 326.) *dicat, quamvis*  
 268                   *instruit inde manus.*  
 285                   *in hoc, ut amator eodem*  
 296                   *vir ante fores.*  
 359                   *comesque Terentius esset* ; (ut videtur.)  
 373                   *forma Chryseidos? utque*  
 409               *obsœcnos deflexa tragœdia versus, (i. e. fabulæ satyricæ.)*  
 429 *Non contentus ea,*  
 437 *In quorum libris,*  
 449 *Fallere eustodem durum*  
 472 *Hæc erat*  
 498 *Qui semper vetiti*  
 542                   *irrevocatus eques.*  
 Abjudicentur versus 4, 5 ; 63, 64, 65, 66 ; 87, 88 ; 191, 192 ; 231, 232 ;  
 241, 242, 243, 244 ; 262, 263 ; 277, 278 ; 281, 282 ; 311, 312 ; 315,  
 316 ; 373, 374 ; 385, 386 ; 495, 496 ; 517, 518.

## TRISTIUM LIBRI TERTII

## ELEGIA IV.

25

*vixit: et intra*



## ELEGIA V.

3 *Nec me complexus*  
53 *ut nostram molliat ipse*

## ELEGIAE VI.

Versus 31, 32 abjudicentur.

## ELEGIA VII.

13 *Nam tibi cum facie*

## ELEGIA VIII.

12 *fertve feretve dies ?*

## ELEGIA XI.

52 *Ipsē tuum princeps*

## ELEGIAE XIV.

Abjudicentur versus 43, 44.

## TRISTIUM LIBRI QUARTI

## ELEGIA I.

7 *Cantat et, innitens*

## ELEGIA II.

61 *deducet in urbem,*  
62 *sinet esse boni ;*

Abjudicentur vv. 39, 40. 59, 60.

## ELEGIA III.

2 *utraque certa, rates ;*

23 *Non subeunt*

25 *Num veniunt questus,*

34 *Non es? at*

41 *Spiritus hic prope*

74 *radit iter.*

77 Ars tua, Tiphy, *vacet*,83 munere *nota* es :

## ELEGIA IV.

23 injuria ; *nostra*29 potes *hoc* meminisse, probabat,45 Idque Deus sentit, *per quem*47 *vivam* modo, finiet olim,

Abjudicentur vv. 23, 24. 53, 54. 65, 66. 85, 86.

## ELEGIÆ VI.

Abjudicentur vv. 39, 40.

## ELEGIA VII.

12 Gorgonis *anguinis*

## ELEGIÆ VIII.

Abjudicentur vv. 13, 14. 19, 20. 45, 46. 49, 50.

## ELEGIA IX.

6 *Tisiphonea* tuæ.

## ELEGIA X.

47 *pede* clarus iambo

## TRISTIUM LIBRI QUINTI

## ELEGIA I.

16 Præmoneo : *non est*23 *ad tristia* carmina flexi,28 *Fortuna* est, etc. (cf. v. 38. Am. iii. 8. 46.) vel*Materia est nostris ingemuisse malis.*79 *quæritis ? est quod,*

Abjudicentur vv. 16, 17. 23, 24.

## ELEGIA IV.

8 *postulet* ille sibi ;

- 10 flumine *cernet* aquas:  
23 carior *illi*,

Abjudicentur vv. 13, 14.

## ELEGIA V.

- 21 Quatenus *heu!*  
32 *Consilio* fugiunt *æthera* (vel *æera*) *Ponte (?) tuum.*

## ELEGIÆ VI.

Abjudicentur vv. 35, 36.

## ELEGIA VII.

- 35 *jactata* est fluctibus, *audet*  
Abjudicentur vv. 23, 24.

## ELEGIA VIII.

- 17 Sed modo *læta venit*,

## ELEGIÆ X.

Abjudicentur vv. 41, 42.

## ELEGIA XII.

- 33 *Si quæ* tamen nobis,  
56 plena *tumore soni*:  
Abjudicentur vv. 55, 56.

## ELEGIA XIV.

- 25 *Esse bonæ*  
36 *Penelopea fides?*  
Abjudicentur vv. 31, 32, 33, 34.

## EX PONTO LIBRI PRIMI

## EPIST. I.

- 63 *mansuetior ipse*,  
Abjudicentur vv. 65, 66, 67, 68.

\*\*\*\*\*

## EPIST. II.

- 40 *Ut gravior longa sit*  
 51 *veneratus, amicis,*  
 66 *Quam male morato (vel pacato 109.)*  
 98 *Pæne etiam voto*  
 Abjudicentur vv. 9. 12; transponentur vv. 10, 11.

## EPIST. III.

- 74 *Pelios hospes humum:*  
 Abjudicentur vv. 85, 86.

## EPIST. V.

- 24 *Subducunt oneri*  
 63 *si glorier Istrum*  
 Abjudicentur vv. 81, 82.

## EPIST. VII.

- Abjudicentur vv. 21, 22. 65, 66.

## EPIST. VIII.

- 4 *Summa sat est nostri*

## EPIST. IX.

- 6 *præveniatve precor.*

## EPIST. X.

- 22 *corpus, ut ante, suo.*

## EX PONTO LIBRI SECUNDI

## EPIST. II.

- 85 *Fratribus adsimiles,*

## EPIST. III.

- 33 *Te, nihil ex facto nisi si fecisse, forentem,*  
 57 *Firmus es; et, quanquam*  
 Abjudicentur vv. 15, 16.

## EPIST. IV.

- 6 *Fasve* putem  
 7 Ante meos oculos *adstat* tua semper imago (deleto *τῆ* est.)  
 17 liber esset *amica*,  
 22 Quantus in *Æacide Nestorideque* fuit.

## EPIST. V.

- 67 *Delphica non æque gustata* est laurea nobis ;  
 75 Succedatque *suis orbis moderatus* habenis :

## EPIST. VI.

Abjudicentur vv. 23, 24.

## EPIST. VII.

- 5 *tenor ipse* malorum

## EPIST. VIII.

- 60 Quos dedit *ars vultus*,

## EPIST. IX.

- 27 Si pacem nullam *pontus*, (*πὸ τῆ* Pontus.)  
 34 Tam bene *quod patriæ*

## EPIST. X.

- 25 *olentis* stagna Palici,  
 50 *jussus* ab urbe venis.

## EX PONTO LIBRI TERTII

## EPIST. I.

- 113 *Morte nihil tibi opus*, nil, etc.

## EPIST. II.

- 19 Ut *nimis cauti*  
 23 *juventque* licebit

- 29 *Fallor, an illa*  
 106 *Quos Numa maternis*  
 107 *Abjectique probet*

## EPIST. V.

- 41 *Interdum quarit tua mens oblita, quis abit*  
 46 *Et, sit perjuri*

## EPIST. VI.

- 33 *At, si forte quaris in eos*  
 34 *Quin se,*  
 47 *Consiliumque novis ceperat omne malis.*

## EPIST. IX.

- 21 *Scribentem juvat ipse labor,*  
 23 *minus ardua, quanto*  
 31 *qui carmina, sanus,*  
 32 *colligere illa Getis: [53.]*  
 44 *rogandus eras?*  
 47 *cum quis sibi finxerit ipse,*  
 Abjudicentur vv. 24, 25.

## EX PONTO LIBRI QUARTI

## EPIST. IV.

- 11 *Nam mihi, dum*

## EPIST. V.

- 15 *Copia nec vobis nullo*

## EPIST. VI.

- 31 *pugnare videntur,*

## EPIST. IX.

- Abjudicentur vv. 25, 26.

## EPIST. X.

- 43 *At Notus, averso*

## EPIST. XI.

15 *litera nostra recurrens*

## EPIST. XIII.

(Inscriptio) qu : *Caro* vide versus 2. 39.

## EPIST. XIV.

13 *Flamina cultus ager,*  
31 *ut illaudabilis Ascra,*

## EPIST. XV.

39 *quæcunque sub ullo,*

## EPIST. XVI.

6 *Cecropiusque Peto;*

## METAMORPHOSEON

## LIBER PRIMUS.

31 *Extima* possedit,  
64 *Tradita* sunt Zephyro :  
93 *sed erant sine vindice* (vel iudice) tuti.  
231 *everti tecta ministros.*  
245 *alii tacitis adsensibus implent.*  
292 *Omnia pontus erat ;*  
332 *innato murice tinctum,*  
444 *per vulnera crebra veneno.*  
580 *Apidanusque celer,*  
591 *Istorum nemorum ;*  
*Abjudicentur vv. 1, 2, 3, 4. 87, 88.*

## LIBER SECUNDUS.

1 *sublimibus apta columnis,*  
2 *Clara micans auro,*  
24 *lucente maragdīs.*  
128 *labor est inhibere volantes :*  
132 *Effugit australem,*  
165 *vacuo dat in aera saltus,*

- 204 *alioque sub æthere fixis*  
 278 *siccaque ita fauce locuta est :*  
 293 *mea nec te gratia tangit ;*  
 313 *sævos compescuit ignibus ignes.*  
 424 *sunt o, sunt gaudia tanti?*  
 436 *sed quem superare puella,*  
 655 *Restabat dictis aliquid : [I. 700. Ep. vi. 37.]*  
 780 *Sed videt ingratis,*  
 790 *Lumina cingebant ;*  
 802 *Neve mali causæ spatium*  
 855 *Cornua vara quidem,*

## LIBER TERTIUS.

- 58 *fidissima pectora, mortis,*  
 90 *conjectum in guttura ferrum*  
 144 *Jamque dies rerum mediis*  
 152 *Distat idem meta,*  
 269, 270 *quod vix mihi contigit, uno De Jove, etc.*  
 283 *Nec tamen esse Jovi*  
 345 *Infantem, Nymphe, [456.]*  
 354 *tam dura superbia forma ;*  
 362 *quæ ne deprendere posset*  
 598 *advertor litora remis ;*  
 669 *Pictarumque ululant [iv. 404.]*  
 716 *thyrsisque sequuntur*  
*Abjudicetur versus 230.*

## LIBER QUARTUS.

- 74 *toto nos corpore jungi ?*  
 260 *Nimborum patiens ; et sub Jove,*  
 280 *modo femina, Sython,*  
 285 *quasi male fortibus undis*  
 331 *pendentibus arbore malis,*  
 352 *applauso pectore palmis,*  
 358 *Pugnantemque tenet ;*  
 487 *monstris est territa conjux,*  
 505 *vergit furiale venenum*  
 518 *Discutit ora ferox :*  
 536 *Si tamen Ionio (vel Cyprio, vel in medio.)*  
 662 *arato carcere ventos ;*  
 717 *Sic celeri missus*  
 724 *Quaque patet,*  
 726 *Desinit in pristem,*  
 801 *admonitos formidine terreat hostes,*  
*Post v. 445 plura deesse videntur.*



## LIBER SEXTUS.

- 59 *cinctaque ad pectora veste,*  
 130 *rava virago ;*  
 200 *Latonæ turbam qua*  
 443 *magni mihi muneris instar*  
 556 *compensam forcipe linguam*  
 593 *Tergora dependent ;*  
 629 *Sed simul ac nimia mentem*

## LIBER SEPTIMUS.

- 8 *Lexque datur Minyis*  
 223 *Despicit, junctos*  
 408 *Illud Echidniæ memorant e faucibus ortum*  
 520 *Omnia nunc repetam :*  
 559 *Nuda sed in terra*  
 609 *Indistincta rogos :*  
 687, 688 *Quod petit ille, refert Cephalus ; tactusque dolore [Cf. 756. 846.]*  
*Abjudicentur vv. 170. 236, 237. 699.*

## LIBER OCTAVUS.

- 87 *Fert secum pretium [105.]*  
 187 *obstruximis (vel expungimur) urbem*  
 277 *Ambitiosus honos :*  
 279 *At non impune feretis ; [xi. 227.]*  
 313 *Nestor in annis : [ix. 39.]*  
 513 *ipse dedisse*  
 572 *cum maximus heros,*  
 596 *quot sacri currimus amnes,*  
 703 *Talia tum placido*  
 876 *Materiam, dederantque*  
*Abjudicentur vv. 182. 285.*

## LIBER NONUS.

- 10 *spes ambitiosa procorum.*  
 23 *Nam quo te jactas Alcmena matre creati ;*  
 98 *Huic tamen ablati doluit ; (vel*  
*Hanc tantum ablati movit)*  
 198 *defessa jubendo es*  
 314 *[Ubi nos 'stupefacta' Burmannus 'patefacta' præfert ; ut et Heinsius :*  
*Bentleio hæc vox non placet.]*  
 383 *Qui si qua est pietas,*  
 558 *secura loquendi,*  
 638 *Spem Veneris, pro qua*

646

mediis in partibus *ipsum*,

Versus 728, 748 pro spurii habet Burmannus; Bentleius autem admittit;  
idem, nobis placet.

## LIBER DECIMUS.

42

*steteruntque Ixionis orbes: [ix. 123.]*144 Concilio medius *turbæ*

342

retinet malus error *euntem*,531 Pisosamque *Guidon*,721 *Semianimem*, inque suo

## LIBER UNDECIMUS.

45

*Te carmina sæpe secutæ*

153

*sua munera (vel numina) Nymphis,*

221

'Dea,' dixerat, 'udæ,'

262

*sua brachia tendens.*294 *Frater erat,*

319

progenitore *nitenti*320 *Esse satæ prodest?*381 *Damna sua*403 *Donec inhærentis*

412

*animi oblectamina, (vel omni luctamine [425. 446. 461.]) sortes,*

460

*corpore toto est.*

494

*tantaque potentior arte est!*591 *Tecta petit spissa sub nube*

772

*Cerva lupum, longeve lacu*

## LIBER DUODECIMUS.

97

decimo tamen orbe *moratur.*

132

*capuloque adversa reducto*

182

*longa vetustas,*338 *Dum fugit astantem*

379

*Eminus; Iphinoum*

395

barbæ color aureus: aurea *Ex*, etc. (delete τφ que)453 *Stravit Erigdupum:*

472

*Communit? mentemque*

624

*solis Telamone creatis*

## LIBER DECIMUS TERTIUS.

158 *Num petit illa*

177

*Utque alios taceam*

189

*Hanc (equidem, fateor, fassoque ignoscat Atrides,)*

199

*communem, Græcia, caussam*

- 232 *Ausus* ; at *ausus* erat  
 235                               *voce repono.*  
 260 Et *Charopem*,  
 272                               *credat honorem* ;  
 273                               sub imagine *tectus* *Achillis*,  
 303 Haud timeo, *ne jam nequeam*  
 319                               *satis esse fideli.*  
 [Pro 332, 333.] Te tamen *aggredior fiet* tibi copia nostri  
 338                               et se mihi *conferat Ajax* ?  
 410 *Combiberat* : *raptata*  
 436 *Threïcium*, jugulo [537.]  
 442                               *similisque minanti*  
 523 At, puto, *muneribus*  
 694                               *demissâ per fortia vulnera tela*  
 700   *extantibus ære*  
 731                               *vorat hæc sorptas, revomitque carinas* :  
 784                               *fistula septem* ;  
 794 *Nobilior primis* ;  
 921 *Debitus æquoribus*,  
 Abjudicentur vv. 253, 254. 273, 274. 295. 379. [cf. Ad Liv. 399.] 404,  
 405, 406. 693, 694, et hemistichion ulterius 333.

## LIBER DECIMUS QUARTUS.

- 196                               *crepitent* sub dentibus *artus* ;  
 494 *Talibus irritans*  
 572                               *victricia (vel Vulcania) nati*  
 573 *Arma vehit* ;  
 574                               *Dardanus ignis*  
 681 *Nec loca sola*  
 801 *Corporibus simul atque suis* ;  
 817                               *terruit orbem.*  
 818 *Cum sibi*

## LIBER DECIMUS QUINTUS.

- 48                               *ille potentis (forsan)*  
 73 *Arcuit imponi* :  
 89 *Ingestoque avidum*  
 218                               *admovit* ; et *abdi*  
 229                               *spectat in amne*  
 236 *Paulatim lento consumitis omnia morsu*  
 246 *In liquidas rarescat aquas*  
 250 *Ignis enim demum (vel casu)*  
 251                               *crescit ab unda* :  
 307                               *aut cognita nobis, [360.]*  
 308                               *lympa liquores*

\*\*\*\*\*

- 309 Datque capitque *novos* ?  
 311 Admotis *Athamantes*  
 312 *Narrantur*, minimos  
 479 *instructum pectora dictis*  
 680 Quisquis adest, *jussi*  
 818 *templisque locetur*,  
 838 *Pyllos æquaverit annos*,  
 Abjudicentur vv. 178. 186, 187. 304. 462.  
 \* Burmannus monet extare hodie [Metamorphoseon versuum] non nisi  
 11993 :<sup>8</sup> Bentleius autem 11985 ; ut quindecim desunt.

---

### FASTORUM LIBER PRIMUS.

- 153 *amicitur frondibus (vel vestibus) arbos* ;  
 165 Post *hæc* (MS. Dris Meadi) *scitabar*,  
 174 Ad quoscumque *voles*  
 202 Inque *Dei* dextra  
 206 *supposuisse, suo*.  
 239 *sacravit in ære*,  
 282 *numine clausus ero*.  
 297 *Felices animæ*,  
 299 *populisque locisque*  
 476 *Multam praterito, tempore*

### LIBER SECUNDUS.

- 46 *putastes aqua* !  
 186 *verba parantis erant*.  
 244 *inter utrumque nitet*. [25.]  
 282 *more Dialis obit*.  
 287 *Ipsè Deus nudos nudus*  
 314 *Hesperus ut fusco*  
 398 *suspikor esse patrem*<sup>d</sup>.  
 631 *Dis generis date tura, boni* :  
 637 *Et, Bene nos, bene te, patria, pater*,  
 845 *Illa jaceus aversa*

### LIBER TERTIUS.

- 557 *Tertia mandatas*  
 664 *vertice montis agit*.  
 693 *Ridet amatorem rava*  
 845 *pendere pæna*

<sup>d</sup> Sic autographum Bentleiauum.

## LIBER QUARTUS.

- 429 Tot *vernent* [ut videtur.]  
 430 *renidet humus.*  
 441 *lecti sine nomine flores :*

## LIBER QUINTUS.

- 525 *flore juventæ*  
 Abjudicentur vv. 37, 38. 273, 274.

## LIBER SEXTUS.

- 32 *proxima cura fuit.*  
 100 Pergama : plus *ledant,*  
 140 Causa, quod *horrendum*  
 652 *rava Minerva, meis.*  
 Abjudicentur vv. 277, 278. 343, 344.

## AD LIVIAM.

- 70 *Percipit officium*  
 71 *Ecce ter ante datas,*  
 99 *Raptus es absenti,*  
 103 *casusque malos, atque irrita vota,*  
 111 *Clymeneïdes, uda*  
 122 *Gloria conspecta,*  
 236 *funere causa patet (270. 458.)*  
 256 *Æthera subvectis*  
 347 *culmina rerum :*  
 361 *Ecce necem intentant*

## NUX.

- 30 *Distituet silvas utraque nempe suas.*  
 154 *Et crimen vor est*  
 180 *dedoluisse semel.*

## IBIS.

- 11 *gelidas Aquilonis ad oras*  
 16 *Non patitur vivi :*  
 Abjudicentur vv. 131, 132. 293, 294.

STATE OF NEW YORK

IN SENATE

January 10, 1907

REPORT

OF THE

COMMISSIONERS

OF THE LAND OFFICE

IN RESPONSE TO A RESOLUTION

PASSED BY THE SENATE

APRIL 10, 1906

AND BY THE ASSEMBLY

APRIL 10, 1906

AND BY THE SENATE

APRIL 10, 1906

AND BY THE ASSEMBLY

APRIL 10, 1906

ALBANY:

WEDNESDAY, JANUARY 10, 1907

PRINTED BY THE STATE PRINTING OFFICE

1907

# PUBLII OVIDII NASONIS

## FASTORUM

### LIBER PRIMUS.

**TEMPORA** cum causis Latium digesta per annum,  
Lapsaque sub terras, orta que signa, canam.  
**EXCIPE** pacato, Cæsar Germanice, vultu  
Hoc opus; et timidæ dirige navis iter:

1—2. *Argumentum.*] Partes, in quas annus apud Romanos divisus, cum causis illius divisionis, atque siderum et ortus et occasus canam. Sic fastos circumloquitur. *Fastorum enim libri, interprete Festo, appellantur, in quibus totius anni fit descriptio.* In iis ordo et discrimina dierum, feriæ, templorum dedicationes, res P. R. maxime memorabiles verbo notatæ, post etiam Cæsarum tituli et honores additi. Recte causas memorabilium dierum diserte memorat; in iis enim maxima versatur carminis pars, et inde plurimus ejus ornatus. *Sidera labuntur in cælo, dum procedunt; Virg. Georg. i. 6. labentem cælo ducitis annum; Lucret. i. 2. cæli subter labentia signa.* Ubi occidunt, *labuntur sub terras; quemadmodum et hiemem cedentem sol pulsam agit sub terras, Virgil. Georg. iv. 51.* Parum interest, utrum canam legas, an cum MSS nonnullis cano. Posterius Heinsius et Burmannus exemplis confirmant; illud comprobant Virgil. Georg. ii. 2; iii. 1; iv.

VOL. V.

5; Hor. I. Od. x. 5. et multa alia loca.

3—26. *Dedicatio, cui etiam de argumento carminis plura innexa. Germanico carmen dedicavit, tam principi plurimis insignibusque virtutibus ornato, quam poetæ egregio. Suetonius Calig. 1—4. Tacitus, An. ii. 73; Dio, lib. lvii. Sed in hac dedicatione confundit diversa, Germanicumque spectat, mox ut fautorem humanum, dum opus absolutum cognoscit, mox ut Deum, qui scribendi nisum adjuvat. Utrique convenit et pacatus. Noster Metam. iv. 31. ad Bacchum, pacatus mitisque adsis, ἰλεως και εὐμενής. Officii honor in ipsa libri dedicatione cernitur. IV. ex Ponto viii. 43: "Nec tamen officio vatum per carmina facto, Principibus res est gratior ulla viris." Servavi autem hic lectionem Heinsianam, quippe librorum bonorum auctoritate suffultam, neque sensu commodo destitutam. Namque MSS Naugerii, Ursini et tres alii habent, En tibi devoto munere, et Ursini cod. etiam Offi-*

B

Officii que levem non aversatus honorem, 5  
 In tibi devoto munere dexter ades.  
 Sacra recognosces Annalibus eruta priscis ;  
 Et quo sit merito quæque notata dies.  
 Invenies illic et festa domestica vobis :  
 Sæpe tibi pater est, sæpe legendus avus : 10  
 Quæque ferunt illi pictos signantia Fastos,  
 Tu quoque cum Druso præmia fratre feres.

*ciique; et adesse in aliqua re recte dicitur. Sed Mitscherl. revocavit vulgatam: Officioque, levem non aversatus honorem, Huic tibi devoto numine dexter ades, ut Germanicus vi sua et nutu officio poetæ ipsi devoto adesse rogetur.*

7. *Annales*, dicti et ipsi *Fasti*, ad ordinem dierum in *Fastis* *Kalendaribus* stabilitum, res P. R. singulis annis gestas uberius enarrabant, atque nomina magistratum habebant. *Ovidius* *Fastos* sibi *Kalendares* exornandos sumpsit, sed adhibitis etiam *Annalibus*. Inde jura cognoscebantur *Horat.* I. *Serm.* iii. 3; gentium nobilitas *Cic. Mur.* 16; honores virorum illustrium *Valer. Maxim.* VI. ix. 14. et similia. De fide eorum vide *Perizon. in Animadv. hist.* p. 293. Verba *Annalibus eruta priscis* iv. 11. repetita leguntur. Bene *eruta*; in *Annalibus* enim ex magno rerum variarum acervo singula conquirenda erant. Itaque et *Cicero* dicto loco: "Ex *Annalium* vetustate eruenda est memoria nobilitatis tuæ." Quo loco confirmatur simul lectio *priscis*, pro qua duo MSS *primis*. Sed et *Livius* iv. 7. *priscos Annales* dixit. Quo sit merito, etc. quare dies quæque vel ut festa, vel ut profesta sit notata.

9. Gens quæque et familia Romana habebat, ut *Penates Laresque* suos, ita et *domestica sacra*, quæ quotannis pro familiæ salute fiebant, atque hereditate tradebantur. Diebus festis res

memorabiles adscribebantur in *Fastis*. Summum honorem afferebat nomen sic additum; *Cicero*, ad *Brut. epist.* 15; *Tacitus*, i. *An.* 15. Vid. *Wolfius* ad *Suetonium Tiber.* 4. p. 319. In primis *Augusti* res gestæ, honores ei decreti, aræ positæ commemorabantur. Hinc *Horatius*, lib. iv. *Od.* 14. init. "Quæ cura *Patrum*, quæque *Quiritium*, *Plenis* honorum muneribus, tuas, *Auguste*, virtutes in ævum Per titulos memoresque *fastos* æternet." Hinc intellige sqq. *pater avus*. *Germanicus*, *Drusi* et *Antoniam* minoris filius, volente *Augusto*, adoptatus erat a *Tiberio*, cujus filius naturalis *Drusus*; *Tacitus*, *An.* i. 3. De *avo* vide v. c. i. 590 sqq; 709; ii. 119—144; iii. 419; iv. 673: de *patre* i. 617 sqq; 705 sqq; ii. 55. et alibi. *Signant fastos* quæ in iis scripta sunt. Ita et *signare saxum* et alia. Quamquam *signare* etiam est insignire, decorare. Vide *Cort.* ad *Plinium V. Ep.* i. 11. Passim de *fastis* hoc verbum legitur, ut ii. 7; *Claudianus*, 8. 154. de puero ad consulatum evecto, *signasposito modo nomine fastos*. Pro eo *Plinius*, *paneg.* 54. 2. *Honor aternus annalium te colit*. *Fasti*, ut alii libri, *pingi*, variis coloribus ornari, solebant. Fortasse tamen nunc iudem intelligendi qui a *Martiali* xi. 4. *purpurei Fasti* vocantur, et in *Jani* æde servabantur; *Schwarzius*, ad *Plinium*, *paneg.* 92. *Mitscherl.* habet *dictos*.



Cæsaris arma canant alii; nos Cæsaris aras;  
 Et quoscumque sacris addidit ille dies.  
 Annue conanti per laudes ire tuorum; 15  
 Deque meo pavidos excute corde metus.  
 Da mihi te placidum; dederis in carmina vires:  
 Ingenium vultu statque caditque tuo.  
 Pagina iudicium docti subitura movetur  
 Principis, ut Clario missa legenda Deo. 20  
 Quæ sit enim culti facundia sensimus oris,  
 Civica pro trepidis quum tulit arma reis.  
 Scimus et, ad nostras quum se tulit impetus artes,  
 Ingenii currant flumina quanta tui.

13. *Cæsaris aræ* possent esse aræ Cæsari positæ; Horatius, II. Ep. i. 15. Sed melius intelliguntur aræ ab Augusto Diis dedicatæ, diesque, quos ille sacros esse jussit. A Livio Augustus dictus est *templorum omnium conditor, aut restitutor*. Vide Casaub. ad Suetonium, August. 30. Confer infra ii. 59. *Per laudes* aliorum it, qui eas tractat, recenset; ii. 16. *per titulos ingredimur tuos. Ingenium tuo*; ingenium meum valet aut frangitur, prout tu vultu vel sereno, vel iniquo me respicis. IV. ex Pont. viii. 68. ad eundem Germanicum, "Judicio premium res habet ista tuo."

19. *Pagina*, liber; iii. 791: in primis de Fastis dicebatur. Vid. Schwarzius ad Plinium, paneg. 92. In librum transit metus auctoris; itaque *movetur* reverentia, tamquam legendus mitteretur Apollini. De *Clario* vide ad Metam. i. 515. *Doctrinam* Germanici vere laudat, et commode in dedicatione carminis. Confer locum insignem II. ex Pont. v. 49 sqq; tum Suetonium Calig. 4. ubi ei tribuitur "ingenium in utroque eloquentiæ doctrinæque genere præcellens." Mox additur, "Oravit causas etiam trium-

phales, atque inter cætera studiorum monumenta reliquit comœdias græcas." De causis, quas in foro egit, conf. Dio Cass. lvi. 26. Eloquentiam commendat ab honestissimo ejus usu, ut Horatius, II. Od. i. 13. ubi Pollio "insigne mœstis præsidium reis."

23. *Impetus*, calor, spiritus, enthusiasmus poeticus, etiam vi. 6; IV. ex Ponto, ii. 26. "Impetus ille sacer, qui vatium pectora nutrit." De Germanici ingenio IV. ex Ponto, viii. 69. "Quod nisi te numen tantum ad majora vocasset, Gloria Pieridum summa futurus eras." Et poeticum ejus ingenium etiam hodie testatur versio Arati. *Desaintange* observat, eundem a poetica virtute a Quintiliano summis efferri laudibus. Verum Quintilianus, X. i. 91. non hunc Germanicum, sed Domitianum Imperatorem intellexit, cui, necessitate coactus, passim adulatus est. *Si licet et fas est* formula solemnis, etiam sacra. Livius, i. 2. "Quemcumque eum dici jus fasque est" de Ænea inter Deos relato. Sed quo nunc illa refertur? Lenzius subintelligit, vel, ut vates vatem inspiret, vel ut tu exsuli faveas. Possis et subijcere cogitando, si licet tuum auxi-

Si licet, et fas est, vates rege vatis habenas :

Auspice te felix totus ut annus eat.

TEMPORA digereret quum conditor urbis, in anno

Constituit menses quinque bis esse suo.

Scilicet arma magis, quam sidera, Romule, noras :

Curaque finitimos vincere major erat. 30

Est tamen et ratio, Cæsar, quæ moverit illum :

Erroremque suum quo tueatur, habet.

lium implorare. *Vates vatis*; IV. ex Ponto, viii. 67. ad eundem Germanicum, "Non potes officium vatis contemnere vates." *Felix totus*, etc. ut bona totius anni descriptio mihi contingat. Sed de lectione *auspice te* disputatur. Bentleius enim ad illud Horatii, i. Od. 7. "*auspice Teucro*" contendit, *auspicem* non nisi proprio sensu de homine dici, metaphorico semper de Deo occurrere, ut *auspice Musa*, *auspice Deo*. Itaque hoc loco præfert editionum vetustarum et codicum quorundam lectionem *auspicio felix*. Nihil definit Burmannus. Mihi vero argutus esse Bentleius videtur. Sed si vel maxime observationi ejus ratio constaret, non temere tamen *auspicem* Noster appellasset, quem, tamquam Deum, *pacatum* sibi esse et *annuere* voluisset. Regii codices nostri A et B habent *Auspicio felix*; et in codice C, prima scriptura erasa, legitur a secunda manu *Auspice te felix*; non in gratam judico emendationem. LE-MATHE.

27. Ille locus conferendus est cum Macrobio, Sat. i. 12. et inde illustrandus. Is tradit, apud solos Ægyptios certum semper fuisse anni modum, apud cæteras gentes disparem mensium numerum, Arcadas nonnisi tres computasse, Acarnanas sex. Sic et Plutarchus in Numa, cap. 18. In hac igitur varietate non mirum videri debet, Romanos quoque olim *suum*, sibi proprium, annum habuisse, eum-

que *quinque bis* tantum mensium, assumptum illum forte ab alio Italia populo, haud dubie Albano, de quo Censorinus, 20. Sed quia hæc digestio naturæ adversatur, propterea illi, monente Plutarcho, ἀλόγως ἐχρῶντο τοῖς μηνὶ καὶ ἀτάκτως. Hinc et Noster, jucunda apostropha, *scilicet arma*, etc. et Macrobius, Sat. i. 15. ei "*ingenium acre* quidem, sed *agreste*" tribuit. Cæterum cum loco seq. confer iii. 99 sqq. ubi hæc eadem copiosius tractantur. De digestionem autem anni Romani inde a Romulo docte disputat Ideler in libro *Historische Untersuchungen über die astron. Beobacht. der Alten*, p. 343 sqq.

32. Pro *habet* Heinsio unius Medicei lectio placet, *habe*, accipe a me, Cæsar. In utero matris infans *decem* menses manet, si lunares menses intelligas. Itaque ille numerus sæpe sic apud Veteres occurrit; Menander, Γυνὴ καὶ δεκάμημος. Erant grammatici, qui ex Homero, Od. A. 247. περιπλομένον δ' ἐνιαυτοῦ τίξεις ἀγλαὶ τέκνα docere volebant, etiam Homeri ætate annum habuisse decem menses. Gellius Noct. Att. iii. 16. *Per totidem menses*, etc. confer iii. 133. et Cic. Cluent. 12. Id fuit haud dubie ex instituto Romuli, et inde, quod annus decem menses habebat, unde et luctus ille *annuus* vocatur a Seneca, Ep. 63. Numa luctui varia tempora constituit; decimo mense longissimum fuit terminatum;

Quod satis est, utero matris dum prodeat infans;  
 Hoc anno statuit temporis esse satis.  
 Per totidem menses a funere conjugis uxor 35  
 Sustinet in vidua tristia signa domo.  
 Hoc igitur vidit trabeati cura Quirini,  
 Quum rudibus populis annua jura daret.  
 Martis erat primus mensis, Venerisque secundus:  
 Hæc generis princeps, ipsius ille pater: 40  
 Tertius a senibus; juvenum de nomine quartus:  
 Quæ sequitur numero turba notata fuit.  
 At Numa nec Janum, nec avitas præterit umbras,  
 Mensibus antiquis apposuitque duos.

Plutarchus, Num. 12. *Tristia signa*. Non prodibant in publicum, abstinebant a conviviis, focum non instruebant; Kirchmann. de Fun. iv. 11. *Cura Quirini*, ipse Quirinus, ut I. Metam. 47. *cura Dei*. *Trabea* fuit in insignibus regum Romæ; Livius, i. 41. *Servius cum trabea et lictoribus prodit*. Quin apud Virg. *Æn.* vii. 188. jam Picus rex *succinctus trabea*. *Populi*, cives. Hi a Livio, i. 8. *genus hominum agreste* vocantur, cui Romulus *jura* dederit.

39. E Plutarcho et Macrobio apparet, jam antiquiores de ordine mensium prisco multum quævisse. *Venerisque secundus*. Etiam Horatius, IV. Od. xi. 15: "Mensis Veneris marinæ." Macrobius. "Hanc Romuli asserunt fuisse rationem, ut primum quidem mensem a patre suo Marte, secundum ab Æneæ matre Venere nominaret, et hi potissimum anni principia servarent, in quibus esset Romani nominis origio." De nomine horum duorum mensium vide III. et IV. init. plura. *Tertius a senibus*, etc. Etiam Fulvius Nobilior in Fastis auctor fuerat, Romulum postquam populum in *maiores* et *juniores* divisisset,

in honorem utriusque partis alterum *Maium*, alterum *Junium* vocasse.

43. Erant olim, auctore Cenosrino, cap. 20. qui Numam dicerent ordinem tantum mensium retexuisse, et primum posuisse, qui fuerit sub Romulo undecimus, Januarium, vel quia Janus, Deus biceps, et transacti anni finem respiciat, futurique prospiciat principia, vel quia Numa artes civiles præferre voluerit bellicis, Janum enim civilium fuisse cultorem, vitamque feram mollivisse. Ipse Plutarchus in eam sententiam inclinat. Sed vid. Ideler d. l. p. 347. Secundum Nostrium, iii. 153. id fecit auctore Pythagora. *Avitas umbras*, nempe justa Diis Manibus solvebantur hoc mense; ii. 533 sqq. De nomine vide ii. 19 sqq. *Apposuitque*. Unus Moreti *postposuitque*, quum vulgo exhibeant *præposuitque*. Neutra lectio ferri potest; namque Numa Januarium præposuit, Februarium contra in anni finem rejecit, ut Noster ipse ii. 49. monet. Alios tamen auctores Macrobius secutus est; is enim, *secundum*, inquit, Numa *dicavit Februo Deo*. Prope ad nostram lectionem accedunt, qui *addidit ille* exhibent; quo verbo et alii

NE TAMEN ignores variorum jura dierum : 45  
 Non habet officii Lucifer omnis idem.  
 Ille nefastus erit, per quem tria verba silentur :  
 Fastus erit, per quem lege licebit agi.  
 Neu toto perstare die sua jura putaris ;  
 Qui jam fastus erit, mane nefastus erat. 50  
 Nam simul exta Deo data sunt, licet omnia fari,  
 Verbaque honoratus libera prætor habet.  
 Est quoque, quo populum jus est includere septis :  
 Est quoque, qui nono semper ab orbe redit.  
 Vindicat Ausonias Junonis cura Kalendas : 55  
 Idibus alba Jovi grandior agna cadit :

de hac re usi sunt, et quod prætulerunt Mitscherl. atque Lenzius et hic quidem eo, quod Ovidius pronomen *ille* sic solet ponere, ut ii. 277. 285. Regii tres habent præpositus ; at in codice C est glossa *addidit*, quæ pro lectione posset recipi. LEM.

45—62. De *discrimine dierum* confer Macrobii Sat. I. xv. 16. Discrimina bene vocat *jura* et *officium* ; quæ vocc. ab hominibus translata. Verbis *ne ignores* non Germanicum rursus alloquitur ; sed formula est generalis, tenenda sunt jura. Ex Numæ instituto omnes dies erant vel *festi*, vel *profesti*, vel *intercisi*. *Festis*, qui etiam *nefasti* dicebantur, inerant sacrificia, epulæ, ludi, feriæ. Conf. Varro L. L. v. 4. Nota sunt *tria* Prætoris verba, quibus hic omnis jurisdictio exprimitur. Scil. DO, DICO, ADDICO, DABAT enim *actionem*, DICEBAT *jus*, ADDICEBAT *damna*. *Lege (ex) agunt*, qui, permittente lege, accusant. *Dare exta*, ut *dare tus* aut *turis honores* formulæ solennes. *Honoratus*, qui magistratum gerit. Burmann. observat, proprium prætoribus fuisse epitheton, quorum edicta *jus honorarium* dicta.

53. Macrobius, “ Comitiales, qui-

bus cum populo agi licet,” id est, leges ferri, suaderi aut dissuaderi. Sed Noster, ut poeta, rem sensibus subjecit, *populum includere septis*, quod ex Antiq. Rom. notum. *Qui nono*, etc. Institutum erat vel a Romulo, vel, ut alii tradunt, a Servio Tullio, ut octo diebus in agris rustici opus facerent, nono autem quoque die ad mercaturam exercendam legesque accipiendas Romam venirent. Lege Hortensia effectum, ut fasti essent illi dies, quibus rustici lites componerent. Cautum tamen, ne in primum anni diem, aut in Nonas nundinæ caderent.

55. De *Kalendis*, *Idibus* et *Nonis* vid. Plutarchus Quæst. Rom. tom. vii. pag. 90. edit. Reisk. Mensem lunarem peperisse hanc divisionem, docet Deler, p. 350. Ut *Idus* omnes Jovi, ita omnes *Kalendæ* Junoni tributæ ; Macrobius, i. 15. Olim enim ab exortu lunæ initium erat mensium ; Lunam autem et Junonem eandem putabant. Kalendis igitur omnibus Pontifex minor, atque Regina sacrorum rem divinam Junoni faciebant. Kalendas, Romanis proprias, dixit *Ausonias*, ut ver. 1. annum *Latium*.

Nonarum tutela Deo caret: omnibus istis,  
 Ne fallare cave, proximus ater erit.  
 Omen ab eventu est: illis nam Roma diebus  
 Damna sub adverso tristia Marte tulit. 60  
 Hæc mihi dicta semel, totis hærentia Fastis,  
 Ne seriem rerum scindere cogar, erunt.  
 Ecce tibi faustum, Germanice, nuntiat annum;  
 Inque meo primus carmine Janus adest.  
 Jane biceps, anni tacite labentis origo; 65  
 Solus de Superis qui tua terga vides;  
 Dexter ades ducibus, quorum segura labore  
 Otia terra ferax, otia pontus agit.  
 Dexter ades patribusque tuis, populoque Quirini:  
 Et resera nutu candida templa tuo. 70

Festus: "Ausoniam appellavit Auson, Ulyssis et Calypsus filius, eam partem Italiæ, in qua urbes Beneventum et Cales: deinde paulatim tota Italia dicta Ausonia." Heynii excurs. iv. ad Æn. vii. *Omnibus istis*, etc. Omnes dies, qui postridie erant Kalendas, Nonas, Idus (dies postriduanos,) Pontifices *atros*, infaustos, habendos statuerunt, nempe *ab eventu*. Veterum enim superstitio ad dies attendebat, quibus iisdem, sed diversorum annorum, res mirabiles accidissent; Ælianus Var. Hist. ii. 25. Romanis autem post sacra die postriduo facta ad Alliam, ad Cremeram, multisque aliis locis pugna male cesserat; Gellius Noct. Att. v. 17, ex Verrio Flacco. Burmannus hic et alii quibusdam locis *damna ferre* pro *d. facere* notari vult; bonam tamen esse locutionem, ut *fortunam ferre*. Excerpta Vossii, septem cod. et editio Gryphii *averso Marte* exhibent. Nempe *aversi* Dii sunt infesti, *aversi*, qui non exaudiunt preces, vota non rata esse jubent. Sæpe hæc duo confusa sunt

a librariis. *Hærentia*, valentia, tenenda per totum hoc opus.

63. Hinc *Januarii memorabilia* incipiunt. Quoniam Kal. Jan. alteri quisque novum annum gratulabatur, inde jucunda hæc conversio fluxit, *Ecce tibi*, etc. eique additæ sunt bonæ preces. Claudianus, xxviii. 640. Janus "novum fastis aperit felicibus annum, Ore coronatus gemino."

67. *Quorum—agit*, quorum labore pax terra marique parta. Forte universe locutus est de omnibus ducibus, qui, ut Augustus post pugnam Actiacam, pacem composuerunt. Sin quis putet, hæc ad solum Germanicum referenda, dicendum, incerta esse anno u. c. 770. sub Tiberio, quum Germanicus de Cheruscis, Cattis aliisque populis triumphasset; Tacitus, An. ii. 41. Tres nostri Regii codices dant *otia pontus habet*: sæpius quidem apud auctores reperitur verbum *agere* cum *otium, pacem, bellum*, etc. Aliquoties tamen cum hisce vocabulis jungitur verbum *habere*: judicet lector. LEM.

69. *Populo Quirini.*] Horatius, I.

Prospera lux oritur : linguisque animisque favete ;  
 Nunc dicenda bono sunt bona verba die.  
 Lite vacent aures ; insanaque protinus absint  
 Jurgia : differ opus, livida lingua, tuum.  
 Cernis, odoratis ut luceat ignibus æther ; 75  
 Et sonet accensis spica Cilissa focus ?

ii. 46. *Lætus intersis populo Quirini* ; Noster xv. *Metamorph.* 572 et 756. *patria lætum populoque Quirini.* Sed cur *patres* dicuntur esse Jani, *populus autem Quirini*? Burmannus conjicit *tui*, id est, tui Martis, ut et *patres* et *populus Martis*, id est *Romanus*, sint in tutela Jani. Assentitur Taubner. Ipse Janus dictus est *Quirinus*, idque fuit nomen ejus religiosum, Macrobius, *Sat.* i. 9. "In sacris invocamus Janum Quirinum, quasi bellorum potentem, ab hasta, quam Sabini curim vocant." Atque ita et a scriptoribus vocari solet, ut ab Horatio, *IV. Od.* xv. 9. Suetonius *Aug.* 22. *Janum Quirinum ter clusit.* Itaque et nunc forte legi possit *Quirine*, quemadmodum xv. *Metam.* 862 ver. in hunc ipsum vocativ. desinit. Quamquam correctione vix opus esse videtur, modo hæc sic capiantur : et patribus tuis et populo tuo Romano. Sic et Krebsius accipi voluit. Kalendis Januariis templa adiri solebant ; Jani templum eo tempore erat clausum ; itaque Ovidius id introituris ab ipso Deo *reserari* cupit, non manu, sed, ut Deum decet, *nutu.* *Candida* possunt templa dici a marmore, aut omnino a materia candida. Ita III. *Trist.* i. 60. *candida templa Apollinis.* Sed nunc præstat intelligere, quæ plena sunt hominibus candida veste indutis. Candidi enim coloris usus novo anno ; quo tempore Nero etiam stragulis albis utebatur. Sueton. 50.

71—86. *Solemnia novi anni* apud Romanos. Operam dabant, ut fausta loquerentur, et sacra faciebant ; consules magistratum inibant. *Linguis*

*favere, εὐφημεῖν*, et *bona verba dicere* non differunt ; Tibullus, II. ii. 1. "Dicamus bona verba, venit Natalis, ad aras ; Quisquis ades, lingua, vir mulierque, *fave.*" Noster tamen *lætius* dixit, atque etiam *litibus, jurgiis*, maligne dictis opposuit, *animisque.* Hoc idem est, quod Seneca, *Ep.* 87. commendat, "annum faustum et felicem reddamus bonis cogitationibus."

75. Kalendis Jan. tota Roma religionibus occupata. *Odoratis ignibus*, quia tus, croci flos, cinnamomum et casia injici solebant ; Tibullus, II. ii. 3. "Urantur pia tura focus, urantur odores, Quos tener e terra divite mittit Arabs," ubi vid. Heynius. "Panchæis ignibus" dixit Virg. *Georg.* iv. 379. *Spica Cilissa*, crocus ; etiam Propertius, *IV. vi.* 74. Optimum enim Corycys mittebat, mons Ciliciæ. *Spica*, capillamenta et fila croci : vide Salmasium ad Solin. p. 749. Etiam nardo *spica* et *aristæ* passim tribuuntur. Bodæus ad Theophrastem, p. 662. hoc loco odores ex croco et aliis rebus compositos intelligit ; *sonitus* optimi croci indicium ; Plinius, xxi. 6. Quamquam in eo et vis boni ominis. Tibullus, II. v. 81. "succensa sacris crepitem bene laurea flammis." *Cernis*, aut *vides*, ut, quemadmodum, solemne in vividioribus descriptionibus. *Aurum*, lacunar auro obductum. Id dum tremulo motu relucet ab igne, *verberari* splendore flammæ dicitur ; Virgil. *Georg.* iv. 385. "Ter flamma ad summum tecti subjecta reluxit ;" quod et ipsum erat fausti ominis.

Flamma nitore suo templorum verberat aurum,  
 Et tremulum summa spargit in æde jubar.  
 Vestibus intactis Tarpeias itur in arces :  
 Et populus festo concolor ipse suo est. 80  
 Jamque novi præeunt fasces ; nova purpura fulget ;  
 Et nova conspicuum pondera sentit ebur.  
 Colla rudes operum præbent ferienda juvenci,  
 Quos aluit campis herba Falisca suis.  
 Jupiter, arce sua totum quum spectet in orbem,  
 Nil nisi Romanum, quod tueatur, habet. 86  
 Salve, læta dies, meliorque revertere semper,  
 A populo rerum digna potente coli.  
 Quem tamen esse Deum te dicam, Jane biformis ?  
 Nam tibi par nullum Græcia numen habet. 90

79. Inde ab anno U. C. 601. quo Q. Fulvius Nobilior, T. Annius Luscus designati consules, Kal. Jan. frequenti populo comitati, adscendebant in Capitolium, sacrisque faciendis Jovem conciliabant reipublicæ. Confer iii. 147 ; IV. ex Ponto iv. 23—32 ; et ix. init. ubi eadem fere, quæ hic, verba. *Arces* poetis et montes, et templa in montibus posita. *Intactis, puris. Concolor*, candidis vestibus, quæ candido, id est, læto diei conveniunt ; V. Trist. v. 6. eadem vestis alba, quæ toto sumitur anno, *discolor fati* poetæ vocatur. *Purpura*, etsi ea omnium magistratum toga prætexta, consularis tamen potissimum dignitatis decus habebatur. Plinius, pan. lviii. 5. "summum purpuræ decus" consulationis, et lix. 2. "induere prætextam et ascendere curulem," sumere consulationem. *Pondera*, ipse consul sellam curulem premens.

83. *Rudes operum*, qui nondum jugum subiere. *Faliscus* ager, circa Falerios, Etruriæ oppidum, victimis pascendis dicatus. Candidi enim juveneci aut boves in sacris præferebantur ; Clitumni autem amnis aqua potata candidos boves reddere credebatur ; Plinius, ii. 103. *Ara*, domus Jovis in summo cælo, Metam. i. 163. unde despicit terras ; Virgilio, *Æn.* i. 223. Possis tamen Capitolium intelligere, in quod Jupiter illo die, ut sacris suis interesset, descendit. Namque I. Trist. v. 69. etiam Roma "de septem totum circumspicit orbem Montibus." Mox imperium Romanum superbe circumloquitur, *Nil nisi*, etc. ii. 138. "Quodcumque est alto sub Jove, Cæsar habet." *Melior, lætior. Rerum potente* ; Metam. ii. 259. "Cuique fuit rerum promissa potentia, Tiberis," imperium orbis terrarum. *Rerum rectores* Rutil. Itin. i. 555. ubi vid. Wernsdorf.

89. Locus, qui sequitur paulo longior, *Jani mythologiam* complectitur. De ea, quum satis esset impedita, jam antiquiores Romani magna dissentione disputabant, quum alii eam ex historia explicarent, alii ex physicis, Vide Macrobius, Sat. i. 9. et e recentioribus Heynium in Exc. V. ad *Æn.* vii. Ac hic quidem Jani religionem

Ede simul causam, cur de cœlestibus unus,  
 Sitque quod a tergo, sitque quod ante, vides.  
 Hæc ego quum sumtis agitarem mente tabellis,  
 Lucidior visa est, quam fuit ante, domus.  
 Tum sacer, ancipiti mirandus imagine, Janus 95  
 Bina repens oculis obtulit ora meis.  
 Obstupui; sensique metu riguisse capillos;  
 Et gelidum subito frigore pectus erat.  
 Ille tenens dextra baculum, clavemque sinistra,  
 Edidit hos nobis ore priore sonos: 100  
 Disce, metu posito, vates operose dierum,  
 Quod petis, et voces percipe mente meas.  
 Me Chaos antiqui, nam res sum prisca, vocabant.  
 Adspice, quam longi temporis acta canam.

putat ab initio fuisse symbolicam, ad declarandam rerum naturam, variasque ejus proprietates. Hoc certum est, fictum eum esse bifrontem cum clave et virga, appellatum Patrem, omnibus januis præfuisse, in omnibus sacris primum esse invocatum, arbitrum denique fuisse belli et pacis.

*Quem tamen—habet.*] Quum omnis fere Romanorum mythologia sumta esset a Græcis, non temere hæc quæruntur. Responsio tamen facilis est, si sumis *Janum* antiquissimum fuisse Italarum regem. *Lux* signum Dei præsentis. Virg. *Æn.* ii. 590. "pura per noctem in luce refulsit Venus;" confer eundem iv. 358. Hac igitur Jani luce et *domus* collustrari potuit, et, quod Excerpta Vossi, Polit. et Erford. Cod. præferunt, nec Burmannus damnat *dies*.

99. Macrob. i. 9. Janus "et cinn clave ac virga figuratur quasi omnium portarum custos et rector viarum." *Ore priore*, ore ad me converso. *Vates operosus dierum*, poeta serio occupatus diebus describendis. Ita et iii. 177.

Mars poetam vocat. Janus principium habebatur omnium rerum; inde dictus est *chaos*. Quin erant, qui ipsum ejus nomen a voc. *chaos* deducerent, detracta adspiratione. Vid. Festus in h. v. Chaos ejusque formationem hic describit, ut v. 11 sqq; *Metam.* i. init. Confer et ea, quæ ex M. Messalæ libro de Jano Macrobius d. l. adfert. *Lite rerum suarum*, pugna, scil. fermentatione elementorum contrariorum, quam *Metam.* d. l. descripsit. *Flamma*, æther, cujus natura ignea. *Sederunt*, subsederunt, quod v. 13. legitur. Tibul. IV. i. 19. pro eo, *desiderere*. Solo pro loco Heinsius ex plurimis et melioribus MSS. recepit, quia solum iniuscujusque rei fundamentum, et quia *Metam.* i. 73. "astra tenent cœleste solum." *Sine imagine*, informis, ut *Metam.* i. 87. *sine imagine tellus*. *In faciem redii*, formam distinctam accepi. Nota est ipsa forma biceps, cujus sic prior causa allata est. *Ante quod*, etc. pars capitis anterior et posterior. Lenzius præterita et futura intelligit.



Lucidus hic aer, et, quæ tria corpora restant, 105  
 Ignis, aquæ, tellus, unus acervus erant.  
 Ut semel hæc rerum secessit lite suarum,  
 Inque novas abiit massa soluta domos ;  
 Flamma petît altum ; propior locus aera cepit :  
 Sederunt medio terra fretumque solo. 110  
 Tunc ego, qui fueram globus, et sine imagine moles,  
 In faciem redii, dignaque membra deo.  
 Nunc quoque, confusæ quondam nota parva figuræ,  
 Ante quod est in me, postque videtur idem.  
 Accipe, quæsitæ quæ causa sit altera formæ ; 115  
 Hanc simul ut noris, officiumque meum.  
 Quidquid ubique vides, cœlum, mare, nubila, terras ;  
 Omnia sunt nostra clausa patentque manu.  
 Me penes est unum vasti custodia mundi :  
 Et jus vertendi cardinis omne meum est. 120  
 Quum libuit Pacem placidis emittere tectis ;  
 Libera perpetuas ambulat illa vias.  
 Sanguine letifero totus miscebitur orbis,  
 Ni teneant rigidæ condita bella seræ.

115. Ab officio initium facit, et inde a ver. 34. *alteram causam* subjicit. Janus omnium januarum, tam per orbem terrarum, quam in cœlo, præses claviger et custos. Januæ opera janitoris vel patent, vel clausæ tenentur. Hinc omnis locus sequens pendet. A quibusdam Janus Sol habebatur, et ideo geminus, quasi utriusque januæ cœlestis potens, qui exoriens aperiat diem, occidens claudat. *Nubila*, aera. *Vertere cardinem*, aperire et claudere januam. A Jano, antiquissimo Italiæ rege, domorum valvæ, seræ et claves excogitatæ, januæque dictæ esse credebantur. Exempli causa e terrestribus Poeta memorat, quæ Romæ in primis memorabiles, januas *Pacis*, videlicet templi Jano dicati, quod

Numa indicem belli et pacis esse voluerat. Id poetæ varie exornarunt. Hoc loco Janus templo suo Pacem et Bellum, tamquam personas, tenet clausa, et pro arbitrio nunc hoc *emittit*, nunc illam. Apud Horatium, II. Ep. i. 255. ipse clausis januis, ut pacis auctor et custos, cohibetur. Apud Virgilium, *Æn.* vii. 607 seq. Bellum et Mors vincta tenentur, custode in foribus Jano. *Perpetuas*. Vetustiores plerique *per tutas*, quod mihi placet. Sed Heinsius tuetur *perpetuas*, quia *ambulare* cum accusativo construitur. *Letiferum sanguinem* Noster dixit etiam Rem. Am. 26. quia profusio sanguinis mortem adfert. *Miscebitur*, ut apud historicos *ferro flammaque misceri omnia* dicuntur.

Præsideo foribus cœli cum mitibus Horis : 125

It, redit officio Jupiter ipse meo :

Inde vocor Janus : cui quum Cereale sacerdos

Imponit libum, mixtaque farra sali ;

Nomina ridebis : modo namque Patulcius idem,

Et modo sacrificio Clusius ore vocor. 130

Scilicet alterno valuit rudis illa vetustas

Nomine diversas significare vices.

Vis mea narrata est : causam nunc disce figuræ.

Jam tamen hanc aliqua tu quoque parte vides.

125. De his *Horis* Homerus, II. E. 749. ubi de portis cœli : ἄς ἔχον Ὠ-  
ραι, τῆς ἐπιτέτραπται μέγας οὐρανὸς  
οὐλυμπόσσε, Ἡμὲν ἀνακλῖναι πυκι-  
νὸν νέφος, ἢ δ' ἐπιθέιναι, " quibus  
commisum est magnum cœlum, ut et  
aperiant densam nubem et claudant."  
Nempe, probante Heynio, effictæ sunt  
ex anni conversionibus, iisque suavi-  
ter ministerium ad fores cœli datum.  
Pro foribus ibi nubes obditur. Genus  
et nomina earum habent Hesiodus  
Theog. 901 ; Orpheus h. 42. *It, redit*  
Heinsius e MS. Vossiano et septem  
aliis assumpsit, pro *Et redit*, quod  
scripti plerique præferunt. Olim vulgo  
*Et redit officio Jupiter, itque meo*, quod  
ἕστερον πρότερον non infrequens.  
Heinsius putat, Ovidium hic respex-  
isse ad etymon nominis, quum Cicero  
Janum ab eundo *Eanum* dictum exis-  
timet. Vid. Sagittarius de Januis.  
Et sic putandum est, si *inde* refers ad  
verba *it, redit*. Sed potest etiam ad  
*præsideo foribus* referri et multo rectius,  
quia non Janus *iens* inducitur, sed  
Jupiter. Noster eos potius secutus est,  
quibus *Janus* a *janua* dictus videba-  
tur, quia januis præesset. *Cui*, ejus  
altari. *Libum* ; Festus : " Janua,  
libi genus, quod Jano tantummodo  
libatur." *Patulcius*, etc. Etiam Ma-  
crob. " In sacris quoque invocamus

Janum Patulcium et Clausium ; quia  
bello valvæ ejus patent, pace claudun-  
tur." *Alterno*, altero munus aperiendi,  
altero claudendi. Heins. malebat, *al-  
ternas diverso*, quod placebat Taub-  
nero. Alterum est exquisitius. *Vices*,  
munera, quæ per vices aguntur.

133. *Vis*, officium : ex hoc tu jam  
quodammodo sponte causam figuræ  
meæ cognosces. *Populum spectat*,  
versa est ad plateas. *Janitores* in  
aditu ædium inter duas fores vel *sede-  
bant*, vel stabant, vel cubabant ; Sa-  
gittarius de Januis ep. 16. Burmannus  
putat, inferiorem domus partem, ubi  
janua, non recte *primum tectum* dici.  
Conjicit igitur hic quoque *privi*, ut  
domus privatæ custos comparetur  
Jano. Immo e sermone poetico prima  
pars rei recte *prima res* dicitur. Ita  
*primum ver*, *primus sol* et multa alia.  
Confer vi. 302. ubi *primæ ades* occur-  
runt. *Prospicio*. Meliores, notante  
Heinsio, *perspicio* ; sed *prospicio*, in lon-  
ginquum specto, verum est. *Partes*,  
regio. Quum Dea *triceps* adeo, aut  
triformis haberetur Hecate in triviis  
cultâ, non male illa comparationis  
causa est adhibita. Præter has, et  
aliæ causæ commemorantur quare bi-  
ceps Janus ; in primis hæc, quod Janus  
rex et præterita sciverit, et futura pro-  
viderit.

Omnis habet geminas, hinc atque hinc, janua  
frontes ; 135

E quibus hæc populum spectat ; at illa Larem.  
Utque sedens vester primi prope limina tecti  
Janitor, egressus introitusque videt ;  
Sic ego prospicio, cœlestis janitor aulæ,  
Eoas partes, Hesperiasque simul. 140

Ora vides Hecates in tres vergentia partes,  
Servet ut in ternas compita secta vias.  
Et mihi, ne flexu cervicis tempora perdam,  
Cernere non moto corpore bina licet.  
Dixerat : et vultu, si plura requirere vellem, 145  
Se mihi difficilem non fore fassus erat.

145—164. *Cur annus media hieme incipiat.*] Hic suavis verni temporis descriptio intexta, quacum conf. Anacreon, Od. 37 ; Lucretius, i. 5 sqq ; Horatius, i. Od. 4 ; iv. Od. 7 et 12 ; Virgilius, Georg. ii. 324. et Noster infra iii. 236 sqq ; iv. 87 sqq. *Fassus erat*, e vultu hilari apparebat, eum mihi non difficilem fore ; Metam. vi. 35. “ confessaque vultibus iram.” Non territus quidem egit, verecundus tamen, *spectans humum*. *Per ver*, durante vere. *Nova temporis atas*. omnia tunc quasi reascuntur. *Gemma* ad articulos sarmentorum existit, et inde oriens uva se ostendit. Cicero de Senect. 15. *Amicitur frondibus*. *Amicire*, ut *vestire*, de frondibus floribusque æque bene ac de vitibus dicitur : et in descriptione veris solemne est etiam folia redeuntia meminere. Etiam, ni fallor, *modo formatis*, recens natis, melius frondibus, quam vitibus convenit. *Desaintange* monet, vitibus positum esse pro *frondibus* ; quod ferri non potest. *Seminis herba* præfero, id est, sata. *Tepor* de calore verno ; *mulcere* de leni concussionem aeris, quam efficit vel mitis Zephyrus, vel suavis

concentus avium. *Luxuriare* lætos et petulantes motus indicat, ut *Æn.* xi. 497. Pro eo *Metam.* vii. 321. agnus *lascivit fuga*. Verum ea notio quum jam insit verbo *ludit* (Horat. III. Od. xi. 10 ; xviii. 9.) possis nunc ad membra vegeta referre, ut *Metam.* vii. 292. *membraque luxuriant* ; Virg. Georg. iii. 81. *luxuriat toris pectus* ; Plin. II. Ep. xvii. 1. *pecora tepore verno nitescunt*. *Ignota*. advena. De *hirundinis* reditu vide ii. 853. *Fingit* recepit Heins. ex MS. Petav. et multis aliis, quia *ingere* in primis de luteis operibus : quidam *nectit* : vulgo *figit*, quod et ipsum de nido hirundinis bene dicitur ; Virgilius, Georg. iv. 307. *tignis nidum suspendit* ; Horat. IV. Od. xii. 5. *Nidum ponit*. Adeo illud variari potest. *Tum patitur*, etc. Non agnoscit hic Heinsius numeros Ovidianos, itaque conjicit *Tunc cultum patietur ager, renovatus aratro*. Futurum quidem *patietur* nunc vix locum habet commodum : *patitur*, admittit cultum, tunc enim “ Zephyro putris se gleba resolvit,” Georg. i. 44. *A bruma*, sive solstitio hiemali Romani novum annum incipiebant ; Censorinus, cap.

Sumsi animum, gratesque Deo non territus egi:  
 Verbaque sum spectans pauca locutus humum.  
 Dic, age, frigoribus quare novus incipit annus,  
 Qui melius per ver incipiendus erat? 150  
 Omnia tunc florent: tunc est nova temporis ætas;  
 Et nova de gravido palmite gemma tumet;  
 Et modo formatis amicitur frondibus arbos;  
 Prodit et in summum seminis herba solum;  
 Et tepidum volucres concentibus aera mulcent;  
 Ludit et in pratis luxuriatque pecus. 156  
 Tum blandi soles; ignotaque prodit hirundo;  
 Et luteum celsa sub trabe fingit opus.  
 Tum patitur cultus ager, et renovatur aratro:  
 Hæc anni novitas jure vocanda fuit. 160  
 Quæsieram multis: non multis ille moratus,  
 Contulit in versus sic sua verba duos:  
 Bruma novi prima est, veterisque novissima solis:  
 Principium capiunt Phœbus et annus idem.  
 Post ea mirabar, cur non sine litibus esset 165  
 Prima dies: Causam percipe, Janus ait.

21. Hinc *bruma* ponitur etiam pro ipso novo anno. Vid. omnino Scaliger de Emendat. Temp. v. 412; et Ideler, p. 354.

165—170. *Primus anni dies cur fastus.*] Veteres habebant dies *auspicales*, id est, quibus boni ominis causa negotia quædam leviter agerent. Sic Vulcanalibus multi auspiciandi causa lucubrare solebant; scil. ante diluculum, lychnis adhibitis, aliquid tractare. In iis diebus in primis erant Kalendæ Januar. Columella, xi. 2: "Per hos dies abstinent terrenis operibus religiosiores agricolæ; ita tamen, ut ipsis Kal. Januariis auspiciandi causa omne genus operis instaurent." Conf. Lipsius ad Tacitum,

Ann. iv. 36. Idem ergo fiebat in foro Romano. Non erat, cur Heinsius *mirabar* in *scitabar* mutari vellet; etenim *mirari* est mirabundum interrogare, ut *dubitare*, dubitanter quærere. *Iners*, qui ab inertibus transigitur. *Ab auspicio*, propter auspiciam. *Delibare artes* eleganter dicitur, qui non serio iis instat, sed leviter eas, boni ominis causa, attingit. *Pro ob idem* Heinsius conjicit *obiter*; quod quum in Bullialdi codice exstaret, nec Burmanno displicebat: est enim leviter, non id agens, quamquam vis ejus jam inest in verbo *delibat*. Heinsius præterea e corruptis MSS. vocibus *obid*, *obide* etiam restituere volebat, *obit et delibat*. Burmannus vehementer dubitat, an *obire*

Tempora commisi nascentia rebus agendis,  
 Totus ab auspicio ne foret annus iners.  
 Quisque suas artes ob idem delibat agendo :  
 Nec plus quam solitum testificatur opus. 170  
 Mox ego : Cur, quamvis aliorum numina placem,  
 Jane, tibi primo tura merumque fero ?  
 Ut per me possis aditum, qui limina servo,  
 Ad quoscumque velim prorsus habere Deos.  
 At cur læta tuis dicuntur verba Kalendis ; 175  
 Et damus alternas, accipimusque preces ?  
 Tum Deus incumbens baculo, quem dextra gerebat :  
 Omina principiis, inquit, inesse solent.  
 Ad primam vocem timidas advertitis aures :  
 Et visam primum consulit auger avem. 180  
 Templata patent, auresque Deûm : nec lingua caducas  
 Concipit illa preces ; dictaque pondus habent.  
 Desierat paucis : nec longa silentia feci ;  
 Sed tetigi verbis ultima verba meis :

*artes recte dicatur. Ipse suadet, Quisque suas partes obiter delibat agendo ; etenim agere partes esse obvium et vulgare ; et illos, quos Auctor intelligat, perfunctorie tantum opus suum, ut in scena histriones, delibare.*

171—174. *Primus in sacris invocatur Janus.*] Inde et in Senec. Apocol. primus sententiam rogatur in cœlo. Causa ejus honoris non una redditur. Q. Fabius Pictor habet hanc, quia Janus primus far et vinum ad sacrificia docuerit ; Cicero Nat. D. ii. 27. quia prima et extrema omnibus in rebus maximam vim habeant ; Macrobius d. I. quia Janus in Italia primus diis templa fecerit ; Festus, quia Chaos omnium primum. Far ei oblatum esse, Fabius auctor fuit ; Noster et Martialis tura memorant ; nempe tura ferre aut dure formula solemniss

pro, sacra facere. Itaque Metam. i. 369. jam de Deucalionis sacris legitur, *aditum ad Deos.* Etiam Arnob. adv. Gent. iii. p. 117. eum dicit *viam pandere Deorum ad audientiam.*

175—182. *De latis precationibus. Quem ;* Heinsius malit *quod*, quia *baculum* neutro genere Metam. ii. 789. legitur. Sed non est, cur invitis libris eam formam adoptemus. *Omina, etc.* Itaque et operam dabant Romani, ut orationes verbis bene ominatis auspicarentur. *Consulit*, auspicia capit. *Caducæ*, quæ cadunt ad irritum, non exaudiuntur. *Concipere preces* non modo de mente dicitur, quæ eas excogitat, sed et de lingua quæ eas profert ; Metam. viii. 682. *Pondus habent*, quibus eventus constat ; Metam. ix. 495. *somnia pondus habent.*

183—226. *Strenæ*, de quibus vid.

Quid vult palma sibi rugosaque carica, dixi, 185

Et data sub niveo candida mella cado?

Omen, ait, causa est, ut res sapor ille sequatur,

Et peragat cœptum dulcis ut annus iter.

Dulcia cur dentur, video: stipis adjice causam,

Pars mihi de festo ne labet ulla tuo. 190

*Frankenstein* in *Disp. de novo anno*, cap. 4. Earum originem ad Tatium regem refert *Symmach.* *Paucis*, pauca locutus, prætulit *Heinsius* ex uno *Mazarin.* nam reliqui habent *Janus.* In strenis erant caryotæ, *palma* fructus, auro oblitæ; *Martialis*, xiii. *Epigr.* 27; viii. 33. "Hoc linitur Sputo Jani caryota Kalendis, Quam fert cum parvo sordidus asse cliens." *Cadus*, vas, variis rebus recipiendis serviens, etiam melli. *Martialis*, i. 4. "Flavaque de rubro promere mella cado." Sed in strenis *niveus* cadus, *candida* mella, quæ optima. *Ut res*, etc. ut res, quæ per annum eveniunt, dulces sint, quemadmodum mella sunt dulcia.

189. De *stipe inter strenas data* nonnulla habet *Neapol.* Ipsi *Cæsares* talem stipem accipiebant; et exstant plures inscriptiones, quibus *Augustus* monumentum ex stipe, quam *Pop. R.* ei *Kal. Jan.* contulerit, posuisse narratur. Vid. *Sueton.* *Aug.* 91; *Calig.* 42. et quæ *Ursin.* ad priorem locum dedit. *Labant*, quæ incerta fluctuant. *Tua sæcula*, mores publici hominum tui ævi. *Tacitus*, *Mor. Germ.* 19. "Nec, corrumpere et corrumpi, sæculum vocatur." Ex moribus jam habendi cupidinem perstringit. *Fallunt*, latent. *Vix ego*, etc. Aliter *Noster III.* *Amor.* viii. 35. "At quum regna senex cæli Saturnus haberet, Omne lucrum tenebris alta premebat humus." Sed hoc loco *Janus* prope jocose rein urgere vult. De *casa* *Romuli* plura apud *Veteres*; *Seneca* de *Consol.* 9. p. m. 84. "Næ tu pusilli animi

es, si id ideo fortiter pateris, quia *Romuli* casam nosti." *Dionysii* adhuc ætate casula sustentabatur, quam *Romulus* et *Remus* struxerant. *Archæol.* I. lxxvi. p. 205. edit. *Reisk.* Sed nunc intelligenda ea, quam *Romulus*, condita jam urbe, inhabitabat quæ et iii. 183. seq. memoratur; *Valerius Max.* iv. 4. "Per *Romuli* casam, perque veteris *Capitolii* humilia tecta." *Leges* tum non sinebat fortuitum spernere cespitem; *Horatius* d. l. *Capiebat*, satis ampla erat ad recipiendum *Romulum.* *Martigena*, ut *draconigena*, *aurigena* et similia apud *Nostrum.* Ex *ulvis fluminum* facere toros olim pauperes solebant, *Metam.* viii. 655. ut *Lacedæmones* ἐκ στυβάδων. *Serius* in culcitis plumeis malebant mollius requiescere. Confer, iii. 184 sq. *Jupiter angusta*, etc. Putant intelligi *Jovis Feretrii* templum, cujus longitudo vix quindecim pedum erat, secundum *Dionysium*, ii. 34. Potius omnino hoc vult: admodum humilia et angusta olim erant templa. *Vix stabat*, si non sedens in templis, sed stans effectus esset, vix stare potuisset. Vide *Burm.* in *Jove Fulg.* cap. 14. *Fictile fulmen.* Quin statuæ tum totæ fuere fictiles; *Plin. Hist. Nat.* 35; *Tibullus*, I. x. 10. "Tunc melius tenuere fidem, quum paupere cultu Stabat in exigua lignæ æde Deus." Adde *Propertium*, IV. i. 5. *Gemmis.* *Augustus* una donatione in cellam *Jovis Capitolini* sedecim millia pondo auri, gemmasque ac margaritas quingenties *IHS.* contulit; *Suetonius*, *Aug.* 30.

Risit, et, O quam te fallunt tua sæcula, dixit,  
 Qui stipe mel sumta dulcius esse putes!  
 Vix ego Saturno quemquam regnante videbam,  
 Cujus non animo dulcia lucra forent.  
 Tempore crevit amor, qui nunc est summus, ha-  
 bendi: 195  
 Vix ultra, quo jam progrediatur, habet.  
 Pluris opes nunc sunt, quam prisci temporis annis;  
 Dum populus pauper, dum nova Roma fuit;  
 Dum casa Martigenam capiebat parva Quirinum,  
 Et dabat exiguum fluminis ulva torum. 200  
 Jupiter angusta vix totus stabat in æde;  
 Inque Jovis dextra fictile fulmen erat.  
 Frondibus ornabant, quæ nunc Capitolia gemmis;  
 Pascebatque suas ipse senator oves.  
 Nec pudor in stipula placidam cepisse quietem,  
 Nec fœnum capiti supposuisse, fuit. 206  
 Jura dabat populis posito modo consul aratro,  
 Et levis argenti lamina crimen erat.  
 At postquam Fortuna loci caput extulit hujus,  
 Et tetigit summos vertice Roma Deos: 210

207. Confer iii. 779 sqq. Ab aratro consules ad fasces arcescebantur. L. Quinctius Cincinnatus dictator dictus vel fossam fodiens, vel aratro incumbens: Livius, iii. 26. *Argenti lamina*; Plin. xviii. 8: "Præcipiebant ista, qui triumphali denas argenti libras in suppellectile crimini dabant." Nempe Cornel. Rufinum, bis consulem et dictatura functum, Fabricius censor anno U. C. 478. senatu movit, quod decem pondo libras facti argenti haberet; Gellius Noct. Att. iv. 8; xvii. 21. *Laminam* fere scriptores ponunt, quando contemtim de argento aut auro loquuntur; Seneca Benef.

VOL. V.

vii. 10. "laminas utriusque materiæ." Horatius, II. Od. ii. 2. "inimice lamnæ."

209. Postquam Roma finibus opibusque crevit, loco cuique *Fortuna* quædam præesse, ejusque fata regere credebatur; Metam. iv. 565; x. 335. *Ad Fortunam Pop. R.* omnes imperii vicissitudines referebant scriptores. *Creverunt et opes*, etc. Juvenalis, xiv. 139. "Crescit amor nummi, quantum ipsa pecunia crescit." *Furorem* istius cupidinis describit Sallustius Cat. xi: Ea "semper infinita, insatiabilis, neque copia, neque inopia minuitur."

D

Creverunt et opes, et opum furiosa cupido;  
 Et, quum possideant plurima, plura volunt.  
 Quærere ut absumant, absumta requirere certant;  
 Atque ipsæ vitiis sunt alimenta vices.  
 Sic, quibus intumuit suffusa venter ab unda, 215  
 Quo plus sunt potæ, plus sitiuntur aquæ.  
 In pretio pretium nunc est: dat census honores;  
 Census amicitias: pauper ubique jacet.  
 Tu tamen, auspiciam si sit stipis utile, quæris,  
 Curque juvent nostras æra vetusta manus: 220  
 Æra dabant olim; melius nunc omen in auro est:  
 Victaque concedit prisca moneta novæ.  
 Nos quoque templa juvant, quamvis antiqua pro-  
 Aurea; majestas convenit ista Deo. [bemus,  
 Laudamus veteres, sed nostris utimur annis: 225  
 Mos tamen est æque dignus uterque coli.  
 Finierat monitus: placidis ita rursus, ut ante,  
 Clavigerum verbis alloquor ipse Deum:

215. *Suffundi* et venter dici potest aquis, ut alibi *os suffusum pudore*, et aquæ sub cute collectæ. Eadem autem similitudine avaritiæ naturam illustrarunt Polybius, xiii. 1; Horatius, II. Od. ii. 13. ubi "Crescit indulgens sibi dirus hydrops," etc. *Pretium in pretio est*, pecunia æstimatur. *Dat census honores*. Confer III. Amor. viii. 55. Plinius, xiv. procem. "Posteris laxitas mundi, et rerum amplitudo damno fuit, postquam Senator censu legi cœptus, iudex fieri censu magistratum ducemque nihil magis exornare, quam census." *Jacet*, contemnitur, nec honores consequitur, nec amicitias.

219. *Cur aheni nummi dentur*. *Quæris*, fortasse quæris; Ovidius enim non quæsierat. *Si, an*. Lenzius verba sic conjungit, *Si tu tamen quæris sitne*

*stipis*, etc. Heinsius vero malebat, *si cur stipis utile quæris*. Tunc apodosis foret ommissa: causa est hæc: editiones antiquæ et multi MSS. *cur sit*. Sed commode duæ diversæ interrogationes locum habent. *Cur juvent*, cur gratum nobis sit æneos nummulos accipere. *Concedat*, cedat, et *victu* e copia poetica additum. *Antiqua* ita probabat illa ætas, ut et homines et res, quas extollere vellet, *antiquas* vocaret. Vide nos ad Plinium, pan. 95. *Anni*, mores temporis. *Colore morem*, observare morem.

227—254. *De adventu Saturni*, qui e cælo Jovis arma fugiens ad Janum venit, ab eoque hospitio exceptus, Latio nomen dedit, et Aboriginibus, hominum generi agresti, meliorem cultum intulit; Virgil. *Æn.* viii. 315 sqq. Vide Heynii *Excursus*, ii. et v.



Multa quidem didici : sed cur navalis in ære

Altera signata est, altera forma biceps? 230

Noscere me duplici posses in imagine, dixit;

Ni vetus ipsa dies extenuaret opus.

Causa ratis superest : Tuscum rate venit in amnem

Ante pererrato falcifer orbe Deus.

Hac ego Saturnum memini tellure receptum : 235

Cœlitibus regnis ab Jove pulsus erat.

Inde diu genti mansit Saturnia nomen :

Dicta quoque est Latium terra, latente Deo.

At bona posteritas puppim servavit in ære,

Hospitis adventum testificata Dei. 240

Ipse solum colui, cujus placidissima lævum

Radit arenosi Tibridis unda latus.

ad Æn. vii. *Sed cur navalis*, etc. Macrobius, Sat. i. 7. "Quum primus quoque æra signaret, servavit et in hoc Saturni reverentiam, ut quoniam ille navi fuerat advectus, ex una quidem parte sui capitis effigies, ex altera vero navis exprimeretur, quo Saturni memoriam etiam in posteros propagaret." Confer Minucium Fel. 22; et Cyprianum de Idol. Vanit. i. 3; Lactantium Inst. I. xiii. 7. ubi nummi veteres, quales hic describuntur, commemorantur. Omnino vide Raschii Lexic. numar. voc. *Janus*. *Navalis forma*, forma navis, *signata*: Heinsius *signato* malebat. *Noscere me posses*, etc. nosceres, bicipitem illam formam esse mei capitis, me ipsum referre, nisi tempus, quod omnia extenuat, etiam in ære illo lineamenta oris mei obliterasset, *extenuaret*, minueret partes. Male librarii *extenuasset* substituerunt; Auctor enim universe loquitur.

233. *Fals* Saturni symbolum fuisse putatur agriculturæ ab ipso in Italia repertæ. Alii eam putant ei attributam, quod tempus omnia metat, ex-

secet, incidat; Macrobi. i. 8. *Receptum* scil. a me. *Ab Jove pulsus*; Macrobi. "Eundem a filio pulsum, quid aliud est, quam tempora senescentia ab his, quæ post sunt nata, depelli?" *Saturnia*. In inscript. quam Dionysius Halic. Archæol. i. 14. commemorat *Στείχετε μαιόμενοι Σικελῶν Σατορνίαν ἄαν*. Idem cap. 24. narrat, ante Herculis adventum totam oram, quæ post Italia dicta, Saturno Deo fuisse sacratam, et ab incolis Saturniam vocatam; esse etiam urbes quasdam, quæ ita appellentur. Janum ipsum terræ hoc nomen indidisse, auctor est Macrobi. Sat. i. 7. *Latium, latente Deo*. Sic vulgo putabant, decepti inepta etymologia. Etiam Virg. Æn. viii. 320 sqq. *Bona, grata. Puppim servavit*. Nempe multi nummi, etiam post Servii Tullii tempora signati, servant vel Jani biformis vel navis figuram. Inde forte opinio nata, jam Janum signasse nummos. *Lævum latus*. Fabius Pictor: "Is Janus sub initium aurei sæculi lævum latus Tiberis Hetruriæ tenuit." *Radere* æque ac *rodere* et *mordere* de fluvio alluente.

Hic, ubi nunc Roma est, incædua sylva virebat ;  
 Tantaquæ res paucis pascua bubus erat.  
 Arx mea collis erat, quem cultrix nomine nostro  
 Nuncupat hæc ætas, Janiculumque vocat. 246  
 Tunc ego regnabam, patiens quum terra Deorum  
 Esset, et humanis numina mixta locis.  
 Nondum Justitiam facinus mortale fugarat ;  
 Ultima de superis illa reliquit humum : 250  
 Proque metu populum sine vi pudor ipse regebat :  
 Nullus erat justis reddere jura labor.  
 Nil mihi cum bello : pacem postesque tuebar :  
 Et clavem ostendens, Hæc, ait, arma gero.  
 Presserat ora Deus : tunc sic nostra ora resolvo,  
 Voce mea voces elicente Dei : 256  
 Quum tot sint Jani, cur stas sacratus in uno,  
 Hic ubi juncta foris templa duobus habes ?

243. Vastitatem illorum locorum plures poetæ describere, et cum magnificentia urbis Romanæ compararunt, ut Virgilius, *Æn.* viii. 314 sqq. *Incædua*. Plinius, *V. Ep.* vi. 8. *nemora antiqua* distinguit a *cædiis*, in quibus solent arbores cædi. *Tanta res*, tam magnificum caput tantæ reipublicæ. *Arx mea*, etc. non *arcem*, palatium, habebam, sed nudum collem, in quo degebam. *Cultrix*, incolens montem.

247. *Patiens Deorum et humanis mixta numina locis* paulo audacius dictum, quum Dii habitarent in terris atque inter homines ; id quod erat in bonis aurei seculi. *Nondum Justitiam*, etc. Sic et *Metam.* i. 150. ubi postquam *facinus mortale*, facinora mortalia, descripsit, pergit : “ Virgo cæde madentes Ultima cælestium terras Astræa reliquit.” Etiam cum sqq. confer *Metam.* i. 90 sqq. et 129. quibus

similia Fabius Pictor narraverat. *Pudor*, moderatio omnium cupiditatum causa justi et æqui.

257. *Jani Romæ* dicebantur ædificia fornicata et pervia, per quæ in alios vicos transire licebat. Tales Jani erant plures, ad forum tres. Livius, xli. 27. de Fulvio Flacco censore, “ Curavit forum porticibus tabernisque claudendum, et Janos tres faciendos.” Sed hoc loco Lenzius sacella Jani intelligit. *Stas sacratus*, habes statuam. *Templa Janus* habebat tria : primum conditum est a Romulo, pace inter ipsum et Tatium facta : quod ipsum Numa tempore pacis claudi instituit : alterum quatuor portarum fuit in foro Romano, ab Augusto dedicatum : in quo Janus quadrifrons colebatur : tertium junctum erat *foris duobus*, piscario et boario, a Duillio positum et a Tiberio instauratum ; ii. 201.

Ille manu mulcens propexam ad pectora barbam,  
 Protinus Œbalii rettulit arma Titi : 260  
 Utque levis custos, armillis capta Sabinis,  
 Ad summæ Tatium duxerit arcis iter,  
 Inde, velut nunc est, per quem descenditis, inquit,  
 Arduus in valles et fora clivus erat.  
 Et jam contigerat portam, Saturnia cujus 265  
 Demserat appositas insidiosa seras.  
 Cum tanto veritus committere numine pugnam,  
 Ipse meæ movi callidus artis opus,

260. Tatius, Sabinorum rex, quum passim a scriptoribus *Titi* prænominē insigniatur, atque etiā h. l. MS. Vossii idem præferat, tum mox *Tatium* occurrat, Heinsius illud merito prætulit. *Œbalus* antiquissimus Lacedæmoniorum rex. Sabini autem a Lacedæmoniis, quemadmodum Etrusci a Tyrrhenis descendere credebantur; Plutarch. Rom. 15; quamquam falso. Inde iii. 230. *Œbalides matres*.

261. Confer. cum his Noster, Metam. xiv. 751 sqq; Dionysius Halic. ii. 38—40; Livius, i. 11; Servius ad Æneid. i. 396. Sp. Tarpeius arci Romanæ præerat, filiaque ejus custodiebat portam, de qua mox. *Levis*, cui non tuto custodia credita, aut quæ facile corrumpi potuit muneribus. Virgo, quum Tatius id ageret, ut eam corrumperet, aureas *armillas*, quas magni ponderis lævo brachio *Sabini* gestabant, pepigit. Ita Tatius *summa arce* potitus est. Sic Fabius et Cincius traherant. Sabini autem, ut Etrusci, molli victu cultuque gaudebant. *Arduus in valles*, arduus imminens vallibus.

265. *Contigerat*, scil. Tatius. *Portam*. Macrob. Sat. i. 9: "Quum Romani portam, quæ sub radicibus collis Viminalis erat, quæ postea ex eventu Janualis vocata est, claudere festi-

narent, quia in ipsam hostes irruerant," etc. *Saturnia*, Juno; hinc sequitur *tanto numine*, et Voss. habet *Saturnia Juno*. Ea autem indignabatur, ut omnibus Trojanis, ita Æneæ ejusque posteris. Ad eam igitur Hor. II. Od. i. 25. multo seriora mala refert. Non male ergo nunc quoque interposita est. Confer Metam. xiv. 787. *Seræ* scil. ligna, quæ ex transverso januis objiciebantur, passim dicuntur *aponi*. Iis *appositis*, januæ *obserantur*; demtis, *reserantur*.

268. *Movi opus meæ artis*, edidi opus, patravi facinus mihi conveniens; Macrob. d. l. "Quumque Sabini per portam patentem irrupturi essent, fertur ex æde Jani per hanc portam magna vis torrentium, undis scatentibus, erupisse, multasque perduellium catervas, aut exustas ferventi aqua, aut devoratas rapida voragine deperisse." *Ora fontana*, exitum fontis. Janus autem omni exitui præest; hinc, *qua potens sum ope*. De aqua prosiliente *ejaculari* etiam Metam. iv. 124. Alibi sic *egerere*, ut Plin. IV. Ep. xxx. 7. Varro de Ling. Lat. iv. "Lautolæ a lavando, quod ibi ad Janum geminum aquæ calidæ fuerint." Inde nata videtur fabula, Met. xiv. 785. Venus Romanorum causam agit, atque a Naidibus, loca Jano

Oraque, qua pollens ope sum, fontana reclusi ;  
 Sumque repentinas ejaculatus aquas. 270  
 Ante tamen gelidis subjeci sulphura venis,  
 Clauderet ut Tatio fervidus humor iter.  
 Cujus ut utilitas pulsus percepta Sabinis ;  
 Quæque fuit, tuto reddita forma loco est.  
 Ara mihi posita est, parvo conjuncta sacello : 275  
 Hæc adolet flammis cum strue farra suis.  
 At cur pace lates, motisque recluderis armis ?  
 Nec mora, quæsiti reddita causa mihi :  
 Ut populo reditus pateant ad bella profecto,  
 Tota patet demta janua nostra sera. 280  
 Pace fores obdo, ne qua discedere possit :  
 Cæsareoque diu nomine clausus ero.  
 Dixit : et attollens oculos diversa tuentes,  
 Adspexit toto quidquid in orbe fuit. 284

juncta cum gelido fonte tenentibus, impetrat, ut fontis sui flumina eliciant : quæ quum nondum iter præcluderent hostibus, sulphura supponunt fonti, atque bitumine venas incendunt ; unde aqua calida.

275. Vetus et primum Jani templum Romulus, pace cum Sabinis facta, ibi posuit, ubi Janus auxilium contra Tatium tulit; Terent. Maurus in Wernsdorfii Poet. Min. tom. ii. pag. 279. *Tibi vetus ara caluit Aborigineo sacello.* Recte vocat *parvum sacellum*; auctore Procopio, cujus tempore restabat, nil nisi Jani statuum quinquepedalem capiebat, forma quadrata et ære constructum, portata utrimque habens æneas a fronte et a tergo. *Hæc adolet*, in hac adolentur. *Strues*, libi genus. Festus: "Ferctum genus libi dictum, quod crebrius ad sacra ferebatur, nec sine strue, altero genere libi: quæ qui afferebant, structarii appellabantur."

277. *Latere ipse dicitur quia tempore pacis ejus templum clausum.* Horat. II. Ep. i. 255. "claustraque custodem pacis cohibentia Janum." Vide ad ver. 121. *Reditus pateant.* Secundum Macrobi. i. 9. ad finem, tempore belli fores reserantur, velut ad urbis auxilium profecto, Deo. *Fores obdo*, foribus seram obdo. *Possit nempe Pax.* Hoc melius est, quam quod Marcil. ad Horatium, II. Ep. i. 255. præfert *possim.* *Nomine* Heinsius ex MSS. Ursin. Voss. Arund. recepit, ut Cæsarea domus intelligatur. Potest dictum esse, ut *nomine suo terrere gentes.* Cæsareum nomen ita terrebit gentes, ut ab armis abstineant, egoque clausus esse possim. Vulgo, *numine.*

283. *Diversa*, loca sibi opposita; in tales enim partes faciem Janus conversam habet. *Pax erat.* Anno U. C. 770. C. Cæcilio Rufo, L. Pomponio Flacco coss. ad VII. Kalend. Jun. *Cæsar Germanicus* de Cheruscis, Chat-

Pax erat; et vestri, Germanice, causa triumphi

Tradiderat famulas jam tibi Rhenus aquas.

Jane, face æternos Pacem Pacisque ministros:

Neve suum præsta deserat auctor opus.

Quod tamen ex ipsis licuit mihi discere Fastis,

Sacravere patres hac duo templa die. 290

Acceptit Phæbo Nymphaque Coronide natum

Insula, dividua quam premit amnis aqua.

Jupiter in parte est: cepit locus unus utrumque:

Junctaque sunt magno templa nepotis avo. 294

Quid vetat et stellas, ut quæque oriturque cadit-

Dicere? promissi pars fuit ista mei. [que,

tis et Angivariis triumphum egit; Tacitus, Ann. ii. 41. Norisius de Cenotaph. Pis. p. 201. putat Ovidium Germanico triumphum tantum augurari: Massonus contra in vita Ovidii, ad annum 770. contendit, scripta hæc post actum triumphum, eoque tempore pacem fuisse per orbem terrarum compositam. Id sane Poetæ verba indicare videntur. Serviebant jam Germani Romanis; sed poetæ fluviis tribuunt, quod accolis convenit; et *famulus* fluvius passim occurrit, ut Heinsius docet. *Face æternos*, etc. da nobis semper moderatores pacis. Heinsius vocem *ministros* indignam censet majestate Cæsareæ domus; corrigit ergo *sequestros*, id est, mediatōres. Verum etiam *minister* de moderatore dicitur: Virg. Æn. ii. 100: "Calchante ministro;" v. 640. "Deus animum ministrat." *Neve suum*. etc. effice, ne is, qui pacem nobis peperit, ad arma rursus convertatur.

289. Superiora didicerat ex Jano; progreditur ad ea, quæ *Fasti* suppeditabant. Dies dedicationis admodum solemnēs Romæ; inde igitur et Kalend. Januar. aliquid celebritatis accessit: ex *Phæbo* et *Coronide Nym-*

*pha* natus est Æsculapius, Metam. ii. 542—632. Ann. U. C. 462. Q. Fabio Gurgite, D. Junio Bruto Scævæ coss. peste urbem agrosque vastante, Romani, libris Sibyllinis moniti, Æsculapium ab Epidaurō accessitum in insulam Tiberis deportarunt, eique templum ibi consecrarunt; Livius, x. 47: edit. Reisk. quam deportationem et consecrationem Noster Metam. xv. 622—744. copiose persecutus est. Insula, cujus originem Livius. ii. 5. refert, inde dicta *Æsculapii insula*; Sueton. Claud. 25. Hoc loco *premere* est cingere. *Jovis templum una die*, non autem ejusdem anni, sed multo serius post bellum punicum secundum, a C. Servilio duumviro dedicatum est. Liv. xxxiv. 53.

295. De *stellarum ortu et casu* jam primum diciturus; præmittit præclare *laudes æorum, qui primi siderum naturam investigarunt*. Triplicem autem astrorum ortum et obitum astronomi memorant, heliacum, quum solis radiis vel emergunt, vel occultantur; unde Plinius *emersionem et occultationem* vocat: cosmicum scil. matutinum, quum sidus circa solis ortum oritur aut occidit: acronychium deni-

Felices animos, quibus hæc cognoscere primis,  
 Inque domos superas scandere cura fuit!  
 Credibile est illos pariter vitiisque locisque -  
 Altius humanis exseruisse caput. 300

Non Venus et vinum sublimia pectora fregit,  
 Officiumve fori, militiæve labor:  
 Nec levis ambitio, perfusaque gloria fuco,  
 Magnarumve fames sollicitavit opum.

Admovere oculis distantia sidera terris, 305  
 Ætheraque ingenio supposuere suo.

Sic petitur cœlum: non, ut ferat Ossan Olympus,  
 Summaque Peliacus sidera tangat apex.

Nos quoque sub ducibus cœlum metabimur illis,  
 Ponemusque suos ad stata signa dies. 310

que scil. vespertinum, quum idem fit circa solis occasum. Mox plurimi, Felices animæ. Sed nunc de cognoscendi studio sermo est; itaque rectius puto *animos*. Beatos autem eosdem prædicat et Plinius, ii. 12; "Macti ingenio este, cœli interpretes, rerumque naturæ capaces, argumenti repertoires, quo homines Deoque vicistis." Eos paulo ante *viros ingentes* vocat, supraque mortalium naturam, qui numinum legem deprehenderint. *In domos superas scandere*, sidera cœli contemplari; Horat. I. Od. xxviii. 5. de Archyta, "Aerias tentasse domos, animoque rotundum Percurrisse polum." Confer. Lucretius, i. 74. *Locis humanis exserit caput*, qui non tantum intuetur, quod ante pedes este, sed suspicit et contemplatur cœlestia. Huic accommodavit, ut ingeniose loqueretur, et alterum, *vitiis exseruisse caput*.

302. *Officium fori*, omnis opera Juratorum, patronorum et advocatorum. *Perfusa fuco*, cujus splendor fallax. Heinsius *oculis* monet sexto

casu esse capiendum, ut istis tamquam instrumentis adduxerint sidera distantia: id quod parum placet. Immo sidera quasi de cœlo deducta admoverunt oculis suis, atque *ingenio supposuere*, id est, tam diligenter contemplati sunt sidera, ac si illa mensæ essent imposita.

307. Horatius, I. Od. iii. 38. *Cælum ipsum petimus stultitia*, alludens et ipse ad gigantes, qui, montibus congestis, cœlum petierant, regnum cœleste affectantes. Ordinem montium congestorum eundem Noster servat et II. Amor. i. 13. atque e lectione nostra Metam. i. 154 s. *Peliacus apex*, quatenus Pelion, minimus mons, supremum occupat locum. *Metari* pro metiri. Sensus: Ex inventis eorum nonnulla repetam. *Stata sidera* opponuntur vagis sc. erraticis; ergo fixa; Censorinus de D. Nat. 7. "vitam nostram stellis, tam vagis quam statis, esse subjectam;" Plinius, xvii. 25. "stata sidera et cœlo affixa." Jam *ponere suos*, etc. dies notare, quibus sidera illa oriuntur et conduntur.

ERGO ubi nox aderit venturis tertia Nonis,  
 Sparsaque cœlesti rore madebit humus :  
 Octipedis frustra quærentur brachia Cancri ;  
 Præceps occiduas ille subivit aquas.  
 INSTITERINT Nonæ : missi tibi nubibus atris 315  
 Signa dabunt imbres, exoriente Lyra.  
 QUATUOR adde dies ductis ex ordine Nonis ;  
 Janus Agonali luce piandus erit.

311. Occasus cosmicus scil. matutinus *Cancrî*, sub finem noctis, quæ est inter secundum et tertium mensis diem, scil. tertia ante Nonas.

315. *Lyrae* ortus cosmicus. Columella, ix. 2. "Nonis Januarii Fidis exoritur mane : tempestas varia ;" Plinius, xviii. 26. seu, 64. "Pridie Nonas Januar. Cæsari Delphinus matutino exoritur, et postero die Fidicula." *Institerint—Lyra* ; Nonis et imbres cadunt, et *Lyra* exoritur. Sensus est facilis ; modo teneas ante *institerint* subintelligendum esse *si*, de qua ellipsi vid. Cortius ad Sallust. Jug. lxiv. 5 ; tum, *signa dare* esse Græc. Astron. ἐπισημαίνειν, se ostendere, oriri, quod apud Gemin. sæpissime de tempestatis vicissitudinibus legitur. Locus nostro simillimus est iv. 904. *Signaque dant imbres, exorturque Canis*. Sed Taubn. aliter videtur in Addendis : pro *missi* recipi volebat mitti, et sensum constitui hunc : Si *institerint* Nonæ, *signa*, sidera, *dabunt*, portentent, nunc *imbres mitti*. Durissime. Unus Vatic. isque optimus : *Obstiterint imbres : missi tibi nubibus atris, Nonæ signa dabunt, exoriente Lyra*. Quod si his interpunctionem alterius lectionis dare velis, sic quoque sensum tolerabilem habeas : si imbres *obstiterint*, quo minus ipse *Lyrae* exortum cernere possis, ex Nonis eum potes cognoscere. Multi cod. quibus Neap. usus, *Institerint*

VOL. V.

*imbres missi tibi nubibus atris, Nonæ signa dabunt*. Ita in Regiis A. et C ; at codex B. *Signa dabunt Nonæ ; nisi si tibi nubibus atris Institerint imbres*.

317. Dies Januarii nonus. *Agonia* sive *Agonalia* etiam ex Calendario veteri in diem Januarii quintum incidebant, secundum alios in diem antecedentem. *Agonalia* originem *Antias*, scriptor vetustus, ad Numam Pompilium retulerat ; Macrob. Sat. i. 4. Nominis causas *Ovidius* plures reddit. *Succinctus minister*, *papa*, *victimarius*. Duo *popæ* aderant, quorum alter feriebat *victimam*, alter, *cultrarius*, percussam jugulabat. Ambo erant *succincti*, id est limo tantum pudenda tecti, cætera nudi. *Limum* *Plutarchus* vocat περίζωμα ἐπάρυφον. Vide *Torrent.* et *Casaub.* ad *Suetonium*. *Calig.* 32. Caterum *succinctus minister*, pro vocativo. Quod quum non observarent librarii, multi *potest, rogat* et *agit* dederunt : confer ad iv. 731. *Semper, Agone*, etc. Hanc Romanorum in sacris diligentiam, qua cavebant, ne *victimarius* nisi *jussus* *victimam* feriret, Græci inprimis scriptores notarunt, *Dionysius Halic.* *Plutarchus* et alii. Tò *semper* ad hoc potissimum sacrum referendum, monet *Burmamnus*. Sed adhibita hæc formula etiam in aliis sacris ; quemadmodum et in illis pecudes, non sponte *veniebant*, sed *agebantur*. Inanes sunt istæ etymologiæ, ut multæ veterum.

E



Nominis esse potes succinctus causa minister,  
 Hostia cœlitibus quo feriente cadit ; 320  
 Qui calido strictos tincturus sanguine cultros,  
 Semper, Agone? rogas ; nec, nisi jussus, agis.  
 Pars, quia non veniant pecudes, sed agantur, ab  
 Nomen Agonalem credit habere diem. [actu  
 Pars putat hoc festum priscis Agnalia dictum ;  
 Una sit ut proprio litera demta loco. 326  
 An, quia prævisos in aqua timet hostia cultros,  
 A pecoris lux est ista notata metu ?  
 Pars etiam, fieri solitis ætate priorum  
 Nomina de ludis Graia tulisse diem. 330  
 Et pecus antiquus dicebat Agonia sermo ;  
 Veraque iudicio est ultima causa meo.  
 Utque ea nunc certa est, ita rex placare sacrorum  
 Numina lanigeræ conjuge debet ovis.  
Victima, quæ dextra cecidit victrice, vocatur: 335  
 Hostibus amotis hostia nomen habet. *11. 1. 1. - 11. 1. 1. ?*  
 Ante, Deos homini quod conciliare valeret,  
 Far erat, et puri lucida mica salis.

325. *Agnalia* Neapol. monet ; argutias magis inesse etymo, quam veritatem ; non agnam, sed arietem tum cæsum. *In aqua* per pelves disposita juxta aram ; confer xv. 124 s. *Timet*, ἀγωνάζει. *Metu*, ἀγωνία. *Notata*, vocata, quod est in variis lectionibus. *Graia* pro *Græca* dedit Heinsius quum quidam *grata* haberent ; *Metam.* iv. 16. *per Graias gentes*. Apud Græcos autem, quod constat, certamina athletarum gymnica *Agones* dici solebant. *Et pecus*, etc. Sic et Festus : “ hostiam enim antiqui Agoniam vocabant.” Et : “ Agonias hostias putabant ab agendo dictas ; unde agolum pastorale baculum, quo pecudes aguntur.”

334. *Conjux ovis* ex antiquo sermone poetico, aries. Vide ad *Metam.* i. 660. *Dextra cecidit victrice*, ob victoriam partam Diis offertur. *Amotis* ubi nulli hostes sunt, tempore pacis. Taubner. hoc divisim scribi vult, a *motis*.

337—456. *Digressio*, quæ *historiam rerum Diis offerendarum* continet ; confer iii. 727 sqq. *Ante olim*. *Mola salsa* tenuissimum sacrificium : nec apud Græcos antiquissimos odores adolebantur aut victimæ, tantum herbæ et fruges. Vid. Rhodiginus, xii. l. *Purum*, quod sacris adhibetur, et propter vim purificandi lustrationibus. *Farris* autem oblationem a Jano institutam esse, Fabius Pictor, lib. i. nar-



Nondum pertulerat lacrymatas cortice myrrhas

Acta per æquoreas hospita navis aquas. 340

Tura nec Euphrates, nec miserat India costum,

Nec fuerant rubri cognita fila croci.

Ara dabat fumos, herbis contenta Sabinis,

Et non exiguo laurus adusta sono.

Si quis erat, factis prati de flore coronis 345

Qui posset violas addere, dives erat.

Hic, qui nunc aperit percussi viscera tauri,

In sacris nullum culter habebat opus.

raverat. Hinc sæpe ejus fit mentio. Horatius, III. Od. xxiii. 19. ubi urget hoc, Deos non muneris pretium, sed mentem piam respicere, "Mollivit aversos Penates Færre pio et saliente mica."

339. Plinius, IIstor. Nat. xiii. 1. "Iliacis temporibus non erant unguenta; nec ture supplicabatur." De Romuli et Numæ temporibus idem monet Arnobius contra Gent. vii. p. 232. Noster tamen iii. 713. a Baccho jam, India debellata, odores, cinnama, tura data esse tradit. *Myrrha*, frutex in multis Arabiæ locis nascens, ex cujus cortice inciso guttæ manant; Plinius, xii. 15; Dioscor. i. 64 et 69; Ovid. Metam. x. 500. de myrrha, "Flet tamen, et tepidæ manant ex arbore guttæ: Est honor et lacrymis, etc." *Hospita*, peregrina. *Tura* apud Sabæos sudabant ex arboribus incis; Plinius, xii. 14; Virgil. Georg. ii. 117. Ex Arabia per *Euphratem*, qui in sinum Persicum se exonerat, subvecta sunt in alias terras. Quia igitur ad Euphratem maxima talium mercium copia, propterea ille eas *mittere* dicitur. Omnino orientales merces in Syriæ et Phœnicæ oppida maritima confluebant, unde Romani eas petebant. *Costi* et radix et folia Indis in maximo pretio propter eximium odorem. Plinius, xii. 12. *Crocum* mittebat Cilicia

ex Corylo monte. Ei mox *fila*, mox capilli tribuuntur, unde *ξανθότριχα κρόκον* Græci dixerunt. Vid. Salmas. ad Solin. p. 749.

343. *Herbis Sabinis*.] Plin. xxiv. 61. "Herba Sabina, brathy appellata a Græcis, duorum generum est: altera tamaraci similis folio, altera cupresso. Quare quidam Creticam cupressum dixerunt. A multis in suffitus pro ture adsumitur;" vide iv. 741: lustrationi inservit. Etiam Virg. in Cul. 403. "Herbaque turis opes priscis imitata Sabina." Utebantur autem foliis ejus in eam rem; Dioscorid. i. pag. 104. Cum *lauro* conjungitur et iv. 741 s. *Crepitus lauri non exiguus* bonum signum; Tibull. II. v. 81 s.; confer et supra ver. 76. *Coronis* et *floribus* ornabantur Dii in templis. Lactant. Inst. ii. 1. Arnob. contra Gent. vii. 237.

347. De victimis sanguinolentis. *Viscera* hic *aperiri*, alibi *nudari* dicuntur ut *Æn.* i. 211. ubi Servius: "Viscera quidquid sub corio est." *Prima Ceres*, etc. Ita et Varro de Re Rust. ii. 4: "A suillo genere pecoris immolandi initium primum sumtum videtur. Cujus vestigia sunt, quod initiis Cereris porci immolantur, etc." Confer Ovid. Met. xv. 111—115. *Avidæ*, dum semina eruit rostro, spemque anni intercipit. *Opes suas*, frumenta. Pro

Prima Ceres avidæ gavisa est sanguine porcæ,  
 Ulta suas merita cæde nocentis opes. 350  
 Nam sata, vere novo teneris lactentia succis,  
 Eruta setigeræ comperit ore suis.  
 Sus dederat pœnas; exemplo territus hujus  
 Palmite debueras abstinuisse, caper.  
 Quem spectans aliquis dentes in vite prementem,  
 Talia non tacito dicta dolore dedit: 356  
 Rode, caper, vitem: tamen hinc quum stabis ad  
 In tua quod spargi cornua possit, erit. [aram,  
 Verba fides sequitur: noxæ tibi deditus hostis  
 Spargitur affuso cornua, Bacche, mero. 360  
 Culpa sui nocuit: nocuit quoque culpa capellæ.  
 Quid bos, quid placidæ commeruistis oves?  
 Flebat Aristæus, quod apes cum stirpe necatas  
 Viderat inceptos destituisse favos.

*succis* Heinsius ex MSS. nonnullis *sul-*  
*cis* adoptaverat. Sed Burmannus recte  
*succis* revocavit, quia nec *tener*, nec  
*lactens* sulcis convenit. Succi contra  
 frugum sæpe *lactis* nomine insigniuntur.  
 Mitscherl. tamen Heinsium se-  
 qui maluit. Regii tres nostri *sulcis*;  
 bene: sulci enim pro scrobibus su-  
 muntur, in quibus arbores plantantur.

353. *Exemplum*, pœna. Phædrus,  
 III. fab. vi. 20. "Justoque vindicavit  
 exemplo impetum," ubi vide Scheffer.  
 Similiter *παράδειγμα*. Vid. omnino  
 Gellius Noct. Attic. vi. 14. *Abstinu-*  
*isse*. Sic Horatius *Poteras diasse*.  
*Premere*, imprimere, ut *pressum ara-*  
*trum*. Tibullo IV. i. 161. *Non tacito*  
*dolore*, non retinens dolorem. Verba  
*Rode*—erit notant ex Eveni Epigr. ex-  
 pressa esse: *Κῆν με φάγγε ἐπὶ βίζαν*,  
*ὄμως ἐτι καρποφορήσω*, "Ὅσπον ἐπι-  
*σπείσαι σοι τράγε θυομένῃ*. *Hinc*.  
 Heinsius legi volebat *huic*, scil. viti.  
 Sed Burmannus jam monuit, eundem

sensum, et elegantiorē etiam exsur-  
 gere ex *hinc*. *Spargi*, fundi libatione.  
*Verba fides sequitur*, fit, quod ille præ-  
 dixerat. *Noxæ deditus*, e formula so-  
 lemni. Festus: "Quum lex jubet  
 noxæ dedere, pro peccato dedi jubet."  
 De *culpa* autem hac capri conf. Varro  
 de Re Rust. I. ii. 18 s.; Virgilius,  
 Georg. ii. 375 sqq.

363—384. Causam reddere vult,  
 cur bos quoque et ovis mactari cœptæ  
 sint. Sed quæ de *Aristæo* addidit, ea  
 arcessita sunt et inducta; non enim  
 monstrant, cur Diis offeratur bos.  
 Latius autem illa Virgil. Georg. iv.  
 281—558. persecutus est. *Aristæus*,  
 Apollinis filius et Cyrenes Nymphæ  
 habitus, latissimas possessiones in  
 Arcadia habuit, ibique apum et mellis,  
 etiam lactis ad coagula usum homini-  
 bus tradidisse narratur. A Virgilio  
*Arcadius magister* vocatur. Post mor-  
 tem in Cycladibus Jovis Aristæi et  
 Apollinis Nomii nominibus cultus fuit.

Cærulea quem genitrix ægre solata dolentem, 365  
 Addidit hæc dictis ultima verba suis :  
 Siste, puer, lacrymas : Proteus tua damna levabit ;  
 Quoque modo repares, quæ periire, dabit.  
 Decipiat ne te versis tamen ille figuris ;  
 Impediant geminas vincula firma manus. 370  
 Pervenit ad vatem juvenis : resolutaque somno  
 Alligat æquorei brachia capta senis.  
 Ille sua faciem transformis adulterat arte ;  
 Mox domitus vinclis in sua membra redit :  
 Oraque cærulea tollens rorantia barba, 375  
 Qua, dixit, repares arte, requiris, apes ?  
 Obrue mactati corpus tellure juvenci :  
 Quod petis a nobis, obrutus ille dabit.  
 Jussa facit pastor : fervent examina putri  
 De bove : mille animas una necata dedit. 380

*Destituisse, non perfecisse. Cærulea genitrix.* Nempe Cyrene una erat ex Nymphis Penei, antra in fundo fluminis jam jam mari se committentis incolens.

367. *Levabit damna*, ostendet, unde resarciatur damnum, res amissa. *Proteus* autem vates omnia noverat. Non tamen sine vi adhibita monita dabat ; sed difficulter cogi poterat, quum correptus manibus in varias se *verteret figuras*, et ita *deciperet* tenentem. *Dabit*, edocebit. *Æquoreus*, nempe in Carpathio in primis prope Ægyptum mari habitans. *Somno* jacentem agredi et vincire ab ipsa matre jussus erat. Vide Virgil. d. I. *Transformis*, qui in alias formas transire potest. Eo sensu etiam Metam. viii. 87. *transformia corpora* filiaë Erisichthonis. *Adulterat faciem*, alienam sumit faciem ; quum *adulterare* alias vitiandi

notionem habeat. Sed et IV. Pont. x. 59. *adulterat undas*, aliam naturam tribuit, quam marina aqua habet. *Oraque—barba.* Sic et Tritonis os Metam. i. 339. describitur. Apud Virgil. Proteus morbi tantum apum causam memorat, et Aristæum consilii in opem relinquit ; sed Cyrene mater inde a ver. 530. subjicit, quod deerat. Ibidem non *obruere* corpus juvenci jubetur, sed contusum includere angusto tecto, substratis fragmentis ramorum. Ibi Interpretes multa de hac opinione veterum collegerunt, e cadavere contuso et sepulto nova apum examina nasci : quod Ægyptiorum inventum vulgo jactabatur. *Anima* pro animantibus. *Fervere* de magna copia dicitur qua quid cum motu et sonitu impletur. Virgil. Georg. iv. ver. 556. “Stridere apes utero et ruptis effervere costis.”

Poscit ovem fatum : verbenas improba carpsit,  
 Quas pia Dis ruris ferre solebat anus.  
 Quid tuti superest, animam quum ponat in aris  
 Lanigerumque pecus, ruricolæque boves ?  
 Placat equo Persis radiis Hyperiona cinctum, 385  
 Ne detur celeri victima tarda Deo.  
 Quod semel est triplici pro virgine cæsa Dianæ,  
 Nunc quoque pro nulla virgine cerva cadit.  
 Exta canum vidi Triviæ libare Sapæos,  
 Et quicumque tuas accolit, Hæme, nives. 390  
 Cæditur et rigido Custodi ruris asellus.  
 Causa pudenda quidem est, huic tamen apta Deo.

381. Casu fatali accidit, ut etiam ovis culpam contraheret, et mactaretur. *Poscere* verbum proprium de fati potestate. *Verbena*, herba e sacro loco petita; interdum illud herbæ genus, quod *hierobotane* dicitur; Livius, i. 24; Plin. xxii. 2. In epithetis *lanigerum* et *ruricolæ* causa latet, cur triste sit et ingratum, illas mactare.

385. Solem, qui Persis Mithres dicebatur, numen maximum et sanctissimum, e mythologia Græca *Hyperiona* appellavit. Strabo, xv. p. 732. Τιμῶσι δὲ καὶ Ἡλίον, ὃν καλοῦσι Μίθραν. Hesychius, Μίθρης ὁ πρῶτος ἐν Πέρσαις θεός. Hunc *equis* esse placatum, docent Hutchins. ad Xenoph. Cyrop. Dissert. ii. 1. et Brisson. de R. Pers. i. 8. *Triplex* Diana etiam Heroid. xii; *triformis* Silius Ital. i. 120; Virgil. Æn. iv. 511. *tria virginis ora Diana*, ubi vid. Cerdà: *τριπρόσωπος* et *τριμορφος*. Huic pro *virgine* Iphigenia *semel* in Aulide occidit *cerva*, quæ supposita erat a Diana virgini Tauros translata. Sic Euripides in Iph. Aul. et Taur. Verum Ovidius, Metam. xii. 24 sqq. alteram traditionem sequitur, qua ipsa Iphigenia mactata est. *Pro*

*nulla virgine*, quamquam non, ut olim, pro virgine.

389. *Sapæi*, quos imperiti librarii in notiores *Sabæos* mutaverant, populus erant Thraciæ. Herodot. vii. 110. Strabo, x. p. 463. et Stephan. de Urb. Hos Ovidius ipse *vidit*. Anno enim U. C. 763. Tomos migrans, appulit in Thraciæ litora; inde pedibus iter per Bistonios fecit. IV. ex. P. v. 5. Vid. omnino Masson. Vit. Ovid. ad illum annum. Hoc enim opus Romæ cœptum absolvit in exsilio. *Libare* omnino offerre. Ab hoc autem sacrificio *Heccate* a Lycophr. ver. 77. *Κυνοσφαγῆς θεά* vocatur: ibique Tzetzes observat, *θύουσι δ' αὐτῇ κύνας, ὡς φησι Σώφρων ἐν μίμοις ὁ γὰρ Κύων λῦει τὰ φάσματα*. Vide ibi Potter. Idem etiam factum in Zerynthio Thraciæ antro. Vide Suidam in *Ζηρύνθιον*. Plura de canum immolatione habet Plutarchus Quæst. Rom. tom. vii. pag. 131, edit. Reisk. Etiam Romæ Robigini canis exta dabantur; iv. 908. *Nivibus* olim notus Hæmus, Thraciam a parte septentrionali claudens.

391. Fabulis petulantioribus quum Ovidius delectaretur, non potuit a se

Festa corymbiferi celebrabas, Græcia, Bacchi,  
 Tertia quæ solito tempore bruma refert.  
 Dî quoque cultores in idem venere Lyæi, 395  
 Et quicumque joci non alienus erat:  
 Panes, et in Venerem Satyrorum prona juvenus,  
 Quæque colunt amnes solaque rura, Deæ.  
 Venerat et senior pando Silenus asello,  
 Quique rubro pavidas inguine terret aves. 400  
 Dulcia qui dignum nemus in convivia nacti,  
 Gramine vestitis accubuere toris.  
 Vina dabat Liber: tulerat sibi quisque coronam:  
 Miscendas parce rivus agebat aquas.  
 Naides effusis aliæ sine pectinis usu, 405  
 Pars aderant positis arte manuque comis.

impetrare, quin hic quoque talem in-  
 sereret de *Priapo*, custode ruris, quam  
 Metam. ix. 346. verbo tantum attigit.  
*Rigidus*, severus, ut Horat. I. Ep. i.  
 17. *rigidus satelles virtutis*. Huic sig-  
 nificanter, tam libidinoso et obscæno  
 Deo. *Apta*, conveniens. *Festa* intelli-  
 gendum trieterica, quæ tertio quoque  
 anno celebrabantur. Vid. Barnes. ad  
 Eurip. Bacch. ver. 133. *Corymbifer*  
 Bacchus et *κορυμβοφόρος* dictus a  
*corymbis*, racemis hederæ in orbem  
 circumactis, in quibus acini ac baccæ;  
 Plinius, xvi. 34. Etiam Bacchæ *co-  
 rymbis* coronatæ; Eurip. Bacch. lxxxii.  
 106. Cod. plures h. l. *racemiferi*. Hoc  
 quoque recte vocatur; etenim Bac-  
 chus etiam racemis tam caput, quam  
 thyrsum velare solebat. *Refert*, re-  
 ducit. *In idem venire* est bona locutio,  
 quæ etiam Heroid. xv. 121. legitur,  
 "Non veniunt in idem pudor atque  
 amor." *Cultores* autem *Lyæi* sunt ipsi  
 Panes et Satyri cum Sileno, qui mox  
 memorantur, atque ad Bacchi sacrâ  
 convenire solebant; *jocus* dicitur nunc  
 de saltatione lasciva, nunc de lusu  
 Venero.

397. *Panes*.] Ab initio *Pan* non  
 nisi unus, Arcadiæ Deus. Post plures  
*Panes* et *Panisci* ficti, qui Bacchi sa-  
 cris interessent. Vide Heynium d. l.  
 Similiter olim unus *Silenus*, Bacchi  
 educator: seriore tempore plures *Si-  
 leni*, quorum præsul *Silenus* prior.  
*Satyrorum* lascivia jam Hesiodo nota-  
 ta, e quo Strabo, x. pag. 471. *γένος  
 οὔτιδανῶν Σατύρων* laudat. *Silenus*,  
 etsi *senex*, tamen amabat et ipse jocos  
 et saltationes. Anacreon. xxxvii. 11.  
 Aut *asello* insidens, aut ferula nitens  
 exhibebatur; Metam. iv. 26 s. *Pri-  
 apus* ad mare etiam Indicum in Bacchi  
 comitatu erat. Nonnullis adeo Bacchi  
 habebatur filius. Schol. Apollon. ad  
 i. 932. Ejus statux *rubro* colore,  
 nempe minio pictæ, et *inguine* enor-  
 mis magnitudinis instructæ erant. Eo,  
 quamquam et *falce* (Tibul. I. i. 18,)  
 terrebat aves; Horat. I. Sat. viii. 5.  
 "Obscænoque ruber porrectus ab  
 inguine palus."

401. *Dignum*, aptum convivii hi-  
 laritati; Met. iv. 692. "dignos tem-  
 pore fletus." Et sæpe absolute ponitur.  
 Vid. Benth. ad Horat. II. S. i. 85.

Illa super suras tunicam collecta ministrat :  
 Altera dissuto pectus aperta sinu. [bas ;  
 Exserit hæc humerum : vestem trahit illa per her-  
 Impediunt teneros vincula nulla pedes : 410  
 Hinc aliæ Satyris incendia mitia præbent ;  
 Pars tibi, qui pinu tempora nexa geris :  
 Te quoque, inextinctæ Silene libidinis, urunt ;  
 Nequitia est quæ te non sinit esse senem.  
 At ruber, hortorum decus et tutela, Priapus 415  
 Omnibus ex illis Lotide captus erat.  
 Hanc cupit, hanc optat ; sola suspirat in illa ;  
 Signaque dat nutu, sollicitatque notis. [mam :  
 Fastus inest pulchris, sequiturque superbia for-  
 Irrisum vultu despicit illa suo. 420  
 Nox erat : et, vino somnum faciente, jacebant  
 Corpora, diversis victa sopore locis.  
 Lotis in herbosa, sub acernis ultima ramis,  
 Sicut erat lusu fessa, quievit humo.

*Gramine*—*toris* digniusquam gramine. *Parce* conjunge, non cum *agebat*, sed cum *miscendus*. Optimus putabatur potus e tribus aquæ partibus temperatus, ac duabus vini. Arist. Equit. pag. 355. Alii quartam aut quintam vini partem commendabant. Vide Spanhem. ad Callim. hymn. in Pallad. 47. 407. Ministræ mensas epulis instruentes succinctæ esse solebant. Metam. viii. 660. *Tunicæ* mulierum, quæ Nymphis et alibi dantur, ut ii. 171. longiores erant, ad talos usque demissæ. *Dissuto sinu*. Neapolis putat, fasciam pectoralem esse solutam. sed hoc non potuisset verbo *dissui* exprimi. Immo, de soluta sutura cogitandum. *Vincula*, calceamenta. *Impediunt*, cingunt.

412. Pan caput frondibus *pineis*

cingere solebat, Metam. i. 699. *Inextinctæ*, quia ad senectutem usque durabat ; in Ibide, 428. *inextincta fames*. *Urunt*, ut illud *Urit me Glyceræ nitor* Horat. I. Od. 19. *Nequitia*, libidinosa levitas, quæ in concubitus vetitos fertur. *Decus* debemus Heinsio. Sin *decus* verum est, jocose dictum videtur. *Notæ* de nutibus et signis amantium ; Amor. III. xi. 23. " verba compositis dissimulata notis." Tibul. I. ii. 22. " Blanda que compositis obdere verba notis." *Sollicitare*, ut Græc. *πειραζειν*, scil. ad concubitum.

419. *Pulchris*.] Heins. *pulchræ* malebat. Mihi alterum magis placet, ut sit generalis sententia, quæ ver. seq. pronomine *illa* deflectit ad Lotida. *Fastus et superbia* de iis, qui non redamant amatores suos ; Metam. iii. 354.

Surgit amans ; animamque tenens, vestigia furtim  
 Suspenso digitis fert taciturna gradu. 426

Ut tetigit nivæ secreta cubilia Nymphæ ;

Ipsa sui flatus ne sonet aura, cavet.

Et jam finitima corpus librabat in herba :

Illa tamen multi plena soporis erat. 430

Gaudet ; et, a pedibus tracto velamine, vota

Ad sua felici cœperat ire via.

Ecce rudens rauco Sileni vector asellus

Intempestivos edidit ore sonos.

Territa consurgens Nymphæ manibusque Priapum

Rejicit, et fugiens concitat omne nemus. 436

At Deus, obscœna nimium quoque parte paratus,

Omnibus ad lunæ lumina risus erat.

Morte dedit pœnas auctor clamoris : et hinc est

Hellespontiaco victima grata Deo. 440

Intactæ fueratis aves, solatia ruris,

Adsuetum silvis, innocuumque genus ;

Quæ facitis nidos, quæ plumis ova fovetis,

Et facili dulces editis ore modos.

Sed nihil ista juvant : quia linguæ crimen habetis,

Dique putant mentes vos aperire suas. 446

Nec tamen id falsum : nam, Dīs ut proxima quæque,

Nunc penna veras, nunc datis ore notas.

425. Confer vi. 331 sqq. ubi Priapus similiter Vestam audet corrumpere, sed et ipse aselli voce impeditur. *Digitis* pedis intelligit, et *suspenso digitis gradu* nil est nisi suspensus digitis pedum. *Secreta*, quia ultima jacebat. *Ipsa*—cavet id quod, animam tenebat. *Corpus librabat*, in æquilibrio tenere corpus tentabat, ut solent, qui suspenso gradu incedunt, tamquam funambulones. Eadem formula Metam. VOL. V.

viii. 201. de Dædalo jam volare conante.

436. *Omne nemus*, omnes Deos in nemore cubantes.

442. *Adsuetum silvis*, adeoque remotum ab hominibus. *Solantur rusticos*, faciunt ut labores minus sentiant. Virgilius, Georg. i. 293. *solari cantu labores*. *Facile os*, quod facili negotio sonos edit, flexibile ; dicitur et sequax. *Nihil juvant*, non defen-

Tuta diu volucrum proles, tum denique cæsa est :  
 Juveruntque Deos indicis exta sui. 450  
 Ergo sæpe suo conjux abducta marito  
 Uritur in calidis alba columba focus :  
 Nec defensa juvant Capitolia, quo minus anser  
 Det jecur in lances, Inachi lauta, tuas.  
 Nocte Deæ Nocti cristatus cæditur ales, 455  
 Quod tepidum vigili provocat ore diem.  
 Interea Delphin clarum super æquora sidus  
 Tollitur, et patriis exserit ora vadis.  
 POSTERA lux hiemem medio discrimine signat,  
 Æquaque præteritæ, quæ superabit, erit. 460

dunt vos a mactatione, ut et ver. 453. *Lingua crimen*, loquacitas; *Metam.* ii. 540. *Dis proxima*, altissime volans. *Notas*, auguria, signa, ore dant oscines; *penna*, scilicet volatu, alites.

450. De singulis avium generibus. *Abducta*, erepta. *Proprie abduci* dicuntur pecudes. *Uritur*, adoletur. *Inachis*, Isis Inachi filia. *Metam.* i. fab. 8. Ei et Osiridi anser sacer, atque mactari solitus; *Juven.* Sat. vi. 538. *Lauta*, quia poscit jecur anserinum, quod erat in cibis lautiorum hominum. *Plinius*, *Histor. Nat.* x. 26, ibique *Harduinus*. Non igitur audiendi, qui *Inachi vacca* habent. *Lance* et tura offerebantur et exta; *Æn.* viii. 284. Ejusdem usus et in cœnis hominum. *Det in lances tuas*, sic scite variavit immolationis notionem.

455. *Deæ Nocti* ex MS. *Ursini Heinsius* dedit. *Vulg. Deæ noctis*, id est, *Hecatæ*, cui vero gallus non mactatus. *Ales*, ut *Græc. Ὀπίς*, per excellentiam gallus. *Is provocat diem*, quia cantum ejus dies sequitur; *Virgil.* *Georg.* i. 388. *cornix vocat pluviam. Tepidum diem* dixit; *tempor* enim tempori ut vespertino, ita matutino tribuitur; *Heroid.* iv. 160. *Delphinis ortus cosmicus* sive matutinus; *Pli-*

*nus*, *Histor. Natur.* xviii. 64: "Pridie Nonas Januar. Cæsari Delphinus matutino exoritur." In die igitur dissonat; nam *Nostro* intelligitur v. Id. sive dies nonus mensis. *Patriis*. De delphino sidere loquitur, ut de sidere pisce, cui æquor patria est. Similiter *Manilius*, v. 389: "At quum se patrio produxit ab æquore piscis."

459. *Postera lux*, iv. Id. sive dies *Januarii decimus*. *Hiemem* mediam circumloquitur. *Discrimen*, limes dirimens rem in partes. *Discrimine medio signat hiemem*, in medio facit discrimen, dividit hiemem in duas partes æquales. In *media* autem *hieme* constituenda non consentiunt *Veteres*. *Columella* et *Ptolemæus* eam ad diem, qui *Nonas proxime* antecedit, referunt. Sed *Plinius*, xviii. 25. *Eudoxum* et *Metonem* secutus, ad diem viii. Kal. Jan. sive diem 25 Decemb. ubi *Capricorni partem octavam sol emensus* est, *brumam* esse statuit. De quo dissensu plura disputare, non hujus loci est. *Taubnerus* monet, cum *Columel.* et *Ptolem.* *Ovidium* conciliari posse, si post ver. 314. duos hos de media hieme ponas, et quæ de *Delphini ortu* dicuntur. *Superabit*, supererit.



PROXIMA prospiciet Tithono nupta relicto,  
 Arcadiæ sacrum pontificale Deæ.  
 Te quoque lux eadem, Turni soror, æde recepit;  
 Hic ubi Virginea campus obitur aqua.  
 Unde petam causas horum moremque sacrorum?  
 Dirigat in medio quis mea vela freto? 466  
 Ipsa mone, quæ nomen habes a carmine ductum,  
 Propositoque fave, ne tuus erret honos.  
 Orta prior Luna, de se si creditur ipsi,  
 A magno tellus Arcade nomen habet. 470

461—586. III. *Id.* sive XI. die Jan. *Carmentalia*: de quibus ita refert, ut multa de *Evandri adventu*, de *Carmenta* matris viticiniis, de *Herculis* et *Caci* pugna inserat. *Proxima Tithono*, etc. Auroram circumloquitur; ea enim oritur *Tithoni croceum linquens cubile*; Virgilius, *Georg.* i. 447. *Arcadia Dea*, Carmenta, cui sub porta Carmentali ad pedem Capitolii ara posita; Dionys. i. 32; Virg. *Æn.* viii. 327. *Sacrum* ejus jam sub Romulo institutum; Plutarch. *Rom.* 21. *Turni soror*, Juturna, Nympha fluvii et lacus Latii, haud procul ab Albano monte; Virg. *Æneid.* xii. 134 sqq. ibique Heynii *Excurs.* Ei Romani ad *aquam Virginem* in Campo templum dedicaverant. Hanc aquam tactu præstantem Agrippa deduxit Romam. Plinius, xxxi. 25. Passim a poetis cum *Marcia aqua* conjungitur.

465. Ut alii poetæ in rerum antiquarum memoria repetenda Musas invocant, sic Noster nunc commode ipsam Carmentam sibi adesse vult, tam propter nomen, quam propter ipsius sacra. *Mos sacrorum*, eorum ritus. *Æneid.* xii. 836: "Morem ritusque sacrorum adjiciam." H. l. explicatio rituum. Non dixit, *doce*, sed *mone*, quod proprie est vatium. *Ductum*, ut Horat. II, *Serm.* ii. 56.

ex vero ductum cognomen, ubi vide Bentl. A *carmine* autem Carmentam habuisse nomen, tradunt et Dionys. i. 31; Plutarchus, in *Rom.* 21. et in *Quæst. Rom.* tom. vii. p. 124. ed. Reisk. *Erret*, incertus sit. Livius, i. 24: "In re tam clara nominis error (incertitudo) manet." Supra ver. 190. *Pars mihi ne labet ulla*. Potest tamen hic locus et sic capi, ne tuus honos falso a me proferatur.

469. Docte Arcadium circumloquitur. *Tellus*, gens, ut sæpe apud poetas γαῖα et χώρα. Arcadas προσεληθῆνους primus dixerat Hippys Rheginus, scriptor Xerxis tempore; Stephan. Byzant. in Ἀρκὰς. Inde vulgaris traditio, quam Ovid. etiam ii. 289. v. 90. repetit, Arcadum originem antecessisse lunam. Vide Heynium in *Opp. Acad.* vol. ii. p. 332 sqq. ubi fabulæ sensum obscurum esse ostendit. Krebsius monet, sensum esse hunc: Seleuen mulierem habitasse inter Arcadas et post mortem inter Deas esse relatam. *Arcas*, Lycaonis nepos, Calistus et Jovis filius, inter sidera relatus; *Metam.* ii. 401 sqq. Inde *magnus*. *Evander* e Pallantio, urbe Arcadica, in Italiam venit. Fuit autem Mercurii et Nymphæ Arcadicæ filius. Matrem, quippe vatem, Græci *Themin*, Latini *Carmentam* dixerunt;

Hic fuit Evander ; qui, quamquam clarus utroque,  
 Nobilior sacræ sanguine matris erat.  
 Quæ simul ætherios animo conceperat ignes,  
 Ore dabat vero carmina plena Dei.  
 Dixerat hæc, nato motus instare sibique, 475  
 Multaque præterea, tempore nacta fidem.  
 Nam juvenis, vera nimium cum matre fugatus,  
 Deserit Arcadium, Parrhasiumque larem.  
 Cui genitrix flenti, Fortuna viriliter, inquit,  
 Siste, puer, lacrymas, ista ferenda tibi est. 480  
 Sic erat in fatis : nec te tua culpa fugavit,  
 Sed Deus ; offenso pulsus es urbe Deo.  
 Non meriti pœnam pateris, sed numinis iram :  
 Est aliquid magnis crimen abesse malis. 484  
 Conscia mens ut cuique sua est, ita concipit intra  
 Pectora pro facto spemque metumque suo.

Dionys. Halicarn. i. 31. *Nobilior sacræ matris*, quia omnes matrem memorabant, non itidem patrem. Livius, i. 7 : " Venerabilior divinitate credita Carmentæ matris." Lenzius putat Ovidium, cum Servio ad Virgilium, Evandro tribuisse patrem Echemum. Verum ita ille vix *clarus* dici potuisset etiam paterno sanguine. Evandro describendo non immoratur, sed festinat ad matrem fatidicam. *Sacræ*. Sic sacer Orpheus. Horat. Art. Poet. 391. *Ætherii furores* de inspiratione etiam v. 446. *Carmina*, vaticinia versibus composita. Loquebatur *δὲ φθῆς*. Dionys. Halicarn. dicto loco : *τὴν δὲ γυναικα ταύτην ὁμολογοῦσι δαιμονίῳ πνεύματι κατάσχετον γινομένην τὰ μέλλοντα συμβαίνειν τῷ πλήθει δὲ φθῆς προλέγειν*. A Plutarcho Rom. 21. vocatur, *μαντικὴ καὶ φοιβαστικὴ ἐμμέτρων χρησμών*. *Plena Dei* potest et ad carmina, et ad vatem *ἐνθεον* referri.

475. *Motus*, turbæ civiles. Seditione coorta, expulsum esse Evandrum narrat Dionys. Sed Servius ad *Æn.* viii. 51. aliam fugæ causam affert. *Multa*, quale Livius, i. 7. memorat, et Noster in sqq. *Tempore*, temporis decursu. *Nacta fidem*: vide ad versum 359. *Vera*, verax. *Fugatus*. Inde Livius, dicto loco, *profugus ex Peloponneso* vocatur. Noster *Arcadium* nominat, et licentia poetica addit *Parrhasiumque larem*, quamquam Evander, ut jam ante monitum, Palantio venit. Sed et in sqq. Carmenta mox *Tegeæa*, mox *Mænalis* vocatur. De *Parrhasiis*, Arcadum parte, vide Pausan. Arcad. p. 657.

480. *Siste, puer.*] Puer, fili. *Non—iram*. Hæc *ταυτολόγως* repetita. *Pro spemque metumque* Burmannus malit *spemve metumve*. Idem putat, Ovid. verbis *offenso*, etc. alluisse ad suum exsilium.

Nec tamen ut primus mœre mala talia passus,  
 Obruit ingentes ista procella viros.  
 Passus idem, Tyriis qui quondam pulsus ab oris,  
 Cadmus, in Aonia constitit exsul humo; 490  
 Passus idem Tydeus, et idem Pagasæus Iason,  
 Et quos præterea longa referre mora est.  
 Omne solum forti patria est; ut piscibus æquor;  
 Ut volucris, vacuo quidquid in orbe patet. 494  
 Nec fera tempestas toto tamen horret in anno:  
 Et tibi, crede mihi, tempora veris erunt.  
 Vocibus Evander firmata mente parentis,  
 Nave secat fluctus, Hesperiamque tenet.

488. *Procella*, mox ver. 495. *tempestas*, quod utrumque voc. etiam Cic. de calamitatibus adhibet. *Procella* navigantes *prehendit*, prehensosque *obruit*, immergit fluctibus. *Cadmus pulsus* erat a patre, ut sororem raptam quæreret; Met. iii. init.; ubi vid. not. de *Aonia*, id est Bœotia. *Consistere* de profugo, qui sedem certam capit. *Tydeus*, pulsus ab Æneo patre, quod Menalippum fratrem in venatione occiderat, *Argos* migravit ad Adrastum. Hygin. fab. 69. *Et quos præterea*, Peleus, Telephus, Telamon, alii. Exsulum catalogum habes et I. ex Ponto, iii. 37 sqq.

493. Veteribus commoratio extra patriam magnum malum. Quidam tamen aliter senserunt. Hæc nostra sententia sumta ex Euripid. Fragm. incert. n. 37: "Ἀπας μὲν ἀήρ αἰετῶν περάσιμος, Ἄπασα δὲ χθῶν ἀνδρὶ γενναίῳ πατρίῳ. *Nec fera*, etc. Cum hoc solatio confer Horat. II. Od. ix. init. et x. 13. *Ver lætæ sortis imago*.

497. *Firmare mentem*, animum ad-  
 dere, bona est locutio, quam Bentl. ad Horat. III. Od. xxiv. 54. compro-

bat. *Hesperiam tenet*, tenet viam, quæ ducat in Italiam, cursum advertit in Italiam. *Docta*, quia et fatidica erat, et carmina pangebatur. Ita Metam. iii. 322. *doctus Tiresias*. *Obvius ibat aquis*, adverso flumine vehebatur, Metam. viii. 164. Evander, Fauno regnante, LX. circiter annis ante bellum Trojanum in Italiam venit; Dion. i. 31. Arcades benigne excepti, quum tantum iis agri permissum esset, quantum vellent, ὡς ἡ Θέμις (Carmenta) αὐτοῖς ἐπιθυσιαῶζουσα ἐφραζεν, αἰροῦνται λόφον ὀλίγον ἀπέχοντα τοῦ Τιβερίου, etc. Noster *vada juncta Terenti* memorat. *Terentus*, locus in campo Martio, in quo ludis secularibus Diti Proserpitæ sacra fiebant. Vid. Heins. qui e melioribus paucis *Terenti* revocavit, quum reliqui *Terenti* præferrent. *Vada Terenti* Lenzius Tiberim fluvium intel. qui hic forsitan Terenti nomen assumerit. Id si cui durum videatur, verba sic ordinari vult, *latus Terenti, cui sunt vada fluminis juncta*. Hoc quoque durum. Malim dicere, prope Terentum fuisse vadum. *Sola*, solitaria, deserta.

Jamque ratem doctæ monitu Carmentis in amnem  
 Egerat, et Tuscis obvius ibat aquis. 500  
 Fluminis illa latus, cui sunt vada juncta Terenti,  
 Adspicit: et sparsas per loca sola casas.  
 Utque erat, immissis puppim stetit ante capillis;  
 Continuitque manum torva regentis iter.  
 Et procul in dextram tendens sua brachia ripam,  
 Pinea non sano ter pede texta ferit. 506  
 Neve daret saltum properans insistere terræ,  
 Vix est Evandri vixque retenta manu.  
 Dîque petitorum, dixit, salvete locorum;  
 Tuque novos cœlo terra datura Deos; 510  
 Fluminaque et fontes, quibus utitur hospita tellus,  
 Et nemorum Nymphæ, Naiadumque chori;

503. *Immissis in faciem capillis*, more vaticinantium; Tibul. II. v. 66. Etiam Metam. ii. 635. Ocyrhoe, fatidica et ipsa, "venit rutilis humeros protecta capillis." *Utque erat*. Vid. ad Metam. ii. 272. In *puppi* ad clavum sedet *regens iter*, gubernator. Ante hunc stetit *torva*, quippe furore divino concita. Virg. Georg. iv. 450. Proteus vaticinaturus, "vi multa ardentibus oculis intorsit, et graviter frendens dixit." De nave *pineæ texta* etiam Metam. xiv. 530. Vide ad Metam. xi. 524. *Non sano, insano. Ne daret saltum*, ne exsiliret e nave in terram. Metam. iii. 599. Acœtes, *dôque leves saltus*.

509. More advenarum novam terram cum Diis ejus salvere jubet. *Novos Deos*, Faunum, Romulum, Cæsares. Inde Roma *genetrix Deorum*, Rutil. Itiner. i. 49. *Hospita*, vel peregrina, ut ver. 340. vel quæ excipit hospites; Metam. iii. 637. "vobis erit hospita tellus." *Nemorum Nymphæ*. Heins. e melioribus suis notabat, *nemorum silvæ*, quod Krebsio place-

bat; ipse tamen aut cum tribus malebat *nemorum divæ*, id est, Dryades, aut *et nemora et silvæ*, quod Burmannus ex uno Petavii amplexus est. Improbatur hoc Taubn. quia Carmenta Deos salvere jubeat, quos inter Flumina quidem sint et Fontes, non item nemora. Sed hoc nihili est. Cadmus, Metam. iii. 25. in Bœotia "ignotos montes agrosque salutat." *Nemora* autem et *silvæ* sæpe sic junctæ leguntur. Placet tamen vulg. *nemorum Nymphæ* propter alterum, *Naiadumque chori*. *Ripaque*, etc. MS. Putean. secundus, *Istaque felici ripa sit icta pede*; quam lect. Burm. elegantiorum judicat, quam quæ provenire a librario potuerit. Regii tres servant vulgatam. In nostro codice C. librarius hanc paginam continuavit hisce versiculis: *Uxor onus magnum, si non sit pulchra, marito; Si sit pulchra, virum despicit illa suum*. Quos si non Ovidianos, et rei accommodatos, saltem satis facetos lector mihi condonare velit. LEM.

Este bonis avibus visi natoque mihique :

Ripaque felici tacta sit ista pede.

Fallor? an hi fient ingentia mœnia colles? 515

Juraque ab hac terra cætera terra petet?

Montibus his olim totus promittitur orbis.

Quis tantum fati credat habere locum?

Et jam Dardaniæ tangent hæc litora pinus.

Hic quoque causa novi femina Martis erit. 520

Care nepos, Palla, funesta quid induis arma?

Indue: non humili vindice cæsus eris.

Victa tamen vinces, eversa que Troja resurges:

Obruet hostiles ista ruina domos.

Urite victrices Neptunia Pergama flammæ: 525

Num minus hic toto est altior orbe cinis?

515. Novum vaticinium de imperii R. magnitudine, Æneæ adventu, et Julia gentis splendore, qualia et Virgilius habet. Apud Dionys. Halic. i. 20. Evander vicum parvum condit, ἦν ἐμέλλε τὸ πεπρωμένον σὺν χρόνῳ θῆσειν ὄσσην οὐθ' Ἑλλάδα πόλιν, οὔτε βάρβαρον, κατὰ γε οἰκήσεως μέγεθος, καὶ κατὰ δυναστείας ἀξίωσιν, καὶ τὴν ἄλλην ἅπασαν εὐτυχίαν, χρόνον τὲ ὁπόσον ἂν ὁ θνητὸς ἀντέχη, πόλειων μάλιστα πασῶν μνημονευθησομένην. Etiam h. l. imperium totius orbis terrarum his montibus, ut Metam. ii. 259. Tiberi, id est, huic urbi promittitur. *Petere jura* est subjecti populi, ut *dare jura* imperantis. *Locum habere tantum fati*; loco destinatum esse a fato tantam dignitatem; confer ii. 403.

520. Vaticinatur adventum Æneæ et bellum cum Turno. "Turnus, rex Rutulorum, cui pacta Lavinia ante adventum Æneæ fuerat, prælatum sibi advenam ægre patiens, simul Æneæ Latinoque bellum intulerat;" Liv. i. 2. *Nepos*. Pallas, de quo Virgil. Æn. viii. 104 sqq. Evandri

filius, secundum alios Herculis ex Evandri filia filius; Dionys. i. 32. *Funesta quid induis arma*. Prædicit et cædem Pallantis: sed Turnus occisor cadet, inquit, Æneæ dextra. LEM. Priscianus notat vocativ. *Palla* factum esse ad Homeric. Πουλυδάμα. *Non humili*, nobilissimo. Horat. I. Od. xxxvii. 32. *Cleopatra non humilis mulier*, ubi ad animum generosum refertur. *Victa Troja vicit*, quatenus Trojani novum in Italia regnum condiderunt. *Obruet hostiles ruina domos*. Ruina Trojæ efficiet, ut in Italia imperium condatur, quod aliquando Græcorum hostium terram sibi subijciat.

525. *Neptunia Pergama*, ut Æn. ii. 625. *Neptunia Troja*, quia in Neptuni et Apollinis tutela, et quia muri ab istis Diis ædificati; Metam. xi. 203; Æn. ii. 201. *Num minus*, etc. nihilo tamen minus ex illo cinere imperium orietur, totum terrarum orbem occupans. *Jam pius Æneas*, etc. Sic de eodem et iv. 37. et Metam. xiii. 624. Hectoris umbra Æneæ *sacra*

Jam pius Æneas sacra, et sacra altera patrem,  
 Afferet: Iliacos excipe, Vesta, Deos.  
 Tempus erit, quum vos orbemque tuebitur idem,  
 Et fient ipso sacra colente Deo; 530  
 Et penes Augustos patriæ tutela manebit.  
 Hanc fas imperii frena tenere domum.  
 Inde nepos, natusque Dei, licet ipse recuset,  
 Pondera cœlesti mente paterna feret.  
 Utque ego perpetuis olim sacrabor in aris, 535  
 Sic Augusta novum Julia numen erit.  
 Talibus ut nostros dictis descendit in annos;  
 Substitit in medios præscia lingua sonos.

Trojæ, simulacra Deorum patriorum lignea, commendaverat; Æneid. ii. 293. Itaque ille patrem humeris impositum et sacra manu tenentem secum extulit; Æn. ii. 707 sqq; Dionys. i. 46. et 47: nam pater *pio filio vim sacrorum habere videbatur*. Patrem in ora Drepanitana amisit, (Æn. iii. 710.) ubi monumentum ejus etiamnum ostenditur. Vid. Dorvill. Sic. p. 49. Sed sacra secum *attulit* in Italiam, atque sacra translata signum habebantur sedis translatae. Vid. Heynii Exc. IX. ad Æn. ii. At quia patrem non attulit secum in Italiam, propterea Heinsius monet, posse cum uno Vatic. *auferet* legi. Burmanno non displiceret, *efferet*. Fuere tamen, qui Anchisen in Italiam usque ad ductum traderent, in quibus Cato, Strabo, Dio Cassius. Vid. Muretus, Var. Lect. xiii. 3. Hos forte secutus est Ovid. Fatale etiam erat, Penates Æneæ Italiæ inferri; Æn. iii. 167 sqq. Collocati ab initio Lavinii, inde Romam translati. In *Vestæ* aede eos esse servatos quidam putabant; Tacitus, Annal. xv. 41. Immo, aedes eorum fuit sub Velia, non longe a Vestæ

aede; Dionys. i. 67. *Quum vos*, etc. Julius Cæsar Pontifex Max. atque adeo præses Vestalium, tuebitur Iliacos Deos, et imperator orbem. Qui post mortem *Deus* erit, homo *colet sacra*, sacra faciet. Alii hæc de Augusto intelligunt; et possunt etiam de hoc intelligi.

533. Hæc inseruit Ovidius, mortuo Augusto; intel. enim Tiberius, Julii Cæsaris Divi nepos, Augusti per adoptionem *natus*, qui per simulationem *recusavit* imperium, nec nisi precibus Senatus impulsus accepit; Tacit. An. i. init. Sueton. Tib. 24. Conf. Noster iv. ex Ponto, xiii. *Pondus*, ut *moles*, de imperio. *Cælestia*, eximia quæque. In primis Dei nepoti et filio convenit. Mulier fatidica desinit in mulieris consecratione. *Augusta Julia* est Livia, quæ Augusti testamento in familiam *Juliam* nomenque *Augustæ* assumta; Tacit. Ann. i. 8. ibique Lipsius. Ejus consecrationem Ovidius non vidit, prædixit tantum; et facta est per Claudium. Sueton. v. 11. Qui in memoriam antiquorum temporum redit, *ascendere* ad ea dicitur; qui de venturis loquitur, *descendere*.

Puppibus egressus Latia stetit exsul in herba.

Felix, exsilium cui locus ille fuit! 540

Nec mora longa fuit: stabant nova tecta; nec  
alter

Montibus Ausoniis Arcade major erat.

Ecce boves illuc Erytheidas applicat heros

Emensus longi claviger orbis iter. 544

Dumque huic hospitium domus est Tegeæa, vagan-

Incustoditæ lata per arva boves. [tur

Mane erat: excussus somno Tiryntius hospes

De numero tauros sentit abesse duos.

Nulla videt taciti quærens vestigia furti:

Traxerat aversos Cacus in antra feros; 550

540. Gemitum hunc, ut alios in hoc opere, Ovidio expressit haud dubie ipsius exsilium. De *novis illis tectis*, vide ad ver. 515. Ei oppidulo sive vico Evander nomen dedit Pallantii in memoriam veteris patriæ. *Alter*, alius. Nec alius in montibus Ausoniis major erat Evandro Arcade. Alii male Arcada montem explicant, in quo jam fuerit Arcas. *Ausonia* sæpe pars Italiæ ea, cui postea Latii nomen hæsit. Vide ad ver. 55.

543. De *Herculis adventu* conf. v. 643; Dionys. Halic. I. xxxiv. 39; Liv. i. 7. Cum classe Græcorum in Italiam venisse credebatur. Leviter autem hic adventus cum poetæ proposito cohæret, ut e ver. 583. apparet. *Erythea*, Gades insula, ubi Geryon, cum cuius interemti bubus Hercules in Italiam venit, et prope Tiberim, ut quiete et pabulo læto boves reficeret, procubuit. Sic Liv. et Dionys. Sed h. l. eum excipit *domus Tegeæa* Carmentæ Arcadis, a *Tegea*, oppido Arcadiæ sic dicta. *Tegeea* Burman. Mox disputatur, utrum *lata*, an *lata* legendum sit. Posterius verum judi-

VOL. V.

cat Heins. recepit Mitscherl. et possit verum videri, quia et Liv. *latum pabulum*, et Dionys. Hal. *πάν πολλήν καὶ καλήν* memorat. Alterum *lata*, ut et Burm. vidit, melius convenit verbis *incustoditæ* et *vagantur*: atque latis in arvis facilius nonnullæ poterant averti. Præfertur igitur et a Bentleio ad Horat. III. Od. ii. 9. ubi et de *latis* et de *latis campis* multa loca collegit. Conf. Noster ii. 210.

547. *Caci* furtum omnes similiter narrant, rerum scriptores nude, ut erat traditum, sed poetæ exornarunt. In his fons est Virg. *Æn.* viii. 185 sqq. quem Noster expressit. Conf. et Propert. iv. 9. init. Martial. v. 60. *Excussus somno* nil nisi expergefactus. Livius *somno excitus*. *Duos*. Dionys. *δλίγας τινάς* memorat; Liv. "eximium quemque pulchritudine," Virg. ver. 207. "quatuor tauros totidemque juvenecas." *Cacus* *ληστής τις ἰγγώριος* Dionys. *Feros* ex uno Farnes. Heins. recepit, neque male; *ferus* enim sæpe pro bove, cervo, equo ponitur. *Aversos*, quia cauda eos traxit in speluncam.

G

Cacus, Aventinæ timor atque infamia silvæ,  
 Non leve finitimis hospitibusque malum.  
 Dira viro facies; vires pro corpore; corpus  
 Grande: pater monstri Mulciber hujus erat.  
 Proque domo, longis spelunca recessibus ingens,  
 Abdita, vix ipsis invenienda feris. 556  
 Ora super postes affixaque brachia pendent,  
 Squalidaque humanis ossibus albet humus.  
 Servata male parte boum Jove natus abibat:  
 Mugitum rauco furta dedere sono. 560  
 Accipio revocamen, ait; vocemque secutus,  
 Impia per silvas ultor ad antra venit.  
 Ille aditum fracti præstruxerat objice montis:  
 Vix juga movissent quinque bis illud opus.  
 Nititur hic humeris, cœlum quoque sederat illis,  
 Et vastum motu collabefactat onus. 566

551. Caci indoles, forma, genus, domus. *Timor silvæ*, ut Cicero in *Verr. v. 45*; *Sestius terror morsque sociorum et civium*. Apud Martial. d. l. ubi *Nostrum ita expressit*: "Silvarumque tremor, tacita qui fraude solebat Ducere, nec rectos Cacus in antra boves." *Malum*. Notant, poetam respexisse *Caci* nomen, quia *Kakôs* Græcis malus.

559. *Servata male*, amissa. *Furta*, boves raptæ, ut *Metam. iii. 7*. *Furta Jovis*, puellæ a Jove raptæ. *Raucus sonus* mugientibus tribuitur. *Accipio revocamen* dictum ad formulam solemnem, *accipio* (agnosco) *omen*. *Objice fracti montis*, fragmine montis objecto. Apud *Virg. d. l. 227*. primum fugit, tum *fultos emuniit objice postes*. Et tales objices sæpe speluncarum ostia muniebant. *Virgilius, Georg. iv. 422*. *Proteus se tegit in antro vasti objice saxi*. *Opus ræp onus* prætulit *Burmannus* ex *MSS. Pembrock.*

*Thuan. Mazarin. quia seq. onus*, et quia hæc pars montis quasi *opus*, vallum et munimentum antri, erat. *Bene. Liv. xxxi. 40. Vix juga*, etc. Inde vires Caci intelliguntur. *Confer Metam. iii. 61.* et quæ ibi notavimus. *Magnitudo operis etiam ver. 567 sq.* graviter declaratur; ita enim vis *Herculea* illucescit.

565. Certamen ipsum, quod pluribus descripsit *Virg.* inde a ver. 230. Non facilis ibi *Herculi* labor: "Ter saxea tentat *Limina* nequidquam: ter fessus valle resedit." *Noster dignius Herculem* descripsit. *Humeris cœlum* portabat, quum *Atlantem* ad mala *Hesperidum* apportanda misisset. Vide ad *Metam. ix. 198. Sedere*, simul firmitatis notionem inesse putes. *Plinius, Pan. x. 6*; "quam bene humeris tuis sederet imperium." *Evulsam. Neapol. avulsam* malit, quia *Virg. 237*: "Dexter in adversum nitens concussit, et imis *Avulsam* solvit radicibus."



Quod simul evulsum est, fragor æthera terruit ip-  
 Ictaque subsedit pondere molis humus. [sum ;  
 Prima movet Cacus collata prælia dextra ;  
 Remque ferox saxis stipitibusque gerit. 570  
 Quis ubi nil agitur ; patrias male fortis ad artes  
 Confugit, et flammæ ore sonante vomit ;  
 Quas quoties proflat, spirare Typhoëa credas,  
 Et rapidum Ætnæo fulgur ab igne jaci.  
 Occupat Alcides, adductaque clava trinodis 575  
 Ter quater adversi sedit in ore viri.  
 Ille cadit, mixtosque vomit cum sanguine fumos,  
 Et lato moriens pectore plangit humum.  
 Immolat ex illis taurum tibi, Jupiter, unum  
 Victor, et Evandrum ruricolæ vocat : 580

Burm. addit simul construi cum ablativo. *Æthera terruit.* Virg. "impulsu, quo maximus insonat æther." Sed *terrui* gravius etiam. Equidem viri docti iudicio minus leniato haud assentior.

569. *Movet prælia.*] Dionys. *Τρέπεται πρὸς ἀλκίην.* Male fortis, non fortis, Metam. iv. 285. *Patrias ad artes* habet ad Virg. "illius *Vulcani patrias* atros Ore vomens ignes, magna se mole ferebat." De *Typhoeo* vide Metam. iii. 303 ; v. 346 ; unde apparet, hac comparatione satis terribilem notari Cacus. *Adducta clava*, ut IV. Trist. ii. 5. *adducta securis.* Vide Drakenb. ad Sil. i. 334. De tormentis, quæ intenduntur, legatur Cic. Tusc. ii. 24. A Virg. 220. *clava illa nodis gravatum robur* vocatur. *Sedit in ore*, inficta est ori. De telis corpus penetrantibus sæpe legitur. *Adversa*, quæ quis sibi opposita petit. Cacus varia arma tentat ; Hercules una clava utitur, sed repetitis ictibus opus erat ad monstrum debellandum.

577. *Mixtosque.*] Ita Rhætus cum

*sanguine mixta Vina refert moriens,* Æn. ix. 349.

579. *Cæde expiata, Hercules Jovi Inventori aram* statuit, quæ Romæ erat ad portam Trigeminam, eique taurum unum immolavit : idque sacrificium Romani Græco ritu Dionysii Halic. adhuc ætate repetebant. Evander, qui ex matre audierat, in fati esse, ut Hercules inter Deos referatur, primus ei sacra fecit, ara exstructa. Tum Hercules a regionis illius incolis petiit, ut illa sacra perpetuo servarent, Græco quidem ritu, elegitque Potitios et Pinarios, duas familias nobiles, quos ritum illum doceret. Ipse, ara erecta, decimas ex præda obtulit ; quæ ara *maxima* vocabatur et sanctissime colebatur a Romanis, eratque prope forum boarium ; Dionys. d. l. et Liv. Hæc igitur sacra antiqua Romulus accepit. *Quo tellus sit satis usa*, quo hinc abiturus sit ad Deos. Sed hoc ita elocutus est, ut utilitates significaret, quas tellus ex Herculis laboribus perceperit. Desinit locus in Carmentæ apotheosi.

Constituitque sibi, quæ Maxima dicitur, aram,  
 Hic ubi pars Urbis de bove nomen habet.  
 Nec tacet Evandri mater, prope tempus adesse  
 Hercule quo tellus sit satis usa suo.  
 At felix vates, ut Dīs gratissima vixit, 585  
 Possidet hunc Jani sic Dea mense diem.  
 IDIBUS in magni castus Jovis æde sacerdos  
 Semimaris flammis viscera libat ovis :  
 Redditaque est omnis populo provincia nostro ;  
 Et tuus Augusto nomine dictus avus. 590  
 Perlege dispositas generosa per atria ceras ;  
 Contigerunt nulli nomina tanta viro.

587. *Idus* omnes Jovi sacræ. Iis ovis eidem, inde *idulis* dicta, mactabatur, sed *Idibus* Januar. vervex. Sqq. *redditaque*—*avus* paulo negligentius scripta et addita, quamquam ad Augustum pertinent. An. U. C. 727. quum Octavianus simularet, omne se depositurum esse imperium, Senatus, auctore Munatio Planco, ei *Augusti* nomen dedit; Sueton. Aug. 7. De die autem, quo id nomen ei oblatum, dissentiunt scriptores. Vid. Lipsius ad Tacit. Ann. i. 9. Sed paulo ante onerosas *provincias* ipse suscepit administrandas, pacatas *populo* restituit. Vide Ernesti Exc. 6. ad Suet. Aug.

591—616. De vi nominis *Augusti* per comparisonem. Atque ita catalogum struxit virorum Romanorum cognominibus insignium. *Cerae*, imagines cereæ virorum illustrium, quæ *per atria dispositæ* habebant titulos sive inscriptiones rerum gestarum, honorumque attributorum. Inde igitur et cognomina cujusque cognoscebantur. *Generosa*, familiarum nobilium. De cognominibus nobilium Romanorum, etiam eorum, qui jam memorantur, vide Perizon. in Anim. hist. p.

41. et 272. P. Servilius, devictis piratis, *Isaurorumque*, ipsa Ciliciæ arce, eversa, *Isaurici* cognomen adamavit; Florus, III. vi. 5. Q. Cæcilius Metellus *Cretum*, qui Mithridati favisse videbantur, *opes domuit*, totam insulam igni ferroque populatus est, inde *Creticus* dictus; Florus, iii. 6; Dio, lib. xxxvi. init. A Jugurtha devicto *Numidici* cognomen Q. Cæcilio Metello, L. Calvi filio tributum; Vellei. II. xi. 2. *Messanici* cognomen nemini datum; sed Claudius Caudex, Mamertinis auxilio missus, urbem obsidione liberavit. Polyb. i. 1. Neque Noster de cognomine loquitur; tantum dicit *superbum*, quod crebro apud poetas de victoribus legitur. *Nota*, id, quo quis ita insignitur, ut discerni ab aliis possit. Nunc cognomen, quod Scipioni Æmiliano impositum. De formula *trahere notam* vid. Bentl. ad Horat. IV. Od. ii. 59. *Drusus*, Livix ex prioro marito Tiberio Nerone filius, Tiberii frater, rebus in Germania preclare gestis, ad Rhenum in æstivis castris, ex fractura, equo super crus ejus collapsus, an. U. C. 745. mortuus est: de qua morte sub Ovidii nomine consolatio exstat ad Liviam Augus-

Africa victorem de se vocat: alter Isauras,  
 Aut Cretum domitas testificatur opes.  
 Hunc Numidæ faciunt, illum Messana superbum:  
 Ille Numantina traxit ab urbe notam. 596  
 Et mortem et nomen Druso Germania fecit.  
 Me miserum! virtus quam brevis illa fuit!  
 Si petat a victis; tot sumat nomina Cæsar,  
 Quot numero gentes maximus orbis habet. 600  
 Ex uno quidam celebres, aut torquis ademtæ,  
 Aut corvi titulos auxiliaris habent.  
 Magne, tuum nomen rerum mensura tuarum est:  
 Sed qui te vicit, nomine major erat.  
 Nec gradus est ultra Fabios cognominis ullus.  
 Illa domus meritis Maxima dicta suis. 606

tam. Senatus ipsi posterisque ejus *Germanici* cognomen decrevit; Suetonius, Claud. 1; Dio, lib. xv. *Virtus illa*. Velleius, ii. 97. de eo: "Adolescens tot tantarumque virtutum, quot et quantas natura mortalis recipit, vel industria perficit." Vid. ejus laudes etiam Horat. IV. Od. 4. Julius Cæsar cognomine nullo insignitus erat; nihilo tamen minus hic ejus mentio fit, et in maximam ejus laudem. Vicerat enim ille gentes numero infinitas. Cic. pro Marc. 2.

601. T. Manlius Torquatus, qui an. U. C. 392. ad Anienem Galli, quem ab eo provocatus occiderat, torque detracto, cognomen invenit; Cic. Off. iii. 31; Liv. viii. 10. M. Valerius Corvinus, Trib. militum, an. U. C. 406. Gallum magnitudine et armis insignem in certamine singulari occidit, adjutus a *corvo*, qui, in galea ejus sedens, quotiescumque certamen initum est, os oculosque hostis rostro et unguibus appetiit; Liv. vii. 26. Cn. Pompeio Magni cognomen ab assentatione familiari tributum. Liv. xxx.

45. *Nomine major*, superans omne nomen ac titulos. Taubner. monet, Ovidium per gradus ire voluisse: Pompeius fuit *magnus*, Cæsar *major* rerum gestarum gloria, Fabius *maximus*. Non probo.

605. An. U. C. 499, quum Fabius omnem forenses turbam in quatuor tribus conjecisset, urbanasque eas appellasset, "adeo eam rem acceptam gratis animis ferunt, ut Maximi cognomen, quod tot victoriis non pepereerat, hac ordinum temperatione pareret;" Liv. ix. 46. extr. *Illa domus*, mansit enim ei genti hoc nomen. Et omnis illa familia de civitate bene meruit; ii. 195 seqq. *Sancta*, etc. Glossæ Philoxeni, *Augustus*, *ιερός*, *sanctus*. Quibusdam censentibus Octavianum Romulum appellari oportere, prævaluit, ut Augustus vocaretur, non tantum novo, sed et ampliore cognomine, "quod loca quoque religiosa, et in quibus angurato quid consecratur, augusta dicantur, ab auctu, vel ab avium gestu gustave, sicut etiam Ennius docet, scribens; Augustus

Sed tamen humanis celebrantur honoribus omnes :  
 Hic socium summo cum Jove nomen habet.  
 Sancta vocant augusta patres : augusta vocantur  
 Tempia, sacerdotum rite dicata manu. 610  
 Hujus et augurium dependet origine verbi,  
 Et quodcumque sua Jupiter auget ope.  
 Augeat imperium nostri Ducis, augeat annos :  
 Protegat et vestras querna corona fores ;  
 Auspibusque Deis tanti cognominis heres 615  
 Omine suscipiat, quo pater, orbis onus.  
 RESPICIET Titan actas ubi tertius Idus,  
 Fient Parrhasiæ sacra relata Deæ.  
 Nam prius Ausonias matres carpenta vehebant :  
 Hæc quoque ab Evandri dicta parente reor. 620

to augurio postquam inelyta condita Roma est." Sueton. Aug. 7 ; Florus, IV. xii. 66 ; Dio, lib. liii. πάντα τὰ ἐντιμώτατα καὶ τὰ ἱερώτατα ἀγνοῦσά καλεῖται. Inde et Augusti palatium peculiari ratione sanctum dicebatur. Vide Bentr. ad Horatium, IV. Od. iv. 26. Sacerdotum manu. Tempia ita dedicabantur, ut Pontifex postem manu teneret. Hujus et augurium, etc. ab hoc nomine fluxit et voc. augurium. Querna corona. Supra fores Palatii civica e quercu corona suspensa erat, et ad utrumque latus laurus stabat, triumphalis arbor. Corona ob cives servatos inscripta erat. Heres est Tiberius, cui Augusti nomen hereditarium. Sueton. Tib. 26.

617—636. Die decimo quinto, scil. xviii. Kalend. Februar. rursus Carmentalia. Confer Plutarch. Quæst. Rom. tom. vii. p. 124. edit. Reisk. Actas, transactas, exactas. Relata, iterata, repetita. De Parrhasia Dea vide ad ver. 478. Matres, matronæ, mulieres. Carpenta, currus cum tecto arcuato rotisque duabus, qui sæpe in

nummis cernuntur. Beckmann. in Beytraegen zur Geschichte der Erfindungen, P. ii. p. 391. serius hæc inventa putat. An. U. C. 360. Romæ id honoris decretum matronis, " ut pilento (vehiculo pensili et commodiore aliis) ad sacra ludosque, carpentis festo profestoque uterentur ;" Livius, v. 25. Ab Evandri parente, quod vix verum esse potest, honor eripitur. A Senatu prohibita sunt Ὀρχήμασι χρῆσθαι ζευκτοῖς ; Plutarch. d. l. Destinare, sibi proponere, constituere. Vide ad Plin. I. Epist. viii. 1 : Plutarchus, συνέθεντο. Ingratos viros, sive quia viris omnibus Senatorum interdictum imputabant, sive quia et virorum culpa aliqua in hac re. Etiam Plutarchus, ἀμυνόμενοι τοῖς ἀνδράσ. Cæco, clandestino. II. Amor. xiv. 4. ubi de puellis onus ventris sic excipientibus, " cæcas armant in sua fata manus." Jus restituuisse. Hinc mulieres εὐτεκνοῦσαι καὶ πολυτεκνοῦσαι templum Carmentæ posuerunt. Exemtum, ademtum. Vide Burm.

Mox honor eripitur : matronaque destinat omnis

Ingratos nulla prole novare viros.

Neve daret partus, ictu temeraria cæco

Visceribus crescens excutiebat onus.

Corripuisse patres ausas inmitia nuptas, 625

Jus tamen exemptum restituisse, ferunt.

Binaque nunc pariter Tegeææ sacra parenti

Pro pueris fieri virginibusque jubent.

Scoretea non illi fas est inferre sacello,

Ne violent puros exanimata focos. 630

Si quis amas ritus veteres, assiste precanti :

Nomina percipies non tibi nota prius.

Porrimum placantur Postvertaque, sive sorores,

Sive fugæ comites, Mænali Nympha, tuæ.

Altera, quod porro fuerat, cecinisse putatur : 635

Altera, versurum postmodo quidquid erat.

CANDIDA te niveo posuit lux proxima templo,

Qua fert sublimes alta Moneta gradus.

629. *Scoretea*, quæ ex corio et pelibus sunt facta ; Varro de Ling. Lat. lib. vi. ubi addit : " Inde in aliquot sacris ac sacellis scriptum habemus : Ne quid scoreteum adhibeatur, ideo, ne morticinum quid adsit." *Nympha* etiam a Virgilio, *Æneid.* viii. 336. Carmenta vocatur. Heinsius malit *Postvorta*, ut apud Macrobius, *Sat.* i. 7. " sicut Antevorta et Postvorta, divinitatis scilicet aptissimæ comites, apud Romanos coluntur." Denique notanda et sunt Gellii *Noct. Att.* xvi. 6. verba, ubi de mulieribus ægre enitentibus sermo : " hujus periculi deprecandi causa aræ statuatæ sunt Romæ duabus Carmentibus : quarum altera Postverta nominata est, Prosa (alii Prorsa) altera ; a recti perversique partus et potestate et nomine." *Porro* sæpe significat, in futurum ; sed ex

h. l. apparet, dictum etiam esse de tempore præterito, cujus significati-  
onis exemplum sibi occurrisse negat Burmannus. In Regiis tribus reperi-  
mus *venturum*, quod quadrare non potest, nisi cum *Postventa* ; hoc quidam dederunt sine auctoritate.

637. Proximo die, nempe die xvii. Kalend. Februar. tuam templum, *Concordia*, dedicatum. Ea Dea quinque Romæ templa habebat ; nunc antiquissimum intel. In area, ubi Manlii domus steterat, populus ædem Deæ, quam *Monetum* vocabant, ædificavit : Plutarch. *Camil.* 36 ; ascendebatur centum gradibus. *M. Furius Camillus* Dictator, orto motu civili, ad Capitolium respiciens, Deos precatus est, ut seditionem bene vertere juberent, ædemque *Concordiæ*, si motus esset sedatus, vovit. Motu composito, de-

Nunc bene prospicies Latiam, Concordia, turbam :  
 Nunc te sacratæ restituere manus. 640  
 Furius antiquum populi superator Hetrusci  
 Voverat, et voti solverat ante fidem.  
 Causa, quod a patribus sumtis secesserat armis  
 Vulgus ; et ipsa suas Roma timebat opes.  
 Causa recens melior : passos Germania crines 645  
 Porrigit auspiciis, Dux venerande, tuis.  
 Inde triumphatæ libasti munera gentis ;  
 Templaque fecisti, quam colis ipse, Deæ.  
 Hæc tua constituit genitrix et rebus et ara,  
 Sola toro magni digna reperta Jovis. 650  
 HÆC ubi transierint, Capricorno, Phœbe, relicto,  
 Per juvenis cures signa gerentis aquam.

cretum, ut ædes vota prope forum extrueretur. Plutarch. Camil. 42. Templum foro imminens recte *prospicere* turbam aut populum in foro dicitur. Id Tiberius, consulatum cum Cn. Piſone iniens reficiendum suscepit, ut suo et Drusi nomine inscriberet, atque an. U. C. 762. quo pax in Pannonia et Dalmatia composita, Druso jam mortuo, de manubiis dedicavit; Suetonius Tib. 20. *Sacratum et sanctum*, quidquid ad Imperatorem pertinebat. Vide Rittersh. et Cortium ad Plin. x. Epist. 1. Infra ii. 60. *sacratum Dux populi Hetrusci*. Veientinorum in Hetruscis opulentissimorum, atque Faliscorum. *Ante*, olim. *Quod a patribus*, etc. Omnis multitudo per Tribunos plebis in principes, in primis in Camillum, incitata postulabat, ut alter consul e plebe crearetur; Livius, v. 25. *Suas timebat opes*, opes plebis metuebant senatores. Noster ingeniose loqui voluit.

645. Sensus: Germania tuis auspiciis victa. Victi victori *porrigebant* ea, quibus essent insignes; Germani

*crines* suos promissos ad tonsuram; Amorr. i. 14: "Jam tibi captivos mittet Germania crines: Culta triumphatæ munere gentis eris;" Interpreti Gallico *Dux venerandus* Germanicus esse videtur. At bella tum omnia gerebantur *auspiciis* Imperatoris. *Libasti munera gentis*. Neapolis ad prandium civibus exhibitum et congiarium ex manubiis datum refert; Burmannus ad detonsos crines, quos Augustus (immo Tiberius) libaverit. Obscure sane poeta locutus est: puto tamen sensum esse: tu manubias in usum sacrum adhibuisti et templa inde fecisti. *Quam colis*, vita tua et moribus. *Genitrix*, Livia. Ea concordiam *rebus* ipsis Augusto, et *ara*, quam forte, ut Const. Fanensis et Burmannus suspicantur, in Concordiæ æde *constituit*, exhibuit, quemadmodum et Bonæ Deæ templum restituit, v. 157. *Magnus Jupiter*, Augustus.

651—656. Solis transitus et Capricorno in Aquarium. Lyræ et mediæ Leonis occasus. Plinius, xviii. 26. "Et quum sol in aquarium sentitur

SEPTIMUS hinc oriens quum se demiserit undis,  
 Fulgebit toto jam Lyra nulla polo.  
 SIDERE ab hoc, ignis, venienti nocte, Leonis 655  
 Qui micat in medio pectore, mersus erit.  
 TER quater evolvi signantes tempora Fastos ;  
 Nec sementiva est ulla reperta dies :  
 Quum mihi, sensit enim, lux hæc indicitur, inquit  
 Musa : quid a Fastis non stata sacra petis ? 660  
 Utque dies incerta sacro, sic tempora certa ;  
 Seminibus jactis est ubi fœtus ager.  
 State coronati plenum ad præsepe juvenci,  
 Quum tepido vestrum vere redibit opus.  
 Rusticus emeritum palo suspendat aratrum : 665  
 Omne reformidat frigida vulnus humus.  
 Villice, da requiem terræ, semente peracta :  
 Da requiem, terram qui coluere, viris.  
 Pagus agat festum : pagum lustrate, coloni ;  
 Et date paganis annua liba focis. 670

transire, quod fere xvi. Kalend. Februar. evenit." *Juvenis*, quem *Ganymedem* nonnulli dixerunt. Hygin. P. A. ii. 29. *Aquam* urnam unde aquam effundit ; Horatius, Sat. I. i. 36. Inde *urniger* vocatus. *Septimus hinc Oriens*, dies tertius et vigesimus Januar. Stella in medio pectore Leonis insignis *Regulus* dicitur. Intelligendus autem occasus Leonis matutinus. Sed lapsus est Ovidius.

657—704. *Sementiva*, aut, ut et hoc loco in MSS. quibusdam et apud alios auctores scribitur, *Sementina*, feriæ sationis finitæ causa susceptæ, et a semente appellatæ, auctoribus Varro et Festo. Erant in feriis conceptivis, quæ quotannis a magistratibus aut sacerdotibus concipiebantur ; Macrobius, Sat. i. 16. Itaque in *Fastis signatæ* reperiri non poterant. Sed

VOL. V.

Ovidius se frustra in illis quævisisse finxit, ut *Sementivæ* descriptionem commode inserere posset. In ea Tibull. ii. init. ante oculos habuisse videtur ; ubi *Ambarvalia* describuntur.

663. *Requies et festa* rusticorum describuntur, additis precibus pro frugum copia et pace. *State—humus. Coronari* animalia solebant feriantia, officio functa et diebus festis ; v. 52.

669. De illo festo conf. Varro de Re Rust. i. 2. Sed Virg. i. 339 sqq. duo alia rusticorum festa descripsit. In *pagos* Servius Tullius agrum Romanum divisit, instituitque, ut Diis tutelaribus ejusque agri aræ excitarentur, in iisque quotannis sacra communia fierent ; quæ *paganalia* dicta. In iis *liba, πελαγοι*, conferebantur a singulis familiis ; Dionys. Halic. iv. 15. *Pagus lustrabatur* hostiis circumactis ;

II

Placentur matres frugum, Tellusque Ceresque,  
 Farre suo, gravidæ visceribusque suis.  
 Officium commune Ceres et Terra tuentur ;  
 Hæc præbet causam frugibus, illa locum.  
 Consortes operum, per quas correcta vetustas,  
 Quænaque glans victa est utiliore cibo ; 676  
 Frugibus immensis avidos satiate colonos,  
 Ut capiant cultus præmia digna sui.  
 Vos date perpetuos teneris sementibus auctus :  
 Nec nova per gelidas herba sit usta nives. 680  
 Quum serimus, cælum ventis aperite serenis :  
 Quum latet, ætheria spargite semen aqua.  
 Neve graves cultis Cerealia dona cavete  
 Agmine læsuro depopulentur aves.

Tibullus, d. I. " Dî patrii, purgamus (Iustramus) agros, purgamus agrestes." Deæ *matres* dicuntur earum rerum, quas tuentur, ut Dii *patres*. *Viscera*, fruges, quas illæ e visceribus suis protulerunt. Confer iv. 633 sqq. *Causa* sunt semina. De officio Telluris in frugibus ferendis confer Metam. ii. 285 sqq.

675. Confer cum his precibus iv. 911 sqq. ubi earum utilitatem attingimus. *Consortes operum*, Ceres et Tellus, quæ adjuvant rusticos in opere. *Correcta vetustas*, victui deteriori veterum substituta meliora alimenta. Nam Cereris " munere Tellus Chaoniæ pingui glandem mutavit arista," Virg. Georg. I. viii. 147 ; confer infra iv. 401 sqq. *Avidos* bono sensu dixit, id cupientes. *Immensis*, ut Virg. Georg. i. 49 ; " Illius immensæ rupe-runt horrea messes." Ibi præcedunt vota *avari* coloni ; quod forsan respiciens, Ovidius *avidos* induxit colonos. *Ureve* de gelu ; confer iv. 918. ubi similes preces.

680. Virg. Georg. i. 112 : " Luxu-

riem segetum tenera depascit in herba ;" versu 134. " sulcis frumenti quæreret herbam." Etenim *herba* omnino virens germen cujuscumque plantæ. Vide et supra ad ver. 154. *Sereni et clari* venti, qui cælum reddunt serenum. Pulsis nubibus, nimbisque remotis, cælum *aperitur*. Tempus autem est humo tegere semina, " Dum sicca tellure licet, dum nubila pendent." *Spargite*, conspergite madafacite. *Ætheria* aqua, ut alias *cælestis*, pluvia.

683. *Aves*, ut " improbus anser Strymonicæque grues," Vir. Georg. i. 119. *Graves*, noxia. *Vos quoque*, etc. Jucunde quidem formicas differt ad messem, sed minus bene eas in precibus ad Deas alloquitur. *Subjectis*, nempe glebæ, terræ. MS. Gortorph. *suppositis*. Ita Metam. iii. 102. *supponere dentes terræ* de Cadmo dentes serente. De *robigine*, vitio segetum, quam Robigo Dea, cui Aprili extr. sacra fiebant, avertere credebatur, vide iv. 905 sqq. *Robigo*, etiam quæ proprie dicitur, et metalla adedit, res



Vos quoque subjectis, formicæ, parcite granis :  
 Post messem prædæ copia major erit. 686  
 Interea crescat scabræ robiginis expers,  
 Nec vitio cœli palleat ægra seges ;  
 Et neque deficiat macie, neque pinguior æquo  
 Divitiis pereat luxuriosa suis : 690  
 Et careant loliis oculos vitiantibus agri ;  
 Nec sterilis culto surgat avena solo.  
 Triticeos fœtus, passuraque farra bis ignem,  
 Hordeaque ingenti fœnore reddat ager.  
 Hoc ego pro vobis, hoc vos optate, coloni : 695  
 Efficiantque ratas utraque Diva preces.  
 Bella diu tenuere viros : erat aptior ensis  
 Vomere : cedebat taurus arator equo.

scabras efficit. *Palleat*, areat, succis æstu ademptis. *Ægram segetem* illustrat Heinsius. Idem ex uno MS. suo, cui Francofurt. a manu prima adstipulatur, *usta* prætulisset, nisi idem verbum jam præcessisset. *Macies agra* a Statio Theb. iv. 702. solo tribuitur. *Luxuria* segetum est, quum onerata fertilitate procumbunt; Plin. XVIII. xlii. 2; Virgil. Georg. i. 112. *Lolium*, Linn. lolium temulentum, Nostris *Trespe*, *Luelch*, credebatur oculos vitare comedentium, eos lusciosos reddere; quod et Fulgentius in lib. de Prisco sermone observat. Vide Harduinum ad Plin. xxii. 77. A Virgilio, Georg. i. 154. *infelix* vocatur, quo ipso loco *avena* cum eo coniungitur. Linn. *avena fatua*, *wilder*, *tauber Haber*, in quam triticum et hordeum degenerare credebantur. *Bis passura ignem*, dum torrentur ante, quam moluntur, et dum coquantur in furno. *Efficiant ratas* iv. 775. precibus finitis additur: *Qua precor eveniant*.

697. *Tenuere*, occupatos tenuere.

*Erat aptior*, malebant illi ensem tractare, quam aratrum. *Taurus arator*. Etiam apud Tibullum, I. x. 46. pro *aratuos boves* MSS. quidam boni, approbante Brouckhus. *aratores boves*. Ibi Heynius in Obs. monet, id epico potius carmini convenire. Immo occurrit, ut vel hic locus docet, et alibi. Similiter, ii. 12. *bellator equus*. *Pondere*. Etiam Virgilius, Georg. i. 164. *rustri iniquo pondere*; et Met. xi. 36. *graves rustri*, quo loco et ipso cum *sarculis* et longis *ligonibus* coniunguntur; iis enim instrumentis glebæ inertes frangebantur. Confer iv. 927. *Gratia Dis*, etc. Neapolis putat, hæc post prælium Actiacum scripta, sed fallitur; pertinent ad Tiberii tempora; et alloquitur Germanicum. Bellum passim a poetis *religatis* post tergum manibus describitur. Confer Æneid. i. 291 sqq. ibique Heynii Exc. *Pax Cererem*, etc. Confer iv. 407. De utilitate, quam Pax rei rusticæ adfert, elegans locus est Tibulli, I. x. 45 sqq.

Sarcula cessabant ; versique in pila ligones,  
 Factaque de rastro pondere cassis erat. 700  
 Gratia Dīs, domūque tuæ: religata catenis  
 Jam pridem nostro sub pede bella jacent.  
 Sub juga bos veniat ; sub terras semen aratas :  
 Pax Cererem nutrit : Pacis alumna Ceres.  
 At, quæ venturas præcedet sexta Kalendas, 705  
 Hac sunt Ledæis templa dicata Diis.  
 Fratibus illa Deis fratres de gente Deorum  
 Circa Juturnæ composuere lacus.  
 IPSUM nos carmen deducit Pacis ad aram ;  
 Hæc erit a mensis fine secunda dies. 710

705—708. *Pollucis et Castoris templum.*] VI. Kal. Febr. an. U. C. 769. Tiberius Castoris et Pollucis ædem dedicavit, inscripto et suo et Drusi fratris nomine ; Dio, lib. lv. p. 567. Confer Consolat. ad Liviam, ver. 283 sqq. Fuit illud templum ad lacum *Juturnum* (ver. 463.) in foro Romano prope Julii Cæsaris templum : II. ex Pont. ii. 85 sq ; Suetonius Cæs. 10. *Ledæis*. Unus MS. *Ledacis*, unde Heins. *Ledaicis* conjiciebat : sed forma *Ledæus* satis usitata ; Consol. ad Liviam, 283 ; Martialis, iv. 58. *Ledæas Lacedæmonis palæstras. De gente Deorum*, de gente Cæsarea. *Composuere*, conjuncti posuere. Nove sic dictum.

709. *Ara Pacis.*] *Aras* veteres statuebant rei, quam cuperent laudatam. Vid. Lipsius ad Tacit. An. i. 13. *Paci* Deæ jam Athenienses aras consecraverunt ; sed Romæ ante Augusti tempora nullis fuit monumentis honestata. Eo tandem imperante, senatus populi-que jussu *ara Pacis* posita est anno U. C. 741. die vi. Non Jul. in ipsa curia. Eo enim anno Augustus, rebus in Gallia, Hispania, Germania-que prospere confectis, Romam redierat. *Aram* et Noster lib. iii. 882. et Juve-

nalis Sat. i. 115. memorant, tum nummi exhibent. Vid. Goltzius in Aug. p. lvii. n. 12. Ad eam bis quotannis, Januarii et Martii tricesimo die sacrificatum. Vide omnino Fischer. de Ara Pacis. *Hæc*, nempe qua sacra fiunt ad aram illam. In verbis *Ipsum nos carmen*, etc. commodus et gratus transitus. *Victoria Actiaca* quum tandem orbi Romano, bellis continuis per plura sæcula profligato, pacem reddidisset, præclare nunc *Pax frondibus* vel oleæ vel lauri (nam utraque pacalis) quibus post illam victoriam ornata erat, adesse jubetur. Heinsius vero intelligit frondem lauream Apollini *Actio* sacram. Sic et Lenzius. Bochartus malebat, *frondibus Actais*, id est, olea. *Comtos* jam Ciofanus ex optimis cod. invexit. Burmannus notat, *canos*, quod reliqui præferunt, diurnam et quasi perpetuam pacem indicare. Mili vero cana Pax parum placet ; neque sic bene perpetuitatis rationem poeta expresserit. *Comti* contra capilli venerandam reddunt faciem (Tibul. IV. ii. 10.) et conveniunt his solemnibus. Possunt etiam verba *comtos redimita* e copia poetica dicta esse pro uno *comta*. Ita Æneid.

Frondebis Actiacis comtos redimita capillos,

Pax ades, et toto mitis in orbe mane.

Dum desunt hostes, desit quoque causa triumphi :

Tu ducibus bello gloria major eris.

Sola gerat miles, quibus arma coerceat, arma ;

Canteturque fera nil, nisi pompa, tuba. 716

Horreat Æneadas et primus et ultimus orbis :

Si qua parum Romam terra timebit, amet.

Tura, sacerdotes, pacalibus addite flammis ;

Albaque percussa victima fronte cadat. 720

Utque domus, quæ præstat eam, cum Pace peren-

Ad pia propensos vota rogate Deos. [net,

Sed jam prima mei pars est exacta laboris,

Cumque suo finem mense libellus habet.

vii. 751. " sacerdos Fronde super galeam et felici comtus oliva ;" Æn. lib. VIII. v. 128. vitta comtos prætereendere ramos."

716. *Tubæ* usus et in bello et in sacris spectaculisque ; Calpurn. Ecl. i. 67. " Inter sacra tubas, non inter bella sonare." Quæ ad bella pertinent, ea *fera* vocantur. *Ultimus orbis*, terræ remotissimæ ; Bentl. ad Horatium, I. Od. xxxv. 29. *Primus* ergo sunt propinquæ. *Pacalis* vox forsitan ab Ovidio facta ; Metam. vi. 111. *oleæ pacales*. *Percussa*. Alii *perfusa*, quod Taubner. ad morem re-

fert, quo merum ex patera inter cornua hostiæ effundebatur. Alteri lectioni similis est, sed plenior, locus IV. Trist. ii. 5 : " Candidaque adducta collum percussa securi Victima purpureo sanguine tinguat humum." Confer supra 83. 320. Pro *præstat* Francofurt. et undecim alii *præstet*, ut simul votum includat. Hamburg. *pacem quæ præstat, pace perennet*, qualem lusum Ovidius sane amat, ut vers. 25. 72 ; ii. 52. et sæpe. Passim autem in hoc opere pacem commendat, detestaturque bella.

## LIBRI SECUNDI

### ARGUMENTUM.

Præfatio et dedicatio, 1—18. De Februis, unde mensis dictus, 19—34. De vi purgaminum vulgo credita, 35—46. De ordine Februarii antiquo et facta mutatione, 47—54. Kalendarum Februar. memorabilia; Junonis Sospitæ templum dedicatum; laudes Cæsaris; celebritas in luco asyli; sacra Jovis; tempestatis ratio, 55—72. Lyræ et medii Leonis occasus, 73—78. Delphinis occasus et inde Arionis fabula, cujus delphin inter sidera fulget, 79—118. Augustus pater patriæ dictus. Hinc laudes ejus et comparatio cum Romulo, 119—144. Aquarii ortus et mollior aura, 145—148. Initium veris, 149—152. Arctophylax oritur, cujus fabula narratur, 153—192. Fauni sacra, et Fabiorum in bello Veientino interitus, 193—242. Corvus, Anguis et Crater oriuntur, quorum origo refertur, 243—266. Lupercalium origo et ritus, quibus Hercules et Omphales fabula inserta; tum Romuli et Remi expositio atque conservatio, 267—452. Tempestatis inconstantia; 453—456. Ingressus Solis in Pisces, atque horum origo, 457—474. Quirinalia et Romuli apotheosis; festum item Stultorum et Deæ Fornacis, 475—532. Feralia ad placandos Manes, 533—570. Sacra Mutæ aut Tacitæ magica, 571—616. Caristia, 617—638. Terminalia, 639—684. Regis fuga, et plures Tarquinii res, 685—852. Hirundinis reditus, 853—856. Equiria, 857—864.

# PUBLII OVIDII NASONIS

## FASTORUM

### LIBER SECUNDUS.

JANUS habet finem : cum carmine crescit et an-  
Alter ut hinc mensis, sic liber alter eat. [nus :  
Nunc primum velis, Elegi, majoribus itis :  
Exiguum, memini, nuper eratis opus.  
Certe ego vos habui faciles in amore ministros, 5  
Quum lusit numeris prima juventa suis.  
Idem sacra cano, signataque tempora Fastis :  
Ecquis ad hæc illinc crederet esse viam ?

1—18. *Præfatio*, qua argumenti sui et operæ gravitatem commendat, et Germanicum propitium sibi reddit. Ut alii poetæ lyram, sic Noster *elegos* suos alloquitur. Initium autem hujus libri, si cum fine superioris conjungitur, *ταυτολογεῖ*. Mox Neapoli placebat, quod nonnulli præferunt, *ut it mensis*. Sed *ut it* ingratum efficit sonum, atque *it* facile potest intelligi. *It mensis, dum decurrit ; it liber, dum componitur. Velis majoribus ire*, ad majus graviusque opus componendum adhiberi. De tropo hoc vide ad i. 4 ; IV. Pont. v. 1. “*Ite leves elegi doctas ad consulis aures.*” Etiam hoc loco quidam *ite* ; sed alterum melius est, quod observare elegos jubet, quid ipse fiat. *Exiguum opus*, quo leve ar-

gumentum, res ludicra, tractatur ; vi. 22. *modi exigui*. Etiam Horatius, Art. Poet. 77. *exiguos elegos* vocat.

5. *Faciles*, obsequentes, se accommodantes mihi in amoribus cantandis. *Laudere* de carminibus non seriis ; Plinius, VIII. Ep. xxi. 2. “*Graviora opera lusibus jocisque distinguo.*” *Numeris suis*, nam amantium in primis curæ et querelæ includebantur elegis. *Signata*. Vide i. 11. Quum quilibet civis operam suam civitati debeat, inde effloruit sententia, *Hæc mea militia est*, etc. Et *militia* latius etiam de omni *munere*, id est, de eo, quod quis præstare debet, dicitur, ut de oratoris forensis labore ; Cic. Mur. 9. “*urbana militia respondendi, scribendi, cavendi.*”

Hæc mea militia est: ferimus, quæ possumus, arma,  
 Dextraque non omni munere nostra vacat. 10  
 Si mihi non valido torquentur pila lacerto,  
 Nec bellatoris terga premuntur equi,  
 Nec galea tegimur, nec acuto cingimur ense;  
 His habilis telis quilibet esse potest;  
 At tua prosequimur studioso pectore, Cæsar, 15  
 Nomina, per titulos ingredimurque tuos.  
 Ergo ades, et placido paulum mea munera vultu  
 Respice, pacando si quid ab hoste vacas.  
 FEBRUA Romani dixere piamina patres:  
 Nunc quoque dant verbo plurima signa fidem.  
 Pontifices ab Rege petunt, et Flamine lanas, 21  
 Quis veteri lingua Februa nomen erat:

11. *Pila* et hastæ *torquebantur* lacerto adducto, ad quod et viribus et arte opus erat; Met. viii. 28 sqq. *Habilis*, idoneus. *At*, tamen, certe. *Prosequimur*. Douza pater volebat, *prosequimur*: sine causa; namque et *prosequi* et *persequi* dicitur qui singulas rei partes ordine explicat. Plinius, I. Ep. viii. 8. "munificentiae rationem stilo prosequi." Vide et ad iv. 724. *Nomina*, laudes. *Per titulos ingredimur*. Vide ad i. 15. *Pacando*. Alii *pacato*. Taubnerus utrumque ferendum censet. At, si hostes jam *pacati*, otium erat Germanico.

19—30. *Vis vocabuli Februa*. Res tenuis et jejuna. *Patres*, priores, antiqui: ver. 30. *avi*, et 36. *senes* vocantur. *Februa dixerunt piamina*. Varro de Ling. Lat. v. p. 46: "Rex quum ferias menstruas Nonis Februar. edicit, hunc diem februatum appellat. Februum Sabinis purgamentum et in sacris nostris verbum." Festus: "quæcumque purgamenti causa in quibusque sacrificiis adhibentur, februa appellantur." *Piamina*, *Karapnoi*, sancti

quidam ritus, quibus Deorum ultio ac pœna avertitur, quibus *ἀγος*, scilicet scelus summovetur. *Fidem dat* aut *facit verbis*, qui ea confirmat et vera esse ostendit; Cortius ad Sallust. Jug. xxiv. 9. Sed nunc est: confirmare significationem verbi memoratam. *Signa*, argumenta.

21. Ritus non aliunde notus attingitur. *Rex* nempe sacrorum. *Lanas* illas rufi fuisse coloris, Neapol. ex Clem. Alex. Strom. vii. conjicit, ubi *ἐργα πύρρα* in ritibus sacris memorantur. Interpres Francogallus male apicem in pileo sacerdotis intelligit. *Lictor*, nempe Flaminis Dialis. *Torida*, tosta, ut sæpe. Vide Heinsium. De *mica* salis vide ad i. 338. *Puram arborem* esse pinum, e versu 28. et aliis locis monet Neapolis. Vocatur *pura* propter vim purificandi. *Flaminica*, Flaminis Dialis uxor. Burman. non damnat, quod in Hamb. exstat, *laurea*; namque et lauro veteres usos esse in lustrationibus, iv. 741 sqq. et *tæda* et *laurea* commemorantur. *Intonsus*, omnino priscus; vi. 264. *in-*

Quæque capit lictor domibus purgamina certis,  
 Torrida cum mica farra vocantur idem ;  
 Nomen idem ramo, qui cæsus ab arbore pura, 25  
 Casta sacerdotum tempora fronde tegit.  
 Ipse ego Flaminicam poscentem februa vidi :  
 Februa poscenti pinea virga data est. [mur,  
 Denique quodcumque est, quo pectora nostra pia-  
 Hoc apud intonsos nomen habebat avos. 30  
 Mensis ab his dictus, secta quia pelle Luperci  
 Omne solum lustrant, idque piamen habent ;  
 Aut quia placatis sunt tempora pura sepulcris.  
 Tunc quum ferales præteriere dies.  
 Omne nefas, omnemque mali purgamina causam 35  
 Credebant nostri tollere posse senes.

*tonsus Numa* ; Horat. II. Od. xv. 11.  
*intonsi Catonis*. *Tonderi Romani* ceperunt urb. cond. 454. quum antea essent intonsi et barbati ; Plin. vii. 59.

31—34. Februarii nomen. Festus : “Februarius mensis dictus, quod tum, id est extremo anni mense populus februairetur, id est lustraretur ac purgaretur : vel a Junone februaata, quam alii februaalem, Romani februaalim vocant : quod ipsi eo mense sacra fiebant, ejusque feriæ erant Lupercalia, etc.” Confer Macrob. i. 13. *Lupercalia* describuntur inde a ver. 267. *Tempora pura*, civitas eo tempore pura, *placatis sepulcris*. Conf. ver. 52. et i. 43. De *Feralibus* vide infra 433—470. *Sepulcris*, nam ad tumulos Manes placabantur.

35. *Lustratio*, ἰλασμός, ἄγνισμός, καθαρισμός, sane apud Græcos mos antiquissimus, et apud Homerum passum obvisum. Lustrabantur autem varias ob causas, propter sacra facienda, ut sordes peccatorum abstergerentur, post reditum e bello, post facinus admissum. *Ponere facta*, liberari a cul-

pa scelerum. Ipse Apollo, Pythone occiso, expiandus erat. Menœtius, *Actoris* filius, fuit inter Argonautas ; Opunte in ludo interfecit Clysonymum, Amphidamantis filium ; exsul exceptus est a *Peleo* ; Apollod. III. xiii. 8. *Phœcus*, Æaci et Psammathes filius, a Telamone et *Peleo*, quos pater ex Endeide susceperat, interfectus est ; Diodorus Sic. iv. 72 ; Pausanias ii. 29. Et tractata ea res in tragœdiis veter. Hinc Telamon Salamina fugit, *Peleus* contra in Phthiam, ubi purgatur ab Eurytione, Actoris filio ; Apoll. III. xii. 13. Ab ipso Actore qui tamen diversus a superiore, purgatum narrat Diod. Sic. d. l. Inde ad venationem apri Calydonii profectus Eurytiona socerum occidit, tum ab *Acasto*, Iolci rege, purgatus est ; Apoll. III. xiii. 2. Ovidius igitur miscuit diversa. Ioleus pars *Hæmonia*, scil. Thessaliæ. Etiam *aque* usus in lustrationibus, in primis marinæ, quamquam et fluminalis. Secundum Euripidem enim θάλασσα κλύζει πάντα τ' ἀνθρώπων κακά.

Græcia principium moris fuit: illa nocentes  
 Impia lustratos ponere facta putat.  
 Actoriden Peleus, ipsum quoque Pelea Phoci  
 Cæde per Hæmonias solvit Acastus aquas. 40  
 Vectam frenatis per inane draconibus Ægeus  
 Credulus immerita Phasida juvit ope.  
 Amphiaræides Naupactoo Acheloo,  
 Solve nefas, dixit: solvit et ille nefas.  
 Ah! nimium faciles, qui tristia crimina cædis 45  
 Fluminea tolli posse putetis aqua!  
 Sed tamen, antiqui ne nescius ordinis erres,  
 Primus, ut est, Jani mensis et ante fuit:  
 Qui sequitur Janum, veteris fuit ultimus anni:  
 Tu quoque sacrorum, Termine, finis eras. 50  
 Primus enim Jani mensis, quia janua prima est;  
 Qui sacer est imis Manibus, imus erat.

41. Medea, interfectis Corinthi liberis suis, fugit Athenas, ubi ab *Ægeo* excipitur; *Metam.* vii. 398 sqq. Ibi "Titaniacis ablata draconibus intrat Palladias arces." *Credulus*, credebat enim Medæ pollicenti, orbitate eum liberaturam; *Plutarchus*, *Thes.* 12. *Alcmæon*, *Amphiarai* filius, ob *Eriphylen* matrem interfectam lustratus est primum a *Phegeo*, *Psophide*, quæ fuit urbs *Arcadiæ*. Sic nondum insania liberatus, jubente oraculo, in terram recentem se contulit, quam *Acheloi* limus congestus fecerat; ibique ab *Acheloo* purgatus est; *Thucyd.* ii. 102. ubi fluvius ille satis describitur; *Pausanias*, VIII. xxiv. p. 646; et *Apollodor.* III. vii. 5. *Naupactus*, urbs *Ætoliæ*, nunc *Lepanto*. *Faciles*, creduli, superstitiosi. Gravis sententia.

47—54. De ordine hujus mensis temporibus antiquis. Ultimum eum locum tenuisse, non secundum, ut

*Plutarch.* putabat, docet etiam *Ideler.* p. 349. *Et ante*, nempe a *Numæ* temporibus. *Ultimus*; *Macrob.* i. 13: "Omni intercalationi mensis *Februarius* deputatus est, quoniam is ultimus anni erat. Quod ipsum Græcorum more faciebant. Nam et illi ultimo anni sui mensi superfluos interserebant dies." Romani autem intercalabant post vicesimum tertium diem, *Terminalibus* jam peractis. *Imi*, inferi. *Noster* ludere verbo voluit. Vide ad i. 721. De hac *Decemviro*rum mutatione silent alii scriptores; ipse *Noster* dubie loquitur, *creduntur*. Videntur autem, ut alia, ita et meliorem anni digestionem ab Atheniensibus sumpsisse: vid. *Ideler.* pag. 356. *Continuasse tempora*, effecisse, ut hi duo menses, nullo interposito, se exciperent, quum antea *distarent longo spatio*, decem ipsis mensibus interjectis: vide *Petavium* de *Doct. Temp.* lib. ii. cap. 74.



Postmodo creduntur spatio distantia longo  
 Tempora bis quini continuasse Viri.  
 PRINCIPIO mensis, Phrygiæ contermina Matri, 55  
 Sospita delubris dicitur aucta novis.  
 Nunc ubi sint illis, quæris, sacrata Kalendis  
 Tempa Deæ? longo procubuere die.  
 Cætera ne simili caderent labefacta ruina,  
 Cavit sacrati provida cura Ducis : 60  
 Sub quo delubris sentitur nulla senectus,  
 Nec satis est homines, obligat ille Deos.  
 Templorum positor, templorum sancte repostor,  
 Sit Superis, opto, mutua cura tui :  
 Dent tibi cœlestes, quot tu cœlestibus annos, 65  
 Proque tua maneant in statione domo.  
 Tum quoque vicini lucus celebratur Asyli,  
 Qua petit æquoreas advena Tibris aquas.

55—72. *Kalend. Februar. memorabilia nonnulla.* Eo die Junonis *Sospita* templum erat dedicatum. Id conterminum erat ædi *Phrygiæ Matris*, sive Cybeles, ab Augusto in monte Palatino positæ, quum antea ejusdem Deæ simulacrum ibi esset. Vid. Monum. Ancyr. et Dio, lib. lxxvi; sed quo tempore Ovidius hæc scribebat; templum illud funditus perierat. Ab eo diversum ejusdem Deæ templum in foro Olitorio, quod Cn. Cornelius Cethegus eos. sub initium belli Insubrici voverat, quadriennio post dedicatum; Livius, xxxii. 30; xxxiv. 53. *Longo die*, vetustate. *Caderent labefacta ruina* plenius et elegantius, quam corruerent. Tum *sentitur senectus* suaviter ab hominibus ad delubra translatum. *Saceratus dux*, Imperator. Vide ad i. 640: Masson. Vit. Ovid. ad an. 59. et 60. p. 118. Tiberium intelligit de quo Tacit. An. ii. 49: “Deum ædes vetustate aut igni abolitas, cœptasque

ab Augusto, dedicavit.” Tum plures tales ædes memorat. Sed et Augustum Liv. iv. 20. “templorum omnium conditorem aut restitutorem” nominat; et de eo Sueton. 30: “Ædes sacras vetustate collapsas aut incendio absumtas, refecit.” Difficile est definire, uter nunc intelligendus sit, quoniam Ovid. hoc opus sub Augusto inchoavit, sub Tiberio autem absolvit, et parti jam absolutæ postmodo nonnulla inseruit. *Obligat ille Deos* convenienter Romanorum de Diis suis opinioni dictum. *Mutua cura tui*; Metam. viii. 724. “Cura pii Dis sunt, et, qui coluere, coluntur.” Diis annos dabat, quatenus aras eorum, statuas, templaque perennabat. *Maneant in statione*, pergant tuam domum tueri.

67. *Tum*, iisdem Kalend. Romulus sane inter duos *lucos Asylum* aperuit, qui locus dictus est *inter duos lucos*, μεθόριον δυοῖν δρυμῶν. Sed seriore tempore non exstant *luci*, et *Asylum*

Ad penetrale Numæ, Capitolinumque Tonantem,  
 Inque Jovis summa cæditur arce bidens. 70  
 Sæpe graves pluvias adopertus nubibus Auster  
 Concitat, aut posita sub nive terra latet.  
 PROXIMUS Hesperias Titan abiturus in undas  
 Gemmea purpureis quum juga demit equis :  
 Illa nocte aliquis, tollens ad sidera vultum, 75  
 Dicet : Ubi est hodie, quæ Lyra fulsit heri ?  
 Dumque Lyræ quæret, medii quoque terga Leonis  
 In liquidas subito mersa notabit aquas.  
 QUEM modo cælatum stellis Delphina videbas,  
 Is fugiet visus nocte sequente tuos. 80

ita septum erat, ut nemo introire posset ; Livius, i. 8 ; Dionys. ii. 15 ; Dio, 47. *Advena* omnis fluvius aliunde veniens dici potest. *Penetræle Numæ* ædes Vestæ, in cuius atrio, cui Regiæ nomen, Numa habitabat ; vi. 264 sq ; Trist. III. i. 29 ; Solinus, cap. 2. Sic *Ædes* illa, exstructa et ipsa a Numa, hujus *penetræle* non male dici poterat. *Arx*, pars altera montis, in quo Capitolium erat. Itaque *arx* et *Capitolium* sæpe distinguuntur. Livius, iii. 18. *arx capta Capitoliumque occupatum* ; v. 47. *arx Romæ Capitoliumque*. Nunc vero templum Jovis Capitolini. Sic et iv. 635. *Sæpe graves*, etc. vid. Columella, xi. 11 : “ Kalend. Februar. ventus Eurinus, et interdum Auster cum grandine est.”

73—78. *Proximus Titan* die secundo Febr. *Juga*, lignum transversum in temone, quod equorum collis imponebatur, in curru Solis gemmis ordine positus distinctum erat ; Met. ii. 109. Male igitur unus Regius pro varia lectione *igneæ*. *Purpureus* omnino lucidum et splendidum colorem apud poetas indicat ; itaque et quæ solis sunt, *purpurea* vocantur. Etiam Heroid. xxi. ver. 86. Sol *purpureis*

*equis juga demit*. Jam observa conversionem, qua siderum quorundam occasum indicat. *Lyræ* occasus cosmicus, *Leonis* acronychius intelligitur. *Medii*, usque ad medium, media terga.

79—118. *Delphinis occasus heliacus*. Quoniam in *cælatis* operibus figuræ ita expressæ sunt, ut emineant, propterea et sidus stellis distinctum *cælatum* dici potuit. *Delphinis* originem triplicem Hyginus Poet. Astr. ii. 17. refert. Una, quam Ovid. paucis attingit, est hæc : Delphin quidam nomine a Neptuno ad Amphitriten, quæ fugerat, investigandam dimissus est, eamque quum reperisset, impulit, ut Neptuno nuberet. Sed Noster *Arionis* fabulam merito amplexus est, eamque et ordine et jucunde narravit. De ea vid. Herodotus, i. 23. multique alii. Male Neapolis ad ver. 111. monet, Herodotum ad unguem a Nostro expressum esse ; immo in multis ab eo discrepat. *Dominus lyræ*, qui eam habet. Arion Methymna Lesbicus. Citharædum excellentissimum, οὐδὲν ὄντος δέδτερον, coloribus iis notat, quibus vis carminum in Orpheo, et Alcæo alibi descripta ; Metam. x. 86.

Seu fuit occultis felix in amoribus index,  
 Lesbida cum domino seu tulit ille lyram.  
 Quod mare non novit, quæ nescit Ariona tellus?  
 Carmine currentes ille tenebat aquas.  
 Sæpe sequens agnam lupus est hac voce retentus;  
 Sæpe avidum fugiens restitit agna lupum; 86  
 Sæpe canes leporesque umbra cubuere sub una;  
 Et stetit in saxo proxima cerva leæ;  
 Et sine lite loquax cum Palladis alite cornix  
 Sedit; et accipitri juncta columba fuit. 90  
 Cynthia sæpe tuis fertur, vocalis Arion,  
 Tamquam fraternis obstupuisse modis.  
 Nomen Arionium Siculas impleverat urbes,  
 Captaque erat lyricis Ausonis ora sonis;  
 Inde domum repetens puppim conscendit Arion, 95  
 Atque ita quæsitâ arte ferebat opes.  
 Forsitan, infelix, ventos undamque timebas;  
 At tibi nave tua tutius æquor erat :

83. *Quod mare.*] Nempe circa insulas ille quæstus causa vagabatur. *Resistere* pro consistere, subsistere. Vide Schwartz. ad Plinium, pan. x. 4. *Sub umbra* solempne, nam et *sub* pro *in*, et *umbra* pro arbore ponitur. *In saxo* offendit Heinsium, pro quo malebat e Puteano *infestæ*. Sed in *saxis* et *rupibus* commoratio cervorum atque leonum. Præterea, quod e Burman. observatum, *stare in saxo* bene convenit præcedenti *cubare sub umbra*. *Cornicem* et noctuam inimicitia intercedit; Ælianus Hist. An. iii. 9; confer Metam. ii. 590 sqq. ubi res ex fabulis refertur. Cæterum his similia etiam in SS literis leguntur; Isai. xi. 6. "Habitabit lupus cum agno, pardus cum hœdo cubabit: vitulus et leo et ovis simul morabuntur."

91. Etiam Dii et homines capti illa

voce, *obstupuisse* dicuntur. Sic Cerberus ap. Horatium, et intima Leti tartara apud Virgilium *stupent* cantu Alcæi et Orphei; at de Dea minus hoc verb. placet. Melius Horat. III. Od. xi. 8. "Dic modos, Lyde quibus obstinatas Appliget aures." *Vocalis*, cantus, ut *vocalis Orpheus* Horatio.

93. Etiam Herodotus Siciliam et Italiam nominat, ubi opes collegerit. Illuc, venia ab Periandro impetrata, abierat. Tarento profectus, domum redire voluit. *Quæsitâ opes*. Herodotus, *ἰργασάμενος χρήματα μεγάλα*; Hyginus, fab. 194. "Magnum patrimonium acquisiverat." Idem de Simonide traditur.

97. Nempe hoc illud est, quod Horatius, II. Od. xiii. 13—20 monet, non quod quisque maxime timeat, sed improvisam leti vim nobis instare.

Namque gubernator dstricto constitit ense,  
 Cæteraque armata conscia turba manu. 100  
 Quid tibi cum gladio? dubiam rege, navita, pinum;  
 Non sunt hæc digitis arma tenenda tuis.  
 Ille metu vacuus, mortem non deprecor, inquit;  
 Sed liceat sumta pauca referre lyra.  
 Dant veniam, ridentque moram: capit ille coronam,  
 Quæ possit crines, Phœbe, decere tuos: 106  
 Induerat Tyrio bis tinctam murice pallam:  
 Reddidit icta suos pollice chorda sonos;  
 Flebilibus veluti numeris canentia dura  
 Trajectus penna tempora cantat olor. 110

Arion tamen et nautas timuisse videtur. Herodotus, *πιστεύοντα δὲ οὐδαμοῖσι μάλλον, ἢ Κορινθίοισι. Gubernator.* Hoc de suo Ovidius exornavit. Apud Herodotum omnino nautæ commemorantur. Servulis ipsius Arionis hoc consilium Hyginus tribuit. *Constitit pro, adstitit.* *Districto* Heins. recte τῷ *districto* prætulit; etenim *dstringere* est nudare, *dstringere* in varias partes distrahere. Vide Drakemb. ad Sil. xvii. 164. Cæterum nota hoc versu tot voc. in *a* desinentia, ut ver. 256.

101. *Ensis* gubernatoris locum dedit huic consilio, quo suavitas quædam conciliatur narrationi. *Dubia navis*, nesciens quo eat, quum nemivem habeat, a quo regatur. *Mortem non deprecor.* Apud Herodot. tamen *ψυχὴν παρατεῖται Χρήματα πρὸς τοῖς σφί.* Tandem minis ad incitas redactus, rogat, ut sibi liceat *ἐν τῇ σκευῇ πάσῃ σᾶντι ἐν τοῖσι εἰδωλοῖσι ἀείσαι.* Illud *ἀείσαι* Noster expressit *referre lyra.* Horat. Art. Poet. 57. "Musa dedit fidibus libera vina referre." *Rident moram.* Apud Herodot. se sperant pulcherrimum audituros cantum. Jam describitur *σκευή*, ornatus citharædi,

de quo confer ad Heren. iv. 47; Metam. xi. 165. et quæ ibi notavimus. Hygin. P. A. d. l. petit, ut sibi liceret "se ornare, qua sæpe vicerat, veste." In eo ornatu primum est *corona*, nempe aurea, quam Hyginus fab. d. l. diserte memorat; *Phæbus* vero cantaturus, Metam. d. l. *lauro* tantum *Parnaside* *vinctus*. *Crines tuos*, quia Phœbus crinibus decorus, quia tempora ejus longo crine decentia: Met. i. 450. *Palla* vestis citharædorum longior cum syrmate. Tzetzes Chil. i. *τὴν μουσικὴν στολὴν* vocat. Vide ad Metam. xi. 166. ubi "Tyrio saturata murice palla." Pro *saturata*, satis imbuta colore, nunc est *bis tincta*, dibaphe, quæ et *iterata*, aut *lauta murice* dici solet. *Pollice* vel nudo, vel pectine armato pulsabantur lyræ fides. *Suos*, quos solet reddere et debet. Non semper "chorda sonum reddit, quem vult manus et mens," Horat. Art. Poet. 348.

109—110. Non erat, cur Heinsius hoc de *olore* distichon spurium judicaret. Etenim tam musici, quam poetæ cum cycno sæpe comparantur, quia veteres suavissimum ei cantum tribuebant. Inde Alcaeus *κύκνος Ἀσβιος*,

Protinus in medias ornatus desilit undas,  
 Spargitur impulsa cærulea puppis aqua.  
 Inde, fide majus, tergo delphina recurvo  
 Se memorant oneri supposuisse novo. 114  
 Ille sedens citharamque tenet, pretiumque vehendi  
 Cantat, et æquoreas carmine mulcet aquas.  
 Dî pia facta vident: astris delphina recepit  
 Jupiter, et stellas jussit habere novem.  
 NUNC mihi mille sonos, quoque est memoratus  
 Achilles, 119  
 Vellem, Mæonide, pectus inesse tuum;  
 Dum canimus sacras alterno carmine Nonas,  
 Maximus hinc Fastis accumulatur honos.  
 Deficit ingenium, majoraque viribus urgent:  
 Hæc mihi præcipuo est ore canenda dies.

et Pindarus *Dirceus cygnus* Hor. IV. Od. ii. 25. Inde proverb. *κόκνον ἀειδότερον*. Hinc et Cygnus, rex Ligurum, musica excellens, in eandem avem mutatus esse tradebatur; Metam. ii. 252. 367. In primis morti vicinus *febiles* cantus exercere credebatur. Heroid. vii. 1; Cic. Tusc. i. 30; Plinius, x. 32. Atque etiam Arion nunc, quod Hygin. P. A. diserte monet, mortem suam deflebat. Non male igitur h. l. adhibita illa comparatio. *Pennam* Burmannus intelligit sagittam, qua trajectus olor, vicinus morti febiliter canit, quum alii de penna quadam dura loquantur, quam olor in senectute habeat. *Canentia* Heins. interpretatur, senilia. Sed cyni corpus semper *canens*, id est candidum, candens. Metam. ii. 373. ubi Cygnus rex in hanc avem transit, "canæ capillos dissimulant plumæ." Et h. l. tres cod. *candentia* præferunt. Secundum Herodotum, Arion tum cantabat *νόμον τὸν ὄρθιον*, carmen

summa fidium ac vocis contentione.

114. *Novo* inusitato. *Pretium vehendi*, carmen, quo delphino cantus amanti remuneretur operam vehendi. Plinius, I. Ep. xii. 4. *pretia vivendi*, ubi vide not. nostr. *Vident facta*, iis delectantur, præmiis ea afficiunt. *Recepit Jupiter*. Hygin. P. A. astrologis hoc tribuit.

119—144. *Mille sonos.*] Alii poetæ centum ora centumque linguas sibi dari in re simili cupiunt. *Memoratus*, memoria ejus celebrata. *Mæonides* aut *Mæonius* Homerus dictus a Smyrna, Mæoniæ, id est Lydiæ urbe. Plin. Hist. Nat. v. 30; Horat. I. Od. vi. 2. *Mæonii carminis ales*. *Præcipuo ore*; Virg. iii. 294. "Nunc, veneranda Pales, magno nunc ore sonandum." Hæc rei magnitudine abreptus dixerat. Jam sentit, tale argumentum non convenire elegis; itaque corrigit se: mox tamen rursus assurgit oratio. *Herous pes* etiam alibi, ut IV. Trist. x. 47. Hoc loco quidam *heroici*.

Quid volui demens Elegis imponere tantum 125  
 Ponderis? heroi res erat ista pedis.  
 Sancte Pater patriæ, tibi plebs, tibi Curia nomen  
 Hoc dedit; hoc dedimus nos tibi nomen eques.  
 Res tamen ante dedit: sero quoque vera tulisti  
 Nomina: jampridem tu pater orbis eras. 130  
 Hoc tu per terras, quod in æthere Jupiter alto,  
 Nomen habes: hominum tu pater, ille Deum.  
 Romule, concedas: facit hic tua magna tuendo  
 Mœnia: tu dederas transilienda Remo. 134

127. Nonis Febr. sive die quinto Febr. An. U. C. 752. Valerius Messala nomen *Patriæ Patriæ* ad Augustum in curia detulit his verbis: "Senatus te consentiens cum. Pop. Rom. consulat *Patriæ Patrem*." Sueton. Aug. 58. De tempore quo id factum, vide Masson. V. H. p. 246. *Nos eques*, scil. Equites, quia Ovidius e gente equestri. Gratiam Augusti meriturus, se quoque memorat. *Res ante dedit*; itaque et Horat. I. Od. ii. 50; xii. 57. eum ante sic vocavit. Similiter de Trajano, Plin. paneg. 21. disputat, ubi falso additur, "soli omnium contigit tibi, ut pater patriæ esses ante, quam fieres." *Res* autem nisi ante dedit honorificum nomen, mera in eo est adulatio. *Jupiter*, auctore Horatio, curru quatiebat Olympum, Cæsar latum orbem regebat. Sed Noster id accommodavit nomini *Pater*.

133. *Concedere*, cedere, priorem locum relinquere. *Mania* in dilogia; nam et urbem, et muros significat. *Dederas transilienda* eleganter, ita extruxerat, ut ille transilire posset. *Sensit*, damno suo expertus est ejus fortitudinem. Vide nos ad Plin. paneg. xvi. 5. Romulum sensit *Tatius*, quum inter Palatinum et Capitolinum Collem Sabini, quorum metropolis *Cures*, prælio funderentur. *Cæninenses* levi

certamine docuit, vanam sine viribus esse iram. *Utrumque latus*, terra meridionalis et septentrionalis. Apud Horat. I. Od. xxii. 19. *latus mundi* de plaga boreali. Claudianus, xx. 242. *australe latus*. Lenzius partem orientalem et occidentalem intelligit. Equidem putem, ortum et occasum solis non bene ejus *latera* dici. *Breve*, exiguum, ut *brevis sensus*, *breve pondus* apud Horat. *Quodcumque est—habet*. Cf. i. 85 sqq. *Duce se*. *Ducem* nunc varie interpretantur. Dan. Heins. Imperatorem, Cæsarem intelligit. Burman. capit eo sensu, quo omnes Principes duces. Potest esse et is, qui exemplo suo præit. Augustus autem Italiam moribus ornavit, legibus emendavit: antea nullus legibus locus. Horat. II. Epist. i. 2. Tacit. An. i. 9. Hoc nomine in primis laudabatur ejus asyllum. In *luco* asyli etiam *nefarii* homines recipiebantur. Verbis *submovet nefas* Lenzius putat respici forte legem quamdam, qua Augustus vim asyllum coercuerit. Sed hoc potius fecit Tiberius; Sueton. 37. Neque antitheta h. l. nimis urgenda sunt. *Domini* nomen poeta forte dedit oppositioni; id enim adeo invisum erat priscis Romanis, ut ne patrem quidem familiæ servorum dominum appellarent; neque se Romulus ut dominum

Te Tatius, parvique Cures, Cæninaque sensit:  
 Hoc duce Romanum est solis utrumque latus.  
 Tu breve nescio quid victæ telluris habebas:  
 Quodcumque est alto sub Jove, Cæsar habet.  
 Tu rapis; hic castas duce se jubet esse maritas.  
 Tu recipis luco; submovet ille nefas: 140  
 Vis tibi grata fuit; florent sub Cæsare leges.  
 Tu domini nomen; principis ille tenet:  
 Te Remus incusat; veniam dedit hostibus ille:  
 Cælestem fecit te pater; ille patrem.  
 JAM puer Idæus media tenus eminent alvo, 145  
 Et liquidas mixto nectare fundit aquas.  
 En etiam, si quis borean horrere solebat,  
 Gaudeat: a zephyris mollior aura venit.  
 QUINTUS ab æquoreis nitidum jubar extulit undis  
 Lucifer, et primi tempora veris eunt. 150  
 Ne fallare tamen; restant tibi frigora, restant;  
 Magnaque discedens signa relinquit hiems.  
 TERTIA nox veniat: custodem protinus Ursæ  
 Adspicies geminos exseruisse pedes.

gessit. *Principis* nomine cuncta Augustus sub imperium accepit, quin et imperium ejus dictum *Principium* et *Principatus* Vid. Lipsius ad Tacit. An. i. 1. et qui ibi laudantur ab Ernest. Hinc Horatius, l. Od. ii. 5. *Hic ames dici Princeps*. Delatum id nomen ad eum An. U. C. 727. Dio liii. pag. 503. *Te Remus*, etc. Tu crudelis fuisti in fratrem; ille clemens est ipsis hostibus. *Cælestem*, etc. Conf. ver. 475 sqq. Majus autem est, beneficia dare, quam accipere.

145. *Aquarii ortus cosmicus*.] Eum plures Ganymedem, *puerum Idæum*, Erichthonii aut Troia, regis Trojani, filium esse dicebant. Is quoniam Diis *nectar* infundit, nunc jocosio figmento  
 VOL. V.

urna, quam ei astronomi tribuunt, *mixto nectare aquas* fundere dicitur. Exoritur et cadit capite prius, quam reliquis membris. Hygin. P. A. iii. 28.

149. *Favonii status verni temporis initium*; Plinius, xviii. 59. Oritur autem, eodem ii. 47. auctore, "sole Aquarii xxv. obtinente partem; is dies sextus est ante Febr. Idus." Columel. xi. 2. septimum Id. Febr. nominat. *Quintus Lucifer*, V. Idus, dies nonus Februar. *Restant*, etc. confer ver. 854 sq; iii. 235.

153—192. *Arctophylacis ortus*. Hic mythus de *Callisto* inseritur, qui Metam. ii. 401—530. latius tractatus est. *Tertia nox* ante Idus, ergo nox diei undecimi. Ad polum arcticum duo

K

Inter Hamadryadas, jaculatricemque Dianam, 155  
 Callisto sacri pars fuit una chori.  
 Illa Deæ tangens arcus: Quos tangimus, arcus,  
 Este meæ testes virginitatis, ait.  
 Cynthia laudavit: Promissaque fœdera serva,  
 Et comitum princeps tu mihi, dixit, eris. 160  
 Fœdera servasset, si non formosa fuisset.  
 Cavit mortales: de Jove crimen habet.  
 Mille feras Phœbe silvis venata redibat,  
 Aut plus, aut medium sole tenente diem.  
 Ut tetigit lucum, densa niger ilice lucus, 165  
 In medio gelidæ fons erat altus aquæ;  
 Hac, ait, in silva, virgo Tegeæa, lavemur.  
 Erubuit falso virginis illa sono.  
 Dixerat et Nymphis; Nymphæ velamina ponunt.  
 Hanc pudet, et tardæ dat mala signa moræ. 170  
 Exuerat tunicas: uteri manifesta tumore,  
 Proditur indicio ponderis ipsa sui.

sidera vicina, *Arctos* sive *Ursa major*, et *Arctophylax* sive *Custos Ursæ*, aut *Bootes*, quia *Ursa major* et *Plaustrum* dicta. Illud sidus xxv. stellis constat, hoc xiv. *Custos* in utroque *pede* stellas habet singulas. *Callisto*, *Lycæonis* filia, nympha venatrix. *Chorus*, cætus, quod nomen ver. 173. legitur. *Pars una chori*, una ex choro. *Metam.* ii. 426. *Comitum pars una mearum*. Veteres *tangere* rem solebant, per quam jurabant. Ita Hannibal puer, *tactis sacris*, jurejurando adactus est. Liv. xxi. 1. *Promissa fœdera*, promissa, quæ et absolute *fœdera* appellantur, *Metam.* ii. 757. *Tibullus*, I. ix. 2. *fœdera dadas*, ubi vid. Heynium. *Comitum princeps*, *Metam.* 415. *Si non formosa*. Etiam *Coronis* *Metam.* ii. 572: *forma mihi nocuit*. *Crimen* passim de stupro et adulterio. *De Jove*,

qui faciem cultumque *Dianæ* indutus, *Nympham* humi jacentem vi compressit, *Metam.* ii. 422 sqq. Nonnulli a *Jove*, quia ille causa agens. Heinsius suadet *ab Jove*; etiam hoc ferri potest.

164. *Aut plus*, etc. quo diei tempore fere venatio fiebatur. Confer *Metam.* iii. 143—145. *Taubnero* placet *tenente polum*, quod unus cod. præfert. A venatione redeuntes amabant lotiones. *Ilex nigra* dicitur a nigricante virore; *Virg. Ecl.* vi. 55. Inde *densa niger ilice lucus* pro, densus nigris ilicibus. *Tegeæa* omnino *Arcas*; nam. ver. 192. *Mænatiæ*, *Metam.* d. l. *Parrhæsis* et *Nonacrina* vocatur. *Sonus*, nomen. *Tarda* non addit novam notionem; tantum moræ naturam exprimit. Sic sæpe poetæ. Et *tarda mora* etiam ver. 256. legitur.



Cui Dea, Virgineos, perjura Lycaoni, cœtus  
 Desere, nec castas pollue, dixit, aquas.  
 Luna novum decies impletat cornibus orbem: 175  
 Quæ fuerat virgo credita, mater erat.  
 Læsa furit Juno, formam mutatque puellæ.  
 Quid facis? invicto pectore passa Jovem est.  
 Utque feræ vidit turpes in pellice vultus;  
 Hujus in amplexus Jupiter, inquit, eat. 180  
 Ursa per incultos errabat squalida montes,  
 Quæ fuerat summo nuper amanda Jovi.  
 Jam tria lustra puer furto conceptus agebat,  
 Quum mater nato est obvia facta suo.  
 Illa quidem, tamquam cognosceret, adstitit amens,  
 Et gemuit; gemitus verba parentis erant. 186  
 Hanc puer ignarus jaculo fixisset acuto,  
 Ni foret in superas raptus uterque domos.  
 Signa propinqua micant: prior est, quam dicimus  
 Arcton:  
 Arcetophylax formam terga sequentis habet. 190

177. *Lædi* varie in amoribus dicitur; h. l. de ignominia Junoni adulterio mariti illata. Burmann. offendit *que*, ut ineleganter et ad vers. fulciendum *τῶ* mutat subjectum. Conjicit *mutare*, ut *furit mutare* sit, vehementer irata et furore quasi percita festinat *mutare*. Sic sane Horat. I. Od. xv. 27. "furit te reperire atrox Tydides." Nihil tamen mutandum, quum particula *que* centies apud Poetas remotiori nomini addatur, ut supra ver. 16. *per titulos ingredimurque tuos*. *Pati* de concubitu. Metam. ix. 739. *Feræ*, ursæ. De formula *in* aut *sub amplexus ire* vide ad Met. vii. 616.

183. *Puer*, Arcas dictus. *Furto*, clandestino concubitu. *Gemitus verba parentis erant*. Interpr. Gallicus in his verbis felicem ingenii Ovid. faci-

litatem admiratur, quod una sententia animum maternum in ursa declaraverit, atque amorem ejus acerrimum nobis inspiret; quod non est. Ovidius hoc unum vult, matrem doluisse quidem, sed dolorem in corpore ferino verbis exprimere non potuisse. Conf. Metam. ii. 486. Similiter Inachus, filia visa, "nec mutua nostris Dicta refers; alto tantum suspiria ducis Pectore: quodque unum potes, ad mea verba remugis." Metam. i. 655. *Sævit adhuc*, quod pellex, quam in feram mutaverat, Dea facta, inter sidera fulgebat; Met. ii. 520. *Cunam Tethyn*. Vide ad Metam. d. l. *Ne lavet, ne sinat pellicem occidere in Oceanum, nempe* "ne puro tinguatur in æquore pellex."

Sævit adhuc, canamque rogat Saturnia Tethyn,  
 Mænaliâ tactis ne lavet Arcton aquis.  
 IDIBUS agrestis fumant altaria Fauni,  
 Hic ubi discretas insula rumpit aquas.  
 Hæc fuit illa dies, in qua Veientibus arvis 195  
 Ter centum Fabii ter cecidere duo.  
 Una domus vires et onus susceperat urbis :  
 Sumunt gentiles arma professa manus.  
 Egreditur castris miles generosus ab isdem ;  
 E quis dux fieri quilibet aptus erat. 200

193—242. *Fauni sacra et Fabiana cladis memoria.* *Faunus*, Latio et Etruriæ proprium numen. Fuit Pici filius, quartus Italiæ rex, ob merita in rem rusticam inter Deos *agrestes* relatus, etiam vates insignis habitus; Dionys. Halic. i. 24; Heynii *Excurs.* v. ad *Æneid.* vii. Confer infra iii. 291 sqq. Etiam ex Publio Victore constat, in *Insula* templa fuisse Jovis, *Æsculapii* et *Fauni*. *Fauni* ædem *Ædiles* e pecunia multatitia fecerunt, eaque ann. U. C. 509. dedicata est. Liv. xxxiii. 42; xxxiv. 58. *Insulam* illam Ovid. *Metam.* xv. 739 sqq. describit. *Rumpit discretas*, rumpit sic, ut discernantur; uno verbo, discernat. Altera *Faunalia* Nonis Decembr. agebantur, eaque Horat. III. Od. 18. celebravit.

195. De hoc *Fabiorum* cum *Veientibus* bello confer Dionys. Halicarn. ix. 15—22; Liv. ii. 48—50. Et alios. Namque an. U. C. 275. quum *Veiens* bellum adsiduo magis, quam magno præsidio egeret, *Fabia* gens id sola suscepit. *Sex* et *trecentos* milites, omnes patricios, omnes unius gentis, Roma esse profectos, omnesque ad *Cremeram* cæsos a *Veientibus* constanter veteres tradunt. Dionys. addit, hos secum eduxisse quatuor hominum millia, quorum plurimi cli-

entes et sodales fuerint. Sed in primis de hac re legendus *Perizon.* in *Animad.* Hist. cap. 5. ubi ostendit, illo tempore vix omnium gentium patriciarum tot viros fuisse militaris ætatis, nedum unius gentis; consulares *Fabios*, *Marcum* et *Cæsonem*, sibi sumsisse hoc bellum, et vere trecentos sex ad illud eduxisse, non plures, neque tamen hos omnes gentiles suos, sed maximam partem clientes: illos tamen omnes vulgo dictos esse *Fabios*, quia *Fabii* bellum in se recepissent. Secundum Liv. vi. 1. id non *Idibus* Februar. factum, sed ante diem xv. Kalend. Sextiles, quo die etiam ad *Alliam* foede pugnatum sit, eumque insignem rei nulli agendæ fecisse veteres. *Veiens* pro *Veientinus*, ut *Laurens*, *Laurentinus*.

198. *Professa*, quæ se promiserant sumturas.

199. *Castra Lenzius* intel. Romam ipsam, aut locum ante ædes consulis. Immo eadem domus, familia eadem intel. *Una domus, gentiles manus, eadem castra*, eandem rem urgent. Etiam Liv. "quorum neminem ducem sperneret egregius quibuslibet temporibus senatus." Sic et *Silius*. De *Janis*, scil. transitionibus perviis, et templis *Jani*, i. 257. Etiam *Carmentalis* porta duos habebat transitus,

Carmentis portæ dextro via proxima Jano est.  
 Ire per hanc noli, quisquis es : omen habet.  
 Illa fama refert Fabios exisse trecentos ;  
 Porta vacat culpa ; sed tamen omen habet.  
 Ut celeri passu Cremeram tetigere rapacem, 205  
 Turbidus hibernis ille fluebat aquis ;  
 Castra loco ponunt : destructis ensibus ipsi  
 Tyrrhenum valido Marte per agmen eunt ;  
 Non aliter, quam quum Libyca de rupe leones  
 Invadunt sparsos lata per arva greges ; 210  
 Diffugiunt hostes, inhonestaque vulnera tergo  
 Accipiunt ; Tusco sanguine terra rubet :  
 Sic iterum, sic sæpe cadunt ; ubi vincere aperte  
 Non datur, insidias armaque cæca parant.  
 Campus erat : campi claudebant ultima colles, 215  
 Silvaque montanas occulere apta feras.  
 In medio paucos armenta que rara relinquunt :  
 Cætera virgultis abdita turba latet.

dextrum et sinistrum. Lenzius vero templum Jani ante portam fuisse putat. Sic et Krebs, qui improbat Strothii ad Liv. ii. 49. explicationem, quam vero nos veriore putamus. *Via* illa propter cladem Fabiorum *scelerata* dicta est et *infelix*. Florus : *scelerato signata nomine*. Sic memoriam rei ad posteros propagabat. Apud Silium *omen* dat stridore, atque Maxima Herculis ara mugit illis exeuntibus. *Illa fama—habet*. Hoc distichon a MSS. quibusdam abest. *Cremera*, Etruriæ flumen haud longe a Veiiis, hac ipsa clade nobilitatum. *Tangere* locum pro pervenire eo, frequentat noster. *Turbidus*. Nonnulli, *turgidus*. *Hibernis aquis*, solutis nivibus. Susceptum hoc bellum hieme. Rebus enim nonnullis gestis, ὁ χιμῶν ἐκεί-

νος ἐτελεῖται. Dionys. 13. extr. Jam fortitudinem Fabiorum in honore ponit. *Castra loco ponunt* ; in loco prærupto castellum muniunt, cui a fluvio nomen inditum. *Eunt per agmen*, perrumpunt agmen.

209. *Lybica de rupe*.] Metam. iv. 114 ; *quicumque sub hac habitatis rupe leones*. Et Claudian. iii. 80 ; *leo æstuat rupe relicta Gatulo comes ire patri*. Atque etiam Fabii de loco prærupto decurrebant. *Cæca* ex altero Puteano Heins. recte vulgari *tecta* prætulit. *Cæca* enim eleganter clandestina, tecta dicitur, ut *cæca vulnera, cæci ignes* ; atque *arma cæca* sunt insidiæ. De campo consentiunt historici. *Occulere feras*, hinc et apta insidiis.

Ecce, velut torrens undis pluvialibus auctus,  
 Aut nive, quæ zephyro victa repente fluit, 220  
 Per sata, perque vias fertur; nec, ut ante solebat,  
 Riparum clausas margine finit aquas:  
 Sic Fabii latis vallem discursibus implent;  
 Quosque vident, sternunt: nec metus alter inest.  
 Quo ruitis, generosa domus? male creditur hosti!  
 Simplex nobilitas perfida tela cave. 226  
 Fraude perit virtus; in apertos undique campos  
 Prosiliunt hostes, et latus omne tenent.  
 Quid faciant pauci contra tot millia fortes?  
 Quidve, quod in misero tempore restet, habent?  
 Sicut aper, silvis longe Laurentibus actus, 231  
 Fulmineo celeres dissipat ore canes;  
 Mox tamen ipse perit: sic non moriuntur inulti;  
 Vulneraque alterna dantque feruntque manu.  
 Una dies Fabios ad bellum miserat omnes, 235  
 Ad bellum missos perdidit una dies.

219. Eadem similitudo, sed ornatior, *Æn.* ii. 304—308; ubi Heynius plura Virgil. et aliorum loca comparavit. Plerumque *torrens* impetum exprimit, quo fertur aliquis; nunc tantum discursus. *Fluit*, diffluit, resolvitur. *Clausas finit*, coercet, continet. *Metus alter*, non metuunt alios, quos, quippe in insidiis collocatos, non vident. Livius: "Jamque Fabii adeo contemserant hostem, ut sua invicta arma neque loco, neque tempore ullo crederent sustineri posse." Paulo ante *implent* copiarum notionem habet; Metam. viii. 166: "Implet innumeris errore vias." Pro eo Tibul. I. iv. 69. *explere*. *Nobilitas*; a Floro et Silio *patricius exercitus* vocatur. *Simplex*, non cauta, credens hosti.

231. *Laurentes apri* passim memorantur. Vide Heins. ad h. l. et Bentl. ad Horatium, Epod. v. 28.

235. In interitu rerum magnarum scriptores talia notare solent. Liv. i. 29. de Albæ excidio: "Una hora quadringentorum annorum opus excidio ac ruinis dedit." Sed nunc lusus in duplici *una dies* parum placet. Quid enim mirum, una die illos esse missos ad bellum? De uno Fabio servato veter. consentiunt. Dubium movet Dionys. sed frustra. Si enim, ut supra ostensum est, pauci tantum Fabii id bellum susceperunt, fieri facile potuit, ut illi vel non nisi unum filium impuberem habuerint, vel plures, quorum unus tantum ad virilem aetatem pervenerit. Vid. Perizon. Animad.

Ut tamen Herculeæ superessent semina gentis,  
Credibile est ipsos consuluisse Deos.

Nam puer impubes, et adhuc non utilis armis,

Unus de Fabia gente relictus erat : 240

Scilicet ut posses olim tu, Maxime, nasci ;

Cui res cunctando restituenda foret.

CONTINUATA loco tria sidera, Corvus et Anguis,

Et medius Crater inter utrumque jacet.

Idibus illa latent : oriuntur nocte sequenti : 245

Quæ sibi cur tria sint consociata, canam.

Forte Jovi festum Phœbus solemne parabat :

Non faciet longas fabula nostra moras,

I, mea, dixit, avis, ne quid pia sacra moretur ;

Et tenuem vivis fontibus affer aquam. 250

Corvus inauratum pedibus cratera recurvis

Tollit, et aerium pervolat altus iter.

Stabat adhuc duris ficus densissima pomis ;

Tentat eam rostro : non erat apta legi.

hist. cap. 5. Fabii autem jam ante urbem conditam inter Romuli et Remi comites fuisse, atque ab *Hercule* ex Evandri filia prognati esse tradebantur. Vid. Pighius Ann. ad a. 473. A Silio, *Penates Herculei implevisse privata castra* dicuntur. *Non utilis armis* ; Horatius, I. Od. xii. 42. *Curius utilis bello*. Idonei armis ferendis *pubes* dicuntur. Livius, viii. 8. *pubescentes ad militiam*.

243—266. *Ortus trium siderum acronychius* : quorum origo narratur. *Anguis*, scilicet hydra, cauda Centauri caput pæne tegens, sustinet in dorso *corvum*, rostro corpus ejus tudentem et *cratera*. Sic illa *continuata loco*, coherentiâ nullo intervallo. Vid. Hygin. P. A. iii. 39 ; fabulam autem idem. ii. 40. narrat. *Medius inter*

*utrumque*, inter corvum caudam hydræ tudentem et caput hydræ elatum. *Pro jacet* unus Vatic. *micat*, quod sane recte de sidere dicitur. Sed credibile est, poetam, quum hoc verbum ver. 266. legatur, variare orationem voluisse. Accedit, quod ea, quæ inter partes eminentes locum habent, eleganter *jacere* dicuntur : v. Drakenbor. ad Silium, xii. 132.

247. Inferiores Dii superioribus sacra faciebant ; iv. 423. *Tenuem* tantum ornat, quia aqua tenuior terra. A sacra factoris ministri mittebantur aquam, in primis *vivam*, petium libationis causa ; Met. iii. 26 sq. *Aerium iter*, aer.

253. *Densissima pomis*, abundans ficibus. *Adhuc* conjunge cum *duris*. Ad arborem retulit, quod erat ad ficus

Immemor imperii sedisse sub arbore fertur, 255  
 Dum fierent tarda dulcia poma mora.  
 Inde satur nigris longum rapit unguibus hydrum,  
 Ad dominumque redit, fictaque verba refert:  
 Hic mihi causa moræ, vivarum obsessor aquarum:  
 Hic tenuit fontes officiumque meum. 260  
 Addis, ait, culpæ mendacia, Phœbus; et audes  
 Fatidicum verbis fallere velle Deum!  
 At tibi, dum lactens hærebit in arbore ficus,  
 De nullo gelidæ fonte bibantur aquæ.  
 Dixit; et antiqui monumenta perennia facti, 265  
 Anguis, Avis, Crater, sidera juncta micant.  
 TERTIA post Idus nudos Aurora Lupercos  
 Adspicit, et Fauni sacra bicornis eunt.

referendum. *Tentat eam—apta legi.* Leguntur, colliguntur, fructus proprie ab hominibus, h. l. a corvo, qui decerpit. *Sedisse sub arbore*, etc. non inepte hoc fictum; celerrime enim fici maturescunt. Plinius, *Hist. Nat.* xv. 21: "Admirabilis est pomi hujusce festinatio." Itaque Hyginus "post aliquot dies coctis ficiis." Ne igitur urgeas *rò tarda mora*. Vide ad versum 170.

259. Passim apud veteres serpentes occurrunt fontium custodes. Vide ad *Metam.* iii. 31. Veri ergo similia finxit corvus. *Tenuit* in dilogia positum, custodivit fontes, et impedivit officium meum. *At tibi*, etc. Plinius, *H. N.* x. 15: "Corvi ante solstitium generant: iidem ægrescunt sexagenis diebus, siti maxime, antequam fici coquantur autumno." Inde fabula nata. Nempe æstate, quod alvi fluxu laborarent, ab humidis alimentis abstinere corvi credebantur; Ælianus, *H. A.* ii. 5. Hinc dixerunt: quamdiu fici coquantur, corvus bibere non potest. *Hære* in arbore dicuntur flores,

v. 255; fructus, *Met.* i. 105; frondes, iii. 730. *Lactere* omnino de plantis succulentis, unde *Metam.* xv. 201. *lactens* annus tempore verno. Sed fici nominatim lactis succus aut humor tribuitur. Plinius, *H. N.* xv. 21. *maturescentibus esse succum lactis*. Atqui de hoc eodem tempore nunc est sermo. *Et antiqui*, etc. Nempe sitim corvi hæc declarant, quem hydra non patitur ad cratera accedere. Vide Hyginum.

267. Die xv. Februar. sive xv. Kalend. Martias *Lupercalia* celebrabantur, quibus describendis Ovid. immoratur usque ad ver. 452. De origine et ritibus horum sacrorum vide *Liv.* i. 5; *Dionys. Halic.* I. xxxii. Noster, ut solent poetæ, ad Homeri quidem exemplum, rerum antiquarum memoriam repetituri, Musas invocat. *Faunus* pro Pane, ut apud Horatium, *I.* Od. xvii. 2. et alibi. Fabulæ enim Italorum prisca cum Græcis mixtæ sunt. Vid. Heynii *Excurs.* iv. ad *Æn.* vii.

Dicite, Pierides, sacrorum quæ sit origo :

Attigerint Latias unde petita domos. 270

Pana Deum pecoris veteres coluisse feruntur

Arcades ; Arcadiis plurimus ille jugis.

Testis erit Pholoe ; testes Stymphalides undæ ;

Quique citis Ladon in mare currit aquis,

Cinctaque pinetis nemoris juga Nonacrini ; 275

Altaque Cyllene, Parrhasiæque nives.

Pan erat armenti custos, Pan numen equarum ;

Munus ob incolumes ille ferebat oves.

Transtulit Evander silvestria numina secum.

Hic, ubi nunc urbs est, tum locus urbis erat. 280

Inde Deum colimus, devectaque sacra Pelasgis

Flamen adhuc prisco more Dialis agit.

Cur igitur currant ; et cur, sic currere mos est,

Nuda ferant posita corpora veste, rogas ?

271. Ἀρκᾶσι θεῶν ἀρχαιοτάτος τε καὶ τιμιώτατος ὁ Πᾶν Dionysius, i. 32; τοῖς Ἀρκᾶσιν ἐπιχώριος Pausanias Arcad. xxvi. p. 652. et de cultu ejus, p. 677. In jugis Arcadiæ errabat fistula canens, ibique pluriima templa, statuas, aras, sacra, antra, montes habebat. Paus. p. 574. 686. In monte Lycæo fauo ejus hippodromus et stadium adjacebant, in quo jam antiquissimis temporibus *Lupercalia* λέκκαα, celebrata ; Pausan. 678. In catalogo montium *Mænalium* desideras, qui ei potissimum curæ. Virgilius, Georg. i. 17 ; Paus. p. 674. *Ladon* in Alpheum influens, etiam v. 89. vocatur *ραπα* ; sed Metam. i. 702. *placidus* ; ubi v. n. *Pineta* etiam Lycæi, Metam. i. 217. memorantur. *Parrhasiorum* urbs Lycosura omnium urbium antiquissima habita. Pausanias, p. 678.

279. Liv. hoc unum habet : “ Jam tum (quum Romulus et Remus inter

pastores educarentur) in Palatino monte Lupercal hoc fuisse ludicrum ferunt.” Sed Dionysius originem ejus cum Nostro diserte ab *Evandro* repetit. Eum a Thernide, id est, Carmenta matre monitum illa sacra patrio ritu fecisse, reperto loco commodo, quem Romani Lupercal, Græci Lycæum vocent, nempe spelunca ingenti et opaca sub colle Palatino, adjacentibus fonticulis. *Silvestria numina*, cultum silvestris Dei. *Hic ubi*, etc. argute eloqui voluit illud, urbs nondum erat condita. De *prisco more* nihil esse mutatum testatur et Dionysius, i. 32. *Flamen Dialis* hæc agebat, ut Flamen Quirinalis Robigalia, iv. 910.

283. Luperci, peracto sacrificio, ex Lupercali profecti, per pagum *currebant*, pudenda succincti pellibus victimæ recens mactatæ, reliqua *nudi*. Dionysius, dicto loco; Plutarch. Quæst. Rom. tom. vii. p. 131. Reisk. Utriusque

L

VOL. V.

Ipse Deus velox discurrere gaudet in altis 285  
 Montibus, et subitas concitat ille feras.  
 Ipse Deus nudus nudos jubet ire ministros:  
 Nec satis ad cursum commoda vestis erat.  
 Ante Jovem genitum terras habuisse feruntur  
 Arcades, et luna gens prior illa fuit. 290  
 Vita feræ similis, nullos agitata per usus:  
 Artis adhuc expers et rude vulgus erant:  
 Pro domibus frondes norant, pro frugibus herbas:  
 Nectar erat palmis hausta duabus aqua:

ritus causas, *cursum et nuditatis*, Noster enarrat usque ad ver. 380. *Ferre*, habere, ut alibi *gestare corpora membra*. *Velox* solemne Panis epitheton; Horat. I. Od. xvii. l. Secundum Silium, xiii. 327. currit "pendenti similis. Vix ulla inscribens terræ vestigia cornu." *Concitat*, ut Liv. xxii. 17. "majore metu concitant se in fugam." Illam Panis concitationem describit Valer. Flac. Argon. iii. 56: "pavidum præsepibus aufert pecus," et facit, ut "profugi sternant dumeta juvenci." Cf. Orph. h. X. vii. 23. *Subitæ*, quia subito excitantur. Et excitabat feras e cubilibus comes Dianæ. *Ministros*, nempe sacrorum. In verbis *nec satis*, etc. prima nuditatis causa.

289—302. Secunda causa nuditatis e ruditate priscorum Arcadum repetitur. Et in pluribus sacris ritus quidam in memoriam rudis vetustatis culti. *Ante Jovem*, etc. De hac antiquitate Arcadum, vide ad i. 469. Aristoteles narraverat, barbaros ab initio Arcadium tenuisse, eosque expulsos esse ab Arcadibus ante, quam *Luna* oriretur; Schol. Apollon. iv. 269. Erant Pelagicæ stirpis et diu ante Deucalionem Arcadium habebant, incolebant. Noster, *ante Jovem geni-*

*tum*; namque Rhea in Parrhasio, monte Arcadia, Jovem peperisse tradebatur. *Fera* vita, ferina, *θηριώδης*, qualis multarum gentium antiquissimarum fuisse traditur. Arcades quidem inde quercubus nati, in specubus habitare, et glandibus vesci soliti esse dicebantur. Vide Heynium in Opuscul. Acad. tom. ii. p. 343. *Agitare*, agere. *Per nullos usus*, sine commodis, quæ artes præbent vitæ humanæ. Vide Cortium ad Sallust. Cat. xlvi. 2; Diod. Sic. dicto loco, *μηδενὸς τῶν πρὸς βίον χρησίμων ἐνρημένον*.

293. *Frondes*, casæ ex frondibus. Cf. Metam. i. 121. de argente ætate: "domus antra fuerunt, Et densi frutices et vinctæ cortice virgæ." *Pro frugibus herbas*. Comedebant τῶν φύλλων τὰ ἔτι χλωρὰ καὶ πῶας, et alia corpori noxia. Succurrit his malis Pelagus, Arcadium rex, qui docuit τὰς βαλάνους τῆς φηγοῦ, προφῆν εἶναι. Pausanias, viii. p. 599; quarum glandium usus inde frequentissimus in Arcadia. Idem Pelagus docuit et tunicas facere. De *herbis* comestis cf. Noster, iv. 395; Art. Amat. ii. 475; et Amor. III. x. 10: *Glans erat, et teneri cespitis herba*. *Nectar*, etc. et vino carebant, et poculis.



Nullus anhelabat sub adunco vomere taurus: 295

Nulla sub imperio terra colentis erat:

Nullus adhuc erat usus equi; se quisque ferebat:

Ibat ovis lana corpus amicta sua:

Sub Jove durabant, et corpora nuda gerebant,

Docta graves imbres et tolerare Notos. 300

Nunc quoque detecti referunt monumenta vetusti

Moris, et antiquas testificantur opes.

Sed cur præcipue fugiat velamina Faunus,

Traditur antiqui fabula plena joci.

Forte comes dominæ juvenis Tirynthius ibat: 305

Vidit ab excelso Faunus utrumque jugo.

Vidit, et incaluit, Montanaque numina, dixit,

Nil mihi vobiscum est: hæc meus ardor erit.

Ibat odoratis humeros perfusa capillis

Mæonis, aurato conspicienda sinu. 310

295. *Anhelabat*, quemadmodum Virgilius, *Georg.* i. 45. *Ingementem*, depresso aratro taurum facit; neque temere, si durum Italiæ solum, nono demum sulco domandum, cogitas. *Imperare*, ut *cogere*, de agricolis. Vide Burmannum ad *Met.* i. 103. *Sub Jove durabant*, sub dio molestiis tolerandis perstabant. Cf. iv. 505. *Docta*, assuefacta. *Detecti*, ministri Panis nude currentes, *referunt*, etc. servant mores antiquos. *Iidem testificantur antiquas opes*, quam nullas opes habuerit antiquitas.

303. *Tertia nuditatis causa*. Fabulas *joci* petulantis *plenas* Noster etiam in hoc opere ambabus manibus arripuit. *Hercules* vel ob Iphitum occisum, vel ob tripodem de Apollinis fano sublatum, a Mercurio Omphalæ reginæ in servitum est datus. *Phe-recyd.* apud Schol. *Hom.* ad *Od.* Φ.

23; *Hygin. fab.* 32. *Comites*, famuli, ministri ut ver. 333. ubi tamen Hercules ab iis distinguitur, et *dominis* annumeratur. *Ardor* de persona quæ ardorem excitat, sive amatur ab altero.

310. *Mæonis*, Lydia. Omphale enim Lydiæ regina, Tmolii uxor. *Humeros perfusa*, quum comæ annuli in humeris fluctuarent. *Apulei. Met.* ii. "Crines cervice dependuli, ac deinde per colla dispositi." *Odorati*. Capilli interdum totam Arabiam spirabant. *Lucianus, Am.* s. 40. *Culti capilli et sinus vestis vel effusus, vel purpureus, vel auratus*, in primis notantur, quum habitus elegantium hominum, amorem aut captantium aut excitantium, describitur. v. 28. *Auratus*, cui aurea fila vel acu, vel texendo addita. Vide ad versum 319.

Aurea pellebant rapidos umbracula soles ;  
 Quæ tamen Herculeæ sustinuerunt manus.  
 Jamque nemus Bacchi, Tmoli vineta, tenebat ;  
 Hesperus et fusco roscidus ibat equo.  
 Antra subit, tophis laqueataque pumice vivo : 315  
 Garrulus in primo limine rivus erat.  
 Dumque parant epulas potandaque vina ministri,  
 Cultibus Alciden instruit illa suis.  
 Dat tenues tunicas, Gætulo murice tinctas :  
 Dat teretem zonam, qua modo cincta fuit. 320  
 Ventre minor zona est : tunicarum vincla relaxat,  
 Ut possit vastas exseruisse manus :

311. In instrumentis luxuriæ erant *umbracula* : *σκιάδα*, vela auro texta, quibus ope virgarum obtentis, æstus solis arcebat. Art. Amat. ii. 209 : " Ipse tene distenta suis umbracula virgis," quia plerumque, ut *flabella*, ab eunuchis aut famulis gestabantur. Claudian. xviii. 464. Olim male edebatur *tepidos soles*. Contra *teporem* non opus est umbraculis. Et Claudian. viii. 340. ubi nostrum loc. respexit, " neu defensura calorem Aurea summoveant rapidos umbracula soles." Et *rapidus* sol sæpe legitur, quia *rapidus* epitheton ignis.

313. *Tmoli vineta*, quæ etiam *Metam.* vi. 15. memorantur, et satis celebrata erant, bene *nemus Bacchi* dicuntur per appositionem. *Equus singularis* (rarius currus, vid. Heynium ad *Tibul.* I. ix. 62.) dabatur, *fuscus* Hespero, candidus Lucifero.

315. *Antram* illud, ut e *sqq.* apparet, satis instructum erat mensis, toris, etc. *Tophos* et *pumicem* antris sæpe dant poetæ. Vide ad *Met.* iii. 159. *Laqueata* (*Met.* viii. 563. *lacunata*) melius quam, induta aut structa. *Sumta* enim sunt a tectis beatorum

hominum, quæ a variis ornamentis suis *lacunaria* et *laquearia* dicta. *Garrulus* bene de rivo indesinenter strepente.

319. *Tenuium* vestium duplex genus apud vet. quorum unum ex arborum quarumdam apud Seres lanugine texebatur: quæ *Serum* texta densiora Romanæ mulieres soluta denuo texebant: alterum *bombycinum* erat, e vermium filis textum; *Plinius*, *Hist. Nat.* vi. 20; xi. 26. In his erant vestes *Coæ*, quas *Tibullus*, *II.* iii. 53. ita describit: " vestes tenues, quas femina *Coa* Texuit, auratas disposuitque vias," id est subtemine aureo. Tale subtemen etiam *Omphala* vestis habuisse e *verso* 310. videtur. Itaque *stamina* tantum erant *Gætulo murice tincta*; quæ verba etiam *Horat.* *II.* *Ep.* ii. 187. leguntur. *Gætulia*, pars *Africæ* interioris sæpe pro tota *Africa* ponitur; *Plinius*, viii. 16. *Zonis* non solæ virgines, sed et nuptæ erant cinctæ. *Vincla*, laquei ad foramina, per quæ manus exseriebantur. *Infinitivus exseruisse*, ut apud *Hor.* *A. P.* 328. *poteras dixisse*. *Ad brachia factas*, aptas brachiis.

Fregerat armillas non illa ad brachia factas :  
 Stringebant magnos vincula parva pedes :  
 Ipsa capit clavamque gravem, spoliūque leonis,  
 Conditaque in pharetra tela minora sua. 326  
 Sic epulis functi, sic dant sua corpora somno,  
 Et positis juxta secubuere toris.  
 Causa : repertori vitis pia sacra parabant,  
 Quæ facerent pure, quum foret orta dies. [det ?  
 Noctis erat medium : quid non amor improbus au-  
 Roscida per tenebras Faunus ad antra venit ;  
 Utque videt somno comites vinoque solutos,  
 Spem capit in dominis esse soporis idem.  
 Intrat, et huc illuc temerarius errat adulter, 335  
 Et præfert cautas subsequiturque manus.  
 Venerat ad strati captata cubilia lecti,  
 Et prima felix sorte futurus erat.  
 Ut tetigit fulvi setis hirsuta leonis  
 Vellera, pertimuit, sustinuitque manum ; 340

326. Molestiam creant *tela minora*.  
 Ulitius suaserat, *minore*, quod Taub-  
 nero placebat, ut Omphalæ pharetra  
 minor fuisse dicatur pro modo et men-  
 sura telorum Herculeorum. Verum  
 quis credat, etiam Omphalen, tam-  
 quam Dianam, gestasse pharetram,  
 aut, si gestasset, sola tela sine phare-  
 tra permutasse? Heinsius monet, *tela*  
*minora* opponi *clava*, quæ telum gra-  
 vius. Num hoc vult poeta: Hercu-  
 lem eo die de telis suis sumsisse *mi-  
 nora*, eaque condidisse in pharetra  
*sua*, illis telis minoribus congrua?  
 Quamquam nec hoc placet. Vult  
 enim poeta cultum ab Omphalæ na-  
 tura quam maxime abhorrentem de-  
 scribere.

327. Sic, mutato cultu. Repetit  
 hoc, quia inde pendebat fraus, quæ

jam narratur. *Secubare* verb. pro-  
 prium de iis, qui sacra facturi seorsim  
 cubant et a Venere abstinent. Non  
 autem semper Hercules et Omphale  
 tam caste secubuisse videntur; hæc  
 enim ex illo filium peperit. Apollod.  
 II. vii. 8; Diodor. Sic. iv. 31.

333. *Comites* seu famuli, cubabant  
 ante antrum. Vide ver. 351. *Adulter*,  
 amator, ut ver. 356. vocatur.

337. *Captata*.] MS. Mazar. *trac-  
 tata*, quod Taubnero valde placet.  
 Est quidem *tractare* pr. manibus con-  
 tingere; sed h. l. *captata*, palpando  
 reperta, melius convenit; Heroid. xxi.  
 200. "tecto simulatur lumine somnus;  
 Captantem tactus rejicioque manum;  
*Prima sors*, id, in quod primum inci-  
 dit. *Felix*, compos voti. *Sustinuit*,  
 retinuit, retraxit.

Attonitusque metu rediit: ut sæpe viator  
 Turbatum viso rettulit angue pedem.  
 Inde tori, qui junctus erat, velamina tangit  
 Mollia, mendaci decipiturque nota.  
 Adscendit, spondaque sibi propiore recumbit; 345  
 Et rigido cornu durius inguen erat.  
 Interea tunicas ora subducit ab ima:  
 Horrebant densis aspera crura pilis.  
 Cætera tentantem cubito Tirynthius heros  
 Reppulit: e summo decidit ille toro. 350  
 Fit sonus: inclamat comites, et lumina poscit  
 Mæonis: illatis ignibus acta patent.  
 Ille gemit lecto graviter dejectus ab alto,  
 Membraque de dura vix sua tollit humo.  
 Ridet et Alcides, et qui videre jacentem: 355  
 Ridet amatorem Lyda puella suum.  
 Veste Deus, lusus, fallentes lumina vestes  
 Non amat; et nudos ad sua sacra vocat.  
 Adde peregrinæ causam, mea Musa, Latinam;  
 Inque suo noster pulvere currat equus. 360  
 Cornipedi Fauno cæsa de more capella,  
 Venit ad exiguas turba vocata dapes;

342. *Referre pedem* de refugiente sic et Phædr. fab. ii. 1.

345. *Sponda propior*, ea pars spondæ, quæ ei propior; Horat. Epod. iii. 22. *Extrema et in sponda cubet*. Pars ad parietem versa *sponda interior*, altera *exterior* sive *prior* dicebatur. In hac viri cubabant. Vide Neapol. *Ora*, extrema pars vestis, erat vel *summa* aut *suprema* in pectore (Metam. iii. 480.) vel *ima* ad crura. A summa ora *deducitur* vestis, ab ima *subducitur*. *Horrere* de rebus non lævibus. Sic *horrere squamis, glebis, cautibus*. *Tentare*, attingere velle.

351. Servi, ad fores cubiculi vel excubantes, vel dormientes, lumen alebant, quod excitati inferrent. *Vix sua*, quibus vix uti potuit.

359. Quarta causa a Romulo et fratre repetita, quam non nisi rerum Romanarum studio admisit. *Aream*, in qua decurritur, nunc *pulverem* vocat.

361. Ipsa Lupercalia intel. de quibus ad ver. 267. *Mos* est igitur ille Arcadicus, ab Evandro in Italiam translatus. *Cornipedi* retinendum, et de corneis caprorum pedibus intelligendum. Etiam a Silio xiii. 327. ex-

Dumque sacerdotes verubus transuta salignis  
 Exta parant, medias sole tenente vias,  
 Romulus et frater, pastoralisque juvenus 365  
 Solibus et campo corpora nuda dabant.  
 [Cæstibus, et jaculis, et missi pondere saxi  
 Brachia per lusus experienda dabant.]  
 Pastor ab excelso, Per devia rura juvencos,  
 Romule, prædones, eripe, dixit, agunt. 370  
 Longum erat armari: diversis exit uterque  
 Partibus: accursu præda recepta Remi.  
 Ut rediit, verubus stridentia detrahit exta,  
 Atque ait: Hæc certe non nisi victor edet.  
 Dicta facit, Fabiique simul: venit irritus illuc 375  
 Romulus, et mensas ossaque nuda videt.

tremus Panis pes *imum cornu* vocatur. *Exiguas*, nempe unius capellæ. Victima cæsa, femora excisa et cum frustis imposita lignis cremari, et interea exta verubus infixâ torreri, tostaque comedi solebant. Postea etiam reliquæ victimæ partes in frusta concisæ verubus infinguntur, assantur et *dapibus* apponuntur. Sed h. l. illæ partes *extorum* nomine comprehenduntur. Distinctius Liv. i. 7. "Potitii ad tempus præsto essent, iisque exta apponerentur; Pinarii, extis adesis, ad cæteram venirent dapem."

366. *Campo corpora nuda dabant*, nudi erant in campo. Mox, *experienda dabant*, experiebantur. Ibi Taubner. primam verbi notionem urgens, explicat, alter alteri copiam faciebat experiendi brachia. *Cæstibus* Heinsio non placet, quia *cæstus* Romanis non in usu. Itaque e MSS. præfert *vectibus*; *vectes* enim, scilicet *sudes*, militare erant exercitium, quod adeo poeta facile ad pastores illos antiquos transferre potuit. Cæterum hoc totum distichon, quod tres cod. non agnoscunt,

spurium haud dubie est, et ex superiori conflatum; quod et Heinsius suspicatus est. Itaque unci inclusi, quod et Mitscherl. fecisse video. Jam disputant, utrum *eripe*, an *et*, *Reme* legendum sit. Illud debemus Heinsio qui ex Arondel. Voss. Mazar. et uno Vatic. recepit, ideo etiam, quia *eripe*, sic interpositum, animum consternati, ac præsentissimam opem urgentis egregie prodat. Non male. Taubnerus vero tuetur vulg. quia et Remus avolvit, ejusque accursu præda recepta est. Quod argumentum mihi non admodum grave videtur. Satis erat a pastore consternato unum evocari. Pastor autem ille in *excelso*, ut in specula, collocatus erat. *Agere pecora*, proprie de prædonibus illa abigentibus. Inde formula *agere atque ferre*, ἀγειν καὶ φέρειν. *Partibus*, regionibus. *Accursu*, impetu.

375. *Fabius* et *Quinctilius* præfecti comitibus Remi et Romuli inde ipsi comites *Fabii* et *Quinctilii* dicti. Vide Perizon. Animadv. Hist. p. 201.

Risit; et indoluit Fabios potuisse Remumque  
 Vincere; Quinctilios non potuisse suos.  
 Fama manet facti: posito velamine currunt, 379  
 Et memorem famam, quod bene cessit, habet.  
 Forsitan et quæras, cur sit locus ille Lupercal;  
 Quæve diem tali nomine causa notet.  
 Ilia Vestalis cœlestia semina partu  
 Ediderat, patruo regna tenente suo.  
 Is jubet auferri pueros, et in amne necari. 385  
 Quid facis? ex istis Romulus alter erit.  
 Jussa recusantes peragunt lacrymosa ministri;  
 Flent tamen, et geminos in loca jussa ferunt.  
 Albula, quem Tibrin mersus Tiberinus in unda  
 Reddidit, hibernis forte tumebat aquis. 390

*Tibe- ris means "the salt river," from the Pelasgic Tiba, a salt, & the root ai, to flow.*

381. De origine voc. *Lupercal*. Hic usque ad ver. 422. narrat, quomodo Romulus cum fratre natus, expositus, servatus atque educatus sit: quæ repetuntur iii. 11—54. Secundum Dionys. i. 32. Evander, Pani Lycæo sacra in Italia facturus, locum reperit idoneum, quem καλοῦσι Ῥωμαῖον λουπερκάλιον, ἡμεῖς δ' ἂν εἴποιμεν λουκαῖον. Hæc duo enim eodem redeunt. Plutarchus, Quæst. Rom. pag. 131. Reisk. Λύκος μὲν ὁ λουπὸς ἰστί, καὶ Λύκαια τὰ λουπερκάλια. Noster igitur temere ab hoc nomine occasionem capit, Romuli fratrisque nativitatem et reliquam sortem narrandi. Sequitur autem vulgarem traditionem, quam primus Diocles Peparethus ediderat, quamque inde Q. Fabius Pictor, Cincius, Porcius Cato et alii amplexi erant. Plutarch. Rom. 3; Dionys. i. 79. Pro *Ilia* vulgo *Silvia*, æque recte. Plutarch. d. l. Τάτην οἱ μὲν Ἰλίαν, οἱ δὲ Ῥέαν, οἱ δὲ Σιλουίαν ὀνομάζουσι. Sæpe *Rhea Silvia* conjunctim legitur. Sed Heinsius ex Voss. et sex aliis *Ilia* prætulit, quia poetæ

eam sic appellare amant.

386. *Romuli* nomen hic cum emphasi positum, conditor ille maximi secundum Deorum opes imperii. *Recusantes* possunt tergiversantes, inviti intelligi. *Lacrymosa*, ut apud Horat. *lacrymosum bellum*.

389. Liv. i. 3: "Tiberinus, qui in trajectu *Albulæ* amnis submersus, cælebre ad posteros nomen flumini dedit." Ex *hibernis aquis* Neap. conjicit, pueros illos hiemali tempore in lucem esse editos. Confer ad ver. 206. Verum *hibernas* aut *hiemales* aquas poetæ etiam memorant, quum copiosas et rapidas dicere volunt. Vide ad *Metam.* ix. 105. Dionys. ex Q. Fabio Pictore narrat, *Tiberim* ripas esse egressum ὑπὸ χειμῶνων συνεχῶν, a tempestatibus continuis; nam χειμῶν Græcis et tempestatibus est. Itaque et Varro, poetarum aut Græcorum sermone inductus, potuit scribere: "Ad ficum *Ruminalem* hi inventi, quo aqua hiberna *Tiberis* eos detulerat in alveolo expositos."

Hic, ubi nunc fora sunt, lintres errare videres ;  
 Quaque jacent valles, maxime Circe, tuæ.  
 Huc ubi venerunt, nec jam procedere possunt  
 Longius, ex illis unus, an alter, ait :  
 At quam sunt similes ! at quam formosus uterque !  
 Plus tamen ex illis iste vigoris habet. 396  
 Si genus arguitur vultu, ni fallit imago,  
 Nescio quem vobis suspicor esse Deum.  
 At si quis vestræ Deus esset originis auctor,  
 In tam præcipiti tempore ferret opem ; 400  
 Ferret opem certe, si non ope mater egeret :  
 Quæ facta est uno mater et orba die.  
 Nata simul, peritura simul, simul ite sub undas  
 Corpora. Desierat ; depositque sinu.  
 Vagierunt clamore pari : sentire putares. 405  
 Hi redeunt udis in sua tecta genis.  
 Sustinet impositos summa cavus alveus unda :  
 Heu ! quantum fati parva tabella vehit !

391. Secundum Q. Fabium Pictorem apud Dionys. illi de Pallantii vertice descenderunt ad aquam proximam, collis radices alluentem. *Circo maximo* tribuit *valles* ; in longitudinem enim patebat tria stadia cum dimidio, in latitudinem unum stadium. Illud spatium extensum desuper spectantibus *vallis* esse videbatur. *Jacere* de locis depressis dicitur ; Met. ii. 179. Phaeton despicit ad æthere *terras penitus jucentes* ; ib. viii. 750. sub silva *jacet herba*.

395. At nunc est vox admirantis. Plane sic Metam. x. 631. " At quam virgineus puerili vultus in ore ! " *Iste* positum *δεικτικῶς*. *Arguitur* bono sensu, indicatur, proditur. Trist. IV. iif. 80. *Apparet virtus, arguiturque malis rebus*. Tres, *suspicer*, ut pendeat a voc. *nescio*. Fuisse autem in Ro-

mulo et Remo aliquid augusti, unde divina eorum origo agnosceretur, ex hymnis veterum Romanorum referebat Q. Fabius : vide Dionys. d. l.

400. *Præceps*, periculosum. *Vagierunt*, etc. Confer Heroid. xi. 85.

407. *Alveus*, quidquid in formam semicircularem excavatum est. Itaque *cavus* abesse quidem posset ; sed poeta eo causam discrete exprimere voluit, cur aqua sustinuerit impositos. Strothio ad Liv. i. 4. parum verosimile videtur, pueros *in alveo* esse impositos aquæ, quum nudi in eam abjici potuissent. Ego vero in hoc non hæserim. Quidni pueros in alveo portarint ? quidni eos sic, ut portarant, aquæ imposerint ? *Quantum fati*, quanti regni conditorem ex fato futurum. Liv. i. 4. " Debebat fati tantæ origo urbis. " In verbis *quantum futi et parva*

M

Alveus in limo, silvis appulsus opacis,  
 Paulatim, fluvio deficiente, sedet. 410  
 Arbor erat: remanent vestigia: quæque vocatur  
 Rumina nunc ficus, Romula ficus erat.  
 Venit ad expositos, mirum, lupa fœta gemellos.  
 Quis credat pueris non nocuisse feram?  
 Non nocuisse parum est: prodest quoque; quos  
 lupa nutrit, 415  
 Perdere cognatæ sustinuere manus.  
 Constitit, et cauda teneris blanditur alumnis,  
 Et fingit lingua corpora bina sua.  
 Marte satos scires; timor abfuit, ubera ducunt;  
 Nec sibi promissi lactis aluntur ope. 420

*tabella* præclara est oppositio, quemadmodum *vehit* bene convenit τῆς *sustinet*. In *limo sedet*. Liv. ii. 5. "in vadis frumenti acervos sedisse illitos limo."

411. Liv. i. 4. "in proxima alluvie, ubi nunc ficus Ruminalis est (Romularem vocatam ferunt.)" Plutarch. Vit. Rom. 4. plures nominis causas adfert; maxime probat διὰ τὸν τῶν βρεφῶν θηλασμόν' ὅτι τὴν τε θηλήν ῥοῦμαν ὠνόμαζον οἱ παλαιοί. Conf. idem Quæst. Rom. tom. vii. pag. 125. Festus: "Mamma autem rumis dicitur, sive ruma." Itaque putem, *Ruminam* fuisse nomen antiquum, quia *ruma* non nisi antiquis usitatum. De *ficu* vid. Varro de Ling. Lat. iv. p. 16. In memoriam ejus alia sata est et culta in Comitio Romano, quæ aruit sub Nerone. Plinius, xv. 20. ibique Harduin. Tacit. An. xiii. 58.

413. *Fœta*, enixa. Dionys. νεοτόκους σπαργῶσα τοὺς μαστοὺς ὑπὸ γάλακτος. Pro *fingit* multi MSS. *lingit* et *lambit*, quæ et Int. quibusdam placuere. Taubner. ait, se præter *κακοφωνίαν* nullam causam videre, cur *lingit* improbetur. Immo et plebeiora

est verbum. *Fingere lingua* habet et Virgilius, Æn. viii. 631. de hac eadem re, "Geminos huic ubera circum Ludere pendentes pueros, et lambere matrem Impavidos: illam tereti cer-vice reflexam Mulcere alternos, et corpora fingere lingua." Ibi Servius explicat, tergere, et addit: "Sed tamen et formare aliquid, et ad integram faciem arte perducere, significat." Posteriore sensu Metam. xv. 380. de ursa, "Lambendo mater in artus fingit." Sed nunc priore sensu capiendum, tergere. Infra v. 409: *Ille manus ægras manibus fingebat amicis*. Plura exempla habet Heinsius ad Heroid. xx. 134. *Lingua lambit pueros etiam apud Livium, et in monumentis antiquis*. Fabius Pictor narraverat, eam cænium, quo pueri repleti, lambendo abstersisse. Exempla ab Heinsio allata vide ad loc. cit. tom. i. p. 372 et 373.

419. *Marti lupi sacri*. Inde *Martii* et *Martiales* dicti; Æneid. ix. 566; Horat. I. Od. xvii. 9. Hinc fluxit et hoc, *Marte satos scires, quod dictum, ut Metam. 162. scires e sanguine natos*. *Ducere ubera* bona locutio, quod



Illa loco nomen fecit: locus ipse Lupercis.

Magna dati nutrix præmia lactis habet.

Quid vetat Arcadio dictos a monte Lupercos?

Faunus in Arcadia templa Lycæus habet.

Nupta, quid exspectas? non tu pollutibus herbis,

Nec prece, nec magico carmine mater eris. 426

Excipe fecundæ patienter verbera dextræ:

Jam socer optati nomen habebit avi.

Nam fuit illa dies, dura quum sorte maritæ

Reddebant uteri pignora rara sui. 430

Quid mihi, clamabat, prodest rapuisse Sabinas?

Romulus; hoc illo sceptrum tenente fuit;

Si mea non vires, sed bellum injuria fecit:

Utilius fuerat non habuisse nurus.

Heins. docet. Alii minus bene, *sugunt*. Elegantius etiam est *promissi*, destinati a natura, quod Burm. ex Francof. Voss. et ex aliis recepit, quam vulgare, *promissa*. *Illa loco*, etc. Etiam Plutarch. Vit. Rom. 21. *δύναται γὰρ ἀπὸ τῆς λυκαίνης γεγενῆαι γ' ὄνομα. Καὶ γὰρ ἀρχομένους τῆς περιδρομῆς τοὺς Λουπέρκους ὀρώμεν ἐντεῦθεν, ὅπου τὸν Ῥωμύλον ἐκτεθῆναι λέγουσιν.* Conf. ad ver. 279. *Magna præmia*, nempe quod a lupa loco nomen inditum.

423. Alia causa, eaque verior. Vid. ad ver. 381. Sensus: Quid vetat credere, Lupercos nomen a Lycæo, monte Arcadiæ, accepisse? *Lycæus*, si latine reddas, est Lupercus, *Lycæa* sunt Lupercalia. Virgil. *Æn.* viii. 343. "gelida monstrat sub rupe Lupercal, Parrhasio dictum Panos de more Lycæi." Confer Justin. XLIII. i. 7. Male Burmannus hic et alibi edidit *Lyceus*. Est græc. *Λύκαιος*. Sic et ὄρος *λύκαιο*. Heinsius suadet pro *dictos* legere *ductos*, h. e. eos originem trahere

ex Arcadia. At nunc sermo est de causa nominis. De *templis* illis vide ad versum 271.

425. Ritus cujusdam ab Evandro non inducti origo. Luperci nempe currentes, pellibus victimarum sectis cædebant mulieres obvias, quo facilius conciperent. Conf. Plutarch. Vit. Rom. 21. *Magæ* cum *herbis* conjungebant *carmina* atque *preces* ad Hecaten et Tellurem. Metam. vii. 194. Medea: "Tuque triceps Hecate, quæ—cantusque artesque magarum, Quæque magas, Tellus, pollutibus instruis herbis." Metam. iv. 49. *Nais cantu nimiumque potentibus herbis* juvenes mutat in pisces. Vide et not. ad x. 397. *Jam socer*, etc. jam concipies et paries. Conf. ver. 448.

429. Illo tempore tam maligna erat nuptarum natura, ut raro liberos eniterentur. Sabinarum raptus sæpe *injuriæ* nomine notatur. Liv. i. 13: "Sabinæ mulieres, quarum ex injuria bellum ortum." *Vires*, multitudinem civium. *Nurus* mulieres.

Monte sub Esquilio, multis incæduus annis, 435  
 Junonis magnæ nomine lucus erat.  
 Huc ubi venerunt, pariter nuptæque virique  
 Suppliciter posito procubuere genu :  
 Quum subito motæ tremuere cacumina silvæ,  
 Et Dea per lucos mira locuta suos : 440  
 Italidas matres, inquit, caper hirtus inito.  
 Obstupuit dubio territa turba sono.  
 Augur erat : nomen longis intercidit annis ;  
 Nuper ab Etrusca venerat exsul humo.  
 Ille caprum mactat : jussæ sua terga maritæ 445  
 Pellibus exsectis percutienda dabant.  
 Luna resumebat decimo nova cornua motu ;  
 Virque pater subito, nuptaque mater erat.  
 Gratia Lucinæ : dedit hæc tibi nomina lucus,  
 Aut quia principium tu, Dea, lucis habes. 450  
 Parce, precor, gravidis, facilis Lucina, puellis ;  
 Maturumque utero molliter effer onus.

435. *Lucus Junonis* Lucinæ memoratur et a Varrone de L. L. d. l. *Incæduus* ; sylvas sacras *cædere* nefas erat. *Metam.* iii. 28 : "Sylva vetus stabat, nulla violata securi." A Plinio, V. *Epist.* vi. 7. *Nemora antiqua* et *sylvæ cæduæ* sibi oppon. *Tremore* tali Dii et indignationem, et favorem suum significabant. III. xlvi ; *Metam.* ix. 782. ubi vid. not.

441. *Italidas.*] Sic II ex Ponto, iii. 84. *Italidis ora.* *Caper* quum castratum hircum significet, a quo iniri mulieres non poterant, monitum Junonis ex hac lectione tanto majorem *obstupescendi* causam præbebat, tantoque magis *dubium sonum*, ambigua verba, reddebat. Et mox *caper* mactatur. *Intercidit* eleganter, non pervenit ad nostra tempora. *Etruria* sedes artis auguralis. Liv. i. 34 : "Tanaquil perita, ut vulgo Etrusci, cælestium pro-

digiorum mulier," et i. 56. "quum ad publica prodigia Etrusci tantum vates adhiberentur." Cf. Cic. *Legg.* ii. 9. *Exsectis*, in lora sectis. *Supra* ver. 31. *secta pelle.*

447. *Moveri* etiam pro accrescere dici, atque adeo *motu* bene se habere, quum alii *cursu* aut *mense* præferant, docet Gronov. *Obs.* III. i. p. 336. Alibi Nostro formula *implere* aut *replere orbem* in hac re solemnis ; ver. 175 ; iii. 121. Vide ad *Metam.* ii. 455. De Junone *Lucina* cf. iii. 255. *Nomina lucus.* Sic et Plin. xvi. 85. Alteram etymologiam amplexus est Plutarch. *Quæst. Roman.* p. 139 : *Λουκίαν* "Ἦραν καλοῦσιν, οἷον φαεινήν, ἣ φωτίζουσαν. Totum autem figmentum inde explicat, quod sub plenilunium mulieres facillime prolem eniti crederentur. *Puella*, nuptæ.

ORTA dies fuerit: tu desine credere ventis;  
 Perdidit illius temporis aura fidem.  
 Flamina non constant: et sex reserata diebus 455  
 Carceris Æolii janua laxa patet.  
 JAM levis obliqua subsidit Aquarius urna;  
 Proximus ætherios excipe, Piscis, equos.  
 Te memorant, fratremque tuum, nam juncta micatis  
 Signa, duos tergo sustinuisse Deos. 460  
 Terribilem quondam fugiens Typhona Dione,  
 Tunc quum pro cælo Jupiter arma tulit,  
 Venit ad Euphratem comitata Cupidine parvo,  
 Inque Palæstinæ margine sedit aquæ.  
 Populus et cannæ riparum summa tenebant, 465  
 Spemque dabant salices, hos quoque posse tegi.

453. *Ventorum inconstantia* inde ab eodem die, quo Lupercalia. Plinius, H. N. xviii. 65: xiv. Kal. Martii triduum varie, scil. varia tempestas. Libri tres veteres prodidit fidem, quod Heinsio non minus elegans videbatur. Ego præfero alterum. *Prodere fidem* est, non servare fidem datam. Qui id sapius facit, is *perdit fidem*, non amplius ei *creditur*; quæ notio h. l. optime convenit. *Carcer Æolius*, antrum in quo venti, Æolo imperante, inclusi, et in quod, tamquam in carcerem, a Jove damnati sunt. Ovidius, *Metam.* iv. 662: "Clauserat Hippotades æternocarcere ventos," ubi vide not.

457—474. *Aquarii occasus et Solis ingressus in Piscium signum, cujus signi origo narratur.* *Levis*, quia aquarius juvenis, i. 652. Urnam tenet obliquam, ut aqua inde effluere possit. Pisces duo *junguntur* nodo illo, qui σὺνδεσμος τῶν ἰχθύων vocatur, et, quia totius sphaeræ esse videbatur, ab Arato σὺνδεσμος ὑποράνιος, a Cic. *nodus caelestis.* Hygin. P. A. iii. 29.

De nominibus eorum vide iii. 402. Fabulam seq. Hygin. P. A. ii. 30. ex Diogeneta Erythræo similiter refert. Aliter narrat Schol. Germanic. p. 112.

461. *De Typhone* scil. *Typhæo* gigante vid. *Metam.* iii. 303; v. 321 sqq. ubi emissus ima de sede terræ cunctos Deos in fugam vertit, et, quum in Ægyptum usque eos persecutus esset, effecit, ut variarum animalium figuras sumerent, Venus pisce lateret. *Pro cælo.* Gigantes enim affectabant cœleste regnum. *Euphrates* vocatur *Palæstina* aqua, quia Syriam alluit, cujus pars olim Palæstina. Hygin. d. l. "in Syriam ad flumen Euphratem venit." Ovidio *Metam.* iv. 46. *Palæstini* sunt Syri.

466. *Hos quoque.*] Hæc verba plures Intt. offenderunt; et parum placet. Heins. conj. *his quoque* vel *hic*, quia in uno Vatic. *hoc*, in quatuor aliis *se*. Burm. malit *his* vel *sic* i. e. Venerem inter salices, licet humiles essent, et summa tantum tenerent riparum, tamen posse latere. Idem

Dum latet, intonuit vento nemus : illa timore  
 Pallet, et hostiles credit adesse manus.  
 Utque sinu natum tenuit, Succurrite Nymphæ,  
 Et Dis auxilium ferte duobus, ait. 470  
 Nec mora, prosiluit ; Pisces subiere gemelli :  
 Pro quo nunc, cernis, sidera munus habent.  
 Inde nefas ducunt genus hoc imponere mensis,  
 Nec violant timidi piscibus ora Syri.  
 PROXIMA lux vacua est : at tertia dicta Quirino ;  
 Qui tenet hoc nomen, Romulus ante fuit. 476  
 Sive quod hasta curis priscis est dicta Sabinis,  
 Bellicus a telo venit in astra Deus,  
 Sive suum regi nomen posuere Quirites,  
 Seu quia Romanis junxerat ille Cures. 480

conj. *os quoque*, non tantum inferioris corporis partes, sed et caput. *Tegi* autem monet dictum esse, ut Liv. xxi. 54: "Locus equiti quoque tegendo satis latebrosus."

468. Secundum Hygin. d. l. Typhon revera apparuit : quo facto, Venus cum filio in fluvium se projicit, ibique figuram piscium forma mutat. *Subiere*, tergo sustinere atque vexere Deos. *Sidera*, ut sidera, inter sidera relati. Passim Ovid. aliique poetæ *cernis* et *vides*, scil. ut *δεικτικῶς* inserunt. *Genus hoc*, nempe animantium. *Syros* piscium esu abstinuisse plures tradunt. Vide Neap. Etiam Hygin. d. loco : "Itaque Syros, qui his locis sunt proximi, destitisse pisces esitare, quod vereantur eos capere, ne simili causa aut Deorum præsidia impugnare videantur, aut eos ipsos captare." Hinc vocantur *Timidi*, reverentes Deorum. *Violare*, quia talis esus nefarius.

475—512. *Quirinalia*, post Romuli excessum instituta, et xiii Kalend.

Mart. sive die xvii. Febr. celebrata. *Vacua*, nempe sacris adeoque profesta. *Dicta*, consecrata. *Quirinus* dictus, ut Deus ; *Romulus*, ut homo. Inde Cicero, Offic. iii. 10. "quod pace vel Quirini, vel Romuli dixerim." Apud Plutarchum, Vit. Rom. 28. in colloquio cum Julio Procuro ipse se *Quirinum* appellat. *Hasta curis*. Festus : "Curis Sabinis est hasta : unde Romulus Quirinus, qui eam ferebat, est dictus." Sic et Varro, Plutarch. et alii. Inde et Sabini Martem primo *Curinum*, deinde tractu temporis *Quirinum* appellarunt. *In astra*, in cœlum. *Telum*, hasta. Si venit ab hasta, hastatus dici meruit ; iii. 186. Romulus *e stipula* in astra venisse dicitur. *Sive—Cures*. Livius, i. 13 : "Ut Sabinis tamen aliquid daretur, Quirites a Curibus appellati." Ab initio scribebatur *Curites*. Male ergo est in nostris Regiis tribus *Quiris priscis* ; litera enim *q* non utebantur Sabini. LEM.

Nam pater armipotens, postquam nova mœnia vidit,

Multaque Romulea bella peracta manu,

Jupiter, inquit, habet Romana potentia vires ;

Sanguinis officio non eget illa mei :

Redde patri natum ; quamvis intercidit alter, 485

Pro se, proque Remo, qui mihi restat, erit.

Unus erit, quem tu tolles in cœrula cœli ;

Tu mihi dixisti ; sint rata dicta Jovis.

Jupiter annuerat : nutu tremefactus uterque

Est polus, et cœli pondera sensit Atlas. 490

Est locus ; antiqui Capream dixere paludem ;

Forte tuis illic, Romule, jura dabas.

Sol fugit ; et removent subeuntia nubila cœlum :

Et gravis effusis decidit imber aquis :

481. Romuli apotheosis, causa Quirinalium. Traditioni vulgari poeta de suo præmittit Martis preces pro filio in cœlum recipiendo. *Nam* connectit orationem cum ver. 475. et reliqua quasi per parenthesis sunt interposita. *Habet, etc.* Romana potentia satis corroborata est, neque adeo diutius filii mei officio indiget. *Sanguis*, filius, ut *Metam.* v. 513. *Cereris sanguis*, filia. *Redde patri natum*, recipe natum in cœlum. Sumtum hoc a liberis humanis, qui aliquamdiu abfuerunt a domo paterna. *Morientes* dicuntur *decidere*, et, si non perveniunt ad maturam ætatem, *intercidere*. *Pro se, etc.* instar duorum mihi erit. Ita apud Livium, *pro hoste, pro victis* esse. Vide *Drak.* ad iii. 17. *Cærula cœli*, cœlum cœruleum. *Ennius* : "Unus erit, quem tu tolles ad cærula cœli Templâ." Inde accepit et *Lucr.* i. 1089 ; v. 770. *cærula cœli et mundi*. Cf. et *Metam.* xiv. 814. ubi eadem Martis preces ad Jovem pro Romulo in cœlum recipiendo.

489. Hæc ad notum illum Homeri

locum *Il. A.* 529. sqq. adumbrata. Vide *Metam.* i. 179. *Cœli pondera sensit* propter concussioem cœli. *Aliter, Metam.* ix. 272. *sensit Atlas pondus*, Herculeum cœlo additum.

491. *Est locus* in campo. *Paludem et Capræ et Capream* dixere. Itaque variant et auctores ipsi et librarii, ut h. l. *Heinsius* prætulit *Capream*, ut alibi legimus "viam Appiam, Carmentem portam, aquam Marciam:" at *Plutarch.* *Romulo*, 27. *περι τῷ καλοῦμενον αἰγῶς ἢ ζορκῶς ἔλος*. Ibi *Romulus* ad exercitum recensendum concionem habebat. *Livius*, i. 16 ; sed *Ovidius* generali illa formula usus est, *jura dare*, imperium exercere quocumque modo.

493. *Liv.* "Subito coorta tempestas cum magno fragore tonitribusque tam denso regem operuit nimbo." *Fœdiorum* etiam illam tempestatem *Plutarchus* describit. *Tenebras* tantum memorat *Dionysius*, i. 56. *Sol fugit* non de defectu solis capiendum, ut *Scaliger* et cum eo *Desaintange* putabant ; sed *sidera fugere* dicuntur, quum nu-

Hinc tonat, hinc missis abruptitur ignibus æther :  
 Fit fuga ; rex patriis astra petebat equis. 496  
 Luctus erat, falsæque patres in crimine cædis,  
 Hæsissetque animis forsitan illa fides :  
 Sed Proculus longa veniebat Julius Alba ;  
 Lunaque fulgebat ; nec facis usus erat : 500  
 Quum subito motu nubes crepuere sinistrae.  
 Rettulit ille gradus, horrueruntque comæ.  
 Pulcher et humano major, trabeaque decorus  
 Romulus in media visus adesse via,

bibus tecta obscurantur ; Metam. iv. 487. *Abrumpi*, scindi, fulminibus cælum passim dicitur. Præiverat Lucretius, ii. 214. "abruptis nubibus ignes concursant." Virgil. *Æneid.* iii. 199 : "Ingeminant abruptis nubibus ignes." Vid. Drakenb. ad Silium, iii. 196.

496. A fuga multitudinis dies ille populi fugium dictus, ἡ τροπή τοῦ πλήθους. Dionys. i. 56. Livius ait, Romulum *sublimem raptum* ; Dionys. ὑπὸ τοῦ πατρὸς Ἀρεως τὸν ἄνδρα ἀνηρπάσθαι. Hinc figmentum poeticum accessit, eum, ut Ariadne Bacchi lyncibus, sic Martis equis in cælum assumptum. Etiam Horatius, III. Od. iii. 15 : "Hac Quirinus Martis equis Acheronta fugit." Plenius illud iter cœleste, Metam. xiv. 816 sqq. describitur.

497. De cæde illa ejusque causis vide Dionys. i. 56. *Fides*, opinio, cui fides habetur. Illico Patres populo persuaserunt, Romulum ad Superos raptum ; cui persuasioni postea consilio Proculi fides addita. *Julius Proculus* Romulo familiaris, unus ex iis, qui Alba cum eo con migraverant ad Romam condendam. Plutarch. d. l. Ei secundum Liv. Romulus apparebat *prima luce*. Sed Ovidius, sive aliam traditionem, sive suum com-

mentum secutus, *lunam fulgentem* memorat. Scaliger, qui temere sumebat Romulum raptum esse deficiente sole, notat : oblitum sui esse Ovidium, qui in interlunio fulsisse lunam dicat. Ea nota motus Burmannus conjiciebat, vitium forte esse in illo *fulgebat*, et verbum forsitan fuisse quo latuisse lunam Ovid. dixerit ; in tenebris subito emicuisse fulgur, atque ita apparuisse Romulum. Sed hæc sine causa fingi elucet ex iis, quæ ad ver. 493. monuimus. De *facibus*, quibus noctu iter facientes uti solebant, vide ad Metam. i. 493. *Crepare* de tonitru. *Æn.* xii. 922. "nec fulmine tanti Dissultant crepitus." *Sinistra* auguria cur fausta fuerint, quærit Plutarchus, Quæst. Rom. p. 139. *Horruerunt comæ*. Liv. "perfusus horrore venerabundusque." Cf. iii. 331 sqq.

503. *Humano major*, forma augusta, quæ Diis tribui solebat. Livius, i. 7. "habitum formamque viri (*Herculis*) aliquantum amplio rem augustioremque humana intuens." Apud Plutarch. Romulus Proculo apparet καλὸς καὶ μέγας, ὡς οὐποτε πρόσθεν, ὅπλοις δὲ λαμπροῖς καὶ φλέγουσι κεκοσμημένος. Et arma satis decebant bellicosum Deum. Sed Ovidius *trabea* eum decoravit, de qua vide ad i. 37. *Nec violent*, etc. exquisitius et divinitati

Et dixisse simul : Prohibe lugere Quirites, 505

Nec violent lacrymis numina nostra suis.

Tura ferant, placentque novum pia turba Quirinum ;

Et patrias artes militiamque colant.

Jussit : et in tenues oculis evanuit auras.

Convocat hic populos, jussaque verba refert. 510

Templa Deo fiunt, collis quoque dictus ab illo :

Et referunt certi sacra paterna dies.

Lux quoque cur eadem Stultorum festa vocetur,

Accipe ; parva quidem causa, sed apta subest.

Non habuit tellus doctos antiqua colonos : 515

Lassabant agiles aspera bella viros.

Plus erat in gladio quam curvo laudis aratro :

Neglectus domino pauca ferebat ager.

Farra tamen veteres jaciebant, farra metebant :

Primitias Cereri farra resecta dabant. 520

Romuli convenientius quam, nec lacryment, defleant me. *Rem militarem colere* Romani jubentur etiam apud Liv. alterum *tura ferant*, etc. pertinet vel maxime ad consilium poetæ.

509. Livius: *hæc locutus, sublimis abiit*. Id Noster poetice exornavit. Etiam Metam. xiv. 432. "inque leves paulatim evanuit auras." *Populos* intelligunt Romanum et Sabinum. Sed possunt esse omnino cives. Vide ad Met. i. edd. primæ et MSS. quidam, *patres* ; sed et apud Liv. *in concionem*, et apud Plutarch. *εἰς ἀγορὰν* prodit : atque civibus in primis hæc dici debent. *Collis quoque*, etc. Sic quidam putabant. Contra disputat Festus, quo auctore id nomen monti hæsit, ex quo Sabini Curibus profecti eum occupabant. *Referunt*, repetunt, ut i. 618. *Relata sacra*. Erant ergo Quirinalia stata.

513—532. Quirinalia etiam *Stultorum feriæ* dicebantur ; de quibus cf.

VOL. V.

Plutarch. *Quæst. Rom.* p. 150. Ejus nominis causam dum poeta affert, commode *Fornacalium* rationem inserit, quæ non stata erant, sed indictiva. Homines enim stulti, qui *Fornacalibus* deæ *Fornaci* sacra non fecerant, ea faciebant *Quirinalibus*. *Parva*, exigua, levis. *Docti*, periti rerum ad victum pertinentium. De ruditate primorum Romanorum, cf. iii. 101 sqq.

519. *Far*, quod adoreum veteres appellavere, ab antiquissimis Italiæ temporibus domesticum Italiæ fuit frumentum, et plura per sæcula unicum, quod coleretur, frugum genus, quum hordei et tritici usus esset nullus. Plinius, xviii. 19 ; Heynius, in *Opusc. Acad.* vol. i. p. 330 sqq. *Jacere*, serere. Etiam Virgil. *jactum semen*. Culturam farris tribus modus eloquitur, nec sine vi aut gratia *τὸ farra* ter repetit. *Primitias Cereri*. Cf. i. 672. et Bentl. ad Horatium, IV. v. 18.

N

Usibus admoniti flammis torrenda dedere,  
 Multaque peccato damna tulere suo.  
 Nam modo verrebant nigras pro farre favillas;  
 Nunc ipsas igni corripuere casas.  
 Facta Dea est Fornax: læti fornace coloni 525  
 Orant, ut fruges temperet illa suas.  
 Curio legitimis nunc Fornacalia verbis  
 Maximus indicit; nec stata sacra facit:  
 Inque foro, multa circum pendente tabella,  
 Signatur certa curia quæque nota: 530  
 Stultaque pars populi, quæ sit sua curia, nescit;  
 Sed facit extrema sacra relata die.  
 Est honor et tumulis: animas placate paternas;  
 Parvaque in extinctas munera ferte pyras.

Frequens rusticorum negotium erat  
 "torrere igni fruges et frangere saxo;"  
 Virgil. Georg. i. 267. Ustione illa  
 fruges facilius domare folliculisque  
 suis nudare, quin adeo iis jucundum  
 saporem conciliare poterant. Heynius,  
 p. 367. Auctor ejus rei fuit secun-  
 dum Heminam Numa, qui et *Deam*  
*Fornacem* fecit, quam precabantur, ut  
 in fornacibus farra recte torrerentur.  
 Inde *Fornacalia*. Plinius, xviii. 2.  
 Festus: "Fornacalia, feriæ institutæ  
 sunt farris torrendi gratia, quod ad  
 fornacem, quæ in pistrinis erat, sacri-  
 ficium fieri solebat. Fornacalia  
 sacra erant, quum far in fornaculis  
 torrebant." *Multa damna tulere*, sæpe  
 frugum jacturam fecere ex ignota tor-  
 rendi ratione. *Nigras favillas*, quia  
 farra diutius valido igni dederant. Si  
 igni servas, per totum locum idem est  
 subjectum, et *corripuere* dictum pro  
 incenderunt, verbo ab ignibus ad in-  
 colas translato.

525. *Deam Fornacem*, virosque doc-  
 tos celebrandis Fornacalibus operan-  
 tes ridet Lactantius, Fals. Rel. i. 20.

*Temperet fruges*, justam temperiem  
 frugibus det in furno. Quidam *vires*  
*temperet*, non improbante Taubnero.  
*Legitima verba*, formula solemnis in  
 aliqua re. Livius, ix. 9: "Verba legi-  
 tima dedentium urbem."

529. *Multa tabella*, multis tabellis,  
 in quibus scriptum, in qua curia quæ-  
 vis populi pars sacra faceret. Omnem  
 enim populum Romulus in triginta  
 curias distribuerat, quibus totidem  
 curiæ scilicet ædiculæ assignatæ, ubi  
 curiales convenirent, de rebus com-  
 munitibus agerent, et per curionem  
 suum sacra facerent. Triginta illis  
 Curionibus præerat Curio Maximus,  
 Sigonius, Ant. Jur. Civ. Rom. II. iii.  
 p. 52. *Sed facit*, etc. Quod reliqui  
 cives die Fornaci consecrato fecerant,  
 id stulti, suam curiam nescientes,  
 Quirinalibus adimplebant. *Relata*,  
 dilata in diem extremum.

533—570. *Feralia*.] Mos antiquus  
 et plurimis gentibus cultus, mortuus  
 justa publice persolvere. In Italiam  
 translatus est ab Ænea; vid. inf. 543.  
 Numa Pompilius ea quoque sacra



Parva petunt Manes : pietas pro divite grata est  
 Munere : non avidos Styx habet ima Deos. 536  
 Tegula projectis satis est velata coronis ;  
 Et sparsæ fruges ; parcaque mica salis ;  
 Inque mero mollita Ceres, violæque solutæ :  
 Hæc habeat media testa relicta via. 540  
 Nec majora veto : sed et his placabilis umbra  
 est :  
 Adde preces positis et sua verba focus.  
 Hunc morem Æneas, pietatis idoneus auctor,  
 Attulit in terras, juste Latine, tuas.  
 Ille patris Genio solemnia dona ferebat : 545  
 Hinc populi ritus edidicere pios.

Pontifici subiecit; Liv. i. 20. Relata sunt in Februarium, ultimum olim mensem. De die et tempore durationis vid. ad versum 569. De nomine Festus: "Feralia Diis Manibus sacra festa, a ferendis epulis, vel a feriendis pecudibus." Varro, de Ling. Latina: "Feralia ab inferis et ferendo, quod ferunt tunc epulas ad sepulcrum, quibus jus ibi parentare." Cf. v. 419 sqq. ubi *Lemuria* describuntur.

*Honor tumulis* erat publice privatimque; publice his ipsis Feralibus, privatim Novendialibus et Denicalibus. *Exstinctas*. Intell. tumuli, sepulcra. *Pyra* enim, ut *bustum*, locus ubi mortuus et combustus et sepultus est. *Avidos*, magnorum munerum cupidus.

537. Memorat parva munera, de quibus i. 337 sqq. *Tegula* in tectis sepulcrorum. De hoc *coronarum* usu vide Kirchman. de Funerib. p. 560. ubi et de floribus *solutis*, vagis, non in coronam coactis. Coronis non opus erat novis et arte factis; huic pietati sufficiebant eæ, quæ, convivii exac-

tis, a convivis domum abeuntibus *projectæ* erant in viis. Heroid. xxi. 165; Amor. I. vi. 67. *Tegulam* autem Lenzius mavult tegumentum foci aut aræ intelligere, etiam mox *testam* eodem sensu capere, *projectas* denique interpretari in aram conjectas. *Velare* verbum sacrum de coronis et vittis. De *mica salis* vide ad i. 338. *Hæc habeat*, etc. hæc apponantur vel in vili testa vasis fracti et in publicum projecti.

541. Sæpe impensissimo officio parentabant. Vide Kirchm. d. l. *Sua verba*, illis sacris propria, e nota vi hujus pronomini.

543. *Pius Æneas*; accommodate h. l. *pietatis idoneus auctor*: vir tantus, pietate sua inclytus, merito piorum rituum auctor extitit. Patri, quem apud Drepanum sepeliverat, sequenti anno in Sicilia sacrum fecit anniversarium, quod Æneid. v. 94 sqq. describitur. Ibi incertus est, "Geniumne loci, famulumne parentis Esse putet." *Justus* epitheton frequens regum et aliorum apud Nostrum. *Populi*, Latini.

At quondam, dum longa gerunt pugnacibus armis

Bella, parentales deseruere dies.

Non impune fuit: nam dicitur omine ab isto

Roma suburbanis incaluisse rogis. 550

Vix equidem credo: bustis exisse feruntur,

Et tacitæ questi tempore noctis avi:

Perque vias urbis, Latiosque ululasse per agros

Deformes animas, vulgus inane, ferunt.

Post ea præteriti tumulis redduntur honores; 555

Prodigiisque venit funeribusque modus.

Dum tamen hæc fiunt, viduæ cessate puellæ:

Exspectet puros pinea tæda dies.

Nec tibi, quæ cupidæ matura videbere matri,

Comat virgineas hasta recurva comas. 560

548. *Parentales*, quibus parentalia celebrantur. *Deserere*, non celebrare. Ille neglectus fuit mali *ominis*. *Roma*, etc. multitudinem morientium indicat, propter quam in suburbanis locis tot rogi erant comburendi, ut inde ipsa Roma incalesceret. Parentalibus reductis, *modus venit funeribus*. *Deformes*, etc. defunctorum umbræ, luctu deformes. Post Julii Cæsaris necem "simulacra modis pallentia miris Visa sub obscurum noctis:" Virg. Georg. i. 477. Lenzius contra *deformes* intelligit non certam formam habentes, inanes. *Præteriti*, neglecti. *Venit iis modus*, cessant prodigia, et ipsa rariora fiunt funera.

557. Feralibus non fas est nubere. Etiam alii dies nuptiis copulandis religiosi sive devitandi habebantur, iii. 393. *Viduas puellas* Marsus intelligit puellas nuper nuptas, quæ cessare a concubitu, secubare a viro jubeantur. Immo, de solis nuptiis nunc sermo est. Quum alix feriæ magis *viduis*, quam *virginibus* idoneæ esse crederentur ad nubendum, (Plutarch.

Quæst. Rom. p. 161; Macrob. Sat. i. 15.) Feralibus Ovid. et has et illas abstinere jubet a nuptiis. Quamquam *viduæ puellæ* etiam dici possunt innuptæ; Propert. II. xxiv. 17. "quid prodest viduas dormire puellas?" Pro *pineæ* nonnulli *spineæ* malunt; sane fax e spina alba, quæ plurimum in avertendis malis valere credebatur, præferri in nuptiis solebat. Vid. Plin. xvi. 30. ubi, "spina, nuptiarum facibus auspiciatissima." Sed et *pineæ* tæda in usu. *Puri dies*, quibus non aguntur res sepulcrales, aut tristes.

559. *Cupida*, cupiens accelerari filix nuptias. *Hasta recurva*. Arnob. adv. Gentes, ii. p. 91. "Nubentium crinem cælibari hasta mulcetis." Plutarchus, Quæst. Rom. p. 148. quærit, cur τῶν γαμουμένων αἰχμῇ δορατίου τὴν κόμην διακρίνουσιν, cur nubentium comam parvæ hastæ cuspede discriminant; ejusque rei causas plures affert. *Facum* usus etiam tam in funeribus, quam in parentalibus. Vide Kirchm. de Fun. ii. 3. Tempore

Conde tuas, Hymenæe, faces ; et ab ignibus atris

Aufer : habent alias mæsta sepulcra faces.

Dî quoque templorum foribus celentur opertis ;

Ture vacent aræ ; stentque sine igne foci.

Nunc animæ tenues, et corpora functa sepulcris

Errant ; nunc posito pascitur umbra cibo. 566

Nec tamen hæc ultra, quam tot de mense supersint

Luciferi, quot habent carmina nostra pedes.

Hanc, quia justa ferunt, dixere Feralia lucem :

Ultima placandis Manibus illa dies. 570

Ecce anus in mediis residens annosa puellis,

Sacra facit Tacitæ : vix tamen ipsa tacet ;

Et digitis tria tura tribus sub limine ponit,

Qua brevis occultum mus sibi fecit iter.

Tum cantata ligat cum fusco licia rhombo ; 575

Et septem nigras versat in ore fabas :

funesto etiam statuæ Deorum in viis panno velabantur, *templorumque fores* claudebantur, ne Dii adpectu tristi polluerentur. *Cibus*, epulæ Manibus appositæ.

567. Locus varie tortus et explicatus, *Nec tamen hæc ultra*, non diutius hæc sacra durent, *quam tot*, etc. quam donec tot dies supersint. Vulgo, *quum tot—supersunt*, quo die tot dies supersunt. *Feralia*, scil. ultimam placandis Manibus diem, collocat Kalend. vet. in xii. Kalend. Mart. s. xviii. Febr. Quem diem si more Romano simul numeras, supersunt undecim mensis dies ; et totidem *pedes* habent et hæc *carmina* Ovidii. Itaque et antecedentium dierum quidam placaudis Manibus dicati fuerint necesse est. Sex pedes carminis intelligi nunc non possunt, ut *Feralia* viii. Kalend. Mart. finita sint, propter ver. 686 et Kalend. vet. *Justa*, quæ debentur ali-

cui, nominatim mortuis, quibus *justa* vel *fieri*, vel *solvi* dicuntur.

571—616. Cum *Feralibus* conjuncta sacra *Tacitæ* magica. Ea præerat compescendis detrahentium linguis. Numa unam ex *Camœnis* peculiariter et religiosissime coli voluit, quam *Tacitam* nominavit. Plutarch. Num. 8. qui addit, eo silentium Pythagoreum esse expressum et honoratum. Sed hæc nostra garrula ab illa diversa est. Ovidius primum ejus sacra vers. 572—582. tum ipsam describit ; conf. quos laudamus ad ver. 599. *Brevis*, parvus, exiguus.

575. *Rhombus* in rebus magicis trochus erat, seu turbo, qui rotabatur *liciiis*, scil. filis nunc versicoloribus (Virg. Ecl. viii. 73.) nunc pullis nexis. *Amorum*, I. viii. 7. de maga : “ Scit bene, quid gramen, quid torto concita rhombo *Licia*.” Sed et vulg. *plumbo* locum habet, quia et plumbi nigri

Quodque pice adstrinxit, quod acu trajecit athena,  
Obsutum mænæ torret in igne caput.

Vina quoque instillat: vini quodcumque relictum  
Aut ipsa, aut comites, plus tamen ipsa, bibit. [est,  
Hostiles linguas, inimicaque vinximus ora, 581  
Dicit discedens; ebriaque exit anus.

Forsitan a nobis, quæ sit Dea Muta, requiras:  
Disce, per antiquos quæ mihi nota senes.

Jupiter, indomito Juturnæ captus amore, 585  
Multa tulit, tanto non patienda Deo.

Illa modo in silvis inter coryleta latebat,  
Nunc in cognatas desiliebat aquas. [nebas;  
Convocat hic Nymphas, Latium, quotcumque te-  
Et jacet in medio talia verba choro: 590

Invidet ipsa sibi, vitatque, quod expedit illi,  
Vestra soror summo jungere membra Deo.

Consulite ambobus: nam quæ mea magna volup-  
Utilitas vestræ magna sororis erit. [tas,

usus in magicis fuerit. *Cantata*, incantata. *Septenarius* numerus, ut ternarius, etiam in magicis solemnibus. De *fabis* conf. infra v. 436.

578. *Mæna*, *μαίνη*, *μαυγίς*, pisciculus marinus, qui sale conditus cibus erat tenuiorum hominum. Cic. Fin. ii. 8; Persius, iii. 76. Usus ejus etiam in sacris inferis, ut Hecatæ; Eustath. in Hom. i. 206. Neque mirum, mutum animal Tacitæ Deæ fuisse sacrum. *Athenis* instrumentis utebantur in re magica. Vide ad Metam. vii. 227. ubi *falx athena*; et de *acu* confer Amorum III. vii. 30; saga "medium tennes in jecur egit acus." *Vincire* de magis, quæ arte sua quemquam functione sua prohibent.

583. Deæ *Mutæ* aut *Tacitæ* originem e fabulis antiquis narrat. *Forsitan requiras* formula in tali transitu

solemnibus. *Antiqui*, natu grandes. Plinius, paneg. xv. 5. *vetustus miles*. De *Juturna* vide ad i. 463. 708. unde et apparet, quo jure hic *cognatæ aquæ* commemorentur.

589. *Latium*, Tiberis et Anien. ver. 597 sqq. *Jacet*. Heins. in *facit* mutari vult; sed sine causa. *Jacere verba* bona locutio, nec prosaicis magis, quam poetis usitata. Livius, vii. 2. *versum jacere*, facere. Inde et *jacere* simpliciter pro dicere; vi. 14. *vera an falsa jaceret*. *Invidet ipsa sibi*, fraudat se ipsa magna voluptate. *Jungere membra*, ut Metam. x. 464. *jungere corpora*, pro *concubuisse*, quod h. l. olim vulgabatur, et quod Taubenero magis placebat, ut castis auribus animisque accommodatus. Immo, *jungere membra* verecundius dictum.

Vos illi in prima fugienti obsistite ripa, 595  
 Ne sua fluminea corpora mergat aqua.  
 Dixerat: annuerunt Nymphæ Tiberinides omnes;  
 Quæque colunt thalamos, Ilia diva, tuos.  
 Forte fuit Nais, Lara nomine: prima sed illi  
 Dicta bis antiquum syllaba nomen erat, 600  
 Ex vitio positum: sæpe illi dixerat Almo,  
 Nata, tene linguam: nec tamen illa tenet.  
 Quæ simul ac tetigit Juturnæ stagna sororis,  
 Effuge, ait, ripas; dicta refertque Jovis.  
 Illa etiam Junonem adiit; miserataque nuptam,  
 Naida Juturnam vir tuus, inquit, amat. 606  
 Jupiter intumuit: quaque est non usa modeste,  
 Eripuit linguam; Mercuriumque vocat.  
 Duc, ait, ad Manes: locus ille silentibus aptus:  
 Nympha, sed infernæ Nympha paludis, erit. 610  
 Jussa Jovis fiunt: accepit lucus euntes:  
 Dicitur illa duci tum placuisse Deo.

595. *In prima ripa*, simul ac tetigerit ripam. *Iliam*, Romuli matrem, etiam Amor. III. vi. 45. facit Anienis uxorem; sed alii Tiberi jungunt, ut Horat. I. Od. ii. 17; Claudian. i. 225. Nempe Amulii eam jussu alii Aniene, alii Tiberi mersam tradebant. *Thalamos tuos*. Antrum, ex quo fons prodibat, habere fingebatur *thalamos* sive cubicula Deorum. Vide Virg. Georg. iv. 333. Male Krebsius ripam Tiberis intel. in qua Ilia dormiens conceperit gemellos ex Marte iii. 13.

599. Lactant. de Falsa Relig. I. xx. 35: "Hanc (Deam Mutam) esse dicunt, ex qua sint nati Lares, et ipsam Laram nominant, vel Larundam." Sic et Varro vocat. *Dicta bis*. Non *Lalura*, ut Neapol. putabat, illa olim dicta, sed *Lala*, locutuleia, quæ tacere nunquam vult, loquendi vices nunquam aliis tradere. Vide Casaub. ad

Theophr. Char. 3 init. Plato, *λαλιά*, *ἀκρασία λόγου ἄλογος*. Jam litera *l* a Græcis in pluribus vocabulis mutata est in *r*. Ex *ποδαλγία* fecerunt *ποδαργία*, ex *ἀμέλγω*, *ἀμέργω*, etc. Vide Schol. Aristoph. ad Plut. 1. A Macroch. Sat. i. 7. extr. præeunte Varro, eadem *Mania* vocatur, quia *Manium* mater credebatur; Arnob. adv. Gentes, iii. p. 124. *Ex vitio*, a loquacitate.

602. *Tene*, retine, coerce. *Effuge*, vita, cave, ne accedas ad ripas. *Nuptam*. Vulgo *nuptas*; Strozæ liber, *maritas*, ut sit sententia generalis, quæ tamen h. l. non satis commoda. *Nais* unius Junonis misericordia se tangi declarat, quod nupta sit.

607. *Modeste*, modice, moderate.

611. *Accipit nos locus*, quem ingredimur; *mittit nos*, per quem transimus. Virg. Georg. iv. 362: "Ac-

Vim parat hic : vultu pro verbis illa precatur ;

Et frustra muto nititur ore loqui : [vant,  
Fitque gravis, geminosque parit, qui compita ser-

Et vigilant nostra semper in æde, Lares. 616

PROXIMA cognati dixere Caristia cari,

Et venit ad socias turba propinqua dapes.

Scilicet a tumulis, et, qui periere, propinquis,

Protinus ad vivos ora referre juvat ; 620

Postque tot amissos, quidquid de sanguine restat,

Adspicere, et generis dinumerare gradus.

Innocui veniant : procul hinc, procul impius esto

Frater, et in partus mater acerba suos ;

cepitque sinu vasto, misitque sub  
annem." *Larcs* erant et publici et  
privati. Hi, *θεοὶ κατοικίδιοι*, ut in  
glossariis vocantur, tecta custodie-  
bant, illi vicos et itinera, unde *compita-  
tales* et *viales* dicti, cultique in *com-  
pitis*. Confer v. 139. Et *compita  
Larium* Romæ erant 265. auctore  
Plin. Hist. Nat. III. ix. p. 156. Hard.  
Compitalia et ludos Laribus primus  
instituit Servius Tullius ; Dionys. Hal.  
iv. 14 ; Plin. xxxvi. 70 : restituitque  
Tarquinius Superbus ; Macrob. i. Sat.  
7. *Vigilare*, ut *custodire*, de Diis tu-  
telaribus. *In æde*, id est in domo,  
quo sensu hic singularis Augusti ætate  
frequentabatur ; Horat. I. Od. xxx.  
4. Vide Vitruv. v. 1. Sic ergo noster  
locus vim omnium Larium, et publi-  
cam et privatam, complectitur. v. 135.  
de iisdem, *præsunt manibus Urbis* et  
paulo post, *servant domum*. Restant  
statuæ Laribus *pro salute et incolumi-  
tate domus* positæ.

617—638. Die xi. Kal. Mart. sive  
die xix. Febr. erant *Caristia*, quæ bre-  
viter et perspicue describuntur a Val-  
ler. Max. ii. 1 : "Convivium etiam  
solemne majores instituerunt, idque  
*Caristia* appellaverunt, cui præter

cognatos et affines nemo interponeba-  
tur : ut, si qua inter necessarios que-  
rela esset orta, apud sacra mensæ et  
inter hilaritatem animorum, factori-  
bus concordia adhibitis, tolleretur." Ovidius primum causam reddit, eam-  
que satis probabilem, cur post Feralia  
statim *Caristia* sint celebrata, et epi-  
theto *cari* originem nominis indicat.  
*Socias dapes* illustrat Heins. Sic *soci-  
ciare hospitia, mensas*, etc. *Sanguis*,  
gens. *Dinumerare*, numerare.

623 sqq. Quo animo celebrari de-  
beant. Bene utitur poeta formula,  
qua profani summoveri a sacris voce  
sacerdotis aut præconis solebant. *Im-  
pius* et *acerbus*, qui de morte aut cæde  
suorum cogitat. *Vivax*, qui alteri  
nimis diu vitam protrahere videtur.  
*Digerere*, ordinare, disponere. Sed  
nunc exprimit operam eorum, qui  
per numeros Babylonios sive rationes  
Chaldaicas ex horoscopo annum re-  
perire volunt, quo moritura sit mater :  
quod studium tunc vulgare. Tacit.  
Hist. i. 22 ; Ovid. Metam. i. 143 :  
"Filius ante diem patrios inquirat in  
annos." *Premere* de omni vexationis  
genere dicitur.

Cui pater est vivax, qui matris digerit annos, 625

Quæ premit invisam socrus iniqua nurum.

Tantalidæ fratres absint, et Iasonis uxor,

Et quæ ruricolis semina tosta dedit :

Et soror, et Procne, Tereusque duabus iniquus ;

Et quicumque suas per scelus auget opes. 630

Dis generis date tura bonis : Concordia fertur

Illo præcipue mitis adesse die.

Et libate dapes : ut grati pignus honoris

Nutriat incinctos missa patella Lares.

Jamque ubi suadebit placidos nox ultima somnos,

Parca precaturæ sumite vina manus, 636

627. Docte catalogum impiorum cognatorum, quos antiquitas habet, struit. *Tantalidæ fratres*, Atreus et Thyestes, Pelopis filii, Tantalii nepotes. De Medeæ in liberos impietate vide *Metam.* vii. 396. ibique not. *Ino*, Athamantis uxor, odio in Phrixum et Hellen, Athamanti ex Nebula natos, impulsa, ruricolis fruges tostas in sementem dedit, ne surgerent, et ut, quum penuria frugum esset, civitas tota interiret; *Hygin.* fab. 2. Latius hoc infra iii. 851 sqq. narratur. *Iniquus*, duriore sensu, crudelis. De illa crudelitate vide *Met.* vi. 412—676.

631. *Di boni*, ἀγαθοὶ δαίμονες, dicti sunt Genii et omnino Dii familiares aut domestici. Nunc ipsi Lares intel. quibus pro salute generis supplicabatur. Nonnulli *boni*, ut ad sacrificantes referatur. Hoc *Mitscherl.* recepit. Veteres etiam in conviviis ante, quam ipsi inciperent cibum potionemque capere, partem cœnæ Diis consecrabant. Hoc est *libare*, quod Græci pluribus verbis exprimebant; nam de liquoribus adhibebant σπίνδεν et λείβεν, de cibis ἀπάρχισθαι. Cibi reponebantur in *patella*, lance Diis propria. *Cic. Fin.* ii. 7: "ita non reli-

VOL. V.

giosi, ut edant de patella." Idem, *iv.* ver. 22. *patellam vocat* insigne penatium hospitaliumque Deorum." Illam cœnæ partem vocat *dapes*, quo nomine, Festo auctore, proprie religiosæ epulæ significantur. Etiam *Liv.* xxx. 43: "Inter pocula atque epulas, ubi libare Diis dapes, ubi bene precari mos esset." Dapes in patella positæ mittebantur ad focum, ut nutritent (vide supra ver. 566.) Lares, qui ibi, ut etiam ex monumentis apparet, stabant *incincti*, id est, succincti. Infra v. 217. *pictis incinctæ vestibus Horæ. Honores, τιμαί*, dicuntur etiam libationes et preces. *Æneid.* i. 736. "laticum libavit honorem."

635. *Nox ultima*, ultima noctis pars, attingens primam lucem. Eo usque sæpe protraherentur convivia, tam solemnia, quam familiaria; inprimis hæc Caristia, gentibus tam salutaria, sic extendi vult *Ovidius*. Satiatis edendo convivis, *vinum* apponebatur. Tum *libatio* facta domestica, *purco* vino in mensam aut terram effuso, et appellato numinum nomine, additis precibus, votis, etiam hymnis. Augusto libationes et publicæ et privatæ decretæ sunt. *Dio, LI.* xix. pag. 457.

O

Et, Bene nos, patriæ, bene te, pater, optime Cæsar,  
 Dicite, suffuso per sacra verba mero.  
 Nox ubi transierit, solito celebretur honore,  
 Separat indicio qui Deus arva suo. 640  
 Termine, sive lapis, sive es defossus in agro  
 Stipes ab antiquis, sic quoque numen habes.  
 Te duo diversa domini pro parte coronant;  
 Binaque sarta tibi, binaque liba ferunt.  
 Ara fit: huc ignem curto fert rustica testu 645  
 Sumtum de tepidis ipsa colona focis.  
 Ligna senex minuit, concisaque construit alte;  
 Et solida ramos figere pugnât humo.

Formulæ in hac re solennes, *Bene nos, bene vos, bene illum*, scilicet valere precor. Tibullus, II. i. 31: "Bene Messalam, sua quisque ad pocula dicat." Quamquam et dativ. addebatur; Plaut. Pers. v. 1: "Bene mihi bene vobis, bene amicæ meæ." Burm. dubitat, utrum h. l. *nos*, an quod alii habent, *vos* præferendum sit. Tum *nos* intelligit de voto pro salute populi. Equidem intelligo votum pro salute convivantis familiæ. Heins. qui *vos* præfert, id refert, ad salutem Larium. *Patriæ* cum *pater* iunge.

639—684. *Terminalia* Kalend. vii. Mart. Numa lapides poni iusserat in agrorum finibus, qui sacri essent Jovi Terminali, et sacra addiderat, quæ quotannis die stato ad illos lapides fierent; quin, publicos etiam agros terminis complexus erat; Dionys. ii. cap. 74. Confer Plutarch. Num. cap. 16. et Quæst. Rom. tom. vii. p. 83; Lactant. de Fals. Rel. I. xx. 37 sqq. Noster Deum ipsum, et latius ejus sacra describit, hymnum adjicit, constantiam ejus in resistendo celebrat, precesque ad eum fundit. Desinit in Terminum imperii Romani.

641. *Sive lapis*, etc.] Lactant. "la-

pidem colunt informem atque rudem, cui nomen est Terminus—qui Deus non tantum lapis, sed etiam stipes interdum est." Confer Tibul. I. i. 11. Hos ipsos Terminos Deos esse credebant; Dionys. θεοὺς ἡγούντας τοὺς τέρμους. Hinc additur *sic quoque*, etc. vilitas materiæ non impedit, quo minus numen habeas.

643. Sacra Termini diligenter et jucunde descripta. *Duo domini*, agrorum utrimque possessores, te coronant, uterque in parte agro suo obversa. In trifinio tres domini hunc honorem habebant Deo. *Libis* cultum esse Terminum etiam e Juvenal. Satir. xvi. 39. apparet. *Bina* Lenzius dictum putat pro, duo. In *testa ferri* solebant ignes aut carbones. Auct. ad Heren. iv. 6. "ipse a vicinis quum testa ambulans carbunculos corrogaret." Tum *curtum* frequens esse vasorum epitheton, exemplis docet Heinsius. Pro *testa* veteribus etiam *testu* in usu fuisse certum est. Vid. h. l. antiquiores Intt. *Tepidis*, scilicet ex igne hesternio.

647. Cf. cum sqq. infra v. 506; et Metam. viii. 641 sqq. Præverat Virgil. Æn. i. 174. *Minuit*, confringit,



Dum sicco primas irritat cortice flammæ,  
 Stat puer, et manibus lata canistra tenet. 650  
 Inde, ubi ter fruges medios immisit in ignes,  
 Porrigit incisos filia parva favos.  
 Vina tenent alii: libantur singula flammis;  
 Spectant, et linguis candida turba favent.  
 Spargitur et cæsa communis Terminus agna; 655  
 Nec queritur, lactens quum sibi porca datur.  
 Conveniunt, celebrantque dapes vicinia simplex;  
 Et cantant laudes, Termine sancte, tuas.  
 Tu populos, urbesque, et regna ingentia finis:  
 Omnis erit sine te litigiosus ager. 660  
 Nulla tibi ambitio est: nullo corrumpereis auro:  
 Legitima servas credita rura fide.

ut breviora sint. Heins. *ramos* intelligebat stipitem scilicet palum, qui pro termino esset. Immo stipes aut lapis jam adstabat; et nunc sacra describuntur, quæ ibi fiebant. *Rami*, ut jam Marsus vidit, sunt pali, quibus fixis congeries lignorum firmatur, ne dilabatur. Nisum senis *figentis* bene exprimit *pugnat*, cui sic infinit. additur, ut Metam. i. 685. *pugnat evincere*, ubi vide not. *Pugna* autem tali opus nunc erat, quia *solida* terra, non mollita fodiendo.

649. *Irritat flammæ*, eas suscitatur. Met. viii. 642. "foliisque et cortice sicco Nutrit et ad flammæ anima producit anili." Ut hic *lata*, sic Metam. dicto loco, *patula* canistra. Præter *πέδανος Δήμητρος*, liba Cerealia, offerebant Termine *καὶ ἄλλας τινὰς καρπῶν ἀπαρχάς*. *Filia parva favos*. Hæc forte expressa e Tibul. I. x. 23. Fuere, qui *porrigit* in *porricit* mutari vellent, quia *porrici* dicuntur, quæ aræ imposita dantur Deo; sed Hein-

sus monet, filiam patri porrexisse favos, ne paternas partes perperam occuparet. *Candida* veste paterfamilias cum suis inter sacra indutus; Tibul. II. i. 16. Cf. infra iv. 906.

655. Numa putaverat, Deum Terminalem, quum pacis custos esset et justitiæ præses, cæde purum esse debere: hinc noluerat ei animantia mactari. Itaque sacra ejus diu erant *ἀναίμακτα*; Plutarchus, Dionys. Sed post accessit agnæ et porcæ immolatio. Inde et Horat. Epod. ii. 53. "agna festis cæsa Terminalibus." *Conveniunt* ex Numæ instituto, qui jussit *θυσίας ἐπιτελεῖν ἅπαντας ἐπὶ τὸν τόπον συνερχομένων*. De *dapiibus* vide ad versum 362.

659. Tales hymnos Noster et alibi inseruit, ut Met. iv. 11. in Bacchum; et Metam. vii. 434. in Thesei laudem. *Finis*, finibus includis, fines regnorum signas. *Ambitio*, studium gratiæ colligendæ. *Legitimum*, legibus consentaneum, legibus constitutum.

Si tu signasses olim Thyreatida terram,  
 Corpora non leto missa trecenta forent ;  
 Nec foret Othryades congestis lectus in armis. 665  
 O quantum patriæ sanguinis ille dedit !  
 Quid, nova quum fierent Capitolia ? nempè Deorum  
 Cuncta Jovi cessit turba, locumque dedit.  
 Terminus, ut veteres memorant, conventus in æde  
 Restitit ; et magno cum Jove templa tenet. 670  
 Nunc quoque, se supra ne quid nisi sidera cernat,  
 Exiguum templi tecta foramen habent.  
 Termine, post illud levitas tibi libera non est :  
 Qua positus fueris in statione, mane.

663. Docte rem exemplo antiquo illustrat. *Thyreaticus* ager inter Argivum et Laconicum ad mare pertinens. Thucydid. ii. 27. Vicus aliis *Thyrea*, aliis *Thyræa* scribitur. Vide Intt. ad Thucydid. iv. 56. Incolæ *Thyreata*, monente Stephano de Urb. a quo et femin. *Thyreatis* memoratur. Thucydides modo *Thyreatida* terram vocat, modo Cynuriam, quia Thyrea pars Cynuriæ. Contentione de hujus agri finibus aliquando inter Argivos et Lacedæmonios orta, ex utroque populo *treceni* juvenes lecti sunt, qui armis de ea re decernerent. Ex eo prælio duo Argivi superstites fuere, Alcenor et Chromius, atque unus Lacedæmonius, *Othryades*. Illi Argos avolarunt, victoriam nuntiaturi ; hic mansit, spoliavitque occisos. Hinc, quum victoria ambigua esset, novum prælium commissum est, in quo vice-runt Lacedæmonii. *Othryades* antequam animam exhalaret, tropæo clypei hostilis inscripsit, digitis cruore oblitis : *Κατὰ Ἀργείων Ὀθρυάδης καὶ Λακεδαιμόνιοι*. Herodot. i. 82 ; Thuc. v. 41 ; Pausanias Corinth. p. 201. *Signare* similiter fere Metam. i.

136. “ Cautus humum longo signavit limite mensor.”

667. L. Tarquinius Priscus, ut vota solveret, quæ in postremo cum Sabinis prælio nuncupaverat, templum Jovi, Junoni et Minervæ extruere voluit, idque in monte Tarpeio, multis Deorum aris et sacellis occupato. Ut libera a cæteris religionibus area esset, exauguranda fana erant. Sed quum omnium exaugurationes admitterent aves, in *Termini* et *Juventutis* fanis non addixerunt. Hi soli nullis augurum precibus flecti potuerunt, ut loco cederent. Itaque eorum aræ templi ambitu comprehensæ sunt ; ut altera sita esset in Minervæ vestibulo, altera in ipso templo. Vide Dionysium, iii. 69 ; Liv. i. 55 ; Lactantium, de Fals. Rel. I. xx. 38. *Conventus*, quum ad eum convenissent augures. De lapide ejus in Jovis Capitolini templo, Servius ad Æn. ix. 448 : “ Unde in Capitolio superna pars tecti patet, quæ lapidem ipsum *Termini* spectat : nam *Termino* non nisi sub divo sacrificabatur.” Confer Lactantium, I. xx. 40.

673. *Post illud*, post illam constan-

Nec tu vicino quidquam concede roganti ; 675

Ne videare hominem præposuisse Jovi.

Et, seu vomeribus, seu tu pulsabere rastris,

Clamato : Meus est hic ager, ille tuus.

Est via, quæ populum Laurentes ducit in agros,

Quondam Dardanio regna petita duci. 680

Illac lanigeri pecoris tibi, Termine, fibris

Sacra videt fieri sextus ab urbe lapis.

Gentibus est aliis tellus data limite certo :

Romanæ spatium est urbis et orbis idem.

NUNC dicenda mihi regis fuga : traxit ab illa 685

Sextus ab extremo nomina mense dies.

Ultima Tarquinius Romanæ gentis habebat

Regna, vir injustus, fortis ad arma tamen.

tiam, qua in Capitolio restitisti. *Levitas* est ejus, qui facile sinit se moveri, facile cedit aliis. *Jovi*, quum Jovis templum moliretur Tarquinius. Erat lex Numæ : “ Qui terminum exarasit, ipsus et boveis sacrei sunt.” Erant tamen Horatii tempore, qui usque proximos revellerent agri terminos, et ultra limites clientium salirent; Od. II. xviii. 24. Hos terreri et coerceri a Termine vult Ovidius. In verbis *Ne videare*, etc. grave argumentum.

679. De finibus imperii antiquis et sacris ibi faciendis. *Dardanium ducem*, scil. *Æneam*, classe *Laurentem tenuisse agrum* vel ex Liv. i. l. constat. Vide Heynii Excur. iii. ad *Æn.* vii. Inter *quintum* et *sextum* viæ Laurentinæ lapidem olim fuisse imperii Romani fines narrat et Strabo, v. p. 357. ubi et hujus sacrificii mentionem facit. Sed usque ad tempora Augusti imperium Romanum immensis auctibus creverat. Hinc sæpe per *orbem terrarum* declarabatur. Noster pro imperio *urbem* nominat, ut verbis

*urbis et orbis* luderet. Lusit hic etiam Rutil. Itiner. i. 66. “ *Urbem fecisti, quod prius orbis erat,*” ex orbe terrarum unam civitatem fecisti, omnibus gentibus civitatis jure donatis.

686—852. *Regifugium.*] *Sextus*, ergo xxiv. Febr. Unus Hamb. *septimus*. Ex Kalend. Romano in ed. Mitscherl. Kalendas viii. Martias; Petavius in Dissert. ad Op. de Doctrina Temporum, v. 9. contendit illam fugam incidisse in *quintum* diem. Atque ita ex antiquissimo libro suo Neapol. edidit.

687. Tarquinius Ovidius notat, ut Liv. i. 53 : “ *Nec, ut injustus in pace rex, ita dux belli pravus fuit.*” Pro *ad arma* Heinsius malebat *in arma*. Sine causa. Post adjectiva *ad* eleganter ponitur pro, quod attinet ad. Secundum Dionys. Hal. iv. 49—53. Latinis, Hernicis et Volscis in societatem receptis, in Sabinos exercitum duxit, et, inde, vastatis hostium agris, in Pometinos, quorum urbem Suessam vi cepit, ejusque incolas, direptis bonis, partim interfecit, partim militibus in prædam concessit. Tum Sabinos

Ceperat hic alias, alias everterat urbes ;  
 Et Gabios turpi fecerat arte suos. 690  
 Namque trium minimus, proles manifesta Superbi,  
 In medios hostes nocte silente venit.  
 Nudarant gladios : occidite, dixit, inermem.  
 Hoc cupiant fratres, Tarquiniusque pater,  
 Qui mea crudeli laceravit verbere terga ; 695  
 Dicere ut hoc posset, verbera passus erat.  
 Luna fuit : spectant juvenem, gladiosque recondunt,  
 Tergaque, deducta veste, notata vident :  
 Flent quoque, et, ut secum tueatur bella, precantur.  
 Callidus ignaris annuit ille viris. 700  
 Jamque potens, misso genitorem appellat amico,  
 Prodendi Gabios, quod sibi monstret iter ?

eo redegit, ut urbes suas sponte dederent. Denique in agros Volscorum multas excursions fecit. Hæc Ovidius sic complectitur, *Ceperat alias, alias everterat urbes*, in quibus *evertere* urgere nolim, præsertim quum. h. v ut Græcum *καταστρέφεισθαι*, etiam latiore sensu dicatur. MSS. Naug. Erford. et unus Vatic. *averterat*, quod Heinsius vel furari, furto occupare, vel aversas sibi reddere interpretabatur. Regii, *everterat*. LEM.

690. *Gabii*, urbs Latini nominis, Albanorum colonia, ab urbe centum stadia distans, de cujus amplitudine Dionys. iv. 53. Eam, nequidquam vi adortus, quum obsidendi quoque spes adempta esset "postremo minime arte Romana, fraude ac dolo, aggressus est." Liv. i. 53. *Minimus*, Sextus Tarq. Dionys. maximum vocat. *Proles manifesta*, moribus patris similitudinem referens.

693. Cum his cf. verba ejusdem juvenis apud Livium, ubi plura ad Gabinos movendos et decipiendos apta ; sed nihil de *verberibus*, quæ tamen

et a Dionys. atque Floro, i. 7. commemorantur. Dissidium a patre de bello finiendo simulaverat, atque virginis se cædi in foro passus erat. Conjunctivus *cupiant*, quem Petav. Francof. et tres alii exhibent, melius se habet, quam vulg. *cupiunt*. Sino in simili fraude, *Æn.* ii. 104 : "Jamdudum sumite pœnas : Hoc Ithacus velit, et magno mercentur Atridæ." Cf. et infra iv. 890.

698. De voce *deducere* vide ad *Metam.* iii. 480. *Nota*, cicatrices, quæ in cute discrepta manent. Horat. I. Od. xiii. 12 ; Tibullus, IV. iii. 10. "hamatis crura notare rubis." *Fletus* ille parum decet armatos hostes, inter quos Sextus eloquitur. *Ut secum tueatur bella*, ut se adjuvet in bello fortiter gerendo et continuando. Livius, xxiii. 38. "pecunia ad classem tuendam bellumque Macedonicum decreta."

701. Liv. cap. 54. "tanta caritate erat, ut non pater Tarquinius potentior Romæ, quam filius Gabii esset." Noster *amicum* nominat, Dionysius

Hortus odoratis suberat cultissimus herbis,  
 Sectus humum rivo lene sonantis aquæ.  
 Illic Tarquinius mandata latentia nati 705  
 Accipit, et virga lilia summa metit.  
 Nuntius ut rediit, decussaque lilia dixit,  
 Filius, agnosco jussa parentis, ait.  
 Nec mora, principibus cæsis ex urbe Gabina,  
 Traduntur ducibus mœnia nuda suis. 710  
 Ecce, nefas visu, mediis altaribus anguis  
 Exit, et exstinctis ignibus exta rapit.  
 Consultitur Phœbus: sors est ita reddita: Matri  
 Qui dederit princeps oscula, victor erit.  
 Oscula quisque suæ matri properata tulerunt, 715  
 Non intellecto credula turba Deo.

famulum, τῶν θεραπόντων τινά. *Appellat* alterum, qui cum eo agit, ab eo auxilium petit, eum rogat.

703. Hunc *hortum* ex ingenio sic exornavit Ovidius e præcepto illo, "irriguumque bibant violaria fontem." Tum papaveribus *lilia* substituit. *Secans* rivus irrigare melius hortum potest, quam *sepiens*. *Lene*, leniter, ut *dulce videns*. Horatius, I. Od. i. 22. eodem sensu, "aquæ lene caput." *Illic accipit*. Secundum historicos illuc traduxit nuntium. *Latentia*, arcana. *Lilia summa metit*. Sic tacitis ambagibus respondet. Dionysius comparat simile Thrasybuli Milesii factum. *Agnosco*, intelligo. *Nuda ducibus*. Livius "orba consilio auxilique."

711. De hoc prodigio cf. i. 56. Pertinet ad consilium poetæ propter Apollinis responsum et Brutum. Pestis causa pueros regios missos esse Dionys. iv. 69. narrat. *Anguis* Livio auctore e lignea columna exiit. *An-*

*guis* adspectus in ædibus aut in itinere triste prodigium: Schwarz. v. ad Theophrast. 16. Hinc *nefas visu*, et apud Livium, "portentum terribile," quod terrorem fugamque in regiam fecerit, dignumque habitum sit, de quo Delphicus adeo Apollo consulere-tur. Ovid. tria tristia addidit, altaria, exta rapta, ignem exstinctum. Errat Krebsius, quum docere vult, serpentem hunc exta rapientem eximium bonum portendisse. Narrationibus prodigiorum et alibi *ecce* præmitti solet, ut Virg. Æneid. ii. 203.

713. Ovidius nimio brevitatis studio obscurus, aut falsus adeo factus est. Perfectis patris mandatis, regii juvenes sciscitantur, ad quem eorum regnum sit venturum. Tum demum hoc, quod sequitur, responsum redditur. Eo moti apud Livium constituunt rem sorti permittere; apud Dionys. ambo simul osculari matrem. *Properata*, propere. *Turba* de duobus.

Brutus erat stulti sapiens imitator, ut esset  
 Tutus ab insidiis, dire Superbe, tuis.  
 Ille tacens, pronus matri dedit oscula Terræ,  
 Creditus offenso procubuisse pede. 720  
 Cingitur interea Romanis Ardea signis,  
 Et patitur lentas obsidione moras.  
 Dum vacat, et metuunt hostes committere pug-  
 Luditur in castris: otia miles agit. [nam,  
 Tarquinius juvenis socios dapibusque meroque 725  
 Accipit, atque illis rege creatus ait:  
 Dum nos difficilis pigro tenet Ardea bello,  
 Nec sinit ad patrios arma referre Deos:

717. *L. Junius Brutus* Tarquinia, regis sorore, natus, quum fratrem suum una cum primoribus civitatis ab avunculo interfectum audivisset, contemptu *tutus ab insidiis* esse voluit. Ergo de industria *stulti* simulationem induit, se suaque prædæ esse regi passus est, neque *Bruti* (stupidi) cognomen abnuit; Liv. et Dionys. *Superbus* hic spectatur, ut nomen proprium. Etiam Livius, ii. 1: "Superbo exacto rege." *Pronus*, prolapsus facie humum, vel quum exisset e templo, vel Italiam ingressus. Dionys. d. 1. *Tacens* simulationi *Bruti* bene convenire videtur Burm.

721. Propius accedit ad regifugium. De *Ardeæ*, urbis Rutulorum, obsidione cf. Dionys. iv. 64; Livius, i. 57. *Cingitur* obsidione, postquam primo impetu capi non potuit. Inde *lentum* magis, scil. longum, quam acre bellum. De voc. *lentus* vide Bent. ad Horat. I. Ep. i. 21. *Vacat*, quies est. *Ludere* de rebus non seriis, quæ fiunt temporis fallendi causa. Livius, "Regii juvenes interdum otium conviviis comessionibusque inter se terebant." Tum iter eorum, quod noctu Romam

et Collatiam fecerant, *nocturnum ludum* vocat.

725. De hoc convivio, certamine ibi accenso, itinereque communi nihil habet Dionys. *Socios*, sodales. *Accipit*, ut sæpe. *Atque illis*. Olim edeb. *ex illis*: tum Heinsius corrigi volebat, *juvenes socios*, ut Tarquinius pater juvenes convivio exceperisset, atque ex illis juvenibus Sextus, *rege creatus*, sermonem intulisse narraretur. Sed hoc adversatur Livio, apud quem, "Forte potantibus his apud Sextum Tarquinium, ubi et Collatinus cœnabat," etc.

727. Livius tantum: "incidit de uxoribus mentio." Ovidius definit, qualis illa fuerit. *Difficilis*, scilicet aditu, expugnatu. *Pigrum*, longum. Horat. I. Ep. i. 21. "ut piger annus pupillis. *Socialis*, conjugalis. Ipsæ uxores intell. *In officio est*. Liv. viii. 19: "Fundanos in officio esse," in fide, fideles; Trist. V. xiv. 26. "nihil officio, nupta, quod obstat, habet." *Cura* dicitur, et is, qui amatur. Eodem sensu Cæsar, in Bello Alex. *mutuum sentire*. LEM.

Ecquid in officio torus est socialis? et ecquid  
 Conjugibus nostris mutua cura sumus? 730  
 Quisque suam laudant: studiis certamina cres-  
 Et fervent multo linguaque corque mero. [cunt;  
 Surgit, cui clarum dederat Collatia nomen;  
 Non opus est verbis, credite rebus, ait.  
 Nox superest: tollamur equis, urbemque petamus.  
 Dicta placent: frenis impediuntur equi. 736  
 Pertulerant dominos: regalia protinus illi  
 Tecta petunt; custos in fore nullus erat.  
 Ecce nurum regis fuis per colla coronis  
 Inveniunt posito pervigilare mero. 740  
 Inde cito passu petitur Lucretia; nebat:  
 Ante torum calathi, lanaque mollis erant.

731. *Studia* eorum sunt, qui favent alicui, ejusque causam fortiter agunt. Livius, xxix. 19. "accensis studiis pro Scipione." *Fervent*, etc. incaluerant et sermonibus et animo. *Surgit* optime de eo, qui calidus iter illico faciendum suadere vult: is ante omnes surgere solet. *Collatia* Sabinis a Tarquinio Prisco adempta; Egerius, cujus filius hic *Collatinus*, in præsidio ibi relictus est; Liv. i. 34. et 38. Inde *Collatini* cognomen ei inditum, Dionys. iv. 64. quod hac ipsa rerum commutatione *inclaruit*. Mentem Collatini multo apertius declaravit Livius, "paucis id quidem horis posse sciri, quantum cæteris præstet Lucretia sua. Quin conscendimus equos, invisimusque præsentis nostrarum ingenia? Id cuique spectatissimum sit, quod nec opinato viri adventu occurrerit oculis." *Tollamur equis*, avehamur equis.

736. *Frenis impedire equos*, pro vulgari, frena addere equis. Dictum, ut *comas impedire sertis*. *Custos*, janitor, cujus erat custodire et servare domum. *Viris gravibus laudi duce-*

*batur*, custode tali carere; *Sagittarius* de Januis, p. 95. Sed nunc absentia ejus effecta erat luxu, quo omnia in regia miscebantur. *Convivium*, quo nurus regis tempus cum æqualibus terebat, invidiose notatum *mero*; vini enim usus mulieribus Romanis interdictus erat. Ac illæ quidem, genium suum placaturæ, *coronas*, adeo sumserant, quæ coercere comas solebant, sed in ebriis *fundebantur*, solutæ delabebantur *per colla*. *Fusus* de rebus negligenter dependentibus dicitur. Multi non *coronis* habent, sed *capillis*, quod Modio placebat. Sed *fuis capillis*, quod et Burm. monet, domi esse vel castissimæ solebant, ut ver. 772. ipsa Lucretia.

741. *Nebat*.] Bene sic uno verbo indicat, qualem invenerint Lucretiam. Plura habet Livius, sed singula cum pondere, "nocte sera deditam lanæ inter lucubrantes ancillas in medio ædium sedentem inveniunt." De *calathis*, in quibus *pensa* sua reponebant lanificæ, dictum ad Metam. iv. 10.

Lumen ad exiguum famulæ data pensa trahebant ;

Inter quas tenui sic ait ipsa sono :

Mittenda est domino, nunc nunc properate, puellæ,

Quamprimum nostra facta lacerna manu. 746

Quid tamen audistis ? nam plura audire soletis.

Quantum de bello dicitur esse super ?

Post modo victa cades : melioribus, Ardea, restas,

Improba, quæ nostros cogis abesse viros. 750

Sint tantum reduces : sed enim temerarius ille

Est meus ; et stricto quolibet ense ruit.

Mens abit, et morior, quoties pugnantis imago

Me subit : et gelidum pectora frigus habet.

Desinit in lacrymas, intentaque fila remittit, 755

In gremio vultum deposuitque suum.

Hoc ipsum decuit : lacrymæ decuere pudicam ;

Et facies animo dignaque parque fuit.

Pone metum, venio, conjux ait : illa revixit ;

Deque viri collo dulce pendit onus. 760

744. Sequitur ingeniosum figmentum. *Tenuis* est vox muliebris : Met. ii. 373. *Cycno* in avem transeunti virilis vox *tenuata* est. Cicer. Or. iii. 11. *mollis* illa vox vocatur. *Lacerna*, qua muniretur in castris adversus frigora et imbres. Etiam Propert. IV. iii. 33. mulier scribit : "Noctibus hibernis castrensia pensa laboro." Bene ancillarum mores notant illa, *nam plura audire soletis*.

749. Sensum horum verborum Burmannus bene constituit : Certo cades postea ; sed mora me cruciat, per quam viro careo ; *restas*, resistis, fortioribus. *Ille* cum vi dictum ; is, cuius temeritas satis nota. Sed in verb. sequenti Heins. et Burm. dissentiunt. Ille præfert *furit* e conjectura sua, quod verbum passim, etiam addito voc. *ense*, de strenuis bellatoribus oc-

currit ; hic verb. *ruit* melius τῷ *quolibet* convenire monet, et *ruere* proprie temerariorum. Bene. *Mens abit* perturbatis animo. Metam. iv. 175. "mens excidit." *Pugnantis imago me subit*, pugnantem cogito. *Subeunt*, quæ oriuntur in animo.

757. *Decus* illud Noster passim notavit Met. iv. 230 : "Ipse timor decuit," et ver. 330 : "Sed et erubuisse decebat." Vide ad Met. viii. 25. Post *decuit* igitur cum vi additur, *lacrymæ decuere pudicam*. Propter decus in flendo *facies digna* erat animo. Hæc optime inter se cohærent.

759. Repente se prodit vir, qui adhuc latens cum comitibus verba conjugis amantia audiverat. Ita et dictis et factis constabat, quantum Lucretia præstaret cæteris.



Interea juvenis furiales regius ignes

Concipit, et cæco raptus amore furit.

Forma placet, niveusque color, flavique capilli,

Quique aderat nulla factus ab arte decor.

Verba placent, et vox, et quod corrumpere non est :

Quoque minor spes est, hoc magis ille cupit. 766

Jam dederat cantum lucis prænuntius ales,

Quum referunt juvenes in sua castra pedem.

Carpitur attonitos absentis imagine sensus

Ille : recordanti plura magisque placent. 770

Sic sedit : sic culta fuit : sic stamina nevit :

Neglectæ collo sic jacuere comæ.

Hos habuit vultus : hæc illi verba fuere :

Hic decor, hæc facies, hic color oris erat.

Ut solet a magno fluctus languescere flatu ; 775

Sed tamen a vento, qui fuit, unda tumet :

761. Exornat usque ad ver. 779. quod Livius tenuit narrat : " Ibi Sextum Tarquinius mala libido Lucretiæ per vim stuprandæ capit : tum forma, tum spectata castitas incitat." Malam illam libidinem Noster graviter *furiales ignes* vocat. *Raptus* istis ignibus melius convenit, quam *captus* aliorum.

763. Forma hujus matronæ pendet a criticorum judicio. Namque 1<sup>o</sup> pro *niveusque* unus Vatic. *vivensque* ; hinc Heins. suadebat *vivusque* ; equidem nihil muto. 2<sup>o</sup>. *Flavi capilli* non placent Burm. quia meretriculis et libidinosi mulieribus a poetis adscribantur ; itaque mavult cum uno cod. Heins. *nigrisque capilli*, ut ita niveo oris color capilli nigri juncti efficiant emendatissimæ formæ decus. Papæ ! Ovidius tamen et pudicis *flavos* capillos tribuit ; infra v. 609. Europæ " *flavi capilli* ;" Heroid. v. 122. Cænone ipsa " *flaventes comas* " suas jactat." 3<sup>o</sup>. *Decorem* Neapolis ad

ruborem refert, qui non fuerit a fæco et pigmento, sed naturalis. Et plures MSS. habent *color*. Sed *decor*, qui mox ver. 774. a vultu, facie, colore diserte distinguitur, in habitu, gestu, motu corporis cernitur. Vide Bentl. ad Horat. IV. Od. xiii. 17. ubi *color* et *decens motus*. Hic quoque *decor artibus* comparabatur. Vide Art. Amat. iii. 257 sqq. *Quod corrumpere non est*, scilicet, pudor. Lenzius : placet in ea id, quod se corrumpi non patitur.

767. *Cantum dare*, *cantum edere*, ut Tibull. III. iv. 40. Gallus cantu suo " *evocare Auroram* " dicitur Metam. xi. 598. Mox vis phantasie et impuræ libidinis verissime notatur. *Carpi amore* aut *igne* formula obvia. Eandem vim *carpendi* habebat etiam *imago*, cogitatio mulieris amatæ. Etiam Remed. 723. imagine muta carpi."

775. *A flatu*, post flatum. Hanc similitudinem non vulgarem illustrat Gellius, Noct. Att. ii. 30. ubi de au-

Sic, quamvis aberat placitæ præsentia formæ,  
 Quem dederat præsens forma, manebat amor.  
 Ardet; et injusti stimulis agitatus amoris,  
 Comparat indigno vimque metumque toro. 780  
 Exitus in dubio est: audebimus ultima, dixit;  
 Viderit, audentes forsne Deusne juvet.  
 Cepimus audendo Gabios quoque. Talia fatus,  
 Ense latus cingit; tergaque pressit equi.  
 Accipit ærata juvenem Collatia porta, 785  
 Condere jam vultus sole parante suos.  
 Hostis, ut hospes, init penetralia Collatini:  
 Comiter excipitur: sanguine junctus erat.  
 Quantum animis erroris inest! parat inscia rerum  
 Infelix epulas hostibus illa suis. 790  
 Functus erat dapibus: poscunt sua tempora somni:  
 Nox erat, et tota lumina nulla domo.  
 Surgit, et auratum vagina liberat ensem;  
 Et venit in thalamos, nupta pudica, tuos.

stro vel africo: "Quibus jam nihil spirantibus undæ tamen factæ diutius tument, et a vento quidem jamdudum tranquillæ sunt, sed mare est etiam atque etiam undabundum."

779. Liv. i. 59. hoc ipsum Tarquinii facinus *regiam injuriam* vocat. *Comparat*, parat. *Indigno*, qui talia non merebatur. Paulo post volebat dicere, audentibus omnia succedunt. Vulgo successum illum *Fortunæ* tribuebant, *fortes Fortuna juvat*: Sexto perinde est, quis hoc faciat, *Forsne Deusne*. *Viderit* vox ejus, qui curam rei in alium rejicit. Vide Heinsium ad I. ex Ponto, ii. 9.

785. *Accipit* nos locus, quem ingredimur. *Ærata*, ære obducta. *Hostis, ut hospes*. Hic lusus, in quo vis inest, placuit etiam Livio, qui "hostis pro hospite mihi sibi que, etc." *Collatini*

Heins. unius Medic. auctoritate in *Collatina* mutavit, quia et Virg. *Æn.* vi. 744; "Collatinas arces" dixit. At Virg. totam urbem intellexit, Nos ter unius Collatini domum. *Sanguine junctus*. Egerius, Collatini pater, frater Tarquinii Prisci fuerat, cujus nepos Sextus Tarquinius.

793. Tam hic, quam *Metam.* vi. 551. alii MSS. habent *deripit ensem*. Sed nunc sermo non est de vehemente impetu. In verbis Sexti Liv. hæc habet: "Sextus Tarquinius sum." Pro iis Ovid. *Tarquiniusque* vel *vocor*, vel e lect. Pembroc. Reg. Petav. et aliorum, quam Burmannus recepit, *loquor*; quæ duo eodem sensu capi possunt. Burm. tamen vim quærit in voce *loquor*: Sextum, ut vim adderet verbis, dixisse sublata insolentius voce, se loqui, Tarquinium et

Utque torum pressit: Ferrum, Lucretia, mecum est,  
Natus, ait, regis, Tarquiniusque loquor. 796

Illa nihil: neque enim vocem, viresque loquendi,  
Aut aliquid toto pectore mentis habet.

Sed tremit, ut quondam stabulis deprensa relictis  
Parva sub infesto quum jacet agna lupo. 800

Quid faciat? pugnet? vincetur femina pugna:

Clamet? at in dextra, qui necet, ensis adest:

Effugiat? positis urgentur pectora palmis,

Nunc primum externa pectora tacta manu. 804

Instat amans hostis precibus, pretioque, minisque:

Nec prece, nec pretio, nec movet ille minis.

Nil agis; eripiam, dixit, pro crimine vitam:

Falsus adulterii testis adulter erit:

Interimam famulum, cum quo deprensa fereris.

Succubuit famæ victa puella metu. 810

filiu regis. Apud Dionys. juvenis libidine accensus inepte in longiorem orationem excurrit.

797. Livius: "Pavida ex somno mulier." *Mens*, sensus. *Metam.* iii. 628. is cui guttur pugno ruptum, hæret aliquamdiu *amens*, post *redeunt in pectora sensus*. In similitudine *quondam* est id quod, fere. Eadem autem similitudo *Metam.* vi. 527.

801. Nullam opem videbat, nullum salutis remedium. Id deliberatione quadam bene describitur. *Pugnet*. Callisto "quidem contra, quantum modo femina possit, pugnat: sed quæ superare puella, Quisve Jovem poterat;" *Metam.* ii. 434. *Positis*, etc. Liv. "sinistraque manu mulieris pectore oppresso." *Externa*, viri alieni.

805. *Instat*, etc.] Sic et Liv. *Nil agis*, frustra adversaris. *Pro crimine*, ut causam habeam criminandi, te ac-

cusandi. Nisi malis, tamquam crimen admisisses. *Sabin.* i. 79: Tyn-daris has illi læso pro fœdere pœnas Struxerat." Heins. præferebat vulg. *per crimina*. Burman. objicit, hoc fore sceleste, nefarie vitam eripere. Itaque e pluribus libris alterum recepit, et præterea *sub crimine* conjicit. *Falsus*, fictus, simulatus, ut passim in *Metam.* Verba Livii apertius et ad terrendum gravius etiam Sexti mentem declarant: "Cum mortua jugulatum servum nudum positurum ait, ut in sordido adulterio necata dicatur."

810. *Victrix libido* etiam apud Liv. *Nor* de concubitu. *Hæc te*, etc. Talia minari solent injuriam passi. Nunc poeta eadem vaticinatur. *Passi*, id est, soluti et circa collum fluentes capilli signum erant luctus, in mulieribus potissimum. *Heroid.* x. 187. Vide Kirchm. de Funer. pag. 200.

Quid, victor, gaudes? hæc te victoria perdet :

Heu quanto regnis nox stetit una tuis!

Jamque erat orta dies : passis sedet illa capillis,

Ut solet ad nati mater itura rogam :

Grandævumque patrem fido cum conjuge castris

Evocat ; et posita venit uterque mœra. 816

Utque vident habitum, quæ luctus causa, requi-

Cui paret exsequias, quove sit icta malo? [runt ;

Illa diu reticet, pudibundaque celat amictu

Ora : fluunt lacrymæ, more perennis aquæ. 820

Hinc pater, hinc conjux lacrymas solantur ; et orant,

Indicet : et cæco flentque paventque metu.

Ter conata loqui, ter destitit : ausaque quarto,

Non oculos adeo sustulit illa suos.

Hoc quoque Tarquinio debebimus? eloquar, inquit,

Eloquar infelix dedecus ipsa meum. 826

Quæque potest narrat : restabant ultima ; flevit,

Et matronales erubuere genæ.

Dant veniam facto genitor conjuxque coacto.

Quam, dixit, veniam vos datis, ipsa nego. 830

815. *Patrem* Roma evocavit, auctore Livio. Apud Dionys. ipsa carpento vehitur Romam ad patrem. *Evocat*, qui aliquem aliunde ad se venire jubet. *Icta*, percussa, percussa. *Lacrymas* verbo attingit Livius, qui multo melius animum et affectum mulieris generosæ descripsit. Etenim mulierem nil nisi lacrymantem et res turpes eloqui dubitantem, tum viros lacrymantem solantes notare quis non valet? Ineptior etiam inducitur a Dionys. Halic. Tales ineptiæ facillime sentiuntur comparatione cum exemplo illustri instituta.

821. *Lacrymas solari*, consolari la-

crymas fundentem, bona locutio. *Cæcus*, cujus causa latet.

825. *Hoc* Neapol. inte!. stuprum illatum; Constant. Fanens. et Burman. vero eloquium illius dedecoris. *Hoc*, quod cogor ipsa dedecus meum eloqui. Minus verecunda est apud Dionys. ubi λέγει ἅπαν τὸ πρᾶγμα, ἢ ἀρχῆς ἀναλαβοῦσα. Apud Liv. eloquitur, quæ scire opus erat: "Vestigia viri alieni, Collatine, in lecto sunt tuo—Sextus est Tarquinius, qui hostis pro hospite," etc.

829. *Dant veniam*, etc.] Melius consolantur ægram animi, avertendo noxam ab coacta in auctorem delicti : mentem peccare, non corpus.

Nec mora ; celato figit sua pectora ferro ;  
 Et cadit in patrios sanguinolenta pedes.  
 Tunc quoque jam moriens, ne non procumbat ho-  
 Respicit : hæc etiam cura cadentis erat. [neste,  
 Ecce super corpus communia damna gementes,  
 Obliti decoris, virque paterque jacent. 836  
 Brutus adest ; tandemque animo sua nomina fallit ;  
 Fixaque semanimi corpore tela rapit ;  
 Stillantemque tenens generoso sanguine cultrum,  
 Edidit impavidos ore minante sonos : 840  
 Per tibi ego hunc juro fortem castumque cruorem,  
 Perque tuos Manes, qui mihi numen erunt ;  
 Tarquinius pœnas profuga cum stirpe daturum.  
 Jam satis est virtus dissimulata diu.  
 Illa jacens ad verba oculos sine lumine movit ; 845  
 Visaque concussa dicta probare coma.  
 Fertur in exsequias animi matrona virilis ;  
 Et secum lacrymas invidiamque trahit.

832. *In pedes*, pro ad pedes. *Honeste*, decenter, εὐσχημόνως. Julius Cæsar, quum interficeretur, "sinum ad ima crura deduxit, quo honestius caderet." Præeunte Eurip. Hec. 568. veteres passim hanc cadentium curam notarunt, ut ad Metam. iii. 479. et ad Plin. IV. Ep. xi. 9. jam monuimus. Poterat igitur, ut res trita, nunc omitti.

837. *Nomen Bruti*, sive stupidi, quod ei per contemptum inditum erat, et cujus vim adhuc simulando expresserat, nunc tandem *fallit animo*, consilio ac virtute ostendit, se esse ingenio longe alio. Hinc cæteri stupebant, "unde novum in Bruti pectore ingenium."

841. *Per tibi ego.*] In obstationibus et juramenti sæpe hic ordo verborum perturbatus reperitur. Virg.

Æn. iv. 314: "Per ego has lacrymas." Liv. xxiii. 9: "Per ego te, fili, quæcumque jura," etc. *Virtus dissimulata*, celata, quia Brutus tyranni metu se stultum simulaverat. LEM.

845. *Sine lumine* id quod morte gravatos, per quos jam nihil cernebat. *Concussa coma* approbat, ut Jupiter apud Homer. Sed inepte hunc lusum, aut hoc figmentum huic tali narrationi subjectum arbitror. Melius Metam. i. 566. de Daphne in laurum mutata simile figmentum additum.

847. *Fertur in exsequias* pro, *effertur*. Scaliger conjicit *Exsequias fertur*, ut dictum sit quemadmodum *exsequias ire*. *Secum invidiam et lacrymas trahit*, quatenus ii, qui adsunt, lacrymas fundunt, *invidiamque*, odio, exardescunt in Tarquinium. Pro se

Vulnus inane patet: Brutus clamore Quirites  
 Concitat, et regis facta nefanda refert. 850  
 Tarquinius cum prole fugit: capit annua consul  
 Jura: dies regnis illa suprema fuit.  
 FALLIMUR? an veris prænuntia venit hirundo,  
 Et metuit, ne qua versa recurrat hiems?  
 Sæpe tamen, Procne, nimium properasse que-  
 reris?  
 Virque tuo Tereus frigore lætus erit. 856  
 JAMQUE duæ restant noctes de mense secundo,  
 Marsque suos junctis curribus urget equos.  
 Ex vero positum permansit Equiria nomen,  
 Quæ Deus in campo prospicit ipse suo. 860

quisque scelus regium ac vim queruntur. *Inane*, apertum. Hoc in foro omnibus conspiciendum præbatur. *Annua jura*, annuum imperium. Etiam Liv. novam civitatis formam per *annuos magistratus* declarat: et, quum concules omnia jura, omnia insignia regis tenerent, diserte monet ii. l. libertatem in eo fuisse, quod *annuum* imperium consulare fuerit. *Dies suprema* fuit ann. U. C. 244.

853. *Hirundinis reditus*.] Columel. xi. 2. ad diem Kal. vii. Mart. hirundinem conspici ait. Plin. ii. 47: "Favonium quidam a. d. Kal. viii. Mart. Chelidoniæ vocant ab hirundinis visu." Vocatur *veris prænuntia*; Ælianus, Hist. Anim. i. 52. τῆς ὥρας τῆς ἀρίστης ὑποσημαίνει τὴν ἐπιδημίαν; Oppian. Halieut. iii. 244. εἰαρινὴ Ζεφύρου πρωτᾶγγελος ὄρνις; Horat. I. Epist. vii. 13. vernum tempus indicatur: "Cum Zephyris et hirundine prima." Favonii secundum Columel. die septimo, secundum Plin. sexto ante Februarias Idus spirare incipiebant, et mollire hibernum cælum. Is dies igitur principium habe-

batur veris. Sed quoniam molliti cœli vis serius sentiebatur, hirundo poterat veris *prænuntia* vocari. Ad finem etiam vergente Februario, *hiems* identidem *recurrerebat*, et Kal. Mart. demum cedebat. iii. 235. *Qua*, qua parte. Hirundines interdum damno suo reditum *properant*. Plin. xviii. 57: "Notatum est, advenas volucres ad diem." Kal. vi. Febr. "spem veris attulisse, mox sævissima hieme conflictatas." De *Procne*, *Terei*, regis Thraciæ, uxore in hirundinem mutata, vide Metam. vi. 425 sqq. *Progne* deterior scriptura est, quam tamen h. l. omnes libri tuentur. Est verior *Πρόκνη Procne*. Vide Heins. ad Metam. d. l.

857. *Equiria* Kal. iii. Mart. scilicet die 27 Febr. De iis Festus: "Equiria, Iudi, quos Romulus Marti instituit per equorum cursum, qui in campo Martio exercebantur." *Ex vero*, ex re ipsa. *Tua tempora*, mensis a te dictus. *Locum poscunt*, volunt jam a me cani, exacto mense Februario.

Jure venis, Gradive ; locum tua tempora poscunt :  
Signatusque tuo nomine mensis adest.  
Venimus in portum, libro cum mense peracto :  
Naviget hinc alia jam mihi linter aqua.

## LIBRI TERTII

### ARGUMENTUM.

Invocatio Martis, 1—8. Romuli et Remi fortuna inde a natalibus usque ad urbis initia; Martis cultus; Martii mensis nomen, 9—86. De ordine hujus mensis apud varios populos, 87—98. De numero mensium apud priscos Romanos, et de auctione eorum per Numam; tum de Cæsaris anno solari, 99—166. Matronalia, quorum descriptioni raptus Sabinarum insertus, et verni temporis vis, 167—258. Saliorum origo et festum; ancile de cælo delapsum, 259—308. Occasus alterius piscis, 399—402. Arctophylacis occasus et Vindemitoris ortus, 403—414. Vestæ sacra et Augusti Pontificatus, 415—428. Vejovis ædes dedicata, 429—448. Pegasi collum oritur, 449—458. Ortus Coronæ, Thesei et Ariadnes fabula, 459—516. Altera Equiria, 517—522. Annæ Perennæ sacra; Dido et Anna, et hujus adventus in Latio; secessio populi Romani, 523—696. Nex Julio Cæsari illata, 697—710. Scorpii medii occasus, 711, 712. Liberalium origo et ritus, in quibus solemnia togæ virilis; tum Bacchi laudes, 713—790. Processio ad Argeos, 791, 792. Milvi sideris origo et quædam ex Titanomachia, 793—808. Quinquatria Minervæ, 809—850. Solis ingressus in Arietem; Phixi et Helles fabula, 851—876. Æquinoctium vernum, 877—878. Festum Jani, Salutis, Concordiæ, Pacis, 879—882. Lunæ cultus in Aventino, 883, 884.



PUBLII OVIDII NASONIS

FASTORUM

LIBER TERTIUS.

**BELLICE**, depositis clypeo paulisper et hasta,  
Mars, ades; et nitidas casside solve comas.  
Forsitan ipse roges, quid sit cum Marte poetæ:  
A te, qui canitur, nomina mensis habet.  
Ipse vides manibus peragi fera bella Minervæ: 5  
Num minus ingenuis artibus illa vacat?  
Palladis exemplo, ponendæ tempora sume  
Cupidis: invenies et quod inermis agas. [dos  
Tum quoque inermis eras, quum te Romana sacer-  
Cepit, ut huic urbi semina digna dares. 10

1—8. *Martis invocatio.*] Ut libri i. et iv. initia Jani et Veneris laudibus dedit, sic nunc, Martium mensem describere aggrediens, *Martem*, qui modo advenerat ii. 861. appellat, quamquam Deum poetis alienum, comparatione cum *Minerva* commode facta. Pacis opus tractanti dum Mars adest, ut *deponat* arma rogatur, quod idem et *respirationis* causa facit; Statius Theb. vii. 10. Confer infra ver. 171. ubi ex parte paret precibus poetæ. *A te*, etc. non docet Martem, unde mensis nomen habeat, sed hoc sibi vult: adsis mihi, hoc enim jam ago, ut mensem a te dictum canam. *Manibus*, virtute et armis. Vide Cort. ad Sallust. Jug. xxxix. 1. *Sumere tempora* bona locutio, de qua Vorstius, de Latinitate falso suspecta, cap. 15. *Palladis* autem

exemplum quam vim habeat, vide ver. 176. *Invenies*, etc. Sic commode viam sibi munit ad sqq.

9. Primum Mars recognoscit suum furtum; accessus ejus ad *Silviam* dormientem in nummis quoque expressus est. Noster phantasiam suam ope rem exornavit. Vocatur *Romana sacerdos*, quatenus inde origo Romani nominis. Etiam Horatius, III. Od. ix. 8. *Romana Iliæ. Moveri*, incipere. Livius, ii. 58. "motam, *captam*, remittere industriam;" v. 24. *movere actionem*, incipere. Solemne munus Vestalium erat *aquas petere* ad *sacra vasa* lavanda, et penetralia lustranda; in quem usum iis Numa fontem assignavit. Plutarch. Num. 13. Sed frustra quaerunt, unde *Silvia* hauserit. Res Albæ gesta est.

Silvia Vestalis, quid enim vetat inde moveri?

Sacra lavaturas mane petebat aquas.

Ventum erat ad molli declivem tramite ripam,

Ponitur e summa fictilis urna coma.

Fessa resedit humi, ventosque accepit aperto 15

Pectore, turbatas restituitque comas.

Dum sedet; umbrosæ salices, volucresque canoræ,

Fecerunt somnos, et leve murmur aquæ.

Blanda quies victis furtim subrepat ocellis:

Et cadit a mento languida facta manus. 20

Mars videt hanc, visamque cupit, potiturque cupi-

Et sua divina furta fefellit ope. [tam,

Somnus abit: jacet illa gravis: jam scilicet intra

Viscera, Romanæ conditor urbis, eras.

Languida consurgit; nec scit cur languida surgat;

Et peragit tales arbore nixa sonos: 26

Utile sit faustumque, precor, quod imagine somni

Vidimus: an somno clarius illud erat?

13—20. Locus probabilis præ cæteris. *Mollis*, eleganter leniter descendens vocatur, qui et *clemens* dicitur. Vertice gestari solebant et sacra in pompis; Met. ii. 712. De Vestali etiam Propert. IV. iv. 15. "at illi Urgebat medium fictilis urna caput."

16. MSS. Bonon. et Moreti, *composuitque comas*, quod placet Heins. quia *componere* in hac re sæpe. Sed Burm. alterum recte tuetur, quia coma majori in otio et ad speculum *componitur*; turbata raptim *restituitur*.

21. *Cupere* sic sæpe in Metam. Interdum *connubia* additur. Et repetitio ejusdem verbi, qualis est in *videt*, *visam*; *cupit*, *cupitam*, grata et familiaris Ovidio; etiam celeritas rei peractæ hic satis expressa, fere ut Metam. v. 395. in raptu Proserpinæ.

De voce *potiri* cum quarto casu vide Heins. *Fallit*, qui clam aliquid agit, vel ut non innotescat, vel, ut hoc loco, ut non sentiatur. Liberi *intra viscera* dicuntur concipi, unde et ipsi *viscera* vocantur; Metam. v. 18.

27—38. Somnium Silvix, quod ipsius geminæque prolis fata portendebat, egregie fictum, et nunc loco positum. *Utile*, etc. ad formulam solemnem: quod bonum, felix faustumque sit. *Imago somni*, somnium, ut et Met. viii. 824. *Videre* usitatum de somniantibus. *Somno clarius*, plus quam somnium. *Iliaci ignes*, sacra Vestæ, ut ver. 142. *Iliaci foci*; nam Æneas Ilio "vittas, Vestamque potentem, æternumque ignem" attulit, Æneid. ii. 296. In *vitta lapsa* omen erat; vitta enim convictæ Vestali adi-

Ignibus Iliacis aderam : quum lapsa capillis  
 Decidit ante sacros lanea vitta focos. 30  
 Inde duæ pariter, visu miserabile, palmæ  
 Surgunt: ex illis altera major erat ;  
 Et gravibus ramis totum protexerat orbem ;  
 Contigeratque nova sidera summa coma.  
 Ecce meus ferrum patruus molitur in illas ; 35  
 Terreor admonitu, corque timore micat.  
 Martia, picus, avis gemino pro stipite pugnant,  
 Et lupa : tuta per hos utraque palma fuit.  
 Dixerat ; et plenam non firmis viribus urnam  
 Sustulit : implerat, dum sua visa refert. 40  
 Interea crescente Remo, crescente Quirino,  
 Cœlesti tumidus pondere venter erat.

mebatur. *Labi et cadere* sic sæpe junguntur ; Liv. i. 56. "velut si prolapsus cecidisset."

31. *Astyages* e filia per somnum vidit vitem enasci, cujus palmitē omnis Asia obumbraretur ; Justin. i. 4. A vitibus et oleis proximam nobilitatem *palmis* tribuit Plinius, Hist. Nat. xxiii. 51 ; idemque xvii. 38. *palmas* memorat prodigii loco ex aris et stautis enatas ; ut alias victoriam et triumphum portendebant, sic nunc magnitudinem imperii. Non autem hoc loco apparet, unde palmæ exierint, utrum ex foco, an ex vitta lapsa, nam *inde* ad utrumque referri potest. *Coma nova*, vertice, frondibus modo natis.

35. *Molitur*, vibrat, jactat ; præeunte Virgilio, Georg. iv. 321. "validam in vites molire bipennem." Etiam *picus*, ut *lupus*, Marti sacer. Plin. x. 20 : "Pici Martio cognomento insignes et in auspiciu magni." Ut *lupa* Romulo et Remo expositis mammis præbebat, ita *picus* frequenter ori eorum buccas inseribat. Vide

ver. 54 ; Plutarch. Rom. iv ; Quæst. Rom. p. 89. *Stipite*, arbore, palma.

41. Romulum in utero jam *Quirinum* vocat. Repetitionem, qualis est in voc. *crescente*, amat etiam Livius ; sic, ii. 5. "vetuere reddi, vetuere in publicum redigi," et centies. *Emeritus*, qui mereri desiit, eo, quod feri debet, perfecto ; ergo, absolutus. iv. 688. *Nitidus Deus*, Phœbus. *Vestæ simulacra*. Scripsisse hæc Ovid. videtur, quo tempore nondum sciebat, in Vestæ templo nullum esse simulacrum ; vi. 295 sqq. Neque erat in templis Græcis ; Pausan. Corinth. cap. 53. Extra templum autem statuæ ei ponebantur ; vid. Lipsius de Vestæ, cap. 3. *Opposuisse manus*. Idem figmentum vi. 614. Similiter Minerva oculos avertit, quum in templo ejus Ajax Cassandra vim inferret ; Fragm. Callim. p. 419. *Tremor aræ* aut aliarum rerum sacrarum signum præsentia, et vel iræ, vel benevolentia divinæ. Vid. ad Metam. ix. 781. *Subiit cineres*, adeoque bene exstincta est. Exstinctus ille ignis plus aliis pro-

Quo minus emeritis exiret cursibus annus,  
 Restabant nitido jam duo signa Deo.  
 Silvia fit mater: Vestæ simulacra feruntur 45  
 Virgineas oculis opposuisse manus.  
 Ara Deæ certe tremuit, pariente ministra;  
 Et subiit cineres territa flamma suos.  
 Hæc ubi cognovit contemtor Amulius æqui,  
 Nam raptas fratri victor habebat opes, 50  
 Amne jubet mergi geminos: scelus unda refugit;  
 In sicca pueri destituuntur humo.  
 Lacte quis infantes nescit crevisse ferino,  
 Et picum expositis sæpe tulisse cibos?  
 Non ego te, tantæ nutrix Larentia gentis, 55  
 Nec taceam vestras, Faustule pauper, opes.  
 Vester honos veniet, quum Larentalia dicam:  
 Acceptus geniis illa december habet.  
 Martia ter senos proles adoleverat annos,  
 Et suberat flavæ jam nova barba comæ: 60

digiis terrebat animos Romanorum, Liv. xxviii. 11; eratque, monente Dionysio, signum ἀφανισμοῦ τῆς πόλεως. Lipsius de Vesta, cap. 8.

49. Revolvitur eo, quod jam ii. 385 sqq. copiosius narravit. *Opes*, regnum. Sic *Deorum opes*, Liv. i. 4. In verbis *scelus unda refugit* non malum figmentum. De *pico* vide ad versum 37.

55. *Faustulus*, vir bonus, regii pecoris magister, ab ipsis Arcadibus Evandri comitibus, genus ducebat, montemque incolebat Palatinum: Dion. I. lxxix. p. 204. et 218. Reisk. *Gentis nutrix*; quia gentis auctorem nutriverat. *Opes* ipsos pueros educatos intellige. Vocat *opes*, quæ bene *paupertati* opp. *Larentalia*, ab aliis *Larentinalia* vocantur: agebantur x. Kal. Jan. *Acceptus geniis*, ubi indul-

getur genio conviviorum hilaritate. Virg. G. i. 300: "Frigoribus parto agricolæ plerumque fruuntur, Mutuaque inter se lati convivia curant: Invitat genialis hiems." Bene igitur *Decembrem* hoc epitheto ornavit. *Non taceam te*; solempne in hymnis.

59. Hunc ipsum annorum numerum habet Dionys. I. lxxix. p. 205. *Novam barbam*; Noster elegantius *Mertam*. ix. 398. eloquitur, "dubiaque tegens lanugine malas," et Virgil. *Æn.* viii. 160: "Tum mihi prima genas vestibat flore juventa." *Jura dare* aut *reddere* omnino est imperantis; *jura petere* subjecti. A populis hoc nunc translatum ad pastores eorumque præules. Auctoritate quadam pollebant inter pastores, et indoles divina jam nunc in iis eminebat.

Omnibus agricolis armentorumque magistris  
 Iliadæ fratres jura petita dabant.  
 Sæpe domum veniunt prædonum sanguine læti,  
 Et redigunt actos in sua rura boves.  
 Ut genus audierunt, animos pater editus auget; 65  
 Et pudet in paucis nomen habere casis:  
 Romuleoque cadit trajectory Amulius ense:  
 Regnaque longævo restituuntur avo.  
 Mœnia conduntur: quæ, quamvis parva fuerunt,  
 Non tamen expediit transiluisse Remo. 70  
 Jam, modo qua fuerant silvæ, pecorumque recessus,  
 Urbs erat; æternæ quum pater urbis ait:  
 Arbiter armorum, de cujus sanguine natus  
 Credor; et, ut credar, pignora certa dabo;  
 A te principium Romano ducimus anno: 75  
 Primus de patrio nomine mensis eat.  
 Vox rata fit; patrioque vocat de nomine mensem;  
 Dicitur hæc pietas grata fuisse Deo.

63. Liv. i. 4: "In latrones præda onustos impetus facere, pastoribusque rapta dividere." *Læti sanguine*, ut *lætus victoria*.

65. Heinsius non improbat lect. Urs. duorum Patav. duorum Medic. *pater agnitus*. Burm. recte defendit *editus*, quod tamen non cum eo explicem, qui publice jam dicebatur ab omnibus pater, sed, quem Faustulus eis aperuerat. Hoc melius convenit iis, quæ historici habent. *Et edere* sic alibi; Met. ii. 43. "Clymene veros edidit ortus." *Nomen* de generis nobilitate etiam apud Cic. et alios. *Paucis*. Olim edeb. *parvis*: sed alterum significantius est; duplicem enim pudoris causam exhibet, in casis, iisque paucis. *Longævus* vocatur quia jam *avus*.

70. Vulgarem hanc traditionem Noster etiam ii. 134. iv. 840. sequitur. *Remi* necem per euphemismum tangit. *Pecudum* commoratione vastitas declaratur; Horatius, III. Od. iii. 40: "Dum Priami Paridisque busto Insultet armentum." Et pastores ibi degebant.

72. *Pater*, conditor, qui Martio mensi nomen imponit. Pro eo bene Romulum voventem inducit et loquentem. *Æterna*, urbis epitheton Romanis admodum gratum: vide ad ver. 421. *Arbiter*, præses. *Pignora*. Phaethon, Metam. ii. 38: "Pignora da, genitor, per quæ tua vera propago Credar." Etiam h. l. Mitscherl. *dato*. Sed Romulus hoc instituto posteris genus suum proderet volebat. iv. 24.

Et tamen ante omnes Martem coluere priores :  
 Hoc dederat studiis bellica turba suis. 80  
 Pallada Cecropidæ, Minoia Creta Dianam,  
 Vulcanum tellus Hypsipylea colit ;  
 Junonem Sparte, Pelopeïadesque Mycenæ ;  
 Pinigerum Fauni Mænalis ora caput.  
 Mars Latio venerandus erat, quia præsidet armis ;  
 Arma feræ genti remque decusque dabant. 86  
 Quod si forte vacas, peregrinos inspice Fastos :  
 Mensis in his etiam nomine Martis erit.  
 Tertius Albanis ; quintus fuit ille Faliscis ;  
 Sextus apud populos, Hernica terra, tuos. 90  
 Inter Aricinos, Albanaque tempora constant,  
 Factaque Telegoni mœnia celsa manu.

79. Neque tamen Romulus primus in istis locis aut Martis cultum inuexit, aut mensem ei consecravit. Id dum poeta explicat, a narratione transit ad disputationem, induitque personam grammatici. *Priores*, Latini ante Romulum. *Diana*, ubi adoleverat, relicta Delo, *Cretam* profecta Dictynnæum montem inhabitavit, unde Dictynna dicta ; Schol. ad Pindarum Pyth. argum. p. 185. Spanhem. ad Callim. Dian. xli. h. 1. legit *Minoiu turba*, et intel. Cnossum insulam, quæ ab Homero, Od. I. 178. Minois regia dicta sit. In insula Lemno, quum mulieres genus omne virorum interficerent, *Hypsipyle* Thoantem patrem clam navi impositum servavit ; Hyg. Fab. xv. *Sparte—Mycena*. Adde *Argos*, quæ tres urbes Junoni sacræ ad Homeri exemplum, infra vi. 47. et Metam. vi. 414. uno versu comprehenduntur. E consilio poetæ non nominandi fuissent, nisi populi, qui *studiis suis* ducti Deum aliquem tutelarem sibi elegerunt. *Fauuus*, Pan, qui “ pinu caput præcinctus acuta ;”

Metam. i. 699. Eum omnis Arcadia colit. Vide ad ii. 271. Hujus pars *Mænalia* cum oppidis quibusdam ; Pausanias, p. 233. *Mænalis ora* ut *Ausonis ora* ii. 94. *Armis rem* (facultates) et *decus*, gloriam parari, et alibi legitur. Vide Burmannum.

87. Etiam Varro auctor fuerat, Romanos nomina mensium a Latinis accepisse, Martiumque mensem a Marte quidem nominatum, verum non quia ille Romuli pater fuerit, sed quia sic Latini ; Censorin. de Die Nat. i. 20. De populorum sqq. communi origine e genere Ausonio vide Heynii Excurs. IV. ad Æn. vii. Eos quoque suos *Fastos* habuisse, etiam ex vi. 59. patet, et fragmenta quædam eorum recentioribus temporibus reperta sunt.

91. Inter Aricinos et Tusculanos valet eadem temporis divisio, quæ inter Albanos. *Tempora* scil. menses *constant*, conveniunt, *inter Aricinos, Albanaque mœnia et facta Telegoni manu*. Taubner. monet, posse et *Albana* pro masculino capi, Albanos ; et Krebsio *constat*, convenit, magis pla-

Quintum Laurentes, bis quintum Æquicolus asper,  
 A tribus hunc primum turba Curensis habet:  
 Et tibi cum proavis, miles Peligne, Sabinis 95  
 Convenit; hic genti quartus utrique Deus.  
 Romulus, hos omnes ut vinceret ordine saltem,  
 Sanguinis auctori tempora prima dedit,  
 Nec totidem veteres, quot nunc, habuere Kalendas.  
 Ille minor geminis mensibus annus erat. 100  
 Nondum tradideras victas victoribus artes,  
 Græcia; facundum, sed male forte genus.  
 Qui bene pugnarat, Romanam noverat artem:  
 Mittere qui poterat pila, disertus erat.  
 Quis tunc aut Hyadas, aut Pleiades Atlanteas 105  
 Senserat, aut geminos esse sub axe polos?

cet; quod Heinsius quinque MSS. codd. auctoritate in *constant* mutavit. Tunc *Albana tempora* sunt Albani menses. Durities tamen quædam inest in illa conjunctione, Aricinos, Albana tempora, et Telegoni mœnia. *Telegonus*, Circes filius, Tusculum condidit; Silius, vii. 692. Vid. Cluver. Ital. antiqua iii. 4: et infra ad iv. 71.

93. *Æquicoli*, aut *Æquiculi* aut *Æqui*, ad utramque Anienis ripam incolentes, gens fera et agrestis, quæ armata terram exercebat, venatu et raptu vivebat; Æneid. vii. 746—749. Hinc *asper Æquicolus*. Æn. v. 730. “gens dura atque aspera cultu:” quæ vita *aspera* Æn. ix. 603—613. plenius describitur. Ante Heinsium edeb. acer. *A tribus primus*, post tres menses primus, ergo quartus. *Turba Curensis*, incolæ Curium, quæ fuit metropolis Sabinorum. Vulgo *Forensis*; tunc Scaliger, assentiente Neapol. Forulos intelligebat, Sabinorum oppidum; sed vide Burn. *Sabini* antiquissimi stirpis Ausoniæ. Ad eos *Peligni* cum aliis originem referebant;

VOL. V.

Heyn. Exc. iv. ad Æn. vii. Metropolis eorum Sulmo, patria Ovidii; III. Amorr. xv. 8. Peligni, ut Marsi vicini, fortes milites erant.

99. De numero mensium repetit, quod jam i. 27—44. tractavit. Ibi primam ejus numeri causam, insciam veterum Romanorum verbo tantum tetigit. Veram autem, nempe Albanos ita divisisse annum utroque loco omisit. Verbis *victas victoribus* ludere voluit, ut Horat. II. Epist. i. 156: “Græcia capta ferum victorem cepit, et artes Intulit agresti Latio.” Ubi *populus vincitur, vincuntur etiam quæ ejus sunt*. Similiter Ovid. supra. i. 523. *victa tamen vinces* lusit. Krebsius *victas* interpr. spretas a Romanis. *Male forte*, parum forte, molle, quantum succubuit Romanis.

105. Astronomiam potissimum nominat, quia inde temporis divisio pendet. *Sub axe*, in fine utroque axis. *Cynosura*, Arctos minor. Hygin. Poet. Astron. ii. 2. pag. 366: “Omnes qui Peloponnesum incolunt, priore utantur Arcto; Phœnices autem

R

Esse duas Arctos; quarum Cynosura petatur  
 Sidoniis, Helicen Graia carina notet?  
 Signaque quæ longo frater percenseat anno,  
 Ire per hæc uno mense sororis equos? 110  
 Libera currebant, et inobservata per annum  
 Sidera: constabat sed tamen esse Deos.  
 Non illi cælo labentia signa movebant;  
 Sed sua; quæ magnum perdere crimen erat:  
 Illaque de fœno; sed erat reverentia fœno, 115  
 Quantam nunc aquilas cernis habere tuas.  
 Pertica suspensos portabat longa maniplos;  
 Unde manipularis nomina miles habet.  
 Ergo animi indociles et adhuc ratione carentes,  
 Mensibus egerunt lustra minora decem. 120

quam a suo inventore (Thalete) acceperunt, observant Cynosuram: et hanc studiosius perspicendo, diligentius navigare existimantur." Ibi vide Munker. *Notet.* Similiter Metam. iii. 595. nauta ait: "oculis sidera notavi." *Petatur*, quam sequantur. *Ire per hæc, etc.* Quoniam cursus lunæ non multum declinat a cursu solis (verius terræ) propterea et ipsam duodecim signa zodiaci percensere cernimus. Hunc cursum diebus 27. horis 8. conficit; respectu solis autem diebus 29. horis 13.

111. *Libera* eleganter eadem quæ *inobservata*. Sumtum hoc ab hominibus aut pecudibus, quæ, dum *non observantur*, libere errare dicuntur. *Non illi, etc.* non illi astronomiæ studebant, sed rei militari. *Signa* habet et cælum, et exercitus. Hinc ille lusus; in quo tamen *movebant* justo durius etiam ad signa cœlestia relatum. *Signa movebant* erat formula solemnis; jam hic luxurians Ovidii ingenium interponit, non cœlestia, sed sua. *Cælo labentia*, ut Virgil. Georg. i. 6.

"labentem cælo quæ ducitis annum."

115—118. Hæc melius abessent; nihil enim ad rem pertinent, quum hoc unum moneatur, priscos Romanos astronomiæ fuisse ignaros. *Fœni* autem *manipulos* et perticis suspensos fuisse signa antiquissima et aliunde apparet. Plutarch. Rom. viii: *χόρτου καὶ ἄλλης ἀγκαλίδα κόντη περικειμένην* memorat. Ab illis ipsis fœni *manipulis* partes legionis nomen traxerunt. *Aquilis* magna reverentia, præsertim quum ornata essent Deorum Imperatorumque imaginibus. Vide ad Plinium paneg. x. 3. *Manipulares*, milites ejusdem signi.

119. *Ratio*, doctrina, scientia siderum. *Lustra* quinquennalia tum nondum condebantur a Romanis. *Annus erat, etc.* Idem jam bis dixit, vers. proximo et 100. *In honore sunt*, quæ crebro adhibentur; Horat. de Art. Poet. 70: "Cadentque Quæ nunc sunt in honore vocabula." *Femina parit*. Confer i. 27 sqq. ibique notata. *Spatia*, decades numerorum.



Annus erat, decimum quum Luna repleverat or-  
 Hic numerus magno tunc in honore fuit, [bem :  
 Seu quia tot digiti, per quos numerare solemus ;  
 Seu quia bis quino femina mense parit ; 124  
 Seu quod ad usque decem numero crescente veni-  
 Principium spatiis sumitur inde novis. [tur,  
 Inde pares centum denos secrevit in orbes  
 Romulus, hastatos instituitque decem ;  
 Et totidem princeps, totidem pilanus habebat  
 Corpora ; legitimo quique merebat equo. 130  
 Quin etiam partes totidem Titiensibus idem,  
 Quosque vocant Ramnes, Luceribusque dedit.  
 Adsuetos igitur numeros servavit in anno :  
 Hoc luget spatio femina mœsta virum.  
 Neu dubites, primæ fuerint quin ante Kalendæ 135  
 Martis ; ad hæc animum signa referre potes.  
 Laurea Flaminibus, quæ toto perstitit anno,  
 Tollitur, et frondes sunt in honore novæ.

127. *Pares*, non *patres*, legendum esse conjecerant Scaliger et Lipsius de militia Rom. ii. 2. idque MSS. potioribus comprobatum Heinsius recepit. Sed id quoque ad senatores retulerunt, quos Romulus ætate et censu *pares* elegerit. Verum ille senatores suos in decem decurias descripsisse nusquam legitur. Laudat quidem Krebs. Liv. i. 17. Verum ibi de interregno sermo est, quo ineunte, patres ipsi decem decurias fecerunt. Neque Ovidius Patres simpliciter *pares* dicturus fuisset, neque eos tam arcte conjuncturus cum *hastatis* et reliquis. Sermo igitur est de militibus, quos ætate et habitu corporis pares in quavis legione in *centum denos orbes*, in denas centurias sive ordines divisit, in decem ordines *hastatorum*, totidem principum, totidem pilanorum, ut adeo

quavis legio tribus millibus militum constaret. Vid. Lipsius d. l. In quavis legione trecenti erant equites, qui *equo publico* merebant, quem Ovidius *legitimum* vocat, legibus constitutum. Ii quoque in *decem* turmas descripti sunt. *Hoc luget*, etc. ; confer supra i. 35.

135. Redit ad ver. 97 seq. et *signis*, argumentis quibusdam probare conatur usque ad ver. 150. quod supra posuerat, Martium fuisse mensem primum. Conf. Plutarch. Num. ix ; Macrob. I. Sat. xii. *Animum referre*, animum advertere. *De laureis* etiam Macrob. " eodem quoque ingrediente mense, in regia, curiisque atque Flaminum domibus laureæ veteres novis laureis mutabantur." Cf. Solin. c. 3. *Iliaci foci*, ut ver. 29. *ignes Iliaci*. *Cana*, vetus.

Janua nunc regis posita viret arbore Phœbi :  
 Ante tuas fit idem, curia prisca, fores. 140  
 Vesta quoque ut folio niteat velata recenti,  
 Cedit ab Iliacis laurea cana focis.  
 Adde, quod arcana fieri novus ignis in æde  
 Dicitur ; et vires flamma resecta capit.  
 Nec mihi parva fides, annos hinc isse priores ; 145  
 Anna quod hoc cœpta est mense Perenna coli.  
 Hinc etiam veteres initi memorantur honores  
 Ad spatium belli, perfide Pœne, tui.  
 Denique quintus ab hoc fuerat Quintilis : et inde  
 Incipit, a numero nomina quisquis habet. 150  
 Primus, oliviferis Romam deductus ab arvis,  
 Pompilius menses sensit abesse duos ;

143. Macrob. d. l. "Hujus etiam mensis die prima ignem novum Vestæ aris accendebant, ut incipiente anno cura denuo servandi novati ignis inciperet." Quomodo illum ignem accenderint, docet Lips. de Vesta cap. 8. Penetralia templi adire non licebat viro. Ibi res arcana servabantur; hinc *arcana aedes*. *Fides*, id quod fidem facit, argumentum. *Anna Perenna* fuit ex numero indigetum, et indicabat fausta anni initia. Macrob. dicto loco: "Et publice et privatim ad Annam Perennam sacrificatum itur, ut annare perennareque commode liceat." De hac Dea vide infra ver. 523 sqq. ubi et ejus sacra describuntur, et varia de Dea ipsa referuntur.

147. *Honores* sive magistratus non eodem semper tempore Romæ sunt initi. Primi coss. munus auspiciati sunt, quo tempore reges ejecti, ergo Februario ad finem vergente; ii. 685. An. U. C. 291. id Kalendis Sextilibus fieri solebat; an. 304. Idibus Maiis; Livius, iii. 6. 36: sed inde an. 600.

Q. Fulvio Nobiliore, T. Annio Lusco coss. Kal. Jan. Liv. Epit. xvii. Ovidius igitur non satis accurate scripsit. *Perfidus Pœnus*, Hannibal, in quo *perfidia plus quam Punica*; Livius, xxi. 4. *Quintus ab hoc*, etc. Eodem argumento usi sunt etiam Plutarch. Macrob. et Solin.

151. *Deducere* esse verbum officii et honoris, ubi cum magno et splendido comitatu aliquem prosequimur, notavit Burmannus. Et Numæ, Curibus relictis Romam venienti, senatum populumque Rom. obviam isse, ut eum sic deducerent, constat; Dionys. ii. 60; Plutarch. Num. vii. *Olivæ Sabinæ* magno pretio erant; Columella, V. viii. 5. Inde et Mutusca in Sabinis *olivifera* a Virg. *Æn.* viii. 711. dicta. *Samio* Pythagora, cujus institutione Numa vulgo, sed falso, usus esse credebatur, ut jam ad *Metam.* xv. 7. monuimus. Confer et Dionys. ii. 59. Pythagoram a metempsychosi circumloquitur, *qui posse renasci nos putat*. *Egeria*, Nympha aut Musa, ad cujus velut congressum Numa

Sive hoc a Samio doctus, qui posse renasci  
 Nos putat; Egeria sive monente sua.  
 Sed tamen errabant etiamnum tempora; donec 155  
 Cæsaris in multis hæc quoque cura fuit.  
 Non hæc ille Deus, tantæque propaginis auctor  
 Credidit officiis esse minora suis;  
 Promissumque sibi voluit prænoscere cælum,  
 Nec Deus ignotas hospes inire domos. 160  
 Ille moras solis, quibus in sua signa rediret,  
 Traditur exactis disposuisse notis.  
 Is decies senos ter centum et quinque diebus  
 Junxit, et e pleno tempora quarta die.

sæpe, sine arbitris, in lucum quemdam se contulisse, atque sapientiæ præcepta accepisse ab ea credebatur; Dionys. ii. 60. Plura vide ad vers. 261. et 276. Secundum Plutarch. Num. xviii. ipse rerum cœlestium studium libaverat. *Menses duos*; confer i. 44.

155. *Errabant tempora*, confusa erat anni dimensio, turbati erant fasti pontificum vitio per intercalandi licentiam; Censorin. de D. N. xx. Et erat tanta perturbatio, ut neque mensium feræ æstati, neque vindemiarum autumno competere; Sueton. Jul. Cæs. xl. "Inconstantiam temporum, vagam adhuc et incertam" vocat Macrobius. Errant autem Livius et Plutarchus qui a Numa jam cyclum quatuor et viginti annorum inventum esse putant. Omnino quid Numa in digestionem anni lunaris mutaverit, quid non, docet Ideler. in libro: *Historische Untersuchungen über die astronomischen Beobachtungen der Alten*, in additamentis, p. 346 sqq. An. U. C. 708. qui fuit xv. mensium, aut 445. dierum, C. Julius Cæsar, Pontifex M. a M. Flavio et Sosigene adjunctus, ad

cursum solis accommodavit annum, mutuans eam rationem ab Ægyptiis: Sueton. Cæs. xl; Plin. xviii. 57; Macrobius, I. Sat. xiv; Scaliger de Emend. Temp. lib. iv. init. Ideler. p. 363. Illo tempore Cæsar nondum erat *Deus*, sed Ovidius apotheosin admiscere, reique quam tractat, accommodare voluit. *Promissumque*, etc. Mortui Cæsaris anima in stellam crinitam abiisse credita est; Suetonius, lxxxviii. Hinc ille lusus.

161. *Moræ*, tempora, quibus sol in singulis zodiaci signis moratur, post quæ in primum signum revolvitur. Secundum Macrobius. M. Flavius scriptos dies singulos ita ad dictatorem retulit, ut et ordo eorum inveniri facillime posset, et invento certus status perseveraret. *Exactis, certis. Is—junxit.* Sensus facilis: is effecit annum solare 365. dierum. *Consummare*, ex partibus componere, ut totum efficiatur. Tota illa dies componitur senis illis horis, quæ singulis annis superant. Cæterum miror Ovidium hic desisse, nec quidquam de novo errore dixisse, quem Augustus correxit; de quo Macrobius. d. l.

Hic anni modus est : in lustrum accedere debet,  
 Quæ consummatur partibus, una dies. 166  
 Si licet occultos monitus audire Deorum  
 Vatibus ; ut certe fama licere putat ;  
 Quum sis officiis, Gradive, virilibus aptus,  
 Dic mihi matronæ cur tua festa colant ? 170  
 Sic ego ; sic posita dixit mihi casside Mavors ;  
 Sed tamen in dextra missilis hasta fuit :  
 Nunc primum studiis pacis, Deus utilis armis,  
 Advocor ; et gressus in nova castra fero :  
 Nec piget incæpti : juvat hac quoque parte morari ;  
 Hoc solam ne se posse Minerva putet. 176

167—258. *Matronalia*, quæ Kal. Mart. a matronis Romanis celebrabantur. Die illo satis religioso sacra fiebant Junoni pro matrimonii felicitate, atque munera mittebantur tum uxoribus a maritis, tum aliis ab aliis ; Plutarch. Rom. xxi ; Horat. III. Od. viii. init. Tibullus, III. i. init. ibique Intt. Sacra ipsa paucis Ovid. attingit in fine, sed totus est in causis eorum quinque asferendis.

Jam in principio libri Martem, ut sibi per hunc mensem adesset, invocaverat. Nunc denuo eum appellat, et, ut i. 89 sqq. multa ex Jano, sic hoc loco causas Matronalium ex ipso sciscitatur, et hunc quoque Deum facilem habet. *Si licet*, etc. si poetis licet res abditas cognoscere a Diis. *Monent Dii*, quum hominibus aliquid revelant quocumque modo. *Fama putat*, namque, præeunte Homero, multi deinceps poetæ, et in primordio, et in singulis operis partibus, Deos canere jusserunt argumenta proposita. *Quum sis—aptus*, quum a viris coli soleas. *Officium*, cultus, honos, qui alicui habetur, ut i. 5. libro dedicando. Ut clientes et amici *in officio Consulis* aut *Prætoris esse* dicebantur,

quum eos deducendo colerent, sic et cultus Deorum simili modo exprimi poterat. Itaque et nunc *officia virilia* opponuntur *festis matronarum*. Lenzio contra *virilibus officiis aptus* est is, qui negotiis viril. præest.

171. Fit, quod poeta vers. 1, 2. 7. precibus poposcerat, ex parte ; namque *cassidem* deponit Mars, *hastam* retinet. Ac *cassis* quidem deponi in conventu aliorum solebat a militibus, ut os vultusque cerni possent, ne vocis iter præpediretur, neve ipsi terribiles viderentur. *Hastam* retinet, ut divinitatis et officii sui signum, vid. Met. xiv. 806. *Studiis pacis advocor*, invocor, ut poetæ partem carminis suppeditem. Omni enim seq. loco Mars loquitur. *Utilis armis*, idoneus armis tractandis ; sic Curius *utilis bello*, Horat. I. Od. xii. 42. Operam hanc suam bene *ingressum in nova castra* vocat, ut Ovid. ii. 9. suum studium *militiam* et *arma*. *Minervam* Ovidius ipse ver. 7. in exemplum vocavit, idque nunc pungit Martis animum. *Vates operose dierum* etiam i. 101. legitur. *Memori pectore nota dictum*, ut Horat. Art. Poet. 367. *hoc tibi dictum Tolle memor*, percipe et memoria tene.

Disce, Latinorum vates operose dierum,  
 Quod petis; et memori pectore dicta nota.  
 Parva fuit, si prima velis elementa referre,  
 Roma: sed in parva spes tamen hujus erat. 180  
 Mœnia jam stabant, populis angusta futuris;  
 Credita sed turbæ tunc nimis ampla suæ.  
 Quæ fuerit nostri, si quæris, regia nati;  
 Adspice de canna straminibusque domum.  
 In stipula placidi carpebat munera somni; 185  
 Et tamen ex illo venit in astra toro.  
 Jamque locò majus nomen Romanus habebat:  
 Nec conjux illi, nec socer ullus erat.  
 Spernebant generos inopes vicinia dives;  
 Et male credebar sanguinis auctor ego: 190  
 In stabulis habitasse, boves pavisse, nocebat,  
 Jugeraque inculti pauca tenere soli.  
 Cum pare quæque suo coeunt volucresque feræque,  
 Atque aliquam, de qua procreet, anguis habet.

179—232. Prima causa, eaque vera, quam etiam Plutarchus, dicto loco, habet, cui referendæ Noster diu immoratur: *Matronæ sub Romulo bellum cum Sabinis diremerunt. Elementa, origines urbis. Hujus, qualis nunc est, amplissimæ. Spes illa erat etiam e vaticiniis, v. c. Evandri; Livius, i. 7. Populi sæpe incolæ unius urbis. De regia Romuli vide ad i. 199. Ovidii ætate adhuc spectabatur; hinc adspice. In stipula. Cf. i. 205 sqq. Nunc quidem hæc non pertinent ad rem propositam. Munera somni, ipse somnus. Et tamen, etc. in tenuitate illa vitæ tamen immortalitatem meruit. Sententia Romanis luxuriosis admodum commendanda. ii. 478. Romulus a telo venisse in astra legitur.*

187. Sequitur raptus Sabinarum, qui accidit anno quarto ab urbe condita. Cf. Dionys. ii. 30 sqq.; Plutarch. Rom. xiv.; Liv. i. 9. *Majus*. Sed illa magnitudo hominis ætatem duratura erat, quippe quibus nec domi spes prolis, nec cum finitimis connubia essent; Liv. d. l. qui idem et verba contumeliosissima affert, quibus finitimi contemptum declaraverint. Non tam boves pavisse, quam convenas esse, colluviem hominum, nocebat. *Male, vix, parum*.

193. Vim illius contemptus monstrat. Pluribus hæc Art. Amat. ii. 481—488. persequitur. *Procreet* absolute positum. *Extremis, vel remotissimis, adeoque gentibus in toto terrarum orbe. Dantur connubia, permittitur e populo vicino uxores ducere.*

Extremis dantur connubia gentibus : at, quæ 195  
Romano vellet nubere, nulla fuit.

Indolui ; patriamque dedi tibi, Romule, mentem :  
Tolle preces, dixi : quod petis, arma dabunt.

Festa para Conso : Consus tibi cætera dicet,  
Illo facta die quum sua sacra canet. 200

Intumuere Cures, et quos dolor attigit idem :  
Tum primum generis intulit arma socer. [bant ;  
Jamque fere raptæ matrum quoque nomen habe-  
Tractaque erant longa bella propinqua mora.

Conveniunt nuptæ dictam Junonis in ædem ; 205  
Quas inter mea sic est nurus orsa loqui :

197. *Patriam mentem*, quæ vim et arma spectat. *Tolle preces*, ut Met. xiii. 556. "tolle moras;" Horat. I. Epist. xii. 3. "tolle querelas." *Consus*, nomen Neptuni equestris ; Livius, i. 9. Secundum Dionys. i. 33. jam Arcades in Italia Neptuno Hippio templum consecrarunt, diemque ei sacrum Hippocratia dixerunt, Romani autem consualia ; unde post ludi circenses. Cf. idem ii. 31 ; Plutarch. Rom. xiv. *Illo—canet*. Sic hæc verba edidi e conject. Gronov. Obs. ii. 21. probata etiam Heinsio. Hoc enim sibi vult Mars : quid illo die festo factum sit, jam tibi, Naso, non narrabo ; ipse Consus dicet, ubi libro operis tui octavo, mense sextili, a te invocatus, sacra sua tibi referet. Sic omnia plana. Vulgo : *Ipsa festa die dum sua sacra canes*. Sed  *festa sacra* non bene dicuntur, neque  *ipso* habet, quo commode referatur. Multi  *illo* aut  *illa*.

201. *Cures*, Sabini, quorum omnis multitudo cum liberis ac conjugibus venit ; Liv. *Quos dolor*, etc. Cænienses, Crustumini, Antemnates. Verbis *tum primum*, etc. Douzæ videtur poeta dissimulanter sugillasse belli civilis auctores, Pompeium et Cæsarem affines. Impietas illius belli sic nota-

tur etiam a Liv. i. 13. ubi mulieres orant, "ne se sanguine nefando soceri generique respergant."

203. *Matrum nomen*.] Nempe trionnium exactum erat ab initio belli usque ad reditum in gratiam. *Mora* scilicet Sabinorum : "Mora trahi bellum" dicitur etiam Livio ix. 27. *Dictam*, constitutam. *Nurus Martis Hersilia*, quam et ipsam, tamquam virginem, quum nupta esset, raptam esse nonnulli tradiderant. Dionys. ii. 45. qui proxime ad verum videtur accedere, Hersiliam cum filia rapta sponte in urbe mansisse. Is quoque hanc mulierum concionem et Hersiliæ consilium refert ; quin addit, eandem duxisse mulierum turbam in castra, et ibi quoque verba fecisse. In Antemnatium causa Liv. i. 11. ei partes quasdam dat. *Commune* scilicet nomen. *Lente piæ*, quas pietas æqua in patres et in maritos frigide sedere jubet, nec quidquam moliri patitur. *Querendum*, etc. Sic et apud Livium mulieres : "Melius peribimus, quam sine alteris vestrum viduæ, aut orbæ vivemus." *Consilium* ipsum non memoratur, sed quale fuerit, jam e sqq. apparet. Similiter Virgilius, *Æneid.* i. 50 sqq.

O pariter raptæ, quoniam hoc commune tenemus,  
 Non ultra lente possumus esse piæ :  
 Stant acies ; sed utra Dî sint pro parte rogandi,  
 Eligite ; hinc conjux, hinc pater arma tenent.  
 Quærendum, viduæ fieri malimus, an orbæ : 211  
 Consilium vobis forte piumque dabo.  
 Consilium dederat : parent ; crinemque resolvunt ;  
 Mœstaque funerea corpora veste tegunt.  
 Jam stabant acies ferro mortique paratæ ; 215  
 Jam lituus pugnæ signa daturus erat ;  
 Quum raptæ veniunt inter patresque virosque ;  
 Inque sinu natos, pignora cara, ferunt.  
 Ut medium campi passis tetigere capillis,  
 In terram posito procubuere genu : 220  
 Et, quasi sentirent, blando clamore nepotes  
 Tendebant ad avos brachia parva suos.  
 Qui poterat, clamabat avum, tum denique visum :  
 Et qui vix poterat, posse coactus erat.  
 Tela viris animusque cadunt ; gladiisque remotis  
 Dant soceri generis, accipiuntque manus. 226

214. Etiam apud Dionysium et Plutarchum, vestibus lugubribus indutæ, infantesque in sinu gestantes avolant in castra, ibique procumbunt in terram. Sed magis illæ placent, quales a Livio notantur : " Crinibus passis scissaque veste, ausæ se inter tela volantia inferre, ex transverso impetu facto," etc.

221. *Quasi sentirent nempe, quid ageretur. Clamabat avum, clamando appellabat avum. Posse coactus erat ; incitabatur a matre, ut avum balbutiret. Fluxit e luxuria ingenii Nasoniani. Taubnerus putat, matres dolores creasse natis, ut clamarent, Ah va ! quod fere sonaret, ut ave. Sic et Krebsius. Ridiculum scilicet !*  
 VOL. V.

225. Repentina animorum mutatio. Omnes, qui aderant, cum omnibus armis suis memorantur, breviter tamen. *Tela—cadunt*, et iræ virorum molliuntur, et tela ad mortem inferendam parata deponuntur. Metam. iv. 175. Vulcano obstupefacto " et mens, et quod opus fabrilis dextra tenebat, Excidit ;" ubi v. not. *Tenere* idem fere, quod amplecti, quo cum verbo interdum conjungitur, ut notatum ad Plinii VI. Ep. vii. 1. Affectus avorum jucundo figmento proditur. *Scutoque*. Burman. dubitat, utrum mox *scuti* legendum sit, an cum quibusdam *scutis*, quia *usus* utrumque casum patitur. *Ebulides*, quia Sabini ex opinione vulgari genus ducebant e

S

Laudatasque tenent natas ; scutoque nepotem  
 Fert avus : hic scuti dulcior usus erat.  
 Inde diem, quæ prima, meas celebrare Kalendas  
 Œbalides matres non leve munus habent. 230  
 An, quia, committi strictis mucronibus ausæ,  
 Finierant lacrymis Martia bella suis ?  
 Vel, quod erat de me feliciter Ilia mater ;  
 Rite colunt matres sacra, diemque meum. 234  
 Quid ? quod hiems, adoperta gelu, nunc denique  
 Et pereunt victæ sole tepente nives. [cedit,  
 Arboribus redeunt detonsæ frigore frondes :  
 Uvidaque e tenero palmite gemma tumet.  
 Quæque diu latuit, nunc se, qua tollat in auras,  
 Fertilis occultas invenit herba vias. 240  
 Nunc fecundus ager : pecoris nunc hora creandi :  
 Nunc avis in ramo tecta laremque parat.

Lacedæmoniis, quorum rex antiquissimus Œbalus. Vide ad i. 260.

231. Si paulo ante *inde* interpretaris, propterea, hi duo versus *An—suis* otiose additi sunt. Malim igitur, *inde*, ab illo tempore. Jam hic dubitat, utrum id factum sit, quia mulieres *committi*, etc. an propter Romuli partum ex Ilia. Etenim *an* pauci tantum MSS. habent ; cæteri aut exhibent. *Committi*, se committere, se inferre inter strictos gladios. *Sacra, diemque meum*, primum mensis a me dicti diem, quo mihi sacra fieri debent. Secundam igitur causam uno versu attingit.

235. Tertia causa : “ Tempore fecundo pars est matronas fecunditatem precibus exposcere a Junone.” Cum hac vernæ vicissitudinis descriptione cf. i. 151 sqq. *Adoperta gelu*, glacialis Virg. dicitur. Hiems jam Febr. die septimo *cedere* credebatur, sed sæpe recurrebat ; ii. 150, 854. Re-

currebat etiam, auctore Columella, identidem per totum Martium. *Pereunt victæ*, liquescunt, contabescunt. *Perire* sic de nivibus etiam Plinius, I. Ep. xv. 2. Bene *detonsæ frigore*, præsertim quum frondes sæpe cum coma comparentur. “ Tonsa oliva.” Virgil. Georg. iii. 20. *Herbæ incrementa suaviter descripta. Occultas illas vias* Virg. Georg. i. 89. “ cæca spiramenta” vocat, quamquam et *vias* atque *venas*.

241. Calpurn. Ecl. v. 22. de verno tempore : “ Tunc Venus et calidi scintillat fervor amoris, Lascivumque pecus salientes accipit hircos.” *Larem* etiam apibus tribuit Virg. Georg. iv. 43. et *penates* ver. 155. *Quarum militiam*, etc. Taubn. explicat : quarum proles vel militis officio fungatur, vel sacerdotio, sive *votis*, oportet. Immo *partus*, actus pariendi, quem uxores in votis habent, et in quo *militia* earum (conf. ii. 9.) cernitur.



Tempora jure colunt latiae fecunda parentes,

Quarum militiam votaue partus habet.

Adde, quod excubias regi Romanus agebat, 245

Qua nunc Esquilias nomina collis habet.

Illic a nuribus Junoni templa Latinis

Hac sunt, si memini, publica facta die.

Quid moror, et variis onero tua pectora causis?

Eminet ante oculos, quod petis, ecce tuos. 250

Mater amat nuptas; matris me turba frequen-  
tant:

Hæc nos præcipue tam pia causa decet.

Ferte Deæ flores: gaudet florentibus herbis

Hæc Dea: de tenero cingite flore caput.

Dicite, Tu lucem nobis, Lucina, dedisti; 255

Dicite, Tu voto parturientis ades.

Si qua tamen gravida est; resoluta crine precetur,

Ut solvat partus molliter illa suos.

QUIS mihi nunc dicat, quare cœlestia Martis

Arma ferant Salii, Mamuriumque canant? 260

245. Quarta causa, quam etiam Festus memorat: "Martias Kalendas matronæ celebrant, quod eo die Junonis Lucinæ ædes coli cœpta sit." Posita autem illa ædes in eo Esquiliarum vertice fuit, qui Cispius dicitur. De illo monte etiam Varro, iv. 8: "Esquilia Salii scripserunt ab excubiis regis dictas." Hanc etymologiam Noster quoque afferre voluit: excubiæ ibi agebantur Romulo, quum Titum Tatium infidæ societatis suspectum haberet.

249. Quinta causa, eaque Marti maxime decora: "Junonis amor in nuptas, et inde harum amor adversus Martem." Mater mea Juno. *Matris turba*, turba matronarum matrem colentium, *me frequentant*, celebrandum sibi sumserunt primum mei men-

sis diem: qua pietate ergo simul color. Taubnero videtur his verbis et hæc sententia subjici posse: ideo, quod mater quælibet filias suas amat, me *matrum* (sic ante Heins. edeb.) turba frequentant, ut cladem a generis avertam.

253. Exhortatio ad Deam rite et pie colendam. *Florentes herbe* sunt ipsi flores; Virg. Ecl. ix. 19. "humum florentibus herbis spargere." In Matronalibus, ut in aliis sacris, flores esse adhibitos etiam ex Horatii d. l. patet. Quomodo adhibendi sint, jam additur, *de tenero cingite flore caput* effigiem Junonis. Et *de tenero flore* dictum, ut "canitiem largo de pulvere turpat" apud Claudianum, xix. 25.

259—398. *Saliorum origo et fes-*

Nympha, mone, nemori stagnoque operata Dianæ :  
 Nympha, Numæ conjux, ad tua facta veni.  
 Vallis Aricinæ sylva præinctus opaca  
 Est lacus, antiqua relligione sacer.

tum.] Secundum Plutarch. Num. cap. 13. octavo regni Numæ anno, quum pestis per Italiam sæviret, atque Romam etiam exhauriret civibus, pelta ænea e cælo delabitur. Numa ex Egeria Musisque se ait comperisse, missam illam esse in urbis salutem, servandamque cum undecim aliis scutis ejusdem formæ. Quo facto, morbus cessavit. Hinc rex Salios instituit, peltarum istarum custodes et ministros. Dionys. ii. 71. hoc unum narrat, scutum quoddam in Numæ regia inventum esse, a nullo mortali illatum. Verum Ovidius vel ipse, vel alios auctores secutus, aliud miraculum immiscuit, quod Plutarch. cap. 15. refert. Arnobius autem, lib. v. pag. 154. ex Antiato repetit et exagitat. Namque fulmina quum aliquando plurima cecidissent, Numa, monente Egeria, Picum et Faunum, vi adhibita, consulit de iis expiandis. Horum arte Jupiter cælesti et sede ad colloquium cum Numa elicitur, eumque docet, qua ratione fulmina sint procuranda; quin pignora imperii certa ei promittit. Promissum fides sequitur; altero enim die inter tonitrua et fulgura scutum leniter, populo spectante et acclamante, decidit. Id ne furto auferri possit, Mamurius opifex jubetur plura scuta ejusdem figuræ facere.

259—262. Nova invocatio. *Marti Gradivo* lecti erant Salii, Liv. i. 20. et in æde ejus arma cælestia servabantur. De *Mamurio* vide ver. 383. Egeria mox *Nympha* aut *Dea* vocatur; mox Musis annumeratur; Dionys. ii. 60. A Liv. i. 21. concilia Musarum cum Egeria memorantur. Idem eandem et *conjugem* Numæ vocat, ubi

*Strothio* hæc vox forte sine causa suspecta erat. Secundum alios scriptores non nisi nocturnos cum ea congressus habuit in antro quodam. Ea nunc commode invocatur, quippe pars fabulæ seq. De *nemore et stagno Dianæ* mox plura. Ibi Egeriam *operari Dianæ* recte dici negat Heins. quia potius gemitu questuque "sacra Dianæ impedit," *Metam.* xv. 489. *Operari* etiam est operam dare; sed tunc fere nomen rei additur, non loci. *Ad tua facta veni*, ades ad facta tua mihi suppeditanda.

263—275. Nemus Dianæ prope Ariciam, urbem Latii, et in eo Egeriæ fons describitur. *Conf. Met.* xv. 479 sqq.; *Virg. Æn.* vii. 761 sqq. et in primis *Strabo*, lib. v. pag. 239. Non pertinet hic locus ad rem, sed insertus est varietatis et copiæ causa. Prope *Ariciam*, sub Albano monte, *nemus* erat cum *lacu*, in quo, nemore *Diana* colebatur peregrino more, qui *Scythicum ritum* referebat. Hinc fabula nata videtur de *Diana Taurica* ab *Oreste*, *Thoante* rege interfecto, illuc translata. In eodem templo *Dianæ* heros indigena *Virbius* cultus, ex quo *seniores Hippolytum* fecere. Vid. *Heynii Exc.* viii. ad *Æn.* vii. De *Hippolyti* fati et tristi morte vid. ad *Met.* dict. loc. *Furiis*, furore, gravius est quam, quod olim edebatur, *loris*, quamquam apud alios auctores *lororum* quoque mentio fit, ubi *Hippolyti* necem narrant. *Sequentia nullis initur* (vulgo *aditur*) *equis*, notat etiam ipse *Virgil.* causa addita: "Unde etiam *Triviæ* templo lucisque sacratis *Cornipedes* arcentur equi, quod litore currum Et juvenem monstris pavidi effudere marinis."

Hic latet Hippolytus furiis direptus equorum; 265

Unde nemus nullis illud initur equis.

Licia dependent, longas velantia sæpes,

Et posita est meritæ multa tabella Deæ.

Sæpe potens voti, frontem redimita coronis,

Femina lucentes portat ab urbe faces. 270

Regna tenent fortesque manu, pedibusque fugaces;

Et perit exemplo postmodo quisque suo.

Defluit incerto lapidosus murmure rivus:

Sæpe, sed exiguis haustibus, inde bibes.

Egeria est, quæ præbet aquas, Dea grata Camenis:

Illa Numæ conjux, consiliumque fuit. 276

Principio nimium promptos ad bella Quirites

Molliri placuit jure, Deûmque metu.

267. Sic superstitio veterum colere solebat loca sacra. Metam. viii. 744: "Vittæ mediam (arborem) memoresque tabellæ Sertaque cingebant, voti argumenta potentis." *Tabella* illæ effigie Deæ titulisque insignitæ erant. Vide Heyn. ad Tibul. I. iii. 28. *Velare* verb. pr. in hac re. Mulieres *potentes voti*, compotes factæ voti, Dianæ vota solvebant etiam sic, ut facibus delatis ardentibus lucum ejus illustrarent. Vid. Wernsdorf. Exc. vii. ad Gratii Cyneg. Matronis se immiscebant etiam puellæ amantes. Itaque Propert. II. xxiii. 39. suæ exprobrat, quod velit "accensis currere tædis In nemus, et Triviæ lumina ferre Deæ." Sacerdos Dianæ in illo nemore *Rei Nemorensis* dictus. Id sacerdotium servi fugitivi (*pedibus fugaces, δραπέται* Strab.) ad se rapiébant, ita quidem, ut *manu fortior* priorem sacerdotem interficeret: quem morem Strabo d. l. *βαρβαρικὸν καὶ Σκυθικὸν ἔθος* vocat. Conf. Art. Amat. i. 260. ubi "parta per gladios regna nocente manu."

273. *Egeria*, Numa mortuo, in illo nemore abdita, præ mærore in *fontem* mutata est; Metam. dict. loc. *Incertum*, quia adstantibus non apparet unde sit. Strabo de lacu Dianæ, *αὶ δ' ἀπορρήσεις ἐν τᾷ νυθα μὲν ἀδηλοὶ εἰσιν*, etc. *Eliguis haustibus*, forte quia ei vis quædam peculiaris tribuebatur. *Grata Camenis*; vid. ad ver. 259. *Consilium*. Dionys. vocat eam *δικαιοσύνην* *κουσαν τὴν βασιλικὴν σοφίαν*. Et simulabat Numa, ejus se monitu, quæ acceptissima Diis essent, sacra instituire; Liv. i. 19.

277—284. Summa meritorum Numæ, qui conatus est *τὴν πόλιν, ὡσπερ σίδηρον, ἐκ σκληρᾶς καὶ πολεμικῆς μαλακωτέραν ποιῆσαι καὶ δικαιοτέραν* Plutarch. Num. 8. ubi plura de audacissima civium ferocia. Etiam a Dionys. 62. *ἐνσέβειαν πρῶτον διδάσκων, ἔπειτα δικαιοσύνην* Numa inducitur. *Firmior*, robustior, viribus valentior; Plin. III. Epist. ix. 11. "robustissimus et firmissimus." *Sacra* et a Romulo *tradita* renovavit Numa, et ipse plura addidit; Dionys. 63

Inde datæ leges, ne firmior omnia posset :  
 Cœptaque sunt pure tradita sacra coli. 280  
 Exiuit feritas, armisque potentius æquum est :  
 Et cum cive pudet conseruisse manus.  
 Atque aliquis, modo trux, visa jam vertitur ara ;  
 Vinaque dat tepidis salsaque farra focis.  
 Ecce Deûm genitor rutilas per nubila flammas  
 Spargit, et effusis æthera siccat aquis. 286  
 Non alias missi cecidere frequentius ignes :  
 Rex pavet, et vulgi pectora terror habet.  
 Cui Dea, Ne nimium terrere ; piabile fulmen  
 Est, ait ; et sævi flectitur ira Jovis : 290  
 Sed poterunt ritum Picus Faunusque piandi  
 Prodere, Romani numen uterque soli.

*Pure* id quod *pie*. Tibul. I. iii. 25: "Pie dum sacra colis, pureque lavari Te, et puro secubuisse toro. *Exiuitur*. Burm. cum MSS. Farnes, et Ambros. tamquam verb. efficacius malit, *exigitur*. Mihi vero alterum verbum satis grave et elegans videtur; Claudian. xv. 397: "Naturamque simul, fratremque cruentus Exiit." *Atque aliquis*, etc. Vim religionis in mentibus Quiritium declarat; itaque vis in voc. *modo* et *jam* inest. *Vertitur* rectius cum Burman. interpretaberis, mutatur, quam cum Neap. corpus dextrorsum circumagat more adorantium. *Trux* ad ingenium violentum referendum.

285. Nunc demum narratio ipsa incipit, cujus prior pars simillima reperitur iis, quæ Virg. Georg. iv. 387 sqq. de Cyrene, Aristæo et Proteo habet. Neque tamen hæc adsimilavit Ovid. sed hausit ex Antiatis libro secundo, ficta, ut Plutarch. monet, a superstitione antiquissimæ ætatis. Liv. igitur i. 20. iis spretis auguriis Numam consuluisse Jovem Elicium narrat, quæ suscipienda essent atque

procuranda. Jupiter *per nubila* flammam spargens, minus terribilis, quam "per purum tonantes equos agens;" Horat. I. Od. xxxiv. 8. Itaque Julio Cæsare interfecto, "Non alias cælo ceciderunt plura sereno Fulgura;" Virg. Georg. i. 487. De formula *pectora terror habet*, vide ad Met. ix. 291.

289. *Dea*, Egeria. *Piare*, expiare et ver. 343. *procurare fulmen* Arnob. d. I. sic circumloquitur: "Scire remedia, quibus averti possint, quæ per fulminis jactum in humanis fieri Jupiter constituerit rebus." *Faunus*, Pici filius, Aboriginum rex, vir prudens, quem Romani, ut Deum patrium atque fatidicum, sacrificiis et carminibus colebant; Dionys. i. 31. Sed jam ante Romam conditam, oraculum ejus consulebatur; Æn. vii. 81: "At rex sollicitus monstribus, oracula Fauni, Fatidici genitoris, adit." Sed in societatem honoris divini etiam *Picus* venit. Plutarch. dicto loc. iis medicamentorum scientiam tribuit, atque artium magicarum. Vid. Heyn. Exc. v. ad Æn. vii.

Nec sine vi tradent: adhibeto vincula captis,  
 Atque ita, qua possint, erudit, arte capi.  
 Lucus Aventino suberat niger ilicis umbra, 295  
 Quo posses viso dicere, Numen inest.  
 In medio gramen, muscoque adoperta virenti  
 Manabat saxo vena perennis aquæ.  
 Inde fere soli Faunus Picusque bibebant.  
 Huc venit, et fonti rex Numa mactat ovem : 300  
 Plenaque odorati disponit pocula Bacchi;  
 Cumque suis antro conditus ipse latet.  
 Ad solitos veniunt silvestria numina fontes;  
 Et relevant multo pectora sicca mero.  
 Vina quies sequitur : gelido Numa prodit ab antro;  
 Vinclaque sopitas addit in arta manus. 306  
 Somnus ut abscessit; tentando vincula pugnant  
 Rumpere : pugnantes fortius illa tenent.  
 Tum Numa : Dî nemorum, factis ignoscite nostris,  
 Si scelus ingenio scitis abesse meo; 310

295. Fauni oraculum in luco Albunæ erat; Virg. *Æn.* vii. 81 sqq. ubi vide Int. Sed nunc prior lucus memoratur, sub *Aventino*, quem olim largos habuisse *fontes*, *lucosque* opacos, e Plutarchi dict. loc. discimus. *Niger*, a nigricante ilicis virore; *Metam.* ix. 664, "nigraque sub ilice manat." *Cul.* 138. "Ilicis et nigræ species." Sic melius capies, quam de umbra obscura. *Inde soli—bibebant*, quia ipsis sacer. *Arnob.* "illis aquandi sollemne iter huc fuit."

301. *Odoratus Bacchus*, vinum odorum, adeoque generosum, etiam *Georg.* iv. 279. *Arnob.* "liquoribus odoratis fragrantia pocula." Sed pro *Dis ponit*, quod Heins. non nisi ex ingenio suo dederat, *disponit* revocavi, etiam propter *Arnob.* apud quem Numa pocula "non parvi numeri" vino mulsoque

complet. Apud Plutarch. vero fontem ipsum, ex quo illi bibere solebant, vino miscet et melle. *Cum suis*. Nempè castos duodecim juvenes secum ductos celavit apud aquam cum vinculis; *Arnob.* dict. loc. *Antrum* forte illud ipsum, in quo congressus cum Egeria habebat; etenim id quoque sub *Aventino*.

305. *Vina quies sequitur.*] Sopor gravis ex ebrietate intel. Vid. *Arnob.* Secundum Plutarch. hi capti, æque ac Proteus, in varias se mutarunt formas, oculisque horrendas objecerunt imagines. Hæc Noster omisit, forte quia nolebat cum Virgilio concertare. *Tentare*, periculum facere, an possis aliquid efficere. *Fortius tenent*, arctius continent; *Metam.* ii. 127. *fortius utere loris*, de auriga.

Quoque modo possit fulmen monstrate piari.  
 Sic Numa; sic quatiens cornua Faunus ait:  
 Magna petis: nec quæ monitu tibi discere nostro  
 Fas sit: habent fines numina nostra suos.  
 Di sumus agrestes, et qui dominemur in altis 315  
 Montibus: arbitrium est in sua tela Jovi.  
 Hunc tu non poteris per te deducere cœlo:  
 At poteris nostra forsitan usus ope.  
 Dixerat hæc Faunus: par est sententia Pici.  
 Deme tamen nobis vincula, Picus ait. 320  
 Jupiter huc veniet, valida deductus ab arte:  
 Nubila promissi Styx mihi testis erit.  
 Emissi quid agant laqueis, quæ carmina dicant,  
 Quaque trahant superis sedibus arte Jovem,  
 Scire nefas homini: nobis concessa canantur, 325  
 Quæque pio dici vatis ab ore licet.  
 Eliciant cœlo te, Jupiter, unde minores  
 Nunc quoque te celebrant, Eliciumque vocant.

312. Concussio capitis nunc difficultatem rei propositæ indicat. *Nec quæ monitu*, etc. Tradiderant tamen nonnulli, didicisse hanc procurationem Numam ab ipsis. Vide Plutarch. *Numina nostra*, vis, potestas nostra divina. *Hunc tu non poteris*, etc. Apud Arnob. instituunt regem, quibus ipse Jovem modis et sacrificiis ad terras eliciat. *Deducere* verb. pr. magarum, quæ et lunam "cœlo deducere" poterant. Plutarch. *καταγαγεῖν τὸν Δία μαγεύσαντας*.

321. Lectio *deductus ab arte* verisima mihi videtur; namque *deducere*, quod ver. 317. præcesserat, hic commode repetitur, et *valida* bene convenit τῇ *arte*, et *ab arte* est ope artis. Male Taubn. putat, hunc usum præpositionis *ab* inusitatum esse. *Nubila*, quia nebulas exhalat iners; Met. ii. 435.

323 sqq. Excusat se Ovidius, quod non enarrat, quid Dii illi egerint, ut iv. 552. *Carmina* Neap. intel. verba Pontificis, quum fulmina condebat. Immo formula incantationis cogitanda, qua illi Jovem eliciebant; ii. 426. De formula *scire nefas*, de iis, quæ scire conari impium est, vid. Bentl. ad Horat. I. Od. xi. 1.

327. Liv. i. 20: "Ad ea elicienda ex mentibus divinis, Jovi Elicio aram in Aventino dicavit, Deumque consuluit auguriis, quæ suscipienda essent." *Minores*, posterius. *De tremore* illo, divinæ præsentia signis, alibi dictum; conf. ii. 439. Numam horror ille sacer corripit, Deo viso; et in precibus solemnibus erat illa conditio, si te pie colui. *Et cultum nunc per donaria*, pietatem per *puras manus* exprimit. *Da piamina*, edoce piamina.

Constat Aventinæ tremuisse cacumina silvæ :  
 Terraque subsedit pondere pressa Jovis. 330  
 Corda micant regis : totoque e pectore sanguis  
 Fugit ; et hirsutæ diriguere comæ.  
 Ut rediit animus, Da certa piamina, dixit,  
 Fulminis, aliorum rexque paterque Deûm ;  
 Si tua contigimus manibus donaria puris ; 335  
 Hoc quoque, quod petitur, si pia lingua rogat.  
 Annuit oranti : sed verum ambage remota  
 Abdidit, et dubio terruit ore virum.  
 Cæde caput, dixit : cui rex, Parebimus, inquit :  
 Cædenda est hortis eruta cepa meis. 340  
 Addidit hic, Hominis : Summos, ait ille, capillos.  
 Postulat hic animam : cui Numa, Piscis, ait.  
 Risit ; et His, inquit, facito, mea tela procures,  
 O vir colloquio non abigende meo.  
 Sed tibi, protulerit quum totum crastinus orbem  
 Cynthus, imperii pignora certa dabo. 346  
 Dixit, et ingenti tonitru super æthera motum  
 Fertur, adorantem destituitque Numam.

337. *Ambages* de ambiguis et obscuris oraculorum verbis dici, notum est ; iv. 668 : Metam. vii. 761. At qui verum abdit, dubioque alterum terret ore, is ambages illas non removet. Obscuritas nunc erat a brevitate, qua Jupiter Numæ sapientiam tentabat ; itaque *ambages* circuitionem interpretabimur ; colloquium autem illud, auctore Plutarcho, sic fere informabimus. J. Fulmina procura capitibus. N. ceparumne ? J. hominis. N. crinibusne ? J. animalis. N. mænis ? J. ridens, His facito, etc. Atque tribus illis rebus Plutarchi adhuc ætate Romani procurabant. De *mana*, ge-  
 VOL. V.

nere *piscium*, vid. ad ii. 578.

346. *Pignora imperii*, munera Deorum fatalia, quorum conservatione perpetuitas et salus imperii nitebatur. Vid. Bœcler. de pignoribus imperii. Ea erant Palladium et, quod nunc promittitur, scutum cœleste. Male Rutil. Itin. ii. 55. libros Sibyllinos addit. Vid. Wernsdorf. Exc. viii. extr. Dii, quando e conspectu hominum avolabant, signa quædam dabant divinitatis suæ ; Heyn. Excurs. xiii. ad Æn. i. Jupiter nunc cum *tonitru* aufertur. Eo *moveri* cœlum sæpe dicitur, ut multis docet Heins. *Destituit*, reliquit.

T

Ille redit lætus, memoratque Quiritibus acta :  
 Tarda venit dictis, difficilisque fides. 350  
 At certe credemur, ait, si verba sequatur  
 Exitus : en, audi crastina, quisquis ades.  
 Protulerit terris quum totum Cynthius orbem,  
 Jupiter imperii pignora certa dabit.  
 Discedunt dubii, promissaque tarda videntur ; 355  
 Dependetque fides a veniente die.  
 Mollis erat tellus rorataque mane pruina :  
 Ante sui populus limina regis adest.  
 Prodit, et in solio medius consedit acerno :  
 Innumeri circa stantque silentque viri. 360  
 Ortus erat summo tantummodo margine Phœbus :  
 Sollicitæ mentes speque metuque pavent.  
 Constitit, atque caput niveo velatus amictu,  
 Jam bene Dîs notas sustulit ille manus ;  
 Atque ita, Tempus adest promissi muneris, inquit :  
 Pollicitam dictis, Jupiter, adde fidem. 366

350. Vix, nec nisi eventus postquam promissis constitit, fidem ei habent Quirites. *Creditur* is, cui fides habetur. *Crastina*, quæ cras evenient.

357. Burmanno hæc terræ affectio commemorari ideo videtur, quod inde omen captatum sit, id certe factum esse ab Augusto ; Sueton. August. xcii. Nisi poetam credas tempus tantum matutinum describere voluisse. Orto contra sole "pruinosa siccantur herbæ," Metam. iv. 82 ; et nocte "sparsa cœlesti rore madet humus" supra i. 312. De *solio hoc acerno* vide ad Metam. iv. 486 ; occurrit etiam Æneid. viii. 178. *Silentium*, signum cupidæ expectationis. Ejus et vim et tempus, quo maxime crevit, bene poeta notavit, *Ortus—pavent*. Similis

expectationis vim Livius i. 25. sic expressit : "erecti, suspensi erant ; torpebat vox spiritusque."

363. *Niveum illum amictum* Neapolis, Taubnerus et Schirach. galeam sacerdotalem intellexerunt ; at illa *amictus* dici non potest. Precantes et sacra facientes capite obvoluto erant, ne quid mali ominis eos turbaret : id quod passim his nostris verbis exprimitur. Virg. Æneid. iii. 405 : "purpureo velare (memento) comas adpertus amictu," et ib. ver. 545 : "capita ante aras phrygio velamur amictu." *Pollicitam*, etc. confirma, quod verbis promisisti ; Metam. xi. 107. *pollicitam fidem tentat*, periculum facit, an fides habenda sit promissis, ubi vide notam.



Dum loquitur, totum jam sol emerferat orbem :

Et gravis ætherio venit ab axe fragor.

Ter tonuit sine nube Deus, tria fulgura misit.

Credite dicenti: mira, sed acta, loquor. 370

A media cælum regione dehiscere cœpit :

Submisere oculos cum duce turba suos.

Ecce levi scutum versatum leniter aura

Decidit: a populo clamor ad astra venit.

Tollit humo munus, cæsa prius ille juvenca, 375

Quæ dederat nulli colla premia iugo; [est;

Idque ancile vocat, quod ab omni parte recisum

Quaque notes oculis, angulus omnis abest.

Tum, memor imperii sortem consistere in illo,

Consilium multæ calliditatis init. 380

367. *Emerferat*, e mari protulerat. *Emergere* active dici, atque casum quartum habere adjunctum, multis exemplis docuit Heinsius. *Sine nube*, quo notabilius hoc tonitru esset, quum naturalibus ex causis profectum non videretur. *Ter tonuit*. *Metam.* vii. 619. *Tonitru secundum* vocatur.

371. *A media regione*, a summo cælo, ubi arx Jovis. Mazar. et Voss. *A media subito cælum discedere visum est*, quam lect. elegantem Heinsius iudicat, quum *discedere cælum* formula sit in hac re solemnis. Perinde est, utrum verbum eligas. Plinius, VI. *Epist.* xx. 9. "nubes atra in longas flammaram figuras dehiscibat." Utrumque conjunxit Seneca, *Nat. Quæst.* i. 19: "Chasma est, quum aliquod cæli spatium discedit, et flammam dehiscens velut in abdito ostentat." Ad fulgura sane homines *submittere oculos* solent; sed ita illi *scutum levi versatum aura* spectare non potuissent. Verum etiam *submittere* sursum tollere notat; Silius, xii. 640: "Summissas tendunt alta ad Capito-

lia dextras," ubi vide Drakenb. Quid, quod et notio τοῦ *furtim* h. v. inest, (*Livius* xxvi. 44. "subsidia submissa e castris") quæ hoc loco bene convenit.

377. Secundum Jubam, quem Plutarch. dicto loco excerpfit, scribendum foret *ancyle*, idque a Græco ἀγκύλον, curvum, derivandum. Sed Plutarchus ipse de hac etymologia dubitat, pluresque alias affert. In libris latinis ubique *ancile* scribitur; et sic scribendum est ex Ovidii derivatione, quæ consentiunt, quæ Festus habet: "Ancile vocatum, quia ex utroque latere erat recisum, ut summum infimumque latus pateret." Similiter fere Varro lib. iv. Secundum eundem lib. vi. p. 78. in carmine Saliari *ancisia* scriptum erat. Forma apud Plutarchum pluribus describitur: orbis non est, nec, qualem pelta, circuitum habet; sed sinus refert lineæ tortuosæ, cujus apices flectuntur, et densitate in se concurrunt. Dionysius, ii. 71. negat usquam ante visam esse in Italia talem figuram.

Plura jubet fieri simili cælata figura,  
 Error ut ante oculos insidiantis eat.  
 Mamurius, morum fabræne exactior artis,  
 Difficile est, illud, dicere, clausit opus. 384  
 Cui Numa munificus, Facti pete præmia, dixit:  
 Si mea nota fides, irrita nulla petes.  
 Jam dederat Saliis, a saltu nomina ducunt,  
 Armaque, et ad certos verba canenda modos.  
 Tum sic Mamurius: Merces mihi gloria detur,  
 Nominaque extremo carmine nostra sonent.  
 Inde sacerdotes operi promissa vetusto 391  
 Præmia persolvunt, Mamuriumque vocant.  
 Nubere si qua voles, quamvis properabitis ambo,  
 Differ: habent parvæ commoda magna moræ.

381. *Plura*, permulta Dionysius ait. *Cælata* nunc nil nisi sculpta. Pignoribus imperii *insidiari* populi finitimi solebant. *Ut error ante oculos eat*. Sic exornavit illud, ut jam insidians dubius hæreat. *Error* etiam de incertitudine dicitur. *Mamurium* Plutarchus ab *arte* tantum laudat, *ἔνα τῶν ἀκρων δημιουργῶν*, sed *morum* etiam fama floruerit necesse est. Is *clausit*, absolvit, *opus*, ad quod post alios accessit. Lenzius *clausit* interpretatur, ab omni parte rotundum fecit, orbe certo inclusit. Sed *claudere* etiam notionem absolvendi habere, docet Drakenb. ad Silium, xiii. 686. *Exactus*, perfectus, nunc secundum casum adjunctum habet.

387. *A saltu*, a tripudiis, quibuscum ancilia gestabant, per urbem. Plutarchus, *ἀπὸ τῆς ὀρχήσεως ἀλτικῆς*; Dionysius, *ἀπὸ τῆς συντόνου κινήσεως*. Ad tibiæ *modos* citatos armati saltabant, modo omnes simul, modo per vices, atque *carmina* canebant. Instructi erant æneis et balteis et galeis et tegumentis in pectore, atque pugionibus, quibus identidem ancilia

pulsarent. Præter *Mamurium* serius et aliorum nomina carmini Saliari incerta esse, docet Neapolis ad hunc locum. *Sonent*; Metam. x. 205: "Te Iyra, te carmina nostra sonabunt."

393. Eodem tempore et iter facere religiosum erat. Vide Lipsium in Antiq. Lect. v. 16. *Condi* ancilia dicebantur, ubi templo reddebantur. Flamen *Dialis* solus albo galero aut *apice* insignitus erat, neque sine eo licebat ei sub dio versari. *Conjux* ejus Flaminica venenato operta et rica redimita prodibat. Erat autem *venenatum* pallium flammeo colore, et *rica* peculiare capitis cingulum. Vide Gellium Noct. Att. x. 15. ibique Intt. Hinc et nunc *cinctu* vocatur, quod Heinsius tuetur verbis Festi: "Cincta Flaminica veste velata." Nam alii *sancta*, *capitis distincta* aut *discincta*, etc. habent. Jam Flaminica multis legibus tenebatur, de quibus Gellius dicto loco et Schwarzius ad Plinium, paneg. lxxxiii. 5. In iis erat, ne certis temporibus caput comeret, ungues resicaret, etc. Confer iv. 226.

Arma movent pugnam : pugna est aliena maritis ;

Condita quum fuerint, aptius omen erit. 396

His etiam conjux apicati cincta Dialis

Lucibus impexas debet habere comas.

TERTIA NOX emersa suos ubi moverit ignes ;

Conditus e geminis Piscibus alter erit. 400

Nam duo sunt : austris hic est, aquilonibus ille

Proximus : a vento nomen uterque tenet.

QUUM croceis rorare genis Tithonia conjux

Cœperit, et quintæ tempora lucis aget :

Sive est Arctophylax, sive est piger ille Bootes,

Mergetur, visus effugietque tuos. 406

At non effugiet Vindemitor : hoc quoque causam

Unde trahat sidus, parva docere mora est.

Ampelon intonsum, Satyris Nymphaque creatum

Fertur in Ismariis Bacchus amasse jugis. 410

Tradidit huic vitem pendentem frondibus ulmi,

Quæ nunc de pueri nomine nomen habet.

399—402. *Piscis alterius occasus vespertinus* die iii. Mart. sive v. Nonas. Sideris hujus, magnum cœli spatium occupantis, originem habes, ii. 458 sqq. Alter Piscis Notius vocatur, alter Boreus; Hyginus, Astr. Poet. III. xxix. 40.

403—414. *Arctophylacis et Vindemitoris ortus* die quinto Martii. In *Arctophylace*, qui idem et *Bootes* dicitur (vide ad Met. ii. 176.) lapsus est Ovidius : occidit enim Maio exeunte, v. 733 ; sed die v. Martii vespere oritur. Secundum Euctem. ἀρκτοῦρος ἐπιτέλλει καὶ προτρογητῆς. Sic et Ptolemæus, ἀρκτοῦρος ἐσπέριος ἐπιτέλλει. *Aget*, adferet ; Metam. iii. 150. “reducit lucem.” *Piger*: Metam. ii. 176. *tardus* vocatur, ubi vide notam.

407. *Vindemitor*, Græcis προτρο-

γητῆς, stella in Virginis ala septentrionali ; Hyginus Poet. Astr. iii. 24. *Intonus* nunc ad teneram ætatem referendum, ut Met. vi. 254. non ad comam promissam ; Horat. I. Od. xxi. 2. *Satyris* ex optimis et plurimis MSS. recepit Burmannus, ut Ovidius oblique Nympham vulgato corpore infamem tetigerit. Mitscherl. vero *Satyro* revocavit. *Ismarus*, mons Thraciæ, jam Homeri ætate vitibus nobilis : Od. ix. 196 ; Virg. Georg. ii. 37. Sequens distichon *Tradidit—habet*, iudice Heinsio, adulteram et nugatoriam manum sapit : nec mihi placet, quamquam non omnino damnaverim ; eo enim sublato, manca videtur narratio. Et quum *Ampelos* Græcis vitem significet, non incredibile est, Ovidium aliquid de nomine addidisse.

Dum legit in ramo pictas temerarius uvas,  
 Decidit: amissum Liber in astra vehit.  
 SEXTUS ubi oceano clivosum scandit Olympon  
 Phœbus, et alatis æthera carpit equis: 416  
 Quisquis ades, canæque colis penetralia Vestæ;  
 Cratera Iliacis turaque pone focis.  
 Cæsaris innumeris, quem maluit ille mereri,  
 Accessit titulis pontificalis honos. 420  
 Ignibus æternis æterni numina præsumunt  
 Cæsaris: imperii pignora juncta vides.  
 De veteris Trojæ dignissima præda favilla,  
 Qua gravis Æneas tutus ab hoste fuit;  
 Ortus ab Ænea tangit cognata sacerdos 425  
 Numina: cognatum, Vesta, tuere caput.  
 Quos sancta fovet ille manu, bene vivitis ignes;  
 Vivite inextincti, flammaque, duxque, precor,

415—428. *Vestæ sacra* pridie Nonas, sive sexto die, quo eodem *Augustus Pontifex Maximus* factus est. *Alati*, ut *alipedes* Metam. ii. 48. omnino sunt veloces. *Penetralia Vestæ* etiam *Æneid.* v. 744. pro *Vestâ* ipsa ponuntur. In iis velata et ab hominum adspectu intacta colebatur. In cultu Deorum etiam *crateres positi*. Virgilius, *Eclog.* v. 68: "Craterasque duo statuam tibi pinguis olivi." De *Iliacis focis* vide ver. 29. et 142.

419. An. U. C. 741. pridie Nonas Martias Augustus, Lepido mortuo, *Pontificatum Maximum* accepit, qui honos unus ei defuerat; Dio lib. liv. cap. 15; Suetonius August. xxxi. Idem notavit Kalend. vetus atque Verrius Flaccus. Hoc Ovidius summa reverentia et in maximam Augusti laudem, more sæculi Augustei, extollit. Bene hoc cum *Vestæ* sacris conjunctum; *Pontifex Maximus* enim præerat Vestalibus. Cf. iv. 949. *Elogium æterni* non imperio tantum

datum, sed et Cæsari. Vide Schwarz. ad Plinii paneg. 67. In *Vestæ* templo non *ignes tantum æterni*, sed et *Palladium, imperii pignus*, vi. 421 sqq. quæ duo sæpe junguntur. Livius, v. 52: "Quid de æternis *Vestæ* ignibus, signoque, quod imperii pignus custodia ejus templi tenetur, loquar?" Sed nunc accessit novum *pignus*, Augustus. En laudem maximam! "Æneas," Ilio ardente, "Vestamque potentem Æternumque adytis effert penetralibus ignem." *Æn.* ii. 296 sq. Vid. Heynii excursum ix. ad *Æneid.* ii. *Gravis*, gravatus, onustus. Ab Ænea domus Julia, in quam Augustus adoptatus; iv. 20 sqq. Hinc illa *cognatio*, quam Ovidius celebrat. *Caput* eleganter sic in commendatione pro ipso homine. *Fovet*, alit. *Vivite inextincti*. Alterum ab homine ad ignem, alterum ab igni ad hominem translatum. *Dux*, Cæsar. Vide Heinsium et Burmannum ad ii. 39.

UNA nota est Martis Nonis : sacrata quod illis  
 Templa putant lucos Vejovis ante duos. 430  
 Romulus ut saxo lucum circumdedit alto :  
 Quilibet huc, inquit, confuge, tutus eris.  
 O quam de tenui Romanus origine crevit !  
 Turba vetus quam non invidiosa fuit !  
 Ne tamen ignaro novitas tibi nominis obstat, 435  
 Disce, quis iste Deus, curve vocetur ita.  
 Jupiter est juvenis : juveniles adspice vultus :  
 Adspice deinde manum ; fulmina nulla tenet.  
 Fulmina, post ausos cœlum affectare Gigantas,  
 Sumta Jovi : primo tempore inermis erat. 440  
 Ignibus Ossa novis, et Pelion altior Ossa  
 Arsit, et in solida fixus Olympus humo.

429—448. *Vejovis ædes Nonis dedicata* a Romulo. De eo autem Deo quum variæ essent sententiæ, ut ex Gellii Noct. Att. v. 12. apparet, et nos inde mox videbimus, Ovidius quid ipse sentiat in medium affert.

Dionysius, ii. 15. auctor est, Romulum loco inter capitolium et arcem (v. ad ii. 70.) qui suo adhuc tempore dicebatur *μεθόρων δύοῖν ὀρυμῶν* (Livius, i. 8. "inter duos lucos") atque olim nomen a re acceperit, asylum aperuisse, apposito templo, in quod supplices et convenæ confugerent : sed cui Deo consecratum fuerit illud templum, certo se dicere non posse. *Vejovis* ædem fuisse, non modo Ovidius dicit, sed et alii. Vitruvius, iv. 7. ubi de structura templorum loquitur, "uti est Castoris in Circo Flaminio, et inter duos lucos Vejovis." Gellius Noct. Att. v. 12: "Est autem ædes Vejovis Romæ inter arcem et capitolium." Adde P. Victorem in Reg. viii.

432. *Quilibet huc.*] Et confugit huc ex finitimis populis turba omnis,

sine discrimine, liber an servus esset. *Tenuis*, humilis ; Liv. ii. 1. "illa pastorum convenarumque plebs, transfuga ex suis populis." *Novitas nominis*, inusitatum et obscurum nomen. *Obstat*, offendat.

437. Sententiam dicit in fine loci ver. 447. præmissis argumentis. *Jupiter juvenilis* ; statua Vejovis juvenem refert. *Post ausos*, etc. Immo prius, in bello cum Titanibus, Cyclopes Jovi fulmina suppeditarunt, quibus telis et postea contra *Gigantas* et Typhæum usus est. Apollodorus, I. ii. 1. Sed ex Titanomachia multa sunt a poetis translata in Gigantomachiam. De ordine, quo *Olympus*, *Ossa*, *Pelion* montes congesti apud poetas leguntur, vide quæ in varr. lectionibus ad Metam. i. 155. diximus. In Gigantomachia arserunt, *ignibus novis*, fulminibus a Jove modo sumtis. *Capra Amalthea*, cujus lacte *Nympha Adrastea* atque *Ida Jovem* tenerum nutrivere ; Apollodorus, I. i. 3. Ejus figuram juxta Vejovis simulacrum stetit, observat etiam Gellius dicto loco.

Stat quoque Capra simul: Nymphæ pavisse fe-  
 Cretides: infanti lac dedit illa Jovi. [runtur  
 Nunc vocor ad nomen: vegrandia farra coloni, 445  
 Quæ male creverunt, vescaque parva vocant.  
 Vis ea si verbi est, cur non ego Vejovis ædem,  
 Ædem non magni suspicer esse Jovis?  
 Jamque, ubi cæruleum variabunt sidera cœlum,  
 Suspice: Gorgonei colla videbis equi. 450  
 Creditur hic cæsæ grvida cervice Medusæ  
 Sanguine respersis prosiluisse jubis.

445. Argumentum etymologicum. Particula *ve*, observante Gellio dicto loco, duplicem significatum, eundemque diversum habebat, quum et augendæ et minuendæ rei inserviret. Ovidius *Vejovem* explicuit, qui non juvandi potestatem, sed vim nocendi habet. Hanc interpretationem eo adjuvat, quod simulacrum hujus Dei sagittas teneat, quæ sint paratæ ad nocendum. *Vegrandia*. Etiam Festus "vegrandem fabam minutam" dici tradit. Varro de R. Rust. ii. 2. "vegrandes et imbecillæ oves." De voce *vescus* vide Gellium, xvi. 5; Phylargyr. ad Virgilium, Georg. iii. 175. et iv. 131; et Festum, a quibus inter alia minutum, exile, macrum explicatur. Plinius, vii. 20. "vesco corpore, sed eximiis viribus." Ac Festus quidem etiam *Vejovem* interpretatur cum Nostro *parvum Jovem*.

449—458. *Pegasi collum oritur* heliace. Kalendaria nonnulla et hunc ortum, et *Vejovis* templum superiori diei tribuunt. Hic quoque sideris originem refert, quam *Metam.* iv. 784. ut fontem ab eo factum *Met.* v. 256 sq. paucis attingit. Etiam nunc justo brevior est et subobscurus. Cf. *Hesiodus Theog.* 280 sqq. et 325; *Apollo-dorus*, II. iii. 2; et iv. 2; *Hyginus*, *Poetic. Astron.* ii. 18. qui varias de

hac re fabulas collegit. *Variabunt*, dispersa variam formam dabunt cœlo, eleganter, dictum: eodem sensu "varium cœlum," *Metam.* ii. 189: "variabant tempora cani," *Met.* xii. 465: "varians capillos gemma," *Amorr.* I. ii. 41. *Medusa*, una *Gorgonum*, *grvida* erat ex *Neptuno*. Amputato ejus collo, fœtus cum sanguine exsiluit, neque *Pegasus* tantum, sed et *Chrysaor* frater; vide *Hesiodum* et *Apollo-dorum*, dict. locc. Ac ille quidem nomen inde accepit, quod prope oceani fontes, *πηγάς*, natus est. *Prosiluisse*, *Hesiodus*, *ἔξέθορε*, quod deinde et alii servarunt. Eo a *Minerva* accepto *Bellerophon* adversus *Chimæram* vectus est. Inde victor reversus, quum ad cœlum evolare contenderet, *Pegasus* a *Jove* irritatus, cœstro immisso, excussit equitem; *Pindar.* *Isthm.* Z. 60 sqq; *Hyginus*, dicto loco. Hinc *Horatius*, IV. Od. xi. 27. "ales *Pegasus* terrenum equitem gravatus." *Lapso*, celeriter evecto. *Hippocrenen*, fontem in *Helicone*, monte *Aoniæ*, id est *Bœotiæ*, *Metam.* dict. loc. dura ungula *rupit*, hoc loco *fodit*. Sic etiam *Rutil.* *Itin.* i. 264: "Musarum ut latices ungula fodit equi." *Sidus* esse jussit *Jupiter*. *Quinque decemque*, *Hodie* 89. stellæ in eo sidere numerantur.

Huic supra nubes, et subter sidera lapso  
 Cælum pro terra, pro pede penna fuit.  
 Jamque indignanti nova frena receperat ore; 455  
 Quum levis Aonias ungula fodit aquas.  
 Nunc fruitur cœlo, quod pennis ante petebat;  
 Et nitidus stellis quinque decemque micat.  
 PROTINUS adspicies venienti nocte Coronam  
 Gnosida: Theseo crimine facta Dea est. 460  
 Jam bene perjuro mutarat conjugem Bacchum,  
 Quæ dedit ingrato fila legenda viro.  
 Sorte tori gaudens, Quid flebam rustica? dixit,  
 Utiliter nobis perfidus ille fuit.  
 Interea Liber, depexus crinibus, Indos 465  
 Vincit, et Eoo dives ab orbe redit.

459—516. Die octavo, sive viii. Idus, *ortus Coronæ vespertinus*. Hujus sideris originem, quam Metam. viii. 175—182. breviter narravit, nunc latius persequitur. Confer. Art. Amat. i. 531—564; Arat. Phæn. 71; Lactantius, instit. i. 10; Virgil. Georg. i. 222. Hæc quoque fabula variè tradita, ut vel ex Hygini poet. Astronom. ii. 5. patet. Partem ejus priorem, quæ ad *Thesea* pertinet, habet Heroid. x. quæ epistola scripta fingitur ab Ariadna in litore Diæ. *Corona* est sidus boreale prope Bootem. *Gnosis* vocatur, quia Minos, pater Ariadnæ, rex Cretæ, cujus urbs *Gnosus*. Etiam Virg. Georg. i. 222. “*Gnosia ardentis stella coronæ.*” *Theseo crimine facta Dea est*, justo brevius dictum. Ariadne, cujus illa inter sidera relata corona fuit, *Thesei* crimine facta Dea est, quatenus *Theseus* hanc comitem in *Dia* insula, quæ serius *Naxos* dicta, deseruit: quæ causa fuit, cur *Bacchus* eam duceret. Ea fuit vulgaris traditio. Secundum *Homerum*, Od. A. 320 sqq. qui est fons fabulæ, *Diana* Ariadnen detinuit in illa insula, ducta

*Bacchi* contra eam testimonio; alii aliter. Vide *Plutarch.* Thes. 20. *Conjuge Bacchum pro, conjugem Baccho.* Solent enim poetæ verbo *mutare* accusat. rei acceptæ, et ablat. relictæ addere. *Legere pro relegere*, quod de hac eadem re *Metam.* dicto loco; *Hygin.* fab. 42. *licium revolvere.* Rem ipsam ingeniose circumloquitur *Epist.* x. 104: “*Fila per adductas sæpe recepta manus.*”

463. *Sors tori* potest esse et conjugium et ipse conjux; vi. 30. *Saturni sors* est proles *Saturni*. *Jam Art.* Amat. dicto loco inter illos fletus et querelas repente adest *Bacchus* cum tympanis et cymbalis, querentique et conjugium et cælum promittit. *Nec mora*, curru impositam aufert secum. *Verum hoc loc.* post matrimonium initum *Liber* expeditionem *Indicam* suscipit. *Depexus crinibus*, comitis, diligenter compositis capillis. *Bacchus εὐκόμης*; *Metam.* iii. 421. “*dig-nos Baccho crines;*” et eum decet “*madidus myrrha crinis,*” *ibidem* ver. 555. ubi vide notam.

Inter captivas facie præstante puellas  
 Grata nimis Baccho filia regis erat.  
 Flebat amans conjux, spatiataque litore curvo  
 Edidit incultis talia verba comis: 470  
 En iterum similes, fluctus, audite querelas:  
 En iterum lacrymas accipe, arena, meas.  
 Dicebam, meminî, perjure et perfide Theseu!  
 Ille abiit: eadem crimina Bacchus habet.  
 Nunc quoque nulla viro, clamabo, femina credat.  
 Nomine mutato causa relata mea est. 476  
 O utinam mea sors, qua primum cœperat, isset!  
 Jamque ego præsentî tempore nulla forem!  
 Quid me desertis perituram, Liber, arenis  
 Servabas? potui dedoluisse semel. 480  
 Bacche levis, leviorque tuis, quæ tempora cingunt,  
 Frondibus; in lacrymas cognite Bacche meas;  
 Ausus es ante oculos adducta pellice nostros  
 Tam bene compositum sollicitare torum?  
 Heu! ubi pacta fides? ubi quæ jurare solebas? 485  
 Me miseram, quoties hæc ego verba loquor!

470. *Incultis comis.*] Talem etiam post Thesei profectionem descripsit Ep. X. xvi. 47; ubi "diffusis errat sola capillis" in litore. Vero autem parum simile est eam quamdiu Bacchus in India esset, in insula Dia mansisse. Sola quum esset, et gravissime commota, bene *fluctus* et *arenam* alloquitur.

475. *Nunc quoque*, etc.] Sententiam hanc a Catullo, Nupt. Pelei uberius esse expositam, Neapolis observavit. *Relata* vel narrata, vel repetita. Posteriore sensu jam supra aliquoties legimus. *Dedolere*, finire dolorem, nempe morte.

481. *Levis*, inconstans in amore. Talis et mobilis dici potest; hinc com-

paratio cum *frondibus* hederæ. Bacchus *κισσοκόμης, κισσοστέφανος*. Auctore Plinio Hist. Nat. xvi. 4. omnium primus coronam sumsit, et quidem ex hederâ. *Adducta*. Francos. *deducta*. Sane *deducere*, ut *perducere*, sæpe turpi sensu legitur. Sed recte Burmannus ad Heroid. ix. 121. ubi idem fere versus occurrit, docuit, *ante oculos deducere* non bene dici, *adducere* vero eodem sensu legi, et passim verba *ante oculos* adjuncta habere. Quid? quod notio illa obscæna in hoc loco non cadit, sed *adducere* id quod simplex *ducere*. *Compositum*, concors conjugium.

486. *Loquor.*] Unus Petav. *queror*; hinc Heinsius *vera* vel *sera queror*



Thesea culpabas, fallacemque ipse vocabas :

Judicio peccas turpius ipse tuo.

Ne sciat hoc quisquam, tacitisque doloribus urar ;

Ne toties falli digna fuisse puter. 490

Præcipue cupiam celari Thesea, ne te

Consortem culpæ gaudeat esse suæ.

At, puto, præposita est fuscæ mihi candida pellex.

Eveniat nostris hostibus ille color! 494

Quid tamen hoc refert? vitio tibi gratior ipso est.

Quid facis? amplexus inquinat illa tuos.

Bacche, fidem præsta; nec præfer amoribus ullam

Conjugis adsuetæ semper amare virum.

Ceperunt matrem formosi cornua tauri; 499

Me tua: at hic laudi est; ille pudendus amor.

Ne noceat, quod amo: neque enim tibi, Bacche,  
nocebat,

Quod flammas nobis fassus es ipse tuas.

Nec, quod nos uris, mirum facis: ortus in igne

Diceris, et patria raptus ab igne manu.

Illa ego sum, cui tu solitus promittere cælum. 505

Hei mihi, pro cælo qualia dona fero!

Dixerat: audibat jamdudum verba querentis

Liber, ut a tergo forte secutus erat.

Non video quare: dolet, quod bis similiter decepta jam iterum eadem verba loqui cogatur. *Ne sciat*, utinam hoc nemo resciscat.

493. De fuscis Indis vide ad Metam. iv. 21. *Colorati* vocantur Georg. iv. 293. *Fuscam* autem nunc se vocat, vel pellicis colorem sibi ironice tribuens, vel illum *fuscum* colorem intelligens, quem Noster II. Amorr. iv. 40. etiam in Romanis puellis laudat. *Inquinat amplexus*, turpes sunt ejus amplexus.

499. *Cornua tauri*, taurus ille, quem

Pasiphaë, mater Ariadnæ amavit, unde Minotaurum peperit; Hyginus, fab. 40. De *pudendo* illo amore vide Metam. viii. 132. De *cornibus* Bacchi dictum ad Metam. iv. 19. Sed hic incipit poetæ ingenium luxuriare; cuique enim personæ propria ubique admiscere gestit. Idem valet de sqq. *ortus in igne*, etc. Respicit autem fab. qua Semele arsit, quum Jupiter fulmine armatus intraret, ille autem imperfectum Bacchi corpus ex utero rapuit; Metam. iii. 309. sqq.

507 sqq. Simile figmentum ii. 759

Occupat amplexu; lacrymasque per oscula siccatur;

Et, Pariter cœli summa petamus, ait. 510

Tu mihi juncta toro, mihi juncta vocabula sumes.

Jam tibi mutatae Libera nomen erit.

Sintque tuæ tecum faciam monumenta Coronæ,

Vulcanus Veneri quam dedit, illa tibi. 514

Dicta facit; gemmasque novem transformat in ignes.

Aurea per stellas nunc micat illa novem.

SEX ubi sustulerit, totidem demerserit orbes,

Purpureum rapido qui vehit axe diem:

Altera gramineo spectabis Equiria campo,

Quem Tiberis curvis in latus urget aquis. 520

sqq. *Audibat* per syncopen non inusitatam. *Occupat amplexu*, ut alibi *impedit amplexu*. *Cœli summa*, cœlum, quatenus in alto.

511. Fabula hæc varie tradita. E vulgari traditione, quam Ovidius Met. dicto loco sequitur, corona tantum Ariadnæ inter sidera relata. Secundum divino affecta est; Seneca, Œd. 498; Lactantius, dict. loc. apud Propert. III. xv. 8. *lyncibus in cœlum vecta* legitur. Sic et apud Nostrum Art. Amat. i. 550. Hoc loc. et ipsa et corona ejus memorantur; similiter a Probo dict. loc. De *corona* varias traditiones collegit Hyginus, Poet. Ast. ii. 5. *Monumenta coronæ*, corona, quæ vim habeat monumenti. Hyginus: "Coronam dicitur inter astra collocasse, ut æterna memoria nominis efficeretur." Coronam ex auro et Indicis gemmis factam *Vulcanus* dedit *Veneri*. *Novem*. Hodie huic sideri una et viginti stellæ tribuuntur. Intelligitur enim Corona, non australis, sed borealis inter Engonasin et Ophiuchum; Metam. viii. 182.

517—522. *Altera Equiria* pridie Id. sive xiv. die Martii. De prioribus vide ii. 857. Rem tenuem admodum ornavit verbis. *Axis*, currus Solis; *rapidus* vel ab incitato cursu, vel a rapida Solis flamma dictus. *Purpureus* omnino lucidum et splendidum colorem notat; *purpureum solis lumen* Æn. vi. 641. A *gramine* et alibi Campus Martius designatur. Horatius, Art. Poet. 162. "gaudet gramine Campi." *Curvis* propter obliquum fluviorum cursum. *In latus urget* bene de alluente flumine; i. 242. *rapidus Tiberis unda latus*. De *Tiberis* crebris exundationibus vide ad Plinium, Ep. viii. 17 Argum. *Ejici* de aqua cum vi prorumpente; vide Cor-tium ad Plinium dict. loc. s. 3. Ibi Tiberis, qui alveum excessit, "premit valles, innatat campis," hoc loco *tenet campum*. Quod hic de *Cælio* monte narratur, id Festus confirmat: "Martialis campus in Cœlio monte dicitur, quod in eo Equiria solebant fieri, si quando aquæ Tiberis campum Martium occupassent."

Qui tamen ejecta si forte tenebitur unda,  
 Cælius accipiat pulverulentus equos.  
 IDIBUS est Annæ festum geniale Perennæ,  
 Haud procul a ripis, advena Tibri, tuis. 524  
 Plebs venit, ac virides passim disjecta per herbas  
 Potat, et accumbit cum pare quisque sua.  
 Sub Jove pars durat: pauci tentoria ponunt:  
 Sunt, quibus e ramis frondea facta casa est:  
 Pars sibi pro rigidis calamos statuere columnis,  
 Desuper extentas imposuere togas. 530  
 Sole tamen vinoque calent: annosque precantur,  
 Quot sumant cyathos; ad numerumque bibunt.  
 Invenies illic, qui Nestoris ebibat annos:  
 Quæ sit per calices facta Sibylla suos.  
 Illic et cantant, quidquid didicere theatris; 535  
 Et jactant faciles ad sua verba manus;

523—696. *Annæ Perennæ sacra* Idibus. Deæ hujus mentio jam ver. 146 facta. Nunc, 523—542. sacra ejus jucunde describuntur, et 543—674. de Anna ipsa copiose exponitur. Tandem ad sacra ejus reditur. Laberius mimum scripserat nomine Annæ Perennæ, qui a Gellio Noct. Att. xvi. 7. et a Nonio Marcello in voce *collabella* laudatur.

*Geniale*, quo genio indulgetur. Vide ad ver. 58. *Advena Tiberis* etiam ii. 68. Festum hoc in nemore Annæ, haud procul a Tiberi, inter Anienis confluentem et pontem Milvium celebrabatur. Potantes non tantum e plebe, sed et ex aliis ordinibus, sæpe strati, fusi, reclinati, abjecti, negligenter in gramine jacebant; Horat. II. Od. iii. 6. Hinc *disjecta*, passim fusa. *Par*, ut iv. 98. De animantibus supra ver. 193.

527. Omnis hic locus scenam habet e vita plebis Romanæ. *Sub Jove du-*

*rat*, ut ii. 299. *Frondeæ illæ casæ* suo nomine *umbræ* dicebantur, atque, ut e Sexto Pompeio constat, etiam Neptunalibus figebantur; quemadmodum e vestibus umbracula in Palilibus a Tibullo, ii. v. 97. memorantur: “e veste sua tendent umbracula sertis Vincæ.” *Rigidis* bene se habet; tribuitur enim hoc epitheton passim rebus e ligno aut saxo factis. *Ad numerum bibunt*, numerant cyathos, quos exhauriunt. In sacris *Perennæ* pro perennitate vitæ bibunt. Vide Macrobiani verba ad ver. 146 allata. *Sibylla vivax*; iv. 875. De illa vivacitate ejus vide Metam. xiv. 131 sqq. ubi ipsa narrat, sæcula jam septem sibi acta, et restare tria. Hinc mulieribus Sibyllæ annos precabantur veteres, ut viris *Nestoris*; Ovid. II. ex Ponto, viii. 41. ad Augusti filium: “Sic pater in Pylios, Cumæos mater in annos Vivant.”

535. *Theatris*, in theatris. Male

Et ducunt posito duras crateres choreas,  
 Cultaque diffusis saltat amica comis.  
 Quum redeunt, titubant; et sunt spectacula vulgo;  
 Et fortunatos obvia turba vocant. 540  
 Occurri nuper: visa est mihi digna relatu  
 Pompa: senem potum pota trahebat anus.  
 Quæ tamen hæc Dea sit, quoniam rumoribus errat,  
 Fabula proposito nulla tegenda meo.  
 Arserat Æneæ Dido miserabilis igne; 545  
 Arserat exstructis in sua fata rogis: [men  
 Compositusque cinis, tumulique in marmore car-  
 Hoc breve, quod moriens ipsa reliquit, erat:  
 Præbuit Æneas et causam mortis, et ensem:  
 Ipsa sua Dido concidit usa manu. 550

Taubnerus in usum theatrorum, ut in theatris recitentur. *Jactare manus* de gesticulatione manuum in dicendo etiam Quintil. VI. iii. 54; X. iii. 21. et de histrione XI. iii. 179. Neapolis hæc de saltatione capiebat. Sed de hac, disticho seq. agitur. *Faciles*, quæ facile obsequuntur. *Posito crateres*. Schirachius explicat, remotis crateribus, finitis conviviis. Equidem hic, ut ver. 418. *cratera* in Deæ honorem *positum* esse arbitror, in eundemque *choreas* institutas. *Duræ choreæ*; Virg. Georg. i. 350: "motus incompositi" rusticorum, quum urbani "mollia brachia moveant."

541. Facile assentior Heinsio et Burmanno putantibus, post hoc distichon plura excidisse, forte, quum lasciviora essent, puris castisque monachorum manibus deleta. Etenim voc. *visa est mihi digna relatu Pompa* longiorem narrationem expectare jubent.

543. Ad *Annam* ipsam convertitur, et varias de ea traditiones recenset. E prima, quam copiosissime et opero-

sissime usque ad ver. 656. tractavit, illa fuit Didus scil. *Elissæ* soror, quæ ad Æneam in Latio degentem pervenit, a quo benigne est accepta; sed metuens Lavinia insidias noctu fugit, excipiturque a Numicio amne. *Errat*, dubia, incerta est; i. 468. *ne tuus erret honos*. Heinsius e sex MSS. *errant* invexit, ut referatur ad *fabulas*. *Fabula nulla*, traditionum variarum nulla.

545. De *Didonis* amore in Æneam et de *Anna* sorore vide Virgil. Æn. iv. et de morte, quam illa sibi conscivit, inde a ver. 630. De *Annæ* fuga et fati, Silius, viii. 50 sqq. qui tamen in nonnullis a Nostro dissentit. Nota hic duplicem sensum verbi *ardere*. *Exstructis*. Heinsius malit *et structis*. *Componi*, quod de omni cura dicitur quæ cadaveri efferendo impenditur, nunc est condi. *Ensem* illum Didoni dono dederat Æneas. Vide Burmannum ad Virg. Æn. iv. 495. 647. ubi arripit *Dardanium ensem*. Silius, 50: "profugi donum exitiale mariti."

Protinus invadunt Numidæ sine vindice regnum,  
 Et potitur capta Maurus Iarba domo ;  
 Seque memor spretum, Thalamis tamen, inquit,  
 Elissæ

En ego, quem toties reppulit illa, fruor.  
 Diffugiunt Tyrii, quo quemque agit error : ut olim  
 Amisso dubiæ rege vagantur apes. 556

Tertia nudandas acceperat area messes ;  
 Inque cavos ierant tertia musta lacus :  
 Pellitur Anna domo ; lacrymansque sororia linoquit  
 Mœnia ; germanæ justa dat ante suæ. 560

Mixta bibunt molles lacrymis unguenta favillæ ;  
 Vertice libatas accipiuntque comas.  
 Terque, Vale, dixit : cineres ter ad ora relatos  
 Pressit, et est illis visa subesse soror.

Nacta ratem, comitemque fugæ, pede labitur æquo,  
 Mœnia respiciens, dulce sororis opus. 566

552. De *Iarba*, Jovis Ammonis filio, rege *Numidarum*, despecto a Didone, vide Virgilium, *Æn.* iv. 36. 198 sqq ; Justinum, xviii. 6. Secundum Servium, Dido bellum ab eo metuens se combussit. *Vinder*, defensor. In *thalamis* lusus est, quia *thalami* et de conjugio. *Reppulit*, repudiavit nuptias ejus petentem.

555. *Error*, perturbatio mentis. Alibi, *qua impetus agit aut trahit*. De *apibus* Virgil. *Georg.* iv. 213. *Amisso rege rupere fidem*. Comparatio non mala ; etenim " Regem non sic *Ægyptus*, nec ingens *Lydia*, nec populi *Parthorum* observant," quam apes suum.

557. Annorum numerus a messibus et mustis ; sic et *Metam.* xiv. 146. *Messes* nunc sunt grana, quæ nudantur, quum palea exuuntur. *Lacus*, alibi *labra*, vasa ad recipiendum mus-

tum. Apud Silium Anna maturius fugit, *tepidò* adhuc sororis *rogo*.

561. *Mixta*, etc.] Hoc suaviter dictum. Cf. v. 454 ; Horat. II. *Od.* vi. 22. " Ibi tu calentem *Debita* sparges lacryma favillam *Vatis amici*." *Cineres* collectos non lacrymis modo, sed et odoribus vinoque irrigare nonnunquam solebant ; Kirchn. de *Funeribus Roman.* p. 365. *Libatæ*, resectæ, de *vertice* comæ vel tumulis imponi solebant, vel addi cineribus. Etiam *oscula* mortuis et cineribus dabantur.

565. In nave *pedes* sunt funes, quibus interiores veli anguli versus puppim trahuntur. Inde *pedibus æquis*, leni vento ; Cic. *Attic.* xvi. 6. ubi vide *Grævium* ; *Æn.* iv. 587. pro eo est, " æquatibus classem procedere velis." Mirum ergo est, ipsum *Burmannum* hoc loco hæsisse.

Fertilis est Melite, sterili vicina Cosyræ  
 Insula, quam Libyci verberat unda freti.  
 Hanc petit, hospitio regis confisa vetusto :  
 Hospes opum dives rex ibi Battus erat. 570  
 Qui postquam didicit casus utriusque sororis ;  
 Hæc, inquit, tellus quantulacumque tua est.  
 Et tamen hospitii servasset ad ultima munus ;  
 Sed timuit magnas Pygmalionis opes.  
 Signa recensuerat bis sol sua : tertius ibat 575  
 Annus ; et exsulibus terra petenda nova est.  
 Frater adest, belloque petit : rex arma perosus,  
 Nos sumus imbelles, tu fuge sospes, ait.  
 Jussa fugit ; ventoque ratem committit et undis.  
 Asperior quovis æquore frater erat. 580  
 Est prope piscosos lapidosi Crathidis amnes  
 Purus ager : Cameren incola turba vocant.

567. *Melite*, insula inter Africae litora et Siciliam, *Melite Africa* aut *Sicula* dicta; Diodorus, v. 12; hodie *Malta*. Colonia erat Phœnicum, qui ad Oceanum usque navigantes hanc insulam sibi perfugium esse voluerunt, quod et portubus commoda, et in medio mari sita esset; Bochart. Geogr. Sacr. i. 26. Inde *hospitium*, quod mox memoratur. Quidam male cogitarunt de Melita Illyrica in mari Adriatico, hodie *Meleda*. Ab illa altera stadiis quingentis distabat *Cosyra*, cujus ambitus non ultra centum quinquaginta stadia patebat. Hinc *parva* vocatur a Silio, xiv. 272. *Sterilem* cum Nostro dixit et Seneca Consol. ad Helv. 6. ubi asperrimis insulis annumeratur; hodie vocatur *Gozzo*. Vide Bochart. dict. loc. A Silio *Cossyra* scribitur; in nummis *Cossura*, *Verberat*, ut Æn. iii. 423. "sidera verberat unda."

570. Etiam apud Silium, ver. 51. Anna a *Batto* excipitur rege miti et

lacrymas facile dante casibus humanis, sed is eum regem Cyrenes facit, de quo conf. Herodotus, iv. 135; Justinus, xiii. 7. *Tamen*, utique, certe; Livius, "Tenuere tamen arcem Sabini," ubi vide Bauer. De *Pygmalionis* et *Elissæ* ocio mutuo vide Virgilium, Æn. i. 340; Justinum, xviii. 4.

575. Etiam apud Silium ibi manet, "dum flavas bis tondet messor aristas." *Bello* petit, bellum minatur; sumto verbo a gladiatoribus, ut in: *telis, insidiis petere*. *Imbellis* opp. et belli perito, et armis valido; Liv. xxii. 39; ix. 19. *Asperum* mare, commotum. *Ea commotio* cum ira hominum comparatur; unde vicissim mare *iratum*.

581. De his locis Silius nihil habet, sed Anna statim Laurentes in oras expellitur. *Crathis* Thuriorum in magna Græcia fluvius, vim rutilandi comas habens; Met. xv. 315. *Purus* ager etiam *patens* et *vacuus* dici solet;

Illuc cursus erat : nec longius abfuit inde,  
 Quam quantum novies mittere funda potest.  
 Vela cadunt primo, et dubia librantur ab aura :  
 Findite remigio, navita dixit, aquas. 586  
 Dumque parant torto subducere carbasa lino,  
 Percutitur rapido puppis adunca Noto :  
 Inque patens æquor, frustra pugnante magistro,  
 Fertur, et ex oculis visa refugit humus. 590  
 Adsiliunt fluctus, imoque a gurgite pontus  
 Vertitur, et canas alveus haurit aquas.  
 Vincitur ars vento : nec jam moderator habenis  
 Utitur, at votis : hic quoque poscit opem.  
 Jactatur tumidas exsul Phœnissa per undas ; 595  
 Humidaque opposita lumina veste tegit.

Met. iii. 709 : "Purus ab arboribus spectabilis undique campus;" Livius, i. 44. "Purum ab humano cultu solum;" xxiv. 14. "puro ac patenti campo;" Homerus II. Ψ. 61. καθαρός χώρος. *Quam quantum*, etc. Hanc mensuram jam Homer. II. II. 589. adhibuit; confer Metam. viii. 695. *Mittere* absolute positum, intellige lapidem.

585. *Cadunt* vela in locis vadosis, ut remis navis ad terram agatur. *Librantur*; a vento agitata varios motus dant. *Dubia*, quæ nunc hinc spirat, nunc illinc, variabilis.

587. *Subducere*, in altum trahere. Subducta subnectuntur antennis; Metam. xi. 483. Inde *deducuntur*, quando iis opus est. Funes, quibus utrumque fit, h. l. *tortum linum*, ut alibi *torti funes*. *Magister*, rector navis, ut Æneid. i. 115; vi. 353: paulo ante *navita*. Poetæ ita loquuntur, quasi venti mare usque ad *inum gurgitem* movere valeant. *Canas* a spuma.

593. Sic et Met. ii. 185. navis : "cui victa remisit Frena suus rector, quam Dîs, votisque reliquit," ubi vide notam.

596. *Humida lumina*. Ergo et Ovidius hic et Metam. xi. 539. credit, in tali periculo posse lacrymas prorumpere, ejusque auctoritas tuetur lectionem *siccis oculis* apud Horatium, I. Od. iii. 18. *Dido* ante *miserabilis* dicta ver. 545. nunc primum *felix*, quæ prædicatio usitata tali tempore; Homerus, Od. E. 299; Virgilius, Æn. i. 93. In fluctibus laborantes beatos prædicabant eos, quibus contigisset in terra mori, ubi rite sepeliri potuissent; Metam. xi. 540. Huc refer et nostra : *Et quæcumque aliquam corpore pressit humum*; quæ formula etiam Met. vii. 608. de mortuis legitur : *inhumata corpora premunt terras*. Apud Silium, Anna "agitur pelago, Divis inimica sibi que," quod "se non dederit comitem in suprema sorori."

Tum primum Dido felix est dicta sorori,  
 Et quæcumque aliquam corpore pressit humum.  
 Figitur ad Laurens ingenti flamine litus  
 Puppis; et expositis omnibus hausta perit. 600  
 Jam pius Æneas regno nataque Latini  
 Auctus erat, populos miscueratque duos.  
 Litore dotali, solo comitatus Achate,  
 Secretum nudo dum pede carpit iter,  
 Adspicit errantem, nec credere sustinet Annam  
 Esse: quid in Latios illa veniret agros? 606  
 Dum secum Æneas; Anna est, exclamat Achates:  
 Ad nomen vultus sustulit illa suos.  
 Quo fugiat? quid agat? quos terræ quærat hiatus?  
 Ante oculos miseræ fata sororis erant. 610  
 Sensit, et alloquitur trepidam Cythereius heros;  
 Flet tamen admonitu mortis, Elissa, tuæ.  
 Anna, per hanc juro, quam quondam audire sole-  
 Tellurem fato prosperiore dari; [bas  
 Perque Deos comites, hac nuper sede locatos, 615  
 Sæpe meas illos increpuisse moras.

599. *Figi, infigi, configi, affigi* de nave dici, quæ magno cum impetu litori, illidatur, docet Heinsius ad hunc locum. *Miscuerat populos*. Hoc explicat Liv. i. 2: "Æneas, ut animos Aboriginum sibi conciliaret, ne sub eodem jure solum, sed etiam nomine essent, Latinos utramque gentem appellavit." Cum solo *Achate*, comite fido, Æneas ambulat etiam Æn. i. 312. Apud Silium ver. 71. Annam Æneas videt *sacro comitatus Iulo*. Quid, scilicet petens, quo consilio, cur veniret.

609. *Quos terræ quærat hiatus?*] Silius, iv. 332: "Fugere infixum est,

terræque optantur hiatus." Aliter hæc ficta a Silio ver. 73; ibi Æneas "terræ defixam oculos, et multa timentem, Ac deinde allapsam genibus lacrymantis Iuli, Attollit." De *fletu heroum* haud indecoro vide Heynium ad Æn. i. 92.

613. Italiam circumloquitur, quæ fato ei destinata: imitatus Nostrum est Silius ver. 105: "Tellurem hanc juro, vota inter nostra frequenter Auditam vobis." *Deos comites*; Penates, quos secum Troja elatos Latio intulit; Æn. i. 6; xii. 192. *Increpuisse*, signis quibusdam datis.



Nec timui de morte tamen; metus abfuit iste:  
 Hei mihi! credibili fortior illa fuit.  
 Ne refer: adspexi non illo pectore digna  
 Vulnera, Tartareas ausus adire domos. 620  
 At tu, seu ratio te nostris adpulit oris,  
 Sive Deus; regni commoda carpe mei.  
 Multa tibi memores, nil non debemus Elissæ:  
 Nomine grata tuo, grata sororis, eris.  
 Talia dicenti, neque enim spes altera restat, 525  
 Credidit, errores exposuitque suos.  
 Utque domum intravit Tyrios induta paratus,  
 Incipit Æneas; cætera turba silet:  
 Hanc tibi cur tradam, pia causa, Lavinia conjux,  
 Est mihi: consumsi naufragus hujus opes. 630  
 Orta Tyro, regnum Libyca possedit in ora;  
 Quam, precor, ut caræ more sororis ames.  
 Omnia promittit, falsumque Lavinia vulnus  
 Mente premit tacita, dissimulatque fremens:  
 Dona que quum videat præter sua lumina ferri 635  
 Multa palam, mitti clam quoque multa putat.  
 Non tamen exactum, quid agat: furialiter odit;  
 Et parat insidias, et cupit ultra mori.

619. Æneas quum in orcum descendisset, ibi etiam Didonem vidit recentem a vulnere, et cum ea collocutus est; Æn. vi. 450 sqq. Sed longiore oratione Anna nunc ei Didonis fata narrat apud Silium. *Non digna illo pectore*, quæ tale pectus non meruerat, quum tale pectus meliorem sortem meruisset. *Ratio*, consilium tuum certum. *Carpere*, frui. Etiam Dido quondam Æneæ sociis: "Urbem, quam statuo, vestra est;" Æn. i. 573. *Memores debemus*, grato animo meminimus, nos tibi debere. Burmannus e Servio notat, etiam ab Anna Æneam amatum esse. Verum de hoc

nunc non est sermo, sed de beneficiis acceptis.

627. *Paratus*, apparatus, amictus, ornamenta corporis; Met. vi. 451: "Magno dives Philomela paratu, Divitior forma." *Tradere*, commendare. *Pia causa* refertur ad gratiam referendam.

633. *Vulnus*, dolor ex zelotypia. *Falsum*, quia temereangebatur. *Premittit*, occultat; Æneid. iv. 332: "curam sub corde premebat." *Fremens*, indignans. *Ferri præstat*, quia MSS. veteres fere omnes sic habent, et quia bene convenit verbis *præter sua lumina*.

637. *Exigere*, perpendere quid agas,

Nox erat: ante torum visa est adstare sororis  
 Squalenti Dido sanguinolenta coma, 640  
 Et, Fuge, ne dubita, mœstum fuge, dicere, tectum.  
 Sub verbum querulas impulit aura fores.  
 Exsilit; et velox humili super arva fenestra  
 Se jacit: audacem fecerat ipse timor:  
 Quaque metu rapitur, tunica velata recincta, 645  
 Currit, ut auditis territa dama lupis.  
 Corniger hanc cupidis rapuisse Numicius undis  
 Creditur, et stagnis occuluisse suis.  
 Sidonis interea magno clamore per agros  
 Quæritur: apparent signa notæque pedum. 650  
 Ventum erat ad ripas: inerant vestigia ripis,  
 Sustinuit tacitas conscius amnis aquas.  
 Ipsa loqui visa est: Placidi sum Nympha Numicî;  
 Anne perenne latens, Anna Perenna vocor.  
 Protinus erratis læti vescuntur in agris; 655  
 Et celebrant largo seque diemque mero.

quid exsequaris. *Visa est adstare*, etc. Idem figmentum habet Silius ver. 165. ubi Dido plura verba facit. Etiam Didoni in somnis apparuerat Sychæus interfectus, eamque fugere jusserat; Æn. i. 353. *Mœstum* ab effectu dictum, quod mœrorem injicit; Livius, v. 43. *mœsta fortuna*.

642. *Sub verbum* id quod ad verbum, auditu hoc verbo. *Querulas*, ut sonum ederent. *Recincta*, sine zona, quia e lecto exsilierat. Alias *succinctæ* currebant, quo expeditiores essent. Etiam Metam. vii. 182: *vestes induta recinctas*. Apud Silium, 188. Anna fugit, "tenui corpus velamine tecta." Cæterum Heins. conjicit *Quoque metus rapuit*.

647. *Numicium* annem, qui inter Laurentum et Lavinium decurrebat, Noster describit Metam. xiv. 602 sqq. Lacubus multis interceptus erat, et

leni motu similis stagno. Hinc etiam Æn. vii. 150. "fontis stagna Numici." *Corniger* solemne epitheton fluviorum, quibus vel propter mugitum aquarum, vel propter curvaturas earum, capita aut cornua taurina tribui solebant: *Corniger Tiberis*, Æneid. viii. 77; ipse Numicius *Corniger* Met. xiv. 602.

652. Clamantibus illis in ripa, tacet Numicius, loquitur Nympha. *Placidus* frequens epitheton fluviorum, etiam Numicii Metam. xiv. 601; idemque sæpe in laudibus Deorum hominumque ponitur. Si Nympha antea *Anna* dicta, non opus erat ab *anne* nomen suum deducere. *Celebrant se* Marsus explicat: se reddunt celebres ebrietate. Taubnerus: sua, vel genii sui causa frequentes adsunt. Immo, curant ut bene sibi sit, largiter genio suo indulgent.

Sunt quibus hæc Luna est, quia mensibus impleat  
annum :

Pars Themis; Inachiam pars putat esse bovem :  
Invenies, qui te Nymphen Atlantida dicant ;

Teque Jovi primos, Anna, dedisse cibos. 660

Hæc quoque, quam referam, nostras pervenit ad

Fama ; nec a veri dissidet illa fide. [aures

Plebs vetus, et nullis etiamnum tuta tribunis

Fugit ; et in sacri vertice montis erat.

Jam quoque, quem secum tulerant, defecerat illos

Victus, et humanis usibus apta Ceres. 666

Orta suburbanis quædam fuit Anna Bovillis

Pauper, sed multæ sedulitatis, anus.

Illa, levi mitra canos redimita capillos,

Fingebat tremula rustica liba manu ; 670

657. Aliæ opiniones de Anna Pe-  
renna. Ab anno utrumque Deæ no-  
men deduci potuit. *Inachiam bovem*,  
Isidem. Sed hoc nihili est. Anna  
haud dubie fuit una e Deabus veteris  
Italiæ. *Atlantida*. Taubnerus putat,  
quia nonnulli Jovem in Arcadia na-  
tum tradiderint, *Atlantida* ab Atlante  
rege dictam esse unam ex Arcadicis  
Nymphis, quæ Jovis fuisse nutrices  
perhibeantur. Verum in illis nulla  
*Anna* memoratur. Burmannus nomen  
*Atlantida* corruptum censet, quia Nos-  
ter primam in *Atlante* corripere solet.  
Musæus tradiderat, Jovem a *Theinide*  
et *Amalthea* Nympha nutritum esse,  
quibus eum Ops mater tradidisset:  
Hyginus, Poet. Astronom. ii. 13 ;  
Eratosth. *Καταστ.* 13. Confer Heyn.  
ad Apollodorum, II. vii. 5 ; et Mun-  
kerum ad Hyginum, fab. 182. ubi  
*Amalthea* Oceani filia. Secundum  
alios Jupiter ab *Adrastea* et *Ida*, *Me-  
lissei* filiiabus, *Amaltheæ* lacte est nu-  
tritus.

661—674. Anna, mulier Latina, ob

alimenta quondam populo præbita fit  
Dea. Quæ vera sunt, adeoque fidem  
merentur, a veri fide non dissidere di-  
cuntur; alia sunt veri majora fide,  
Metam. iii. 660. aut veri vix habitura  
fidem. Mons trans Anienem, tria quem-  
suum millia ab urbe distans, in quem  
plebs anno U. C. 260. secessit, nec  
inde rediit, nisi tuta tribunis, id est,  
magistratibus suis sacrosanctis, quibus  
auxilii latio adversus consules esset ;  
Livius, ii. 22 ; Dionysius, vi. 45. Sa-  
cer dictus est ex illo tempore. In ver-  
tice montis, ἐπὶ τῆς ἀκρωτείας, eos  
castra habuisse narrat et Dionys.  
cap. 90.

667. *Bovilla* aut *Bovilla*, oppidum  
Latinorum haud procul ab urbe ad  
viam Appiam. Vide Brouckh. ad Propertium,  
IV. i. 33. quo loco et ipso  
*suburbana Bovilla*. Horatius, I. Ep.  
vii. 77. *suburbana rura* in Sabinis.  
*Sedulitas* eorum est, qui alteri impigre  
officia præstant, adsunt, apparent ;  
Gronovius, Obs. i. 23.

669. *Mitra*.] Etiam Metam. xiv.

Atque ita per populum fumantia mane solebat  
 Dividere : hæc populo copia grata fuit.  
 Pace domi facta signum posuere Perennæ,  
 Quod sibi defectis illa tulisset opem. 674  
 Nunc mihi, cur cantent superest obscæna puellæ  
 Dicere : nam coeunt, certa que probra canunt.  
 Nuper erat Dea facta : venit Gradivus ad Annam;  
 Et cum seducta talia verba facit :  
 Mense meo coleris ; junxi mea tempora tecum ;  
 Pendet ab officio spes mihi magna tuo. 680  
 Armifer armiferæ correptus amore Minervæ  
 Uror ; et hoc longo tempore vulnus alo.  
 Effice, Dî studio similes coeamus in unum :  
 Conveniunt partes hæ tibi, comis anus.  
 Dixerat : illa Deum promisso ludit inani ; 685  
 Et stultam dubia spem trahit usque mora.  
 Sæpius instanti ; Mandata peregrimus, inquit :  
 Evictas precibus vix dedit illa manus.  
 Gaudet amans, thalamosque parat : deducitur illuc  
 Anna tegens vultus, ut nova nupta, suos. 690

654. Vertumnus anum assimilans, *picta redimitus tempora mitra* venit ; de qua fascia vide Salmasium ad Solinum, pag. 392. *Copiam* de alimentis capio ; quemadmodum apud historicos *copiæ* de commeatu, frumento dicuntur.

673. *Signum* illud posuere haud dubie in vertice montis, in quo consecrato etiam Jovi *Δεμαρίω* aram extruxerunt ; Dionys. vi. 90. *Defectis*, deficientibus ; vide Heinsium.

675. Redit ad festum geniale Annæ, quod 523—542 descripsit, atque causam reddit, cur eo tempore *puellæ obscæna cantent*. Vera origo sine dubio repetenda est ex moribus prisorum hominum rudibus, unde et Fescennina licentia ; Horatius, II. Ep. i.

145 sqq. Sed Ovidius more suo fabulam petulantem intexere maluit. Atque ita Mars, quem initio hujus libri advocavit, ignominiam suam recognoscit. *Certa*, ejusdem semper generis et carmine consignata. *Seducere*, ut *Metam.* ii. 836. *sevocare*. Beneficium Martis verba *junxi mea tempora tecum* habent, pro quo vicissim aliquid petit. *Officium*, operam lenæ.

686. *Stulta spes*, spes ejus, qui non sentiebat se trahi.

689. *Gaudet* Heinsius dedit ex Mazar. Voss. Arond. et aliis. Cæteri *credit*, quod nec ipsum damnat. Etiam Burmann. dubitabat utrum præferret. Mihi *gaudet* placet ; nam *stultam*, scil. credulam spem poeta jam

Oscula sumturus subito Mars adspicit Annam :  
 Nunc pudor elusum, nunc subit ira, Deum.  
 Ridet amatorem caræ nova Diva Minervæ ;  
 Nec res hac Veneri gratior ulla fuit.  
 Inde joci veteres obscænaque dicta canuntur ; 695  
 Et juvat hanc magno verba dedisse Deo.  
 Præteriturus eram gladios in principe fixos,  
 Quum sic a castis Vesta locuta focus :  
 Ne dubita meminisse ; meus fuit ille sacerdos :  
 Sacrilegæ telis me petiere manus. 700  
 Ipsa virum rapui ; simulacraque nuda reliqui :  
 Quæ cecidit ferro, Cæsaris umbra fuit.  
 Ille quidem cælo positus Jovis atria servat ;  
 Et tenet in magno templa dicata foro.  
 At quicumque nefas ausi, prohibente Deorum 705  
 Numine, polluerant pontificale caput,

ante notavit. *Deduci* solenne de feminis, quæ concubitus causa, ad aliquem in thalamum deducuntur. *Ridet*. Taubnerus tuetur vulgatam *Ludis*, ut poeta hac apostropha ad *elusum* alludat. Rectius nunc sensus Deæ memoratur. Ridebat et illa et *Venus*, cujus vetus amator sic deceptus.

697—710. *Cædes Julii Cæsaris* facta Idibus Martii anno 707 ; qui dies inde *parricidium* dictus ; Suetonius Cæs. 88. Hanc rem ingeniose Ovid. tractavit, 1<sup>o</sup> quod cædi apotheosin Cæsaris substituit, quum ille etiam persuasione vulgi, propter stellam crinitam, quæ illo tempore fulsit, ad Deos abiisse crederetur ; 2<sup>o</sup> quod *Vestam* loquentem, et tam Cæsaris divinitatem, quam parricidarum poenas sibi tribuentem, Augusti denique laudes addentem, induxit. Apotheosin jam ver. 159. attigit.

699. *Meus sacerdos*, quia pontifex maximus præerat Vestalibus. Itaque

et v. 419. *Vestæ* sacra et Augusti pontificatus conjunguntur. *Figmentum* non malum, quo non *vir*, Cæsar ipse interfectus, sed *simulacrum*, imago ejus, dicitur. *Umbra* autem et *simulacrum* ita junguntur. *Nuda*, mera. Cæterum Dii interdum homini, quem servare vellent, corpus substituebant, ut Diana Iphigeniæ immolandæ cervam Met. xii. 24.

703. *Minores Dii nobilium atria celebrant* Metam. i. 172 ; hinc Cæsar *Jovis atria servat*. *Servat* locum, qui ibi versatur, habitat ; *En. vi. 556*. *Tisiphone vestibulum Tartari servat*. *Templum Cæsari* post triennium ab obitu positum anno 712.

705. *Prohibente*, prohibere volente, detestante ; Metam. v. 45 : *ea, se prohibente, moveri*. *Morte jacent merita*. Etiam rerum scriptores observant, parricidas illos triennio præterlapso omnes interiisse ; Suetonius Cæs. 88 : “ Percussorum autem fere, neque tri-

Morte jacent merita: testes estote Philippi;

Et quorum sparsis ossibus albet humus.

Hoc opus, hæc pietas, hæc prima elementa fuerunt

Cæsaris, ulcisci justa per arma patrem. 710

POSTERA quum teneras Aurora refecerit herbas,

Scorpios a prima parte videndus erit.

TERTIA post Idus lux est celeberrima Baccho.

Bacche, fave vati, dum tua festa cano:

Nec referam Semelen, ad quam nisi fulmina secum

Jupiter adferret; parvus inermis eras: 716

Nec, puer ut posses maturo tempore nasci,

Expletum patrio corpore matris onus.

ennio quisquam amplius supervixit, neque sua manu defunctus est. Dam-nati omnes, alius alio casu periit, etc." Memorabile prælium *Philippense* in Thessalia, in quo Brutus, Cassius, Casca fratres sua manu perierunt; Plutarchus *Cæs.* 26. *Albet humus ossibus*, ubi plures sepulti aut insepulti jacent; *Æneid.* xii. 36. "campi ingentes ossibus albert." Bellum *Philippense* autem *pro ultione paterna* suscepit *Cæsar* Augustus; Suetonius August. 29. *Prima elementa*, initia imperii et rerum gerendarum.

711. *Scorpii mediis occasus* cosmicus xvii. Kal. Aprilis. Sed Columella, xi. 2: "Idibus Martii Nepa incipit occidere." Plin. xviii. 65: "Cæsar et Idus Martias ferales sibi adnotavit Scorpionis occasu."

713—790. *Liberalia* tert. post Idus sive xvi. Kal. Aprilis. Præmissis Bacchi laudibus, vers. 715—724. poeta causas expromit, cur iis festis, et liba populo offerantur ab anu hederæ cincta 725—770. et toga libera pueris detur 771—790.

715. Non hymnum canam in Bacchum. Hymnis enim natales, virtutes, res gestæ Deorum celebrantur.

Hymnum in Bacchum habes Met. iv. 11 sqq. Confer Horatium, ii. Od. 19. De *Baccho* universe disputat Heynius ad Apollodorum, iii. 5 init. De natalibus vide Metam. iii. 273. *Semele* quum Jovis *fulminibus* arderet, Jupiter utero ejus Bacchum eripit, femori suo insuit, ut materna tempora impleat, atque Nyseidibus educandum tradit. *Ad quam*, etc. ad Semelen, te utero ferentem, nisi Jupiter fulmina secum adtulisset, tu esses quid? Hic responderi non potest, *parvus inermis*: id enim nec latinum est, nec sensum habet justum. Nec multum proficitur, si ex Heinsii conjectura *partus inermis eras* legas. Quidam ex melioribus, *erat*, ut ad Jovem referatur; sed hæc lectio pari difficultate laborat. Locus igitur corruptus est. Difficultas non tolletur, quamvis interpungas, *parvus, inermis eras*. LEM. *Matris onus*, tu, quem mater aliquot menses utero tulerat, *patrio corpori*, femori, insutus, *expletus*, ad maturitatem perductus es, ut justo tempore nasci posses. *Maturus* et de ventre onus ferente, et de matre partui vicina, et de tempore ad pariendum idoneo dicitur.

Sithonas, et Scythicos longum enumerare trium-  
 Et domitas gentes, turifer Inde, tuas. [phos;  
 Tu quoque Thebanæ mala præda tacebere matris,  
 Inque tuum furiis acte, Lycurge, genu.  
 Ecce libet subitos pisces Tyrrhenaque monstra  
 Dicere: sed non est carminis hujus opus.  
 Carminis hujus opus, causas expromere, quare 725  
 Vilis anus populos ad sua liba vocet.  
 Ante tuos ortus aræ sine honore fuerunt,  
 Liber, et in gelidis herba reperta focis.  
 Te memorant, Gange totoque Oriente subacto,  
 Primitias magno seposuisse Jovi. 730  
 Cinnama tu primus, captivaque tura dedisti,  
 Deque triumphato viscera tosta bove.

719. Res gestæ Bacchi. Furore ei a Junone injecto, Ægyptum, Syriam, Phrygiam peragravit, et inde per Thraciam ad Indos devenit, a quibus Thebas rediit. Hoc iter breviter narravit Apollodorus, III. v. 5; copiosius Diodorus Siculus, iv. et Nonnus in Dionysiac. *Sithones* sive *Sithonii*, gens Thraciæ ad pontum Euxinum, eaque computationibus dedita; Horat. I. Od. xviii. 9. De tura Plin. xii. 30: "tura, præter Arabiam, nullis, ac ne Arabiæ quidem universæ." Nempe Saba regio turifera; v. sup. ad i. 341. Sed *India* antiquis omnis terra orientalis, inprimis in australibus partibus sita. Vide Cuperi Observat. iv. 7.

721. De *Pentheo*, *Thebanorum* rege, quem, quum Bacchi sacra nollet accipere, ipsa mater Agave, in furorem adacta, dilaceravit, vide Metam. iii. 511 sqq. *Præda*, nam Pentheus matri videbatur aper. *Lycurgus*, Edonum in Thracia rex, vites omnes excidit, Bacchique nutrices bipenni perse-

cutus est. De pœna ei illata dictum ad Metam. iv. 22. Secundum nonnullos crura sibi amputavit falce: sic actus est in genu suum. *Subitos pisces*, etc. Tyrrhenos nautas subito in delphinas transformatos: Metam. iii. 597 sqq.

726. Varro lib. v. de Ling. Latina: "Liberalia dicta, quod per totum oppidum eo die sedent sacerdotes Liberi, hederæ coronatæ anus, cum libis et foculo pro emtore sacrificantes." Horum igitur singulorum causæ hic expromuntur. De origine et progressu sacrorum cf. i. 337 sqq. quæ ab his discrepant. *Gelidis*, etc. In focis herbe enascebantur, quia nunquam accendebantur. Pro *seposuisse* MSS. plurimi *supposuisse*; sed alterum eleganter de iis, quæ destinantur ad usum aliquem. Vide nos ad Plinium, panegyry. lvii. 4. *Cinnamum* mittebat Æthiopia; Plinius, xii. 19. De bove mactari cœpto conf. Metam. xv. 129 sqq.

Y

Nomine ab auctoris ducunt libamina nomen,  
 Libaque; quod sacris pars datur inde focis.  
 Liba Deo fiunt, succis quia dulcibus ille 735  
 Gaudet, et a Baccho mella reperta ferunt.  
 Ibat arenoso Satyris comitatus ab Hebro:  
 Non habet ingratos fabula nostra jocos;  
 Jamque erat ad Rhodopen, Pangæaque florida ven-  
 Æriferæ comitum concrepuere manus. [tum;  
 Ecce novæ coeunt volucres tinnitibus actæ; 741  
 Quaque movent sonitus æra, sequuntur apes.  
 Colligit errantes, et in arbore claudit inani  
 Liber; et inventi præmia mellis habet.  
 Ut Satyri, levisque senex tetigere saporem, 745  
 Quærebant flavos per nemus omne favos.  
 Audit in exesa stridorem examinis ulmo;  
 Adspicit et ceras; dissimulatque senex:

733. Mira etymologia *libaminum* et *liborum*. Apud Plutarchum contra, Quæst. Rom. tom. vii. 161. ed. Reisk. nomen duxit Liber a *libis*, *ὄτι τὴν λοιβὴν παρέσχεν*, quia *liba* exhibit. *Libis* lac et mella addebantur; Tibullus, I. vii. 54: "liba dulcia Mopsopio melle." Sic egreditur narratio in mellis inventionem, de qua varix traditiones. Vide Intt. ad Virgilium, Georg. iv. init. et ad versum 150.

737. *Satyri* et *Silenus* perpetui atque fideles Bacchi comites. Eorum manus ferebant cymbala, æra concava, quæ inter se concussa crepitum, sive tinnitum acutum dabant. E tali sonitu voluptatem apes capere credebantur; Aristot. Hist. Anim. ix. 40; Plinius, xi. 22. Itaque et Curetum olim sonitum crepitantique æra secutæ erant; Virg. Georg. iv. 151. *Pangæa*, mons Thraciæ, *florida* propter

herbas apibus gratas. Heinsius ex Trist. V. vi. 37. *florida Hybla* comparat. *Actæ*, ductæ, impulsæ. Burmannus mallet *ictæ*, quia alterum posset de abactis, fugatis intelligi. In *arbore claudit inani*. Etiam apud Virgil. Georg. iv. 64. apes cymbalorum tinnitu colliguntur, et in alvearia coguntur.

745. E comitibus nunc quoque *Silenus* partes primas agit, *senex levis*, id est calvus, *vertice nudo*, ut mox vocatur; quemadmodum et imberbes *leves* dicuntur Horatio IV. Od. vi; Tibullo I. ix. 31. *Tangere*, gustare. *Flavos favos*. Ut *ὄμοιοιλευρον* vitetur, Heins. et Taubnerus ex uno Vatic. *dulces favos* præferunt, quamquam ille et *niueos* suadet. Sed nil mutandum; talia enim optimo cuique poetæ exciderunt, ut ad Metam. ii. 398 monuimus. Conf. et infra vi. 553.

747. *Exesa*, quæ ante *inanis*, mox



Utque piger pandi tergo residebat aselli,  
 Applicat hunc ulmo, corticibusque cavis. 750  
 Constitit ipse super ramoso stipite nixus ;  
 Atque avide trunco condita mella petit.  
 Millia crabronum coeunt ; et vertice nudo  
 Spicula defigunt, oraque summa notant.  
 Ille cadit præceps, et calce feritur aselli ; 755  
 Inclamatque suos, auxiliumque rogat.  
 Concurrunt Satyri, turgentiaque ora parentis  
 Rident : percusso claudicat ille genu.  
 Ridet et ipse Deus ; limumque inducere monstrat :  
 Hic paret monitis, et linit ora luto. 760  
 Melle pater fruitur ; liboque infusa calenti  
 Jure repertori candida mella damus.  
 Femina cur præstet, non est rationis opertæ :  
 Feminæ thryso concitat ille choros.  
 Cur anus hoc faciat, quæris ? vinosior ætas 765  
 Hæc est, et gravidæ munera vitis amans. [cho:  
 Cur hedera cincta est ? hedera est gratissima Bac-  
 Hoc quoque cur ita sit, dicere nulla mora est.  
 Nysiades Nymphæ, puerum quærente noverca,  
 Hanc frondem cunis apposuerunt novis. 770

*cava.* In *pandi aselli tergo* non fortiter hære Silenus solebat ; iv. 27. *Notare*, ut Tibullus, IV. iii. 10 : “ *hamatis crura notare rubis.*” Pro *summa* olim *vulgab. prima*, quod Heinsius in *sima* mutari volebat. Puto, poetam denuo verticem indicare voluisse, spicula vertice defigunt, eumque notant.

759. *Limum inducere* bene se habet, dictumque, ut *inducere nubes, tenebras, pallorem, aurum.*

763. *Anus liba illa præbebat.* Noster igitur separatim et de sexu et de

ætate ejus quærit. Revocavi antiquam lectionem *præstet*, id est exhibeat prætereuntibus. *Hoc faciat.* Burmannus ad hoc intelligit libum, monetque *facere* esse verbum culinarium. Immo : cur hoc faciat, ut liba præstet ?

769. *Nysa*, urbs et mons Indiæ, ubi *Nyseides Nympha*, quæ Bacchum in antro quodam educarunt ; Metam. iii. 314. *Apposuerunt*, Bacchus diligere hanc frondem cœpit, quia sibi *apposita* erat. *Noverca*, Juno.

Restat, ut inveniam, quare toga libera detur  
 Lucifero pueris, candide Bacche, tuo.  
 Sive, quod ipse puer semper juvenisque videris,  
 Et media est ætas inter utrumque tibi :  
 Seu, quia tu pater es, patres, sua pignora, natos  
 Commendant curæ numinibusque tuis : 776  
 Sive, quod es Liber, vestis quoque libera per te  
 Sumitur, et vitæ liberioris iter.  
 An, quia, quum prisci colerent studiosius agros,  
 Et patrio faceret rure senator opus, 780  
 Et caperet fasces a curvo cōsul aratro,  
 Nec crimen duras esset habere manus,

771. Quatuor causæ, cur toga virilis illo die detur. Quæ ut locum haberent, togam illam *liberam* potius dixit, quam *virilem*; *liberior* vocatur Trist. IV. x. 28. Datam eam sæpe esse Liberalibus, etiam e Cicerone ad Atticum, VI. Ep. i. p. 691. Ern. constat: "Quinto togam puram Liberalibus cogitabam dare; mandavit enim pater." *Candidus* solempne Bacchi epitheton ob virgineam oris pulchritudinem.

773. Metam. iv. 17: "tibi inconsumta juventas, Tu puer æternus:" id quomodo intelligendum sit, ex nostro loco cognoscitur: *mediu est ætas inter utrumque*. Etiam tempus, quo toga virilis sumebatur, medium erat inter pueritiam et juventutem. *Patres* omnes Dii dicebantur, sed Bacchus inprimis; idem *Liber Pater*. Sed Noster de utroque nomine separatim loquitur. *Numina* sæpe de uno Deo; Metam. iii. 290. *Stygiū numina*. Coniungi autem cum mutatione illa togæ, ut re gravissima, regiones solebant.

778. *Liberioris*, quum, custode remoto, suo arbitrio vivunt.

779. De hoc studio priscorum Romanorum confer 1. 204 sqq. *Patrio*,

a majoribus hæreditate accepto, nullis accessionibus aucto; Horatius, I. Od. i. 11; Epod. ii. 3. *Opus facere* præcipue de agricolis dicitur. *Ab aratro*, stans ad aratrum, innixus aratro, aut, posito, relicto aratro; i. 207; Florus, I. xi. 12: "Lucius Quinctius, ille dictator ab aratro—patricium virum innixum aratro suo licitor in ipso opere deprehendit." Seniore tempore *duræ manus* crimini erant; sed Seneca de Vita beata cap. 7. virtuti *callosas manus* tribuit. De *rusticis ad ludos* in urbem venientibus confer Horatium, Art. Poet. 210 sqq. *Studiis*, arti poeticæ et musicæ. *Tædifeva Dea*, Ceres, quæ tædam præ se ferens raptam filiam quæsivit; iv. 417 sqq; Metam. v. 442. *Tiro*, puer qui accipit togam virilem, unde et dies ille solempnis *dies tirocinii* dictus est. Eum *celebrat frequentia*; magna cognatorum, amicorum, clientum multitudo honoris causa deducit, aut comitatur in forum, et inde domum, qui dicebantur *in officio togæ virilis* esse. Ea frequentia id sine incommodo suo maxime tempore ludorum facere poterat. Verba *Sed Dis—honoris obiter tantum*, et quasi per parenthesis ad dita.

Rusticus ad ludos populus veniebat in urbem?  
 Sed Dis, non studiis ille dabatur honos.  
 Luce sua ludos uvæ commentor habebat, 785  
 Quos cum tædifera nunc habet ipse Dea.  
 Ergo ut tironem celebrare frequentia possit,  
 Visa dies dandæ non aliena togæ.  
 Mite, pater, caput huc placataque cornua vertas;  
 Et des ingenio vela secunda meo. 790  
 Itur ad Argeos, qui sint, sua pagina dicet,  
 Hac, si commemini, præteritaque die.  
 Stella Lycaoniam vergit proclinis ad Arcton,  
 Miluus: hæc illa nocte videnda venit.  
 Quid dederit volucris, si vis cognoscere, cælum;  
 Saturnus regnis ab Jove pulsus erat. 796  
 Concitat iratus validos Titanas in arma;  
 Quæque fuit fatis debita, poscit opem.  
 Matre satus terra, monstrum mirabile, taurus  
 Parte sui serpens posteriore fuit. 800  
 Hunc triplici muro lucis incluserat atris  
 Parcarum monitu Styx violenta trium.  
 Viscera qui tauri flammis adolenda dedisset,  
 Sors erat, æternos vincere posse Deos.

789. Preces, sis mihi mitis et placatus, formæ Bacchi accommodare voluit, cui a poetis *cornua*, potentia symbolum, eaque parva tribuebantur; Metam. iv. 19. *Et des*, etc. sic et Propert. III. xv. 2: "Da mihi bachato vela secunda pater."

791. Liv. i. 21. de Numa: "Multa alia sacrificia locaque sacris faciendis, quæ Argeos pontifices vocant, dedicavit." Cur ita dicta sint, certo dici nequit. Vide Conrad. ad Gellium, Noct. Attic. x. 15. ubi flamen *ire ad Argeos* dicitur. *Sua pagina dicet*, suo

loco dicetur; *pagina de fastis* inprimis ponebatur. Vide Schwarz. ad Plinium, panegy. 92.

793—808. *Milui sideris origo.*] De eo Plinius, xviii. 65: xv. *Kalend. April. Italiae Miluum ostendi.*

796. Sequitur pars Titanomachia, celebrata olim Eumeli, Thamyridis, Lini carminibus. Secundum Hyginum, fab. 150. Juno Titanas in arma concitat, ut regnum, Jove pulso, Saturno restituant.

801. Etiam Æneid. vi. 549. apud inferos *mania* (locus) *triplici circum-*

Immolat hunc Briareus facta ex adamante securi ;  
 Et jam jam flammis exta daturus erat. 806  
 Jupiter alitibus rapere imperat : adtulit illi  
 Miluus ; et meritis venit in astra suis.  
 UNA dies media est ; et fiunt sacra Minervæ ;  
 Nominaque a junctis quinque diebus habent. 810  
 Sanguine prima vacat ; nec fas concurrere ferro :  
 Causa, quod est illa nata Minerva die.  
 Altera tresque super strata celebrantur arena :  
 Ensibus exsertis bellica læta Dea est.  
 Pallada nunc pueri, teneræque ornate puellæ :  
 Qui bene placarit Pallada, doctus erit. 816

*data muro, quæ Phlegethon flammis ambit torrentibus. Ibi Tisiphone sedem habet. Sors, vaticinium.*

805. *Briareus, unus e Centimanis, quem propter fortitudinem generum sibi sumsit Neptunus ; Hesiodus, Theog. 816. Adamas, ferrum. Etiam Saturno Terra dedit ἀδάμαρτινον ἄρπην ; Apollodorus, I. i. 3.*

809—850. *Quinquatrus aut Quinquatria, festum Minervæ, inde a xiv. Kalend. April. sive d. 18. Martii. Ovidius exponit, quid illis diebus fieri soleat, quæritque, 837—846. unde Minervæ cognomen Captæ sit inditum. Varro et Festus putant, quinquatrus nomen habere inde, quod celebrata sint hæc solemnia post diem quintum Iduum, similiterque apud Tusculanos Triatrus, Septimatrus, et apud Faliscos Decimatrus dictos.*

812. *Illâ die nata Minerva, quatenus ei templum in Aventino dedicatum, quod notat Verrius. Etiam Kalendarium Vindob. N. Minervæ. Vide Gesenii Symbolas, pag. 32. Sanguinis pro ludis gladiatoriiis. Idem denuo dicit, concurrere ferro, (quibus vocibus non, ut Neapolis putabat, præclusiones respexit, quæ rudibus fie-*

*bant,) et tertio, super strata arena ; in amphitheatris enim solum stratum erat arena ; Trist. ii. 282 : “ Martia quum durum sternit arena solum.” Neapolis eo refert, quod principes quidam circum chrysocola constraverint. At hoc serius factum, ab insanis tantum imperatoribus. Suetonius Calig. 18. Plures MSS. hoc loco rusa, ut sit æquata. De altera die Noster ait etiam Trist. IV. x. 13 : “ Hæc est armiferæ festis de quinque Minervæ, Quæ fieri pugna prima cruenta solet.” Quarto variavit ludorum notionem ensibus exsertis, strictis.*

815—834. *Diebus illis plurimi Minervam precibus exposcebant, ut operum, quibus præesset, successus sibi daret. Sic multi eloquium et famam Demosthenis aut Ciceronis sibi totis Quinquatribus orabant ; Juvenalis, Sat. x. 118. Hinc pendet hæc excitatio, quam poeta in fine exemplo suo comprobât. Ornate nempe coronis, quod fieri solebat diebus festis ; Tibullus, II. i. 54 : “ Ornatos ante Deos carmen dicere.” Male igitur in editis quibusdam orate. Doctus, peritus operis in suo genere.*

Pallade placata, lanam mollire puellæ  
 Discant, et plenas exonerare colos.  
 Illa etiam stantes radio percurrere telas  
 Erudit; et rarum pectine denset opus. 820  
 Hanc cole, qui maculas læsis de vestibus aufers;  
 Hanc cole, velleribus quisquis athena paras:  
 Nec quisquam invita faciat bene vincula plantæ  
 Pallade: sit Tychio doctior ille licet;  
 Et licet antiquo manibus collatus Epeo 825  
 Sit prior; irata Palladè mancus erit.  
 Vos quoque, Phœbea morbos qui pellitis arte,  
 Munera de vestris pauca referte Deæ.

817. Propter multitudinem inventorum Athenienses primi Minervam 'Εργάνην cognomento appellaverunt; Pausanias Attic. cap. 24; Diodorus Siculus, tom. i. pag. 340. Hinc eam et Arnobius adv. Gentes, iii. pag. 118. "Magisteriis artium et disciplinarum varietatibus eruditam" appellat. Eam ob causam opifices ei supplicasse, observat Lactantius de fals. Relig. I. xviii. 23. Inde pendet locus sq. In iis artibus prima est ὑφαντική, texendi ars; Ælianus, Histor. Anim. vi. 57. Quapropter operari Minervæ dicuntur puellæ operi textorio operam dantes; Tibullus, II. i. 65. Mollitur lana, quum trahitur ut tenuior fiat, hoc loco, quum trahitur in stamina.

819. Confer Metam. vi. 54 sqq. Tela, trama staminum, series duplex staminum. Dicitur stans et alibi pendula, quia stamina ad perpendicularum extendebantur. Radius. Ejus ope in transversum immittitur subtemen. Tum opus adhuc rarum pectine feritur, ut densum fiat. Denset, non densat, habent vetustiores, et est forma antiqua et poetica. Vide Giphanii Ind. Lucret. in densere.

821. Descriptio fullonis, qui et la-

sas sive sordidas vestes lavando atque calcando purgabat, et, creta sive cimolia adhibita, candidas reddebat. In athenis infectores fucos ad lanam imbuendam coquere solebant; Metam. vi. 61. ubi Tyrium ahenum.

823. Vincula plantæ, calceamenta. Secundum Plinium, vii. 56. Tychius, Hyla Bœotius, sutrinam invenit. Ab Homero, II. H. 221. idem σκυροτόμων ὄχ' ἀπίστος vocatur, qui Ajacis scutum fabricaverit; confer. Strabo, ix. pag. 408. Nempe σκυροτόμος, quicumque coria tractat, sutor, lorarius, ephippiarius. Porro Epeus monitu Minervæ equum Trojanum miræ magnitudinis fecisse traditur. Virgilius, Æn. ii. 264; Hyginus, fab. 108. Paulo aliter Plinius, VII. lvii. pag. 416: "Equum (qui nunc aries appellatur) in muralibus machinis Epeus ad Trojam" reperit. Manus, opera manuum; qui iis minus valet aut excellit, mancus dicitur.

827. Etiam Minerva medicæ arti præerat, unde et ipsa Medica dici solebat, quod Neapolis e marmore quodam Placentino comprobatur. Nec vos—Spernite. Hanc lectionem etiam Burmanno probatam non dubitavi e tribus

Nec vos turba Deam censu fraudata magistri  
 Spernite : discipulos adtrahit illa novos ; 830  
 Quique moves cœlum ; tabulamque coloribus uris ;  
 Quique facis docta mollia saxa manu.  
 Mille Dea est operum : certe Dea carminis illa est,  
 Si mereor, studiis adsit amica meis. 834  
 Cœlius ex alto qua mons descendit in æquum,  
 Hic ubi non plana est, sed prope plana via est ;  
 Parva, licet, videas Captæ delubra Minervæ,  
 Quæ Dea natali cœpit habere suo.  
 Nominis in dubio causa est : capitale vocamus  
 Ingenium sollers : ingeniosa Dea est. 840

MSS. recipere, et *censu fraudatam* intelligo pauperem. Nam *fraudatus* omnino est privatus, destitutus, et *census*, opes; sic omnia mihi clara videntur. Vos magistri, licet pauperes sitis, ne dubitate Deæ munera afferre; adtrahet illa novos discipulos, atque ita pietatem vestram remunerabit. Nihilo tamen minus hic locus valde vexavit interp. Vulgatur: *Nec vos turba feri censu fraudata magistri Spernite*. Neapolis ex Macrobiani Saturn. 11. notabat, hoc mense solutum esse didactrum a discipulis; deinde fingebat, pueros, qui illud didactrum sibi a parentibus datum tempore feriarum ludis et bellariis impenderint, postea metu et pudore non ausos esse ad scholam accedere; sic magistros *censu*, stipendio, esse fraudatos et Ovidium eos propterea consolari. Gronovius, de Pec. vet. iv. 2. emendabat: *Nec vos ture feri censum fraudare magistri Spernite*; Heinsius corrigebat: *Nec vos ære brevem censum fraudare magistri Spernite*, vel etiam *ære brevi*, i. e. stipe exigua novorum discipulorum; eam magistros Quinquatribus Minervæ consecrasset nomine Minervalis. Taubnero arri-

debat et ratio Neapolis, et lectio *sensu fraudata*; etenim *feros* magistros ferme esse *sensu fraudatos*, et in parvo honore fuisse plagosos Orbilios. Hinc satis intelligi arbitror, quo falsa lectio viros etiam doctos deducat.

831 sq. Sculptores, pictores, marmorarios complectitur. *Cœlum*, instrumentum sculptorum, quamquam et aliorum artificum. Vide Heynium in *Antiq. Aufsaetzen*, P. II. pag. 136. Sed Taubnerus de cœli sphaera arte facta, qualis fuerit Archimedis, cogitabat. *Encaustæ tabulam urebant coloribus*, h. e. ceras inurebant expansas super loco pingendo; Plinius, xxxv. 4. *Mollia* signa etiam Cic. Brut. 18. sunt bene elaborata, polita.

835. *Cælius* mons, quem urbi addidit Tullus Hostilius; Livius, i. 30. Ibi Minervæ *Captæ* delubrum fuisse, etiam P. Victorius de Regionibus testatur. *Nominis causas* Ovidius miras proponit, et Heinsius miratur, eum non et capti Palladii meminisse. *Capitalis*, ingeniosus, etiam Cic. ad Quint. frat. ii. 12. Vide Mureti Varr. Lect. ii. 11. *De capitis*, etc. Arnob. adv. Gent. iv. pag. 137: Minerva, "cui Coryfasiæ nomen est, vel ex Coryfæ

An, quia de capitis fertur sine matre paterni  
Vertice, cum clypeo prosiluisse suo?

An, quia perdomitis ad nos captiva Faliscis  
Venit, et hoc ipsum litera prisca docet?

An, quod habet legem, capitis quæ pendere pœnas  
Ex illo jubeat furta reperta loco? 846

A quacumque trahis ratione vocabula, Pallas,  
Pro ducibus nostris ægida semper habe.

Summa dies e quinque tubas lustrare canoras  
Admonet, et forti sacrificare Deæ. 850

Nunc potes ad solem sublato dicere vultu;  
Hic here Phryxæ vellera pressit ovis.

matris signo, vel quod ex vertice summo Jovis parmam ferens emicuit, atque armorum accincta terroribus."

843. *Falisci* se Camillo dederunt ann. U. C. 361; Livius, v. 24. Capta urbe quadam, Dii ejus deduci solebant; *ibid.* 22. *Litera prisca*, libri antiqui, annales. *An, quod habet legem*, etc. Locus difficilis atque haud dubio corruptus. *Reperiri* esse deprehendi, satis docuit Heinsius; sed quid est *ex loco reperiri*? Illis verbis melius convenit vulgat. *recepta*. Neque apparet, quis locus intelligatur. Denique durissimum est illud: *furta reperta pendere pœnas capitis*. Festus habet hæc: "Capitalis lucus, ubi si quid violatum est, capite violatoris (duo MSS. *vigilatoris*, quod melius) expiatur." Itaque Burmannus conjicit voc. *vigil* latere in illis *ex illo*, pro quibus in plurimis cod. *exilio*. Præterea e Mazar. *pœnis* recipiendum putat, et subintelligend. *fures*; fures pendere sua furta pœna capitis. *A quacumque ratione*, undecumque.

849. *Tubilustrium* Kal. x. Aprilis sive die xxiii. Martii etiam in Kalendario notatur. Lustrabantur autem tubæ secundum Varronem et Festum in atrio Sutorio. Pro *Deæ* Ursin. Mazar. VOL. V.

rin. et a manu prima Zulich. *Deo*, ut Mars intelligatur, cui sacra fuerint hæc priora tubilustria, ut altera mensis Maii Vulcano. Ei lectioni sane aliquantum auctoritatis addunt Verrius et Lydus, quorum ille, *Feria Marti*, hic, *Καθαρός σαλπίγγος, τιμαὶ Ἀρείος καὶ Νερίνης*. Itaque Gesen. p. 33. non dubitat eam præferre vulgatæ: sed vir doctus in Ephem. Halens. ann. 1808. n. 74. hanc tuetur, ut *fortis Dea* sit vel Minerva, vel potius Nerine, Martis uxor. Eam enim e propria nominis sui Sabini potestate *fortem Deam* dici posse. Lydus: *νερίνη γὰρ ἡ ἀνδρία*. *Summa*, ultima.

851—876. *Sol ingreditur arietem*.] Hujus sideris origo narratur. Ino, Cadmi filia, Athamantis uxor, quum Phryxum et Hellen, quos Athamas ex Nephele genuerat, odio haberet, dolis malis effecit, ut illi ad aram deducerentur immolandi. Ereptis Nephele mater dat arietem aureo vellere, quo per freta avehantur. Is, ubi litus attingit, fit sidus, vellusque ejus aureum deportatur in Colchida.

*Nunc*. Non est, ut Neapolis putabat, primo Quinquatruum die, sed ultimo, de quo in proximo sermo. Ergo

Z

Seminibus tostis sceleratæ fraude novercæ,  
 Sustulerat nullas, ut solet, herba comas.  
 Mittitur ad tripodas, certa qui sorte reportet, 855  
 Quam sterili terræ Delphicus edat opem.  
 Hic quoque corruptus, pro semine nuntiat Helles  
 Et juvenis Phryxi funera sorte peti.  
 Utque recusantem cives, et tempus, et Ino  
 Compulerunt regem jussa nefanda pati; 860  
 Et soror, et Phryxus, velati tempora vittis,  
 Stant simul ante aras; junctaque fata gemunt.  
 Adspicit hos, ut forte pependerat æthere, mater;  
 Et ferit attonita pectora nuda manu:  
 Inque draconigenam nimbis comitantibus urbem  
 Desilit; et natos eripit inde suos. 866  
 Utque fugam rapiant, aries nitidissimus auro  
 Traditur: ille vehit per freta longa duos.

heri est xi. Kal. et Æquinoctium, quod ver. 877. memoratur, in viii. Kal. Aprilis, sive in diem xxiv. Martii incidit. Sic Noster consentit cum Kalend. vet. et Plinio, xviii. 26. Sol premit loca, ad quæ accedit, Metam. xiv. 416. atque adeo sidera, quæ ingreditur; Metam. ix. 286. quum decimum premeretur sidere signum.

853. Hæc de *seminibus tostis* Noster jam ii. 628. attigit. Ino mulieres impulit, ut clam maritis fruges, quas in sementem darent, torrerent, ne nascerentur, ita ut civitas tota fame periret. *Nullas sustulerat comas*, non creverat in aristas; Apollodorus *καρπὸς ἐρησίους γῆ οὐκ ἀνεδίδου*. Nuntio, quem eam ob causam Athamas Delphos misit, Ino præcepit, ut falsum responsum referret. Hinc *corruptus* vocatur, et quidem e vulgat. lectione, *cum semine*, quem Ino æque corruerat, ac ante semina: quod durum. Burmannus igitur unius cod. lectionem

recepit, *pro semine peti funera*, semina recte surrectura esse, si Phryxus et Helle mactentur. Mitscherl. servavit alteram. Probavit et Krebs. *Cives* Athamanta cogunt etiam apud Apollodorum, sed juxta Hyginum Phryxus ultro ac libens pollicetur se unum civitatem ærumna liberaturum.

863. *Mater*, Nephelæ, quæ latinis mythographis *Nebula* dicitur. *Nebulæ* aut *nubes pendere* dicuntur; Virgilius, *Georg. i. 214*. Pro *forte* Mitsch. *sorte*. Apud Hyginum nuntius misericordia adolescentis tactus Inus consilium Athamanti aperit. Quos Cadmus in condenda urbe socios habuerat, e satis serpentis dentibus nati tradebantur; Metam. iii. 161 sqq. Hinc ibidem ver. 531. Thebani *anguigenæ* vocantur, atque nunc urbs eorum *draconigena*; Metam. vii. 212. *serpentigena* legitur. *Desilire*, ut *delabi*, de Diis in terram descendentibus.

867. *Nitidissimus auro*, χρυσόμαλ-



Dicitur infirma cornu tenuisse sinistra

Femina, quum de se nomina fecit aquæ. 870

Pæne simul periit, dum vult succurrere lapsæ

Frater, et extentas porrigit usque manus.

Flebat, ut amissa gemini consorte pericli,

Cæruleo junctam nescius esse Deo.

Litoribus tactis Aries fit sidus: at hujus 875

Pervenit in Colchas aurea lana domos.

TRES ubi Luciferos veniens præmiserit Eos,

Tempora nocturnis æqua diurna feres.

INDE quater pastor saturos ubi clauserit hædos,

Canuerint herbæ rore recente quater; 880

Janus adorandus, cumque hoc Concordia mitis,

Et Romana Salus, araque Pacis erit.

LUNA regit menses: hujus quoque tempora mensis

Finit Aventino Luna colenda jugo.

λογ. Jam Hesiodus et Pherecydes ei aureum vellus dederant; Hygin. Poet. Astr. dicto loco. Apud eundem, fab. 3. mater arietem inauratum adducit, Neptuni et Theophanes filium. Purpureum illud vellus Acusilaus vocat in Schol. ad Apollonium, iv. 1147. Vide Vossii *Mytholog. Briefe*, tom. i. pag. 254: Apollodoro et Tzetze in Lycophr. pag. 7. auctoribus, aries dorso impositos *vexit non per freta*, sed per aera. Omnino hæc fabula maxima varietate relata est.

877. *Æquinoctium vernum* viii. Kalend. Aprilis. Vide ad ver. 851. Plinius, xviii. 66: "Æquinoctium vernum ad diem viii. Kal. Aprilis peragi videtur." Varie autem olim æquinoctia constituebantur: Columella, ix. 14. "Nec me fallit Hipparchi ra-

tio, quæ docet solstitia et æquinoctia non octavis, sed primis partibus signorum confici. Verum in hac ruris disciplina sequor nunc Eudoxi et Metonis, antiquorumque fastos Astrologorum, qui sunt aptati publicis sacrificiis."

879. Circumloquitur v. Kalend. Aprilis sive diem xxvii. Martii, quo die *Festum Jani, Salutis, Concordiæ, Pacis. Salus*, valetudo. Augustus tres statuas posuit Ἐπιείας δημοσίας, καὶ Ὁμονοίας καὶ Εἰρήνης Zonaras, x. 34. De *ara Pacis* vide i. 709.

883. *Lunæ ædes in Aventino*. Livius, xl. 2; Rufus in Regione xii. Etiam Tacitus *Annal.* xv. 41. templum *Lunæ* memorat, quod Servius Tullius condiderit.

## LIBRI QUARTI

### ARGUMENTUM.

Invocatio Veneris, 1—18. Germanici nobilitas et origo a Venere per Æneam; causa, cur Aprilis olim secundum locum habuerit, 19—60. De nomine Aprilis duæ sententiæ; de potentia Veneris, 61—132. Festum Veneris et Fortunæ Virilis; Venus Verticordia, 133—162. Occasus Scorpii, 163—164. Pleiadum occasus et numerus, 165—178. Megalensia; omnis mythologia de Matre Deum, et quomodo e Phrygia Romam accessita, 179—372. Fortunæ Publicæ ædes dedicata; Victoria Cæsaris de Juba; Libræ et Orionis occasus; imbres, 373—388. Cereris ludi et merita; raptus Proserpinæ, 389—620. Jovi Victori templum, et Libertati atrium datum, 621—624. Grando; Victoria Cæsaris ad Mutinam, 625—628. Fordicidia; eorum ritus et origo inde a Numa, 629—672. Augustus Imperator dictus, 673—676. Hyadum occasus, 677—678. Vulpium in Circensibus combustio, 679—712. Solis transitus ex Ariete in Taurum, 713—720. Palilia, 721—806. Natalis Urbis; ejus origo et Remi occasus, 807—862. Vinalia; auxilium Mezentii Turno latum, 863—900. Ver medium, Arietis occasus; imbres; exortus Canis, 901—904. Robigalia, 905—942. Floralia et Vestæ in Palatium translatio, 943—954.

P. OVIDII NASONIS

FASTORUM

LIBER QUARTUS.

ALMA, fave vati, geminorum mater Amorum :

Ad vatem vultus rettulit illa suos.

Quid tibi, ait, mecum? certe majora canebas :

Num vetus in molli pectore vulnus habes?

Scis, Dea, respondi, de vulnere: risit; et æther 5

Protinus ex illa parte serenus erat.

Saucius, an sanus, numquid tua signa reliqui?

Tu mihi propositum, tu mihi semper opus.

1—18. *Invocatio Veneris et colloquium poetæ cum Dea.*] Paulo petulantius hoc est, at convenientissimum poetæ, qui, amoribus deditus, familiaritatem quamdam cum Venere contraxit. Sensus: Te semper canere soleo; olim in rebus ludicris te cecini, nunc in seriis de te cogito; et justa mihi nunc causa te implorandi, tuus enim mensis describitur. *Amores gemini, Cupido, Ἔρως, et Jocus, Ἰμερός.* Hesiodus, Theog. 201; Anacr. li. 26. Inde Horatius, I. Od. ii. 33: "Quam Jocus circumvolat et Cupido." *Vultus rettulit, quod alibi respexit;* vid. ad iii. 608. Nam etiam h. l. duo libri, sustulit.

3. Certe dubitanter affirmat, putabam te canere; Horatius, I. Sat. ix. 67: "Certe nescio quid secreto velle

loqui te Aiebas mecum." Pectus ad amorem proclive bene *molle* vocat; quo *mollius* corpus, eo facilius *vulneratur*. De *vulnere*, quod attinet ad vulnus, id scis. Vide Grævium ad Cic. Ep. ad Div. i. 2. Heins. volebat, *Scin Dea? Æther serenus*. Hanc vim habet etiam in Jove serenitas oris; Virgil. *Æn.* i. 255. ubi "vultu, quo cælum tempestatesque serenat," oscula natæ libat. *Sanus, integer, illæsus;* nam opponitur *saucio*. *Tua signa reliqui;* Tibullus, II. vi. 6. ad Cupidinem: "iterum erronem sub tua signa voca." Militabat Noster sub Venere, atque in militiam ejus sacramento adactus erat. Itaque et canens scribensque de ea semper cogitabat.

8. *Propositum et opus, materia,*

Quæ decuit, primis sine crimine lusimus annis :  
 Nunc teritur nostris area major equis. 10  
 Tempora cum causis, annalibus eruta priscis,  
 Lapsaque sub terras, orta que signa cano.  
 Venimus ad quartum, quo tu celeberrima, mensem :  
 Et vatem, et mensem scis, Venus, esse tuos.  
 Mota Cytheriaca leviter mea tempora myrto 15  
 Contigit; et, cœptum perforce, dixit, opus.  
 Sensimus; et subito causæ patuere dierum :  
 Dum licet, et spirant flamina, navis eat.  
 Si qua tamen pars te de Fastis tangere debet,  
 Cæsar, in Aprili, quo tenearis, habes. 20  
 Hic ad te magna descendit imagine mensis ;  
 Et fit adoptiva nobilitate tuus.

quam tracto; abstracta sic solent de personis dici; exempla collegit Drakenb. ad Silium. xvi. 504. Primos ætatis annos *decere* putabant talem lasciviam: Amorum III. xv. 4: "Nec me deliciæ dedecuerunt meæ." Horatius, I. Ep. xiv. 36: "Nec lusisse pudet, sed non incidere lusum." Operam suam etiam ii. 360. cum decursu in circo comparat, cujus spatium *area* dicitur; III. Amorum, xv. 18. tragœdiam scribere aggressurus ponit hæc: *Pulsanda est magnis area major equis. Tempora—cano.* Hæc repetita e lib. i. 1 seqq.

15. Ut puellæ petulantes amatorem re levi, quam manu tenent, feriunt, sic Venus Ovidium *myrto contigit*; qui tactus vim institutionis habebat. Neque adeo erat, cur poetam ita instrueret, ut Janus, lib. i. Similem autem vim in animo poetæ, Art. iii. Amat. 53. folium habebat et grana de Veneris myrto data.

19—60. *Cæsari* Germanico, cui hoc opus consecratum, supra i. init. nobilitatem suam commendat, et cau-

sam simul aperit, cur Aprilis olim secundum locum habuerit. Hic seriem intexuit regum et Trojanorum et Albanorum. Locus est historicus et tenuiter scriptus. *Aprilis Veneris sacer*, cujus nepos Iulus, a quo originem repetebat Julia gens, in cujus *nobilitatem adoptatus* erat Augustus, post etiam Cæsar Germanicus, i. 10. Interpres Gallicus illum nunc intelligit; sed rectius hunc intelliges. Cæsari enim Germanico totum opus poeta consecravit, eundemque etiam ver. 81. alloquitur. *Descendit ad te*, serie majorum deducitur ad te, apparet ad te quoque illum mensem pertinere. Sumtum hoc vocabul. nunc a stemmate, quod a primo gentis auctore *descendit* ad posteros. In stemmate Cæsaris nomen erat Veneris, quod, quia maximam nobilitatem dabat, poeta e sermone Romano *magnam imaginem* dixit. Aprilis igitur præ cæteris carus Cæsari esse debebat. Sed illud carum esse expressit verbis *tangere et teneri*, quæ passim oblectationis notionem habent.

Hoc pater Iliades, quum longum scriberet annum,  
 Vidit; et auctores rettulit ipse suos.  
 Utque fero Marti primam dedit ordine sortem, 25  
 Quod sibi nascenti proxima causa fuit;  
 Sic Venerem, gradibus multis in gente repertam,  
 Alterius voluit mensis habere locum:  
 Principiumque sui generis, revolutaque quærens  
 Sæcula, cognatos venit ad usque Deos. 30  
 Dardanon Electra nesciret Atlantide cretum  
 Scilicet; Electram concubuisse Jovi?  
 Hujus Erichthonius: Tros est generatus ab illo:  
 Assaracon creat hic: Assaracusque Capyn:  
 Proximus Anchisen; cum quo commune parentis  
 Non dedignata est nomen habere Venus. 36

23. *Pater Iliades*, Romulus, Iliæ filius, hoc vidit, respexit, spectavit. *Scriberet*, describeret in menses. *Longus* solemne anni epitheton. *Auctores suos*, quos ver. 57. *parentes suos* vocat, Martem et Venerem. Burmanno elegantior videbatur lectio in cod. Francofurt. *prætulit*, prodidit, tradidit posteris ordine illo et instituto parentes suos. *Ferus et savus*, bellatorum sunt epitheta. *Sortem*, locum. *Gradibus multis*; ut a Venere prognatum se reperiret, per gradus multos adscendendum erat in stemmate. Cæterum de hac sententia confer Macrob. i. Saturn. 12. cujus verba ad ver. 61. dedimus.

29. Non a Venere tantum, sed longius adeo ab ipso Jove repetit Romuli originem. Principium generis *quarebat* sic, ut sæcula præterlapsa *revolveret*, per ea rediret ad principium; *Æn.* x. 256: "revoluta ruebat dies," revolvebatur, redibat. De gentis Juliae progenitoribus Trojanis confer Virgil. Georg. iii. 35. ubi *demissa ab Jove gens*

vocatur. Fons autem illius genealogiæ est Homer. Il. xx. 215. E serioribus adde Apollodorum, III. xii. 1. *A Jove* et *Electra*, *Atlantis* filia, (vide ver. 174.) omnes regum Trojanorum stirpem repetunt. *Dardanus*, relicta Samo-thrace, in Asiam trajecit, ubi a *Teucro*, *Scamandri* et *Idææ Nymphæ* filio, exceptus, partem regni accepit, urbemque Dardaniam aut Dardanon condidit. *Teucro* mortuo, omnis illa terra Dardania dicta. Dardano successit *Erichthonius*, ejus filius, rex opibus clarus. A *Troe* rege illa Troja dicta. Is Ilum, *Assaracum* et *Ganymedem* genuit. Ex Illo *Laomedon* et deinceps *Priamus*, qui non pertinebant ad consilium nostri poetæ; *Æneas* enim ab *Assaraco*, cujus filius *Capys* *Anchisen* genuit. Itaque et apud Virgil. *Assaracus* potissimum memoratur inter *Æneæ* majores; *Æn.* i. 284; vi. 650; ix. 259. 643. *Anchisæ* δὲ ἑρωτικὴν ἐπιθυμίαν Ἀφροδίτῃ συνηλοῦσα, Αἰνείαν ἐγέννησεν. Apollod.

Hinc satus Æneas, pietas spectata per ignes,  
 Sacra, patremque humeris, altera sacra, tulit.  
 Venimus ad felix aliquando nomen Iuli,  
 Unde domus Teucros Julia tangit avos. 40  
 Postumus huic; qui, quod silvis fuit ortus in altis,  
 Silvius in Latia gente vocatus erat.  
 Isque, Latine, tibi pater est: subit Alba Latinum:  
 Proximus est titulis Epitos, Alba, tuis.  
 Ille dedit Capyi recidiva vocabula Trojæ; 45  
 Et tuus est idem, Calpete, factus avus. [beret,  
 Quumque patris regnum post hunc Tiberinus ha-  
 Dicitur in Tuscæ gurgite mersus aquæ. [potem  
 Jam tamen Agrippan genitum, Remulumque ne-  
 Viderat; in Remulum fulmina missa ferunt. 50

37. De hac pietate Æneæ confer i. 527. Nunc ipse graviter pietas vocatur. Bene spectata per ignes; etenim Æn. iii. 148: "Phrygii penates, Quos mecum a Troja, mediisque ex ignibus urbis Extuleram." Unde, per quem. Teucrorum nomen apud Homerum non occurrit, nec frequentatur cæteris græcis poetis; latinis vero poetis admodum usitatum. Vide de eo paulo ante ad ver. 31; Livius, i. 3. ubi de Ascanio, Æneæ successore, loquitur: "Haud nihil ambigam, hiccine fuerit Ascanius, an major, quam hic, Creusa matre Ilio incolumi natus, comesque inde paternæ fugæ, quem Iulum eumdem Julia gens auctorem nominis sui nuncupat." Majorem fuisse etiam Virgilius et Dionys. i. 65. volunt. Ea origine valde lætabatur Julia domus; Virgilius, Æneid. i. 288: "Julius, a magno demissum nomen Iulo." Confer Dionysium, i. 70.

41. Seriem regum Albanorum habes etiam Metam. xiv. 609 sqq. De ea vide Ryckii Dissert. xi. p. 453. Postumus ille Silvius nec secundum Dio-

nysium. i. 70. erat Ascanii frater, ex Lavinia post obitum Æneæ natus. Lavinia quum eum utero ferret, metueretque Ascanium, a pastore regio in silvas desertas deducta est, ubi Silvium clam peperit, quod nomen omnibus deinceps ejus posteris adhæsit. Livius vero eum vocat Ascanii filium, casu quodam in silvis natum. Isque, Latini, etc. Ovidius hic et Metam. dicto loco, Æneam Silvium omisit, patrem Latini. Subit, succedit Alba Latino. Epitos Livio Aty, Dionysio Capetus dicitur.

45. Recidiva, quæ, antea jam usurpata, ad rem novam adhibentur. Capys olim nominatus erat non modo Æneæ avus, Assaraci filius, sed et unus e sociis Æneæ; Æn. i. 183. De vocabulo recidivus, Heinsius qui id valde amabat, latius egit ad Claudianum, xlv. 66. Pro Calpete hic et Metam. xiv. 613. Capete, atque ita et Livius; sed Neapol. metri causa hoc loco e Dionysio et Eusebio invexit Calpete. Tusca aqua, Albula fluvius, qui inde Tiberis nomen accepit; confer ii. 389.

49. De Agrippa et Remulo aut Ro-

*Dr. Dobson in his Hermes thinks that Aprilis = the Ἀπριλλῖος of the Macedonian, Carian & Bosphorian Calendars, the month sacred to Apollo (the god of the sun) wh. Festus says was the Italian form of the name. The Thracians said Ἀπριλλο, or even Ἀπριλο, as we know from the testimony of Plato, with wh. the Etruscans agreed, for on their monuments the name is written Aplu.*

FASTORUM LIB. IV. 177

Venit Aventinus post hos ; locus unde vocatus,  
 Mons quoque : post illum tradita regna Procæ ;  
 Quem sequitur duri Numitor germanus Amulī :  
 Ilia cum Lauso de Numitore sati :  
 Ense cadit patruo Lausus ; placet Ilia Marti ; 55  
 Teque parit, gemino juncte Quirine Remo.  
 Ille suos semper Venerem Martemque parentes  
 Dixit ; et emeruit vocis habere fidem.  
 Neve secuturi possent nescire nepotes,  
 Tempora Dis generis continuata dedit. 60  
 Sed Veneris mensem Graio sermone notatum  
 Auguror ; a spumis est Dea dicta maris.

mulo sic etiam Livius : " Agrippa inde, Tiberini filius ; post Agrippam Romulus Silvius, a patre accepto imperio, regnat." Dionysius Remulum *Attalen* vocat, nec memorat cujus filius fuerit. Sed Ovidius a se ipso *Metam.* xiv. 616. dissentit, ubi Remulus et Acrota sunt fratres, Tiberini filii. Remulus natu major, homo ferox, prior regnat, eique succedit moderatior Acrota. Itaque Gronovius ad Livium, d. l. hunc locum emendabat, *Remulumque priorem ; Heinsius vero Remulumque ferocem.* Verum apparet, Ovidium nunc alios auctores esse secutum. Illo altero loco Remulus *imitator fulminis* vocatur ; quod Dionysius pluribus narrat, hunc contemtorem Deorum, tyrannum Diis invisum, machinas excogitasse, quibus fulmina imitaretur, hominesque, tamquam Deus, terreret, sed inter imbres et fulmina diluvio ipsum periisse cum domo.  
 51. De monte, ubi Aventinus sepultus est, consentiunt rerum scriptores : sed de alio loco, aut, ut unus Heinsii, Moreti et quinque alii habent, *lucu*, silent, etiam Ovidius *Metam.* d. l. *Numitorem* Dionysius et Euse-

bius omittunt. Secundum Livium, eo pulso, *Amulius* regnat ; etiam apud Plutarchum *Rom.* 3. Numitor prior regnat. Amulius, iii. 49. *contemptor æqui* vocatur, nunc *durus*. Lausus, *Dionys.* lib. i. 76. *Ægistus*, quem in venatu Amulius ex insidiis interfici jusserit.  
 61. De nomine Aprilis, duæ erant veterum sententiæ, quum aliis a nomine Veneris Græco *Aphrodite*, aliis a verbo *aperire* ductum videretur ; vide ad i. 39. Non mirum est, Nostrum, etiam Juliae gentis causa, priorem amplexum esse, eamque acriter defendisse. Ne autem quis objiceret, parum credibile videri, antiquissimis temporibus Græcum nomen mensi Romano impositum esse, catalogum struit Græcorum, qui olim in Italiam migraverint. De ortu Veneris e *spuma maris* locus classicus apud Hesiodum *Theogon.* 190. sqq. Illa spuma circumdabat testiculos Saturni resectos et in mare dejectos. Inde Venus non modo *Ἀφροδίτη* ; sed et *Πορρία Ἀναδουμένη* dicta. De hac autem, quam Noster affert, etymologia confer Macrobius *Saturn.* i. 12 : " Secundum mensem nominavit (Romulus) Aprilem, ut quidam pu-

Nec tibi sit mirum Graio rem nomine dici :

Itala nam tellus Græcia major erat.

Venerat Evander plena cum classe suorum ; 65

Venerat Alcides ; Graius uterque genus.

Hospes Aventinis armentum pavit in herbis

Claviger ; et tanto est Albula pota Deo.

Dux quoque Neritius : testes Læstrygones exstant ;

Et, quod adhuc Circes nomina litus habet. 70

Et jam Telegoni, jam mœnia Tiburis udi

Stabant, Argolicæ quod posuere manus.

tant, cum adspiratione, quasi Aprilem a spuma, quam Græci vocant ἀφρόν, unde orta Venus creditur. Et hanc Romuli asserunt fuisse rationem, ut primum quidem mensem a patre suo Marte, secundum ab Æneæ matre Venere nominaret, et hi potissimum anni principia servarent, a quibus esset nominis Romani origo."

64. Non omnis Italia, sed ejus ora Græcia major, scil. magna dicta, quæ, a colonis Græcis occupata, amplitudine Hellada, scil. Græciam proprie dictam, superabat. De coloniis Græcis in eam Italiæ partem deductis vide Heynii Prousiones xv. in Opusculis Acad. vol. ii. Sed Ovidius viros tantum quosdam insignes, a poetis celebratos, memorat. De *Evandri* et *Herculis* adventu vide i. 470 sqq ; i. 543 ; v. 643. *Evander* sexaginta annos ante bellum Trojanum Arcadam coloniam in Latium deduxit, oppidumque in Palatino monte condidit ; Dionysius Halic. i. 31. *Hercules* non ibi consedit, tantum boves Geryonis per illa loca egit. *Albulam*, scilic. Tiberim (ver. 48.) armentum præ se agens nando trajecit, locoque herbido, ut boves *pabulo* læto reficeret, probucuit ; Livius, i. 7.

69. *Neritius*, Ulysses, a *Nerito*,

monte Ithacæ, a quo et tota insula dicta ; Homerus, Od. ix. 22. Is et ad *Læstrygonus*, Gigantes et Androphagos, Formias Campaniæ incolentes, pervenit, atque ex sociis ejus unus devoratus est ab Antiphate rege ; Homerus, Od. x. 120 sqq ; conf. Met. xiv. 233 sqq. *Circen*, Æetæ sororem ; Homerus, Od. x. 135. juxta litus Italiæ collocat, ubi postea *Circæum* promontorium. Ea ex Ulyssis sociis quosdam in suos mutavit. Conf. Metam. xiv. 244.

71. Omnium prope urbium Italicarum origines Romani repetebant a Græcis. Ad *Telegonum*, Ulyssis a Circe filium, Tusculi initia referebant. Is Ithacam petiit, sed, quum inscius patrem occidisset, redux in Italiam urbem illam condidit ; Hyginus, fab. 127. Inde Horatius, III. Od. xxix. 8 : "Telegoni parricidæ juga," Tusculum in colle situm. Apud eundem Od. II. vi. 5 : "Tibur Argeo positum colono." Nempe Tiburnus, Catillus et Coras fratres eo deduxerunt coloniam Argivorum ; Plinius, xvi. 44 ; Heynius Exc. 8. ad Æn. vii. *Udum Tibur* etiam Horatius, Od. III. xxix. 6. propter Anienem, rivos et fontes ; ibi igitur et "uda mobilibus pomaria rivis." Od. I. vii. 13.



Venerat Atrides fatis agitatus Halesus ;

A quo se dictam terra Falisca putat.

Adjice Trojanæ suasorem Antenora pacis, 75

Et generum CEniden, Appule Daune, tuum.

Serus ab Iliacis, et post Antenora, flammis

Adtulit Æneas in loca nostra Deos.

Hujus erat Solimus, Phrygia comes exsul ab Ida,

A quo Sulmonis mœnia nomen habent. 80

Sulmonis gelidi, patriæ, Germanice, nostræ.

Me miserum! Scythico quam procul illa solo est!

Ergo ego tam longe? sed supprime, musa, quere-

Non tibi sunt mæsta sacra canenda lyra. [las;

73. *Halesus* ex posteris *Atræi*, *Agamemnone* interfecto, patriam reliquit, *Falerios* in Italia condidit, atque incolas *Junonia* sacra docuit; *Am.* III. xiii. 31. Ut hic *Atrides*, sic *Æn.* vii. 723. *Agamemnonius* vocatur; quod tamen non ad patrem referendum, nam x. 417. a patre vate in si vis eductus traditur. Eum autem *Faliscorum* in Etruria conditorem faciunt etiam *Solinus* cap. 8; *Servius* ad *Æn.* vii. 695. Eorum oppidum *Falerii*, quod nomen facile ex *Haleso* fieri potuit. Vide *Spanhemium* de *Usu et Præstant.* Num. Diss. ii. p. 107; *Heynii* *Excurs.* ad *Æneid.* viii. p. 139.

75. De *Antenore* et *Ænea* etiam *Livius*, i. 1. "pacis reddendæque *Helene* semper auctores fuerant." Adde *Horatium*, *Ep.* I. ii. 9. Orationem, qua id suadet, habet *Homerus*, II. H. 348 sqq. Is cum multitudine *Henetum* in intum maris *Hadriatici* sinum venit, ibique *Patavium* condidit; *Æn.* i. 242. *Daunus*, rex *Apuliæ*, *Diomedis* socer; *Strabo* v. 283 sq. Ab eo *Apulia* *Daunias* dicta *Horatio* I. *Od.* xvi. 14; III. *Od.* xxx. 11. *Diomedes* (*Enides*, *CEnei*, regis *Cetoliæ*, nepos, *Tydei* filius. In *Apulia* olim

*Diomedis campi*, item *Diomedea insula* contra litus *Apulum*, *Diomedis* tumulo et delubro nobilis; *Plinius*, iii. 30; x. 61. *Æneas* venit *serus*. Secundum *Virgilium*, septem fere annos per maria et terras erravit. Vide *Heynii* *Excursum* ii. ad *Æn.* iii. quamquam *Virgilius* ipse in tot annos ejus errores digessit.

79. *Sulmonis* origines. *Sulmo*, metropolis *Pelignorum*, distans ab urbe millia novies decem passuum, parva, sed irriguis salubris aquis; *Trist.* IV. x. 4; infra ver. 685 sqq; *Amorum* ii. 16, init. Eam conditam esse a *Solimo*, aut, ut alii quos *Mitscherl.* secutus est, scribunt, *Solymo*, *Æneæ* comite, narrat et *Silius* ix. 70 sqq. Glossæ in MSS. *Vaticæ*. addunt, hunc *Solum* uxorem duxisse filiam *Æneæ*; sed *Cluverius*, *Ital. Antiq.* ii. 14. fictam monet hanc fabulam e vocabulorum similitudine. *Gelidus Sulmo* etiam apud *Silium* viii; *gelidæ Sulmonis undæ* IV. *Trist.* x. 3. Commode delatus est rerum serie ad patriam; commode etiam ea gemitum expressit, quum in exsilio hæc retractaret. *Scythico solo*; I. *Trist.* iii. 61: "Scythia est, quo mittimur."

Quo non livor abit? sunt qui tibi mensis honorem  
 Eripuisse velint, invideantque, Venus. 86  
 Nam, quia ver aperit tunc omnia, densaque cedit  
 Frigoris asperitas, fœtaque terra patet,  
 Aprilem memorant ab aperto tempore dictum;  
 Quem Venus injecta vindicat alma manu. 90  
 Illa quidem totum dignissima temperat orbem;  
 Illa tenet nullo regna minora Deo;

85. Altera etymologia Aprilis mensis affertur, quam poeta *invidia* tribuit. Macrobius vero Saturn. i. 12. narrat, Cincium et Varronem argumentis non contemnendis Veneri hunc honorem eripuisse, quum nullum sacrificium insigne ei per hunc mensem a majoribus institutum esset, et quum nomen ei sub regibus nec Græcum, nec Latinum fuerit: "sed, quum fere ante æquinoctium vernum triste sit cœlum et nubibus obductum, sed et mare navigantibus clausum; terræ etiam ipsæ aut aqua, aut pruina, aut nivibus contegantur, eaque omnia verno hoc mense aperiantur; arbores quoque, nec minus cætera, quæ terra continet, aperire se in germen incipiant, ab his omnibus mensem Aprilem dici merito credendum, quasi Aperilem: sicut apud Athenienses *ἀρθέστηριον* idem mensis vocatur ab eo, quod hoc tempore cuncta florescant." *Quo abit*, quousque progreditur; *Metam.* xv. 111: "Longius inde nefas abiit." *Honor mensis*, honor, quo tibi mensis consecratus est; ver. 115. "titulus mensis." *Quia ver—patet*. Frigus hibernum omnia *densat* et constringit; verno autem tepore solvitur terra, ut semina, quibus repleta est, e gremio ejus facile exire possint. *Fata* autem, ut sup. i. 162: *seminibus fatus ager*. *Injectio manus*, ritus quo Romani utebantur in vindictis agendis; Servius ad *Æn.* x. 419: "Manus in-

jectio, quoties, nulla judicis auctoritate exspectata, rem nobis debitam vindicamus." Suavitas autem est in *livore* grammaticorum et in hac *vindicatione* Veneris; cui et ver. 115. *spoliare* bene convenit.

91. Argumentum a *dignitate* Veneris. Lætitiâ veris veteres Veneri tribuebant, quæ tunc terram revisere, choros agere, atque omnia exhilarare credebatur; Horatius, I. Od. iv. 7. Etiam Macrobius i. Saturn. 21: "Quum sol vernalis æquinoctii transgreditur fines, augendo diem, tunc et Venus læta, et pulchra virent arva segetibus, prata herbis, arbores foliis; ideo majores nostri Aprilem mensem Veneri dicaverunt." Secundum Hesiodum, Theog. 120. in principio rerum Chaos erat et *Eros*, qui omnium Deorum omniumque hominum animos domat; inde seniores effecerunt Venerem. In primis Lucretius, i. 1—20. hanc vim Veneris celebravit, quem locum longe suavissimum Noster ante oculos habuit. *Temperat, regit. Natalibus*, unde ipsa orta; ver. 131. "materna æquora." Dat autem illa jura amoris voluptate, quam omnibus cœli, terræ, undarum incolis instillat, qua eos *init*, perfundit, implet, et ad coitus impellit. *Inire* etiam mox de re venera. Sed apud Lucretium, dicto loco, adventum notat. *Continere* de conservatione rerum etiam apud Ciceronem legitur. Lucretius: "Quæ mare na-

Juraque dat cœlo, terræ, natalibus undis ;  
 Perque suos initus continet omne genus :  
 Illa Deos omnes, longum enumerare, creavit ; 95  
 Illa satis causas, arboribusque dedit ;  
 Illa rudes animos hominum contraxit in unum ;  
 Et docuit jungi cum pare quemque sua.  
 Quid genus omne creat volucrum, nisi blanda vo-  
 Nec coeant pecudes, si levis absit amor. [luptas ?  
 Cum mare trux aries cornu decertat ; at idem  
 Frontem dilectæ lædere parcit ovis. 102  
 Deposita taurus sequitur feritate juvencam,  
 Quem toti saltus, quem nemos omne tremit.  
 Vis eadem, lato quodcumque sub æquore vivit,  
 Servat ; et innumeris piscibus implet aquas. 106  
 Prima feros habitus homini detraxit : ab illa  
 Venerunt cultus mundaque cura sui.

vigerum, quæ terras frugiferentes Concelebras ; per te quoniam genus omne animantum Concipitur visitque exortum lumina solis—per maria ac montes, fluviosque rapaces, Frondiferasque domos avium, camposque virentes, Omnibus incutiens blandum per peccora amorem, Efficis, ut cupide generatim sæcla propagent—rerum naturam sola gubernas, Nec sine te quidquam dias in luminis oras Exoritur, neque fit lætum, neque amabile quidquam.” *Causæ*, ea, unde aliquid oritur aut alitur ; vide Heynium, Observat. ad Tibullum, II. iv. 29.

97. *Contraxit in unum*, amore conjunxit ; latiore sensu *contrahere* homines est ver. 811. *Levis amor* etiam Tibullus, I. vii. 44, ut *levis Venus* ibid. I. i. 73, quia amor levem ætatem decet. Etiam *jocosa* eandem ob causam dicuntur quæ ad amorem pertinent. De vi amoris in bestiis confer Virgilium, Georg. iii. 217 sqq. Pugna

*taurorum*, quæ ibi et Æn. xii. 715 sqq. describitur, ostendit, quam *tremendi* illi sint. *Parcit lædere* elegantius quam, non lædit ; sic *parce nocere* Tibullus, III. v. 6.

107. Venus addocuit artes. *Habitus*, ad externam vivendi rationem, vestitum, supellectilem pertinet. Horatius, I. Od. x. 2. Mercurio hoc tribuit, quod “feros cultus hominum voce formarit et decoræ more palæstræ.” *Elegantia*, quæ agresti illi et inhumanæ negligentia opponitur, *munditia*, *mundus cultus*, et hoc loco *cultus*, *mundaque cura sui* dici solet ; namque et *cura* de studio ornandi corporis adhibetur. Vide Gronovii Observat. p. 143. *Carmen vigilatum*, nocte vigilata decantatum, ut I. Trist. i. 108. “vigilati labores.” *Nox negatur* iis, qui noctu non admittuntur ab amata. Ab iis ad fores clausas *κλεισθῆρον* canebarur, quale Metam. xiv. 718. legitur. *Pro sua causa*, non, ut oratores forenses,

Primus amans carmen vigilatum nocte negata  
 Dicitur ad clausas concinuisse fores ; 110  
 Eloquiumque fuit duram exorare puellam :  
 Proque sua causa quisque disertus erat.  
 Mille per hanc artes motæ ; studioque placendi,  
 Quæ latuere prius, multa reperta ferunt.  
 Hanc quisquam titulo mensis spoliare secundi 115  
 Audeat ? a nobis sit procul iste furor.  
 Quid ? quod ubique potens, templisque frequenti-  
 bus aucta,  
 Urbe tamen nostra jus Dea majus habet.  
 Pro Troja, Romane, tua Venus arma ferebat,  
 Quum gemuit teneram cuspide læsa manum ;  
 Cœlestesque duas Trojano iudice vicit : 121  
 Ah ! nolim victas hoc meminisse Deas !  
 Assaracique nurus dicta est, ut scilicet olim  
 Magnus Iuleos Cæsar haberet avos.  
 Nec Veneri tempus, quam ver, erat aptius ullum :  
 Vere nitent terræ ; vere remissus ager : 126

pro aliena. *Moveri* etiam incipere notat ; iii. 11 ; hinc artes *moventur* quando initia capiunt, inveniuntur. *Titulo mensis* ; denominatio mensis a Venere.

117—124. Veneris merita de Romanorum majoribus. *Potentes Dii*, qui summa religione coluntur : Venus *diva potens Cypri* ; Horatius, I. Od. iii. 1. Itaque interpretationem habent verba *templis frequentibus aucta* ; nam *augetur Dea templis*, ut homo honoribus, commodis, augeri dicitur. *Urbe*, scil. in. *Jus* poscendi cultum. *Tua Troja*, quæ ad te quoque pertinebat, quia inde originem ducis ; vide ad iii. 9. *Veneris*, quum Æneæ periclitanti opem ferret, *manum* summam Diomedes hasta vulneravit ; quo vulnere accepto, valde illa clamavit ; Homerus,

Il. E. 335 sqq. Causa, cur pro Trojanis staret, quod *cælestes duas*, Junonem et Minervam, forma vincere *judicata* erat a Paride, qui inde *fatalis iudex* ab Horatio iii. Od. 3. vocatur. Hoc iudicium Junoni inprimis alta mente repostum manebat, Æn. i. 27 ; unde magnæ calamitates, etiam Æneæ ; et verendum erat, ne odii illius vis etiam ad Cæsares aliquando redundaret ; hinc illa averruncandi formula, *Ah ! nolim*, etc. De *Assaraco* vide versum 34.

125—332. Argumentum a veris suavitate. *Nitere* de læto colore et jucunda facie terræ verno tempore. *Remissus*, qui remittit, relaxat sinum suum, quem frigus contraxerat. Cum sqq. confer iii. 238—240. *Tumido*, etc. ut Virgilius, Ecl. vii. 48 : “ læto turgent in pal-

Nunc herbæ rupta tellure cacumina tollunt ;  
 Nunc tumido gemmas cortice palmes agit :  
 Et formosa Venus formoso tempore digna est ;  
 Utque solet, Marti continuata suo. 130  
 Vere monet curvas materna per æquora puppes  
 Ire ; nec hibernas jam timuisse minas.  
 Rite Deam Latiae colitis matresque nurusque,  
 Et vos, quis vittæ longaue vestis abest.  
 Aurea marmoreo redimicula solvite collo : 135  
 Demite divitias : tota lavanda Dea est.  
 Aurea siccato redimicula reddite collo :  
 Nunc alii flores, nunc nova danda rosa est.  
 Vos quoque sub viridi myrto jubet illa lavari ;  
 Causaque, cur jubeat, discite, certa subest. 140

mite gemmæ," idemque Georg. ii. 363 : " se lætus ad auras Palmes agit." De *continuata* vide versum 60. *Vere monet*, etc. A iii. Iduum Novemb. ad vi. Iduum Martii, maria clausa erant, id est, non navigabant veteres, navibus in litus subductis. Vere redeunte, siccæ carinas machinæ trahebant in mare ; Horatius, I. Od. iv. 3. Et quia Venus e mari orta, propterea imperium quoddam in mare ei tribuebatur. Tempestates etiã Virgilius *minas cæli et maris* dixit.

133—162. *Festum Veneris et Fortunæ Virilis Kalend. Aprilis* ; quod etiã in Kalendario vet. memoratur. Hoc est illud ipsum, quod veteres nonnulli docebant, Aprilem a Venere nomen traxisse ; Plutarchus, Numa, cap. 19. *Quis vittæ*, etc. Ita meretrices etiã Trist. ii. 248. et ex Ponto III. iii. 54. circumloquitur. Eæ togam gestabant, non *longam vestem*, nempe stolam, vestem matronarum usque ad talos demissam, ejus oram limbus aut instita cingebat ; Tibullus, I. vi. 67 : " Sit modo casta, doce, quamvis non vitta ligatos Impediat crines, nec

stola longa pedes." In uno adeo Kalend. meretrices solæ memorantur, quæ se sub myrto laverint.

136. De *lotionibus* statuarum divinarum, et ornamentis, quibus illæ tectæ apud Græcos vide Spanhem. ad Callim. hymn. Pallad. init. Etiã in Kalendario Romano plures lotiones ejus generis notatæ. De hoc Veneris festo Plutarchus Num. 19. tantum : *θόουσι τῇ θεῷ* : sed addit : *ταῖς καλάνδαϊς ἐστεφανωμένοιαι αἱ γυναῖκες μυσσίην λούονται*. *Redimicula*, fibriæ aut fasciæ e mitra descendentes, quæ subter mentum colligari solebant ; Æn. ix. 616. Vide Servium ad Æn. iv. 216. *Divitiæ*, ornamenta pretiosa, quibus Veneris statua locupletata fuisse videtur ; confer Leozium.

139. *Sub myrto*, myrto coronatæ lavabantur, ut e Plutarchi dicto loco apparet. *Siccare capillos* soleme negotium Dearum marinarum, etiã aliarum post lotionem. *Opposita* ; Heinsius *apposita* dedit. Sed arbor, post quam quis latere vult, non bene *arponi* dicitur. *Referre*, repetere, ut i. 618 ; ii. 512.

Litore siccabat rorantes nuda capillos :  
 Viderunt Satyri, turba proterva, Deam.  
 Sensit, et opposita textit sua corpora myrto.  
 Tuta fuit factio ; vosque referre jubet.  
 Discite nunc, quare Fortunæ tura Virili 145  
 Detis eo, calida qui locus humet aqua.  
 Accipit ille locus posito velamine cunctas ;  
 Et vitium nudi corporis omne videt.  
 Ut tegat hoc, celetque viros, Fortuna Virilis  
 Præstat ; et hoc parvo ture rogata facit. 150  
 Nec pigeat niveo tritum cum lacte papaver  
 Sumere, et expressis mella liquata favis.  
 Quum primum cupido Venus est deducta marito ;  
 Hoc bibit : ex illo tempore nupta fuit.  
 Supplicibus verbis illam placate : sub illa 155  
 Et forma, et mores, et bona fama manet.  
 Roma pudicitia proavorum tempore lapsa est :  
 Cumæam, veteres, consuluistis anum.

145. *Fortuna* sub variis cognominibus Servius rex plura templa posuit, *Virili* unum in ripa Tiberis: Plutarchus, *Quæst. Rom.* tom. vii. p. 135; Dionysius Halicarn. iv. 27. Anco Martio consecrationem illius templi Plutarchus de *Fortuna Roman.* p. 265. tribuit. *Accipit* melius est, quam aliorum *adspicit*. *Accipere* nos locus dicitur quem adimus. Pro *parvo*, Heins. suadet *parco*; vide ii. 538.

157. De *Veneri Verticordia* obiter. Anno U. C. 639. M. Acilio Balbo, M. Porcio Catone coss. Elvia virgo, Elvii, equitis Romani filia, equo vehens fulmine icta est, ut non modo ipsa cum equo expiraret, sed et utriusque corpus nudum, omnibus tegumentis et ornamentis disjectis, reperiretur. Vates consulti responderunt, eo infamiam virginum Vestalium, equitumque Romanorum portendi; et mox

servus quidam indicavit, Vestales tres, Æmiliam, Liciniam et Martiam, diu jam consuetudinem cum equitibus quibusdam incestam habuisse. Patres inde non supplicia modo ab illis sumserunt, sed et libros Sibyllinos consuli jusserunt. Ii vero nonebant, ut mali avertendi causa, primum peregrinis quibusdam Diis duo Græci totidemque Galli vivi defoderentur, deinde *Veneri Verticordia* simulacrum consecraretur, quo facilius mulierum mentes a libidine ad pudicitiam converterentur. Simulacrum dedicavit Sulpicia, Fulvii Flacci uxor, quæ omnibus aliis sanctitatis laude antecellebat; vid. Plutarch. *Quæst. Roman.* tom. vii. pag. 144; Plinius, *Hist. Nat.* viii. 35; Valerius Maximus, viii. 15; Julius Obsequens cap. 97; Orosius, vi. 12.

*Roma—lapsa est*, Romani aut Romanæ a pudicitia lapsæ sunt; mores

Templa jubet Veneri fieri: quibus ordine factis,  
 Inde Venus verso nomina corde tenet. 160  
 Semper ad Æneadas placido, pulcherrima, vultu  
 Respice; totque tuas, Diva, tuere nurus.  
 Dum loquor: elatæ metuendus acumine caudæ  
 Scorpions in virides præcipitatur aquas.  
 Nox ubi transierit, cælumque rubescere primo 165  
 Cæperit, et tactæ rore querentur aves;

eorum corrupti sunt ad libidinem. *Labi* de rebus, quæ in deterius mutantur; Cicero, Leg. ii. 15: *mores lapsi ad mollitiem*; Livius præfat. "labente paulatim disciplina," et paulo post: "ut mores magis magisque lapsi sint." Neque *labi a pudicitia* vitiose dictum; Plinius, v. Epist. 10: *ab hoc archetypo labor et decido*. Sic igitur ferri hæc lectio potest. Multo minus offendere quemquam debet apostrophe, quæ est in voce *veteres*. De *Cumæa anu* vide ad Met. xiv. 101. *Jubet*, nempe Sibylla. *Ordine*, rite. Cæterum Pausanias Bœot. cap. 16. pag. 742. perantiquum signum Veneris Apostrophix memorat, additque, eam sic dictam, ut homines a libidine inaccessa impurisque factis averteret.

163. *Occasus Scorpii matutinus*.] Occidere coeperat jam ad diem xvii. Kal. Aprilis; vide iii. 711. De hoc sidere accommodate ad scorpii animalis naturam loquitur. Cauda enim ejus elata in curvatam cuspidem desinit, et semper in motu est, ne quando desit occasione; Plinius, xi. 25. Etiam Metam. ii. 199: *vulnera curvata minuitur cuspidi*. Pro, hoc ipso die, maluit varietatis causa, *dum loquor*.

165. Nonar. iv. *Pleiadum occasus vel heliacus, vel vespertinus*. Illud vult Neapolis, hoc Taubnerus, qui heliacum post tertium demum diem fieri

contendit. *Pleiades*, Latine *Vergilia*, septem stellæ in dorso Tauri, Atlantis filix; Hyginus, fab. 192. *Nox*—opus. Pluribus tempus matutinum designat. *Queri* de cantu avium; Horat. Epod. ii. 26. *Queruntur in silvis aves*. Etiam de molli et suavi tibix sono dicitur; Lucretius, iv. 588; Horatius, III. Od. vii. 30. De *facibus* viatorum vide ad ii. 500. *Humeros*, etc. Atlas, Pleiadum pater, humeris gestat cælum. Ubi igitur filix occidunt, paterni humeri relevantur. Contra, quum novum sidus cælo additur, *Atlas sentit pondus*; Metam. ix. 273. Quæ jam de nominibus et numero Pleiadum memorantur, in iis consentit Noster cum reliquis mythologis et astronomis; vide Hyginus, fab. 192.; Poet. Astr. ii. 21. et, quæ ad priorem locum Munckerus collegit. Hyginus ipse: "Nec unquam ullius oculis certum est, sex an septem existimantur." Schol. Pindari ad Nem. 13. ait *κατὰ τὴν ἰστροπὴν* esse septem, sed *κατὰ τὴν ὀψιν* sex. Inde hoc sidus etiam *ἑξάστερον* dictum. Omnes porro dubitabant, obscurata stella Electra esset, an Merope. *Sterope* nonnullis *Asterope* scribitur. Quod *Trojæ spectare ruinas non tulit*, aut, quod, mærens Ilii excidium, a choreis sororum se removit, atque in circulo Arctico passis capillis constitit, unde ei *Cometæ* nomen inditum; Hyginus.

Semustamque facem vigilata nocte viator  
 Ponet; et ad solitum rusticus ibit opus:  
 Pleiades incipiunt humeros relevare paternos;  
 Quæ septem dici, sex tamen esse solent. 170  
 Seu quod in amplexum sex hinc venere Deorum;  
 Nam Steropen Marti concubuisse ferunt;  
 Neptuno Halcyonen, et te, formosa Celæno;  
 Maian, et Electran, Taygetenque Jovi.  
 Septima mortali Merope tibi, Sisyphe, nupsit:  
 Pœnitet; et facti sola pudore latet. 176  
 Sive quod Electra Trojæ spectare ruinas  
 Non tulit; ante oculos opposuitque manum.  
 TER sine perpetuo cœlum versetur in axe;  
 Ter jungat Titan, terque resolvat equos: 180  
 Protinus inflexo Berecyntia tibia cornu  
 Flabit; et Idææ festa parentis erunt.

179—372. *Megalensia* aut *Megale-*  
*sia* in honorem Matris Deûm *pridie*  
*Non.* Hic primum sacra illa describit  
 181—188.; tum a musa edoctus origi-  
 nem rituum in illis repetit, 189—  
 244; post, unde cultus Deæ apud  
 Romanos venerit, enarrat 247—349.  
 Adduntur alia nonnulla de ritibus  
 350—372. De Matre Deûm ejusque  
 cultu confer Lucretium, ii. 598—623;  
 Virgil. *Æneid.* iii. 104; vi. 785; x.  
 252. Sed loca classica sunt apud  
 Strabonem, lib. x. pag. 466; Diodo-  
 rum, v. cap. 64; Dionys. Halicarn. ii.  
 19; unde apparet, prætores Romæ ista  
 sacra quotannis instituisse, et Phrygios  
 solos, non Romanos peregrisse.

*Ter*—*equos.* Ab initio non hoc die,  
 sed *pridie* Idus celebrabantur, auc-  
 tore Livio, xxix. 14. quamquam Nea-  
 pol. ibi quoque *pridie Nonas* scribi  
 vult. *Cæli versationem* aut *inversio-*  
*nem* et alii poetæ habent ad temporis  
 decursum notandum; *Æn.* ii. 250:

*Vertitur interea cœlum.* Vide Heynii  
*Excurs.* ii. *Perpetuum axem* Noster  
 etiam curru tribuit *Metam.* xv. 522.

181. In medium festi strepitum nos  
 rapit. *Idæa Parens* aut *Mater* pas-  
 sim vocatur. Lucretius, dicto loco:  
 “Hanc variæ gentes antiquo more  
 sacrorum Idæam vocitant matrem.”  
 Sed *Ida* mons et *Cretæ* et *Trojæ*; nec  
 satis constat, ab utro sit dicta. Et-  
 enim aut in *Cretam* sacra ejus *Dactyli*  
*Idæi* transtulerunt e *Phrygia*, aut  
*Phryges* accepere religiones illas a  
*Curetibus* ex *Creta*. Omnino *Cre-*  
*tenses* et *Phryges* communes habu-  
 erunt origines. Vide Heynii *Excurs.*  
 v. ad *Æneid.* iii. Sed eadem et in  
*Berecynto*, *Phrygiæ* monte colebatur,  
 unde et ipsa *Berecyntia mater*, *Æneid.*  
 vi. 785, et *Berecyntia tibia* in sacris  
 ejus adhibita; *Horatius*, IV. *Od.* i.  
 24. Ea erat *tibia Phrygia*, inventa a  
*Mida* rege, incurva, cornu addito;  
 quo sonus ejus augebatur; *Met.* xi.



Ibunt semimares, et inania tympana tudent ;  
 Æraque tinnitus ære repulsa dabunt.

Ipsa sedens molli comitum cervice feretur 185

Urbis per medias exululata vias.

Scena sonat, ludique vocant : spectate, Quirites ;

Et fora Marte suo litigiosa vacent.

Quærere multa libet : sed me sonus æris acuti

Terret, et horrendo lotos adunca sono. 190

Da, Dea, quas sciter, doctas, Cybeleia, neptes.

Audit ; et has curæ jussit adesse meæ.

Pandite, mandati memores, Heliconis alumnae,

Gaudeat assiduo cur Dea magna sono.

16. ; Horatius, I. Od. xviii. 13. *Berecynthium cornu*. Sonus ejus erat acer et veluti pungens, unde ver. 341. *furiosa vocatur*. Vide Vulp. ad Catullum, lxii. 22. *Semimares*, Galli, sacerdotes exsecti ; vide ver. 242. Ab iis et *tympana*, orbes intenti corio maxime bobulo, (hinc ver. 342. *taurea terga*) manibus tundebantur, unde sonus raucus, et *æra ære*, cymbala concava inter se, concutiebantur, quæ *tinnitum* acutum dabant : vide Bentleium ad Horatium, Od. I. xvi. 8. Sonum et vim horum instrumentorum bene expressit Lucretius, ii. 618—620. Eadem in sacris Bacchicis adhibebantur ; Metam. iii. 532 sqq. Et omnino multæ religiones utrique numini communes.

185. Vir Phrygius et mulier Phrygia circumferebant Cybeles signum, (Dionysius, ii. 19.) idque a turba concursante cum *ululatu*, *ιαχαῖς, δολυγμοῖς*, furibundo clamore, excipiebatur ; Herodianus, I. x. 5. Signum autem erat ipse ille lapis, quem Attalus miserat, inclusus muliebris oris argento ; Arnob. p. 253 ; Prudent.

Perist. x. 156 ; de quo lapide vide ad ver. 276. *Mollem* cervicem Lenzius eo refert, quod Galli semimares ver. 243. *molles ministri* dicuntur. Potest et naturam cervicis exprimere ; ver. 342. *molles manus*. De *ludis scenicis* consentit et Livius, xxix. 14. et xxxvi. 36. ubi *hos primos scenicos* fuisse monet. *Marte suo*, disceptationibus forensibus. Hæc quoque postrema concursationem et studia populi bene notant.

189. *Quærere e Dea*, ut in libris superioribus, e Jano, Marte et Venere. *Lotos*, tibia e loti, Libycæ inprimis, arundinibus. Vide Gronovium, Observat. iv. 15. In illo strepitu bene sibi consulit poeta. *Neptes*, Musæ, nam Cybele eadem, quæ Rhea, Jovis mater. Ut hic *doctæ neptes*, sic Metam. v. 255. Musæ, *doctæ sorores*. *Cura*, cupidino cognoscendi causas illorum rituum. *Cybeleia* a monte Phrygiæ, qui et *Cybelus*, et *Cybele*, et *Cybelon* scribitur ; notissimus fuit Matris Deûm religione. Vide Hemsterhus. ad Lucianum. tom. i. pag. 308 sqq. edit. Bipontinæ.

Sic ego : sic Erato ; mensis Cythereius illi 195

Cessit, quod teneri nomen amoris habet :

Reddita Saturno sors hæc erat : optime regum,

A nato sceptris excutiere tuis.

Ille suam metuens, ut quæque erat edita, prolem

Devorat ; immersam visceribusque tenet. 200

Sæpe Rhea questa est toties fecunda, nec unquam

Mater, et indoluit fertilitate sua.

Jupiter ortus erat : pro magna teste vetustas

Creditur : acceptam parce movere fidem.

Veste latens saxum cœlesti viscere sedit : 205

Sic genitor fatis decipiendus erat.

Ardua jamdudum resonat tinnitibus Ide,

Tutus ut infanti vagiat ore puer.

195. *Erato* a Virgilio, *Æn.* vii. 37. pro quacumque *Musa* invocatur ; sed *Noster* de industria eam elegit, ejusque delectus causam reddit probabilem. Propter nomen amoris eandem et *Art. Amat.* ii. 16. sibi adesse vult. *Sortem* illam *Cœli* et *Terræ*, antiquissimorum vatum, qua fatale *Saturno* erat a filio domari, habet *Hesiodus Theog.* 464. ; confer *Apollodorum*, I. i. 3. *Excuti sceptris*, ut *Metam.* xv. 524. *excuti curru*. *Immergere, demergerere, mergere*, solemnia de cibis, qui devorantur ; vide ad *Metam.* vi. 646. *Devoravit autem Saturnus Vestam, Cererem, Junonem, Plutonem, Neptunum.*

203. *Metam.* i. 400 : " Quis hoc credat, nisi sit pro teste vetustas ? " ubi adi not. *Magna, gravi. Fides* etiam id, quod facit, ut aliquid pro vero habeamus, inde hoc loco, traditio. Ea movetur, quando dubia redditur. *Parce*, noli. *Veste—sedit* ; in re nota usus est summa brevitate. Pro *Jove* *Rhea* saxum ei obtulit, quod ille devoravit. Sed poeta pro antecedente posuit consequens, *viscere se-*

*dit ; viscere* *Heinsius* ex uno *Zulich.* dedit. Si quid mutandum esset, equidem cum *Mazarinæo* et duobus aliis *gurgite* præferrem. Cum *gurgite* enim non male componitur venter, qui tot jam liberos hausit. Sic *vorago ventris*, *Metam.* viii. 843. *Veste latens saxum* *Hyginus*, fab. 139. *lapidem involutum* vocat, *Græci λίθον ἐσπαργαωμένον*. Præiverat *Hesiodus Theog.* 485. Nomine proprio lapis ille dictus *βαίρυλος* et *Abadir*. Vide *Burmannum*.

207. De *Jovis* patria disputabant veteres, quum et *Cretenses* et *Arcades* ejus natales ad se traherent, quin et *Phryges* in certaminis societatem venirent. Ne *Cretenses* quidem de monte consenserunt ; namque aliis in *Dicta*, aliis in *Ida* natus dicebatur ; unde mox *Dictæus*, mox *Idæus* vocatur. Fluctuat etiam *Callimachus* hymno *Jov.* iv. 6. Hanc lifem nonnulli ita dirimere voluerunt, ut *Jovem* in *Dicta* natum, in *Ida* educatum esse contenderent. Et jam apud *Hesiodum Theog.* 482. primum absconditur in antro *Lyci*, deinde educatur in

Pars clypeos sudibus, galeas pars tundit inanes :  
 Hoc Curetes habent; hoc Corybantes opus. 210  
 Res latuit patrem ; priscique imitamina facti,  
 Æra Deæ comites raucaque terga movent.  
 Cymbala pro galeis, pro scutis tympana pulsant :  
 Tibia dat Phrygios, ut dedit ante, modos.  
 Desierat ; cœpi : Cur huic genus acre, leones,  
 Præbent insolitas ad juga curva jubas ? 216  
 Desieram ; cœpit : Feritas mollita per illam  
 Creditur : id curru testificata suo est.  
 At cur turrita caput est ornata corona ?  
 An Phrygiis turres urbibus illa dedit ? 220

Ægeo, qui fuit collis montis Idæi. Sed et ambiguitas vocis *Ida* magnam in omni hac fabula confusionem peperit. Vide Spanhem. ad Callim. dicto loco. *Jamdudum*, continuo.

210. *Curetes* nonnulli eosdem cum *Corybantibus* et Idæis *Dactylis* faciebant, alii pro cognatis habebant. Vide quos Spanhem. ad Callimachum hymn. *Jov. ver. 52.* et Muncker ad Hygini fabul. 139. laudant. Eorum historiam Epimenides Cretensis carmine complexus erat. Primi armatam saltationem instituerunt, quam Græci *πυρρίχην* vocant : Dionysius Halicarn. ii. 70. ; vii. 72. ; Strabo, x. p. 466. ; Callimach. hymn. *Jov. 52.* ibique Spanh. *Clypeos τοῖς δόρασι, ἐγχειριδίοις*, hastis pulsasse Apollodoro I. i. 3. ; Dionysio, ii. 70. ; Hygino fab. 139. dicuntur. *Inanes*, non capiti impositas.

211. Res mansit, tantum instrumenta sunt mutata. Lactantius, Inst. xxi. 39. : " Quidquid est gestum in abscondendo puero, id ipsum per imaginem geritur in sacris." Vide tamen et Lucretium, ii. 640 sqq. Facile subintelligi potest, quæ sint *imitamina*, ad imitationem. Hoc elegantius, quam alterum Metam. iv. 445 :

" Pars alias artes" celebrant, " antiquæ imitamina vitæ," idque faciunt ad imitationem prioris vitæ. *Terga*, tympana, quibus raucus sonus. *Phrygios modos*; Lucretius dicto loco, " Phrygio stimulat numero cava tibia mentes;" Tibullus, II. i. 86. : " Phrygio tibia curva sono." Nullos autem ille sonus modulus habebat. Aristot. Probl. xix. sect. 49. Vide ad Metam. xi. 162. ubi *barbaricum carmen* est cantus Phrygius. De *tibia* illa dictum supra ad versum 181.

215. Insignia Deæ, de quibus consule Pignorii libr. de Magnæ Deûm matris et Attidis initiis. De *leonibus* Lucretius dicto loco : " Hanc veteres Graium docti cecinere poetæ Sublimem in curru bijugos agitare leones," causamque addit hanc : " Adjungere feras, quia quamvis effera proles Officii debet molliri victa parentum." Aliis Cybele symbolum naturæ videtur, cujus vim *leones* indicent.

219. Magna Mater est Terra, cui curæ *turrigeræ* urbes (*Æn. x. 253.*) quas sustinet, unde et ipsa *turrita* dicitur *Æneid. vi. 786*; Lucretius dicto loco : " Muralique caput summum cinxere corona, Eximiis munita locis quod sustinet urbeis."

Annuit: Unde venit, dixi, sua membra secandi

Impetus? ut tacui, Pieris orsa loqui:

Phryx puer in silvis, facie spectabilis, Attis

Turrigeram casto vinxit amore Deam.

Hunc sibi servari voluit, sua templa tueri; 225

Et dixit, Semper fac puer esse velis.

Ille fidem jussis dedit; et, Si mentiar, inquit,

Ultima, qua fallam, sit Venus illa mihi.

Fallit; et in Nympha Sagaritide desinit esse,

Quod fuit: hinc pœnas exigit ira Deæ. 230

Naïda vulneribus succidit in arbore factis.

Illa perit: fatum Naïdos arbor erat.

Hic furit; et, credens thalami procumbere tectum,

Effugit, et cursu Dyndima summa petit.

221. Lubricam de *mutilatione* Gal-  
lorum quæstionem Musæ virginis pro-  
ponit; neque tamen illa dubitat eam  
expedire. Initium fit ab *Atti*, puero  
Phrygio, de quo confer Pausan. Ach-  
aic. p. 566; Lucianum de Syria Dea  
15; Arnobium adv. Gentes, i. p. 24;  
v. p. 159 et 184. Carmine etiam  
celebratus est a Catullo. In MSS. qui-  
busdam male *Atthys* scribitur. Pau-  
sanias et Luciano est *Ἀττης*. Hesych.  
*Ἀττης, τὸν λέγουσιν Ἀττιῶν οἱ Λάκω-  
νες*. Arnobius nomen deducit a Phry-  
gia voce *attagus*, hircus. Fabula de  
eo varie narratur. In *facie* ejus con-  
sentiant scriptores; fuit ei *κάλλος*  
*πλείω ἢ κατὰ εἶδος ἀνθρώπου*. Pau-  
san. *Lydium* eum facit Lucianus,  
sive e frequenti illarum gentium con-  
fusione, (confer Neapol.) sive, quia  
*Attis*, ut *Hermesianax* in elegis scrip-  
serat, adultus in *Lydiam* migravit, ibi-  
que *Matris Idææ* mysteria docuit. In  
*silvis* educatus est, et a capella nutri-  
tus. Formulam *vincire amore* com-  
probat Heinsius. *Hunc sibi servari*,  
hunc abstinere ab amore aliarum, suo

cultui addictum. De conjugē fida  
*Metam. vii. 735: Ego uni servor, ubi-  
cumque est. Templa tueri*, est ædi-  
tuum esse, ut *Metam. viii. 707. 710*.  
Secundum Lucianum dicto loco, pri-  
mus orgia Rhææ docuit. *Esse velis*  
urbanus quam, sis. *Puer*, castitatis  
notionem nunc habet.

228. Formulæ solemnes jurantium,  
*si mentiar, si sciens fallam. Sagaris*  
id. quod *Sangarius*, amnis ex Adoreo  
monte per Phrygiam fluens; Solinus,  
cap. 43: "Sagaris fluvius, dictus a  
plerisque *Sangarius*." Apud Pausan.  
et Arnobium, Nana Sangarii amnis  
filia, mater est *Attidis*, quem miro  
modo concepit, quum amygdali, ex  
virilibus *Agdestis* resectis enatæ, fruc-  
tus in sinum collegisset; sed et reli-  
qua ab his Ovidianis discrepant.  
*Nympha* fuit una ex *Hamadryadi-*  
*bus*, quæ una cum arboribus suis in-  
terire credebantur; *Met. viii. 761—*  
*773*. Igitur et hæc, vulnerata arbore,  
*succiditur ipsa. Arbor fatum erat*,  
fatum ejus pendebat ab arbore.

233. *Furorem* ei iniecit secundum

Et modo, Tolle faces; Remove, modo, verbera,  
 Sæpe Palæstinas jurat adesse Deas. [clamat :  
 Ille etiam saxo corpus laniavit acuto;

Longaque in immundo pulvere tracta coma est,  
 Voxque fuit, Merui: meritas do sanguine pœnas.

Ah pereant partes, quæ nocuere mihi! 240

Ah pereant! dicebat adhuc: onus inguinis aufert;

Nullaque sunt subito signa relicta viri.

Venit in exemplum furor hinc, mollesque ministri  
 Cædunt jactatis vilia membra comis.

Talibus Aoniæ facunda voce Camenæ 245

Reddita quæsiti causa furoris erat.

Hoc quoque, dux operis, moneas, precor; unde

Venerit: an nostra semper in urbe fuit? [petita

Pausan. et Arnobium Agdestis, qui ante amore ejus arserat, eo quidem tempore, quo Attis Pessinunte erat, Midæ regis filiam ducturus. *Palæstinas Deas* Furias intelligi vix dubium est; earum enim sunt *faces* et *verbera*, scilicet flagella; sed quæritur, quo jure sic sint dictæ. Marsus e codice antiquo Julii Cæsaris ostendit, *Palæsten* urbem fuisse Epiri; in Epiro autem Furias habuisse templum. Equidem vocabulum *Palæstinas* corruptum arbitror; codices vero non adjuvant nos ad verum inveniendum. Neque facile sit conjectura consequi, quo vocabulo furens puer usus sit. *Ille etiam*, idem, ponitur quum de eodem plura prædicantur. *Saxo acuto*. Apud Arnobium *testulam* rapit. *In immundo*, etc. Talia fere leguntur de iis, qui humi jactantur; *Æneid.* xii. 611: "Canitiem immundo perfusam pulvere turpans." *Ibid.* 99: "Semiviri Phrygis fœdare in pulvere crines." Et Attis *longa* coma conspicuus erat. *Onus*, quidquid gestatur, etiam pars corporis. In *subito* hærebat Heinsius, forte quia negationi additum; suade-

bat: *subito viro*, quod recte refutatum a Burmanno. *Hermesianacte* auctore, ipsa mater Attin filium sic mutilavit. Apud Arnobium ipse sub pinu genitalia sibi desecat; hinc Mater Deum in solatium mœroris sui pinum consecrat.

243. *Veniunt in exemplum*, quæ ab aliis imitatione exprimuntur. Heinsius sine causa malebat, *ivit in exemplum*. Alibi, *ire per exempla* aut *ire exemplis*, idem vel pati, vel facere, quod alii; vide ad *Metam.* iv. 430. *Molles* sæpe cinædi, pathici, nunc semimares. *Vilia*, quæ vilia ipsis videntur, quia cædunt. A Lucretio dicto loco alia hujus mutilationis causa affertur: "Gallos attribuunt, quia nomen qui violarint Matris, et ingrati genitoribus inventi sint, Significare volunt indignos esse putandos, Vivam progeniem qui in oras luminis edant."

247. *Cybele Romam deducta*.] Confer Livium, xxix. 11. 14; xxxvi. 36. et e poetis Silium, xvii. initio. Conf. etiam similis deductio Æsculapii Metam. xv. 622—744. *Petita venerit* plenius quam, arcessita sit; Horatius,

Dindymon, et Cybelen, et amœnam fontibus Iden  
 Semper, et Iliacas mater amavit opes. 250  
 Quum Trojam Æneas Italos portaret in agros,  
 Est Dea sacriferas pæne secuta rates.  
 Sed nondum fatis Latio sua numina posci  
 Senserat; adsuetis substiteratque locis.  
 Post, ut Roma potens opibus jam sæcula quinque  
 Vidit, et edomito sustulit orbe caput, 256  
 Carminis Euboïci fatalia verba sacerdos  
 Inspicit: inspectum tale fuisse ferunt:  
 Mater abest; matrem jubeo, Romane, requiras:  
 Quum veniet, casta est accipienda manu. 260  
 Obscuræ sortis patres ambagibus errant,  
 Quæve parens absit, quove petenda loco.  
 Consulitur Pæan; Divumque arcessite matrem,  
 Inquit: in Idæo est invenienda jugo.  
 Mittuntur proceres: Phrygiæ tum scepra tenebat  
 Attalus: Ausoniis rem negat ille viris. 266

I. Sat. iv. 79: "Unde petitum Hoc in me jacis?" *Ide a fontibus nobilis*; Met. ii. 218. ubi vide not. *Iliacas opes*, regnum Trojanum. Hic mirari quis poterat, quod non Æneam *secuta* sit. *Quum Trojam*, etc. ex Æn. i. 68: "Ilium in Italiam portans, victosque Penates." *Sacriferas*, quæ Penates et Vestam ferebant.

255. Anno 549. P. Cornelio Scipione, P. Licinio Crasso cons. tempore belli Punici secundi, quum crebrius de cœlo lapidatum esset, in libris Sibyllinis id carmen inventum est: "Quandoque hostis alienigena terræ Italiæ bellum intulisset, eum pelli Italia vincique posse, si mater Idæa a Pessinunte Romam advecta foret." Hinc patres id cogitare, quæ ratio transportandæ Romam Deæ esset, præsertim quum Delphicus quoque

Apollo monuisset, magnam victoriam adesse populo Romano. Legati Asiam petentes in itinere oraculum Delphicum denuo consuluerunt, a quo responsum tulerunt: "Per Attalum regem compotes ejus fore, quod peterent. Quum Romam Deam devexissent, tum curarent, ut eam, qui vir optimus Romæ esset, hospitio exciperet." Sic Livius, a quo in nonnullis dissentit Ovidius. *Carmen Euboicum*, libri Sibyllini. Nota erat Sibylla Cumæa; vide ver. 158. Cumæ autem originem trahebant a Chalcide Euboica; vide ad Metam. xiv. 155. *Sacerdos*, Decemviri.

261. *Ambages* sæpe de oraculorum ambiguitate; ver. 668; Metam. vii. 761. *De consulto Pæane* modo dictum ad versum 255.

265. *Proceres* illi erant M. Valerius

Mira canam : longo tremuit cum murmure tellus ;

Et sic est adytis Diva locuta suis :

Ipsa peti volui : ne sit mora ; mittevolentem :

Dignus Roma locus, quo Deus omnis eat. 270

Ille soni terrore pavens, Proficiscere, dixit ;

Nostra eris : in Phrygios Roma refertur avos.

Protinus innumeræ cædunt pineta secures

Illa, quibus fugiens Phryx pius usus erat.

Mille manus coeunt : et picta coloribus ustis 275

Cœlestum matrem concava puppis habet.

Illa sui per aquas fertur tutissima nati ;

Longaque Phryxæ stagna sororis adit ;

Lævinus consularis, M. Cæcilius Metellus prætorius, Sulpicius Galba ædilitius, et duo quæstorii. *Attalus*, Pergami rex, quocum propter commune adversus Philippum bellum cœpta jam Romanis erat amicitia, legatos comiter acceptos Pessinuntem in Phrygiam deduxit, sacrumque iis lapidem, quem Matrem Deum incolæ esse dicebant, tradidit; Livius. *Phrygiam* Noster latiore sensu ponere potuit, sed, quum *Attalum* rem negasse Romanis ait, alios auctores secutus est. Nec miror, miraculum ab eo in hac narratione prælatum.

272. *Nostra eris*, scilicet sic quoque. Quod supra ver. 32 sqq. docuit, a Phrygibus originem suam repetere Romam, id hic repetit. Etiam *Herodianus*, i. 11. ait, Romanos, propter τὴν συγγενεῖαν καὶ τὴν ἀπ' Αἰνείου τοῦ Φρυγῆος εἰς αὐτοὺς διαδοχὴν, facile impetrasse *Cybeles* simulacrum. Secundum *Livium* Romanæ naves Matrem deduxerunt; sed *Ovidius* eam maluit suæ arboris nave avectam. Respexit autem *Æn.* ix. 80 sqq. ubi *Dea Ænææ*, *Phrygi pio*, quum classe indigeret, pineam silvam sibi sacram dedit, *Jovem* precata, ut ne naves

inde factæ vento ullo vincerentur; conf. *Metam.* xiii. 535. Et *Ida* magnum habebat materiæ proventum. *Idæis navibus* etiam *Paris* vehitur apud *Horatium* I. Od. xv. 2. Sæpe picta navis occurrit; hoc loco explicatur, qualis pictura illa fuerit. Nempe ceræ liquefactæ et colore tinctæ penicillo illinebantur navibus; *Plin.* xxxv. 41: "Tertium accessit, resolutis igni ceris penicillo utendi, quæ pictura in navibus nec sole, nec sale, ventisque corrumpitur." Quid autem *Attalus* miserit Romanis, narrat *Arnobius*, p. 253: "Ex Phrygia nihil quidem aliud scribitur missum rege ab *Attalo*, nisi lapis quidem non magnus, ferri manu hominis sine ulla impressione qui posset coloris furvi, atque atri, angellis prominentibus inæqualis."

277. Iter describitur. *Longaque*, etc. *Hellespontus*, sic dictus ab *Helle*, *Phrygi sorore*: iii. 870. Ejus sinus quidam non longe ab *Ilio* litus incurvabat. Ibi *Rhæteum* et *Sigeum*, duo promontoria cum oppidis cognominibus; confer *Metam.* xi. 197. *Sigeo* adversa protenditur *Tenedos* insula, xl. stadiis a continente distans; *Strabo*

C c

Rhœteumque rapax, Sigeaque litora transit ;  
 Et Tenedum, et veteres Eetionis opes. 280  
 Cyclades excipiunt, Lesbo post terga relicta ;  
 Quaque Carysteis frangitur unda vadis.  
 Transit et Icarium, lapsas ubi perdidit alas  
 Icarus, et vastæ nomina fecit aquæ.  
 Tum læva Creten, dextra Pelopeïdas undas 285  
 Deserit; et Veneri sacra Cythera petit :  
 Hinc mare Trinacrium, candens ubi tingere ferrum  
 Brontesque, et Steropes, Acmonidesque solent,  
 Æquoraque Afra legit, Sardoaque regna sinistris  
 Prospicit a remis; Ausoniamque tenet. 290  
 Ostia contigerat, qua se Tiberinus in altum  
 Dividit, et campo liberiore natat.

bo, xiii; Plinius, v. 39. *Eetion*, Andromaches pater, Theben habebat, a Troade ad austrum versus Adramytum sitam; Homer. Il. A. 336; Z. 395; X. 480.

282. *Carystus* in litore australi Eubœæ insulæ. Ex Hellesponto autem venientibus Eubœa prius adeunda, quam *Cyclades*. De *Icaro* et *Icario* scilicet mari, vide *Metam.* viii. 183 sqq. Pro *lapsas*, plurimi codd. *lassas*, quod Mitscherl. placuit; Bersmanno *lazas*, id est, a sole laxatas. Verum *lassitudine* minime victus est Icarus audaci volatu gaudens; sed *labi* dicuntur, quæ vel intereunt, vel in pejus mutantur. Itaque *læ*, quarum ceræ liquefactæ sunt a sole, bene et *dilapse* et *lapsæ* dici possunt. *Vasta aqua* circumlocutio maris. *Cythera* insula eo ipso loco, quo Pelopeïdes undæ adeuntur.

287. Nomina Cycloporum etiam Hesiodus Theog. 140. habet, sed tertius ei est *Arges*; sic et Callimachus, hymn. Dian. 68; Apollodorus, I. i. 2;

Plinius, xxxv. 36. Qui *Pyracmon* Virgilio *Æn.* viii. 425. Nostro *Acmonides* dicitur aut *Agmonides*, id est, Acmonis filius. *Tingentes* ferra lacu sæpe Cyclopes et fabri inducuntur, ut docet Heinsius. Quum non auderent illi fretum Siculum transire, legunt *æquora Afra*. *Legere æquora* æque recte dici ac *legere* litora, contra Heinsium docet Burmannus.

291. *Ostia* Lenzius Ostiam urbem intelligit; sic insolenter locutus esset Ovidius; Livius, xxix. 14. de hac ipsa re: "postquam navis ad ostium amnis Tiberini accessisset." Idem Lenzius verbum *dividit* ad duo ostia refert, quibus Tiberis se exoneravit in mare. Putem, etiam fluvium, qui ex unius ostii angustiis exeat, et jam latius diffundatur, *dividere se in altum* dici posse. Quod nisi voluisset poeta, non addidisset *in altum*, nec *campo liberiore* (ut *Metam.* i. 41.) *natat*. Vide omnino ad versum 330. Adveniēti navi omnem effusam fuisse civitatem obviam, etiam Livius dicto loco nar-



Omnis eques, mixtaque gravis cum plebe senatus  
Obvius ad Tusci fluminis ora venit.

Procedunt pariter matres, natæque, nurusque ;

Quæque colunt sanctos virginitate focos. 296

Sedula fune viri contento brachia lassant :

Vix subit adversas hospita navis aquas.

Sicca diu tellus fuerat: sitis usserat herbas :

Sedit limoso pressa carina vado. 300

Quisquis adest operi, plus quam pro parte laborat ;

Adjuvat et fortes voce sonante manus.

Illa velut medio stabilis sedet insula ponto :

Attoniti monstro stantque paventque viri.

Claudia Quinta genus Clauso referebat ab alto ;

Nec facies impar nobilitate fuit. 306

Casta quidem ; sed non et credita : rumor iniquus

Læserat, et falsi criminis acta rea est.

rat ; nam Valerius, unus ex legatis, prægressus, actutum Deam in Italia fore nuntiaverat. *Os*, de ostio fluvii non minus, quam de fonte dicitur ; Virgilius, *Georg.* iv. 292.

298. *Hospita*, peregrina. *Sitis usserat herbas* ; marcidas herbas, quibus succi ademti, describit. Virgil. *Georg.* i. 77. *urit lini campum seges*, exsiccata. *Pressa navigia* alias sunt mercibus onerata, ut Virg. *Georg.* i. 303 ; nunc potius impressa limo, hærentia in limo ; sic *pressum aratrum* alibi, impressum. *Quam pro parte* ; Liv. vii. 7 : " plus sibi, quam pro virili parte, admittendum scirent." Vide Bauer. ad præfat. p. 2. *Monstrum*, mira res prodigii vim habens.

305. Locus satis moratus sequitur, idemque singula diligenter persequitur. *Atta* aut *Attus Clausus*, quinto a regibus ejectis anno, Regillo in Sabinis Romam migravit, ubi inter patres

lectus est ; tum *Appio Claudio* ei fuit nomen ; Livius, ii. 16. *Alti* et antiqui et nobiles dicuntur. *Referabat, repe-tebat*. Erat *Appii Cæci* neptis, ut docet Abram. ad Ciceronem pro *Cælio*, 14. Virgo e *Clausorum* gente etiam infra v. 155. occurrit. Vocabula *par* et *impar* etiam ablativo jungi, docet Burmannus. Quæ de *Claudia Quinta* hic narrantur, ea et Livius, dicto loco attingit : " *Matronæ primores civitatis, inter quas unius Claudiæ Quintæ insigne est nomen, signum accipere : cui dubia, ut traditur, antea fama, clariorem ad posteros tam religioso ministerio pudicitiam fecit.*" Pudicitia ejus etiam a Cicer. Harusp. 13. memoratur, et a Suetonio, Tib. 2. ubi multa de ejus gente. Cum sqq. confer *Silium*, xvii. 33. *Læserat* famam ejus, infamiam contraxerat ; Horatius, I. Sat. iv. 78 : *ladere gaudes. Agi ream*, accusari.

Cultus, et ornatis varie prodisse capillis,  
 Obfuit; ad rigidos promptaque lingua senes.  
 Conscia mens recti famæ mendacia risit: 311  
 Sed nos in vitium credula turba sumus.  
 Hæc ubi castarum processit ab agmine matrum,  
 Et manibus puram fluminis hausit aquam,  
 Ter caput irrorat, ter tollit in æthera palmas; 315  
 Quicumque adspiciunt, mente carere putant:  
 Submissoque genu, vultus in imagine Divæ  
 Figit, et hos edit, crine jacente, sonos:  
 Supplicis, alma, tuæ, genitrix fecunda Deorum,  
 Accipe sub certa conditione preces. 320  
 Casta negor: si tu damnas; meruisse fatebor;  
 Morte luam pœnas iudice victa Dea.  
 Sed, si crimen abest, tu nostræ pignora vitæ  
 Re dabis; et castas casta sequere manus.

309. *Varietas* illa ornatus erat a positu capillorum. Etiam *prodire* in publicum maxime ad rem pertinet, quum castæ mulieres fere essent domisedæ. *Prompta*, præceps, libera et ad quælibet expedita; Livius, xxii. 44. extr. "Videret, ut quibus lingua tam prompta ac temeraria, æque in pugna vigerent manus." Sallustius Catil. x. 5: "in lingua promptum habere." Cicer. Planco, 14. "et vultu promptum habuit et lingua. *Ad rigidos*, apud severos. *Nos turba sumus*, ex ironia Socratica, turba est; Horat. I. Ep. ii. 27: *Nos numerus sumus*; Art. Poet. "Maxima pars vatium decipimur specie recti."

314. *Purum*, quod habet vim purificandi; vide i. 338. In rebus puris etiam aqua fluvialis propter sanctitatem fluviorum. Aqua autem lustralis, qua Deos adituri caput et vestes conspergere solebant, *ros* dicebatur; Metam. i. 371: "ubi libatos irroraverè liquores Vestibus et capiti;"

ubi vide not. et infra ad ver. 778. *Crinis* in collo *jacens* signum amentia; Heroid. xv. 140: "Illuc mentis inops, ut quam furialis Erichtho Impulit, in collo crine jacente feror;" Metam. ii. 673. de muliere vaticinantis furore correpta, "utque vagi crines per colla jacebant. *Jacentibus* opponitur *adstricti* Art. Amat. iii. 146.

323. *Pignus*, argumentum, signum, quo comprobatur aliquid. In paregmeno illo *castas casta vis* inest. *Scenicam* fabulam fuisse, qua argumentum illud esset tractatum, ex hoc loco apparet. Acta forsitan Megalesibus. *Sequitur ducem*, facit, ut navis pareat mulieris trahentis conamini, *laudatque* eam, sequendo dat testimonium pudicitia; ejus. *Laudationes* etiam in judiciis testimonia dicebantur. *Sonus*, acclamatio adstantium. *Index letitiæ*, ut Liv. vii. 37: "Clamor omnium assensus index;" xxiii. 46. "Clamor favoris index."

Dixit; et exiguo funem conamine traxit: 325

Mira, sed et scena testificata loquar:

Mota Dea est; sequiturque ducem, laudatque se-

Index lætitiæ fertur in astra sonus. [quando.

Fluminis ad flexum veniunt: Tiberina priores

Ostia dixerunt, unde sinister abit. 330

Nox aderat: querno religant a stipite funem;

Dantque levi somno corpora functa cibo.

Lux aderat: querno solvunt a stipite funem;

Ante tamen posito tura dedere foco.

Ante coronatam puppim sine labe juvenecam 335

Mactarunt, operum conjugique rudem.

Est locus, in Tiberin qua lubricus influit Almo,

Et nomen magno perdit ab amne minor.

330. *Sinister abit* bene dictum, flexus ad sinistram latus relinquit terram et in mare exoneratur. Nempe Tiberis per duos alveos in mare effluit, dextrum et sinistram. Navigantes priscis temporibus cum maxime, qui mare prospectanti *sinister* esset, frequentasse videntur, ita ut hic potissimum *Ostia* diceretur; vide Wernsdorf. ad Rutilii Itin. i. 179. *Tiberina Ostia* tamquam nomen proprium sæpe; Metam. xv. 728. *Querno religant a stipite*, quum alias saxa perforata, εὐρύς, ejicerent, atque ab iis funes religarent; Homerus, Il. A. 436. Nota similitudinem, quæ est in versibus 331 et 333.

335. *Coronari puppis* in re læta aut sacra, salvo reditu, die festo solebat; Virg. Georg. i. 304. *Operum rudis*, nullum jugum passa. *Conjugium* de coitu; vide ad Metam. i. 490 et 660.

337. *Almo*, fluviolus, quem Tiberis recipit prope Romam; Metam. xiv. 329. *cursu brevissimus* vocatur. Hunc Cybele Phrygiæ annibus prætulisse fertur; Claudian. xv. 119. *Lubricus*

omnino annium epitheton; vi. 238. *lubricus Tiberis*. Adde Amor. III. vi. 81. *Perdit a magno*, perdit propter magnitudinem ejus, in quem influit. *A sæpe* causam indicat. Vid. Ern. Gloss. Liv. *Canus sacerdos*, Archigallus senex, quem *purpurea veste* indutum fuisse Neapolis docet. Per *dominam* et *sacra* Neapolis et Taubernerus eandem rem intelligunt, ipsam Deam, ipsum illum lapidem sacrum. Sed *sacra* sæpe sunt, quæ cultui Deorum inserviunt, Diis consecrata sunt. Ex Ammiano, xxiii. 4. apparet, et simulacrum et carpentum Magnæ Matris ablui solitum; *lotio* enim illa quotannis repetebatur Phrygio more in Almone, quo Dea essedo vehebatur; Prudentius Perist. x. 156; Silius, viii. 365. Vide omnino Cluverium Ital. Antiq. II. x. p. 718. ubi et de Almone, et de hoc festo agit. Adde Spanhemium ad Callimachum Palinit. *Furiosa*, furorem incutiens. *Molles manus*; vide ad ver. 185. ubi *mollis cervix* comitum. *Taurea terga*, tympana.

Illic purpurea canus cum veste sacerdos  
 Almonis dominam sacraque lavit aquis. 340  
 Exululant comites, furiosaque tibia flatur;  
 Et feriunt molles taurea terga manus.  
 Claudia præcedit, læto celeberrima vultu;  
 Credita vix tandem teste pudica Dea.  
 Ipsa sedens plaustro porta est invecta Capena;  
 Sparguntur junctæ flore recente boves. 346  
 Nasica accepit; templi tunc exstitit auctor.  
 Augustus nunc est; ante Metellus erat.  
 Substitit hic Erato: mora fit, si cætera quæram.  
 Dic, inquam, parva cur stipe quærat opes? 350

345. *Capena porta* ea, unde via Appia ducebatur. *Boves* jungi solebant Matri Deûm. Orpheus hym. xiii. 2. ubi *ταυροφόρον ἄμμα* ejus. De *floribus* sparsis Lucretius, ii. 627: "Ningunt rosarum Floribus, umbrantes Matrem comitumque catervas." Secundum Livium, xxix. 14. P. Cornel, Scipio, adolescens nondum quæstorius, quem virum bonorum optimum in tota esse civitate judicabant (ad ver. 255.) cum omnibus matronis obivius ire jussus Deæ, signum ejus a sacerdotibus accepit, extulitque in terram. Perlatum est in ædem Victoriæ, quæ erat in Palatio, pridie Idus Aprilis, isque dies festus fuit. Lectisternium et ludi fuere, Megalesia appellata. Anno seq. M. Cornelio Cethego, P. Sempronio Tuditano coss. ædem ei faciendam ex senatus consulto locaverunt censores, quam tredecim annis post dedicavit M. Junius Brutus. Ludi ob eam dedicationem facti, quos primos scenicos fuisse, Antias auctor fuerat; Megalesia appellata; Livius, xxxvi. 36. *Templi exstitit auctor.* Fortasse eo auctore senatus consultum factum est de templo exstruendo.

*Augustus* de se ipse in Mon. Ancyr. "Ædem Matris Magnæ in Palatio feci." *Metellum*; puto L. Metell. Dalmaticum intelligi, an. U. C. 634. cos. eundemque censorem, a quo et porticus et Castoris ædes exstructa. Cæterum de P. Scipione, viro optimo, aacra illa sanctissimis manibus accipiente, vide Ciceronem, Harusp. 13; Valerium Max. vii. 5; viii. 15; Silium, xvii. 5.

350. *Stipem* vir Phrygius et mulier Phrygia, Deam circumferentes, et imagunculas pectori alligatas gestantes, colligebant; quod proprio verbo *μητραγυρτεῖν*, de quo vide Ruhnkenium ad Timæi Gloss. pag. 6. Meminit Noster hujus *stipis* etiam I. ex Ponto i. 40. ubi addit: "Unde tamen vivat, vaticinator habet." Non adeo *parvam* illam stipem facit Lucretius, ii. 626: "Ære atque argento sternunt iter omne viarum, Largifica stipe ditantes." Sed errat Ovidius, quum inde *danda stipis morem mansisse* ait; etenim *ἀγρίπειν θεῶν*, stipem Deo alicui colligere, admodum solemne erat, ut apparet e Ruhnkenii dicto loco.

Contulit æs populus, de quo delubra Metellus  
 Fecit, ait : dandæ mos stipis inde manet.  
 Cur vicibus factis ineant convivias, quæro,  
 Tum magis, indictas concelebrentque dapes.  
 Quod bene mutarit sedem Berecynthia, dixit ; 355  
 Captant mutatis sedibus omen idem.  
 Institeram, quare primi Megalesia ludi  
 Urbe forent nostra : quum Dea, sensit enim,  
 Illa Deos, inquit, peperit : cessere parenti,  
 Principiumque dati mater honoris habet. 360  
 Cur igitur Gallos, qui se excidere, vocamus,  
 Quum tanto Phrygia gallica distet humus ?  
 Inter, ait, viridem Cybelen, altasque Celænas  
 Amnis it insana, nomine Gallus, aqua. [est  
 Qui bibit inde, furit : procul hinc discedite, quis  
 Cura bonæ mentis : qui bibit inde, furit. 366  
 Non pudet herbosum, dixi, posuisse moretum  
 In dominæ mensis ? an sua causa subest ?

353. Megalensibus principes civitatis *mutua* inter se convivias agitare solebant, quod verbo proprio *mutitare* dictum ; Gellius, Noct. Attic. ii. 24. ubi lex sumtuaria memoratur mutantibus olim lata. Cato apud Cicer. de Senect. 13 : " Sodalitates autem, me quæstore, constitutæ sunt sacris Idææ Magnæ Matris acceptis. Epublarum igitur cum sodalibus modice." *Tum magis* intellige, eo festo potius, quam alio tempore. *Indictas*, ad quas non vocantur, sed quas ipsi convivæ inducunt ; vide Burmannum.

357. *Institeram*, institueram, quærere volebam. *Deos peperit*, nempe sex Deos majorum gentium ; Virgilius, Æn. vi. 787 : " Læta Deûm partu, centum complexa nepotes, Omnes cœlicolas, omnes supera alta tententes."

361. *Se excidere*, virilia sua exse-

cuerunt. *Celæna* mons et urbs, caput quondam Phrygiæ, e cujus arce summa Mæander fluvius oriebatur ; nec procul inde Marsyas amnis. Fama tenebat, Celænis Marsyam cum Apolline tibiæ cantu certasse ; Livius, xxxviii. 13 ; Strabo, xii. p. 612. *It, decurrit* ; plenius Metam. ii. 456. *labens ibat rivus*. *Gallum*, Phrygiæ fluvium Plinius, xxxi. 5. auctore Callimacho, in iis numerat, qui calculus medeantur. Tum addit : " Sed ibi in potando necessarius modus, ne lymphatos agat." Vibius Sequester de Flumin. " Gallus in Phrygia, unde qui bibit, insanit more fanatico." Inde Gallos nomen accepisse, testatur etiam Stephanus Byzantinus ubi de hoc fluvio agit : ἀπό τῆς αἰδοῖα Γάλλους καλοῦσιν.

367. *Moretum, μύττωσον*, edulii rustici genus ex allio, apio, ruta, corian-

Lacte mero veteres usi memorantur, et herbis,  
 Sponte sua si quas terra ferebat, ait. 370  
 Candidus elisæ miscetur caseus herbæ,  
 Cognoscat priscos ut Dea prisca cibos.  
 POSTERA quum cœlo motis Pallantias astris  
 Fulserit, et niveos Luna levarit equos,  
 Qui dicet, quondam sacrata est colle Quirini 375  
 Hac Fortuna die Publica, verus erit.  
 TERTIA lux, memini, ludis erat: at mihi quidam  
 Spectanti senior, contiguusque loco,

dro, bulbo, caseo, oleo et aceto confectum, quo stomachus vellicaretur; vide Scholiast. Aristophan. ad Vesp. 312. et Virgilii Moretum. Etiam Neapolis hoc loco quædam de hoc cibo collegit. *Sua*, justa aut propria. *Si quas* non dubitantis est, sed affirmantis pro, quas. *Elisæ*, contritæ pastillo. Vide Heinsium. In temporis antiqui memoriam multa servata sunt in sacris veterum.

373—388. Hæc quoque ad tempus Megalensium pertinent, ad dies v. et vi. Aprilis, obiterque res duas narrant olim istis diebus gestas: *dedicationem templi Fortunæ Publicæ*, et *victoriam Cæsaris de Juba, tum Libræ imbres et Orionis occasum. Pallantias*, Aurora; *Metam. ix. 420. Ea oriente diffugiunt stellæ*, *Metam. ii. 114*; pro quo nunc *moventur*, scil. statione in cœlo expelluntur, ut *hostes moveri* dicuntur quum e castris ejiuntur; vide *Drakenb. ad Liv. x. 4. Levare* scilicet jugo, solvere. *An. U. C. 549. Sempromius* eos. principio pugnæ adversus Hannibalem, ædem *Fortunæ Primigeniæ* vovit, eamque decem annis post, *colle Quirinali* sacravit, dedicavit *Q. Martius Ralla* duumvir ad id ipsum creatus; *Liv. xxix. 36; xxxiv. 53*; sed *Noster* etiam v. 720. viii. *Kalend. Jun. Fortunæ Publicæ* templum datum narrat; atque ita, et eodem die Ka-

alendarium vetus, ubi *FORTVN. PVB. LIC. PR. IN COLL.* id est, *Fortuna Publica Primigenia* in colle. Hinc *Neapolis* conjicit, duas *Fortunas* intelligi, quarum altera *Publica* tantum sit dicta, altera et *Primigenia* et *Publica*; hujus ædem mense Maio esse dedicatam, illius Aprilis. *Verrius: Ludi Fortunæ Publicæ citerio—in colle. Foggin. supplet citeriori*, idque refert ad *Fortunam*; *Fortunam* autem *citeriorem* intel. eam, quam *Plutarchus, Quæstion. Roman.* ex voce latina *Brevis Βρῆσην* vertit.

377. Locum seq. bene explicuit *Masson. in Vita Ovidii ad an. U. C. 732. Tertia lux*, dies tertius *Megalensium* sive vi. dies *Aprilis*, non autem tertius ab ipsis *Nonis*. *Is erat ludis*, eo edebantur *ludi scenici. Victoriam*, quæ jam commemoratur, memoria non celebrabatur *Romæ*. *Ovidius* tamen commode eam repetere voluit, itaque figmento ingenioso usus est. *Contiguus*, pro quo multi *continuus*, bene se habet. Ut *contingere* aliquem propinquitate, amicitia dicimur, sic et *loco*; *Claudianus, viii. 481: aquas contiguas hostibus*; v. 219: *Parcite contiguo hosti. Jubam*, regem *Mauritaniam* fidelissimum partibus *Pompeii*, et *Scipionem Cæsar* vicat ad *Thapson*. Post *cladem* acceptam *Juba* magnifice epulatus est cum *Petreio*, fugæ comite,

Hæc, ait, illa dies, Libycis qua Cæsar in oris  
 Perfida magnanimi contudit arma Jubæ. 380  
 Dux mihi Cæsar erat, sub quo meruisse tribunus  
 Glorior : officio præfuit ille meo.  
 Hanc ego militia sedem, tu pace parasti,  
 Inter bis quinos usus honore viros.  
 Plura locuturi subito seducimur imbre : 385  
 Pendula cœlestes Libra movebat aquas.  
 Ante tamen, quam summa dies spectacula sistat,  
 Ensiger Orion æquore mersus erit.  
 PROXIMA victricem quum Romam inspexerit Eos,  
 Et dederit Phœbo stella fugata locum, 390

atque inter pocula se interficiendum ei præbuit; Florus, iv. 2. 69; quamquam rem paulo aliter refert Hirtius Bello Afric. 94. Inde *magnanimus*, fortiter procurrens ad mortem. *Contudit*, debellavit; Virgilius, *Æn.* i. 264: *populosque feroces Contundet.*

383. *Sedem*, non in Quatuordecim, ut Lipsius putabat, hanc enim Ovidius ex equestris ordinis jure obtinisset, sed in orchestra; quam sedem ipse sibi *paraverat* munere *decemviratus*, quo forte anno ætatis 21. aut 22. functus est. Vigintiviratus erat gradus ad senatum. Inde tres viri erant rerum capitalium, tres signandæ pecuniæ, quatuor viarum curatores, decem judiciis centumviralibus præfecti, atque inde litibus judicandis dicti.

385. Plinius, xviii. 66: *Cæsari VI. Id. significatur imber Libræ occusu*; Columella, ix. 2: iv. *Id. Aprilis, sole oriente, Libra occidere incipit, interdum tempestatem significat.* Hunc imbrem ingeniose poeta memoravit. In theatris Romani sub dio spectabant. *Pendula* bene *Libra* dicitur. *Summa dies*, ultima Megalensium, quæ in Calendario quodam vetere finiuntur iv. Id.

VOL. V.

389—620. *Cereriis ludi*. Hunc locum ita tractat, ut primum ludos ipsos 391—393; tum *Cereriis* merita et cultum, 394—416; tandem raptum Proserpinæ 417. usque ad finem narret. Constat, *Cereales* fuisse *Circenses*; Tacitus, *Annal.* xv. 53: "Circensium ludorum die, qui *Cereri* celebratur:" idem, cap. 74. decretum, ut "Circensium Cerealiū ludicrum pluribus equorum cursibus celebraretur." Et hinc commode potest explicari, ab hoc die, quo circus celebrer pompa, incipiunt ludi *Cereriis*. Scio quidem, in Calendario quodam vetere ad diem prid. Id. notatos esse *ludos Cereriis*, et biduo ante *ludos in Circo*, sed alia *Calendaria* nostram tuerent sententiam. Quæritur porro, quo die initium horum ludorum fuerit. *Plerique* intelligunt prid. Idus sive xii. April. quia sic *Calendaria* nonnulla, et quia versu 377. *tertiam lucem* non recte ceperunt. Eam rationem Lipsius ad Tacit. *Hist.* ii. 55. eo etiam adjuvari putat, quod ibi, *Othone* interfecto, *Cereales ludi* non interrupti, sed ex more spectati esse narrantur; mortem autem *Othonis* incidisse in xii. *Kalend. Maii*, sive diem xx. April. ad

1) d

Circus erit pompa celebrer, numeroque Deorum ;

Primaque ventosis palma petetur equis.

Hi Cereris ludi : non est opus indice causæ :

Sponte Deæ munus, promeritumque patet.

Messis erant primis virides mortalibus herbæ, 395

Quas tellus, nullo sollicitante, dabat :

Et modo carpebant vivaci cespite gramen ;

Nunc epulæ tenera fronde cacumen erant. [perta;

Postmodo glans nata est : bene erat jam glande re-

Duraque magnificas quercus habebat opes. 400

quem duraverint illa ludicra. Brotorius vero, approbante Ernestio, ad Taciti Annal. xv. 53. e Calendariis docere conatus est, initium illorum ludorum fuisse xiii. Kalend. Maii. seu die xix. Aprilis. Quæ ratio diserte ab Ovidio ipso refellitur. Etenim ver. 621. demum ad Idus, et 629. ad *lucem tertiam post Veneris Idus* progreditur. Nos cum Massono ver. 377. *tertiam lucem* tertium diem Megalensium, sive diem vi. Aprilis recte intellexisse nobis videtur. Ergo *proxima hæc Eos* diem vii. Aprilis, vii. Idus indicat. Atque huic eidem diei Kalend. unum ludos Cereales assignat.

*Inspicere etiam ex alto despicere ;* Æn. ii. 47 : *machina inspectura domos*, de equo Trojano. *Pompam Circensem* diligenter descripsit Dionysius Halicarn. vii. 72. Eam ducebant viri summi a Capitolio per forum in circum. Primi erant eorum filii adolescentuli equis insidentes. Hos sequebantur quadrigarii, bigarii, equorum singularium agitatores, athletæ, saltatorum chori, tibicines, chitharistæ, alii. Pompam cogeant plurimorum *Deorum* simulacra, quæ hominum humeris portabantur ; inde sane *celebritas* circi. De simulacris Deorum in pompa, locus jucundus est Amor. iii. 2. *Ventosi* audacter dictum, ventos post terga relinquentes ; Silius, xvi. 336.

393. Poeta supra passim Deos invocavit, ut sibi *causas rerum indicarent*, sed nunc *indice* divino hujus *causæ* opus non erat ; *sponte* enim e poetis et mythis Græcorum patebat, cur Cereri ludi fierent. *Promeritum*, meritum.

395—400. Alimenta ante Cererem. Vulgaris traditio erat, glandibus primos homines esse pastos ; sed nunc poeta, a victu etiam inhumaniore et infeliciore rem repetit ; confer ii. 293 ; Amor. dict. loc. et Art. Amat. ii. 475. ubi rem verbo tetigit, dum *herbas cibum* fuisse dixit. Pro *cibo* nunc *messem* exquisitius posuit ; Metam. xi. 113. *Midas arentes Cereris decerpsit aristas : Aurea messis erat. Nullo sollicitante* ; Metam. i. 103. sic *nullo cogente* ; et Virg. Georg. i. 128. *nullo poscente*. Ut nauta mare *sollicitat* remis, Georg. ii. 503. sic rusticus *telurem sollicitat* aratro, ibid. 418 ; nam *sollicitare* est sæpius movere. *Vivax*, qui non facile enecatur aut marcescit. *Cacumen tenera fronde*, teneræ frondes arborum. *Bene esse* ei dicitur qui commode aut laute vivit ; Trist. V. xii. 41 : “ Non adeo est bene nunc, ut sit mihi gloria curæ.” Vide Casaub. ad Persium, iv. 29. Huic bene convenit alterum *magnificus*.

400. De hoc merito Cereris confer Amor. iii. 20 ; Metam. v. 342 sqq ;



Prima Ceres homini, ad meliora alimenta vocato,  
Mutavit glandes utiliore cibo.

Illa iugo tauros collum præbere coegit :

Tum primum soles eruta vidit humus.

Æs erat in pretio ; chalybeia massa latebat : 405

Heu ! quam perpetuo debuit illa tegi !

Pace Ceres læta est : at vos optate, coloni,

Perpetuam pacem, perpetuumque ducem.

Farra Deæ micæque licet salientis honorem

Detis, et in veteres turea grana focos : 410

Et, si tura aberunt, unctas accendite tædas :

Parva bonæ Cereri, sint modo casta, placent.

A bove succincti cultros removete ministri ;

Bos aret : ignavam sacrificate suem :

Virg. Georg. i. 147 : quæ loca omnia, quasi ex composito, ordiuntur verbis *Prima Ceres. Vocavit hominem ad meliora*, quum modum monstravit mitia sibi alimenta comparandi per agriculturam, cujus partem, arationem, mox circumloquitur. *Mutavit*, permutavit : doctius et ornatus Virg. Georg. i. 8. : Cereris munere tellus "Chaoniam pingui glandem mutavit arista." *Eruta*, versa aratro. *Soles vidit* ; Georg. i. 48 : *solem et frigora sensit*.

405. *Æneis* tum instrumentis agricolæ utebantur ; Hesiodus *Ἔργ.* 150 : *χαλκίῳ δ' ἐργάζοντο μέλας δ' οὐκ ἔσκε σίδηρος*. Ferri Noster præstantissimum genus nominat, a gente *Chalybum* ad Thermodoonta fluvium, dictum ; Virgil. Georg. i. 58. *Debuit tegi*, nempe propter abusum ejus in bello ; confer ver. 923 sqq. Sed ante, *ære* sic abutebantur, et ante *æs* reptum unguibus, pugnis et fustibus ; Horatius, l. Sat. iii. 101. Scilicet non chalybeia massa in culpa est, sed rabies hominum, sed historia stultitia, quæ, quum vastatores terrarum *Mag-*

*nos* mentiri amet, funestam illam rabiem accendit. *Pace læta est*, ut, qui aravit, idem metat ; Callimach. hymn. Cerer. 138. Vide locum pulcherrimum apud Tibullum I. x. 45 sqq. *At vos* Taubnerus sic capit : at non pro pace modo, sed et pro ducis perpetua vita vota faciatis. Malim : si cæteri bella serunt, vos saltem coloni etc. *At* eleganter sic cum pronomibus personæ ponitur ; Livius, iii. 17. *at vos veremini Deos vestros*.

409—416. Cultus Cereris. *Farra*, etc. confer i. 338. *Veteres focos* ; Horatius, Epod. ii. 43. : *Sacrum vetustis extruat lignis focum. Tadarum* usus in sacris Cereris, quia ipsa, quum filiam quæreret, tædam accendit. *Unctas*, pice oblitas ; *Æneid.* viii. 91 : *uncta abies*. *Parva*, ut Manibus, ii. 535. *Castâ*, puro animo oblata. *Ministri*, popæ, victimarii, qui, quum victimas mactarent, *succincti* esse solebant ; vide ad i. 319. De *bove aratore* non mactando vide ad i. 362. De *sue*, lib. i. ver. 349.

Apta jugo cervix non est ferienda securi ; 415  
 Vivat, et in dura sæpe laboret humo.  
 Exigit ipse locus, raptus ut virginis edam :  
 Plura recognosces ; pauca docendus eris.  
 Terra tribus scopulis vastum procurrat in æquor  
 Trinacris ; a positu nomen adepta loci. 420  
 Grata domus Cereri : multas ibi possidet urbes,  
 In quibus est culto fertilis Henna solo.  
 Frigida cœlestum matres Arethusa vocarat :  
 Venerat ad sacras et Dea flava dapes.

417. *Raptus Proserpina* pars gravissima hymnorum in Cererem, idemque multis carminibus celebratus. Confer Met. v. 341 sqq. Nam ibi quoque Noster eum copiosissime cecinit. Antiquissimus auctor fuerat Pamphus, quem hymni Homerici in Cererem auctor secutus esse videtur.

*Exigit ipse locus*, hac occasione narrandus est mihi raptus. Verum si abesset, non magnopere desideraretur, quum hic de munere tantum et pro merito Cereris agatur. *Edere*, indicare, narrare. Vide ad Metam. ii. 43.

419. In hym. Homericis in Cerer. 17. Proserpina e campo Nysæ, quod Cariae oppidum, rapturæ. Vid. et Strabo, xiv. p. 969. Alii in Attica, aut in Cyllene Arcadiæ monte, aut in Creta id factum esse narrabant. Vide Schol. Hesiodi, pag. 303. et Spanhem. ad Callimachum Cerer. 9. Noster hic et Metam. v. *Siciliam* prætulit. Sic plurimi, ut Cicero, Verr. iv. 48. qui e monumentis Græcis huic traditioni fidem addit, et Claudianus. De nomine Siciliæ Plinius, iii. 14 : " Sicilia, Sicania Thucydidi dicta, Trinacria pluribus, Triquetra a triangula specie." *Scopuli, ἀκραί*, promontoria, quæ versu 479. memorantur. *Positus*, ut alibi *situs*, forma. *Grata domus Cereri*; Cicero, dicto loco : " Vetus

est hæc opinio, quæ constat ex antiquissimis Græcorum literis atque monumentis, insulam Siciliæ totam esse Cereri et Liberæ consecratam. Nam et natas esse has in his locis Deas, et fruges in ea terra primum repertas arbitrantur, et raptam esse Liberam ex Enneensium nemore." Dii *urbes*, in quibus præcipua religione coluntur, *possidere*, ibique *habitare* dicuntur. Sic et Ilium *divinam domum*, Æn. ii. 241. *Hienna* aut *Enna*, quia in media insula sita, *umbilicus Siciliæ, ὀμφαλὸς Σικελίας*, dicta. Cic. dicto loco; Callimach. Cerer. 15; Diodorus Sicul. v. p. 287. Merito poeta ex urbibus Siciliæ *Hennam* potissimum nominavit. *Hennensis* enim *Ceres* per totam Siciliam mira religione, privatim ac publice, colebatur; Cicero, dicto loco.

423. Absente matre rapta est virgo. De *Arethusa*, *frigido* fonte Syracusarum vide Met. v. 409. Ejus fontis *Nympha* sacra faciebat Deabus, ut Virg. Georg. iv. 380. Cyrene Oceano; supra ii. 247. Phœbus Jovi; et omnino Dii minores majoribus. Qui sacra faciunt, *vocare Deos* dicuntur; Horat. I. Od. xxx. 2.: *vocans ture te multo*. Vocati *veniebant ad dapes*, de quibus ad ii. 362. dictum. *Flava* sæpe Ceres vocatur a colore maturi frumenti.

Filia, consuetis ut erat comitata puellis, 425  
 Errabat nudo per sua prata pede.  
 Valle sub umbrosa locus est, adspergine multa  
 Uvidus ex alto desilientis aquæ.  
 Tot fuerant illic, quot habet natura, colores;  
 Pictaque dissimili flore nitebat humus. 430  
 Quam simul adspexit; Comites, accedite, dixit;  
 Et mecum vestros flore replete sinus.  
 Præda puellares animos prolectat inanis,  
 Et non sentitur sedulitate labor.  
 Hæc implet lento calathos e vimine textos; 435  
 Hæc gremium, laxos degravat illa sinus.

425. Locum, unde rapta Proserpina, ex ingenio suo describit Metam. v. 385 sqq.; e rei natura Cic. dicto loco: "In loco summo est æquata agri planities, et aquæ perennes. Tota vero ab omni aditu circumcisa atque diremta est: quam circa lacus lucique sunt plurimi, et lætissimi flores omni tempore anni." Conf. et Diodor. Sicul. v. p. 287. Florum genera, quos collegit, recensentur in hym. Homer. ver. 5 sqq. Noster suaviter *colores* vocat, eique voci bene convenit *picta*. *Nitere* vero nunc non minus eleganter dictum, quam *renidere*; Metam. vi. 65: "In quo diversi niteant quum mille colores;" xv. 202: "herba nitens." Neque ager tantum cultus *nitidus* dicitur, Cic. Verr. iii. 18. sed et in *picturis*, unde nunc sumta verba, alia *nitida* sunt, alia horrida; Cic. Orat. i. 18. *Dissimiles* varius.

431. Pampho auctore, quem deinceps cæteri secuti sunt, rapta est *παίζουσα καὶ ἀνθη συλλέγουσα*. Mores autem et studia comitum bene hic notata, ut Metam. v. 391 sq. ipsius Proserpinæ sedulitas. *Comites* et in hymno Homer. ver. 5. dantur Oceani filia, sed ver. 424. Minerva et Diana

adduntur, quæ et ipsæ virgines. *Præda inanis* jucunde de floribus decerpitis. *Non sentitur*, etc. Met. vi. 60. *studio fullente laborem*.

435. De *calathis* ad Met. iv. 10. In iis etiam Virg. Ecl. ii. 46. *Nymphæ flores ferunt*. *Gremium* et *sinus*, ut grammatici docent, ita differunt, ut *sinus* sit inter pectoris et brachiorum, *gremium* inter femorum complexum. *Laxos sinus* habebant *βαθύκοιλοι*, ut a poetis Græcis vocantur, et ipsæ Proserpinæ comites hymn. Homer. ver. 5. *Caltha* in floribus passim memoratur, ut Virgil. Eclog. ii. 50: "Mollia luteola pingit vaccinia caltha," ubi vide Martin. Plinius, xxi. 15. postquam e violis luteis marinam descripsit et calathianam minuto folio, pergit: "Proxima ei caltha est concolori amplitudine. Vincit numero foliorum marinam, quinque non excedentem. Eadem odore superatur, est enim gravis calthæ." Esse eam et ipsam e genere violarum lutearum, ibi docet Harduin. *Violaria*, loca violis consita, nunc ipsæ violæ. *Comæ*, folia et flores plantarum dicuntur; Calpurn. Ecl. ii. 32: "At mihi Flora comas parienti gramine spargit," ubi

Illa legit calthas; huic sunt violaria curæ;  
 Illa papavereas subsecat ungue comas. 438  
 Has, Hyacinthe, tenes: illas, Amarante, moraris:  
 Pars thyma, pars casiam, pars meliloton amant.  
 Plurima lecta rosa est; et sunt sine nomine flores:  
 Ipsa crocos tenues liliaque alba legit.  
 Carpendi studio paulatim longius itur;  
 Et dominam casu nulla secuta comes.  
 Hanc videt, et visam patruus velociter aufert; 445  
 Regnaque cæruleis in sua portat equis.  
 Illa quidem clamabat: Io, carissima mater,  
 Auferor! ipsa suos abscideratque sinus.  
 Panditur interea Diti via; namque diurnum  
 Lumen inadsueti vix patiuntur equi. 450  
 At chorus æqualis cumulatis flore canistris,  
 Persephone, clamant, ad tua dona veni.

vid. Wernsdorf. *Tenere et morari*  
 oblectationis notionem habent. De  
*hyacintho* veterum vide ad Met. x.  
 212. ubi de ejus origine ex Hyacintho  
 juvene. De *amaranto*, flore purpureo,  
 nunquam marcescente, Plinius, xxi. 8.

440. *Casia*, non Arabiæ frutex hujus  
 nominis, sed herba coronaria nunc in-  
 tellig. quam Martia. ad Virgil. Eclog.  
 ii. 49. Thymelæan esse docet. *Meli-*  
*loton*, etiam *sertula campana*, in Cam-  
 pania frequens, sertis conficiendis ad-  
 hibebatur, et odore et flore similis  
 croco, *κροκίζων καὶ εὐώδης*; Dioscor.  
 iii. 48; Plinius, xxi. 29.

442. *Ipsam* Pamphilus tradiderat non  
 violis, sed narcissis deceptam esse;  
 Pausan. Bœot. p. 773. Sic et auctor  
 hymn. Homer. in Cerer. qui vers. 8—  
 14. narcissi illius pulchritudinem, am-  
 plitudinem et odorem describit. Hos  
 duces deseruit Noster hic et Metam.  
 v. 392.

445. Cicero dicto loco: "Propter  
 est spelunca quædam conversa ad  
 aquilonem, infinita altitudine, qua  
 Ditem patrem ferunt repente cum  
 curru exstitisse, abreptamque ex eo  
 loco virginem secum asportasse, et  
 subito non longe a Syracusis pene-  
 trasse sub terras, lacumque in eo loco  
 repente exstitisse." Confer Metam. v.  
 395—408. *Cærulei*, nigri *κνανοτρι-*  
*χης* Orpheo. Nomina eorum habet  
 Claudianus Rapt. Pros. i. 282. *Pa-*  
*trui* cor, Venere impellente Cupido  
 sagitta acutissima vulneraverit, quum  
 Sicilia fundamina ambiret et explora-  
 ret; Metam. dict. loco, 355 sqq. In  
 hymno Homer. ver. 3. Jupiter eam  
 dat fratri; ibi et multa de *clamore*  
 raptæ. *Absciderat*, disciderat.

451. *Æqualis*, æqualium, comitum.  
*Ad tua dona* bene se habet, ad flores,  
 quos tibi donare volumus.

Ut clamata silet, montes ululatus implent ;  
 Et feriunt mœsta pectora nuda manu.  
 Adtonita est plangore Ceres ; modo venerat Hen-  
 nam ; 455  
 Nec mora, Me miseram ! filia, dixit, ubi es ?  
 Mentis inops rapitur, quales audire solemus  
 Threicias passis Mænadas ire comis.  
 Ut vitulo mugit sua mater ab ubere raptō,  
 Et quærit fœtus per nemus omne suos ; 460  
 Sic Dea ; nec retinet gemitus ; et concita cursu  
 Fertur ; et e campis incipit, Henna, tuis.  
 Inde puellaris nacta est vestigia plantæ,  
 Et pressam noto pondere vidit humum.  
 Forsitan illa dies errori summa fuisset, 465  
 Si non turbassent signa reperta sues.  
 Jamque Leontinos, Amenanaque flumina cursu  
 Præterit, et ripas, herbifer Acī, tuas :

457. Hymn. Homericō 43. mater divulsis vittis, cyaneoque velamento injecto, *rapitur*, ὄσπ' οἴωνος ἐπὶ τραφερὴν τε καὶ ὑγρὴν μαιομένη. Hoc, quod ver. 482. expressum et ornatum est, melius, quam comparatio cum *Mænadibus Threiciis*, quarum furor et jactatio comarum *Metam.* xi. init. describitur. *Mugit*, etc. Similia *Remed. Amor.* 183 ; sonant *silvæ mugitibus altæ*, *Et queritur vitulum mater abesse suum*. Atque etiam hoc loco, unus Vaticanus *queritur* ; sed verbo *quære* inest notio desiderii et doloris e jactura aliqua ; *Metam.* ii. 239. Desiderium autem illud matris vitulum quærentis egregie notavit *Lucretius*, ii. 352—365.

464. *Notum pondus*, corpus filiæ, cujus vestigia matri nota. *Summa*, ultima. *Sues* melius poeta omisisset in hac narratione. *Turbare*, confun-

dere ; *Metam.* viii. 160. *Dædalus turbat notas*.

467—480. Catalogus locorum Siciliæ, quæ Ceres præterierit. *Conf. Virgil. Æneid.* iii. 687, qui locus paulo ornatus est scriptus. Non autem putandum est, *Ovidium* justo ordine iter aliquod designasse, aut, quærat interpretis Gallici opinio, serie locorum neglecta, perturbationem animi, qua Ceres erraverit, indicare ; sed satis habuit, quod et in *Met.* opere aliquoties fecit, plura loca memorabilia congerere ; *Diodorus Siculus*, v. p. 288. *Cerere* narrat ἐπελθεῖν ἐπὶ πολλὰ μέρη τῆς οἰκουμένης. *Leontini* aut *Leontium*, urbs in ora maris Siculi inter Catanam et Syracusas ; *Plinius*, iii. 14. *Amenanus* prope Catanam, de quo fluvio *Metam.* xv. 279. *Acis* ex *Ætna* profluens undas suas gelidissimas magno cum impetu in mare

Præterit et Cyanen, et fontem lenis Anapi;  
 Et te, vorticibus non adeunde Gela. 470  
 Liquerat Ortygien, Megareaque, Pantagienque,  
 Quaque Symætheas accipit æquor aquas,  
 Antraque Cyclopum positis exusta caminis,  
 Quique locus curvæ nomina falcis habet, 474  
 Himeram et Didymen, Acragantaque, Taurome-  
 Sacrorumque Melan pascua læta boum. [nonque,

devolvit; Plinius, dict. loc. *Anapus* aut *Anapis*, ubi *Cyanen* recepit, in portum Syracusarum majorem se exonerat; *Metam.* v. 412. *Gelas* fluvius, ad cujus ostium Gela urbs; vide *Dorvil.* Sic. p. 129. *Virgil. Æn.* iii. 702: *Immanisque Gela fluvii cognomine dicta. A vorticibus Phœnicibus bela dictus putatur.* Bochart. Chan. i. 29.

471. *Ortygie*, insula, in qua pars Syracusarum sita, ubi et fons *Arethusa*; *Metam.* v. 499. *Megara* aut *Megariv*, quæ et *Ilybla* minor, urbs prope Syracusas ad mare; *Stephan. Μεγαρίς ἐν Σικελίᾳ, ἡ πρότερον Ὑβλα*; Plinius, iv. 7. De scriptura nominis vide *Pintian.* ad *Melam.* II. vii. 152. *Pangies* aut *Pantagias*, parvus fluvius prope *Leontinos*; *Plin.* iii. 14; *Vibius Seq.* *Cluver.* Sic. i. 11; *Virgilius, Æneid.* iii. 689. *ostia Pantagiæ, Megarosque sinus Thapsumque* conjungit. *Symæthus (Συμαθος)* fluvius in orientali *Siciliæ* parte ultra *Catinam*; *Strabo* lib. vi. 272; *Plin.* d. l. *Cluver* i. 10.

473. Etiam Plinius, dicto loco, in parte *Siciliæ* orientali *Cyclopum scopulos* collocat; aliter *Homerus. Exusta*, sicut *Horatius*, I. *Od.* iv. 8. *Dum graves Cyclopum Vulcanus ardens urit officinas. Curvæ falcis.* *Messana* olim *Zancle* dicta a forma *falcata*, quam promontorium habet urbis portum includens ad fretum *Siculum*;

*Metam.* xv. 290. Fortasse tamen *Drepanum* innuit quum *δρέπανον* ut *ζάγκλη* falcem denotet, quod antiquum retinebat adhuc nomen. *Himera*, quam *Hannibal* diruit, in parte septentrionali *Siciliæ* ad ostium fluminis cognominis. Possis et *Hieram* legere, quæ fuit, ut *Didyme*, una ex insulis *Æoliis* ex adverso promontorii *Tyndarii*; *Plin.* iii. 9. *Acragas, Agrigentum*, in parte meridionali inter *Pachynum* et *Lilybæum*, in monte cognominis; *Virgil. Æn.* iii. 703: "Arduus inde *Acragas* ostentat maxima longe *Mœnia.*" *Tauromenon*; *Plin.* dicto loco, *colonia Tauromeniium, quæ antea Naxos*; *Græcis Ταυρομένιον.* Sita in parte orientali infra *Messanam*.

476. *Melas* fluvius e finibus *Messanensium* versus septemtriones profuens. Inde non longe aberant *Mylæ*, oppidum, hodie *Milazzo*, in peninsula. Ea regio pascua habebat miranda. Hinc *boves sacri Solis* ibi fuisse tradebantur; *Theophr. Hlistor. Plant.* viii. 3; *Bochart. Chan. lib.* i. cap. 27. De pascuis latis vide *Bentleium* ad *Horat.* III. *Od.* xi. 9. *Camerina* aut *Camarina* in litore meridionali inter *Agrigentum* et *Pachynum. Thapsus* peninsula haud procul a *Syraculis* sinum *Megarensis* includens. *Helorum* oppidum ad ostium *Helori* amnis non procul a *Pachyno*; *Plinius*, iii. 14. *flumen Elorum*; sed *Stephanus* *Ἐλωρος. Eryx*; *Solinus*, cap. 5: "Emi-

Hinc Camerinan adit, Thapsonque et Heloria Tem-  
 Quaque patet Zephyro semper apertus Eryx. [pe;  
 Jamque Peloriaden, Lilybæaque, jamque Pachynon  
 Lustrarat, terræ cornua prima suæ. 480  
 Quacumque ingreditur, miseris loca cuncta querelis  
 Implet; ut amissum quum gemit ales Ityn:  
 Perque vices, modo Persephone, modo Filia, cla-  
 Clamat, et alternis nomen utrumque ciet. [mat;  
 Sed neque Persephone Cererem, neque filia ma-  
 Audit, et alternis nomen utrumque perit. [trem  
 Unaque, pastorem vidisset, an arva colentem,  
 Vox erat, Hac gressus si qua puella tulit?  
 Jam color unus inest rebus; tenebrisque teguntur  
 Omnia: jam vigiles conticuere canes. 490  
 Alta jacet vasti super ora Typhoeos Ætne,  
 Cujus anhelatis ignibus ardet humus.  
 Illic accendit geminas pro lampade pinus;  
 Hinc Cereris sacris nunc quoque tæda datur.

net Sicilia montibus Ætna et Eryce: Vulcano Ætna sacer est, Eryx Veneri." Mela vi. 7: "Montium Eryx maxime memoratus ob delubrum Veneris ab Ænea conditum." Finem catalogi faciunt *cornua*, ἀκραί, promontoria, quorum *Pelorus* Italiam spectat, *Pachynum* aut *Pachinus* Græciam, *Lilybæum* Africam. *Pelorus* scribitur etiam *Pelorum*, *Peloris* et *Pelorias*. Vid. Gronovium ad Melam, II. vii. 143. Promontoria, quæ longissime in mare procurrunt, bene dicuntur *prima* insulæ. Vidit hoc et Krehsius.

482. *Itys* Terei et Procnes filius a matre occisus et patri appositus; Metam. vi. 620 sqq. Mater vocatur *ales*, quia in hirundinem mutata; ibid. 667. In seqq. *Perque vices*—perit ludit ingenium Ovidianum. Ciet, exclamat;

VOL. V.

Livius, xlv. 38: *triumphum nomine ciere*, exclamare Io triumphæ! *Perit* nomen, quod non auditur. *Si qua*, an qua.

489—494. Etiam in hymno Homérico 48. errat αἰθόμενας δαΐδας tenens, easque λαμπάδας apud Diodor. Sicul. v. p. 288. quoque ἐκ τῶν κατὰ τὴν Ἀττίνην κρατήρων accendit, et apud Cicer. dicto loco, iis ignibus, qui ex Ætnæ vertice erumpunt. Hinc *tæda* in Cereris sacris adhibebatur; etenim multi ritus memoriam facti alicujus, mimice illud exhibendo, servabant. De *Typhoeo*, monstro immani, Jovis fulmine vulnerato, et Ætna fronte obruto vide ad Metam. iii. 303; v. 321. 348. Paulo ante *canon* non satis commode mentio facta. Cum altero *color unus*, etc. comparari potest Virgilii Æn. vi. 272: *rebus nox abstulit atra colorem*.

E e

Est specus exesi structura pumicis asper ; 495  
 Non homini regio, non adeunda feræ.  
 Quo simul ac venit, frenatos curribus angues  
 Jungit ; et æquoreas sicca pererrat aquas.  
 Effugit et Syrtes, et te, Zanclæa Charybdi ;  
 Et vos, Nisæi, naufraga monstra, canes ; 500  
 Adriacumque patens late, bimaremque Corinthon.  
 Sic venit ad portus, Attica terra, tuos.  
 Hic primum sedit gelido mœstissima saxo :  
 Illud Cecropidæ nunc quoque triste vocant.  
 Sub Jove duravit multis immota diebus, 505  
 Et lunæ patiens, et pluvialis aquæ.  
 Fors sua cuique loco est : quo nunc Cerealis Eleu-  
 Dicitur hoc Celei rura fuisse senis. [sin,

495—498. De *anguibus* vel alatis, vel non alatis, quibus Ceres vehebatur, dictum ad Met. v. 642 : vide et Voss. in Epist. mythol. ii. p. 123. Apud cæteros auctores iis non utitur in quærenda filia ; at nunc *specus* inaccessus et mare locum dant iis adhibendis. *Pumex*, omnis lapis aut rupes excavata ; unde poetis etiam saxa sic dicuntur, quibus Deorum Nympharumque antra constructa, etiam saxa erosa in ædificiis ad imaginem specus arte reddendam ; Plinius, xxxvi. 21. *Exesus* solenne in hac re ; Virgil. Georg. iv. 418 : “ Est specus ingens Exesi latere in montis.”

499. De *Syrtebus* ad Metam. viii. 120 ; de *Charybdi* et *Scylla* ad vii. 63. dictum. *Scyllæi* nunc vocantur *Nisæi*, quia *Scylla* Nisi filia ; ibid. vili. initio. *Naufraga*, ad quæ naufragia fiunt. De *bimari* Corintho ad Metam. v. 407.

502. Errantem Cererem in *Atticam*, in Eleusinos quidem agros venisse, in eo consentiunt quos supra laudavi, scriptores. Quamquam et alii populi

Cereris adventum, sationisque principium ad se trahebant, Argivi, Arcades, Siculi. Prope Eleusinem consedit in saxo sub olea juxta puteum mœstissima. Saxum Cecropidæ vocarunt Ἄγελαστον, (Apollod. Hesych.) quod Noster *triste* interpretatus est. Ad puteum, haud dubie eundem, postea mulieres chorum instituerunt, dixeruntque Καλλιχορον ; vide Ilgen. ad hymn. Homeric. ver. 99.

507. A *Metanira*, *Celei* uxore, excipitur etiam in hymno Homeric, 105 sqq. præeunte Pampho (Paus. i. 39.) et apud Apollodorum. Alii, ut Hyginus, Eleusinum regem substituunt. Etiam Celeum cæteri faciunt regem, Noster rusticum. Secundum Arnobium, Eleusinum agrum tum Triptolemus, Dysaulus, Euhuleus et Eumolpus incoluerunt, quorum primus boum jugator, alter caprarius, tertius porcorum custos, quartus opilio fuerit. In hymno Homer. ver. 153 sq. Triptolemus, Dioclus, Polyxemus, Eumolpus, Dolichus et Celeus, proceres terræ, nominantur. Fors ad vicissitudines



Ille domum glandes, excussaque mora rubetis

Portat, et arsuris arida ligna focus. 510

Filia parva duas redigebat rupe capellas ;

Et tener in cunis filius æger erat.

Mater, ait virgo, mota est Dea nomine matris,

Quid facis in solis incomitata jugis ? 514

Restitit et senior, quamvis onus urget ; et orat,

Tecta suæ subeat quantulacumque casæ.

Illa negat ; simularat anum, mitraque capillos

Presserat ; instanti talia dicta refert :

Sospes eas, semperque parens ; mihi filia rapta est.

Heu ! melior quanto sors tua sorte mea ! 520

Dixit : et, ut lacrymæ, neque enim lacrymare Deo-

Decidit in tepidos lucida gutta sinus ; [rum est,

Flent pariter, molles animi, virgoque, senexque.

E quibus hæc justi verba fuere senis :

rerum referenda. *Eleusinem* urbem Eleusin heros condidit, cujus ætas incerta erat ; Pausanias, *Attic.* p. 93. *Quo*—hoc scilicet loco. *Glandes* ; vide ver. 399. *Excute* omnino demere, amovere ; *Fast.* v. 215 : *foliis excussa pruina*, nempe radiis solis.

513 sqq. Hæc omnia aliter, sed perquam jucunde priscæque ætatis moribus convenienter in hymn. *Homer.* 105 sqq. narrantur. Ibi a *Celei* filiabus ad *Metaniram* matrem *Dea* deducitur, ejusque filiolum unicum *Demophonta* educandum et alendum recipit ; sic et *Apollodorus*. *Juga* in agro *Eleusino* me offendunt. Recepit hoc nomen *Heinsius* ex *Vossiano* et nonnullis aliis ; cæteri *locis*, quod præferendum videtur. *Etiam* *Metam.* vii. 819. *loca sola*.

517. *Simularat anum.*] In hymno *Homeric* sedet *ἡ γῆ παλαιγενεὶ ἐναλίγκιος*. Sic et apud *Pamphum* ; sed apud *Hyginum* nutricem lactantem

simulavit. De *mitra*, vetularum insigni, ad iii. 669. *Presserat*, texerat. *Semper parens*, nunquam amittas liberos.

521. *Neque lacrymare*, etc.] Confer *Metam.* ii. 622. Alibi in luctu *Deorum* lacrymis substituuntur gemitus, hoc loco *lucida gutta*. *Molles animi*. Homines ut interdum *corpora*, sic et *animi* dicuntur ; i. 297 : *felices animi*. *Male* *Taubner*. hoc loco *animi* pro genitivo haberi volebat, quemadmodum *dubius animi* legitur. *Flent pariter* ; vis sympathiæ. *Justus*, frequens epitheton senis ; *Heroid.* i. 29 ; *Metam.* viii. 704. *Sic tibi*, etc. *Precor* te per salutem filia raptæ, ut surgas. *Sic* ponitur ita in obtestationibus, quibus alteri quo fortius eum impellamus ad aliquid faciendum, grata quædam precamur ; *Tibullus*, II. v. 121 : “ *Adnue* ; sic tibi sint intonsi, *Phœbe*, capilli.” *Celeus* igitur et graviter et humaniter urget *Cererem*.

Sic tibi, quam raptam quereris, sit filia sospes :  
 Surge ; nec exiguæ despice tecta casæ.  
 Cui Dea ; Duc, inquit ; scisti, qua cogere posses.  
 Seque levat saxo, subsequiturque senem.  
 Dux comiti narrat, quam sit sibi filius æger ;  
 Nec capiat somnos, invigiletque malis. 530  
 Illa soporiferum, parvos initura penates,  
 Colligit agresti lene papaver humo.  
 Dum legit, obliato fertur gustasse palato,  
 Longamque imprudens exsoluisse famem.  
 Quæ quia principio posuit jejunia noctis, 535  
 Tempus habent mystæ sidera visa cibi.  
 Limen ut intravit, luctus videt omnia plena :  
 Jam spes in puero nulla salutis erat.  
 Matre salutata, mater Metanira vocatur,  
 Jungere dignata est os puerile suo. 540  
 Pallor abit, subitæque vigent in corpore vires :  
 Tantus cœlesti venit ab ore vigor !  
 Tota domus læta est : hoc est, materque, paterque,  
 Nataque : tres illi tota fuere domus.  
 Mox epulas ponunt, liquefacta coagula lacte, 545  
 Pomaque, et in teneris aurea mella favis.  
 Abstinet alma Ceres, somnique papavera causas  
 Dat tibi cum tepido lacte bibenda, puer.

531—536. De jejunio diurno Ceres in illo errore consentiunt veteres. In hymno Homérico primum respuit cibos Metaniræ deliciares ; tum ver. 210. cinnum (Γλήχωνα) bibit. Similiter fere Met. v. 450. et Arnob. dicto loco, qui e Clemente addit, in Mystarum symbolis fuisse, *Jejunavi atque ebibi cyceonem*. Apud Servium ad Georg. i. 212. *papavera* sumit ad oblivionem doloris. *Mystæ*, initiati mys-

teris minoribus, quæ in honorem Proserpinæ celebrabantur. Ab iis diversi *Epoptæ*, initiati mysteriis majoribus in honorem Cereris ; vid. Meursius de Eleusiniis, item Fisch. in indice Æsch. ad vocem *μυεῖσθαι*.

545. De *coagulis* consule notam ad Met. xiii. 830. Ea sumenda dilui solebant lacte.

547. Ceres puerum, quem immortalem reddere vellet, noctu in igne

Noctis erat medium, placidique silentia somni;  
 Triptoleмум gremio sustulit illa suo: 550  
 Terque manu permulsit eum; tria carmina dixit,  
 Carmina mortali non referenda sono:  
 Inque foco pueri corpus vivente favilla  
 Obruit, humanum purget ut ignis onus.  
 Excutitur somno stulte pia mater; et amens, 555  
 Quid facis? exclamat; membraque ab igne rapit.  
 Cui Dea; Dum non es, dixit, scelerata fuisti,  
 Irrita materno sunt mea dona metu.  
 Iste quidem mortalis erit; sed primus arabit,  
 Et seret, et culta præmia tollet humo. 560  
 Dixit: et egrediens nubem trahit, inque dracones  
 Transit, et aligero tollitur axe Ceres.  
 Sunion expositum, Piræaque tuta recessu  
 Linqvit, et in dextrum quæ jacet ora latus.

posuit, et quod ignis absumserat, id interdiu inungendo corpus ambrosia restituit: sic ille quotidie mirifice crescebat. Mater quum e thalamo suo observans, filium igni impositum videret, ejulavit. Quo facto, Ceres ignem exstinxit, matri stultitiam exprobravit, puero Demophonti, quum immortalē reddere jam non posset, honorem incorruptum promisit, sibi que sacra institui jussit. Sic hymn. Homeric. vers. 235—274; sic fere et Apollod. Secundum illum *Triptolemus* æque ac *Celeus*, fuit incola Atticæ, ver. 155; secundum hunc senior *Metaniræ* filius. Hunc plurimi arationis et sationis auctorem in Græcia faciebant; hordeum ab eo in agro Rhario satum esse, Pausanias i. 38. narrat. *Carminum*, id est formularum quarundam, quarum magnus usus erat et in rebus magicis; Met. vii. 137; x. 397. *Mortali*, etc. conf. iii. 323 sq.

557. Hoc oxymoron Ovidius, Me-

tam. iii. 5; ix. 408. sic expressit: “facto pius et sceleratus eodem.” Quamquam scelerata non es, quia unice amas filium, æque tamen ei nocuisti, ac si eum odisses.

561. Apud Apollodorum, *ἐαυρήν ἐξέφυγε*, se exhibuit Deam, idque in hymn. Homericō 275. fecit deposita senectute, resumta forma augusta, odore grato et splendore quodam. Hic *nubem trahit*, id est, attrahit, et incedit circumdata nube. *Inque dracones*, etc. Nube circumdata in curru transit, cui dracones juncti. De sacrīs ei jam ab Eleusiniis institutis, de quibus hymnus multa habet, Noster nihil tradit, sed catalogum rursus locorum struit, quæ Dea pererraverit; amabat enim tales catalogos.

563. *Sunion* promontorium a portu *Piræeo* xlv. millia passuum abest, (Plinius, iv. 11.) finitque id litus *Helados*, quod spectat orientem; Mela, II. iii. 99. *Expositum* fluctibus, pro-

Hinc init Ægæum, quo Cycladas adspicit omnes ;  
 Ioniumque rapax, Icariumque legit. 566  
 Perque urbes Asiæ longum petit Hellespontum ;  
 Diversumque locis alta pererrat iter.  
 Nam modo turilegos Arabas, modo despicit Indos,  
 Hinc Libys, hinc Meroe, siccaque terra subest.  
 Nunc adit Hesperios, Rhenum, Rhodanumque,  
 Padumque, 571  
 Teque future parens, Tibri, potentis aquæ.  
 Quo feror ? immensum est erratas dicere terras :  
 Præteritus Cereri nullus in orbe locus.  
 Errat et in cœlo ; liquidique immunia ponti 575  
 Alloquitur gelido proxima signa polo :  
 Parrhasides stellæ ; namque omnia nosse potestis,  
 Æquoreas nunquam quum subeatis aquas ;  
 Persephonen miseræ natam monstrate parenti.  
 Dixerat : huic Helice talia verba refert : 580

currens in mare. Plinius, *Æneid.* x. 694 : *rupes exposita ponto. Init—legit.* De cursu in aere locutus est, ut de navigatione in mari. *Ionium* sic absolute poni solet. Vide Bentleium ad Horatii *Epod.* x. 19 : non autem hic intelligas mare, quod vulgo *Ionium* dici solet, inter Græciam et Italiam, sed quod *Ioniam*, Asiæ partem alluit, a quo non longe abest *Icarium*. Neque *Metam.* iv. 534. vulgari sensu legitur. Krebsius hoc loco totum mare intelligit quod inter Græciam, Siciliam, Phœnicen et Ægyptum patet. Immo angustiore sensu capi debet, quippe positum inter *Ægæum* et *Icarium*. *Diversum locis iter*, diversa loca.

570. *Meroe*, insula Æthiopum, quam Nilus facit ; *Mela*, I. ix. 10 : " Nilus, quum diu simplex sævusque descendit, circa Meroen late patentem

insulam in Æthiopiam diffunditur." Adde III. ix. init. *Hesperios* sive occidentales fluvios ; sic etiam *Met.* ii. 259. conjungit, ubi addit : " cuique fuit rerum promissa potentia, *Thybrin*."

575. Etiam *Met.* xiii. 293. *immunem æquoris Arcton*. Jam *Homerus*, II. Z. 489 : *Οἴη δ' ἄμμορός ἐστι λοετρῶν Ὀκεανοῖο*. In *Ursam* majorem *Callisto* mutata, *Lycaonis* *Arcadis* filia ; *Arcadia* autem olim *Parrhasia* dicta. *Namque* ; etiam *Homerus* et *Virgilius* post appellationem ope particularum γὰρ et *namque* rationem eorum quæ secutura sunt, præmittunt. Vide *Ernest.* ad *Od.* M. 320 ; *Heynium* ad *Æneid.* i. 731.

580. De *Helice* dictum ad iii. 108. In hymno *Homerico*, *Ceres* decimo erroris die primum ex *Hecate*, lunam tenente, de filia quærit ; tum, quum

Crimine nox vacua est: Solem de virgine rapta

Consule, qui late facta diurna videt.

Sol aditus; Quam quæris, ait, ne vana labores,

Nupta Jovis fratri tertia regna tenet.

Questa diu secum, sic est affata Tonantem; 585

Maximaque in vultu signa dolentis erant;

Si memor es, de quo mihi sit Proserpina nata:

Dimidium curæ debet habere tuæ.

Orbe pererrato, sola est injuria facti

Cognita: commissi præmia raptor habet. 590

At neque Persephone digna est prædone marito,

Nec gener hoc nobis more parandus erat.

Quid gravius victore Gyge captiva tulissem,

Quam nunc, te cæli sceptrâ tenente, tuli?

Verum impune ferat; nos hæc patiamur inultæ:

Reddat, et emendet facta priora novis. 596

Jupiter hanc lenit, factumque excusat amore;

Nec gener est nobis ille pudendus, ait.

illa rem ignoraret, ver. 62. ad Solem contendit: *θεῶν σκοπὸν ἦδὲ καὶ ἀνδρῶν*; *Metam. v. 487 sqq.* ex Arethusa raptum discit; apud Apollodorum ex Hermionensibus. Adeo hæc variata sunt. *Qui late, etc.* Sol *πανδέρκης*. Codex Bononiens. *furta diurna*, quod Burmanno valde placet; altera lectio latiore habet sententiam. Hymno Homérico 69. Ceres Solem ita alloquitur: *Σὺ γὰρ δὴ πᾶσαν ἐπὶ χθόνα καὶ κατὰ πόντον Αἰθίρας ἐκ δίης καταδέρκειαι ἀκτίεσσι*. Raptum Sol ita indicat, ut fomentum matri dolenti adferat: *Nupta Jovis fratri, etc.*

585. Confer cum oratione seq. *Metam. v. 512 sqq.* quæ ei simillima. Ibi stat ante Jovem *totâ nubila vultu*, et *passis invidiosa capillis*, rogatque, *neu sit tibi cura vilior illius*.

593. *Gyges* unus ex Centimanis; Hesiodus, *Theog. 149*; Apollodor. i. 1. Sed hoc loco inter Gigantas relatus est, qui cum Jove de imperio certarunt. Magna igitur vis et plurimum acerbitatis est in hac comparatione. Scaliger malebat hoc loco *Gye*, sine causa. Vide Heinsium ad *Amor. II. i. 12*; Bentleium ad *Horatii II. Od. xvii. 14*; Munker. ad *Hyginum. p. 2*.

596. Hymn. Homeric. 83. Sol Cererem sic solatur: *οὔτοι ἀεικῆς Γαμβρός ἐν ἀθανάτοις πολυσσημάντωρ Ἄϊδωνεύς*. *Non ego nobilior*. Se cum uno Plutone comparare debebat; sed placuit obiter et alterum fratrem addere. *Inane*, in quo inanes umbræ; *Metam. iv. 509*; *inania regna Ditis* ex Virgilio, *Æneid. vi. 269*.

Non ego nobilior: posita est mihi regia cœlo;  
 Possidet alter aquas; alter inane chaos. 600  
 Sed si forte tibi non est mutabile pectus,  
 Statque semel juncti rumpere vincla tori,  
 Hoc quoque tentemus, siquidem jejuna remansit:  
 Sin minus; inferni conjugis uxor erit.  
 Tartara jussus adit sumtis Caducifer alis; 605  
 Speque redit citius, visaque certa refert.  
 Rapta tribus, dixit, solvit jejunia granis,  
 Punica quæ lento cortice poma tegunt.  
 Haud secus indoluit, quam si modo rapta fuisset  
 Mœsta parens; longa vixque refecta mora est.  
 Atque ita, Nec nobis cœlum est habitabile, dixit;  
 Tænaria recipi me quoque valle jube. 612  
 Et factura fuit; pactus nisi Jupiter esset,  
 Bis tribus ut cœlo mensibus illa foret.  
 Tum demum vultusque Ceres, animumque recepit;  
 Imposuitque suæ spicea sarta comæ. 616

603. Metam. dicto loco additur:  
*nam sic Parcarum fœdere cautum.*  
 Erat lex fatorum, ut nemini ab inferis redire liceret, qui ibi aliquid gustasset. Pluto igitur Proserpinam prius, quam dimitteret, granum punicei mali, *ροϊῆς κόκκον*, edendum dedit; hymn. Homer. 335; 371—412; Apollodorus, dicto loco. Sed Metam. dicto loco, Proserpina ambulans sponte septem grana comedit. Eam autem ob causam Thesmophoriazuxæ abstinebant a malis puniceis. Cæterum ejus generis arbores etiam Homerus, *Od.* *Λ.* 589. apud inferos finxit. *Caducifer* in hymno Homer. ver. 335. in Erebum mittitur, ut Plutonem deliniat, Proserpinamque inde reducat.

611. Taubnerus sic distingui vult, *Atque, Ita nec nobis*, etc. Sed *atque ita* nunc quoque potest esse, quo facto,

tum, ut sæpe. *Non habitabile*, obstinatum mihi est non amplius habitare in cœlo; hymn. Homer. 331: *Ὀὐ μὲν γὰρ ποτε φάσκε θυάδεος Ὀδλύμποιο πρὶν γ' ἐπιβῆσθαι, πρὶν γ' ἴδου ὀφθαλμοῖσιν εἶην ἐνώπιδα κόρυνην.* *Pactus esset*, promississet. Perdidisset Ceres totum genus humanum, nisi *Jupiter* succurrisset. Is, quum frustra Deos deinceps omnes Eleusinem misisset ad Deam arcessendam, tandem per Rheam ei offert conditionem hanc, ut filia tertiam ejusque anni partem cum Plutone sit, duas reliquas cum matre in cœlo; hymn. Homer. 305 sqq. 445; sic et Apollod. Sed *bis tribus mensibus* est etiam Metam. dicto loco, et Hygino, fab. 146.

615. Mater, filia recepta, *ἦξ', ἠύτε μαινάς ὄρος κἀτα δάσκιον ἔλης*, nec filia gaudium minus; hymn. 385 sqq.

Largaque provenit cessatis messis in arvis ;

Et vix congestas area cepit opes.

Alba decent Cererem ; vestes Cerealibus albas

Sumite : nunc pulli velleris usus abest. 620

OCCUPAT Apriles Idus cognomine Victor

Jupiter : hac illi sunt data templa die.

Hac quoque, ni fallor, populo dignissima nostro

Atria Libertas cœpit habere sua.

LUCE secutura tutos pete, navita, portus : 625

Ventus ab occasu grandine mixtus erit.

*Cessatis in arvis*, nam antea apud Siculos, perfrerat aratra, occiderat colonos cum bubus, arva jusserat fallere depositum, seminaque vitia verat, ut fertilitas cassa jaceret; *Metam. v. 476*; *conf. hymn. Homer. 305. Alba decent*, etc. Causam poeta ipse *v. 357. reddit, quia maturis albescit messis aristis*. De matura segete *Met. i. 110. canere*; alibi fere *flavescere*; verba colorum a veteribus satis vage usurpantur. *Nunc pulli velleris*, etc. Itaque in luctu publico sacra Cereris Romæ intermittebantur, quia lugentes matronas iis interesse nefas habebatur: *Livius, xxii. 56*; *xxxiv. 6*; vide *Spanhem. ad Callimachum Cer. 18.*

621—624. *Idibus Jovi Victori templum, et Libertati atria data. Victori anno 457. Q. Fabius Maximus* antequam ad castra Samnitium pergeret, ædem vovit; *Livius, x. 29. Libertatis ædem Tiberii Gracchi*, qui tempore belli Punici secundi vixit, pater in monte Aventino faciendam curavit dedicavitque; *Livius, xxiv. 26.* Quod forte factum circa annum 515. quo ille consulatu functus est. *Atrium Libertatis* anno u. c. 559. a Pæto et Cornelio Cethego censoribus reffectum est; *Livius, xxxiv. 44.* In eo erant tabellæ publicæ, certe *Tib. Gracchi* tempore; *Livius, xliii. 16.*

VOL. V.

Etiam *Asinius Pollio atrium Libertatis extruxisse* a *Suetonio August. 29.* narratur, quod hand dubie ad instaurationem ejus et exornationem referendum.

625—628. *Die xiv. Aprilis, grando. Eodem die Antonius victus ad Mutinam.* Etiam *Columella, xi. 2 : xviii. Kalend. Maii ventosa tempestas et imbres, nec hoc constanter.*

*Mutinensia arma.* Antonius, quum *Decimum Brutum Mutinæ* obsideret, a senatu, *Cicerone* inprimis auctore, hostis patriæ judicatus est, missique sunt contra eum ann. u. c. 710. *Hirtius* et *Pansa* *cos.* atque *Octavianus Caesar* *proprætor.* Priori proelio *Pansa* vulneratus est, posteriori *Hirtius* eodem die fortiter pugnans cecidit: quo facto quum *Octavianus* victoria uti vel nesciret, vel nollet, Antonius ad *Ligures* elapsus est; *Appianus* de *Bell. Civ. iii. 50 sqq.*; *Dio Cassius, xli. 39 sqq.* *Nimis* igitur poeta *Cæsarem* laudat, quum eum *contudisse arma Mutinensia* ait. Bene autem hanc victoriam cum tempestate illius diei conjunxit verbis *Sit licet et fuerit*, sit ita, ut eo die interdum grando cadat, et fuerit ita et olim. *Militia*, monente *Burmanno* vel expeditione sua, vel militibus suis; sed de die restat aliqua difficultas. *Galba*

F f

Sit licet et fuerit, tamen hac Mutinensia Cæsar  
Grandine militia contudit arma sua.

TERTIA post Veneris quum lux surrexerit Idus,  
Pontifices forda sacra litate bove. 630

Forda ferens bos est, fecundaque, dicta ferendo :  
Hinc etiam fetus nomen habere putant.

Nunc gravidum pecus est; gravidæ nunc semine  
Telluri plenæ victima plena datur. [terræ :

Pars cadit arce Jovis : ter denas Curia vaccas 635  
Accipit; et largo sparsa cruore madet.

Ast ubi visceribus vitulos rapuere ministri,  
Secta que fumosis exta dedere focus,

Igne cremat vitulos, quæ natu maxima, Virgo ;  
Luce Palis populos purget ut ille cinis. 640

enim apud Ciceronem ad Div. x. 30. prius prælium xviii. Kal. Maii commissum scribit. Itaque aut erravit Ovidius aut, quod et Gesenius monuit, apud Ciceronem numerus corruptus est.

629—672. Die xv. Apr. Fordicidia. Hic nomen explicat, sacra ipsa describit, originemque eorum repetit inde a Numa. *Forda bos*, vacca prægnans. Festus: "Fordicidiis boves fordæ, id est gravidæ, immolabantur, dictæ a fetu." Varro de Ling. Lat. v: "Fordicidia a fordis bubus. Bos forda, quæ fert in ventre." Glossæ *fordas* explicant *ἔγκυμονούσας*, et *fordicidia θυσίας ἔγκυμονος βοῦς*. De vaccis peculiariter hoc vocab. dictum monet Bentleyus ad Horatium, III. Od. 27; Festus et Varro de Re Rust. ii. 5. scribunt et *horda* atque *hordicidia*; vide omnino Schneider. ad Varronis dictum locum. *Litare*, grato sacrificio satisfacere Diis, placare Deos. Negat quidem Servius, *litare sacra* recte dici; sed vide Schwarz. ad Plinium, pan. lii. 3. *Ferens* nempe in utero. Ab antiquo *feo* putant fluxisse vocabula *fero*, *fetus*, *secundus*,

*fordus*. Vir doctus in Ephem. Heidelb. d. I. voc. *fordus* deducit a Græco, *φοράς*, *φοράδος*, laudatque in eam rem Vossii Etymol.

633. Tempori accommodatum hoc sacrum. *Tellus* cur hic commemoretur e ver. 665. patet; adde i. 671—674. Hostia ei propria erat sus prægnans; Macrobius, i. Sat. 12. *Plenæ*, gravidæ seminibus, *plena*, gravida, victima datur. *Arc Jovis*, delubrum Jovis in Capitolio; vi. 18; vide ad i. 85; ii. 70. *Curia*, Varro de Ling. Lat. v: "Ea die publice immolantur boves prægnantes in curiis complures." Erant autem Romæ, quod constat, curiæ triginta. *Ministri*, victimarii, ut ver. 413. *Rapuere*, quia celerime ea res peragebatur. *Natu maxima Virgo*, eadem dignitate maxima erat, unde a Plinio, IV. Epist. ii. 6. *maxima vestalis* vocatur; ubi vide notam nostram. *Luce Palis*, Palilibus, de quibus mox ver. 721 sqq. *Purgare*, expiare lustrando. De *purgaminibus* ii. 35. In iis *cinis* etiam apud alios populos. Vide Spencer. de legibus ritualibus Hebr. tom. ii. p. 77.



Rege Numa, fructu non respondente labori,  
 Irrita decepti vota colentis erant.  
 Nam modo siccus erat gelidis aquilonibus annus ;  
 Nunc ager assidua luxuriabat aqua.  
 Sæpe Ceres primis dominum fallebat in herbis ;  
 Et levis obsesso stabat avena solo : 646  
 Et pecus ante diem partus edebat acerbos ;  
 Agnaque nascendo sæpe necabat ovem.  
 Silva vetus, nullaque diu violata securi,  
 Stabat, Mænalia sacra relicta Deo. 650  
 Ille dabat tacitis animo responsa quieto  
 Noctibus : hic geminas rex Numa mactat oves.  
 Prima cadit Fauno ; leni cadit altera Somno :  
 Sternitur in duro vellus utrumque solo.

644. *Ager assidua luxuriabat aqua* posset esse, ob aquam assiduam segetes onerata fertilitate procumbebant ; Plinius, XVIII. xlv. 2. Verum huic malo succurri potuisset depascendo ; Virgil. Georg. i. 112. Ergo *luxuriare aqua*, nimia aquæ copia laborare : *luxuries* omne nimium ; Plinius, ix. 1. *humoris luxuria*. Quæ sic plenam messem pollicebantur, ea cœli humore degenerabant in *avenam* folliculis vacuis ; Plinius, XVIII. xvii. 1. De *avena illa levi* aut inani vide intt. ad Virgilium, Georg. i. 154. ubi *infelix lolium* et *steriles avenæ* conjunguntur. *Stabat obsesso solo*, stabat sic, ut omne solum repletum teneret. *Acerbus* a pomis immaturis translatus ad alia immatura, (Nonius, iv. 41.) nunc ad partus immature editos. Sed ita redundare videtur *ante diem*. Possis igitur putare, *acerbos* dictum pro *acerbe*, cujus explicationem in versu sequenti *necabat* habeat. Malim tamen partus pecori dolores adherentes intelligere.

649. Locus sq. pendet a Virgilio, Æn. vii. 81 sqq. ubi prope Albuneam

lucus, in quo Fauni fatidici oraculum, a quo gentes Italæ dubiis in rebus responsa petebant, ita quidem, ut cæsis ovibus sub nocte silenti, pellibus incubarent stratis, somniaque expectarent. De ea re verbum proprium *incubare*, ἐγκοιμᾶσθαι. *Silvam sacram*, ut hic, sic etiam Met. iii. 28. circumloquitur ; vide ibi notam. *Mænalius Deus*, Faunus, quem passim poetæ Latini cum Pane, Deo Arcadum, confundunt. De *Fauno* autem vide iii. 84 et 291 sqq. quo loco et ipse Numa ei sacra facit. *Animo quieto* dativo casu, animis quiescentibus, in somnis. *Somno* etiam Romanos sacra fecisse, hinc videmus. Nunc Numa facit, quia in somnis oraculum exspectabat.

654—660. Qui somnia exspectabant, ita se præparare solebant, ut absternerent ab omnibus, quæ ventrem gravare, sanguinis motum accelerare, atque phantasiam excitare possent, a Venere, ab usu carniæ, tum ut aqua viva se lavarent. Vide Potteri Archæol. i. pag. 682. edit. Ramb. De *fontana aqua* vide ad ver. 778. *Intonsum*, quia tum nondum tonderi

Bis caput intonsum fontana spargitur unda ; 655  
 Bis sua faginea tempora fronde premit.  
 Usus abest Veneris : nec fas animalia mensis  
 Ponere ; nec digitis annulus ullus inest.  
 Veste rudi tectus supra nova vellera corpus  
 Ponit, adorato per sua verba Deo. 660  
 Interea placidam redimita papavere frontem  
 Nox venit, et secum somnia nigra trahit.  
 Faunus adest ; oviumque premens pede vellera duro,  
 Edidit a dextro talia dicta toro :  
 Morte boum tibi, rex, Tellus placanda duarum ;  
 Det sacris animas una necata duas. 666  
 Excutitur terrore quies ; Numa visa revolvit ;  
 Et secum ambages cæcaque jussa refert.  
 Expedit errantem nemori gratissima conjux ;  
 Et dixit, Gravidæ posceris exta bovis. 670

solebant Romani ; ii. 30 ; *intonsus* Numa est vi. 264. *Fago* religio quædam erat ; Plinius, xvi. 14 ; Festus “Fagutal, sacellum Jovis, in quo fuit fagus arbor, quæ Jovi sacra.” *Digitis annulus*. Nempe incubantes soluti esse debebant omni vinculo cinctus, calceorum, annulorum. *Rudis*, e lana rudi contexta vestis nocturna. *Nova*, recentia. *Sua verba*, solemnia in tali re ; ii. 542.

661. Plenius Noctis adventum describit Tibullus, II. i. 87. ubi in ejus comitatu *incerto Somnia nigra pede*. *Μελανοπτερυγες ὄνειροι* sunt apud Euripidem, Hec. 71. Sed nunc Somniorum usus nullus, quandoquidem Faunus ipse responsa dabat. *Papaver*, nigrum imprimis, quia vim soporificandi habet, Somno tribuebatur ; Met. xi. 605 ; Sil. Italicus, x. 353 ; Statius, Theb. ii. 143 ; ergo et *Nocti*. Non autem nunc illud effundit e cornu, sed frontem eo redimitam habet. *Tra-*

*hit* bene de comitatu ; Met. i. 219. “traherent quum sera crepuscula nocentem.”

663. *Durum* Gesenius interpretatur corneum. Talis pes sane Fauno datur, quando confundebatur cum Pane, ut ii. 361. Sed et pes humanus, quo premimus, calcamus aliquid, *durus* dici solet, ut Metam. ii. 852. Similiter Metam. xii. 140. “genibusque premens præcordia duris.” *A dextro*, quia propitius monet, quid agendum sit.

668. *Ambages* et *cæca jussa*, obscurum responsum ; Metam. i. 388. “cæcis obscura latebris verba datæ sortis.” *Errare* sæpe est fluctuare, dubitare. Dubitans *expeditur*, quum certior redditur, edocetur. Sæpe autem oraculorum ambages interprete indigebant. *Conjugis Egeriæ* ope Numa etiam iii. 275. sqq. utitur. *Annus*, proventus annuus ; vide Schwarz. ad Plin. Pan. xxix. 3.

Exta bovis dantur gravidæ: felicior annus

Provenit, et fructum terra pecusque ferunt.

Hanc quondam Cytherea diem properantius ire

Jussit, et ætherios præcipitavit equos;

Ut titulum imperii quam primum luce sequenti

Augusto juveni prospera bella darent. 676

SED jam præteritas quartus tibi Lucifer Idus

Respicit: hac Hyades Dorida nocte petunt.

TERTIA post Hyadas quum lux erit orta remotas,

Carcere partitos circus habebit equos. 680

673—676. Die xv. Aprilis, Augustus Imperator dictus. De triplici sensu vocis Imperator vide Casaub. ad Suetonium Cæsar. 76. Ob res feliciter gestas numerumque hostium occisorum lege definitum Augustus semel et vicies a victore exercitu Imperator salutatus est; Tacitus, An. i. 9: sed Julius Cæsar primus cæpit hoc nomen, ut prænomen, ita sibi arrogare, ut eandem, quam *ἀνοκράτωρ* et *κρόνος*, vim haberet, summumque imperium indicaret; Dio, xliii. 22. Hinc etiam Augustus ann. U. C. 724. quum ex Ægypto rediisset, idem prænomen eodem sensu assumpsit, atque inde imperii sui annos numeravit; Dio, lii. 41 extr. In honoris lætitiæque illius societatem Cytherea in primis venire debebat, a qua gens Julia genus ducebat (supra ver. 20.) quo propter et apud Virgilium, Georg. i. 28. eadem Augusti cælum intrantis tempora myrto cingit. Qui cupide sollempnia læta exspectat, ei dies antecedens tarde decedere videtur. Eundem igitur sensum, ut transitus ad sequentia ingeniosus esset, nec vulgaris, poeta Veneri tribuit; quæ vero diem illum *properantius ire* non modo cupit, sed, ut Dea, etiam jubet. Quum autem *ætherios equos*

Solis, præcipitat, festinanter decurrere jubet, Phœbi partes sibi vindicat. Præcipitare verbum in hac re solemne, imprimis tamen de occasu, ubi præceps Solis via; Metam. iv. 91. "lux tarde decedere visa, Præcipitatur aquis." Æn. ii. 9: "Nox cœlo præcipitat." Cæterum simile figmentum habemus v. 545. Mox Burmanno ex uno Patav. titulum imperii, sua præmia, placet. Immo quam primum optime convenit cupiditati Veneris. Juveni. Natus tum erat annos triginta tres.

677. Die xvii. Aprilis, sive die xv. Kalend. Maii Hyades occidunt; sic et Cæsar Germ. apud Plin. xviii. 26. Doris, filia Oceani, conjux Nerei, mater quinquaginta Nympharum; Hesiod. Theog. 240: nunc pro ipso mari, ut *Thetys* alibi.

679—712. Die xix. April. vulpes in Circencibus comburuntur; cujus rei causam ab hospite cognitam poeta narrat. Carcere—equos, in circo decurrunt equi, antea duodecim *carceribus* distenti. Partitus passivo sensu. Intelliguntur autem Circenses Cereris pridie Idus, ver. 390. cæpti et ad hunc usque diem continuati, quod etiam Kalendaria docent. Missæ, emissæ in circum. Ferre terga; vide ad ii. 284.

Cur igitur missæ vinctis ardentia tædis  
 Terga ferant vulpes, causa docenda mihi.  
 Frigida Carseolis, nec olivis apta ferendis,  
 Terra, sed ad segetes ingeniosus ager.  
 Hac ego Pelignos, natalia rura, petebam, 685  
 Parva, sed assiduis humida semper aquis.  
 Hospitis antiqui solitas intravimus ædes :  
 Demserat emeritis jam juga Phœbus equis.  
 Is mihi multa quidem, sed et hæc narrare solebat,  
 Unde meum præsens instrueretur opus : 690  
 Hoc, ait, in campo, campumque ostendit, habebat  
 Rus breve cum duro parca colona viro.  
 Ille suam peragebat humum : sive usus aratri,  
 Sive cavæ falcis, sive bidentis erat.  
 Hæc modo verrebat stantem tibicine villam ; 695  
 Nunc matris plumis ova fovenda dabat :

683. Ut rerum graviorum causas a Diis, sic levem hanc fabellam a rustico Carseolano sibi traditam varietatis causa fingit. *Carseoli* ad viam *Valerianam*, quæ Roma ducebat ad *Pelignos*. Heins. e conjectura dedit *Carseoli*, ut esset appositio. Etiam in *Tuscis* "cœlum hieme frigidum et gelidum myrtos et oleas adspersatur ac respuit;" *Plinius*, V. Ep. vi. 4. *Ingenium* sæpe de natura et indole cujuscunque rei; nunc tamen nove *ingeniosus*, natura sua aptus, ad segetes ferendas. Cæterum hæc terræ *Carseolanæ* notatio nihil ad rem pertinet, obiter tantum adjecta est. Quod valet etiam de *Pelignis*, qui sic ab aquarum salubritate et copia et alibi commendantur, ut *Amor*. II. xvi. 1: "Pars me *Sulmo* tenet *Peligni* tertia raris, Parva, sed irriguis ora salubris aquis." Adde *Amor*. III. xv. 11.

687. *Solitas* bene se habet, causam enim continet, cur nunc intraverit.

*Emeriti*, qui cursum diurnum absolverunt: *conf.* iii. 43. *Multa quidem, sed et hæc*; Græco more, cum multa, tum hæc. *Instrueretur*, exornaretur, augetur. *Breve*, exiguum. *Durus*, laboribus perferendis adsuetus; *Metam.* xii. 515. *duri humeri*. Sic *duri* messorum, juvenum, etc. *Grata* sequitur imago diligentis et coloni et colonæ. *Peragere humum* mihi non satis placet; *codd.* tamen nihil varietatis suppeditant. *Sive usus*, etc. ita ut nunc aratro uteretur, nunc falce. *Falcis* usus erat etiam ad premendas umbras raris opaci; *Virgil.* *Georg.* i. 155 sqq.; unde apparet, describi hic diligentissimum colonum. *Bidens*, rastrum duobus dentibus, quo glebæ confringebantur.

695. *Tibicines*; rectæ in ædificiis trabes, quibus tecta ruinam minantia sustententur; vide *Neap.* viii. *Met.* 700. *furcæ* dicuntur. *Malvæ* in cibis rusticis etiam *Horat.* *Epod.* 58: "gra-

Aut virides malvas, aut fungos colligit albos ;  
 Aut humilem grato calfacit igne focum.  
 Et tamen assiduis exercet brachia telis ;  
 Adversumque minas frigoris arma parat. 700  
 Filius hujus erat primo lascivus in ævo ;  
 Addideratque annos ad duo lustra duos.  
 Is capit extremi vulpem sub valle salicti :  
 Abstulerat multas illa cohortis aves ;  
 Captivam stipula fœnoque involvit, et ignes 705  
 Admoveret : urentes effugit illa manus.  
 Qua fugit, incendit vestitos messibus agros ;  
 Damnosis vires ignibus aura dabat. [captam  
 Factum abiit ; monumenta manent : nam vivere  
 Nunc quoque lex vulpem Carseolana vetat. 710  
 Utque luat pœnas gens hæc, Cerealibus ardet ;  
 Quoque modo segetes perdidit, ipsa perit.  
 POSTERA quum veniet, terras visura patentés,  
 Memnonis in roseis lutea mater equis :  
 E duce lanigeri pecoris, qui prodidit Hellen, 715  
 Sol abit : egresso victima major adest.

vi malvæ salubres corpori," ubi rustica  
 " Sacrum vetustis exstruit lignis fo-  
 cum Lassi sub adventum viri." *Exer-*  
*cet*, occupata tenet. Ut hic lanifica,  
 sic Metam. xv. 471. ovis " horrifera  
 contra Borean arma ministrat."

703. *Extremi*—*salicti*, in extrema  
 vallis parte salicto obsita. *Cohors*,  
 cors. Varr. de Re Rustica, iii. 3. : in  
 plano *cohors*, in qua pascabantur *gal-*  
*linæ*. Gallinæ nunc *aves* dicuntur ut  
 ὄρνιθες Græcis.

709. Facti illius diu præteriti mo-  
 numenta manent. Monumenta autem  
 legem intelligit, cui factum originem  
 dedit, quæque adeo memoriam ejus  
 servat.

713—720. XII. *Kalend. Maias* sive  
 die xx. April. *Sol ex Ariete in Taurum*  
*transit*, quod Gassendus pridie feri  
 docet. Aurora etiam Metam. xiii.  
 579. *Memnonis lutea mater*, et passim,  
 ut Met. vii. 703. *lutea*, scilicet. *crocea*,  
 vocatur a *luto*, herbæ genere, cujus  
 succo flavæ inficiuntur vestes. Tum  
 in *roseis fulgebat lutea bigis* etiam  
 Æneid. vii. 26. Respectu siderum  
 despectantium terræ recte *patentes* di-  
 cuntur. *Arietis* signum descripsit ex  
 mytho, quem iii. 867 sqq. habes ; sed  
 quum *Tauri* sidus *victimam majorem*  
 vocat, quia taurus animal in victimis  
 majoribus est, argutatur.

Vacca sit, an taurus, non est cognoscere promptum :

Pars prior apparet : posteriora latent.

Seu tamen est taurus, sive est hoc femina signum,

Junone invita munus amoris habet. 720

Nox abiit, oriturque Aurora : Palilia poscor.

Non poscor frustra, si favet alma Pales ;

Alma Pales, faveas pastoria sacra canenti,

Prosequor officio si tua festa pio.

Certe ego de vitulo cinerem, stipulasque fabales,

Sæpe tuli plena, februa casta, manu. 726

717. Tauri signum, ut hodie, ita et olim sic pingebatur, ut priores tantum ejus partes expressæ apparerent. Putabant veteres hoc ideo fieri, quia sexus ejus incertus esset, quum alii Io vaccam, alii taurum, qui Europam in Cretam transvexerit, inter sidera relatum existimarent : Eratosthius, cap. 18. ; Hygin. Poet. Astr. ii. 21. Hoc igitur et Ovidius secutus est tam hic, quam v. 619 sq. ubi hujus sideris origo narratur ; utrumque autem animal et Jovis *amori* inservierat, et *muneris* causa, *Junone invita*, in cælo collocatum dici poterat.

721—806. XI. *Kal. Maias Palilia*. *Palæ*, Dea antiquissima pastorum, quamquam nonnulli masculini generis ministrum Jovis ac villicum intelligi malebant ; Arnobius adv. Gentes, lib. iii. p. 123 ; Servius ad Virgilium, Ecl. v. 35. Ejus sacra et *Palilia* dicebantur, et *Parilia* vel a partu Iliæ, vel quod eo tempore arbores et herbæ parturiunt, pariuntque, vel denique per mutationem literarum. Vid. Charisius, lib. i. ; Victorin. in Arte Gram. lib. i. ; Probus ad Virgilium, Georg. iii. 1. ; quorum verba Brouckhusius ad Propertium, IV. iv. 71. dedit. Apud scriptores veteres utraque scriptura occurrit. At si Ovidius *Parilia* dedisset, sine dubio aliquid de hoc etymo addidisset. Eorum ipsorum

sacrorum (sive ante jam receptorum, sive tunc primum institutorum) die, Romulus urbi condendæ manum admovit. Id diserte tradunt Dionysius Halicarn. i. 88 ; Plutarchus, Rom. 12. Hic itaque dies, Romani simul Natalis patriæ, *γενέθλιον τῆς πατρίδος*, summa religione lætitiæque celebrabatur. Non mirum igitur videri debet, Ovidium in his sacris canendis esse satis longum.

721. *Poscor*, ordo rerum jubet me Palilia canere. *Posci* verbum solemne de iis, qui canere aut dicere jubentur ; Met. v. 333. *Poscimur Aonides* ; Horatius, I. Od. xxxii. 1. ad lyram, *Poscimur* ; vide ibi Bentleium. *Non poscor frustra*, idoneus sum iis canendis. Pro *pastoria* alii *pastorum* ; Tibullus, dicto loco, ver. 87 : “ Sua festa Palilia pastor Concinet.” Porro multi habent, *persequor officio*. Quoniam autem *officio* nunc simul honoris habendi notio inest, propterea *prosequor* præferendum videtur.

725. In precationibus veteres, ut flecterent Deos, pietatis suæ signa commemorare solebant, quod ex Homero, multisque deinceps poetis notum est. Nunc quidem poeta ea signa jactat, quæ ad hæc ipsa sacra pertinent, et in sqq. repetuntur. Voculæ si varietatis causa nunc substituit *certe*. De cinere illo vituli vide supra

Certe ego transilui positas ter in ordine flammas ;  
Virgaque roratas laurea misit aquas.

Mota Dea est ; operique favet : Navalibus exi,  
Puppis ; habent ventos jam tua vela suos. 730

I, pete virginea, populus, suffimen ab ara ;  
Vesta dabit : Vestæ munere purus eris.

Sanguis equi suffimen erit, vitulique favilla ;  
Tertia res, duræ culmen inane fabæ. 734

Pastor, oves saturas ad prima crepuscula lustra :  
Unda prius spargat, virgaque verrat humum.

637 sqq. ; adhibebatur, ut et *stipulae fabales* scil. fabalia, suffiminis loco, ver. 733 sqq. ; sed addit *februa*, piamina, ii. 19. quia illa ipsa suffimenta vim purgandi habebant. Jam Romulus, quum id ageret, ut urbem conderet, ignes ante tentoria accendi, populumque expiationis causa transilire flammas jussit ; Dionysius dicto loco. Idem ergo et post tenuit, ut sacris epulisque peractis (ver. 781 sqq.) stipularum et fœni acervi accenderentur transiliendi. Varro : “ Palilia tam publica, quam privata sunt. Et est genus hilaritatis et lusus apud rusticos, ut congestis cum fœno stipulis, ignem magnum transiliant, his Palilibus se expiari credentes.” *Lauro* autem hunc usum fuisse, quum vis averruncandi ei inesse crederetur, docet Casaub. ad Theophrast. charact. 16. Et ramo lauri adspargere se solebant aqua lustrali ; infra v. 677 : *Uda fit hinc laurus : lauro sparguntur ab uda*. Quamquam olivæ etiam rami eandem in rem adhibebantur ; Æneid. vi. 229 : “ Idem ter socios pura circumtulit unda, Spargens rore levi et ramo felicis olivæ.” De *roratis aquis* vide ad ver. 778. Pro *spargere* nunc est *mittere*.

729. Hic poeta operam suam cum navigatione rursus comparat ; conf. i. 4. et Cerdam ad Virg. Georg. ii. 41.  
VOL. V.

*Suos*, secundos, ut *sui Dii* sunt propitii.

731. Suffimina e Vestæ templo et a Vestalibus petebantur, ver. 639. Pro *eris* quidam *abis*, unde Heinsius *abi* conjicit. Melius poeta indicat, quid futurum sit. Pro *purus*, quod frequentissimum in hac re, alii *mundus*, *tutus* aut *totus*. Inde Burmannus male conjicit *lotus* ; febris enim, que jam nominantur, lavari non solebant. *Sanguis equi*. Neapolis observat, hinc refelli Solinum, qui id servatum tradat : “ Ne qua hostia Parilibus cæderetur, ut dies iste a sanguine purus esset.” Verum *equus* non eo die cæsus est, sed *sanguis* intel. qui de cauda *equi*, mense octobri in campo Martio Marti immolati, destillaverat, et in Vestæ templo servabatur ; vide Festum in *Equus October*. Referunt huc etiam verba Propertii, IV. i. 29 : “ Annuaque accenso celebrare Palilia fœno, Qualia nunc curto lustra novantur equo.” *Culmen* pro culmo. *Inane*, demtis fabis.

735. Lustrabantur et oves et ovilia sub noctem. Etiam in Calendario vetere hæc lustratio notata. Ritus *verrendi* in omni sacro lustrali usitatum fuisse, Neapolis monet. Et *everræ* purgationes domus dicebantur. *Frondes* et *fixos ramos* posse Lenzius putat umbracula intelligi ante ovilia

G g

Frondeb et fixis decorentur ovilia ramis ;

Et tegat ornatas longa corona fores.

Cærulei fiant vivo de sulphure fumi,

Tactaque fumanti sulphure balet ovis. 740

Ure mares oleas, tædamque, herbasque Sabinas ;

Et crepet in mediis laurus adusta focis.

Libaque de milio milii fiscella sequatur ;

Rustica præcipue est hoc Dea læta cibo. 744

Adde dapes mulctramque suas ; dapibusque resec-

Silvicolam tepido lacte precare Palen. [tis,

collocata, ex Tibullo, II. v. 97 ; verum sub umbraculis illis potius discumbebant rustici. *Longæ*, e postibus dependentes, *festons*. *Tegere*, ut *velare*, verbum in hac re proprium.

739. *Sulphuris* usus præcipuus in lustrationibus ; Homerus, Od. x. 481 ; Tibullus, I. v. 11 : “ Ipseque ter circum lustravi sulphure puro.” *Vivum* quid sit sulphur, explicat Plinius, xxxv. 50. ubi quatuor sulphuris genera recenset ; “ *Vivum*, quod Græci *apyron* vocant, nascitur solidum, hoc est gleba. Cætera liquore constant et conficiuntur oleo incocta.” Sed Gesenius negat, illud nunc intelligi posse, quia Plinius addat : “ Vivo solum ex omnibus generibus medici utuntur ;” se igitur, si lectio sana sit, *vivum* capere de celeritate, qua sulphur a flamma corripitur solet, ut *vivacia sulphura* Metam. iii. 374. Hæc vero Plinius ipse dicto loco refellit. Ubi enim monuit, *vivum sulphur* vitilignes tollere, pergit : “ Habet et in religionibus locum ad expiandas suffitu domos.” *Sulphur cæruleum* in purgationis descriptione habet Claudianus, xxviii. 325. *Tangere* verbum solemne in hac re, ut Heinsius exemplis docuit ; sic et ver. 790.

741. *Oleæ* æque ac lauri usus in purgationibus ; *Æneid*, vi. 230. *Arbores* etiam Plinius xvi. 19. in *mares*

et *feminas* dividit. Idem xii. 32. ubi de *ture masculo* agit, addit : “ Religioni tributum, ne sexus alter usurparetur.” *Pinum* in lustrationibus esse adhibitam, supra ii. 25. vidimus. Nunc cognata arbor memoratur, *tæda*, pinus silvestris, quam Plinius xvi. 19. “ flammis ac luminis sacrorum gratam” vocat. De *herbis Sabinis* et de *crepitante lauro* dictum ad i. 343.

743. *Sacra Deæ* non cruenta et obvia. E *milio* Itali panem prædulcem faciebant, Plinius, xviii. 24. sed et *liba* ; Festus : “ Suffimenta dicebant, quæ faciebant ex faba milioque mellito, mulso sparso.” *Fiscella* aut *fiscina*, calathus, quem rustici otiosi e juncis et viminibus texebant varium in usum ; Virgil. Georg. i. 266 ; Tibullus, II. iii. 15.

745. Hæc verba negotium fecere intt. qui omnes *dapes* intellexerit de sacris Deæ oblati. Heins. conjicit, *Adde dapi mulctramquæ suæ* ; verum e Tibull. II. v. 99. discimus, rusticos, sacris peractis, sibi *dapes* parasse : “ At sibi quisque dapes et festas extruet alte Cespitibus mensas, cespitibusque torum.” Eadem convivia etiam Propert. IV. iv. 74. memorat, “ Quum pagana madent fercula deliciis,” et Noster in Terminalibus, ii. 657. Neque credibile est, Ovidium illa omi-



Consule, dic, pecori pariter pecorisque magistris ;  
 Effugiat stabulis noxa repulsa meis.  
 Sive sacra pavi, sedive sub arbore sacra ;  
 Pabulaque in bustis inscia carpsit ovis ;     750  
 Seu nemus intravi vetitum, nostrisve fugatæ  
 Sunt oculis Nymphæ, semicaperve Deus :  
 Seu mea falx ramo lucum spoliavit opaco,  
 Unde data est ægræ fiscina frondis ovi :  
 Da veniam culpæ : nec, dum degrandinat, obsit  
 Agresti fano supposuisse pecus.     756

sisse. Inter cibos etiam *mulctra* apponebatur lacte repleta. Tunc *suas* in *tuas* mutandum arbitror. In *resectis* MSS. valde variant; Ciofanus explicat, divisit; Lenzius, parte dapum libata; Burmann. conjicit *peractis*; Schirachius præfert *paratis*, sed id interpretatur, *peractis*. Ego lego *refectus*; ita sensus oritur optimus. *Ex refectus* primum factum est *refectis*, inde *resectis*. Quod quum offenderet, alius aliud ex ingenio suo substituit. Crateris loco adstabat *mulctra*. *Silvicolam*; quia in silvis pecudes pasuntur. *Tepido lacte*, scil. sparso, libato; Tibullus, I. i. 36: "placidam soleo spargere lacte Palem." Inter libandum preces fiebant. Ordo autem rituum est hic: primum Deæ cibus apponitur; tum sibi dapes parant pastores; iis refecti, lotis manibus (vide ad ver. 778.) libant lac; mox preces faciunt; tandem ipsi se prolunt lacte et sapa, ver. 779 sq.

747—776. Carmen precationis. *Magister* omnino præfectus, ergo et præfectus pecori, de quo Varro *Re Rust.* i. 2. *Magister regii pecoris* Livius, i. 4. Sequitur magnus catalogus delictorum, quibus sacra violari Deosque offendi superstitione veterum credebatur. *Sacra pavi*. Vis inest ei repetitioni, sacra sub arbore si pavi, sub sacra si sedi. Solebant autem pastores, dum

greges in pascuis errabant, sub arbore sedere, ut e bucolicis notum. De *bustorum* religione vide Kirchmannum de *Funeribus*, iii. 21. Religiosum erat *busto insultare armentum*; Horatius, III. Od. iii. 40. In *bustis* capere pabula Burmannus æque eleganter dictum putabat ac *bibere in Nilo*. Sed hæc differunt. Ovis vel incedens in *bustis*, vel nascentia in *bustis* pabula carpit.

751. *Vetitum*, quippe Deo sacrum. Qui forte in talem locum deferebantur, pavidò murmure, ut noxam a se averterent, Faveas mihi! dicere solebant; *Metam.* vi. 327. *Nostris oculis fugatæ* bene dictum, fugientes nostrum adspectum. *Semicaper* et v. 101; *Metam.* xiv. 515. *Lucos* ferro temerare grave scelus; *Metam.* viii. 743. Id tamen fieri Cato permisit, sacrificio prius facto; *Re Rust.* cap. 139; Plinius, xvii. 28. Qui lucum *ramo spoliabat opaco*, eum, auctore Festo, *sublucare* (veluti subtus lucem mittere) dicebant, et, qui ipsas arbores succidebat, *contlucare*. *Fiscinæ* illæ *frondariæ* vocabantur; Plinius, xviii. 74: "Unus frondator quatuor frondarias fiscinas complere in die justum habet."

755. *Degradinat* vix alibi legitur; itaque disputant de ejus vi. Heinsius vituperat eos, qui explicant, desinit

Nec noceat turbasse lacus : ignoscite, Nymphæ,  
 Mota quod obscuras ungula fecit aquas.  
 Tu, Dea, pro nobis Fontes fontanaque placa  
 Numina ; tu sparsos per nemus omne Deos. 760  
 Nec Dryadas, nec nos videamus labra Dianæ ;  
 Nec Faunum, medio quum premit arva die.  
 Pelle procul morbos : valeant hominesque greges-  
 Et valeant vigiles, provida turba, canes. [que ;  
 Neve minus multas redigam, quam mane fuerunt ;  
 Neve gemam referens vellera rapta lupo. 766

grandinare. Potest sane et pro simplici *grandinare* positum esse, ut *depluere* pro *pluere*, et finem grandinis notare ; namque etiam *detonare* est desinere tonare, unde Quintilian. XII. ix. 4. consuetudinem quamdam ait inter plausores suos *detnuisse*, desiisse. Burmannus qui posteriore sensu sumebat, *degrandinat* malebat, quia *dum* pro donec subiunctivum postulet : quod vero non semper fit. Heinsius, cui verbum insolens *degrandinat* displicuisse videtur, suadebat, *dum*, Dea, *grandinat*. *Agreste fanum*, non modo Silvani, ut Dan. Heins. volebat, sed et cuiuscumque Dei templum in agris. *Mota ungula* bene se habet ; describitur enim pastor per lacus aut in lacus sacros pecora agens ; Met. vi. 363 : “ ipsos etiam pedibusque manuque Turbavere lacus ; imoque e gurgite mollem Huc illuc limum saltu movere maligno.” Sic et volantes aera *movent pennis*, navigantes mare remis. *Obscura aqua* opponitur limpidae.

761. *Nec Dryadas*, etc.] Prisco sæculo mortales impune cernere poterant Deas, etiam nudas ; Propertius, III. xi. 38. ibique Brouckhusius. Seniore pœna afficiebantur, qui Deos invidos viderant. *Labra Dianæ* etiam Ibide 479 ; *labra* vasa maiora variis

rebus recipiendis, ut musto expresso, inservientia ; Virg. Georg. ii. 6 ; sed erant et *labra balnearia*, in quibus lotio fiebat. Itaque Cicero ad Div. xiv. 20. curari vult, ut *labrum* sit in balneo. Nunc fontes intelliguntur, in quibus Diana venatu fessa virgineos artus liquido perfundere rore solebat, qualem Noster Metam. iii. 161. describit. *Dianæ* autem potissimum *labra* memorat propter miserum Actæona. *Premitt arva*, cubat in arvis ; Pan enim τὸ μεσαμβρινὸν ἀπ’ ἄγρας κεκμακὸς ἀμπάνεται Theocritus, Id. i. 15.

763. Incipiunt preces ad mala averruncanda et ad bona advertenda. Simile precationis carmen verbis vestustis conceptum habet Cato Re Rust. 141. *Minus multas* scil. oves ; quod non satis commode omisum. *Rapta*, erepta. Felicior est rusticus apud Horatium, Epod. ii. 60. qui comedit *hadum ereptum lupo*. Etiam Tibullus dicto loco precatur : “ a stabulis tunc procul este lupi.” *Iniqua*, damnosa. *Lavent artus* nempe ovium ; solebant enim *balantum gregem fluvio mersare salubri* ; Virgil. Georg. i. 272 ; iii. 445 sqq ; Varro Re Rust. II. i. 23. Quæ lotio in Calendario antiquo notatur mense Maio.

Absit iniqua fames; herbæ frondesque super-  
sint;

Quæque lavent artus, quæque bibantur, aquæ.

Ubera plena premam; referat mihi caseus æra;

Dentque viam liquido vimina rara sero. 770

Sitque salax aries; conceptaque semina conjux

Reddat: et in stabulo multa sit agna meo.

Lanaque proveniat, nullas læsura puellas,

Mollis, et ad teneras quamlibet apta manus.

Quæ precor, eveniant; et nos faciamus ad annum

Pastorum dominæ grandia liba Pali. 776

His Dea placanda est: hæc tu conversus ad ortus

Dic ter, et in vivo perlue rore manus.

769. *Ubera premere*; Metam. xv. 472: "Ubera manibus pressanda." De *ære ex caseo*, Virg. Ecl. i. 35: "Quamvis—Pinguis et ingrata premeretur caseus urbi, Non unquam gravis ære doram mihi dextra redibat." *Vimina*, fiscinæ in usum cogendi lactis; Tibullus, II. iii. 15: "Tunc fiscella levi detexta est vimine junci, Raraque per nexus est via facta sero." *Reddat*, enitatur. *Sacra illa fiebant* περὶ γωνῆς τετραπόδων. Dionysius dicto loco. *Lanam mollem* bene circumloquitur etiam Tibullus, II. i. 61: "teneris curam exhibitura puellis." *Lædere*, secare, dolores creare; Tibullus, IV. iii. 8: "teneras lædere velle manus." Lenzius monet jungendum *quamlibet apta*, i. e. aptissima; sic et Gesenius. Ego jungo *quamlibet teneras*, adeo mollis, ut ne teneras quidem manus lædat. *Quamlibet*, quantumvis; vid. Longolius ad Plinii Epp. X. xcvi. 2. Verba *quæ precor eveniant vim* habent Christiani *amen*; Tibullus, ii. 1: "Eventura precor." *Ad annum*, anno præterlapso.

777. *Ad ortus* ex more antiquo atque etiam a Christianis recepto; vide *Hildebrand* de sacris publicis, p. 18. Etiam Krebsius nonnulla de hoc ritu ejusque origine adfert. *Dic ter. Ternarius* numerus sacer erat; ii. 573; v. 435; vi. 155. *In vivo rore. Ros, rorata aqua, ῥόσος*, est aqua lustralis; Valken. ad Euripid. Hippolytum, p. 180. Et *irrorare* de iis dicitur qui se lustrant aqua; *Æn.* vi. 230: *rore levi spargens socios*; vide ad ver. 315. Neque *vivus* est recens, ut et Gesenius explicat, sed fluvialis aut fontanus; *Æn.* ii. 719: "donec me flumine vivo Abluero," pro quo iv. 635: *fluviali spargere lympha*; Liv. i. 45: "Quin tu ante vivo perfunderis flumine? infima valle præluit Tiberis." Supra ver. 655. est *fontana aqua*. Tali aqua templum ingressuri, preces aut sacra facturi vel vestes, vel *manus* caputque lavare solebant. Qui *manus* laverant, *puris manibus* accedere dicebantur. *Perluere* amat Ovidius in hac re; Met. iii. 173: "dum ibi perluitur solita Titania lympha;" iv. 310: "fonte suo formosos perluit artus."

Tum licet, apposita, veluti cratere, camella,

Lac niveum potes, purpureamque sapatam: 780

Moxque per arduas stipulæ crepitantis acervos

Trajicias celeri strenua membra pede.

Expositus mos est: moris mihi restat origo.

Turba facit dubium, cœptaque nostra tenet.

Omnia purgat edax ignis, vitiumque metallis 785

Excoquit: idcirco cum duce purgat oves.

An, quia cunctarum contraria semina rerum

Sunt duo discordes, ignis et unda, Dii,

779. In mensis veterum *crater* stare solebat, sed in his conviviis ejus loco *camella*, vasis lignei genus; de qua voce rariore vid. Varro Fragm. pag. 240. Bip. et Turneb. Advers. xxvi. 7. A Gellio Noct. Att. xvi. 7. inter singularia Laberii refertur; Tibullus dicto loco 98. de his epulis, "coronatus stabit et ante calix." *Sapa* quid fuerit, docet Plinius, xiv. 11: "Siræum, quod alii hepsema, nostri sapatam appellant, ingenii, non naturæ opus est, musto usque ad tertiam partem mensuræ decocto: quod ubi factum ad dimidiam est, defrutum vocamus." Varro vero et Nonnius mustum ad mediam partem decoctum *sapatam* vocant. Potionem e sapa et lacte compositam veteribus dictam esse *burrhanicam*, Neapolis docet. Festus; "Burrhanica potio, lac commistum sapa, a rufo colore, quem burrum vocant." De saltu per flammam conf. ad ver. 727; transiliebant bene poti; Tibullus, dicto loco 89: "Ille levis stipulæ solennes potus acervos Accendit, flammam transilietque sacras."

783. Moris origo. Hic *turba*, multitudo causarum eum reddebant dubium, et cursus orationis retinebant; v. 6. *copia ipsa nocet*. Multa hic et mira cumulat. *Ignis* propter vim *purgandi* jam apud antiquissimos in lus-

trationibus locum habebat; Plutarchus, Quæst. Rom. 1: τὸ πῦρ καθάρει, τὸ ὕδωρ ἀγνίζει. *Excoquit*, ut Virg. Georg. i. 89: agris omne per ignem *Excoquitur vitium*." *Ducem gregis* apud poetas ubique, etiam apud Ovidium esse vel arietem, vel hircum, vel taurum, non autem pastorem, atque etiam hoc loc. arietem intelligi, observat Heynius ad Tibull. I. x. 10. Pastor potius *sequitur* oves; vi. 14; sed quia Palilibus non grex modo, sed pastor quoque purgabatur, nunc quidem hunc intelligere possis; Tibullus, I. i. 35: "Hic ego pastoremque meum lustrare quotannis, Et placidam soleo spargere lacte Palem."

787. *Semina rerum*, elementa, etiam *Metam.* i. 9. *Vim contrariorum* illorum *seminum* declarat ibid. ver. 432: "Quumque sit ignis aquæ pugnax; vapor humidus omnes Res creat, et discors concordia fetibus apta est," ubi vide notam. *Discordes* Heinsius in *dissortes* mutari volebat. Non assentior; veteres enim de *discordi concordia* rerum disputabant. De *tangere* vide ad ver. 740. *An quod*, etc. Festus tradit aquam et ignem interdici solere damnatis, permitti vero nuptis; "videlicet quia hæ duæ res humanam vitam maxime continent;" Servius ad Æneid. vii: "Ad faciendâ

Junxerunt elementa patres ; aptumque putarunt  
 Ignibus et sparsa tangere corpus aqua ? 790  
 An, quod in his vitæ causa est ; hæc perdidit exsul ;  
 His nova fit conjux : hæc duo magna putant ?  
 Vix equidem credo : sunt qui Phaethonta referri  
 Credant, et nimias Deucalionis aquas.  
 Pars quoque, quum saxis pastores saxa feribant,  
 Scintillam subito prosiluisse ferunt : 796  
 Prima quidem periit ; stipulis excepta secunda est :  
 Hoc argumenti flamma Palilis habet.  
 An magis hunc morem pietas Æneia fecit,  
 Innocuum victo cui dedit ignis iter ? 800  
 Hoc tamen est vero propius, quum condita Roma  
 Transferri jussos in nova tecta Lares : [est,

foedera aqua et ignis adhibentur, unde contra, quos arcere volumus e nostro consortio, eis aqua et igni interdici-mus, id est rebus, quibus consortio copulamur." Interdictio autem illa, quam auctore Dionysio Halic. ii. 53. Romulus jam instituit, hanc vim habebat, ut intra fines imperii Romani nemini liceret exsuli vel aquam, vel ignem præbere. *Nova conjux* et maritus aquam et ignem tangebant, quia secundum Plutarch. Quæst. Rom. 1. his duobus omnia gigni credebantur. Adde Varronem de Ling. Lat. iv. 10.

793. Verba *vix equidem credo* Lenzius et interpr. gallicus ad seqq. referunt ; equidem ad antecedentia refero, eique rationi interpunctionem accommodavi. *Referri*, exprimi, adumbrari.

797. *Stipulis* pro fomite ; Æneid. i. 174 : "silici scintillam excudit Achates, Suscepitque ignem foliis, atque arida circum Nutrimenta dedit, rapuitque in fomite flammam." *Hoc argumenti habet*, hoc indicat, hoc sibi

vult. *Innocuum*, etc. quem ignis tutum se transire passus est, qui incolūmis per incendia Trojana abiit ; vide supra ad ver. 37.

801. *Hoc tamen verum esse* puto ; quibus verbis Ovidius, postquam multa dubitanter protulerat, tandem aliquid certius subjicere volebat. *Saltuisse* pro *saltisse* Heinsius auctoritate et Prisciani, lib. i. pag. 906. et meliorum codd. reposuit. Jam debebat dicere : Quod fit nunc quoque Palilibus ; sed melius dixit : *natali Roma, tuo*. Ita enim commode transit ad *originem urbis*, quæ in Palilium diem incidebat, ut jam ad ver. 721. admonitum. *Ipsæ locus*, etc. Hæc verba, si sana sunt, equidem ad antecedentia refero : quid ego altius causas illius ritus arcesso, quum *ipse locus*, quem incolimus, aut, si ita mavis, in quo tractando jam versor, eas mihi suppeditet ? Id si cui displicet, videat an ex altera lectione meliorem sensum fingere possit. Olim enim edebatur, *Ipsæ locum vati casus facit*, quod Marsus interpretatur, quasi

Mutantesque domum tectis agrestibus, ignem  
 Et cessaturæ supposuisse casæ ; 804  
 Per flammæ saluisse pecus ; saluisse colonos ;  
 Quod fit natali nunc quoque, Roma, tuo.  
 Ipse locus causas vati facit : urbis origo  
 Venit : ades factis, magne Quirine, tuis.  
 Jam luerat pœnas frater Numitoris ; et omne  
 Pastorum gemino sub duce vulgus erat. 810  
 Contrahere agrestes, et mœnia ponere utrique  
 Convenit : ambigitur, mœnia ponat uter.  
 Nil opus est, dixit, certamine, Romulus, ullo.  
 Magna fides avium est : experiamur aves.

casu venimus in hunc locum, ut de initiis urbis agendum sit. Immo ordine rerum in illum locum deducatur.

807—862. *Natalis urbis.*] Hic de muris positus et Remi interitu. *Pœnas* Amulii jam attigit poeta iii. 67 ; nunc festinat. De Romuli Remique dissidiis atque hujus nece, variæ erant Romanorum traditiones, quas apud Dionysium Halicarn. i. 85. Plutarchum Vit. Rom. 9 sq. et reliquos rerum Romanarum scriptores habes. Admodum credibile est, quod Dionysius tradit, multitudinem omnem in duas divisam fuisse partes, quarum altera Romulum ducem sequeretur, altera Remum ; hinc et fratrum animos dissociatos esse, eorumque dissidia maxime patuisse, quum locus urbi condendæ quaereretur. *Pastores* constanter primi Romæ incolæ vocantur, quibus mox, asylo aperto, convenæ accesserunt ; Livius, ii. 1. Et erat regio illa pastoribus inprimis opportuna ; Dionysius, ii. 2. *Zulichem pastoris* ; hinc Heins. suadet, *pastores* —erant.

811. Qui urbes condunt, eorum est “dissipatos homines in societatem

vita convocare ;” Cicer. Tuscul. v. 2 ; aut “dispersos homines unum in locum congregare ;” Orat. i. n. 33. *Convenit*, complacet ex pacto. De syntaxi vid. Heins. et Burmann. ad Remed. Amor. 471. Nisi hoc loco malis per conducit interpretari. *Mœnia ponat* agnoscunt Ursinus, Petavian. et multi alii ; cæteri nomina ponat. Dubitare possis, utrum verius. Livius, i. 6 : “Quoniam gemini essent, nec ætatis verecundia discrimen facere posset, ut Dii, quorum tutelæ ea loca essent, auguriis legerent, qui nomen novæ urbi daret, qui conditam imperio regeret.” Dionysius, i. 85 : ambigebant, *ἰσοπέρου χρῆ τὴν ἀποικίαν λέγεσθαι καὶ τὴν ἡγεμονίαν εἶναι.* Ennius : “Certabant, urbem Romamne Remamne vocarent.” Nunc forsitan *mœnia* jure præfertur ; ubi enim Romulus vicit, *apta dies legitur, qua mœnia signet aratro*, ver. 819.

813. Ab avo admoniti, auspiciis rem dirimendam committere voluerunt ; Dionys. dicto loco. *Experiamur*, consulamus ; Plinius, II. Ep. xx. 4 : haruspex, “quem sum frequenter expertus.” *Aventinus* ab eo dictus *Remuria*, aut, ut Græci scribunt ‘Ρω-

Res placet: alter init nemorosi saxa Palati; 815

Alter Aventinum mane cacumen adit.

Sex Remus; hic volucres bis sex videt ordine: pac-

Statur; et arbitrium Romulus urbis habet. [to

Apta dies legitur, qua mœnia signet aratro.

Sacra Palis suberant: inde movetur opus. 820

Fossa fit ad solidum; fruges jaciuntur in ima;

Et de vicino terra petita solo.

Fossa repletur humo, plenæque imponitur ara;

Et novus accenso finditur igne focus.

Inde premens stivam designat mœnia sulco: 825

Alba jugum niveo cum bove vacca tulit.

*μωπία*. Volucres, nempe vultures, quibus, quoniam nec pecori, nec satis nocent, Romani in auspiciis plurimum tribuebant; Plutarch. dicto loco. In auspiciis illis aliquid fraudis commissum esse a Romulo, Dionysius prolixè narrat; inde contentionem esse ortam, quam multitudo accenderit; in pugna utrimque multos cecidisse, etiam Remum et Faustulum, quum iram dirimere vellet. Sed Ovidius famam sequitur, quam Livius, dicto loco vulgatiorem vocat, ex qua Remus, muris jam positus, periit. *Arbitrium urbis habet*, pendet ab eo jus ponendæ urbis, quocumque loco vellet.

821. Ritus, quibus urbs condita. Ritus et illos et alios Romani ab Etruscis sumserunt. Festus: "Rituales nominantur Etruscorum libri, in quibus perscriptum est, quo ritu condantur urbes, aræ, ædes sacrentur," etc. Varro de Ling. Lat. iv: "Oppida condebant in Latio Etrusco ritu multa, id est junctis bubus, tauro et vacca, interiore aratro circumagebant sulcum." Plenius illos ritus memorat Plutarchus dicto loco. *Fossam* illam mundum vocabant, in eamque et primitias omnium rerum et

VOL. V.

particulas terræ, ex qua quisque regione venerat, commixtas deferebant. Tum conditor æneo vomere, junctisque bubus, mari et femina, profundum ducebat sulcum, et, ubi porta designanda erat, ibi exempto sublatoque vomere, spatium relinquebat. Qui eum sequebantur, ii excitatas aratro glebas intro vertebant. Adde Columellam, vi. præf. *Ad solidum* Lenz. interpretatur, in loco solido, locum enim illum maxima ex parte fuisse palustrem; sed quid fiet his locis? Valerius Maximus, ii. 1: "Fundamentorum constituendorum gratia, terram ad solidum fodere." Columella, iv. 30: "salices" deponere eo usque, "dum ad solidum demittantur." Iis locis fossæ altitudo innuitur, qua res demissæ firmum fundamentum habent. Noster Metam. xi. 72: "in solidam detrusit acumine terram." Mitscherlich, prætulit *ad solitam*, quod plurimi veterum agnoscunt.

825. *Stiva*, lignum per burim in dentale descendens, cujus ope arator flectebat aratrum; Virg. Georg. i. 179. *Premens*, ut vomer alte descendat; profundum enim sulcum, ἀνλακα βαθείαν, faciebant.

H h

Vox fuit hæc regis: Condenti, Jupiter, urbem,  
 Et genitor Mavors, Vestaque mater, ades;  
 Quosque pium est adhibere Deos, advertite cuncti:  
 Auspicious vobis hoc mihi surgat opus! 830  
 Longa sit huic ætas, dominæque potentia terræ;  
 Sitque sub hac oriens occiduusque dies.  
 Ille precabatur: tonitru dedit omina lævo  
 Jupiter; et lævo fulmina missa polo.  
 Augurio læti jaciunt fundamina cives; 835  
 Et novus exiguo tempore murus erat.  
 Hoc Celer urget opus, quem Romulus ipse vocarat;  
 Sintque, Celer, curæ, dixerat, ista tuæ:  
 Neve quis aut muros, aut factam vomere fossam  
 Transeat; audentem talia dede neci. 840

827—832. Preces Romuli, de quibus historici nihil habent; victimam tamen ejus Dionysius memorat. De *Vesta* Latio illata vide iii. 426. *Mater* commune Dearum epitheton, ut *puter* Deorum. *Adhibere* in auxilium, implorare; etiam apud Florum, I. i. 6. Romulus urbem conditurus, *Deos adhibet*, nempe auspiciis. *Advertite* Taubnerus explicat, animadvertite. Immo deest, *numina vestra*, quod interdum additur, ut *Æn.* iv. 611. Et passim hoc verbum absolute ponitur; Drakenborch. ad Silium, i. 288. *Auspicious vobis*, vestro auxilio, ductu, consilio. *Surgere* sic et apud Virgil. ut in illo: “O fortunati, quorum jam mœnia surgunt!” *Æternitas* imperii et *potentius* rerum ubique Romanorum animis obversabantur. *Domina*, quæ habet imperium in omnes; vide ver. 859. *Dies* pro regione.

833. Etiam apud Dionysium, ii. 4. quum Romulus, ut rex declararetur, victimas mactaret, precesque faceret, ἀστραπή δηλθεν ἐκ τῶν ἀριστερῶν ἐπὶ τὰ δεξιὰ tum latius disputat, cur fulmina a læva ad dextram tendentia

Romanis fausta sint habita. Breviter Plin. ii. 55: “Læva fulmina prospera existimantur, quoniam læva parte mundi ortus est.”

837. *Celer*, unus e sociis Romuli et præfectus operi, τῆς τῶν ἐταίρων et ἐπιστάτης τῶν ἔργων, secundum Plutarch. et Dionysium. Is *urget opus*; itaque Lenzius putat, eum a celeritate operis perfecti nomen accepisse; Plutarchus contra auctor est, veloces ab eo dictos esse *celereres*. Remus, indignans, quod dolo circumventus esset a fratre, et risit, et impedivit, et transiit muros; Dionysius dicto loco. Secundum eundem *Celer* tum forte stabat in muro. *Rutrum*, rusticum instrumentum et ad fodiendum et ad subigendum, de quo Nonius et Varro. *Rutro* Remum esse occisum, et alii auctores narrant, quos laudant Neapol. et Heinsius; Dionysius σκαφεῖον aut σκαφίον habet. Noster in *Ibide* 635. pro *rutro* omnino *rusticu tela* memorat. *Occupat*, ut i. 675. *Occupat Alcides* clava; et Met. xii. 343: “conantem stipite querno Occupat Ægides.”



Quod Remus ignorans, humiles contemnere muros  
 Cœpit; et, His populus, dicere, tutus erit?  
 Nec mora, transiluit: rutro Celer occupat ausum.  
 Ille premit duram sanguinolentus humum.  
 Hæc ubi rex didicit, lacrymas introrsus obortas  
 Devorat, et clausum pectore vulnus habet. 846  
 Flere palam non vult, exempla que fortia servat;  
 Sicque meos muros transeat hostis, ait.  
 Dat tamen exsequias: nec jam suspendere fletum  
 Sustinet; et pietas dissimulata patet. 850  
 Osculaque applicuit posito suprema feretro;  
 Atque ait: Invito frater adempte, vale.  
 Arsurosq; artus unxit; fecere, quod ille,  
 Faustulus et mœstas Acca soluta comas.  
 Tum juvenem nondum facti flevere Quirites; 855  
 Ultima plorato subdita flamma rogo.

845. Etiam Floro, I. i. 6. *dubium* videtur, *an jussu fratris occisus sit*. Apud Livium contra Romulus ipse iratus eum interficit, additis verbis, quæ Ovidius, 848. respexit: "Sic deinde, quicumque alius transiliet mœnia mea." Noster id sedulo agit, ut facinus illud velet, Romulumque a ferocia defendat. Non ita Cicero, Off. iii. 10: "Species enim utilitatis animum pepulit ejus; cui quum visum esset utilius, solum quam cum altero regnare, fratrem interemit." Cum sqq. autem confer v. 451. ubi hoc argumentum continuatur. Verbis *lacrymas—devorat* Noster vim gravissimi doloris etiam Met. xi. 635. descripsit. Mœrore illo actus Romulus semetipsum interfecisset, nisi eum Laurentia precibus deterruisset; Dionysius dicto loco. *Exempla fortia servat*; sequitur exemplum virorum fortium in devorandis lacrymis et in

dolore intus claudendo. Interp. Gallicus aberravit a mente poetæ, quum Romulum putat exemplum legis servandæ proponere voluisse. *Dare* pro facere, parare, concedere ponitur.

852. *Ademptus*, qui invito ereptus est; sic *ademptus Hector* Horatius, II. Od. iv. 10; et *ademptus mystes* Od. ix. 10. De *unctione artuum* vid. Bentleium ad Horatium, Epod. xvii. 11. *Faustulus* secundum alios in certamine periit. *Acca*, Laurentia, quæ a Plutarcho *Acca Larentia* vocatur; vide ad iii. 55. *Nondum facti Quirites*. Sic solet Ovidius res aut homines ab iis, quæ serius evenerunt, designare; Met. ii. "nondum Cægrius Hæmus." *Ultimam* Lenzius explicat ultimo loco, post reliquos exsequiarum ritus; immo *ultima, suprema, sera* dicuntur, quæcumque fiunt in honorem mortui; sic paulo ante *suprema oscula*. *Humatus* autem Remus est in Remuria monte.

Urbs oritur, quis tunc hoc ulli credere posset ?

Victorem terris impositura pedem.

Cuncta regas ; et sis magno sub Cæsare semper ;

Sæpe etiam plures nominis hujus habe : 860

Et quoties steteris domito sublimis in orbe ;

Omnia sint humeris inferiora tuis.

Dicta Pales nobis : idem Vinalia dicam :

Una tamen media est inter utramque dies.

Numina vulgares Veneris celebrate puellæ : 865

Multa professorum quæstibus apta Venus.

857. Confer i. 515 sqq. *Victorem—pedem*, cui terræ subjectæ erunt et parebunt. Sumta formula a consuetudine antiquissima, qua victores victis pedem imponere solebant, quam etiam Turnus in exanimum Pallanta servat ; conf. Virg. *Æn.* x. 495. *Et quoties*, etc. Insignis est proceritas ejus, qui non capite tantum, sed *humeris* quoque supereminet omnes, ut Diana Nymphas, Musæus (*Æneid.* vi. 668.) reliquam turbam. Hoc idem translatum ad urbis Romanæ altitudinem declarandam.

863—900. IX. *Kalend. Maias Vinalia* in honorem Jovis, aut, ut vulgo putabant, Veneris. Masurius apud Macrobius, Saturn. i. 4 : “ Vinaliorum dies Jovi sacer est, non, ut quidam putant, Veneri.” Varro de Ling. Lat. v : “ Vinalia a vino : hic dies Jovis, non Veneris.” Errore illo Græcis dicta sunt *Ἀφροδίτια* et Plutarcho, *Quæst. Rom.* p. 115. Reisk. *Veneralia*. Noster, ubi meretrices excitavit ad festum illud in Erycinæ Veneris templo celebrandum, originem festi narrat.

866. *Professorum*. Hoc referunt eo, quod feminis Romanis vulgare corpus licebat, ubi id *professæ* erant apud *Ædiles*, quo facto, inter togatas numerabantur, de quibus supra ver. 134. Vide Sueton. Tiber. 35 ; Tacit. Annal.

ii. 85. ibique Lipsium ; sed Herald. ad Arnobium adv. Gentes, pag. 133. conjungit *multa professorum*, monetque *multa* et τὰ πολλά dictas esse voluptates venereas. Non tamen hoc approbavit Heinsius, qui aut *multa Venus* conjungit, aut *multa* in *culta* mutari vult ; quæ conjectura non mala est. Celebrate Venerem, nam *culta*, si celebratur, apta est quæstibus. *Ture dato* maxime coli solebat Venus ; Horatius, I. Od. xxx. 2. *Poscere* solenne de precantibus. *Joco*, lusu venereo. Passim apud Nostrum *verba apta joco*. Hoc loco vulg. *loco*, quæ varietas etiam i. 395. *Sisymbrium* etiam thymbræum appellatum. Quod in sicco nascitur, id odoratum est, et a veteribus coronis inserebatur ; Plinius, xx. 91. De coronis e *myrto*, Veneri sacra, res nota ; Horatius, I. Od. iv. 9 ; xxxviii. 5 ; II. Od. vii. 8 ; Tibullus, I. x. 27. De *junci* generibus vide Plinium, xxi. 69 sqq. In iis quædam odorata, quorum odor vicinus nardo. Iis *vinciebantur* et *rosæ* in sarta. Sertis autem et Dii ante rem sacram ornabantur ; Horatius, III. Od. xxiii. 15 : “ Parvos coronantem marino Rore Deos fragilique myrto.” Cæterum poeta hic cumulavit verba, et sono imitari voluit illud Virgillii, “ Mollia luteola pingit vaccinia caltha ;” *Eclog.* ii. 50.

Poscite ture dato formam, populi que favorem ;  
 Poscite blanditias, dignaque verba joco :  
 Cumque sua dominæ date grata sisymbria myrto,  
 Textaque composita juncea vincla rosa. 870  
 Templâ frequentari Collinæ proxima portæ  
 Nunc decet : a Siculo nomina colle tenent.  
 Utque Syracusas Arethusidas abstulit armis  
 Claudius, et bello te quoque cepit, Eryx :  
 Carmine vivacis Venus est translata Sibyllæ ; 875  
 Inque suæ stirpis maluit urbe coli.  
 Cur igitur Veneris festum Vinalia dicant,  
 Quæritis, et quare sit Jovis ista dies ?

871. Templum Erycinæ Veneris prope *Collatinam portam* Ovidius etiam Remed. 549. memorat; atque illud ipsum, bello Ligustino a Lucio Porcio cons. votum, a L. Porcio, L. F. Licinio duumviro, ad portam Collinam dedicatum fuisse Livius, xl. 34. narrat. Adde Strabonem, lib. vi. Eadem autem dea in *Eryce*, monte Siciliae supra Drepanum, templum habebat nobilissimum a Trojanis conditum; *Æn.* v. 759; de quo locus classicus apud Diodor. Siculum, lib. iv. extr. Vide Heynii Excurs. ii. ad illum *Æneid.* librum. E Sicilia autem Erycina Venus jam prius *translata* erat Romam, tempore belli Punici secundi. Ann. U. C. 535. enim, quum peccatum esset a C. Flaminio cos. decemviri *libros Sibyllinos* adire jussi sunt, ut quæ piacula iræ Deorum essent, cognosceretur. Ii, inspectis libris fatalibus, inter alia retulerunt et hæc: "ædes Veneri Erycinæ ac Menti vendas esse;" Livius, xxii. 9. Mox ædes illæ votæ sunt. Veneris Erycinæ ædem Q. Fabius Maximus dictator vovit, Mentis T. Otacilius prætor;

*ibid.* 10. Idem viri anno 537. duumviri creati sunt ædibus illis dedicandis; Menti Otacilius, Fabius Veneri Erycinæ dedicavit. Ambæ in capitolio erant. canali uno discretæ; Livius, xxiii. 31. Jam Neapolis putat, Ovidium duo templa Veneris diversa confudisse, quasi templum ad Collinam portam jam tempore belli Punici dedicatum esset. Mihi vero distinxisse distinguenda videtur. Primum de templo ad Collatinam portam loquitur, deinde obiter de prima illius Deæ translatione. Sed et alius erroris Ovidium Neapolis coarguit. Templum antiquius anno 537. dedicatum est; sed *Syracusa* anno 540. demum a *Claudio* Marcello captæ; Livius, xxv. 31. Fortasse tamen Noster, more poetarum, a parte bellum Punicum secundum indicare voluit. *Abstulit*, cepit et militi diripiendas dedit. *Eryx* e primo maxime bello notus; inde enim Hamilcar præsidium, quod ibi clausum, deducere coactus fuerat; Livius, xxi. 10. 41. De *vivace Sibylla* vide ad iii. 534; *Cumæ anus* vocatur iv. 158.

Turnus, an Æneas Latiae gener esset Amatae,  
 Bellumerat: Etruscas Turnus adoptat opes. 880  
 Clarus erat, sumtisque ferox Mezentius armis;  
 Et vel equo magnus, vel pede major erat.  
 Quem Rutuli Turnusque suis adsciscere tentant  
 Partibus: hæc contra dux ita Tuscus ait: 884  
 Stat mihi non parvo virtus mea: vulnera testes;  
 Armaque, quæ sparsi sanguine sæpe meo.  
 Qui petis auxilium, non grandia divide mecum  
 Præmia, de lacubus proxima musta tuis.

879. Cum Ænea advena Latinus rex mature et pacem junxit et affinitatem, Lavinia filia in matrimonium data. *Turnus*, Rutulorum rex, cui *Amata*, Latini conjux, favebat, sponsam sibi ereptam dolens, arma infesta Latino intulit, victusque ad *Mezentium*, Etruscorum regem aut *Lucumonem* (*στρατηγὸν* Plutarchus vocat) confugit. *Cære* ille (olim *Agylla*) imperitabat, oppido haud longe a Tiberi opulento, quod *Dionys. Halicarn.* iii. 58. *εὐδαίμων καὶ πολυάνθρωπον* vocat, unde *Tarquinius Prisci* tempore magnus exercitus exierit. Sed et nunc *equo*, equitibus, et *pede*, peditibus, valens erat; conf. *Livii* i. 2. qui et ipse de magnis *Mezentii* opibus agit. *Virgil. Æneid.* viii. 478. Vid. et *Dionys. Halicarn.* i. 64 sq; *Justinum*, xliii. 1. *Adoptat*, adsciscit, sibi adjungit, vi propria vocis *optare*, quæ eligere significat.

887. Memoria exilis rei servata est inter veteres, sed varie. *Plinius*, xiv. 14: "M. Varro auctor est, *Mezentium*, Etruriæ regem, auxilium Rutulis contra Latinos tulisse, vini mercede, quod tum in Latino agro fuisset." Secundum *L. Cæsarem* et *A. Postumum*, quos *Auctor de Orig. Gent. Roman.* cap. 14 sqq. laudat, et se-

cundum *Dionysium*, i. 65. *Mezentius* Latinos *Lavinii* obsessos ita in dedicationem accipere voluit, ut omne vinum Latini agri quotannis sibi inferretur. At *Ascanii*, qui patri successerat, auctoritate, vino ex omni vindemia *Jovi* voto consecratoque, Latini urbe eruperunt, interfectoque *Lauso*, *Mezentium* fugarunt. Quæ hi de *Ascanio* narrant, ea *Plutarchus*, *Quæst. Rom.* pag. 115. ad *Æneam* refert. *Macrobius*, *Saturn.* iii. 5. e *Catonis Origg.* rem sic narrat: "Mezentium Rutulis imperasse, ut sibi offerrent, quas *Diis* primitias offerebant, et Latinos omnes, similis imperii metu ita vovisse: *Jupiter*, si tibi magis cordi est, nos ea tibi dare potius, quam *Mezentio*, ut ei nos victores facias." Hinc addit, illum propterea a *Virgilio contemptorem Deorum* esse dictum. Vide omnino *Heynii Excurs.* iii. ad *Æneid.* viii.

888. *Lacus*, vas torculari suppositum, in quod mustum defluit; *Plinius*, IX. Ep. xx. 2. "gustare de lacu mustum." *Nulla—opera*, ne diu fluctuetis, quid faciendum sit. *Quam velit*, etc. argumentum grave movendi. Simile est illud *Æn.* ii. 104: "Hoc *Ithacus* velit, et magno mercentur *Atridæ!*" Cf. ii. 694.

Nulla mora est operæ: vestrum dare; vincere nos-  
 Quam velit Æneas ista negata mihi! [trum est.  
 Annuerant Rutuli. Mezentius induit arma: 891  
 Induit Æneas; alloquiturque Jovem:  
 Hostica Tyrrheno vota est vindemia regi,  
 Jupiter, e Latio palmite musta feras.  
 Vota valent meliora: cadit Mezentius ingens, 895  
 Atque indignanti pectore plangit humum.  
 Venerat Autumnus calcatis sordidus ovis:  
 Redduntur merito debita vina Jovi.  
 Dicta dies hinc est Vinalia: Jupiter illam  
 Vindicat, et festis gaudet inesse suis. 900  
 Sex ubi, quæ restant, luces Aprilis habebit;  
 In medio cursu tempora veris erunt.  
 Et frustra pecudem quæres Athamantidos Helles;  
 Signaque dant imbres; exoriturque Canis.  
 Hac mihi Nomento Romam quum luce redirem,  
 Obstitit in media candida pompa via. 906

895. *Ingens* vel corpore, quali sunt heroes veteres, vel opibus. *Plangit humum*; sic passim de morientibus e vulnere; Met. iii. 125: "sanguineam trepido plangebant pectore matrem;" Æn. x. 720: "calcibus atram Tundit humum expirans." Apud Dionys. Halicarn. dict. loc. Mezentius, pace impetrata, in Latinorum amicitia constanter permansit; sed Æneid. x. extremo, "Undanti animam diffundit in arma cruore." Quæ quis vovit, ea debere dicitur; Horatius III. Od. xxvii. 30: "debita Nymphis corona;" Tibullus, IV. iv. 23: "Quum debita reddet Certatim sanctis lætus uterque focus. Cæterum Plutarchus dicto loco, etiam hoc tradit, illo die multum vini effundi ad templum Veneris.

901—904. VII. *Kalendas Maias*, sive die xxv. Aprilis, *Ver medium*, *Arietis occasus*, *imbres*, *exortus canis*. Plura

igitur memorabilia habet ille dies. *Ser ubi, quæ restant*, etc. id est, quo sex dies Aprilis restant. *Ver medium* Columella in ipso Palilium die xi. Kal. ponit; initium ejus die ix. Februarii; ii. 150. Arietem hic quoque, ut ver. 715. e fabula circumloquitur, quam iii. 851 sqq. narravit. *Signa dant*, ostendunt se, cadunt, ut i. 315. *Canem* hoc die non exoriri, sed occidere et Ovidium lapsum esse, certatim monuerunt interpret. Columella xi. 2: *Pridie Kalendas Maias Canis se vespere celat*.

905. *Robigalia* ad avertendam a frugibus robiginem. De his Plinius, xviii. 69. sec. 3: "Tria tempora fructibus metuebant" prisci, "propter quod instituerunt ferias diesque festos, Rubigalia, Floralia" (de quibus mox ver. 943.) "Vinalia" (quæ ver. 863.) "Rubigalia Numa instituit anno regni

Flamen in antiquæ lucum Robiginis ibat,  
 Exta canis flammis, exta daturus ovis.  
 Protinus accessi, ritus ne nescius essem.  
 Edidit hæc Flamen verba, Quirine, tuus : 910  
 Aspera Robigo, parcas Cerealibus herbis ;  
 Et tremat in summa læve cacumen humo.  
 Tu sata sideribus cœli nutrita secundi  
 Crescere, dum fiant falcibus apta, sinas.  
 Vis tua non levis est: quæ tu frumenta notasti, 915  
 Mœstus in amissis illa colonus habet.

sui xi. quæ nunc aguntur ad vii. Kalend. Maii, quoniam tunc fere segetes rubigo occupat. Hoc tempus Varro determinat sole Tauri partem decimam obtinere, sicut tunc ferebat ratio ; sed vera causa est, quod post dies undeviginti ab Æquinoctio verno per id quadrimum, varia gentium observatione, in iv. Kal. Maii Canis occidit ; sidus et per se vehemens, et cui præoccidere Caniculam necesse sit." Varro de Ling. Latin. v. pag. 47 : " Robigalia dicta a Robigo. Secundum segetes huic Deo sacrificatur, ne robigo occupet segetes." Adde eundem de Re Rust. I. i. 6 ; Columellam x. 343 ; ad quæ loca vide Schneider. Disputant autem utrum rubigo, an robigo scribendum sit. Pro Robigine Dea, alii Robignum Deum habent, ut Varro, Festus, ac Servius ad Georg. i. 151. ubi hæc notat : " Inde et Robigus Deus, et sacra ejus septimo Kal. Maias Robigalia appellantur." Cæterum Græci Deos ἐρυσίβιον habebant ad avertendam robiginem.

Huc mihi—via. Similia figmenta ver. 685. et iii. 541. Nomentum, Sabinorum oppidum, a quo via Nomentana dicta, quæ incipiebat a Viminali porta ; Servius ad Æn. vi. 773 ; vii. 712. Ea ducebat in lucum Robiginis. Candida turba. Omnis cætus intelli-

gitur ad sacra procedentium ; etiam Tibullo, II. i. 15. candida turba est familia, quæ agnum in Ambarvalibus ad aram comitabatur ; vide ad i. 79 ; ii. 654. Antiquæ, inde a Numæ temporibus cultæ. De immolatione canum vide ad i. 389. In Robigalibus catulus rufus et lactens offerebatur ; Columella, x. 342. qui nil de ove habet. Etiam ante Catulariam portam ad placandum Caniculæ sidus, frugibus inimicum, rufas canes esse immolatas, e Festo discimus. Flamen autem Quirinalis hæc agebat, ut Flamen Dialis Lupercalia ii. 282.

911. Aspera et 921. scabræ manus Robiginis ab effectu, quia et fruges et ferum scabrum asperumve reddit ; Virgil. Georg. i. 495 : " Exesa inveni et scabra robigine pila." Confer supra i. 687. Cereales herbæ, ut Cereales culmi, Virgil. Georg. ii. 517. Tremunt culmi, quos ventus mulcet.

915. In morbis segetum etiam Virgil. i. Georg. 150. malam robiginem memorat, et Plinius, xviii. 45. " maximam segetum pestem" vocat. Est autem robigo, ἐρυσίβιον, μίτρος, pulvis rufus et glutinosus culmos adedens et enecans, quod vitium in vitibus et arboribus carbunculus dicitur. Notare et inficere, et lædere significat. Vim mali Noster per comparisonem adeo illustrat. Venti ; Virgilius, Georg. i.

Nec venti tantum Cereri nocuere, nec imbres ;  
 Nec sic marmoreo pallet adusta gelu ;  
 Quantum, si culmos Titan incalfacit udos.  
 Tum locus est iræ, Diva timenda, tuæ. 920  
 Parce, precor, scabrasque manus a messibus aufer ;  
 Neve noce cultis : posse nocere sat est.  
 Nec teneras segetes, sed durum contere ferrum :  
 Quodque potest alios perdere, perde prior.  
 Utilius gladios, et tela nocentia carpes : 925  
 Nil opus est illis : otia mundus agat.  
 Sarcula nunc, durusque bidens, et vomer aduncus,  
 Ruris opes, niteant : inquinet arma situs :  
 Conatusque aliquis vagina ducere ferrum,  
 Adstrictum longa sentiat esse mora. 930

444: "Urget ab alto Arboribusque satisque Notus pecorique sinister;" *Urere* de frigore i. 680. in precibus similibus, quas cum his conferas. Unde malum frugibus frigore illatum et *uredo* dicitur. *Marmoreum* propter colorem album pruinæ, et niveum. *Pallere* de colore flavo, quem trahunt fruges frigore morsæ; i. 688. de hac robigine, "Nec vitio cœli palleat ægra seges." Si *culmos*, etc. ipsam robiginem intellige; Plinius, xviii. 68. 3: "Plerique dixere, rorem inustum sole acri frugibus rubiginis causam esse, et carbunculi vitibus: quod ex parte falsum arbitror, omnemque uredinem frigore tantum constare, sole innoxio." Humorem tamen non exclusit; nam. ib. 20. sec. 3: "ros robiginem facit," et 44. sec. 2: "Frequentissima hæc in roscido tractu convallibusque, ac perflatum non habentibus."

921. *Aufer*, retine; veteres, quæ mala remota esse a se cuperent, ea in alios detestabantur; Horatius, I. Od. xxi. 13. Hoc igitur sensu ductus, etiam Ovidius Robiginem precatur, VOL. V.

ut vim suam in *ferro* potius exserat propter abusum illum, de quo ad ver. 405. et propter quem crebro in ferrum invehitur. *Carpere* bene de robigine, paulatim absumere, rodere. *Otia agere*, pace frui, bona locutio; i. 68.

927. Similia apud Tibullum, I. xi. 49: "Pace bidens vomerque nitent (alii *vigent*;) at tristia duri Militis in tenebris occupat arma situs." *Sarculum* instrumentum rusticum, quo purgantur agri, i. 699. *Durus*, gravis, ut Horatius, I. Satyr. i. 28. *durum aratrum*. A gravitate noti *bidentes*, sive rastro; Terentius Heaut. I. i. 40. *Situs* pro robigine. *Ducere*, educere. *Adstrictum*, robigine adhærens vaginæ. Cæterum confer cum hoc loco i. 699 —704.

933. *Mantele*, erat laneum, habebatque in superficie texti *villos*, sive lanuginem, cirros, unde *villosa mantelia* commemorantur, *λάσια χειρόμακτρα*. Nobiliores curabant, ut *mantele*, *villis tonsis*, esset læve ac molle. Talia mantelia Aristæo Nymphæ ferunt germanæ apud Virgil. Georg. iv.

At tu ne viola Cererem ; semperque colonus

Absenti possit solvere vota tibi.

Dixerat : a dextra villis mantele solutis,

Cumque meri patera turis acerra fuit.

Tura focis vinumque dedit, fibrasque bidentis,

Turpiaque obscænæ, vidimus, exta canis. 936

Tum mihi, Cur detur sacris nova victima, quæris ?

Quæsieram : causam percipe, Flamen ait.

Est canis, Icarium dicunt, quo sidere moto

Tosta sitit tellus, præcipiturque seges. 940

Pro cane sidereo canis hic imponitur aræ ;

Et, quare pereat, nil nisi nomen habet.

QUUM Phrygis Assaraci Titania fratre relicto,

Sustulit immenso ter jubar orbe suum :

377. *Fibræ* omnino exta. *Obscæna* canis nunc non dicitur ab ululatu, qui mali in auspiciis ominis, (quamquam Virgil. Georg. i. 470. sic capi potest) sed quia canis veteribus symbolum impudentiæ. Hinc et exta ejus *turpia*. Etiam Plin. ii. 5. *Obscæna animalia*. *Nova*, inusitata.

936. *Icarus*, sive *Icarius*, Atheniensis, Erigone, ejus filia, et Mæra canis inter sidera relati sunt, ita ut Icarus Bootes, Erigone Virgo et Mæra Canicula sive Procyon esset; Hyginus, fab. 130.; Poet. Astron. ii. 4.; Apollod. III. xiv. 7. Jam terra australis, Sirio inprimis, stella in Cane majore, *moto*, id est, orto, æstu intolerabili premitur; Virgil. Georg. iv. 425.: "Jam rapidus torrens sitientes Sirius Indos Ardebat." Et ad Sirium placandum plures populi sacra faciebant; Apollonius Rhodius, ii. 500. Vide Interp. ad Virgil. Georg. i. 14. Sed illam vim torrendi etiam Caniculæ, sive Procyoni poetæ tribuunt; Horatius, III. Od. xiii. 9.: "Flagrantis atrox hora Caniculæ;" xxix. 18.: "Jam Procyon fuit." *Præcipi*

dicitur *seges*, quando ante maturitatem arescit: quam formulam Heins. Columellæ exemplis confirmat; Calpurnius, Eclog. iv. 115. sic *præfocari* dixit: "nec præfocata malignum Messis habet lolium." Vide Wernsdorfum ad Gratii Cyneg. ver. 388. Fruges a Canicula affectæ *φύτὰ ἀστροβολήτρα* dicebantur, affectio ipsa *ἀστροβολία* et *sideratio*.

943—954. IV. *Kalend. Maias* sive die xxviii. *Aprilis, Florulia* incipiunt, et *Vesta* in palatium translata est. De *Floralibus*, Plin. xviii. 29.: "Itaque iidem Floralia iv. Kalend. ejusdem Maii instituerunt, urbis anno 516. ex oraculis Sibyllæ, ut omnia bene deflorescent." Numeros anni corruptos esse, Neapol. et Harduinus docuerunt; Velleius enim, I. xiv. 8. ubi narravit, Torquato Sempronioque coss. colonos missos esse Brundisium, et post triennium Spoletium, addit: "quo anno Floraliū ludorum factum est initium." Id ergo incidit in annum 513.

*Quum—relicto.*] Similiter fere i. 461: "Proxima prospiciet Tithono



Mille venit variis florum Dea nexa coronis; 945

Scena joci morem liberioris habet:

Exit et in Maias sacrum Florale Kalendas.

Tunc repetam; nunc me grandius urget opus.

Aufert Vesta diem: cognato Vesta recepta est

Limine: sic jussi constituere patres. 950

Phœbus habet partem; Vestæ pars altera cessit:

Quod superest illis, tertius ipse tenet.

State Palatinæ laurus, prætextaque quercu

Stet domus: æternos tres habet una Deos.

nupta relicto." Nunc *Titania* vocatur *Aurora*, quia *Hyperionis*, *Titanum* unius, filia, *Phœbi* et *Lunæ* soror. *Tithonus*, conjux ejus, secundum *Diodorum Sicul.* *Hygin.* fab. 270. *Apollo*, et alios, fuit *Laomedontis* filius; secundum *Servium* ad *Æn.* vi. 493. ejus frater. *Laomedontis* pater fuit *Ilus*, *Assaraci* frater. Sic ergo apparet, quo sensu hoc loco *fratris* nomen capiendum sit; sed *Assaracum* inserere voluit, qui ille in *Æneæ*, atque adeo et *Augusti* majoribus erat: vide ad vers. 34. et 123. *Necti coronis*, ornari coronis nexis; *Æneid.* v. 309: "*Flavaque nectentur oliva.*" Sed de hac Dea, de *Floralibus*, de *jocis liberioribus* vide v. 183 sqq. in quem locum poeta illa omnia distulit. *Liberiores joci* potius lascivi erant, ut ad v. 331. videbimus. *Exeunt* in tempus quoddam, quæ ad id durant; *Plinius*, II. *Epp.* xi. 18.: "*Exierunt probationes in tertium diem.*" *Floralia* durarunt in diem tertium *Maii*. *Exire* sic etiam v. 189. pro quo 185. *transire* positum.

949. Anno U. C. 741. die vi. *Martii*, *Augusti* titulis honos pontificis maximi accessit; iii. 415 sqq. Sed quum ita esset institutum, ut pontifex maximus in domo publica juxta *Vestam* habitaret, *Augustus* palatii sui partem publicam esse jussit, atque *Vestæ* hoc

die dedicavit; *Dio Cassius*, liv. 27.: vide et *Lipsium* de *Vesta*, cap. 4. *Aufert*, sibi vindicat. *Cognato*, quod *Aronde*l. et quatuor alii agnoscunt, magis poeticum est, quam reliquorum *cognati*. *Lucem* autem hoc epitheton accipit ex iii. 425.: "*Ortus ab Ænea tangit cognata sacerdos Numina: cognatum, Vesta, tuere caput.*" *Plurimum* esse voluit poeta in laudando *Augusto*. *Constituere patres*; factum enim hoc ex senatus consulto; *Verrius* ad hunc diem: "*Ferix ex S. C. quod eo die ædes et Vestæ in donu Imp. Cæsaris Aug. pontificis maximi dedicata est Quirinio et Valgio coss.*" *Phæbus habet partem*, in alia palatii parte templum est *Apollinis Palatini*, quod longe celeberrimum; vide *Propertium*, ii. 23. De *lauris* et *corona querna* ante fores palatii, i. 614. *Prætexta* dictum ut v. 567.: "*Augusto prætextum nomine templum.*" Quæ enim in anteriore parte ornata sunt aliqua re, ea *prætexta* dicuntur; *Senecca*, *Epp.* 89.: "*Fluminum ripas ædificia prætexunt.*" *Plinius*, *panegy.* 52. 1.: "*postibus prætexi;*" de iis, quorum statuæ ante fores collocantur: vide ibi *Schwarzium*. *Æternos Deos*; iii. 421.: "*Ignibus æternis æterni numina præsent Cæsaris, ubi vide notam.*"

## LIBRI QUINTI

### ARGUMENTUM.

Tres sententiæ de nomine Maii, 1—110. Ortus Capellæ et origo, 111—128. Præstites Lares, eorumque ara constituta, 129—146. Bonæ Deæ templum, 147—158. Argestes ventus et Hyadum tam ortus, quam origo, 159—182. Ludi Florales, fata, potentia, cultus Floræ apud Romanos, ratio Florarium; his inserta fabula de Martis ortu, 183—378. Centauri sideris ortus et fabula de Chirone, 379—414. Lyræ et Scorpii ortus, 415—418. Lemuria nocturna et Remi sepultura, 419—492. Orionis occasus, natales, relatio inter sidera, 493—544. Templum Martis Ultoris, Crassi clades, signa a Parthis relata, 545—598. Pleiadum ortus et æstatis initium, 599—602. Tauri sideris ortus et origo, 603—620. Simulacra scirpea de ponte mittuntur; Hercules in Latio, 621—662. Hymnus in Mercurium; ejus festum; preces mercatorum ad eum, 663—692. Sol transit in Geminos; horum origo, Pollucis et Castoris pugna cum Lynceo, 693—720. Agonalia iterum; Canis sideris ortus, 721—724. Tubilustria, 725, 726. Quatuor notæ in Kalendario, 727, 728. Fortunæ Publicæ templum, 729—732. Bootes occidit, Hyades oriuntur, 733, 734.

P. OVIDII NASONIS

FASTORUM

LIBER QUINTUS.

QUÆRITIS, unde putem Maio data nomina mensi?

Non satis est liquido cognita causa mihi.

Ut stat, et incertus qua sit sibi nescit eundum,

Quum videt ex omni parte viator iter :

Sic, quia posse datur diversas reddere causas, 5

Qua ferar, ignoro ; copiaque ipsa nocet.

Dicite, quæ fontes Aganippidos Hippocrenes,

Grata Medusæi signa tenetis equi.

1—110. Missa præfatione, statim de *Maii nomine* dicit ; resumit autem et latius tractat, quod i. 41. verbo tetigerat. Quæstioni huic grammaticæ plurimum dignitatis et gratiæ addidit. Musas invocat, ut sibi nominis causam aperiant, et, quum tres potissimum causæ ferrentur, ipsas Musas inter se dissentientes fingit, et tres ita inducit, ut sententiam deinceps dicant ; ipse autem sub finem iudicium suum cohibet : ita loco huic dramatis formam dedit. Simile ei est exordium lib. vi.

1. *Quæritis—mensi?*] Sic et alibi viam sibi pandit ad argumentum ali-quod tractandum ; Metam. ii. 512. Juno ad Deos marinos, “ Quæritis, æthereis quare regina Deorum Sedibus huc adsim ?” *Liquido*, certo, ut

nil dubitationis restet. Etiam Macrobi. i. Sat. 12. fatetur, de nomine *inter auctores latam dissensionem esse*. Quod iv. 784. tenuiter dixit, *Turba facit dubium, cæptaque nostra tenet*, id nunc similitudine quadam exornat, *Ut stat*, etc. *Posse datur*, res talis est, ut possim ; facultas mihi est.

7. Pegasus, e sanguine *Medusæ* ortus, (Metam. iv. 784.) *Hippocrenen* ungula rupit. Ibid. v. 275. Interpr. Gallicus hunc fontem et *Aganippida* (sic ille) pro eodem habet. Immo *Aganippe* alius fons Musarum et Apollinis in Helicone, isque ad Musarum lucum tendentibus ad lævam ; Pausan. Bœot. p. 766. Itaque Metam. v. 312 : *Fons Medusæus et Hyanthea Aganippe* diserte distinguuntur. Inde *Musæ Aganippides* dicuntur, et *Aganippe*

Dissensere Deæ; quarum Polyhymnia cœpit

Prima: silent aliæ; dictaque mente notant: 10

Post chaos, ut primum data sunt tria corpora mun-

Inque novas species omne recessit opus; [do,

Pondere terra suo subsedit, et æquora traxit;

At cœlum levitas in loca summa tulit.

Sol quoque cum stellis nulla gravitate retentus, 15

Et vos Lunares exsiluistis equi.

Sed neque terra diu cœlo, nec cætera Phœbo

Sidera cedebant: par erat omnis honos.

*nippis Hippocrene* nil est, nisi Hippocrene Musis sacra. *Signa*, vestigia. Aliæ Musæ *silebant* tantum, quamdiu *Polyhymnia* canebat. Porro Heinsius *Polymneiu* scribi volebat, quia Græci Πολυμνηία et Πολύμνεια quod idem et apud Horatium, I. Od. i. 33. Aldo et Cruquio videbatur. Apud Virgil. Cir. 55. edd. vett. *Polymnia*, quod ibi Heynio doctius ac verius videtur, ut Musa sit memoriæ rerum servandæ invigilans. *Mente notant*, qui cupide aliquid audiunt, ut teneant; iii. 178.: *memori pectore dicta nota*; Metam. xiii. 788.: "auribus ausi Talia dicta meis, auditaque mente notavi."

11—54. Prima sententia, qua Maius a *Majestate*, Honoris et Reverentiæ filia, nomen habet. Macrob. Saturn. i. 12: "Sunt, qui hunc mensem ad nostros Fastos transisse commemorant, apud quos nunc quoque vocatur Deus Maius, qui est Jupiter, a magnitudine ac majestate dictus." Hæc igitur Noster ingenioso figmento allegorico, quod haud dubie poetæ antiquiori debet, exornavit.

*Post chaos—equi.*] Ab initio rerum, a prima origine mundi, quam nobis per partes ostendit, ut i. 103; Metam. i. 1 sqq.; xv. 239. Confer et Tibullum, IV. i. 19—23. *Post chaos*, postquam e rudi illa mole mundus effectus

erat. In illis locis Ovidius quatuor corpora aut species, id est, elementa, cum Empedocle numerat, nunc tria; aera enim et æthera cœli nomine complectitur. *Opus*; quidam *onus*, quod non spernendum arbitror; intelligitur enim chaos, quod Metam. i. 8. *pondus iners* vocatur. Id *recessit*, sectum est. De sole et luna *exsilire*, ut Metam. i. de igne *emicare*.

17. Omnes pares erant dignitate. Hic miscet partes mundi et deos; illæ enim e cosmogonia antiqua personæ erant divinæ. Lenzius putat, describi hic paritatem in convivii deorum, et respexisse poetam mores Romanorum in triclinio; quod ego non arbitror. Hoc unum vult, sedebant promiscue in conventibus. De *plebe Deorum*, id est, Diis secundi ordinis, vide ad Met. i. 173. *Oceanus*, unus ex Titanibus, Cœli et Terræ filius, adeoque Saturni frater. Ipse adeo et *Tethys* conjux in antiquissimis erant diis, quorum reverentia sæpe deos movit; Metam. ii. 510. Antiquis terrarum incolis opponebantur, cum contentu plerumque, *advenæ*, id est, peregrini. Itaque poeta diis quoque antiquis *advenas*, novos et humiliores deos, opposuit. Lenzius putabat, plebeios ideo, *advenas* dici, quia longius a Jovis palatio habitarent; Metam. i.

Sæpe aliquis solio, quod tu, Saturne, tenebas,  
 Ausus de media plebe sedere deus. 20  
 Et latus Oceano quisquam deus advena junxit;  
 Tethys et extremo sæpe recepta loco est:  
 Donec Honos, placidoque decens Reverentia vultu  
 Corpora legitimis imposuere toris.  
 Hinc sata Majestas; hos est dea censa parentes; 25  
 Quaque die partu est edita, magna fuit.  
 Nec mora; consedit medio sublimis Olympo  
 Aurea, purpureo conspicienda sinu.  
 Consedere simul Pudor, et Metus: omne videres  
 Numen ad hanc cultus composuisse suos. 30  
 Protinus intravit mentes suspectus honorum:  
 Fit pretium dignis; nec sibi quisque placet.

173. Verum illa cœli domiciliorumque cœlestium descriptio Saturni tempore nondum erat; neque a regis domo longius remoti *advena* dici possunt. Burmannus legeret: *Et latus Oceano, quamvis deus advena, junxit*, addita hac interpretatione: licet et esset minorum gentium et adscititius quasi deus, qui longe stare ab Oceano deberet, sedit ille tamen eodem ordine, quo Oceanus. *Recepta est*, sedes ei relicta est, cæteris jam consentibus.

23—34. Paulatim honore afficiebantur, *reverenterque* colebantur dii muneribus et meritis insignes; atque ita *majestas* illis accessit; ex hæ sententia præclara allegoria effloruit. *Reverentia* bene describitur; ei enim *placidus vultus* convenit, isque *decorem* quemdam conciliat. *Toros legitimis*. Lenzius intelligit lectos trilineares pro sua cuique dignitate convenientes. Putem, his verbis concubitum legitimum, conjugium describi. *Hinc*, ex eo matrimonio, *sata Majestas*. *Censeri aliquid*, in censum deferre, atque adeo possidere, habere; ex I. Ponto, ii. 138: "Est

inter comites Marcia censa suas," habuit inter comites. Ita et Cicero pro Flac. 32. et alibi. Male igitur et hoc loco interp. quidam, et Lipsius ad Taciti Annal. i. 5. putarunt, passivum *censeri* poni pro activo. Vide Gronovii Obs. iv. 3. *Quaque die*, etc. Nempe *majestas* non crescit ab exiguis initiis. *Medio*, in arce Olympi, inde *sublimis*. *Aurea*, etc. de hoc ornatu vide ad ii. 310. ubi *Mæonis aurato conspicienda sinu*.

29. Qui *majestate ornatus est*, cum *metuunt* cuncti, id est, reverentur, coram eo timent aliquid facere  *pudore dignum*; Livius, xxii. 3: "non modo Patrum *majestatis*, sed ne deorum quidem satis metuens." *Hinc Majestati* assident *Pudor* et *Metus*. Lenzius comparat Hesiodi *Ἔργ.* 200; ubi *Αἰδώς καὶ Νέμεσις*, *Pudor* et *Nemesis*, relictis hominibus, deos adeunt. Confer ad versum 45. *Cultus*, id est, vestitus, bene dicitur *componi*; Plin. iv. Ep. xi. 3: "Postquam se composuit, circumspexitque habitum."

31. *Suspectus*, admiratio. Intrare, ut alibi *subire*, de iis, quæ oriuntur

Hic status in cœlo multos permansit in annos,  
 Dum senior fatis excidit arce deus.  
 Terra feros partus, immania monstra, Gigantas 35  
 Edidit, ausuros in Jovis ire domum.  
 Mille manus illis dedit, et pro cruribus angues;  
 Atque ait: In magnos arma movete deos.  
 Exstruere hi montes ad sidera summa parabant,  
 Et magnum bello sollicitare Jovem. 40  
 Fulmina de cœli jaculatus Jupiter arce,  
 Vertit in auctores pondera vasta suos.  
 His bene Majestas armis defensa deorum  
 Restat; et ex illo tempore firma manet.  
 Adsidet illa Jovi; Jovis est fidissima custos; 45  
 Et præstat sine vi sceptrâ tremenda Jovi.  
 Venit et in terras: coluerunt Romulus illam  
 Et Numa; mox alii, tempore quisque suo.

in animo. *Status*, rerum conditio. *Dum senior*, etc. donec Saturnus in tartara missus est. De *fatibus*, ex quibus id factum, vide ad iv. 197.

35. De *Gigantibus*, Terræ filiis, *Metam.* i. 151. sqq. *Ausuros*, deposita reverentia, spretaque Jovis majestate. *Ire in aliquem* etiam de hostili impetu. Matre impellente, regnum cœleste illi affectabant, et "centum quisque parabant Injicere anguipedum captivo brachia cœlo" *Metam.* i. 183. Sed hoc loco illa descriptio *Mille manus*, etc. numeros Ovidianos parum referre Heinsio videbatur, licet eam etiam Scholiast. Statii ad v. *Theb.* 569. sic exhibeat. Mallet ergo *Mille manus et mille dedit pro cruribus angues*. Parum tamen aberat, quin crederet, totum distichon ab interpolatoris manu esse; potest sane salvo sensu abesse. *Pondera vasta*, montes congestos, quos Jupiter vertit in *auctores suos*, eos, qui con-

gesserant; unde illi *mole sua* obruti jacebant *Metam.* i. 156.

43. Sic salva mansit majestas deorum, nec quisquam postea spernere eam ausus est. *Adsidet*, etc. *Σύνθρονος* Jovi est, ut apud Æschylum *Cœph.* 243. *Κράτος καὶ Δίκη*, quibus ille mundum regit; apud Callimach. *hymn. Jov.* 67. *Βίη καὶ Κράτος*, quibus imperium debet; et apud Horatium, *I. Od.* xii. 20. *Pallas*, quam in consilium adhibet. *Custos*. Etiam dii tutores et conservatores rerum hominumque *custodes* dicuntur; Horatius, *I. Od.* xxxvi. 3. Pro illa Taubnero aliorum inde non displicebat; sed jam antea adsederat. *Præstat*, etc. facit, ut omnes sola reverentia moti, metuant Jovem, neque ille vim, fulmina, rursus adhibere cogatur.

47. Etiam in terra regibus magistratibus, aliisque hominibus majestas tribuitur. Ac *Romulus* quidem, ut leges latæ generi hominum agresti

Illa patres in honore pio matresque tuetur ;  
 Illa comes pueris virginibusque venit ;        50  
 Illa datos fasces commendat, eburque curule ;  
 Illa coronatis alta triumphat equis.  
 Finierat voces Polyhymnia : dicta probarunt  
 Clioque, et curvæ scita Thalia lyræ.  
 Excipit Uranie : fecere silentia cunctæ ;        55  
 Et vox audiri nulla, nisi illa, potest :  
 Magna fuit quondam capitis reverentia cani,  
 Inque suo pretio ruga senilis erat.  
 Martis opus juvenes, animosaque bella gerebant ;  
 Et pro dīs aderant in statione suis.        60  
 Viribus illa minor, nec habendis utilis armis,  
 Consilio patriæ sæpe ferebat opem :

sanctæ essent, “ se ipse venerabilem insignibus imperii fecit, et cum cætero habitu angustiore, tum maxime licitoribus;” Livius, i. 8. *Coluerunt*, magni eam fecerunt, putarunt multum ea effici. *Alta*, sublimis in curru triumphali. *Scita*, perita.

55—78. Altera sententia, quæ fuit Fulvii Nobilioris. Macrobius, Sat. dicto loco: “ Fulvius Nobilior in Fastis, quos in æde Herculis Musarum posuit, Romulum dicit postquam populum in majores minoresque divisit, ut altera pars consilio, altera armis rempublicam tueretur, in honorem utriusque partis hunc Maium, sequentem Junium mensem vocasse.” Eam sententiam Ovidius, I. 41. amplexus est, et infra 527.

57. Priscis temporibus senectus in summo honore ponebatur, quia rerum gravissimarum scientia non nisi diuturno usu comparari poterat. Ὁ γὰρ χρόνος διδάγμα ποικιλώτατον, Euripid. Belleroph. fragm. 22. Honestissimum ejus domicilium Lacedæmone erat; Cic. Senect. 18. ubi id agit, ut senectutis honoratæ auctorita-

tem in luce colloquet. Noster quum dicit *canum caput* et *ruga senilis*, ut poeta et e sensu vulgi loquitur; Cicero contra dicto loco, ut philosophus: “ Non cani, non rugæ repente auctoritatem arripere possunt,” sed vita superior bene acta. Juventutem et senectam etiam Aristotel. Polit. vii. 9. sic comparat: ἡ μὲν δύναμις ἐν νεωτέροις, ἡ δὲ φρόνησις ἐν πρεσβυτέροις ἐστίν. Inde cuique sua tribuebant munera. Eurip. Melan. fragm. 17: Παλαιὸς αἶνος. Ἔργα μὲν νεωτέρων, Βουλαι δ' ἔχουσι τῶν γεραυτέρων κράτος. In *ἔργοις* erat inprimis *Martis opus*, quod etiam ab Homero “*Ἀρεως ἔργον*” dicitur. *Animosi*, ubi milites animos suos declarant. Ut hoc eorum opus commendaret, addidit: *pro dis aderant in statione suis*, pugnabant pro aris et focis. *Statio*, locus, ubi milites stant ejus defendendi causa. In *statione* igitur *adesse* aut est, ut Florus, I. i. 15. de bis ipsis juvenibus ait, “ ad subita belli excubare,” aut latiore sensu, bella gerere.

61. Non statim apparet, quo refe-

K k

Nec nisi post annos patuit tunc curia seros ;  
 Nomen et ætatis mite senatus erat.  
 Jura dabat populo senior : finitaque certis 65  
 Legibus est ætas, unde petatur honos.  
 Et medius juvenum, non indignantibus ipsis,  
 Ibat ; et interior, si comes unus erat.  
 Verba quis auderet coram sene digna rubore  
 Dicere ? censuram longa senecta dabat. 70  
 Romulus hoc vidit ; selectaque pectora Patres  
 Dixit : ad hos urbis summa relata novæ.

rendum sit pronomen *illa*. Equidem senectutem intelligo, cujus vis latet in *ruga*. *Habendis*, tractandis. *Consilio*, etc. Cicer. Senect. 6: "Consilio, auctoritate, sententia res magnæ geruntur, quibus non modo non orbari, sed etiam augeri senectus solet." Adde reliqua, quibus docet, maximas republicas ab adolescentibus esse labefactas, a senibus sustentatas.

64. Senatus dictus est a nomine *mitis*, sive maturæ ætatis. Juventus est *fervida*, senectus *mitis*; Metam. xv. 209: "Excipit autumnus, posito fervore juvenæ, Maturus mitisque, inter juvenemque senemque Temperie medius." Dionysius Halicarn. ii. 12. incertum relinquit, utrum ob senectutem, an ob virtutem *γεροντίας* sive *senatus* nomen acceperit; non ita dubitavit Cic. Senect. 6: "Consilium, ratio, sententia nisi essent in senibus, non summum consilium majores nostri appellassent senatum. Apud Lacedæmonios quidem ii, qui amplissimum magistratum gerunt, ut sunt, sic etiam nominantur senes." Sic et Plutarchus in Romulo, 13. et alii. *Finitaque*, etc. Jam primis reipubl. Roman. temporibus matura ætas spectabatur in magistratibus creandis. Hinc anno U. C. 539. Cornelio Scipioni ædilitatem spectanti obstiterunt tribuni ple-

bis, quod nondum ad petendum legitima ætas esset; Livius, xxv. 2; sed serius Villius, trib. plebis legem annalem tulit, qua anni singulorum honorum definiti sunt. Vide Ducker. ad Livium dicto loco. *Finita* igitur, definita.

67. Non modo in republica, privatim quoque honorabatur senectus; vid. Cicero Senect. 18. Locum *medium* fuisse apud Romanos aliosque populos honoratissimum, etiam ex Salustio, Jugurt. xi. 3. et Minuc. Octav. 4. apparet. Reliqui duo *latus* medii *tegere* dicebantur. *Juvenum*, inter juvenes. *Non indignantibus ipsis*, forte per *ἀρότητα* dictum, quum illi libenter id honoris concederent. Sic major est reverentia. *Interior*, Horatius, II. Sat. v. 17: "Ne tamen illi Tu comes exterior, si postulet, ire recuses;" ibi Gesnerus: "*Interior* de duobus una euntibus est, qui ad parietem it, sive dexter, sive sinister; *exterior*, qui ab illa exteriore parte, qua non ita munitus est, *latus* illi claudit vel *tegit*." *Censura*, jus castigandi turpiter vel loquentes, vel agentes cum respectu tamen ad censoris munus. Longa senecta quemque reddebat quasi morum magistrum; conf. Plutarchi Institut. Lacon. s. 3 et 4.

71. *Selecta*, præstantia. *Pectora*,



Hinc sua majores posuisse vocabula Maio

Tangor, et ætati consuluisse suæ. 74

Et Numitor dixisse potest; Da, Romule, mensem

Hunc senibus; nec avum sustinuisse nepos.

Nec leve præpositi pignus successor honoris

Junius, a juvenum nomine dictus, habet.

Tum sic, neglectos hedera redimita capillos,

Prima sui cœpit Calliope chori: 80

Duxerat Oceanus quondam Titanida Tethyn,

Qui terram liquidis, qua patet, ambit aquis.

*capita et corpora* ponunt Latini, ubi nos personas, homines dicimus. Vulgo legitur *corpora*; sed Heinsius *pectora* prætulit, quia de consilii, non virium præstantia agitur. Quæsitum jam olim, cur *Patres* dicti; Sallustius Catil. vi. 6: "Hi vel ætate, vel curæ similitudine Patres appellati." Plutarcho in Romulo, 13. credibile videtur, Romulum hoc nomine admonuisse et senatores, ut paterno affectu cives amplecterentur, et plebem, ne vel horrerent illos, vel inviderent iis. Quid Ovidius senserit, loci series indicat. Romulus *hoc vidit*, spectavit, effici voluit, ut plebs revereretur senatores. *Summa urbis* in se est vel summum imperium urbis, vel urbs universa, vel id, unde salus urbis pendet. Quid Romulus ad senatores retulerit, e rerum scriptoribus patet; secundum Dionys. Halic. ii. 12. elegit, quibuscum rempublicam administraret, *μεθ' ὧν πράττειν τὰ κοινὰ ἐμελλεν*. Eutropius, i. 1: "quorum consilio omnia ageret."

74. *Tangor*, inducor, ut credam. *Ætati consuluisse suæ*, ætati suæ hunc honorem habuisse. *Non sustinet alterum*, qui non potest non satisfacere ejus precibus; Met. xiv. 788: "nec Nymphæ justa petentem Sustinuere deam;" Liv. xxxi. 13: "Senatus

querentes eos non sustinuit." *Nec leve*, etc. eandem etymologiam satis confirmat et hoc, quod mensis sequens Junius a juvenibus nomen habet. Sed *Junii* quoque nomen ambiguum; vi. init. *Pignus*, quidquid rem certam facit aut tutam, ergo et argumentum. Junius *succedit* ordine, ergo et *honore*; sic Lenzius. Potest tamen *honoris* cum *pignus* conjungi, quod melius puto.

79—110. Tertia sententia, ex qua mensis a Maia, Mercurii matre, dictus. Macrobius dicto loco: "Cincius mensem nominatum putat a Maia, quam Vulcani dicit uxorem; argumento utitur, quod flamen Vulcanalis Kalendis Maiis huic deæ rem divinam facit;" et mox: "Contentuant alii, Maiam, Mercurii matrem, mensi nomen dedisse," etc. Calliope *prima chori*, quia præerat epico carmini; Met. v. 662. *maxima* Musarum vocatur; et ibid. 339. canere incipit: "immissos hedera collecta capillos." Mulieres doni sedentes capillos in faciem immissos, aut sparsos per humeros et defluentes habebant; ii. 772; cantaturæ colligebant eos nodo, ut dicturi togam componebant. *Hedera* doctarum frontium decus.

82. *Qui terram*, etc.] Met. i. 187: "qua totum Nereus circumtonat orbem." Sed Heinsius hoc loco *Qua*

Hinc sata Pleione cum cœlifero Atlante  
 Jungitur, ut fama est; Pleiadasque parit.  
 Quarum Maia suas forma superasse sorores 85  
 Traditur, et summo concubuisse Jovi.  
 Hæc enixa jugo cupressiferæ Cyllenes,  
 Ætherium volucris qui pede carpit iter.  
 Arcades hunc, Ladonque rapax et Mænalos ingens  
 Rite colunt, luna credita terra prior. 90  
 Exsul ab Arcadiis latios Evander in agros  
 Venerat; impositos adtuleratque deos.  
 Hic, ubi nunc Roma est orbis caput, arbor et herbæ,  
 Et paucæ pecudes, et casa rara fuit. 94  
 Quo postquam ventum; Consistite, præscia mater,  
 Nam locus imperii rus erit istud, ait.  
 Et matri et vati paret Nonacrius heros;  
 Inque peregrina constitit hospes humo.  
 Sacraque multa quidem, sed Fauni prima bicornis  
 Has docuit gentes, alipedisque dei. 100

malit. Sane *Tethys* æque bene pro mari ponitur, ut *Amphitrite*, Neptuni uxor Met. i. 14. *Oceanus*, Cœli et Terræ filius, unus ex Titanibus, *Tethyn* sororem habuit, Iapetum fratrem. Iapeti filius *Atlas Pleionem*, Oceani filiam, duxit, quæ in *Cyllene*, omnium montium *Arcadiæ* altissimo, *Pleiadas* enixa est; *Apollodorus*, I. i. 3; ii. 3; III. x. 1. *Atlas τῶς ὀμοῖς τῶν ὀβρανῶν ἔχειν* dicebatur; hinc passim a poetis latinis *califer* vocatur, quod *Heinsius* exemplis docet. Hoc ergo et nunc præferendum aliorum *stellifero*. De *Pleiadibus* iv. 169 sqq. *Maia* eo ipso in monte, in quo mater *Pleiadas*, *Mercurium* peperit, qui inde *Cyllenius* dicitur. *Arcadiæ* montibus alias *pineta* tribuuntur; ii. 275; Met. i. 217; sed nec *cupressi* in *Arcadia* infrequentes; *Pausanias*, p. 646;

idem, pag. 519. et 633. de cultu *Mercurii* apud *Arcadas* agit. *Ladon rapax* etiam ii. 274; *Ladon* et *Mænalos* eum colunt, quia ad illum et in hoc templa habebat. De *Arcadibus luna prioribus* ad i. 469. dictum.

91. *Mercurii* cultus mature in *Italiam* translatus; itaque mensis a matre ejus dici potuit. De adventu *Evandri* et vaticinio *Carmentæ* matris i. 499 sqq. *Arcadiis*, scilicet agris. *Impositos*, scilicet navi sæ; quos deos *Latio adtulerit*, *Dionysius Halicarn.* i. 32 sqq. narrat. *Hic, ubi*, etc. Hoc *Ovidius* sæpius repetit et inculcat; confer i. 515; ii. 280; iii. 71. *Nonacrius*; vide ad i. 478; ii. 167. *Heros*, quia *Mercurii* et *Nymphæ* filius; i. 471. *Paret* *Carmentæ* duabus ex causis, quia *et mater, et vates*.

99. *Sacræ multa.*] *Dionysius Halic.*

Semicaper, coleris cinctutis, Faune, Lupercis ;

Quum lustrant celebres vellera secta vias.

At tu materno donasti nomine mensem,

Inventor curvæ, furibus apte, fidis. 104

Nec pietas hæc prima tua est : septena putaris,

Pleiadum numerum, fila dedisse lyræ.

Hæc quoque desierat ; laudata est voce sororum.

Quid faciam ? turbæ pars habet omnis idem.

Gratia Pieridum nobis æqualiter adsit ;

Nullaque laudetur plusve minusve mihi. 110

i. 32. ubi plures deos ab Evandro et Carmenta allatos enumeravit, pergit : πολλά δὲ καὶ ἄλλα τεμένη καὶ βωμοὺς καὶ βρέτη θεῶν καθωσίωσαν. *Alipedem deum* ille non nominat, sed quidni Evander patris sui cultum invexerit ? *Faunus* hic obiter tantum memoratur, quia *Lupercalia*, (de quibus, ii. 267—449.) celeberrima. De *Fauno* dictum ad ii. 267. ubi et *bicornis* vocatur. *Semicaper*, ut iv. 752 ; *Metam.* xiv. 515. Pro eo ii. 361. *cornipes*. *Cinctuti* quo sensu Luperci dicantur, apparet e Plutarcho, *Quæst. Rom.* tom. vii. p. 131. ubi currunt ἐν περιζώμασι, cincti subligaculis. *Vellera*, pelles caprarum mactatarum, quas Luperci sectas manibus tenebant, quibusque mulieres obvias verberabant ; Plutarchus dicto loco, et in *Rom.* 21. Confer supra ii. 425 sqq. *Lustrant*, *Lupercalia* enim erant καθάρσια, lustralia. *Materno donasti*, etc. Hoc quidam inde maxime probabant, quod hoc mense mercatores omnes Maïæ pariter atque Mercurio sacrificabant ; *Macrobius*, i. *Satura.* 12 ; confer infra ver. 671 sqq. *Inventor*, etc. *Horat.* I. *Od.* x. 6 : “ Curvæ lyræ parens.” Primum lyram e testudine, intensis nervis vel ovium vel boum Apollinis abactarum fecit ; *Homer.* *hymn.* *Mercur.* 25 ; *Apollodor.* III. x. 2. *Lyra* major septem chordarum

erat ; quem numerum *Mercurius Plei-adibus* dedisse ingeniose dicitur ; sic ille *pius* in sorores ; nunc *pietas* in matrem accessit. De ejus attributis plura infra 663 sqq. Et de *Pleiadibus* iv. 169 sqq.

108. Paulo obscurius scripsit *Ovidius*, itaque dissentire interpt. videas in his verbis explicandis. *Marsus* : quasi unaquæque *Musa* habet idem in me juris, et quum singulæ singulis rationibus innitantur, nescio, quam magis adfirmem. *Taubnerus* : unaquæque *Pieridum* idem nunc habet sive existimat, quod jam *Calliope* dixerat ; ergo nunc fas est, me quoque assentiri. *Lenzius* : quæque trium illarum canentium habet idem turbæ, id est, æqualem numerum sibi assentientium, nempe binas ; ergo non audeo quidquam decernere. *Sensus* verborum *Gratia—mihi* certus est : nolo in hujus vel illius *Musæ* sententiam ire, quia omnes mihi favere volo. Qui sensus confirmatur etiam verbis vi. 97—99. in fine similis figmenti, ubi res clarius indicata est. Ergo etiam in prioribus explicandis *turbæ pars*, etc. *Lenzio* assentior. Major pars nihil decernere poterat ; vota erant paria. Sic et *Krebsius*. Cæterum alibi poeta *Uranix* assentitur, ut ver. 427 ; i. 41.

AB JOVE surgat opus : prima mihi nocte videnda  
Stella est in cunas officiosa Jovis.

Nascitur Oleniæ signum pluviale Capellæ :

Illam dati, cælum, præmia lactis habet.

Nais Amalthea, Cretæa nobilis Ida, 115

Dicitur in silvis occuluisse Jovem.

Huic fuit hædorum mater formosa duorum,

Inter Dictæos conspiciendâ greges,

Cornibus aeriis atque in sua terga recurvis,

Ubere, quod nutrix posset habere Jovis. 120

111—128. *Kalendis Maiis Capelle ortus* vel heliacus, ut vult Neapolis, vel, quod Taubnero magis placet, matutinus. Secundum Plin. xviii. 66. in viii. Iduum Maii incidit. Ad latus septentrionale viæ lacteæ sidus est Heniochi, in cuius humero sinistro stella clarissima fulget, cui *Capelle* nomen inditum; idemque manu *duos hædos* tenet duabus stellis formatos; Geminus, p. 45; Hyg. Poet. Astron. iii. 12. Harum stellarum origo hic narratur; sed magna varietate olim hæc res tractata est.

*Ab Jove, a Capella, Jovis nutrice.* Sed maluit alterum, ut sententiam assimilaret illis: "A Jove Musarum primordia" apud Arat. et Ζηνός τὶ λωτόν ἀειδέν, apud Callimach. hymn. Jov. 1. *Surgat* elegantius quam, incipiat; Trist. ii. 559: "Surgens ab origine prima mundi opus."

113. Musæus tradiderat, Jovem a Themide et Amalthea Nympha esse educatum; hanc capram habuisse in deliciis, quæ lac præberet. Theon. ad Arat. 64. ubi poeta Ὠλενίην αἶγα memorat, Amaltheam facit Oleni filiam. Parmeniscus, qui et ipse in Aratum commentatus erat, scripserat, ad Melissei, regis Cretensium, filias (quas Adrasteam et Idam Apollodoros vocat) Jovem nutriendum esse

delatur; eas vero, quum lac non haberent, capram admisisse Amaltheam nomine; eam *geminos hædos* illo tempore esse enixam, qui cum matre inter sidera sint relati. Vide scriptores modo laudatos.

*Nascitur, oritur. Pluvialis Capella* etiam Plinius, xviii. 26. quia ortu suo pluviam nuntiat. Sidera eleganter *signa* vocantur; vide Ernest. Clav. Cicer. hac voce. Eadem *cælum habere* dicuntur; Art. Amat. i. 557: *Minus habe cælum.*

119. *Aeria*, in aera se adtollebat, alta; sic *aerii montes, aeriæ arbores* apud poetas. *Trunca*, privata; Metam. ix. 1. *frons trunca*, cui alterum cornu revulsum. Ib. 98. hæc revulsio *ablatis jactura decoris* vocatur. Serta ex *herbis* aut floribus frequentior ornatus apud veteres. Pherecydes, qui in hac fabula nihil de capella habuerat, Amaltheam, Hæmonii filiam, tradiderat *cornu* habuisse, quod potulenta et esculenta largiter præberet; Apollodor. II. vii. 5. Et veteres cornibus varie utebantur, etiam ad fruges servandas; Met. ix. 91. Nympha fert *totum prædixite cornu Autumnum.* Hoc igitur fundamentum fabulæ fuisse videtur; *cornu* fecit, ut mox *capella* interponeretur.

Lac dabat illa deo : sed fregit in arbore cornu ;  
 Truncaque dimidia parte decoris erat.  
 Sustulit hoc Nymphe ; cinctumque recentibus her-  
 Et plenum pomis ad Jovis ora tulit. [bis,  
 Ille, ubi res cœli tenuit, solioque paterno 125  
 Sedit, et invicto nil Jove majus erat ;  
 Sidera nutricem, nutricis fertile cornu,  
 Fecit ; quod dominæ nunc quoque nomen habet.  
 Præstitibus Maiæ Laribus videre Kalendæ  
 Aram constitui, signaque parva deum. 130  
 Voverat illa quidem Curius : sed multa vetustas  
 Destruit, et saxo longa senecta nocet.  
 Causa tamen positi fuerat cognominis illis,  
 Quod præstant oculis omnia tuta suis.  
 Stant quoque pro nobis, et præsumt mœnibus urbis,  
 Et sunt præsentés, auxiliumque ferunt. 136

125. *Res cœli*, imperium cœli, ut Livius, i. 32. *res ad Patres redit*, aut cœlum ipsum ; Metam. ii. 513. Juno : *pro me tenet altera cælum. Fertile*, quia plenum pomis.

129—147. *Kalendis iisdem Laribus Præstitibus ara constituta*. De *Laribus* vide ad ii. 615 ; de *Laribus præstitibus* conf. Plutarch. Quæst. Rom. tom. vii. Opp. p. 119. Reisk. qui *πραιστῖταις* vocat, narratque non modo *canem* iis adstare, sed *caninis* etiam pellibus eos amiciri, ejusque rei causam adfert duplicem : 1º eandem, quam Ovidius, eos præesse ædibus, curam canum agere, et terrere alienos, qualis et sit natura canum ; 2º Lares esse genios diros ad puniendum factos.

*Curius*.] Haud dubie Manius ille Curius Dentatus, qui Sabinos vicit, et de Pyrho rege triumphavit. Cultus tamen Larium Romæ antiquior, ut ad ii. 615. vidimus. Olim autem edebatur : *Ara erat illa quidem Curi-*

*bus* ; in quibus forte vera lectio latere potest. Nam primus ædem Laribus exstruxisse T. Tadius, Sabinorum rex, a Varrone traditur. *Multa*. Ut vetustas multa destruit, ita et saxis nocet. *Destruata esse illa signa*, ver. 144. diserte dicit ; nunc vero sententia generali utitur, cui similis est alia apud Plinium, paneg. lv. 9 : “ Arcus enim et statuas, aras etiam templaque demolitur et obscurat oblivio.” *Senecta* pro vetustate.

134. Comparat Neapolis e Martiano Capella hæc : “ Specialis singulis mortalibus genius admovetur, quem et Præstitem, quod præsit gerundis omnibus, vocaverunt.” Sed in vocabulis *Quod præstant—auxiliumque ferunt* multum redundantiæ est ; singulæ enim formulæ eodem redeunt ; namque etiam *præsentiæ* dei in auxilio cernitur, quod nobis fert. *Præsunt mœnibus urbis* ; erant enim etiam publici Lares, ut ad ii. 615. admonitum.

At canis ante pedes, saxo fabricatus eodem,  
 Stabat : quæ standi cum Lare causa fuit ? [que.  
 Servat uterque domum, domino quoque fidus uter-  
 Compita grata deo ; compita grata cani. 140  
 Exagitant et Lar, et turba Diania fures ;  
 Pervigilantque Lares ; pervigilantque canes.  
 Bina gemellorum quærebam signa deorum,  
 Viribus annosæ facta caduca moræ : 144  
 Mille Lares, Geniumque ducis, qui tradidit illos,  
 Urbs habet ; et vici numina trina colunt.  
 Quo feror ? Augustus mensis mihi carminis hujus  
 Jus dabit : interea diva canenda Bona est.

138. *Stabat*, nempe ad Curii aram. *Grata deo*, inde Lares Compitales dicti, et in compitis culti ; Dionysius Halicarn. iv. 24. *Grata cani* ; in compita enim purgamenta et sordes abjiciebantur ; Erhard. Symb. in Petronium, 134. Inde apud Phædrum, I. fab. xxvii. 11 : *Canis trivio conceptus*. Lares dea Muta gemellos pepererat ; ii. 615. Eorum signa a Curio posita quum quæreret Ovidius, non reperit eadem, quippe caduca facta, alios vero *Lares mille* vidit. Erant enim Romæ 265. compita Larium, auctore Plinio iii. s. 9. p. 156. Harduini. Jam, quoniam Augustus *Compitales Lares ornare bis anno instituit, vernis floribus et æstivis*, (Suetonius August. 31.) propterea hic quoque poeta occasionem captat ei adulandi. Lares et *Genii* sæpe conjunguntur ; *Genius* enim deus, in cuius tutela quisque vivit. *Genium Cæsaris cives Romani colere solebant*. Minuc. Felix in Octav. xxix. 6 : "Sic ejus nomen vocant, ad imagines supplicant, genium, id est dæmonem ejus implorant." Horatius, IV. Od v. 34. ad Augustum : *Laribus tuum Miscet numen*. Atque etiam nunc *dux*

est Augustus ; etiam Persius, Satyr. vi. 48. *deos geniumque ducis nominat*.

148—158. *Kalendis Maiis etiam Bonæ deæ ædes dedicata*. Etiam de hac dea, quæ Græcis *θεός γυναικεία* dicta, variæ erant veterum opiiones. Cornelius Labeo auctor erat, Maiæ ædem Kalendis Maiis dedicatam esse sub nomine Bonæ Deæ ; eandem deam et Faunam, Opem, Fatuam dictam ; Macrobius, i. Saturn. 12. ubi et aliæ sententiæ recensentur. Varro Fauni filiam tradiderat, adeo pudicam, ut extra gynæceum nunquam sit egressa, nec nomen ejus in publico fuerit auditum, ut nec virum unquam viderit, nec a viro sit visa ; unde factum sit, ut viro templum ejus ingredi non licuerit ; sed locus classicus de hac dea ejusque sacris est apud Plutarchum in Vita Cæsaris, cap. 9 ; secundum eum Phryges eam sibi vindicantur domesticam, Midæ matrem, Romani autem Fauni conjugem dixerunt.

[*Est moles*, etc.] Templum intelligi, in monte Aventino positum, certum est ; ei enim monti *Remus institerat* aves consulturus ; Livius, i. 6. Negat tamen Neapolis, qui putat designari

Est moles nativa; loco res nomina fecit:

Appellant saxum; pars bona montis ea est. 150

Huic Remus institerat frustra, quo tempore fratri

Prima Palatinæ signa dedistis aves.

Templa Patres illic, oculos exosa viriles,

Leniter adclivi constituere jugo.

Dedicat hæc veteris Clausorum nominis hæres, 155

Virgineo nullum corpore passa virum.

Livia restituit; ne non imitata maritum

Esset, et ex omni parte secuta virum.

POSTERA quum roseam pulsus Hyperionis astris

In matutinis lampada tollit equis; 160

alteram deæ ædem in regione duodecima. *Oculus exosa viriles*, quia viris accessus non dabatur; Plutarchus dicto loco "Ἄνδρα δὲ προσελθεῖν οὐ θέμεις, οὐδ' ἐπὶ τῆς οἰκίας γενέσθαι τῶν ἱερῶν ὀργιζομένων" Noster, Art. Amator. iii. 637: "quum fuget a templis oculos Bona diva virorum." Quicumque vir illa sacra vel imprudens adspexisset, eum oculis orbari credebant; Tibullus, I. vi. 24. Causam ejus rei reddidit Varro, loco modo allato. De *Clausorum* gente, et de Claudia Quinta, virgine sancta, illius nominis herede, vide ad iv. 305; quamquam nunc et alia virgo intelligi potest Claudia. *Livia* autem opus etiam i. 649. laudatur.

159—182. *Die secundo, aut vi. Nonarum Argestes ventus surgit, et Hyades oriuntur.*

*Hyperionis* et Thiaë filia Aurora; ei lampas tribuitur, sive fax et quidem rosea; eum enim colorem omnia referunt, quæ Auroræ sunt. *Tollit in equis*, vocata equis, nempe bigis; Æn. vii. 26. "Aurora in roseis fulgebat lutea bigis;" Tibullus, I. iii. 93: "Luciferum roseis candida portat equis." *Argestes*, ventus ab occasu

VOL. V.

solstitiali, hoc est, septentrionali, et frigida parte occidentis, flans, qui idem et Corus; Plinius, ii. 47; sed Seneca Nat. Qu. v. 16. discrimen facit: "A solstitiali occidente Corus venit, qui apud quosdam Argestes dicitur. Mihi non videtur; quia Cori violenta vis est, et in unam partem rapax; Argestes fere mollis est, et tam euntibus communis, quam redeuntibus." In nostrum Argestem convenit, quod ille de Coro dicit; sed et Plin. xviii. 77: "Corus fiat ab occasu solstitiali et occidentali latere septentrionis, a Græcis dictus Argestes, ex frigidissimis et ipse." *Miscebit* dicitur de vehementioribus motibus tam ventorum, quam civitatum. Sed *mulcebit*, quod cæteri omnes habent, Zephyri potius lenitatem decet. Burman. etiam vidit a *Calabris* legendum esse, non, a *Capreis*, quamquam sic plurimi MSS. quia paucæ naves a Capreis solvebant, plurimæ contra a Capreis Brundusino Calabrorum sinu; sed quum idem putat, *Calabras aquas* dictas esse pro quibuscumque, fallitur. Argestes enim, qui idem et Iapyx, secundus fuit e Brundusino portu Græciam petenti-

l. l

Frigidus Argestes summas miscebit aristas,  
 Candidaque a Calabris vela dabuntur aquis.  
 At simul inducunt obscura crepuscula noctem,  
 Pars Hyadum toto de grege nulla latet.  
 Ora micant Tauri septem radiantia flammis, 165  
 Navita quas Hyadas Graius ab imbre vocat.  
 Pars Bacchum nutrisse putat; pars credidit esse  
 Tethyos has neptes, Oceanique senis.  
 Nondum stabat Atlas, humeros oneratus Olympo,  
 Quum satus est forma conspiciendus Hyas. 170  
 Hunc stirps Oceani maturis nisibus Æthra  
 Edidit, et Nymphas; sed prior ortus Hyas.  
 Dum nova lanugo, pavidos formidine cervos  
 Terret; et est illi præda benigna lepus.  
 At postquam virtus annis adolevit, in apros 175  
 Audet et hirsutas cominus ire leas.

bus, quod vel ex Horatio, I. Od. iii. constat, et quod situs illarum terrarum docet.

163. *Hyadum ortus.*] Secundum alios non post solis occasum oriuntur, sed matutino; Plinius, xviii. 66. 1: vi. *Nonas Maii Cæsari Suculæ matutino oriuntur*; Aetio id faciunt uno die ante: Μηνὶ Ἀρτεμισίῳ, ὃ ἔστι Μαΐω αἱ Ἰάδες ἅμα ἡλίου ἀνατολῇ ἐπιτέλλουσιν. *Pars nulla* pro nulla simpliciter; ii. 156. *pars una chori*, una ex choro. *Crepuscula inducunt noctem*, ut Metam. i. 219. *trahunt. Hyades*, septem stellæ in ore *Tauri*. De origine earum variæ veterum opiniones, quas Hyginus fab. 182. 192; Poet. Ast. ii. 13. collegit. *Bacchi eas nutrices* fuisse, Pherecydes secundum Schol. Homeri ad Il. Σ. 486. dixerat, quem et Apollodorus, III. iv. 3. secutus est. Male veteres Romani *Suculus* eas appellarunt, quia Græcis ὕεσ, *sues* sunt; vide Gellium, Noct. Attic. xiii. 9. Ex ea

opinionem etiam Noster *gregem Hyadum* dixit. Nonnulli nomen inde derivabant, quia in modum Y literæ positæ sunt; sed certum est, eas a verbo ὕειν, *pluere*, appellatas, quia ortu suo pluvias adferre credebantur.

168 sqq. Hæc et Hyginus Poet. Astron. dicto loco habet. *Oceani* filius *Atlas*, de quo vide ad Met. iv. 630. 656. *Æthra* ab aliis Pleione vocatur. Unus, *maternis nisibus*, quidam *maturis mensibus* exhibent. *Nova*, prima. *Formido* nunc non est metus, sed funis venatorius, versicoloribus plumis distinctus, quo cervi territi in plagas extensas irrebant; Seneca Hippol. 46: "Picta rubenti linea penna Vano cludat terrore feras." *Præda benigna*; acquiescit illa præda, majorem non appetit. *Libyca fera* leonem designat; Africa enim *leonum arida nutrix* Horatio, i. Od. 22. *Feta*, quæ modo enixa est.



Dumque petit latebras fetæ catulosque lænæ ;  
 Ipse fuit Libycæ præda cruenta feræ.  
 Mater Hyan, et Hyan mœstæ flevere sorores,  
 Cervicemque polo suppositurus Atlas. 180  
 Victus uterque parens tamen est pietate sororum :  
 Illa dedit cælum : nomina fecit Hyas.  
 Mater, ades, florum, ludis celebranda jocosis :  
 Distuleram partes mense priore tuas.  
 Incipis Aprili ; transis in tempora Maii : 185  
 Alter te fugiens ; quum venit, alter habet.  
 Quum tua sint, cedantque tibi confinia mensum,  
 Convenit in laudes ille vel ille tuas.  
 Circus in hunc exit, clamataque palma theatris :  
 Hoc quoque cum circi munere carmen eat. 190

180. Ad tædium usque repetit illud, Atlantem cælum portasse ; vers. 83. 169. *Victus est pietate*, minus pius est. Major pietas sororum fecit, ut inter sidera referrentur. Sed si nauta Græcus Hyadas ab imbre vocavit, ut vers. 166. recte admonitum est, quid opus erat idem nomen etiam ex mythis repetere ? Ita et poetæ sententia secum pugnat.

183—378. *Floralia*, de quibus ad iv. 943. ubi eorum initium. Post invocationem deæ usque ad ver. 192. ejus origo et potestas narratur 195—274 ; tum cultus usque ad finem. *Matres* earum rerum dicuntur deæ, quibus præsent. *Ludi* illi impudici verius quam *jocosi*, ut ad ver. 331. videbimus. *Partes* alibi officium aliquis ; quia persona, quam histrio agendam suscepit, ejus *partes*. Nunc etiam ea intellig. quæ Floræ debentur, quod omnis locus sequens docet. *Incipis*, ludi tui incipiunt. *In tempora Maii*, in diem tertium ; hinc in Kalendaris ad omnes illos dies *Ludi* notantur. Hoc memorabile Ovidio

visum est et lusu dignum ; itaque ei rei inhæret per quatuor versus. *Fugiens*, μήν φθίνων, ad exitum vergens. *Mensum* pro *mensium* etiam infra 424. et Met. viii. 500. *Cedant*, sacra tibi sint.

189. Et ludi Circenses et scenici in hunc *excunt*, durant, ut iv. 947. *Circus* Floræ proprius in regione sexta ut e Sexto Rufo apparet. In ludis artificibus præstantissimis *palma* id est plausus maximo clamore a theatris, spectatoribus, dabatur ; de clamore illo Arnobius adv. Gentes iv. p. 152 : “ conclamant et adsurgunt theatra, caveæ omnes concrepant fragoribus atque plausu.” *Munus* etiam de ludis et spectaculis. Ernest. Clav. Cicer. hac voce, observat semper de gladiatoris dici ; Ovidium autem, quum hoc loco *circi munus* dixerit, locutum esse ut poetam. Verum in Floræ circo etiam venatorii ludi dabantur ; ver. 371. *Cum circi munere carmen eat* Lenzius interpretatur : carmen meum tibi offeratur, tamquam munus, una cum Circensibus. Equi-

Ipsa doce, quæ sis ; hominum sententia fallax :

Optima tu proprii nominis auctor eris.

Sic ego ; sic nostris respondit diva rogatis ;

Dum loquitur, vernas efflat ab ore rosas :

Chloris eram, quæ Flora vocor : corrupta Latino 195

Nominis est nostri litera Græca sono.

Chloris eram, Nymphæ campi felicis, ubi audis

Rem fortunatis ante fuisse viris.

dem malim accipere, ut ii. 2 : *Alter ut hinc mensis, sic liber alter eat. Auctor, interpres. Rosas, odorem rosarum, qui odor mansit etiam, ubi discessit ; ver. 376.*

195—274. Jucundissima narratio de *Floræ origine et potestate*. Secundum Varronem de Ling. Lat. iv. 10. fuit antiqua Sabinorum dea, cujus cultum T. Tatius rex Romam transtulit. Scriptores ecclesiastici, Minuc. Felix, xxv. 9. Lactantius Inst. I. xx. 6. Arnobius adversus Gentes, iii. p. 113. parum honestam ei dant originem. Ex arte enim meretricia quum magnas opes quæsivisset, populum Romanum scripsit hæredem, certamque pecuniam reliquit, cujus ex annuo fœnore natalis suus celebraretur ludis ; sed senatus, ut pudendæ rei dignitas quædam adderetur, finxit deam, quæ floribus præssset, eamque oportere placari, ut fruges cum arboribus vitibusque florescerent. Quæ traditio ludorum, quibus Flora colebatur, lascivia confirmari videtur. Longe alia autem Ovidius habet ; eo enim auctore, nympha fuit in campis fortunatis, olim *Chloris* dicta, quam Zephyrus duxit, et magna in flores potestate auxit, quamque Mars, quum ei ortum suum deberet, deam Romanam fecit. Lenzius e Catulli carmine de Berenices coma colligit, fabulam de Chloride, Zephyri uxore, fuisse antiquam ; eam poetas Alexandrinos ad Arsinoen, Ptolemæi Phi-

ladelphi uxorem, transtulisse, et Ovidium forte e Callimachi carmine *Aïria* hausisse.

*Chloris eram, etc.*] *Flora* nomen aperte habet a floribus ; sed Ovidius facere finxit, ut e Chloride *Floram* facere posset. Pro *corrupta*, cum Horatio Art. Poet. 53, *parce detorta* dicere potuisset. *Chloris* est a græco *χλωρός*, viridis, vicens, florens, ut adeo hæc duo nomina sensu non multum inter se differant. *Campi felicis* ; intellige insulas fortunatas, quas præeunte Hesiodo *Ἐργ.* 170 sqq. Horatius, Ep. xvi. 41. describit, quamquam etiam Homerus, Od. Δ. 563. simile quid de campo Elysio ad fines terræ tradidit. In illis insulis, *Μακάρων νήσοισι*, juxta oceanum profundum, beati heroes, *ἄλβιοι ἥρωες*, sine curis habitant, iisque terra ter quotannis dulcem fructum profert. Auctore Plutarcho in Vita Sertorii, cap. 8. duodecies centena millia passuum ab Africa distant ; et Barbari olim credebant campos ibi Elysios et sedem fortunatorum fuisse, quam Homerus laudaverit. Putant designatas esse istis insulas, quæ hodie *Canariæ* dicuntur ; vid. Heynii Opuscul. Acad. vol. i. p. 395. et Mitscherlichium ad Horatium dicto loco. *Ante Lenzius* conjungit cum *viris*, ut *οἱ πρῖν, οἱ πρόσθεν* intelligantur. Ego jungo cum *fuisse*, olim fuisse, nempe ea ætate, quam Hesiodus heroicam vocat ; sic infra ver. 222, *ante erat*.

Quæ fuerit mihi forma, grave est narrare modestæ;  
 Sed generum matri repperit illa deum. 200  
 Ver erat; errabam: Zephyrus conspexit; abibam:  
 Insequitur; fugio: fortior ille fuit;  
 Et dederat fratri Boreas jus omne rapinæ,  
 Ausus Erechthea præmia ferre domo.  
 Vim tamen emendat dando mihi nomina nuptæ; 205  
 Inque meo non est ulla querela toro.  
 Vere fruor semper: semper nitidissimus annus:  
 Arbor habet frondes, pabula semper humus.  
 Est mihi fecundus dotalibus hortus in agris:  
 Aura fovet; liquidæ fonte rigatur aquæ. 210

199. Observa modestiam, qua formam suam laudat. *Grave*, molestum. Pro, maritum mihi repperit, maluit, ut minus vulgare, *generum matri repperit*. Similiter fere *Metam. ii. 746*. Mercurius ad sororem virginis, quam petebat: tu velis "prolis meæ matertera dici." In verbis *ver erat—fuit*, exemplum insigne habemus incisorum, sive brevium orationis membrorum. *Errare* de ambulatibus. *Fortior*, velocior; deest *cursu*, quod *Met. iii. 619* sqq. additum. Zephyrus velocior erat, quippe ventus, et pennis Amoris adjutus, ut Phœbus *Met. i. 540*. Excusationem etiam marito reperit: *Et dederat*, etc. vim et rapinam licere sibi putabat ad exemplum fratris. De *Borea Orithyam, Erechthei*, regis Atheniensis, filiam rapiente, *Met. vi. 677* sqq. Raptum formula lenissima exprimit *præmia ferre*, namque *præmium* etiam de præda dicitur; *Metamorph. vi. 518*: "spectat sua præmia raptor;" et *Horatius, Epod. ii. 36*: "jucunda captat præmia."

205. *Vim emendat*, vim illatam compensat et honore et beneficiis. *Querela*. Douza observat, alluisse poetam ad formulam in epitaphiis

obviam *vixerunt sine querela*. Jam felicitatem suam efferre incipit. *Nitidissimus annus* etiam *ver. 265* legitur. *Nitere* bene dicitur de læto colore et jucunda facie terræ, ut jam ad *iv. 126* et *430*. admonitum. *Annus* ut alias de proventu terræ annuo legitur (*Virgil. Georg. ii. 516*: "pomis exuberat annus;" *Plin. paneg. xxix. 3*: "messibus nostris annus exuberat") sic nunc de superficie terræ. *Ver* hic optime repetitur; vere semper fruor, vere nitidissimus est annus, etenim humus tum semper habet pabula.

209—228. De hortulo suo et floribus narrat facunde et suaviter. *Dotales agri*, ut *Metam. xiv. 459. dotalia arva. Implevit*; Zephyrus enim flores provocat. *Arbitrium*, potestas, imperium, ut *iii. 316*; *iv. 818. Colores*; confer *iv. 439. Digestos*, apte dispositos. *Roscida pruinâ*, ros. *Excussa* nil nisi annota, siccata. *Comæ*, ut *iv. 438: comæ papaveræ*. Figmentum hoc de *Horis* et *Gratiis* aptum et ad horti præstantiam, et ad Floræ felicitatem declarandam. *Horæ*, Jovis et Themidis filix, *Eunomia*, *Dice*, et *Irene*, hominum operibus venustatem addunt; *Hesiod. Theog. 900* sqq:

Hunc meus implevit generoso flore maritus ;

Atque ait : Arbitrium tu, dea, floris habe.

Sæpe ego digestos volui numerare colores ;

Nec potui : numero copia major erat.

Roscida quum primum foliis excussa pruina est, 215

Et variæ radiis intepuere comæ,

Conveniunt pictis incinctæ vestibus Horæ ;

Inque leves calathos munera nostra legunt.

Protinus arripiunt Charites ; nectuntque coronas,

Sertaque cœlestes implicitura comas. 220

Prima per immensas sparsi nova semina gentes :

Unius tellus ante coloris erat.

Prima Therapnæo feci de sanguine florem :

Et manet in folio scripta querela suo. [tos :

Tu quoque nomen habes cultos, Narcisse, per hor-

Infelix, quod non alter et alter eras ! 226

vide Grævium. Itaque et *Ἐργ.* 73. cum Gratiis adsunt ad Pandoram floribus vernis coronandam. Quin ab iis ipsis pulchritudo Græcis dicta est *ἄρα*. Incedunt *pictis vestibis incinctæ*, ut apud Orpheum hymn. 42. 6 : *πέπλους ἐννύμναι ἑροσεροῦς ἀνθῶν πολυτέρωτων*. Heinsius hoc loco, intelligit, vestes e floribus contextas, et tres MSS. habent *pictis floribus*. Equidem malim de vestibus capere, quales in Cyprio carmine, quod Neapolis laudavit, describuntur. Ibi Gratia vestes factas *ἔβαψαν ἐν ἀνθεσιν εἰαρινοῖσιν*, ubi additur *ὄλα φοροῦσ' Ὀραι*. *Leves*, nempe a vimine lento textos ; iv. 435.

221. Merita Floræ. Florum ex hominibus natorum creationem sibi vindicat, quia ejus opera intercesserat. *Therapnæo de sanguine flos* est hyacinthus, factus ex Hyacintho, juvene Lacedæmonio, quem Apollo sibi carissimum imprudens disco percussit, et in florem cognominem mutavit ;

Metam. x. 162. Is mox *Amyclides* vocatur, mox *Æbalides*, nunc *Therapnæus* a Therapnis, urbe Laconia, quamquam nunc omnino Lacedæmonium eo nomine indicari puto. Ita Callisto Arcas nunc *Tegeæa* vocatur, nunc *Mænalia*, nunc *Parrhasis* et *Nonacrina* ; vide ad ii. 167. Ita v. 89. Evander *Nonacrius*, qui fuit Pallanteo ortus ; vide et ad i. 478. De hyacintho veterum dictum ad Metam. x. 211 ; ibi quoque Phœbus suos *gemitus foliis inscribit, et ai ai Flos habet inscriptum funestaque litera ducta est*. Intelligunt nonnulli Delphinium *Ajais* (*eine Art Rittersporn*) cujus folium candidum figuras AJ cæruleo colore refert ; confer Metam. xiii. 395.

225. *Narcissus* Thespiensis, juvenis pulcherrimus, suæ ipsius imaginis, quam in fonte quodam conspexerat, insano amore correptus, atque tabescendo in florem sui nominis mutatus est ; Metam. iii. 339 sqq. *Alter et alter* argute, tu et is quem amabas,

Quid Crocon, aut Attin referam, Cinyraque crea-  
 De quorum per me vulnere surgit honor? [tum;  
 Mars quoque, si nescis, per nostras editus artes :  
 Jupiter hoc ut adhuc nesciat, usque precor. 230  
 Sancta Jovem Juno, nata sine matre Minerva  
 Officio doluit non eguisse suo.  
 Ibat, ut Oceano quereretur facta mariti ;  
 Restitit ad nostras fessa labore fores.  
 Quam simul adspexi ; Quid te, Saturnia, dixi, 235  
 Adtulit ? exponit quem petat illa locum ;  
 Addidit et causam : verbis solabar amicis ;  
 Non, inquit, verbis cura levanda mea est :  
 Si pater est factus neglecto conjugis usu  
 Jupiter, et nomen solus utrumque tenet : 240  
 Cur ego desperem fieri sine conjuge mater ;  
 Et parere intacto, dummodo casta, viro ?  
 Omnia tentabo latis medicamina terris ;  
 Et freta, Tartareos excutiamque sinus.

non eratis diversi juvenes, sed unus idemque. Fabula de *Croco* juvene in crocum florem mutato minus celebrata est; attingitur *Metam.* iv. 283. *Attis*, juvenis Phrygius, de quo supra iv. 223. *Is*, *Metam.* x. 104. a *Cybele* in pinum transformatur, hoc loco in florem, nempe violam; vide *Arnob. advers. Gentes*, v. p. 160. *Cinyra creatus*, *Adonis*, ab apro percussus *Veneris* beneficio in anemonen florem mutatus est; *Metam.* x. 735. *Honor*, flos, ut jam alibi notatum.

229. Mars a Junone sine Jove Floræ opera editus. Hæc commode inserta, quia causam habent, cur Flora sit dea Romana, et quia vim ejus maxime illustrant. Fabulam autem hanc verbo attigit etiam *Festus* in *Gradivi* etymo: "vel, ut alii dicunt, quia gramine sit ortus." Sed secun-

dum *Homerum*, II. E. 896; *Hesiodum*, *Theog.* 921; *Apollodorum*, I. iii. 1. Jupiter cum Junone Martem genuit. Quamquam aliis *Enyo* mater Martis erat; *Scholias*. ad *Homerum* dicto loco. *Vulcanum* contra alii sine patre ex Junone natum fingeant; *Hesiodus*, *Theog.* 925. *Precor*, opto.

231. De *Minerva* sine matre nata iii. 842. Ad *Oceanum* senem auxilii aut consilii petendi causa descendebant interdum dii, etiam Juno *Metam.* ii. 509; via igitur occidentali per *Floræ* hortum descendit.

241. Ad rem, quæ hic speratur, interp. Gallicus comparat librum recentiorem: *Lucina sine concubitu*. *Viro* nempe meo. *Dummodo casta*, non cum alieno concumbens. *Sinus*, recessus remotiores. *Excutiam*, perquiram.

Vox erat in cursu : vultum dubitantis habebam :  
 Nescio quid, Nymphæ, posse videris, ait. 246  
 Ter volui promittere opem, ter lingua retenta est :  
 Ira Jovis magni causa timoris erat.  
 Fer, precor, auxilium, dixit ; celabitur auctor :  
 Et Stygiæ numen testificatur aquæ. 250  
 Quod petis, Oleniis, inquam, mihi missus ab arvis  
 Flos dabit : est hortis unicus ille meis.  
 Qui dabat, Hoc, dixit, sterilem quoque tange juven-  
 Mater erit : tetigi ; nec mora, mater erat. [cam,  
 Protinus hærentem decerpsi pollice florem : 255  
 Tangitur ; et tacto concipit illa sinu ;  
 Jamque gravis Thracen, et læva Propontidos intrat ;  
 Fitque potens voti ; Marsque creatus erat.  
 Qui memor accepti per me natalis ; Habeto  
 Tu quoque Romulea, dixit, in urbe locum. 260

245. Verba *vox erat in cursu* et ad Junonem et ad Floram referri possunt. Si ad illam, sensus : plura loqui volebat, ut vi. 362. *spes erat in cursu*, longius progredi posse videbatur. Interpretæ Gallicus ad Floram retulit, sed *in cursu esse* potius notionem continuationis habet. Non autem audiendus est Taubænerus qui deam putat hæc locutam esse, quum curreret. *Dubitare*, deliberare, ut Æneid. ix. 190 : " Percipe quid dubitem."

251. Qualis flos intelligatur non constat. *Olenus* et Achaïæ et Bœotiæ oppidum. *Mater*, gravida. *Hærente* frondes et poma dicuntur in arbore, flores in caule plantæ ; ergo *hærentem* nunc plenitudinis tantum causa additum. *Tangitur* ; Neapolis legit, *Tangit et intacto*. Eum vituperat Heinsius, quia de Junone agitur, non de juvenca ; sed Burmannus monet, non adeo ineptam esse hanc lectionem ; eam capiendam esse de Junone, quæ

tangat florem a Flora decerptum, et statim concipiat ; se tamen malle : *Tangit ut, intacto concipit*.

257. *Gravis*, gravida. In Thracia Mars natus ; Vegetius, i. 28. Vulcani vinculis solutus in Thraciam migrat ; Homerus, Il. Θ. 361. Ibi sedet alto in vertice Hæmi ; Callimachus Del. 63. Thracia ad læva Propontidos sita. *Potens voti*, quum sit quod optamus, etiam Met. viii. 80. et 409 ; *votum potens*, ibid. 745 ; *jussi potens*, postquam effecerat, quod jussa erat, Metam. iv. 509.

261—274. Floræ potestas et regnum quam late pateat. Omnia amplectitur, quibus flos tribuitur. Hinc Floralia, auctore Plinio xviii. 29. instituta, " ut omnia bene deflorescerent." *Coronas* posuit pro floribus. *Tangere* nos dicuntur omnia quæ animum quocumque modo, etiam cura et sollicitudine commovent. *Area dives*, quia in area, soli data agri parte, fru-

Forsitan in teneris tantum mea regna coronis  
 Esse putes : tangunt numen et arva meum.  
 Si bene floruerint segetes, erit area dives :  
 Si bene floruerit vinea, Bacchus erit :  
 Si bene floruerint oleæ, nitidissimus annus ; 265  
 Pomaque proventum temporis hujus habent.  
 Flore semel læso pereunt viciæque fabæque ;  
 Et pereunt lentæ, advena Nile, tuæ.  
 Vina quoque in magnis operose condita cellis  
 Florent ; et nebulæ dolia summa tegunt. 270  
 Mella meum munus ; volucres ego mella daturas  
 Ad violam, et cytisos, et thyma cana voco.  
 Nos quoque idem facimus tunc, quum juvenilibus  
 Luxuriant animi, corporaque ipsa virent. [annis

menta exterebantur et inde in granaria transferebantur ; Horatius, lib. I. Od. i. 10 : " Quidquid de Libycis verritur areis ;" Virgilius, *Georg.* i. 190 : " magna veniet tritura." *Oleæ* flos non copiam tantum olei, sed omnino *nitidissimum annum* portendebat, ut et flos abundans amygdali ; *Virgil. Georg.* i. 187. *Nitidissimus annus* etiam ver. 207 ; pro eo ver. 327 : *si bene floreat annus*. Pomaque. Sensus : pomorum proventus, copia, pendet a tempore, quo florent.

267. *Lædi florem* omnium frugum putabant, si plenilunium in Floralia incideret ; Plinius dicto loco. *Nilus advena*, ut ii. 68. *Tibris advena*, quia ex alia terra decurrit. *Nili lentæ*, quia magna earum et copia et præstantia in Ægypto ; Martialis, xiii. 9 : " Accipe Niliacam, Pelusia munera, lentem." *Virgil. Georg.* i. 228. ubi et ipse hæc tria frugum genera conjungit : " Si vero viciamque seres, vilemque faselum, Nec Pelusiæ curam aspernabere lentis." Quæ de vino sequuntur, ea melius abessent. *Flos* enim et *nebula* vini est spuma

VOI. V.

tenuis in summo vino patans ; Plinius, xiv. 27. " Flos vini candidus probatur ; rubens triste signum est, si non is vini colos sit." Columell. xii. 30 : " Si vinum florere incipiet, sæpius curare oportebit." *Operose*, diligenter.

271. *Mellis donum* rectius sibi vindicat propter succos, quos floribus indidit apibus colligendos. *Violam* ; itaque et *Virgil. Georg.* iv. 31. præcipit : circum alvearia irriguum bibant violaria fontem. De thymo res nota ; et fuit proverbium : *dum thymo pascentur apes* ; *Virgil. Ecl.* v. 77. *Cytisus* fruticis genus, jucundo foliorum et sapore et odore, quo tam capellæ quam apes delectantur ; *Virg. Ecl.* x. 30 : vide Martin. ad *Georg.* ii. 431. *Nos quoque idem facimus* : meum quoque munus est, quum juvenes florent. Verbis *luxuriant*, etc. describitur is, quem Horatius florente juventa fervidum vocat. *Luxuriare* alias de succulentis et vegetis membris dicitur, ut *Metam.* vii. 292 ; *Virg. Georg.* iii. 81. Hoc loco de animorum vigore.

M m

Talia dicentem tacitus mirabar : at illa, 275  
 Jus tibi discendi, si qua requiris, ait.  
 Dic, dea, ludorum, respondi, quæ sit origo.  
 Vix bene desieram ; rettulit illa mihi :  
 Cætera luxuriæ nondum instrumenta vigebant ;  
 Aut pecus, aut latam dives habebat humum. 280  
 Hinc etiam locuples, hinc ipsa pecunia dicta est :  
 Sed jam de vetito quisque parabat opes.  
 Venerat in morem populi depascere saltus ;  
 Idque diu licuit, pœnaque nulla fuit.

275—330. Ludorum Floraliū origo ad veritatem historicam narratur. Anno U. C. 513. ut jam ad iv. 943. admonitum, Publicii Malleoli fratres, ædiles plebis, quum multi cives in publico pascerent, peculatus eos condemnarunt, atque e pecunia multatitia ludos Floræ instituerunt ; ii vero diu intermissi, tandem anno U. C. 580. L. Postumio Albino, M. Popillio Lænate coss. a C. Servilio instaurati sunt, et quotannis deinceps celebrati ; vide Spanheim. de Usu et Præstant. Num. tom. ii. p. 146.

279. *Instrumenta luxuriæ*, quæ serviunt luxuriæ, ei alimenta ministrant ; Plinius, ix. 13 : “ Pollio, sagacis ad luxuriæ instrumenta ingenii.” Salustius, Catilin. xxv. 2 : “ psallere, saltare et multa alia, quæ instrumenta luxuriæ.” Adde Justinum, xxx. 1 ; Cicero Catilin. ii. 5. *instrumenta virtutis* similiter. *Vigebant* dictum, ut Horat. I. Satyr. iii. 61 : *vigent ubi crimina. Latam humum*, latos agros. *Hinc etiam*, etc. Sic et Plinius xviii. 3 : “ Hinc et locupletes dicebant, loci, hoc est agri plenos. Pecunia ipsa a pecore appellabatur.” Columella vi. præf. “ Nomina pecuniæ et peculii tracta videntur a pecore, quod non solum veteres possederunt, sed

adhuc apud quasdam gentes unum usurpatur divitiarum genus.” Paulo aliter Plinius xxxiii. 3 : “ Signatum est nota pecudum : unde et pecunia appellata.” *Sed jam* iis temporibus, quibus, iudice Livio in præf. quanto rerum minus, tanto minus cupiditatis erat, nitebantur in *vetitum*.

283. *Saltus*, pascua ; vide Clav. Cicer. in hoc vocab. Et nunc publica pascua intelliguntur. Talia pascua habebat multa populus Romanus, unde luculentum vectigal, quum, qui pasceri in iis vellent, pro singulis pecoribus certam pecuniam solverent. Jus pasceri habebant, postquam nomina sua detulerant, atque apud publicanum subscriperant, unde vectigal illud *scriptura* dicebatur, quod diu unum vectigal fuit ; vide Clav. Ciceron. hoc vocab. atque Burmannum de Vectigalibus, cap. iv. Sed multi se subtrahebant ei oneri, conniventibus iis, quibus ejus rei cura data, atque clam armenta illuc abigebant. Itaque *vulgus*, populus, *sua publica servabat nullo vindice*, sic habebat, ut nemo depascendi morem coerceret. *Licentia* illa eo progressa est, ut tamquam *inertes*, timidi, riderentur, qui in privato pascerent.



- Vindice servabat nullo sua publica vulgus : 285  
 Jamque in privato pascere inertis erat.  
 Plebis ad ædiles delata licentia talis  
 Publicios : animus defuit ante viris.  
 Rem populus recipit : mulctam subiere nocentes ;  
 Vindicibus laudi publica cura fuit : 290  
 Mulcta data est ex parte mihi ; magnoque favore  
 Victores ludos instituere novos.  
 Parte locant clivum, qui tunc erat ardua rupes :  
 Utile nunc iter est ; Publiciumque vocant.  
 Annua credideram spectacula facta ; negavit ; 295  
 Addidit et dictis altera verba suis :

287. Ad *ædiles plebis* cura pascuorum pertinebat. *Publicios* ; Festus Lucium et Marcum Publicios Mallolos vocat. *Deferre* nunc est indicis, qui rem ædilibus notam facit, ut eam ad populum perferant. *Animus defuit ante* ; tamen Livius, x. 23 et 47. narrat jam anno U. C. 457. ædiles plebis, et an. 462. ædiles curules e multatitia pecunia, quam pecuariis damnatis exegissent, vel ludos fecisse, vel viam stravisse. *Pecuarios* Drakenb. et Burmann. publicanos intelligunt ; Stroth. et Ernest. in Glossar. Liviano, homines qui conductis pascuis publicis e re pecuaria quæstum faciebant. Sed non apparet, cur ab his mulctam exegerint. Sine dubio hoc nomine illis locis iidem designantur, quos Ovidius hoc loco notat. *Recipit* iudex nomen et causam, quæ ad eum defertur ; *rem populus recipit*, quia res in iudicio populi acta est, quod ex alio Livii loco xxxiii. 42. patet : “ *Ædiles plebis multos pecuarios ad populi iudicium adduxerunt, ex eorum multatitia pecunia ædem in insula Fauni fecerunt.*” *Vindices*, qui rem detulerant ad populum. Ab hac *publica cura* Lenzius putat Publicios fratres nomen traxisse.

291. Floræ pars multæ data, quia et arva atque pascua ejus numen tangebant, ver. 262. Data autem ei pars duplex, namque auctore Tacito, *Annal. ii. 49* ; “ *juxta circum maximum ædes Floræ ab L. et M. Publiciis ædilibus constituta est,*” quam Tiberius instauravit. *Victores* in illa causa. *De clivo* munito consentiunt Varro de Ling. Lat. iv. et Festus in hoc vocab. Ille enim hæc habet : “ *Clivus Publicius ab ædilibus plebis Publiciis, qui eum publice ædificaverunt.*” Festus addit, eum a Publiciis munitum esse, ut in Aventinum vehicula venire possent. *Locant*, quum muniendum redemptori addicunt, verbum in hac re solemne.

295. Ludi illi semel tantum exhibiti. *Tangit*, oblectat, suaviter afficit : contra *Metam. viii. 279.* ubi Diana aræ cessant : *Tangit et ira deos.* Ut hic *turba ambitiosa*, quæ cultum studiosè affectat, ut honore valeat, sic *Metam. viii. 277. honos* ille ipse in plurimis MSS. *ambitiosus* dicitur. *Iniqui dii sunt irati, æqui faventes.* Vocab. *blandus* solemne de placatione deorum, ita ut nunc sacra facientibus, nunc eorum victimis aut precibus tribuatur ; vide Bentl. ad Horat. III. Od. xxiii. 18. *Sustinere*, retinere.

Nos quoque tangit honor: festis gaudemus et aris;  
Turbaque cœlestes ambitiosa sumus.

Sæpe deos aliquis peccando fecit iniquos;  
Et pro delictis hostia blanda fuit. 300

Sæpe Jovem vidi, quum jam sua mittere vellet  
Fulmina, ture dato sustinuisse manum.

At si negligimur, magnis injuria pœnis  
Solvitur, et justum præterit ira modum.

Respice Thestiaden; flammis absentibus arsit: 305  
Causa est, quod Phœbes ara sine igne fuit.

Respice Tantaliden; eadem dea vela tenebat:  
Virgo est; et spretos bis tamen ultra focos.

Hippolyte infelix, velles coluisse Dionen,  
Quum consternatis diripereris equis! 310

Longa referre mora est correcta obliviam damnis:  
Me quoque Romani præteriere Patres.

303. Vis iræ divinæ exemplis comprobatur. *Solvitur injuria*, quando expiatur, quum pœnæ solvantur ob injuriam factam. *Præterit modum*, non servat, excedit modum. Diana, quum Æneus, Ætoliæ rex, ipsius aras sine ture reliquisset: "At non impune feremus; Quæque inhonoratæ, non et dicemur inultæ;" vid. *Metam.* viii. 280. Tum agris Calydoniis immisit aprum terribilem, ad quem interficiendum ex omni Græcia viri fortissimi concurrerunt. In ea venatione Meleager, *Thestii*, ex Althæa matre nepos, matris fratres interficit. Mater, ut fratrum cadem accipit, stipitem fatalem, in quo filii vita continebatur, comburit, eoque absumto Meleager, quamquam *absens*, extinguitur; *Met.* viii. 260—545. *Tantalides*, Agamemnon, Tantali pronepos, cujus *velu*, classem in Aulide congregatam, Diana ob interceptam cervam sibi sacram irascens, vento adverso immisso, diu *tene-*

*bat*, retinebat; *Metam.* xii. 1—38. Nonnulli *tela* legebant, atque de Niobe cogitabant, cujus filias Diana telis suis transfixit, ut Apollo filios; *Met.* vi. 288 sqq. *Virgo*, cui mitior animus convenit. *Hippolytus*, furiis direptus equorum, jam supra iii. 265. memoratus. Is, quum Dianam et studio venandi et castitate coleret, *Dionen* sprevisse nunc dicitur, ut ad eam ejus interitus referri posset. *Dione*, Ætheris et Terræ filia, mater Veneris ex Jove, nunc ipsa Venus. *Corrigere*, castigare, punire. *Obliviam*, neglectus deorum, *damnis*, calamitatibus immissis, punita sunt.

312. *Præteriere*, ludos meos intermiserunt; *Met.* viii. 278: *Præterite Letoidos aræ*. *Manifesta doloris*, manifestans dolorem. *Qualia damna exigerem?* quales pœnas sumerem? quales calamitates, immitterem? Sed vocal. *notæ* varie interptt. acceperunt. Plerique ignominiam aut injuriam

Quid facerem, per quod fierem manifesta doloris ?

Exigerem nostræ qualia damna notæ ?

Excidit officium tristi mihi : nulla tuebar 315

Rura, nec in pretio fertilis hortus erat.

Lilia deciderant ; violas arere videres,

Filaque punicei languida facta croci.

Sæpe mihi Zephyrus, Dotes corrumpere noli

Ipsa tuas, dixit : dos mihi vilis erat. 320

Florebant oleæ ; venti nocuere protervi :

Florebant segetes ; grandine læsa Ceres :

In spe vitis erat : cælum nigrescit ab Austris,

Et subita frondes decutiuntur aqua.

Nec volui fieri, nec sum crudelis in ira : 325

Cura repellendi sed mihi nulla fuit.

Convenere Patres ; et, si bene floreat annus,

Numinibus nostris annua festa vovent.

Adnuimus voto : consul cum consule ludos

Postumio Lænas persolvere mihi. 330

Quærere conabar, quare lascivia major

His foret in ludis, liberiorque jocus :

Floræ illatam intellexerunt ; Tauberus, reprehensionem, castigationem. Sed rectius cum Burmanno hæc verba interpretaberis : quæ quidem a nobis profecta facile cognoscerentur. Vide eum ad Petronium, 83. *Excidit officium mihi*, desii curare rura et hortos. *Croco fila* tribuuntur et capillamenta, unde Græci eum *ξανθότριχα* dixerunt ; vide Salmasium ad Solinum, pag. 749. *Dotes* ; vide ad ver. 209. *Sequentia, Florebant oleæ*, etc. respondent iis, quæ inde a versu 263. leguntur. *Crudelis in ira*, ut Ceres rapta Proserpina sæviens *Metam. v. 478—486. Repellendi ventos*, grandinem, pluvios austros.

327. *Annus*, arbores, vites, fruges

illius anni. *Adnuimus voto*, feci id, cuius causa illi votum nuncupaverant ; Claudianus, xxiv. 212 : “ votisque senatus Adnue, diva, tui.” *Consules L. Postumius Albinus* et *M. Popilius Lænas* anno U. C. 580. instituerunt ut quotannis ludi Florales exhiberentur. Primus autem exhibuit C. Servilius, ædilis plebis, quod nummus testatur ; vide Spanhemium ad ver. 275. laudatum. *Persolvuntur* proprie vota, hinc etiam res, quæ fiunt ex voto, aut instituuntur.

331—354. Unde *lascivia* in illis ludis ? Celebrabantur illi cum omni obscænitæte. Lactantius, *Inst. I. xx. 6* ; Arnobius adversus Gentes, iii. p. 113 ; vii. p. 238 ; Schol. Juvenalis

Sed mihi succurrit, numen non esse severum,  
 Aptaque deliciis munera ferre deam.  
 Tempora sutilibus cinguntur tota coronis : 335  
 Et latet injecta splendida mensa rosa.  
 Ebrius incinctis philyra conviva capillis  
 Saltat, et imprudens utitur arte meri.

ad vi. 249. Aliquando, quum Cato illis ludis interesset, populus ut mimæ nudarentur postulare erubuit. Cato igitur discessit e theatro, ne præsentia sua spectaculi consuetudinem impediret : quem abeuntem ingenti plausu populus prosecutus, priscum morem jocorum in scenam revocavit ; Valerius Maximus, ii. 10. Postea ille librum de re Floria scripsit, qui a Gellio, Noct. Attic. ix. 12. laudatur. Obscænitatis illius causam multi repetunt inde, quod Flora olim meretrici fuerit, ut ad ver. 195. vidimus. Sed Ovidius lenius de ea re iudicat ; est dea *deliciis*, id est, voluptati inserviens, vultque sua sacra et plebi patere.

335. Non ea jam recenset quæ Floralibus facta sint ; sed Floram deliciis munera ferre quovis tempore docet ; *coronæ* enim, quibus illa flores ministrat, non a tristibus et severis, sed a lætis et voluptati indulgentibus sumuntur. *Sutiles coronæ*, in quibus mera folia rosarum consuta, quum *paciles* de multiplici flore texerentur ; Plinius, xxi. 8 : “ Summa auctoritas pactili coronæ. Sutiles Saliorum in sacris invenimus, et solemnibus cœnis. Transiere deinde ad rosaria : eoque luxuria processit, ut non esset gratia, nisi mero folio : sutilibus mox petitis ab India, aut ultra Indos.” Rosis eas consutas esse, etiam e Martiali, v. 65 ; ix. 91. 94. discimus, ubi *tempora rosis sutilibus* et *sutilis rosa* leguntur. Quidam hoc loco *tortilibus*, *nezilibus*, etc. Tum valde arridet

Heinsii conject. *tota in pota*, id est, ebrîa, mutantis ; omni enim hoc loco id urgetur, coronas inservire non nisi iis, qui genio indulgeant, aut ebrîis ; nihil contra ad rem pertinet, *tota* tempora cingi. *Latet mensa*, etc. Immensa interdum florum copia et mensæ et convivæ obruebantur, e tecto etiam desuper dejectorum. Vide Salmasium ad Spartac. Ælium Verum, cap. 5.

337. *Saltatio* Romanis non omnino honesta ; Cornelius Nepos in Epaminonda, i ; vide Cortium ad Sallustium Catil. xxv. 2. In convivii ebrîi fere saltabant. *Philyra*, tenuis tilix membranula inter corticem et lignum, qua utebantur ad nectendas coronas convivales ; Plinius, xvi. 14 ; xxi. 3. Etiam Horatius, I. Od. xxxviii. 2 : *neæ philyra coronæ*. Merum varias addocet artes ; Horatius, I. Ep. v. 18. Possis hoc loco de facundia capere, quæ imprudenter recludit arcana. Sed alii hoc quoque ad saltationem referunt, et *imprudentem* Lenzium explicat titubantem, incertis pedibus utentem. *Ad durum*, etc. Tales occentationes (*παρακλαυσίθυρα*) frequentes erant. In iis convicia faciebant januæ, eamque *duram* vocabant, quia puella *dura*, inexorabilis, quæ eos excludebat ; Tibullus, I. ii. 5 sqq. Eandem vero et *ungere* atque *sertis* velare solebant ; Lucretius, iv. 171 : “ At lacrymans exclusus amator limina sæpe Floribus et sertis operit, postesque superbos Unguit amaracino.”

Ebrius ad durum formosæ limen amicæ

Cantat : habent unctæ mollia sarta comæ. 340

Nulla coronata peraguntur seria fronte ;

Nec liquidæ vinctis flore bibuntur aquæ :

Donec eras mixtus nullis, Acheloe, racemis,

Gratia sumendæ non erat ulla rosæ.

Bacchus amat flores : Baccho placuisse coronam

Ex Ariadnæo sidere nosse potes. 346

Scena levis decet hanc : non est, mihi credite, non

Illa cothurnatas inter habenda deas. [est

Turba quidem cur hos celebret meretricia ludos,

Non ex difficili causa petenda subest. 350

Non est de tetricis, non est de magna professis :

Vult sua plebeio sacra patere choro.

Et monet ætatis specie, dum floreat, uti ;

Contemni spinam, quum cecidere rosæ.

Cur tamen, ut dantur vestes Cerealibus albæ,

Sic est hæc cultu versicolore decens ? 356

342. *Liquida* nunc ponitur pro : cui nihil vini admixtum. Mæri aqua temperandi auctores plures nominantur ; vide Harduin. ad Plinium, vii. p. 415. In iis Cerasus Ætolus, qui *Acheloi* aquam adhibuisse in eum usum traditur ; Hyginus, fab. 274. Unde et Virgilius, Georg. i. 9 : “ Poculaque inventis Acheloiâ miscuit uvis ” tellus ; ubi vide interpp. De *corona Ariadnæa*, iii. 513. unde apparet, eam, quum non esset florida, parum commode hic esse memoratam.

347. *Hanc* ; respicit ad ver. 334. nam reliqua quasi per parenthesin interjecta, ut jam supra notatum. *Levis* sæpe est et histrionum et scenæ epitheton, ut quæ voluptati inserviat ; Cicero Orat. i. 5 : *levis histrionum ars et scena*. Nunc autem hac voce respicitur ad ludos jocularis et lascivos,

quibus tragœdiarum gravitas opponitur, qua, quæ delectantur deæ, *cothurnatæ* hic dicuntur. Taubnerus in Ind. non bene deas majores et superiores interpretatur. Cæterum similem sententiam habemus infra versu 598. de Marte : *Non visa est fortem scena decere deum. Ex difficili petenda, difficulter invenienda. Subesse causa sæpe dicitur, quod Heinsius exemplis docet.*

351. *Tetricus*, severus, horridus ; Livius, i. 18 : “ Tetrica et tristis Sabinorum disciplina. ” *Plebeius chorus*, ille ipse meretricum saltantium et discurrentium cœtus. *Species*, pulchritudo, decor, quem gignit juventutis vigor.

355. De *vestibus illis albis* confer iv. 619. *Cultu decens est*, habet vestem, eamque decoram. De *versicolore ves-*

An quia maturis albescit messis aristas;  
 Et color et species floribus omnis inest?  
 Adnuit; et motis flores cecidere capillis,  
 Accidere in mensas ut rosa missa solet. 360  
 Lumina restabant, quorum me causa latebat;  
 Quum sic errores abstulit illa meos:  
 Vel quia purpureis collucent floribus agri,  
 Lumina sunt nostros visa decere dies:  
 Vel quia nec flos est hebeti nec flamma colore, 365  
 Atque oculos in se splendor uterque trahit:  
 Vel quia deliciis nocturna licentia nostris  
 Convenit; a vero tertia causa venit.  
 Est breve præterea, de quo mihi quærere restat,  
 Si liceat, dixi: dixit et illa, Licet. 370  
 Cur tibi pro Libycis claudantur rete lænis  
 Imbelles capreæ, sollicitusque lepus?

timento Floræ ad ver. 217. Tali amictu uti mulieribus Romanis interdictum erat lege Oppia; Livius, xxxiv. 1. *Accidere*, cadere, verbum bonæ notæ, ut Heins. ad hunc locum, et ad Silium, iv. 238. docuit; et reperitur in MSS. veteribus plerisque: vulgo autem *decidere* editur. Rosas dejectas esse in mensas convivantium jam ver. 336. vidimus. Hac igitur similitudine, rosarum e Floræ capillis cadentium multitudo declaratur.

361—368. Faces accensæ. *Me latebat*; Burmanno Latinius videtur, quod Mazarin. habet, *mihi latebat*. Vide Gronovium ad Senec. (Edip. 295. Burm. accusativum *me* per Græcismum excusari putat; quidvis ad hoc dicat, ego illi non adsentior. *Errores*, incertitudinem, ut supra aliquoties. Fluctuationem poetæ referunt versus sqq. usque ad *Convenit*. Tum Flora eum interpellat et certiorum reddit verbis: *a vero tertia causa*

*venit*. *Purpurei* flores poetis omnino sunt pulchri, colore splendido. *Collucent agri* hominum operibus dixit Cicero Nat. Deor. ii. 39; sed nunc cum vi positum, quia *luminum* ratio redditur. Pro *floribus* Marsus edidit *ignibus*, atque ita et unus Heinsii codex. *Ignes* autem posse flores igneis coloribus intelligi Burmannus exemplis docet. *Hebes* color est obscurus, non lucidus; unde et *hebetare* pro obscurare ponitur.

371. Venatori ludi, haud dubie in circo Floræ. Eorum meminit et Martialis, viii. 67: "Floralitias lasset arena feras." Venatoriis ludis plerumque inserviebant belluæ *Libycæ*, pantheræ inprimis, quæ et simpliciter *Africanæ* dicebantur; Plinius, VI. Ep. xxxiv. 3. Sed in Floralibus mitia animalia committebantur; Cælius Rhodiginus Antiq. lect. xxv. 30: Galba prætor "commissione ludorum Floralium novum spectaculi genus,

Non sibi, respondit, silvas cecisisse, sed hortos,  
Arvaque pugnaci non adeunda feræ.

Omnia finierat : tenues secessit in auras : 375

Mansit odor ; posses scire fuisse deam.

Floreat ut toto carmen Nasonis in ævo,

Sparge, precor, donis pectora nostra tuis.

NOCTE minus quarta promet sua sidera Chiron

Semivir, et flavi corpore mixtus equi. 380

elephantos funambulos edidit.' In circo autem venationes esse editas et aliunde constat ; Suetonius Calig. 18 : " Edidit et Circenses, interjecto modo Africanarum venatione ;" Claud. 21 : " permisit Circensium gratia Africanas importari." *Retæ pro reti.* Feræ in arena ita agitabantur, ut in retia incurrerent ; Plinius, Panegy. lxxxi. 3. *feras emissas colligere dixit.* *Silvas cecisisse,* ut Met. iv. 532. Neptuno *proxima calo cessit potestas.* *Flora tenues secessit in auras,* ut Æneid. ix. 657. *Apollo in tenuem ex oculis evanuit auram ;* et, ut deorum comæ aut totum corpus divinum quemdam odorem spirare solebant, sic Flora, cujus loquentis ex ore rosæ exibant, ver. 194. merito florum odorem reliquisse fingitur. *Floreat,* etc. aptum votum, quia omnia, quibus flos tribui solet, hujus deæ arbitrio subjecta sunt. *Dona Floræ sunt deliciis apta* ver. 334 ; Lenzius juvenilem florem et vigorem intelligit.

379—414. V. *Nonarum, sive die tertio, Centaurus oritur.* Ejus sideris origo narratur, ut hic, ita et ab Hygino, Poetic. Astron. ii. 38. Fuit Chiron Centaurus tempore Argonautarum, multosque artium suarum habuit discipulos, in quibus Achilles ; Clemens Alex. Strom. i. p. 360. *Nocte minus quarta, nocte tertia a Kalendis. Semivir,* et Metam. ii. 633. *semifer ;* alibi etiam *geminus et bifor-*  
VOL. V.

*mis* vocatur ob naturam Centaurorum. De eo est locus classicus et ad hæc nostra intelligenda aptissimus Orphei in Argon. 375 sqq. Ibi Peleus Argonautis ostendit *Pelion* umbrosus, in cujus jugo medio *antrum* habeat Chiron, *justissimus Centaurorum,* qui et morbis sanandis operam det, et mox citharam Phœbi pulsans, mox phorminga Mercurii, vicinis jura reddat, Achillemque puerum educandum acceperit. His dictis ingrediuntur antrum. Ibi prope Chirona stat Achilles manibusque lyram tangit. De hac Achillis educatione vide etiam Apollonium, iv. 812 ; Pindarum N. iii. 75. sqq. ; et de *antro* Chironis in *Pelio* monte, Callimachum, hymn. Del. 104. *Phillyrides.* Etiam ab Orpheo, ver. 480. *φιλυρίδης* vocatur a Philyra matre, quacum Saturnus, sumta equina forma, congressus habuit ; Apollonius Rhodius, ii. 1236 ; Virgil. Georg. iii. 92. *Missuras,* etc. Achilles ; Homerus Il. I. 186. sqq. *Detinuit,* occupatas tenuit, adeoque exercuit. Etiam Statius Achilleid. i. 116. de Chirone : " monstrare lyra veteres heroes alumno." Plures heroes a Chirone instituti memorantur. Achilles non musicam tantum, sed et mores integros, artem venandi, inprimisque artem medicam ab eo accepit ; confer Claudianum, vii. 60 sqq. Et exstabat olim Chironis institutio ad Achilles versibus consignata ; Pau-

N n

Pelion Hæmoniaë mons est obversus in Austros ;  
 Summa virent pinu ; cætera quercus habet.  
 Philyrides tenuit : saxo stant antra vetusto,  
 Quæ justum memorant incoluisse senem.  
 Ille manus, olim missuras Hectora leto, 385  
 Creditur in lyricis detinuisse modis.  
 Venerat Alcides exacta parte laborum ;  
 Jussaque restabant ultima pæne viro :  
 Stare simul casu Trojæ duo fata videres ;  
 Hinc puer Æacides, hinc Jove natus erat. 390  
 Excipit hospitio juvenem Philyreius heros,  
 Et causam adventus hic rogat, ille docet.  
 Perspicit interea clavam spoliūque leonis,  
 Virque, ait, his armis, armaque digna viro.  
 Nec se, quin horrens auderent tangere setis 395  
 Vellus, Achilleæ continuere manus.  
 Dumque senex tractat squalentia tela venenis,  
 Excidit, et lævo fixa sagitta pede est.  
 Ingemuit Chiron, traxitque e corpore ferrum ;  
 Adgemit Alcides, Hæmoniusque puer. 400  
 Ipse tamen lectas Pagasæis collibus herbas  
 Temperat, et varia vulnera mulcet ope.

sanias, Bœot. p. 772. In arte medica plura et magistri et discipuli inventa a Plinio memorantur.

387. *Exigi* dicuntur, quæ ad finem perducuntur. *Duo fata*, duo viri urbi Trojanæ fatales ; Hercules, Laomedontis perfidiam ulturus, Ilium expugnavit ; Apollodorus, II. vi. 4 ; Hyginus, fab. 89. *Philyreius heros* etiam Metam. ii. 676. A Philyra est *Φιλυραῖος*, et inde per diæresin *Φιλυρήιος*.

393. Qui rem diligenter spectat, tractat, examinat, eam *perspicere* dicitur. *Auderent*. Namque Achilles

puer admodum ad Chironem deductus erat. *Squalentia*, tinctoria ; Virg. Georg. iv. 91. adeo, *squalentes auro maculæ*. Cæterum non de Chirone, sed de Pholo hæc narrant Philarg. ad Virgil. Georg. ii. 456 ; Servius ad Æneid. viii. 294.

401. *Pagasæ*, oppidum Thessaliæ ad Pelion montem, postea Demetrias dictum. In ejus portu Argo navis fabricata ; Hyginus, Poetic. Astron. ii. 37. ibique Munkerus. Sed nunc *Pagasæus* omnino Thessalicus. Thessalia autem ferax herbarum medicarum ; Metam. vii. 221. *Temperare*,



Virus edax superabat opem ; penitusque recepta  
Ossibus, et toto corpore pestis erat.

Sanguine Centauri Lernææ sanguis Echidnæ 405  
Mixtus ad auxilium tempora nulla dabant.

Stabat, ut ante patrem, lacrymis perfusus Achilles ;  
Sic flendus Peleus, si moreretur, erat.

Sæpe manus ægras manibus fingebat amicis ;  
Morum, quos fecit, præmia doctor habet. 410

Oscula sæpe dedit : dixit quoque sæpe jacenti ;  
Vive, precor ; nec me, care, relinque, pater.

Nona dies aderat ; quum tu, justissime Chiron,  
Bis septem stellis corpora cinctus eras. 414

HUNC Lyra curva sequi cuperet ; sed idonea non-  
Est via : nox aptum tertia tempus erit. [dum

SCORPIOS in cælo, quum cras lucescere Nonas  
Dicimus, a media parte notandus erit.

miscere herbas, et succos adhibere ad medicamen componendum. *Mulcere*, ut *fovere*, gratam refectionem et curam indicat. *Varia* bene se habet ; sed vulg. *vana* respuenda est. Cura Chironis hic describitur ; vanam fuisse eam in sqq. demum monetur.

403. Secundum Plinium, xxv. 30. Chiron superavit ope virus : "Centaurio curatus dicitur Chiron, quum Herculis excepti hospitio pertractanti arma sagitta cecidisset in pedem." Veneno *Echidnæ Lernææ* periit et Nessus, Met. ix. 130. et ipse Hercules ibid. ver. 158. Affectus Achillis pueri in magistrum egregie hic notatus. *Sic flendus Peleus erat* ; sic flendus pater : quasi dicat, non aliter patrem morientem flevisset. *Fingere*, leviter tergere, mulcere ; Heroid. xx. 133 : "Me miserum ! quod non medicorum jussa ministro, Effingoque manus, insideoque toro." Virg. Æn. viii. 635. de lupa : "Mulcere alternos, et corpora fingere lingua." Heinsius valde

metuit, ne versus 410. *Morum*, etc. sit grammatici alicujus, aut pædagogi commentum, quum oscitantia librarii genuinus Ovidii esset omissus ; sed eum habere frigus et lenitatem semi-barbaram. Ab eo Schirachius plane dissentit, negatque et versum frigere, et *facere mores* esse phrasin barbaram. Hoc certum est, sententiam esse veram, nec alieno loco adhibitam. Itaque ver. merito defenditur etiam ab Heinsio in Opusc. p. 234. cui et Krebsius assentitur. *Jacenti*, ægrotanti. *Vive*, etc. vera vox teneræ ætatis in tali discrimine. *Bis septem*. Schol. Germanici xx. Eratosth. et Hygin. Poet. Ast. iii. 37. quatuor et viginti stellis in Centauro numerant, quæ tamen non omnes in conspectum nostrum prodeunt.

415. *Lyra* iii. *Nonas oritur* ortu acronichio, sed Aetio pridie. *Μηνὶ τῷ ἀστῆρι δ' Ἀύρα ἐσπερίος ἐπιπέλλει.*

417. *Scorpii pars altera pridie Nonus occidit cosmice.*] Sic et Columella :

HINC ubi protulerit formosa ter Hesperus ora,  
 Ter dederint Phœbo sidera victa locum; 420  
 Ritus erit veteris, nocturna Lemuria, sacri;  
 Inferias tacitis Manibus illa dabunt.  
 Annus erat brevior; nec adhuc pia februa norant;  
 Nec tu dux mensum, Jane biformis, eras:  
 Jam tamen exstincto cineri sua dona ferebant; 425  
 Compositique nepos busta piabat avi.  
 Mensis erat Maius, majorum nomine dictus,  
 Qui partem prisca nunc quoque moris habet.  
 Nox ubi jam media est, somnoque silentia præbet;  
 Et canis, et variæ conticuistis aves: 430  
 Ille memor veteris ritus, timidusque deorum  
 Surgit; habent gemini vincula nulla pedes;

“ Pridie Nonas Maias Nepa medius occidit.”

419—492. *Lemuria* inde a vii. Id. per triduum, sed non continuatum, ut e ver. 491. et Kalendario vetere apparet. *Lemurus*, interprete poeta nostro ver. 483. sunt animæ Silentum; auctore Nonio, larvæ nocturnæ et terrificationes imaginum et bestiarum. Ii his sacris placari credebantur, ut Feralia mense Februario ad placandos Manes valebant ii. 533. sqq. Ovidius illius sacri ritus 421—444. et inde ejus originem describit.

*Victa*, quia diffugiunt, oriente Phœbo. *Inferiæ*; sacrificia quæ Manibus ad sepulcrum offerebantur, *dari, ferri, mitti* dicuntur. *Taciti* Manes, ut alibi et apud cæteros *silentes* Umbræ.

423—428. Olim Maio, mense anni tertio, Feralia celebrabantur, quæ postea in Februarium translata sunt. Hinc eodem mense nunc Lemuria peraguntur. Per *pia februa*, de quibus ii. 19. sqq. Februarium notat. *Norant* scilicet homines. Quidam *norat*, nempe annus. *Mensum*, ut ver. 187.

*Exstincto cineri*; ii. 534. *in exstinctas munera ferte pyras*. Locus, in quo mortuus et combustus et sepultus est, *bustum* dicitur; vid. Kirchmannum de Funeribus pag. 312. *Piare busta*, ad busta placare Manes; Met. vi. 569. *piaculum* de inferiis. *Compositi*, conditi.

429. Ritus in his sacris; confer ii. 571. de sacris Tacitæ; Metam. vii. 176 sqq. de Medæ arte magica, et quæ ibi laudavimus. Peragi illa solebant *media nocte*, (Horat. Epod. v. 51.) quæ a poetis solet ita, ut hoc loco describi; Met. vii. 185: “ Homines volucresque ferasque solverat alta quies.” Virg. Æneid. iv. 522: “ tacent pecudes pictæque volucres;” inde Noster *variæ*, versicolores, *aves*.

431. *Memor* est et is, qui retinet aliquid et imitatur. *Timidus deorum*, religionibus deditus. *Vincula*, calcei. Apud Virgilium, dicto loc. 518: *Unum exuta pedem vinculis*; Metam. vii. 183, *nuda pedem*. *Digitorum* usus varius in arte magica. Digitis pectinatim inter se junctis impedi-

Signaque dat digitis medio cum pollice junctis ;  
 Occurrat tacito ne levis umbra sibi :  
 Terque manus puras fontana perluit unda : 435  
 Vertitur, et nigras accipit ore fabas ;  
 Aversusque jacit ; sed dum jacit, Hæc ego mitto ;  
 His, inquit, redimo meque meosque fabis.  
 Hoc novies dicit, nec respicit : umbra putatur  
 Colligere, et nullo terga vidente sequi. 440  
 Rursus aquam tangit, Temesæaque concrepat æra ;  
 Et rogat, ut tectis exeat umbra suis.  
 Quum dixit novies, Manes exite paterni ;  
 Respicit, et pure sacra peracta putat.  
 Dicta sit unde dies, quæ nominis exstet origo, 445  
 Me fugit : ex aliquo est invenienda deo.

bant aliquid ; Met. ix. 299 ; sed nunc crepitus intellig. quem digitus medius pollicis junctus et deinde celeriter in palmam depressus edit. *Levis*, tenui et umbratico corpore induta ; Horatius I. Od. x. 18 : *levis turba. Tacito*, nudis pedibus et sine rumore incedenti. Tibullus, I. ix. 4 : “Sera tacitis Pœna venit pedibus.”

435. Metam. dicto loco, Medea “Ter se convertit ; ter sumtis flumine crinem Irroravit aquis.” Apud Horatium, Epod. v. 25. Canidia per totam domum spargit *Avernates aquas*. Confer Æn. iv. 512. De *fabis* confer ii. 576. ubi anus *septem nigras versat in ore fabas. Redimo me*, ne domum meam turbetis et vexetis ; Varro de Vita populi Romani : “Quibus temporibus in sacris fabam jactant noctu, ac dicunt se Lemures extra januam ejicere.” Festus : “Fabam nec tangere, nec nominare Diali flamini licet ; quod ea putatur ad mortuos pertinere : nam et Lemuralibus jactitur larvis, et Parentalibus adhibetur sacrificiis ; et in flore ejus luctus li-

teræ apparere videntur.” *Colligere* nempe fabas.

441. Heinsius ex uno Mazarinæo invexit *aqua tangit*, scilicet *æra* ; sed hic ritus non aliunde notus est. Revocavi igitur *aquam*, quod etiam *τὸ rursus* confirmare videtur, respicere enim nos jubet ver. 435. *Temesa*, urbs Bruttiorum jam Homeri ætate æris fodinis clara ; Strabo, vi. p. 393 ; etiam Met. vii. 207. *Temesæa æra* in usu magico. *Æris* autem tinnitum aptum esse habitum ad spectra ejicienda, docet Neapolis. *Pure*, quod alias *riie*.

445. Nominis origo, ad quam inveniendam, more suo poeta deum invocatur, et quidem Mercurium, cui res infernæ sunt notissimæ, et qui hoc mense colebatur ; ver. 663 ; Plutarchus, Quæst. Roman. p. 148. *Invenire*, perscrutari. *Virga*, insigne Mercurii *potens*, quo multa efficere potest, quo etiam umbras ad *Stygii Jovis*, sive Plutonis regiam deducit *ψυχοπομπός*. Horat. dicto loco, ver. 17. *Adoratus*, imploratus a me.

Plejade nate, mone, virga venerande potenti;  
 Sæpe tibi Stygii regia visa Jovis.  
 Venit adoratus Caducifer: accipe causam  
 Nominis: ex ipso cognita causa deo est. 450  
 Romulus ut tumulo fraternas condidit umbras,  
 Et male veloci justa soluta Remo:  
 Faustulus infelix, et passis Acca capillis  
 Spargebant lacrymis ossa perusta suis.  
 Inde domum redeunt sub prima crepuscula moesti,  
 Utque erat, in duro procubuere toro: 456  
 Umbra cruenta Remi visa est adsistere lecto,  
 Atque hæc exiguo murmure verba loqui:  
 En ego dimidium vestri parsque altera voti,  
 Cernite, sim qualis; qui modo qualis eram! 460  
 Qui modo, si volucres habuissem regna jubentes,  
 In populo potui maximus esse meo.

451. Etiam Porphyrio ad Horatium, II. Ep. ii. 209: "Lemures dictos esse putant quasi Remures a Remo, cujus occisi umbram frater Romulus quum placare vellet, Lemuria instituit, id est Parentalia, quæ mense Maio per triduum celebrari solent ante additum anno mensem Februarium: ob quam rem Maio mense religio est nubere." Hæc fecunda Ovidii phantasia sic exornavit, ut Remi umbram nutritoribus suis in somnis adsistentem atque festum diem sibi poscentem fingeret. Cohærent autem hæc cum iv. 810—856. ubi de Remi nece et exsequiis, atque de Faustuli et Accæ erga eum pietate. *Condidit*; sepulto corpore, *umbra* aut anima *sepulcro condi* dicebatur; Plinius, VII. Ep. xxvii. 11: *Domus rite conditis Manibus caruit.* Vide et Servium ad Æn. iii. 67. *Male*, in suam ipsius perniciem.

455. *Sub prima crepuscula.*] Ergo

illæ exsequiæ tempore pomeridiano factæ, quum serius funera indictiva mane, tacita noctu instituerentur. Festus in vocab. *Vespillones*. *Torus durus*, sponda non strata ulvis aut aliis rebus mollibus; vide ad i. 200; et mox ver. 519. *Ut erat sine apparatu*. *Visus est adsistere* aut *adesse* formula solemnissima de iis, qui in somnis apparent. *Dimidium et pars vestri voti*, alter alumnorum vestrorum; de votis parentum Metam. viii. 499. Eadem et nutritoribus erant; Horatius, I. Ep. iv. 8: "Quid voveat dulci nutriticula majus alumno?" *Dimidium autem et pars voti dictum* ut in illis: *animæ dimidium meæ* Horatii, I. Od. iii. 8; et *animæ nostræ majorem partem*, Stat. Silv. III. i. 7. *Qualis eram* Heins. ex multis, iisque melioribus, prætulit, quia *qualis* pro *quantus* ponitur.

461. *Regna jubentes* dictum, ut Salust. Jugurth. 84. 1: "Postquam ei

Nunc elapsa rogi flammis, et inanis imago ;

Hæc est ex illo forma relicta Remo.

Heu ! ubi Mars pater est ? si vos modo vera locuti,

Uberaque expositis ille ferina dedit ? 466

Quem lupa servavit, manus hunc temeraria civis

Perdidit : o quanto mitior illa fuit !

Sæve Celer, crudelem animam per vulnera reddas ;

Utque ego, sub terras sanguinolentus eas. 470

Noluit hoc frater : pietas æqualis in illo est :

Quod potuit, lacrymas in mea fata dedit.

Hunc vos per lacrymas, per vestra alimenta rogate,

Ut celebrem festo signet honore diem.

Mandantem amplecti cupiunt, et brachia tendunt :

Lubrica prensantes effugit umbra manus. 476

Ut secum fugiens somnos abduxit imago ;

Ad regem voces fratris uterque ferunt.

provinciam populus jussit." Aves autem *jubent*, dum portendunt, id est, divinitus significant. Atque ita Livius, i. 8. de Romulo : aves, quæ augurio regnum portenderant ; ibidem 12. Romulus : *Jupiter, tuis, inquit, jussus avibus hic prima urbi fundamenta jeci. Inanis imago, umbra exsanguis sine carne et ossibus. Ea levitate sua bene dicitur elabi flammis.*

465. *Ubi est vox ejus, qui indignatur, cessare aut negligi aliquid ; Phædrus, i. fab. 9 : " Ubi pernicitas illa est ?" Ille dedit ubera, illius impulsu lupa dedit ubera. De marte nunc sermo est ; ad eum bene refertur illa nutritio. Mitior ; Livius, i. 4. lupam " submissas infantibus adeo mitem præbuisse mammæ, ut lingua lambentem pueros magister regii pecoris invenit."*

469. *De Celere vide ad iv. 337. Per vulnera reddere animam, ut iv. 150 : per vulnera animam expellere. Gravis autem hæc imprecatio. Ser-*

vius ad Æneid. iv : " Physiци dicunt, eos, qui morte violenta concidissent, non recipi in originem suam, donec errantes legitimum fati tempus complevisset." *Sanguinolentus* autem Remus humum premit iv. 844. Ibi et de pietate Romuli, qui primum lacrymas devorat, mox autem fundit. *Æqualis*, æque magna ac in me est. Lacrymas dat in rem, qui eam lacrymis suis honestat. *Honore signare* formula exquisita, honestare ; Plinius, V. Ep. i. 11 : " factum meum nobili honore signavit." Similiter Paneg. xxiii. 1 : honore nomen signare." Ergo et nunc sensus, hunc honorem huic diei habeat, ut eum festum esse jubeat. Honoris illius notionem pluribus verbis expressit.

476. Etiam Virg. Georg. iv. 501. Orphea inducit " prensantem nequidquam umbras" Eurydices, quæ, " ceu fumus in auras Commixtus tenues, fugit. Cedentem et funi instar tactus fugientem lubricam nunc vocat.

Romulus obsequitur, lucemque Remuria dixit  
 Illam, qua positis justa feruntur avis. 480  
 Aspera mutata est in lenem tempore longo  
 Litera, quæ toto nomine prima fuit.  
 Mox etiam Lemures animas dixere silentum;  
 Is verbi sensus, vis ea vocis erat.  
 Fana tamen veteres illis clausere diebus; 485  
 Ut nunc ferali tempore operta vides.  
 Nec viduæ tædis eadem, nec virginis apta  
 Tempora: quæ nupsit, non diuturna fuit.  
 Hac quoque de causa, si te proverbia tangunt,  
 Mense malas Maio nubere vulgus ait. 490  
 Sed tamen hæc tria sunt sub eodem tempore festa  
 Inter se nullo continuata die.  
 Quorum si mediis Bæotum Oriona quæres;  
 Falsus eris: signi causa canenda mihi.  
 Jupiter, et, lato qui regnat in æquore, frater 495  
 Carpebant socias, Mercuriusque, vias.

483. *Lemures* in glossis explicantur *υκρεπινοι δαιμονες*. *Fana clauderantur* Feralibus quoque; confer ii. 563.

487. Hic quoque mos Lemuriis et Feralibus communis; ii. 557. Etiam Plutarchus, Quæst. Roman. p. 147. vol. vii. narrat, mense Maio non facile matrimonia contrahi, sed in Junium differri; ejusque rei causas plures adfert, etiam hanc, quod tunc mortuis parentent. Idem pag. 161. auctor est, publicis feriis *virgines* non nubere, sed *viduas*. *Non diuturna fuit*, non diu vixit. *Inter se nullo*, etc. Consentit Kalend. vetus.

493—544. V. *Idus Orion occidit*. Hic Orionis procreatio et relatio inter sidera narratur. Fabulam hanc absurdam et obscœnam habent etiam

Apollodor. I. iv. 3; Palæphat. 5; Hyginus, fab. 195; Poet. Astron. ii. 26 et 34. aliique. Est autem *Orion* prope viam lacteam sidus egregium, cui hodie 78. stellæ tribuuntur.

*Bæotum* dedi, non *Bæoton*, quia omnes fere MSS. sic exhibent. Oriundus autem erat Tanagra, oppido Bœoticiæ; Palæph. Sed Pindarus in dithyrambis patrem ejus Chium fecerat; Aristomachus Thebanum; Hyginus, ii. 26. *Falsum esse*, errare; Terent. Eun. II. ii. 43: *ut falsus animi est!* Hoc loco non invenire quod quæris. *Jupiter* et *Mercurius* sæpius ambulabant una in terris; nunc accessit *Nep-tunus*, quem tamen alii apud Hyginum, ii. 34. omiserunt, et cui Tzetzes ad Lycophr. Cassand. 328. Apollinem substituit.

Tempus erat, quo versa jugo referuntur aratra ;  
 Et pronum saturæ lac bibit agnus ovis.  
 Forte senex Hyrieus, angusti cultor agelli,  
 Hos videt, exiguam stabat ut ante casam. 500  
 Atque ita; Longa via est, nec tempora longa super-  
 Dixit, et hospitibus janua nostra patet: [sunt,  
 Addidit et vultum verbis: iterumque rogavit.  
 Parent promissis; dissimulantque deos:  
 Tecta senis subeunt, nigro deformia fumo; 505  
 Ignis in hesterno stipite parvus erat.  
 Ipse genu posito flammæ exsuscitat aura,  
 Et profert quassas comminuitque faces.  
 Stant calices: minor inde fabas, olus alter habebant;  
 Et fumant testu pressus uterque suo. 510  
 Dumque mora est, tremula dat vina rubentia dex-  
 Accipit æquoreus pocula prima deus. [tra:  
 Quæ simul exhaustis; Da, nunc bibat ordine, dixit,  
 Jupiter: audito palluit ille Jove.

497. Tempus vespertinum describit fere ut Horatius, Epod. ii. 61: "Juvat pastas oves Videre properantes domum! Videre fessos vomerem inversum boves Collo trahentes languido!" Sed oves alia imagine exornavit, in qua tamen dubites, utrum *pronum* cum Mazarin. et Zulichemiano unde Heinsius accepit, an cum longe plurimis *pronus* præferas. *Pronum lac*, defluens ex ubere submisso; *pronus agnus* contra, caput submittens ad ubera ore pressanda.

499. *Hyrieus*.] Varie hoc nomen corruptum est in MSS; sed Ursini codex veram scripturam servavit. Græcis est Ἰϋριεύς. Eum regem nonnulli faciunt, Noster pauperculum, et alterum Philemona, cujus fab. Metam. viii. 626 sqq. cum hac comparanda est. Interp. Gallieus nescit, utrius

VOL. V.

exornationem præferat. Ego alterius in Metam. facile præfero; est enim multo et uberius et suavius tractata. *Tempora longa diei. Hospitibus.* Etiam a Palæphato φιλοξενώτατος vocatur. *Addidit vultum*, vultu hilari adjuvit hæc verba; Met. dicto loco: "super omnia vultus Accessere boni."

506. *Ignis in hesterno*, etc.] Sic explicat, quod Græci una voce Ζῶπυρον. Formulam *exsuscitare ignem* multis exemplis comprobat Heinsius. Etiam Virg. Æn. viii. 410: "cinerem et sopitos suscitavit ignes." *Et profert*, etc. Metam. dicto loco, Baucis "Multifidasque faces, ramaliaque arida tecto Detulit et minuit." *Quassæ* sunt non integræ, quas porro *minuit*, in fragmenta minuta concidit.

509. *Calices* nunc vasa in quibus cibi coquebantur.

O o

Ut rediit animus, cultorem pauperis agri 515  
 Immolat, et magno torret in igne bovem :  
 Quæque puer quondam primis diffuderat annis,  
 Promit fumoso condita vina cado.  
 Nec mora ; flumineam lino celantibus ulvam,  
 Sic quoque non altis, incubuere toris. 520  
 Nunc dape, nunc posito mensæ nituere Lyæo :  
 Terra rubens crater, pocula fagus erant.  
 Verba fuere Jovis : Si quid fert impetus, opta ;  
 Omne feres ; placidi verba fuere senis :  
 Cara fuit conjux, primæ mihi cura juventæ 525  
 Cognita : nunc ubi sit, quæritis ? urna tegit.

517. *Diffundere* verbum proprium de vino, quando in dolia transfunditur condensum ; Horatius, I. Ep. v. 4 : *Vina bibes iterum Tauro* “ diffusa.” *Promere* solemne de rebus, quæ conditæ et servatæ proferuntur ; Horat. Epod. ii. 47 : “ *horna dulci vina promens dolio* ;” I. Od. ix. 7 : “ *benignius Deprome quadrimum Sabina merum diota*.” Cadi apud veteres in fumaris reponabantur, ut fumo maturitatem contraherent ; Tibullus, II. i. 27 : *fumosos veteris proferte* “ *Falernos Consulis*.” Horat. III. Od. viii. 11 : “ *Amphoræ fumum bibere institutæ consule Tullo*.”

519. *Metam. dicto loco* : *In medio torus est de mollibus ulvis* ; confer supra i. 200. *Ulvam lino celabat torus* ; ulva, linteo tegumento inclusa, imposita erat toro. *Alti tori* erant in ædibus beatorum hominum ; *Æneid. iii. 2*. Heinsius *testa*, operculo, *rubens* legi volebat, quia *crater* semper fuerit ex ære. Immo *crater* pauperiorum erat fictilis ; *Metam. dict. loc. 668*. apponebantur “ *Omnia fictilibus* ; post hæc *cælatus eadem* Sistitur argilla crater, fabricataque fago *Pocula*,” ubi vide notam. Et *pocula*

*fagina* etiam Virgilio, *Ecl. iii. 37* ; *Tibullo, I. i. 38*. memorantur.

523. *Fert impetus, cupis* ; *Met. i. 1. fert animus*. Pro *opto* *Francofurt. ede*. *Palæphatus* ; *Ὁ δὲ ἄρσενος ὄν ἡρώσαο παῖδα*. Id. Noster ut poeta exornavit. *Primæ juventæ*. Burmannus nesciebat, an satis Latine diceretur : *Cara conjux fuit cura, cognita mihi prima juventa*. Ipse, si per libros veteres liceret, libentius legeret : *primæ mihi flore juventa Cognita* ; certe vitium latere putabat. Taubnerus lectionem *primæ juventæ* tuetur, atque sensum sic constituit : *cara fuit conjux, cognita a me, quam ut ducerem prima mihi juventa curandum putabam*. Sunt et aliæ quædam varietates. Ego *condita* præfero atque cum sequentibus sic jungo : *quæritis, ubi illa nunc addita lateat, quum eam non cernatis ? Cura autem vel homo, quem amamus, vel res, qua oblectamur. Vocat deos in verba*, qui eos testes facit verborum suorum ; *Virgilius, Æneid. v. 234* : *divos in vota vocare, ubi vide Heynium. Sed enim, at vero. Et pater*. Equidem sic capio, *et non conjux, et pater*. Notum est, *nec—et sæpe legi*.



Huic ego juratus, vobis in verba vocatis,

Conjugio, dixi, sola frui meo.

Et dixi, et servo; sed enim diversa voluntas

Est mihi: nec conjux, et pater esse volo. 530

Adnuerant omnes: omnes ad terga iuveni

Constiterant: pudor est ulteriora loqui.

Tum superinjecta texere madentia terra:

Jamque decem menses; et puer ortus erat.

Hunc Hyrieus, quia sic genitus, vocat Uriona:

Perdidit antiquum litera prima sonum. 536

Creverat immensum: comitem sibi Delia sumsit:

Ille deæ custos, ille satelles erat.

Verba movent iras non circumspecta deorum:

Quam nequeam, dixit, vincere, nulla fera est.

531. Unus Farnesianus *constiterunt*; tum Heinsius etiam *annuerunt* legi vult; sed plusquamperfectum bene se habet, indicatque paratissimos fuisse deos ad ista facienda; vide Clark. ad Homerum, II. A. 37. p. 10. Heinsius etiam putat, vaccam a diis esse initam, ideoque *iuvenca* dedit. Immo sumserunt: *τὴν τοῦ ἱεραργηθέντος ἀνθρώπου βοῦς βύρσαν*. Palæphat. *Mercurius de tauro, quem Hercules (forte Hyrieus) ei immolatur, corium protulit*; Hyginus, fab. 195. Reliqua idem Poet. Astron. ii. 34. Pindari dithyrambis (Strabo, x. p. 620.) sic narrat: “et quod fecerant urinæ in corium infudisse, et id sub terra poni jussisse: ex quo postea natum puerum, quem Hyrieus e facto Uriona nomine appellaret: sed vetustate in consuetudine factum est, ut Orion vocaretur.” Palæphato dictus est *Ὀρίων, διὰ τὸ οὐρῆσαι ὡσπερ τοὺς θεοὺς ἔπειτα κατ’ ἐβφημισμὸν, Ὀρίων*. Sic et alii, ut Servius ad Æneid. i. 539. qui putat, Dorica lingua *ou* mutatum esse in *o*. Cæterum Pherecydes et Hesiodus Uriona Nep-

tuni fecerunt ex Euryale, Minois filia, filium, atque adeo honestiorem ei dederunt originem. Nomen autem ab *Oreo* monte, in quo educatus, accepisse legitur apud Strabonem, x. p. 632.

537. *Creverat immensum.*] Apollodorus dicto loco: *ταύτων γηγενῆ λέγουσιν ὑπερμεγέθη τὸ σῶμα*. Secundum Eratosthium, Palæphat. et Theon. ad Arat. p. 80. Orion vim inferre voluit Dianæ venanti, illa vero irata scorpionem e terra protulit; a quo ictus Orion periit, sed a Jove inter sidera relatus est. Alii cum Callimacho narrabant, confixum eum esse sagittis Dianæ; Hyginus, ii. 34. Inde etiam Horatius, III. Od. iv. 71: “integræ Tentator Orion Dianæ, Virginea domitus sagitta.” Sed traditioni, quam Ovidius secutus est, similem fere habet Hyginus, ii. 26. *Gemellipara dea Latona etiam Metam. vi. 315.* vocatur, et videtur hoc nomen ab ipso Ovidio compositum esse. *Ferre deæ*, immittere spicula sua in deam; Burmannus comparat *ferrum, jugulo ferre* apud Silium, ix. 519.

Scorpion immisit Tellus : fuit impetus illi 541  
 Curva gemelliparæ spicula ferre deæ.  
 Obstitit Orion : Latona nitentibus astris  
 Addidit ; et, Meriti præmia, dixit, habe.  
 SED quid et Orion, et cætera sidera mundo 545  
 Cedere festinant, noxque coartat iter ?  
 Quid solito citius liquido jubar æquore tollit  
 Candida, Lucifero præveniente, dies ? [bant :  
 Fallor, an arma sonant ? non fallimur ; arma sona-  
 Mars venit ; et veniens bellica signa dedit. 550  
 Ultor ad ipse suos cælo descendit honores,  
 Templaque in Augusto conspicienda foro.  
 Et deus est ingens, et opus : debebat in urbe  
 Non aliter nati Mars habitare sui.  
 Digna Giganteis hæc sunt delubra tropæis : 555  
 Hinc fera Gradivum bella movere decet ;

545—598. IV. *Idus, sive die xii. Ludi Circenses in honorem Ultoris, cui Augustus in Foro suo templum posuit, votum illud in bello Philippensi ; Suetonius August. 29. Vide Masson. in Vita Ovidii ad annum 752.*

*Sed quid Orion, etc.] Ipsa sidera et sol cupide exspectant initium illorum solemnium. Simile figmentum habes iv. 673. Orionis autem nexus causa, cæterum non satis commode, mentio facta ; occiderat enim jam vesperi. Cedunt mundo, occidunt ; Metam. xi. 511. excedere olympo ; Virgilius amat sic decedere, ut Georg. i. 222. 450. et alibi. Coartatur iter alias, quando montibus aut silvis occurrentibus fit angustius. Nunc brevius iter intel. Præveniente Lucifero ; stella Veneris, quæ prænuntiat diem. LEM.*

549. Incipit cum sonitu armorum, fere, ut iv. 181. Dii evocari solebant carminibus κληυκοίς, ut venirent, sacrisque suis adessent. *Signa dedit,*

ut Jupiter Metam. i. 220 : “ signa dedi venisse deum.” *Ad ipse.* Præpositiones sic solent interdum transponi, ut Metam. i. “ in domino dignos everti tecta Penates,” ubi vide notam. *Forum suum Augustus extruxit, quia duo hominum et judiciorum multitudini non sufficebant : ideoque festinantius, nondum perfecta Martis æde, publicatum est ; Suetonius dicto loco. Insigne hoc templum fuisse, vel ex hoc loco apparet. Jam Julius Cæsar : “ Marti templum, quantum nusquam esset, extruere” voluit ; Suetonius Jul. 44.*

555. *Digna—decet.] Hæc lucem accipiunt e verbis Suetonii dicto loco, de Augusto : “ Sanxit ergo, ut de bellis triumphisque hic consuleretur senatus ; quique victores redissent, huc insignia triumphorum inferrent.” Fastigia summa plendorum ornari solebant simulacris deorum ; Metam. ii. 3 : “ ebur nitidum fastigia summa*

Seu quis ab Eoo nos impius orbe lacesset ;  
 Seu quis ab occiduo sole domandus erit.  
 Prospicit Armipotens operis fastigia summi ;  
 Et probat invictos summa tenere deos. 560  
 Prospicit in foribus diversæ tela figuræ,  
 Armaque terrarum milite victa suo.  
 Hinc videt Æneam oneratum pondere sacro,  
 Et tot Iuleæ nobilitatis avos.  
 Hinc videt Iliaden humeris ducis arma ferentem,  
 Claraque dispositis acta subesse viris. 566  
 Spectat et Augusto prætextum nomine templum,  
 Et visum, lecto Cæsare, majus opus.

tenebat," ubi vide notam. *Invictos*, quia Roma invicta. Interpres Gallicus putat Jovem, Herculem, ipsumque Martem intelligi. *Tela Neapolis* intelligit insignia triumphorum, de quibus Suetonius dicto loco; verum hæc non potuerunt *in foribus* esse. Intellige *tela* foribus vel insculpta, vel præfixa. In verbis *arma victa* non debebat hære Burmannus; sunt utique arma victarum terrarum.

563. Et statuis et tabulis pictis Augustus Forum suum instruxit; Suetonius August. 31: "Proximum a diis immortalibus honorem memoriæ ducum præstitit. Itaque et opera cujusque, manentibus titulis, restituit: et statuas omnium triumphali effigie in utraque Fori sui porticu dedicavit." Ac *titulis* quidem forum ejus prænituisse, etiam Velleius, ii. 39. narrat. Plinius, xxxv. 10. ubi Apellis tabulas quasdam nominavit, pergit: "Quas utrasque tabulas divus Augustus in Fori sui partibus celeberrimis dicaverat simplicitate moderata." In istis simulacris non mirum est fuisse etiam *Iuleæ nobilitatis avos*, de quibus iv. 29 sqq. *Æneam sacra et, sacra altera,*

*patrem humeris ferentem* sæpius Noster memorat; i. 527; iv. 37; Metam. xiii. 625. Pro eo tunc, *oneratum pondere sacro*, id est, et patre et penatibus. *Iliades*, Romulus Iliæ filius, ducis, regis, Cæninensis, a se obruncati, arma, spolia, retulit. Redux Jovi Feretrio templum vovit, sedem spoliis opimis; Livius, i. 10. *Claraque*, etc. Statuæ virorum illustrium ordine quodam collocatæ in basi habebant titulos, sive indicem rerum præclare ab iis gestarum; vide quæ modo ad versum 563. dedimus.

567. Templum in fronte Augusti nomen ex more inscriptum ostentabat. Quæ in fronte rei aut in margine sunt, ea *prætexta* vocantur; Plinius, paneg. lii. 2: *postibus præteri*, statuas suas ante fores templi ponere. Seneca, Epist. 89: "Fluminum ripas ædificia prætexunt." *Lecto Cæsare*, lecto Cæsaris nomine, visum majus, quia tanto a viro dedicatum. Succurrit illud Gnathonis apud Terentium, Eun. iii. 1: "Læta est non tam ipso quidem dono, quam abs te datum esse: id vero serio triumphat!" De tempore templi voti consentit Suetonius, 29:

Voverat hoc juvenis tunc, quum pia sustulit arma:  
 A tantis princeps incipiendus erat. 570  
 Ille manus tendens, hinc stanti milite justo,  
 Hinc conjuratis, talia dicta dedit:  
 Si mihi bellandi pater est, Vestæque sacerdos  
 Auctor, et ulcisci numen utrumque paro:  
 Mars, ades; et satia scelerato sanguine ferrum;  
 Stetque favor causa pro meliore tuus. 576  
 Templa feres; et, me victore, vocaberis Ultor.  
 Voverat; et fuso lætus ab hoste redit:  
 Nec satis est meruisse semel cognomina Marti:  
 Persequitur Parthi signa retenta manu. 580  
 Gens fuit et campis, et equis, et tuta sagittis,  
 Et circumfusus invia fluminibus.

“Ædem Marti bello Philippensi pro ultione paterna suscepto voverat.” *Princeps incipiendus erat*, principalis dignitas a tantis rebus proficisci debebat.

571. Ipse vovens inducitur. *Hinc stanti*, etc. De Julio Cæsare, *Vestæ sacerdote*, interfecto vide iii. 699. *Numen utrumque*, patris et pontificis maximi.

579. Anno U. C. 699. M. Crassus a Parthis erat occisus, Orode regnante, exercitusque ejus partim deletus, partim captus. Postea Antonius eadem ab iisdem hostibus accepit. Sed anno U. C. 734, quum Augustus in Asia versaretur, Phraates, rex Parthorum, et metuens, ne bello ab eo peteretur, et suis diffidens, signa Romanis olim adempta ei sponte remisit. De ea re tamquam de victoria insigni, mirum in modum lætatus est Augustus, in gaudii societatem venientibus Romanis, qui eam et nummis et carminibus celebrarunt; Justin. xlii. 5: “Plus Cæsar magnitudine nominis sui fecit, quam armis alius imperator

facere potuisset.” Vide Dionem, liv. 8. qui et hujus templi meminit: Νεῶν Ἀρεως Τιμωροῦ ἐν τῷ Καπιτωλίῳ κατὰ τὸ τοῦ Διὸς φερετριῶν Ζήλωμα, πρὸς τὴν τῶν σημείων ἀνάθεσιν καὶ ψηφισθῆναι ἐκέλευσε, καὶ ἐποίησεν. His verbis atque varia forma, quam Martis Ultoris templum in nummis habet, (vide Patin. ad Suetonii dictum locum) moti nonnulli putarunt, duo templa Augustum huic deo possuisse, alterum Ultori in Foro suo, alterum, receptis signis, in capitolio Marti Bisultori. Sed nec Ovidius, nec alius scriptor hanc opinionem confirmat. Itaque Masson et Reimar. movent, apud Dionem verba ἐν τῷ Καπιτωλίῳ ad Ζήλωμα pertinere, aut corrupta esse; nummos autem non diversa templa, sed varias ejusdem templi facies exhibere. Quo jure poeta hæc Parthica addiderit, dixi ad versum 545.

581. Amplificatur Augusti honor. Quo difficilior aditu illa gens, quo ferocior rebus suis secundis, quo tristior ignominia Romanis inde illata, eo major Augusti gloria receptis signis.

Addiderant animos Crassorum funera genti,  
 Quum periit miles, signaque duxque simul.  
 Signa, decus belli, Parthus Romana tenebat ; 585  
 Romanæque aquilæ signifer hostis erat.  
 Isque pudor mansisset adhuc, nisi fortibus armis  
 Cæsaris Ausoniæ protegerentur opes.  
 Ille notas veteres, et longi dedecus ævi  
 Sustulit : agnorunt signa recepta suos. 590  
 Quid tibi nunc solitæ mitti post terga sagittæ,  
 Quid loca, quid rapidi profuit usus equi,  
 Parthe ? refers aquilas : victos quoque porrigis ar-  
 Pignora jam nostri nulla pudoris habes. [cus :  
 Rite deo templumque datum, nomenque bis ulto,  
 Et meritis votis debita solvit honos. 596  
 Solemni ludos circo celebrate, Quirites :  
 Non visa est fortem scena decere deum.

Parthi *equis* metuendi ac *sagittis*, quibus e simulata fuga retro missis, hostem incaute persequentem obruebant ; Horatius, I. Od. xix. 11 ; II. Od. xiii. 17 ; Justinus, xli. 2. *Campi* eorum immensi et equis alendis, et præliis equestribus committendis inserviebant. *Crassorum*, patris et filii ; Florus, iii. 11 : “ Cupiditas Crassi, dum Parthico inhiat auro, undecim strage legionum et ipsius capite multata est.— Filium ducis pæne in conspectu patris telis operuere.” Justinus, xlii. 4 : “ Orodes Crassum imperatorem cum filio et omni exercitu Romano delevit.” E signis militaribus maxima *decora* erant *aquilæ* argentæ legionum. *Pudor*, idem quod *mox nota* ; Plinius, paneg. xci. 2. *notam pudoremque* conjungit.

589. *Notas*, ignominias, *veteres*, quæ per triginta amplius annos inultæ manserant. *Ipsis signis* vitam et sensum tribuit, ut Plinius, paneg. i.

4. *tectis* : “ sentire et lætari videntur, quod niteant.” *Quid tibi*, etc. Hæc exacte respondent superiori ver. 581.) In nummis quibusdam Parthus flexo genu porrigit Augusto altera manu signa, altera suos *arcus* et *pharetras* ; inde Horatius, I. Ep. xii. 27 : “ jus imperiumque Phraates Cæsaris accepit genibus minor.” Sic illi *victi* dici poterant, quia victarum gentium erat arma sua *porrigere* victori, ut i. 646 : *Germania crines suos porrigit. Pignora pudoris*, quæ testantur ignominiam nostram pudendam ; ignominiam illam describit Horatius, III. Od. v.

596. *Meritus*, etc.] Augustus votis suis honorem meritis solvit debita. *Sollemnis circus* bene dicitur in quo ludi exhibentur. Art. Amat. i. 133 : *sollemnia theatra. Scena decere* ; conf. ver. 347. Augustum *naumachia* exhibita templi illius dedicationem celebrasse, narrat Velleius, ii. 100.

PLEIADAS adspicies omnes, totumque sororum  
 Agmen, ubi ante Idus nox erit una super. 600  
 Tum mihi non dubiis auctoribus incipit æstas;  
 Et tepidi finem tempora veris habent.  
 IDIBUS ora prior stellantia tollere Taurum  
 Indicat: huic signo fabula nota subest.  
 Præbuit, ut taurus, Tyriæ sua terga puellæ 605  
 Jupiter, et falsa cornua fronte tulit.  
 Illa jubam dextra, læva retinebat amictus;  
 Et timor ipse novi causa decoris erat.  
 Aura sinus implet; flavos movet aura capillos.  
 Sidoni, sic fueras accipienda Jovi! 610  
 Sæpe puellares subducit ab æquore plantas;  
 Et metuit tactus adsilientis aquæ.  
 Sæpe deus prudens tergum demittit in undas,  
 Hæreat ut collo fortius illa suo.  
 Litoribus tactis stabat sine cornibus ullis 615  
 Jupiter; inque deum de bove versus erat.

599—602. III. *Idus sive die xiiii. Pleiades oriuntur heliace, et Æstas incipit.* De *Pleiadibus* vide iv. 169 sqq. Earum ortu et occasu jam Hesiod. *Ἔργ.* 383. opera rustica definiebat. Ortum alii die 44. alii 48. ab æquinoctio verno contingere putabant; Varro, i. 28; Columella, xi. 14. Vid. Petavius Varr. *Dissert.* lib. ii. cap. 9. ubi eos tuetur, qui diem 48. inter xiv. et xv. diem Maii constituerunt, atque Ovidium, qui xiiii. diem habet, errasse ostendit. Plin. xviii. 29: "Virgiliarum (id est, Pleiadum) exortu æstas incipit, occasu hiems." Sic et Aratus.

603—620. *Pridie Idus Tauri caput oritur.*] De hoc sidere iv. 717. Tauri et Europæ fabulam Noster etiam Metam. ii. 383. ad finem, narravit, ubi et alios auctores laudavimus. *Ora stellantia supra ver.* 165. *ora septem*

*radiantia flammis* vocantur. Europa, Agenoris, regis Phœnicum filia, mox Tyria, mox Sidonis a poetis appellatur. *Falsum* passim in Metam. de forma aliena, quam quis fallendi causa ad tempus sumsit, aut in quam mutatus est a deo aliquo.

607. Hæc fortasse e tabula antiqua expressa sunt. Etiam Lucianus *Dialog. Zephyri et Noti*, tom. ii. pag. 125: ἡ δὲ τῆ λαϊὰ μὲν εἶχετο τοῦ κέρατος, ὡς μὴ ἀπολισθάνοι, τῆ ἑτέρα δὲ ἠνεμωμένον τὸν πέπλον ξυνεῖχε. Met. dicto loco, *dextra cornu tenet, altera dorso imposita est. Juba nunc tribuitur tauro*, ut III. *Amor.* v. 24. De illo novo decore vide ad ii. 757. *Aura sinus implet*; Metam. dicto loco: "tremulæ sinuantur flamine vestes." *Accipienda, scilicet dorso tauri.*

615. *Litoribus, nempè Cretæ.* Ili

Taurus init cœlum : te, Sidoni, Jupiter implet ;

Parsque tuum terræ tertia nomen habet.

Hoc alii signum Phariam dixere juvencam ;

Quæ bos ex homine est, ex bove facta dea. 620

Tum quoque priscorum virgo simulacra virorum

Mittere roboreo scirpea ponte solet.

Corpora post decies senos qui credidit annos

Missa neci, sceleris crimine damnat avos.

Fama vetus : tum, quum Saturnia terra vocata est,

Talia fatidici dicta fuere dei : 626

Falcifero libata seni duo corpora, gentes,

Mittite, quæ Tuscis excipiantur aquis.

“posita fallacis imagine tauri Se confessus erat” Jupiter ; Metam. iii. 1. *Hoc alii*, etc. conf. iv. 717 ; Hyginus, Poet. Astron. ii. 21. *Phariam juvencam*, Io, Inachi filiam, cujus duplicem transformationem *ex homine in bovem* et *in Deam ex bove* habes Met. i. *Phariam*, Ægyptiam. Amat hanc vocem Claudianus. Verba *Quæ bos*, etc. etiam Heroid. xiv. 86. leguntur, atque adeo placuisse videntur Ovidio.

621—662. Eodem die pontifices et virgines vestales scirpea virorum simulacra in Tiberim projicere solebant ; cujus rei causæ adferuntur. Vide Dionys. Halicarn. i. 19 et 38 ; Plutarchum, Quæst. Rom. p. 102. Reisk.

*Tum*, Idibus Maiis, sacrificio ante peracto, pontifices, vestales, prætores aliique cives, simulacra ad humanæ formæ similitudinem facta, numero triginta, de ponte sublicio in Tiberim mittebant ; Dionysius, qui simulacra illa vocat *εἰδῶλα ἀνδρείκελα, κεκοσμημένα τὸν αὐτὸν ἐκείνοις τροπον*. *Scirpea* fuisse, testatur etiam Varro, qui tantum viginti quatuor numerat. Dicta autem sunt *Argei*. *Roboreus*, sublicius ; a Dionysio sacer, a Plutar-

cho ligneus, *ξυλίνη*, vocatur. *Corpora post decies*, etc. Falsa fama improbat. Sexagenarii, Oscorum lingua *casnares* dicebantur. Varro : “Vix effatus erat, cum more majorum ulro casnares arripiunt, de ponte in Tiberim deturbant.”

625. Pelasgis Dodonæ oraculum erat editum : *Στείχτε μαϊόμενοι Σικελῶν Σατουρνίαν αἶαν, Ἥδ' Ἀβοριγενέων Κοτόλην, οὐ νᾶσος ὀχέεται. Οἷς ἀναμιχθέντες δεκάτην ἐκπέμψατε Φοίβω, καὶ κεφάλας Ἄδω, καὶ τῷ πατρὶ πέμπετε φῶτα*. “Ite quærentes Sictorum Saturniam terram, atque Aboriginum Cotylen, ubi insuia natat. Quibus permixti decimam mittite Phœbo, et capita Diti, et patri mittite virum ;” Dionysius. *Dei ex Mediceo Heins.* dedit, ut de Apolline agatur. Quia vero, auctore Dionysio, Dodonæum fuit oraculum, propterea idem *Jovis* mallet. *Falcifero seni*, sive Saturno priscos Italiæ incolas homines obtulisse ita, ut eos pedibus manibusque victos in Tiberim projicerent, narrant et Dionys. et Lactant. *Tusca aquæ*, Tiberis, et i. 500.

P p

VOL. V.

Donec in hæc venit Tirynthius arva, quotannis  
 Tristia Leucadio sacra peracta modo. 630  
 Illum stramineos in aquam misisse Quirites :  
 Herculis exemplo corpora falsa jaci.  
 Pars putat, ut ferrent juvenes suffragia soli,  
 Pontibus infirmos præcipitasse senes.  
 Tibri, doce verum ; tua ripa vetustior urbe : 635  
 Principium ritus tu bene nosse potes.  
 Tibris arundiferum medio caput extulit alveo ;  
 Raucaque dimovit talibus ora sonis :  
 Hæc loca desertas vidi sine mœnibus herbas :  
 Pascebat sparsos utraque ripa boves. 640

629. Omnes, quos supra laudavi, auctores in eo consentiunt, Herculem ex Hispania redeuntem abrogasse illum morem. *Leucas* ad litus Acarnaniæ, olim peninsula, postea insula ; *Metam.* xv. 289 ; *Plinius*, ii. 90. ibique *Harduinus*. In ea insula scopulus erat, unde, ad exemplum *Saphus*, desilire solebant, qui amorem excuti e pectore suo aliisque injici vellent ; *Heroid.* xv. 163 sqq ; *Athenæus*, xiv. 3 ; *Servius* ad *Virg. Eclog.* ix. 57 ; *Vossius* ad *Catullum*. Inde hic scopulus amantium dictus est. Sed inde et in sacris *Apollinis* malefici quidam, quibus alæ illigatæ erant, dejiciebantur, ita quidem, ut exciperentur ab hominibus in cymbis dispositis ; *Strabo*, x. p. 452. *Quirites* Herculis tempore nondum erant. Suasit autem *Hercules* hominibus istius terræ : “ Ut faustis sacrificiis infausta mutarent, inferentes *Diti*, non hominum capita, sed oscilla ad humanam effigiem arte simulata, et aras *Saturuias*, non mac-tando viros, sed accensis luminibus excolentes, quia non solum virum, sed et lumina φῶρα” (quod in oraculo occurrit) “ significat ;” *Macrobius*,

*Sat. lib. i. cap. 7* ; de *Herculis* adventu in *Italiam*.

633. Hæc opinio orta erat e proverbio male intellecto. *Nonius* : “ Quum in quintum gradum pervenerant, atque habebant sexaginta annos, tum denique erant a publicis negotiis liberi atque expediti et otiosi : ideo in proverbium quidam putant venisse, sexagenarios de ponte dejici oportere, id est, quod suffragium non ferant, quod per pontem ferebant.” Similia habet *Festus*. Alias causas *Plutarchus* dicto loco adfert, aut barbaros, qui antiquissimis temporibus illa loca incolerent, Græcos si quos cepissent, interfecisse, aut ipsum *Evandrum*, quum *Argivi* *Arcadibus* inimicissimi essent, istam odii memoriam secum in *Italiam* adtulisse.

637. *Arundine* cingi *Flumina* solebant ; *Met.* ix. 3. *Achelous* : “ inornatos redimitus arundine crines.” *Sparsi* non paucos indicat, sed in piscuis errantes, non gregatim incedentes. *Quem nunc*, etc. *Met.* ii. 259 : “ Cuique fuit rerum promissa potentia, *Tibris*.” Propter illam potentiam gentes *Tiberin* norantque timebantque.



Et quem nunc gentes Tiberin noruntque timentque,  
Tunc etiam pecori despiciendus eram.

Arcadis Evandri nomen tibi sæpe refertur :

Ille meas remis advena torsit aquas.

Venit et Alcides, turba comitatus Achiva : 645

Albula, si memini, tunc mihi nomen erat.

Excipit hospitio juvenem Pallantius heros :

Et tandem Caco debita pœna venit.

Victor abit, secumque boves, Erytheïda prædam,

Abstrahit : at comites longius ire negant. 650

Magnaque pars horum desertis venerat Argis :

Montibus his ponunt spemque Laremque suum.

Sæpe tamen patriæ dulci tanguntur amore ;

Atque aliquis moriens hoc breve mandat opus :

Mittite me Tiberi ; Tiberinis vectus ut undis 655

Litus ad Inachium pulvis inanis eam.

643. De *Evandri* adventu i. 471 sqq. *Torquere*, alibi *verberare*. De nomine *Albula* ii. 389. *Pallantius heros* supra ver. 97. *Nonacrius heros* vocatur. De *Caco* ejusque pœna i. 551 sqq. *Venire* et mala dicuntur quæ nobis accidunt, et bona, quæ contingunt ; Phædrus, I. fab. ii. 31 : *majus ne veniat malum*. Et apud Ciceronem Verres hæreditatem sibi *venisse* putabat. *Erytheïdes* boves etiam i. 543.

651. *Argis* venisse Herculis socios, et quosdam eorum mansisse in Italia, et aliunde constat. Hinc apud Virgil. *Æneid.* x. 779. Antores, Herculis comes : " Qui missus ab Argis hæserat Evandro, atque Itala consederat urbe." Ab *Argis* simulacra illa *Argei* dicta. *Desertis*, scilicet a se, e copia poetica additum. Cæteram secundum Macrobius non sponte illi remanserunt, sed ab Hercule relictæ sunt, vel irato, quod armentum non satis custodivis-

sent, vel eo consilio, ut aram suam ab incursionibus tuerentur. *Montibus*, etc. " Quum a latronibus infestarentur, occupato edito colle, Saturnios se nominarunt, quo ante nomine etiam idem collis vocabatur ;" Macrobius, i. 7. Idem, cap. 11. ex Epicado refert, Herculem ponte, qui post *Sublicius* dictus, ad tempus instructo, hominum simulacra pro numero sociorum, quos casu peregrinationis amisisset, in fluvium dejecisse, ut aqua secunda in mare devecta pro corporibus defunctorum veluti patris sedibus redderentur.

653. Pro *tanguntur* Sarravianus *torquentur*, quod vero τῶν *dulci* non convenit : sed *tangi amore* elegans locutio. *Pulvis*, cinis corporis combusti ; Met. viii. 496 : *Exiguus jacebimus pulvis* ; Anacr. iv. 9 : ὀλίγη κεισόμεσθα κόνης. Horatius, IV. Od. vii. 16 : *Pulvis et umbra sumus*. Neapolis verbis Scholiast. Lycophr. do-

Displicet hæredi mandati cura sepulcri :  
 Mortuus Ausonia conditur hospes humo.  
 Scirpea pro domino Tiberi jactatur imago,  
 Ut repetat Graias per freta longa domos. 660  
 Hactenus : ut vivo subiit rorantia saxo  
 Antra ; leves cursum sustinuistis aquæ.  
 CLARE nepos Atlantis, ades ; quem montibus olim  
 Edidit arcadiis Pleias una Jovi :  
 Pacis et armorum superis imisque deorum 665  
 Arbiter, alato qui pede carpis iter,  
 Læte lyræ pulsu, nitida quoque læte palæstra ;  
 Quo didicit culte lingua favente loqui.  
 Templata tibi posuere patres spectantia circum  
 Idibus : ex illo est hæc tibi festa dies. 670

cet, solitos esse Græcos cineres amicorum extra patriam mortuorum arcis inclusos domum deportare. *Sepultus*, quocumque modo conditus, etiam in aquam abjectus ; Cuperus in *Observ.* i. 7.

661. *Hactenus* locutus est Tiberis. In foraminibus, unde fluvius exit, poetæ fingebant *antra*, in quibus dii fluviales habitarent. *Rorare* dicuntur loca humida ; *Met.* iii. 177 : "intravit rorantia fontibus antra." *Vivum*, ut *Met.* iii. 159 : *pumex vivus* ; et v. 317 : *facta de vivo sedilia saxo*. *Leves*, celeres. *Ut*, non *et*, postulat series orationis.

663—692. *Idibus Mercurio templum positum* ; hinc ille dies mercatoribus *inprimis festus*. Præmittuntur Mercurii laudes ; sequuntur *piamina* et *preces mercatorum*.

*Clare nepos*, etc.] De virtutibus ejus confer vers. 103 et 447. Vide *Bentleium* ad dict. loc. cui displicebat hoc loco *una Pleias*, quia sponte intelligatur, non duabus matribus genitum esse Mercurium ; suadebat

*ergo uda*, quia Pleiades passim poetis *aguosa*, *madida*, *inbrifera* dicuntur ; sed *Burmannus* ad *Heroid.* xv. 162. docet *unam Pleiada* recte dici *unam ex Pleiadibus*. Et hoc loco incommode *uda* nobis *Pleias* exhiberetur. *Montibus*, *Cyllene monte*.

666. *Arbiter* idem quod *interpres*, *μείτρης* ; is, per quem transigitur aliquid inter duos ; *Livius*, ii. 33 : " *interpres arbiterque concordiae civium*." *Mercurius pacis et armorum arbiter* propter eloquentiam et prudentiam, qua excellit. Inde *Pacifer* in nummis vocatur. Vide *Jani Excursum* iii. ad *Horatium*, *Od.* lib. i. De *lyra* ab eo inventa supra ver. 104. *Nitida* vocatur *palæstra* et *Metam* vi. 241 ; et *uncta* *Heroid.* XI. 19. quia luctantes oleo ungebantur. *Palæstra* valebat ad corporis motus formandos roburque confirmandum. *Lætus* poetis omnino, qui aliquid habet aut tractat. *Culte*, facunde.

670. Anno U. C. 258. *Idibus Maii Mercurio ædes posita* ; quam, populo jubente, dedicavit *M. Lætorius*,

Te, quicumque suas profitetur vendere merces,  
 Ture dato, tribuas ut sibi lucra, rogat.  
 Est aqua Mercurii portæ vicina Capenæ :  
 Si juvat expertis credere, numen habet.  
 Huc venit incinctus tunicas mercator ; et urna 675  
 Purus suffita, quam ferat, haurit aquam.  
 Uda fit hinc laurus : lauro sparguntur ab uda  
 Omnia, quæ dominos sunt habitura novos.  
 Spargit et ipse suos lauro rorante capillos ;  
 Et peragit solita fallere voce preces. 680  
 Ablue præteriti perjuria temporis, inquit :  
 Ablue præterita perfida verba die.  
 Sive ego te feci testem, falsove citavi  
 Non audituri numina magna Jovis ;

primi pili centurio ; Livius, ii. 21 et 27 ; unde et apparet, eodem tempore collegium mercatorum esse institutum. Mercaturæ præerat Mercurius, quia illa multa ingenii sollertia opus habet. Hinc in monumentis cum Fortuna jungitur, ancoram tenet, rostro navali insidet. Vide Jani dict. loc. De aqua Mercurii nihil apud alios auctores. Numen, vis experiendi.

675. *Incinctus*, cinctus ; Neapolis monet, eum fuisse habitum mercatorum, ut e cingulo marsupium auri monetalis suspensum gestarent. *Vulgo tunica*. Sed plurale *tunicæ* sæpe de uno homine legitur, ut apud Plinium, II. Ep. xx. 10 ; IV. xvi. 2. *Suffita*, fumo, suffimine lustrata. De *suffimina* iv. 731 ; de *lauro* 728 ; de voce *rorare* ad ver. 778. *Quæ dominos*, etc. merces vendendæ.

680. *Preces*, quibus mercator nisi nisi *perjuria* et *perfidiam* sibi condonari, et nova lucra dari petit. Quomodo tales preces *peractæ*, recitatæ sint, ex Horatio, I. Epist. xvi. 58. in-

telligitur : “ Quandocumque deos vel porco, vel bove placat ; Jane pater, clare ; clare quum dixit, Apollo ; Labra movet metuens audiri ; pulchra Laverna, Da mihi fallere, da justo sanctoque videri : Noctem peccatis, et fraudibus objice nubem.” Hinc apparet quam mala fuerit mercatorum fama. *Ablue*, condona, cum respectu ad purgationes. *Præterita die*, præterito tempore, sive præteriti temporis. Nescio, cur Burmannus hæc ad vesperam tantum ejus diei referebat, quo mercator his sacris operatus sit. *Citare testem* formula propria ; Petronius, 2 : “ Ne poetas quidem ad testimonium citem.” Phædrus, i. fab. 17 : “ lupus testis citatus.” Nam *citare* sensu primo est vocare. Ex interpretatione igitur fluxit aliorum *vocavi*. *Non audituri*, sperans eum non auditurum esse. Olim *nomina* aut *numina vana* ; male. Tibullus, III. vi. 22 : “ Qui timet irati (Bacchi) numina magna.” Prudens, sciens, consulto. Terentius Eunuch. I. i. 27 : *sciens prudensque perreo*. Formula jurandi

Sive deum prudens alium divamve fefelli ; 685  
 Abstulerint celeres improba dicta Noti.  
 Et pereant veniente die perjuria nobis :  
 Nec curent Superi, si qua locutus ero.  
 Da modo lucra mihi, da facto gaudia lucro :  
 Et face, ut emtori verba dedisse juvet. 690  
 Talia Mercurius poscentem ridet ab alto,  
 Se memor Ortygias surripuisse boves.  
 At mihi pande, precor, tanto meliora petenti,  
 In Geminos ex quo tempore Phæbus eat ?  
 Quum totidem de mense dies superesse videbis ; 695  
 Quot sunt Herculei facta laboris, ait.

erat, *si sciens fallo*. Macrob. Saturn. i. 16 : eum, qui talibus diebus (feriis) imprudens aliquid egisset, porco piaculum dare debere: prudentem expiare non posse, Scævola pontifex asseverabat." Res irritas venti ferre, auferre dicuntur, et quas quis ex animo ejicere vult, eas tradit ventis: Horatius, I. Od. xxvi. 2.

687. *Pereant*, non puniantur. Burmanno placebat, quod in Juniano et altero Puteano est, *perjuria noctis*, ut nec ipsa nocte fallere mercator desistat. Id vero mihi paulo argutius videtur. Eidem Burmanno etiam verbum *locutus* frigere videbatur; malebat igitur *jocatus*; illud enim genus hominum jusjurandum ut jocum habere. Immo ad *qua* repete *perjuria*. Pro *face* multi *fac*. *Poscentem*, precantem; Horatius, I. Od. xxxi. 1: "Quid dedicatum poscit Apollinem Vates?" vulgo *poscentes*; sed de uno sermo est inde a ver. 675. Memor erat Mercurius, se *callidum*, *quidquid placuit, jocosum Condere furto*, Horatius, I. Od. x. 7. ubi hoc ipsum exemplum subjicitur de bubus Apollinis, quas *arte sua*, id est, calliditate qua excellebat, abegit. Res narratur

Met. ii. 676 sqq. *Ortygias*, Apollinis in insula Ortygia nati; vide ad Met. i. 694.

693—720. XIV. *Kalendas Junias sol in Geminos transit*. Ejus sideris origo narratur. Castor et Pollux, Tyndarei filii, quum Phœben et Hylairam, Lycippi filias rapuissent, Lynceo et Idæ, Apharei filiiis, quibus virgines illæ desponsatæ erant, bellum moverunt, in quo Castor Lyncei ense trajectus, Lynceus Pollucis hasta transforatus, Idas Jovis fulmine necatus est. Pollux, quum Jupiter eum in cælum recipere vellet, rogavit, ut eum honorem partiri cum fratre sibi liceret; confer Pindar. Nem. x. 103 sqq. *At mihi*, etc. Ver. 663. Mercurium rogaverat, ut sibi adesset. Eam appellationem oblitus erat in seqq; sed nunc ad eam redit, et rem discit a Mercurio. *Tanto meliora* Burmannus explicat e formula laudandi *tanto melior*, de qua ipse ad Phædrum, III. v. 3. Comparantur nunc sqq. cum precibus mercatorum, quæ antecedunt. Aut *facta laboris* sunt labores, aut *labor Hercules* est Hercules ipse; sic Horatius, I. Od. iii. 36: *Perrupit Acheronta Hercules*

Dic, ego respondi, causam mihi sideris hujus.

Causam facundo prodidit ore deus :

Abstulerant raptas Phœben Phœbesque sororem

Tyndaridæ fratres, hic eques, ille pugil. 700

Bella parant, repetuntque suas et frater et Idas ;

Leucippo fieri pactus uterque gener.

His amor, ut repetant, illis, ut reddere nolint,

Suadet : et ex causa pugnat uterque pari.

Effugere Œbalidæ cursu potuere sequentes ; 705

Sed visum celeri vincere turpe fuga.

Liber ab arboribus locus est, apta area pugnae.

Constiterant illic : nomen Aphidna loco.

*labor* ; eodem sensu Homerus, βίη Ἡρακλήειη.

699. *Phæbes* soror Elaira, Ilaira, Hilaira, Laira vocatur ab auctoribus. Vera scriptura haud dubie est Ἰλάστ-ρα. Lycippus, pater harum sororum erat frater Apharei Messenii, cujus filii Lynceus et Idas ; Apollodorus, III. x. 3. *Raptum* illum etiam Theocritus et Hygin. memorant ; sed Pindarus ob boves abactas pugnam ortam esse canit, quod latius persequitur Apollodorus. Apud Schol. Pindari ad ver. 104. Tyndaridæ inter ipsas epulas nuptiales, ad quas invitati erant, sponsas rapiunt. *Hic eques*, etc. ex Homero II. Γ. 237. et Od. A. 302 ; a quo alter *ἰππόδαμος*, alter *πύξ ἀγαθός* vocatur. Auctor Cypriorum in Schol. Pindari ad ver. 144 : Κάστορά ὧ ἰππόδαμον, καὶ ἀεθλόφορον Πολυδεύκεια. Horat. I. Od. xii. 23 : "Hunc equis, illum superare pugnis Nobilem." Illum *ἰππόδαμον* Apollodorus interpretatur, ἦσκει τὰ κατὰ πόλεμον.

705. *Œbalidæ*, Tyndaridæ, Œbali nepotes. Pugna autem eorum cum Apharei filiis varie tradita. Secun-

dum Pindarum, ver. 117. Lynceus Dioscurus videt in trunco quercus (*δρῦός ἐν στελέχει*) latentes, visu enim maxime valebat. Hinc decurrit ex monte et Castora interficit. Ea cæde commotus Pollux proruit e quercu atque Aphareidas persequitur. Hi resisterunt ad sepulcrum patris Apharei, atque inde saxum raptum pectori Pollucis injecerunt. Tum Pollux hasta trajecit Lyncei latera, Jupiter autem Idam fulmine feriit. Similiter fere auctor Cypriorum, et Apollodorus. Ad tumulum Apharei prælium esse commissum, etiam Theocritus tradit. Nostro area pugnae fuit prope *Aphidnam*, urbem Laconia, unde Phœbe et Hilaira erant. Stephanus : Ἀφίδνα δῆμος Ἀττικῆς. Ἔστι καὶ τῆς Λακωνικῆς, ὅθεν ἦσαν αἱ Λευκίπτιδες Φοῖβη καὶ Ἰλάειρα. Hyginus, Poet. Astron. II. 22. habet in oppido *Ariadnis* ; sed et ibi *Aphidnis* legendum. A *Lynceo* *Castora* esse interfectum plurimi tradunt. Apud Theocritum vero Lynceus cadit Castoris ense trajectus. In voc. *Lynceo* notanda syllaba secunda, quæ hoc versu longa, et brevis vers. 711.

Pectora trajectus Lynceo Castor ab ense,  
 Non exspectato vulnere pressit humum. 710  
 Ultor adest Pollux; et Lyncea perforat hasta,  
 Qua cervix humeros continuata premit.  
 Ibat in hunc Idas, vixque est Jovis igne repulsus:  
 Tela tamen dextræ fulmine rapta negant.  
 Jamque tibi cœlum, Pollux, sublime patebat; 715  
 Quum, Mea, dixisti, percipe verba, Pater.  
 Quod mihi das uni, cœlum partire duobus:  
 Dimidium toto munere majus erit.  
 Dixit; et alterna fratrem statione redemit:  
 Utile sollicitæ sidus uterque rati. 720

712. *Premere* bene de confinio; Met. iv. 635: *humum vicinia nulla premebat*. Apud Pindar. ἤλασε Λυγκίος ἐν πλευραῖσι χαλκόν. Tum insequitur Idam, a quo, Apollodoro auctore, lapide ita percussus est, ut oculorum caligo oboriretur: Βληθεῖς πέτρα κατὰ τῆς κεφαλῆς, πίπτει σκοτωθεῖς. Sed Jupiter Polluci opem tulit. Ζεὺς δ' ἐπ' Ἴδα πυρφόρον Πλάξε ψολόεντα κεραυνόν. Pindarus. Apud eundem Pollux rogat Jovem, ut se interficiat, quia nolit esse sine socio laborum. Jupiter unum Pollucem agnoscit filium suum, fratrem natum esse e Tyndareo. Tum optionem ei dat, utrum solus velit in cœlo habitare, an sortem partiri cum fratre, ut dimidium tempus sit sub terra, dimidium in cœlo. Pollux posterius præfert. Ita alterum diem cum Jove in Olympo, alterum in sepulcro ad Therapnæ exigunt. Sed apud Homerum, Od. Δ. 302, vivunt uterque sub terra, habentque hoc a Jove, ut per vices diem supra terram exigant, et divino honore fruuntur. De dissensu veterum super hac re, quo alii sta-

tuunt, alternis alterum in inferis, alterum cœlo esse, alii, utrumque simul alio die apud inferos, alio apud superos esse, vide Hemsterhus. ad Lucianum, Dialog. Deorum, tom. ii. pag. 83. edit. Bipont. Nostro diebus alternis stationem cœli inferorumque inter se mutant. Eustathius ad Homeri dictum locum fabulam transfert ad sidus Geminorum, qui, dum sunt sub terra, videntur mortui esse, dum oriuntur, vivunt. Aliter Macrobius, i. Saturn. 21: "Gemini, qui alternis mortibus vivere creduntur, quid aliud, nisi solem unum eundemque significant, modo descendentem in ima mundi, modo mundi in summam altitudinem resurgentem. *Alterna statione redemit*, impetravit, ut, quoties ipse ad inferos descendisset, frater interea cœlesti honore frueretur. Etiam Virgil, Æneid. vi. 121: "Si fratrem Pollux alterna morte redemit;" quem locum Noster expressit. *Utile sollicitæ rati*; vim hujus sideris egregie notavit Horatius, I. Od. xii. 27. Erant enim gemini salutaria nautis numina, ἀρωγοναῦται δαίμονες.

Ad Janum redeat, qui quærit Agonia quid sint :

Quæ tamen in Fastis hoc quoque tempus habent.

Nocte sequente diem canis Erigoneius exit ;

Est alio signi reddita causa loco.

PROXIMA Vulcani lux es ; Tubilustria dicunt : 725

Lustrantur puræ, quas facit ille, tubæ.

QUATUOR inde notis locus est ; quibus ordine lectis,

Vel mos sacrorum, vel Fuga regis inest.

NEC te prætereo, populi Fortuna potentis

Publica, cui templum luce sequente datum. 730

Hanc ubi dives aquis acceperit Amphitrite,

Grata Jovi fulvæ rostra videbis avis.

Auferat ex oculis veniens Aurora Booten ;

Continuaque die sidus Hyantis erit.

721. *Agonia* iterantur, de quibus i. 317 sqq. De *Cane Erigoneio* ad iv. 936 ; oritur x. Kalend.

725. *Tubilustria* ix. Kalend. Lustrantur tubæ etiam x. Kalend. Aprilis ; vid. iii. 849. Varro : "Tubilustrium appellatur, quod eo die in atrio sutorio sacrorum tubæ lustrantur." Sic ferme et Festus. *Puræ tubæ*, tubæ sacrorum ; nisi malis, tubæ, ut sint puræ.

727. *Notæ* et literæ dicuntur, unde *notare* ut *enotare*, scribere. Vide ad Plinium, I. Epistol. vi. 1. et compendia vocum, a quibus *notarii* nomen habent. In calendario antiquo legentur notæ hæc, Q. R. C. F. quæ du-

pliciter legi poterant, vel, quando rex comitiavit fas ; vel, quando rex comitio fugit. Sermo autem est de rege sacrorum, cui non nisi hoc die comitium in foro adire licebat sacrorum causa, sacrisque peractis illico se inde proripiebat. Plutarchus, *Quæst. Rom.* p. 128. Reisk. "Ἐστὶ γοῦν τις ἐν ἀγορᾷ θυσία πρὸς τῇ λεγομένῃ Κομητίῳ πάτριος, ἣν θύσας ὁ βασιλεὺς, κατὰ τάχος ἀπεισι φεύγων ἐξ ἀγορᾶς.

729. De *Fortuna publica* dictum ad iv. 375. Aquila vesperi oritur.

733. VII. Kalendas *Bootes* heliace fertur in occasum ; et vi. Kalend. *Hyadum*, de quibus ver. 164. ortus heliacus.

## LIBRI SEXTI

### ARGUMENTUM.

De nomine Junii tres sententiæ, 1—100. De Carna dea, ejus vi et sacris, 101—182. Templum Junonis Monetæ; Manlii supplicium, 183—190. Martis ædes ante portam Capenam; Tempestatis delubrum; Aquilæ ortus, 191—196. Hyades oriuntur, 197 et 198. Bellonæ templum; obiter aliquid de Appio, 199—208. Herculis Custodis templum in circo Flaminio, 209—212. De Sanco, Fidio aut Semone patre, Sabinorum deo, 213—218. Prior Junii pars nuptiis infausta, 219—234. Arcetophylax occidit; Piscatorum ludi in Campo, 235—240. Mentis ædes, 241—248. Vestalia et multa, quæ ad Vestam ejusque cultum pertinent, quibus et de Sileni asello Priapique libidine fabella, et sphæræ Archimedis descriptio, et origo aræ, quæ Jovi Pistori posita, et Palladii historia intexta est, 249—460. Callaici cognomen Bruto inditum; Crassus devictus a Parthis, 461—468. Delphini ortus, 469—472. Matutæ (Græcis Leucothees, in quam Ino mutata, ut Melicertes in Palæmona aut Portunum) templum, et Matralia in ejus honorem, 473—562. Rutilius et Didius ceciderunt in prælio, 563—568. Fortunæ templum a Servio positum; Servii et interitus per Tanaquilem, et origo miraculosa, 569—636. Templum Concordiæ a Livia dedicatum, 637—648. Jovis ædes et Quinquatrus minores; tibicinum Romanorum discessus et reditus; tibiæ inventio et Marsyæ supplicium, 650—710. Hyadum ortus; Vestæ templum purgatur, 711—714. Favonii ortus, 715 et 716. Orionis ortus; Postumii Tuberti triumphus de Volscis et Æquis, 715—724. Solis transitus in Cancrum; Palladis Aventinæ cultus, 725—728. Summani templum, 729—732. Ophiuchi ortus; Hippolyti fata, 733—762. C. Flaminius ad lacum Trasimenum cecidit, 763—768. Syphax victus et Hasdrubal occisus, 769 et 770. Sacra Fortunæ Fortis et de Servio rege quædam, 771—784. Orionis ortus, 785—790. Larium et Jovis Statoris ædes, 791—794. Quirini templum, 795 et 796. Ædes Herculis Musarum; Marcæ laudes, 797—812.



P. OVIDII NASONIS

FASTORUM

LIBER SEXTUS.

**HIC** quoque mensis habet dubias in nomine causas:

Quæ placeant, positis omnibus, ipse leges.

Facta canam: sed erunt qui me finxisse loquantur,

Nullaque mortali numina visa putent.

Est deus in nobis: agitante calescimus illo; 5

Impetus hic sacræ semina mentis habet.

Fas mihi præcipue vultus vidisse deorum,

Vel quia sum vates, vel quia sacra cano.

1—100. Quæstio de origine nominis quod huic mensi inditum; vide i. 41.

*Juvenum* de nomine eum dictum pronuntiaverat; sed nunc e variis sententiis, quas Macrobius, i. Saturn. 12. habet, tres pluribus exposuit, et ita, ut rem tenuissimam figmento poetico exornaret, fere ut iv. initio. Drama fecit e quæstione grammatica: namque poetam in nemore meditantem tres deæ adeunt, e quibus *Juno* suam causam agit 21—64; *Hebe* alteram sententiam patrociniis suo defendit 65—88; *Concordia* tertiam 91—96: quarum reverentia tactus poeta nihil dæcernit 97—100.

*Ipse leges, ipse tibi eligas. Quæ placeant, quæ tuearis. Ponunt, qui adferunt in disputatione id quod valet ad rem dijudicandam; vide Ernest. Clav. Cic. hac voce. Facta, adventum*

et disputationes deorum, opponit conjecturis.

5. Poetæ sunt *ἑβδοεοι*, pleni deo; III. ex Ponto, iv. 93: "deus est in pectore nostro, Hæc duce prædico vaticinorque deo." Confer Art. Amat. 549. Deus autem ille se ostendit calore (Met. ii. 641.) aut impetu (supra i. 23.) entusiasmo, furore poetico. *Hic*; Burmannus cui Taubnerus assentitur, elegantius putat, quod unus Moreti habet, *hinc, hinc fit*, ut in illo calore sint semina sacra mentis. Sed et *hic* bene se habet, hic impetus indicat partem divinæ mentis nobis inesse; Metam. i. 80. de creatione hominis: terra recens "seductaque nuper ab alto Æthere cognati retinebat semina cœli." *Vultus deorum, deos. Vel—vel, partim, partim.*

Est nemus arboribus densum, secretus ab omni  
 Voce locus, si non obstreperetur aquis. 10  
 Hic ego quærebam, cœpti quæ mensis origo  
 Esset, et in cura nominis hujus eram.  
 Ecce deas vidi, non quas præceptor arandi  
 Viderat, Ascraeas quum sequeretur oves;  
 Nec quas Priamides in aquosæ vallibus Idæ 15  
 Contulit; ex illis sed tamen una fuit:

9. In nemore secreto, quale amant meditabundi, cogitat de nomine mensis. *Voce*, sono. *Obstreperere* de aquis et foliis arborum murmurantibus; Propertius, IV. iv. 4: "multaque nativis obstrepit arbor aquis." Horatius, Epod. ii. 21: *Fontesque* (nisi cum Markl. *frondesque* malis) *lymphis obstrepunt manantibus*. *In cura eram*, de eo cogitabam.

13. *Deas vidi*, non Musas, quæ plerumque poetis adsunt; sed hoc docte variavit. *Præceptor arandi*, Hesiodus propter carmen, quod de Operibus et Diebus inscribitur. Etiam Propertius, II. xxv. 77: "Tu canis Ascraei veteris præcepta poetæ," etc. Quum dicit *Ascraeas quum sequeretur oves*, respicit Theog. 22. ubi Musæ nominantur, quæ olim Hesiodum egregium carmen docuerunt, agnos pascentem Helicone sub divino: ἀρνας ποιμαίνονθ' Ἐλικῶνος ὑπὸ Ζαθέιο. Eadem verba respexit etiam Art. Amat. i. 27: "Nec mihi sunt visæ Clio Clisque sorores, Servanti peduces vallibus, Ascra, tuis." Fuit autem *Ascra* vicus Bœotiae, ubi Hesiodus, Cumis relictis, cum patre et Persa fratre vixit, agro colendo pecoribusque habendis operam dans.

15. Erant tres deæ, quæ coram Ovidio causam agebant, ut toidem quondam coram Paride egerant, atque ex his iisdem una et nunc aderat. Juno enim, Minerva et Venus, quum

in convivio Thetidis et Pelei nuptiali, immisso ab Eride pomo, de forma concertarent, a Mercurio, jubente Jove, in *Idam* montem deductæ sunt ad Paridem, *Priami* filium, qui eas conferret, et inde de pulchritudine earum pronuntiaret; Hyginus, fabul. 92; Lucianus deorum Judic. tom. ii. p. 20. Secundum hunc, iudicium latum est in Gargaro, Idæ vertice. Sed Noster secutus est Euripid. Iphig. Aulid. 1294. ubi locus sic describitur: ad aquas limpidas, ubi fontes Nympharum et pratium floridum. Quamquam idem Hel. 23. Idæum specum, Ἰδαῖον κενθμῶνα, et *Androm.* 274. Idæum nemus, Ἰδαίαν νάπαν, memorat. Locum illum inde Alexandriam dictum esse, Strabo et ex eo Stephanus Byzantinus atque alii nararunt; vide Hemsterh. ad Luciani dictum locum. Cæterum *contulit* Lenzius explicat, quæ se simul contulerunt ad Paridem. Immo iudicium Paridis per antecedens h. v. exprimitur. Qui iudicare vult, is ante conferre res, inter se comparare, debet. *De Ida aquosa* vide ad Metam. ii. 218. *Quæ stat*, similis statuæ in Capitolio collocatæ. *Horror* ille sacer intelligendus qui et ii. 502. iii. 331; et describitur i. 92. *Animum* nempe timidum, abjectum. *Fateri* dicitur et is, qui inscius et invitus signis quibusdam animi motus prodit; Met. vi. 35: *confessaque vultibus iram*. Ingeniose

Ex illis fuit una, sui germana mariti :

Hæc erat, agnovi, quæ stat in arce Jovis.

Horrueram, tacitoque animum pallore fatebar :

Quum dea, quos fecit, sustulit ipsa metus; 20

Namque ait: O vates, Romani conditor anni,

Ause per exiguos magna referre modos;

Jus tibi fecisti numen cæleste videndi,

Quum placuit numeris condere festa tuis.

Ne tamen ignores, vulgique errore traharis; 25

Junius a nostro nomine nomen habet.

Est aliquid nupsisse Jovi, Jovis esse sororem;

Fratre magis dubito glorier, anne viro.

additum *tacito pallore*. Cæterum Ovidius in hoc opere jam satis adseverat numinibus videndis.

21. Oratio Junonis; tuetur Cingii sententiam. Macrobius Saturn. i. 12: "Junius Maium sequitur, aut ex parte populi nominatus, aut, ut Cingius arbitratur, quod Junonius apud Latinos ante vocitatus, diuque apud Aricinos Prænestinosque hac appellatione in Fastos relatus sit: adeo, ut, sicut Nisus in commentariis Fastorum dicit, apud majores quoque nostros hæc appellatio mensis diu manserit, sed post, detritis quibusdam literis, ex Junonio Junius dictus sit; nam et ædes Junoni Monetæ Kalendis Junii dedicata est." Sic historici et grammatici. *Condere* omnino ordinare, constituere; Livius, i. 42. "Conditor omnis in civitate discriminis;" iii. 58: "Conditor Romani juris." Itaque *conditores anni Romani* proprie Romulus, Numa, Jul. Cæsar, qui annum ejusque tempora constituerunt. Sed nunc poeta sic dicitur, qui annum dispositum aut digestum carmine persequitur. *Exigui modi* sunt elegi; vide ii. 3—8. unde et patet, quæ *audacia* sit in hoc. Mox *numeri* vocantur; Horatius, Art. Poet.

211: "Accessit numerisque modisque licentia major." Differunt hæc duo sic, ut *numeri* cernantur in rhythmi alternatione, in ordine longorum et brevium temporum, *modi* autem melos vocis elevatæ et depressæ complectantur; vid. Vossius de Cantu et viribus rhythmi, p. 24. Sed quoniam *omnis* pes est numerus, propterea *numeri* et pedes dicuntur atque omnino metrum; Cicero, Orator. 57. *dactylicus numerus*. Et quoniam poetæ passim musicorum vocabula ad se transferunt et carmina sua, etiam *modi* in eundem sensum capi sunt.

27. Argumentum primum a nobilitate petitur. *Adspicere* sæpe de eo, qui spectat aliquid, ut eo moveatur, eo motus aliquid faciat credatve. *Sors*, quod sorte datur; tum omnino, quod alicui contingit; IV. Trist. v. 1: "O mihi dilectos inter sors prima sodales." Inde et prolem significat et sexum. Met. ix. 675. *altera sors*, proles alterius sexus. Prima autem sors Saturni non Juno fuit, sed Vesta. Homer. hymn. Vener. 22. Ἰστίη, ἣν πρῶτην τίκετο Κρόνος; Hesoid. Theog. 454; Apollod. I. i. 3: sed Noster etiam ver. 285. dissentit. *Saturnia*; ante

Si genus adspicitur, Saturnum prima parentem  
 Feci; Saturni sors ego prima fui. 30  
 A patre dicta meo quondam Saturnia Roma est;  
 Hæc illi a cælo proxima terra fuit.  
 Si torus in pretio est, dicor matrona Tonantis;  
 Junctaque Tarpeio sunt mea templa Jovi.  
 An potuit Maio pellex dare nomina mensi? 35  
 Hic honor in nobis invidiosus erit?  
 Cur igitur Regina vocor Princepsque dearum?  
 Aurea cur dextræ sceptrâ dedere meæ?  
 An faciant mensem luces, Lucinaque ab illis  
 Dicar, et a nullo nomina mense traham? 40

Herculis adventum mons Capitolinus Saturno sacer et *Saturnius* dictus; Dionysius, i. 34. Etiam urbem *Saturniam* ibi fuisse Varro tradit: "Antiquum oppidum in hoc (monte Capitolino) fuisse Saturniam scribitur. Ejus vestigia etiam nunc manent tria, quod Saturni fanum in faucibus: quod Saturnia porta, quam nunc vocant Pandanam: quod post ædem Saturni in ædificiorum legibus parietes postici muri sunt scripti." *A calo proxima*, e cælo pulsus fugit in Latium; confer i. 233.

33. *In pretio est*, dignitatem adfert. *Tonantis* maluit, quam Jovis, quia illud notionem majestatis summæ involvit. *Matrona*, conjux; sed illud sonantius et dignius; etiam Metam. ii. 465: "Matrona magni Tonantis." *Juncta Templa*; in templo Capitolino tria delubra; medium Jovis, lævum Junonis; nec longe aberat ædes Junonis Monetæ, de qua i. 638. Huic argumento vim addit, dum se matronam comparat cum *pellice*. Similiter argumentatur apud Virgilium, *Æneid.* i. 39: "Pallasne exurere classem Argivûm, atque ipsos potuit submergere ponto.—Ast ego, quæ divûm incedo regina, Jovisque Et soror et con-

jux," etc. *Invidetur* et ei, cui aliquid non conceditur; Horatius, I. Satyr. vi. 84: "neque ille Sepositi ciceris, nec longæ invidit avenæ," largiter dedit; Art. Poet. 55: *ego cur invideor*, cur id mihi non conceditur? Vide ad Plinium, II. Epist. x. 2.

37. Hac dignitate passim gloriatur Juno.—*Juno Regina* a Camillo dictatore Veii transvecta erat Romam; Livius, v. 21. *Reginæ* notionem exornat, dum *sceptrâ* memorat *aurea*. *An faciant mensem*, etc. quum ego a *lucibus*, diebus, quæ mensem faciunt, nomen *Lucinæ* habeam, cur non et a mense nomen traham? Frustra hic hæsit Burmannus, quia et anni *lucibus*, sive diebus constant; quum igitur unus Moreti *An faciam pueris lucem*, quidam *menses* præferant, de illo amplius cogitandum, et in hoc latere aliquid de gravidis putat, quæ, exactis mensibus, *Lucina* favente pariant. Sed Ovid. consilii sui oblitus parum accurate scripsit. Juno enim non a mense nomen habere, sed mensi nomen dedisse vult. Tauberner ad hypallagen confugit. Etiam *Lucinæ* nominis variæ causæ adferbantur, quum alii a *luce*, quam nascentibus dat, alii a *luco* derivarent; ii. 449.

Tunc me pœniteat posuisse fideliter iras

In genus Electræ, Dardaniamque domum.

Causa duplex iræ : raptu Ganymede dolebam ;

Forma quoque Idæo iudice victa mea est.

Pœniteat, quod non foveo Carthaginis arces ; 45

Quum mea sint illo currus et arma loco :

Pœniteat Sparten, Argosque, measque Mycenas,

Et veterem Latio supposuisse Samon :

Adde senem Tatium, Junonicolasque Faliscos,

Quos ego Romanis succubuisse tuli. 50

Sed neque pœniteat ; nec gens mihi carior ulla est :

Hic colar, hic teneam cum Jove templa meo.

41. Merita Junonis in Romanos, quum odium in Æneæ posteros conceptum posuisset, urbesque sibi carissimas subjici Romanis passa esset. *Iras posuit secundum Horatium*, III. Od. iii. 17. mortuo Romulo ; secundum Virgil. Æneid. xii. 791. Ænea adhuc vivo. De genere *Electræ* et *Dardania domo*, unde Romani per Æneam, iv. 31. *Duplex hæc iræ causa*, nempe *judicium Paridis*, et *rapti Ganymedis honores*, etiam Æneid. i. 27. memoratur. Ganymedem, Trois filium, longe pulcherrimum inter mortales, ob ipsam pulchritudinem dîi in cœlum rapuere, ut Jovi esset pocillator ; Homerus, II. Y. 233. Non mirum, eo raptu Junonem doluisse ; displicuit etiam Cicer. Tusc. i. 26.

45. Virgil. Æneid. i. 15 : *Quam (Carthaginem) Juno fertur terris magis omnibus unam Posthabita coluisse Samo. Hic illius arma, hic currus fuit.* Hoc de curru fictum e moribus antiquorum heroum, qui currus suos, finito bello, certo loco reponebant. Deorum currus iis locis servari dicebantur, ubi ipsi summa religione coli solebant. Junonis currus ab Homero II. E. 720 sqq. memoratur. Etiam arma

Junoni tribuebantur, inprimis hasta ; unde Juno Curitis apud Sabinos. Vide Heynium ad Virgil. dicto loco. *Sparten*, etc. Etiam alibi, ut Met. vi. 414. et jam apud Homer. hæ tres urbes sic junguntur, quippe Junoni inprimis caræ. De templo Junonis *Samie* vide Herodotum, iii. 60. *Supposuisse*, subjecisse potestati Romanorum ; i. 306 ; IV. Trist. viii. 48 : “ Nil ita sublime est, ut non sit suppositum deo.

49. *Juno Curis* dea præcipua Sabinorum ; itaque *Tatius*, quum Sabini se junxissent Romanis, eidem omnibus curiis mensas dedicavit, quæ Augusti adhuc tempore exstabant ; Dionysius Halic. ii. 50. Falerios in *Faliscis* olim Argivi migraverant. Ibi igitur templum Junonis ad similitudinem Argivi positum in eoque sacra fiebant Argivo ritu ; Dionysius, i. 21. *Mavorti* etiam apud Horatium, III. Od. iii. 30. graves iras in Æneas redonasse dicitur. *Dicta fides sequitur* etiam i. 319 ; Metam. iii. 527 ; et *vota fides sequitur* viii. 711. quibus indicatur, factum esse, quod quis vel promiserat, vel optaverat. *Centum omnino multis. Mensis honor*, ut alibi *cali* aut *templorum honor*.

Ipse mihi Mavors ; Commendo mœnia, dixit,  
 Hæc tibi ; tu pollens urbe nepotis eris.  
 Dicta fides sequitur ; centum celebramur in aris :  
 Nec levior quovis est mihi mensis honor. 56  
 Nec tamen hunc nobis tantummodo præstat hono-  
 Roma ; suburbani dant mihi munus idem. [rem  
 Inspice quos habeat nemoralis Aricia Fastos,  
 Et populus Laurens, Lanuviumque meum ; 60  
 Est illic mensis Junonius : inspicere Tibur,  
 Et Prænestinæ mœnia sacra deæ ;  
 Junonale leges tempus : nec Romulus illas  
 Condidit ; at nostri Roma nepotis erat.  
 Finierat Juno ; respeximus : Herculis uxor 65  
 Stabat, ut in vultu signa dolentis erant :  
 Non ego, si toto mater me cedere cœlo  
 Jusserit, invita matre morabor, ait.

57. Etiam vicini populi Junium mensem habent ; quo argumento et alii usi sunt : vide ad versum 21. *Suburbani* omnino non longe remoti ab urbe ; ver. 723. *suburbanus triumphus* de Volscis. Quæ sequuntur oppida, omnia Latii erant. *Aricia* sub Albano monte ; in ejus *nemore* culta Diana ; iii. 263 : densæ ejus silvæ etiam Met. xv. 488. memorantur. *Laurenti* oppidi incolæ et *Laurentes* et *Laurentini* dicebantur ; vide *Cor-tium* ad Plin. II. Epist. xvii. initio. *Lanuvium* cultu Junonis sospitæ celebre. Ædes ejus et lucus communis erat Lanuvinis ac Romanis. *Tibur* ad Anienem amnem. *Prænestina* dea est Fortuna Prænestina, cujus templum pulcherrimum. *Fastos* autem aliorum populorum Ovid. etiam iii. 87. memorat.

65—90. Hebe, Jovis et Junonis filia, Herculi nupta, Juventutis dea, prodit, atque Romulum *juvenum* no-

men huic mensi indidisse contendit. Fuerat hæc sententia Fulvii nobilioris ; Macrob. i. Saturn. 12 : “ *Fulvius nobilior* in Fastis Romulum dicit, postquam populum in majores minoresque divisit, ut altera armis rempublicam tueretur, in honorem utriusque partis hunc *Maium*, sequentem Junium vocasse.” Eandem sententiam Heben tueri voluisse, e versu 84 sqq. apparet. Errat igitur *Lenzius*, quum putat Heben hoc nomen a se derivare, idque esse inventum ipsius Ovidii ; immo Hebe, ut dea Juventutis, juvenum causam agit, et honorem illis habitum, sibi quoque vindicat. Neque res aliter institui poterat, quum deæ darentur hæ partes. Cæterum observa in hac oratione varios animi motus et sensus, dolorem, verendum, pietatem : cum matre enim certabat filia de honore unico.

*Rem tenere*, rem obtinere, vincere ; *causam tenere* ap. Cic. passim.

Nunc quoque non luctor de nomine temporis hujus :  
 Blandior, et partes pæne rogantis ago ; 70  
 Remque mei juris malim tenuisse precando :  
 Et faveas causæ forsitan ipse meæ.  
 Aurea possedit socio Capitolia templo  
 Mater ; et, ut debet, cum Jove summa tenet.  
 At decus omne mihi contingit origine mensis ; 75  
 Unicus est, de quo sollicitamur, honor.  
 Quid grave, si titulum mensis, Romane, dedistis  
 Herculis uxori, posteritasque memor ?  
 Hæc quoque terra aliquid debet mihi nomine magni  
 Conjugis ; huc captas adpulit ille boves. 80  
 Hic male defensus flammis et dote paterna  
 Cacus Aventinam sanguine tinxit humum :  
 Ad propiora vocor ; populum digessit ab annis  
 Romulus, in partes distribuitque duas ;  
 Hæc dare consilium, pugnare paratior illa est : 85  
 Hæc ætas bellum suadet, at illa gerit.  
 Sic statuit, mensesque nota secrevit eadem ;  
 Junius est juvenum, qui fuit ante, senum.

73—76. Argumentum ab æquo : matri satis dignitatis est ; non debet filiæ unicum, quem habet, honorem eripere. *Possidere* est occupare, sibi vindicare. *Capitolia*, sedem imperii Romani, caput orbis terrarum, eaque aurea, tanto ornatu fulgentia. *Socium templum* non est templum Junonis Monetæ, sed lævum delubrum in ipso Capitolio ; illud enim *socium* dici non poterat. *Origine mensis*, quod nomen mensis a juvenibus originem habet : qui honor adeo me quoque, juventutis deam, tangit. *Lenzius unicum* explicat, qui unice ad me pertinet ; malim, non nisi unus honor mihi contigit, et hic unus mihi eripitur.

77—82. Herculis de Latio merita. *Grave* vel magnam, vel invidiosum.

*Titulum mensis* alicui dare, ab aliquo, aut in honorem alicujus mensem nominare ; sic iv. 115. *titulo mensis spoliare*. De Herculis adventu in Italia et pugna cum Caco i. 543 ; et de hujus *dote paterna* ver. 571.

83. *Propiora* sane hæc sunt ; superiora figmento illi data, quo Hebe causam agens inducitur. *Ab annis*, ita, ut annos, ætatem respiceret ; confer cum his v. 59 sqq. *Nota*, norma, nempe ætas. His dictis ambabus exarsit studium certandi. *Dissimulare*, occultare, ut non esse videatur. Itaque hoc loco pietas matris in filiam et filia in matrem victa esset ad tempus, ni Concordia intervenisset. Ingeniose hic adventus fictus.

Dixit, et in litem studio certaminis issent ;  
 Atque ira pietas dissimulata foret. 90  
 Venit Apollinea longas Concordia lauro  
 Nexa comas, placidi numen opusque ducis.  
 Hæc ubi narravit Tatium, fortemque Quirinum,  
 Binaque cum populis regna coisse suis ;  
 Et lare communi soceros generosque receptos : 95  
 His nomen junctis Junius, inquit, habet.  
 Dicta triplex causa est ; at vos ignoscite, divæ :  
 Res est arbitrio non dirimenda meo.  
 Ite pares a me ; perierunt iudice formæ 99  
 Pergama : plus lædunt, quam juvet una, duæ.  
 PRIMA dies tibi, Carna, datur ; dea cardinis hæc  
 Numine clausa aperit, claudit aperta suo. [est :  
 Unde datas habeat vires, obscurior ævo  
 Fama ; sed e nostro carmine certus eris.

91—96. Concordia breviter sententiam dicit, ex qua Junius nomen a *junctis* Romanis et Sabinis invenit. Unde Ovidius hanc sententiam ineptam et in leges linguæ peccantem acceperit, non constat. Forsitan ipse reperit ; neque male *Concordiæ* defendendam dedit. Alii putabant, a Junio Bruto nomen venisse ; vide Macrobius dicto loco. *Concordia* cujus templum Tiberius, pace composita, refecit ; i. 639. Hinc *lauro* coronata prodit ; hinc *ducis*, Tiberii, *opus* et vel *numen*, vel, ut Hamb. Junianus et alter Petavianus habent, *munus* appellatur. Quoniam Junius mensis jam Romuli tempore erat, propterea ex illo ipso tempore concordiæ, sive conjunctionis exemplum repetendum erat. *Lar*, sedes, urbs.

97. Finit hæc eadem modestia, qua v. 109. similem locum. *Perierunt*, etc. Ergo Ovidium quoque vestigia terrebant.

101—182. De *Carna*, dea Roma-

norum vernacula, quæ sit, unde et jus cardinis habeat, et vim spinæ ope pellendi noxas 101—130 ; quomodo illa vi olim usa sit in tuendo Proca a strigibus 131—168 ; cur Iarda et fabæ ei offerantur 169—182. Diversa ejusdem deæ nomina fuisse videntur, quum *Carna* aut *Carnea* diceretur a *carne*, quia vitalibus præset. Macrobius dicto loco, ubi narravit ex opinione nonnullorum Junium menssem a Junio Bruto nominatum esse, quod Kalendis Junii pulso Tarquinio, sacrum *Carneæ* deæ in Cœlio monte voti reus fecisset, pergit : “ Hanc deam vitalibus humanis præesse credunt. Ab ea denique petitur, ut jecinora et corda, quæque sunt intrinsecus viscera, salva conservet. Et quia cordis beneficio, cujus dissimulatione Brutus habebatur idoneus emendationi publici status exstitit, hanc deam, quæ vitalibus præest, templo sacravit.”

103. *Vires* has, sive potestatem, habet et Janus i. 188 sqq ; infra ver.



Adjacet antiqui Tiberino lucus Helerni ; 105  
 Pontifices illuc nunc quoque sacra ferunt.  
 Inde sata est Nymphæ, Granen dixere priores,  
 Nequidquam multis sæpe petita procis.  
 Rura sequi, jaculisque feras agitare solebat,  
 Nodosasque cava tendere valle plagas. 110  
 Non habuit pharetram; Phœbi tamen esse sororem  
 Credebant; nec erat, Phœbe, pudenda tibi.  
 Huic aliquis juvenum dixisset amantia verba,  
 Reddebat tales protinus illa sonos :  
 Hæc loca lucis habent nimis, et cum luce pudoris :  
 Si secreta magis ducis in antra, sequor. 116  
 Credulus antra subit; frutices hæc nacta resistit,  
 Et latet, et nullo est invenienda loco.  
 Viderat hanc Janus; visæque cupidine captus,  
 Ad duram verbis mollibus usus erat. 120

127. *Jus cardinis. Unde datas habet, a quo datæ sint vires quas habet.*

105. *Tiberinus, Tiberis fluvius, ut iv. 291; confer ii. 389. Lucus Helerni non aliunde satis notus; vulgo editur Hilernæ. Et ab Onuphrio Panv. in Topograph. Urbis, in regione tredecima ædicula et lucus Hylerne memorantur. Sacra ferre proprium est et sacrificantis, Æn. iii. 19. et sacerdotis; hinc Georg. ii. 446. Musarum sacra fero, sacerdos sum Musarum.*

109. *Rura, etc. more earum, quæ conjugium spernebant, ut Daphne Met. i. 475; Syrinx ibid. 694; Callisto, ii. 411. Sequitur locum, qui voluptatis percipiendæ causa eum adit aut frequentat; vide ad Plinium, I. Epist. xxii. 6. Nodosæ plagæ etiam Met. iii. 153. et alibi nexiles. Pharetra et arcus aureus insignia Dianæ,*

quibus nymphis antestabat; Metam. i. 697.

117. Taubnero et Krebsio displicuit, quod Heins. ante subit MSS. Reg. et primi Bononiens. auctoritate in antra subit mutavit: amatorem enim ante debuisse subire. Immo, ubi comes non sequitur, sed resistit, alter non ante subit antrum, sed solus. Contra antra sic bene repetitum et more Ovidiano, de quo diximus in commentar. ad Metam. præf. Nonnulli, ante iniiit. Resistere, subsistere, non longius progredi, de qua vi egit Schwarzius ad Plinium, paneg. x. 4.

120. *Mollia verba bene dicuntur blanditiæ ad duram puellam, quæ non sinit se flecti; Tibullus, III. iv. 76. Remotum idem quod secretum, ut Horatius, II. Od. iii. 6. in remoto gramine. Utque, etc. sequitur quidem primum ut comes, at mox deserit ducem.*

Nympha jubet quæri de more remotius antrum ;  
 Utque comes sequitur, destituitque ducem.  
 Stulta, videt Janus quæ post sua terga gerantur,  
 Nil agis, en latebras respicit ille tuas ;  
 Nil agis, en dixi ! nam te sub rupe latentem 125  
 Occupat amplexu ; teque potitus, ait :  
 Jus pro concubitu nostro tibi cardinis esto ;  
 Hoc pretium positæ virginitatis habe.  
 Sic fatus, virgam qua tristes pellere posset  
 A foribus noxas, hæc erat alba, dedit. 130  
 Sunt avidæ volucres, non quæ Phineia mensis  
 Gutturâ fraudabant, sed genus inde trahunt ;  
 Grande caput, stantes oculi, rostra apta rapinæ :  
 Canities pennis, unguibus hamus inest.

123. Similiter Metam. iii. 432. Narcissum adloquitur, et alios alibi. *Occupat amplexu* nil nisi, amplectitur ; ad hunc amplexum autem Neapolis notavit hæc : “ Hui, hui, tu ille Janus, de quo Augustinus, vii. Civit. Dei : De Jano non mihi facile quidquam occurrit, quod ad probrum pertineat ; et forte talis fuit, ut innocentius vixerit, et a facinoribus et flagitiis remotius.” *Jus cardinis* etiam vim complectitur mala quæque depellendi a foribus, ut e sqq. patet.

129. *Virgam* revocavi, quia sic omnes ferme MSS. Etiam ver. 165. *virga de spina alba* ; sed Heins. *spinam* de suo dedit. Intellig. autem rhamnus, ῥάμνος, spina semper frondifera, cujus alterum genus nigrum alterum album ; Theophrast. Hist. Plant. i. 15 ; iii. 17. Tria genera memorat Dioscorides, i. 119 ; qui addit, frondes spinæ albæ foribus adpositas avertere maleficia : κλώνας ἀπτῆς θύραις ἢ θυρίαι προστεθέντας ἀποκροῦν τὰς τῶν φαρμάκων κακοῦργίας.

131. *Striges* deformes et noxias, ad quas describendas jam progreditur, non male cum Harpyiis comparat, et genus earum inde ducit. Harpyiæ Homero (Od. A. 242. ε. 371.) deæ sunt, quibus vis rapiendi homines. Post alæ iis sunt additæ ; mox inde factæ aves fœdissimæ ; Hyginus fab. 14 ; Tzetzes ad Lycophr. 653. Tales etiam a Virgilio, Æneid. iii. 212. descriptæ sunt, ubi vide Heynii Excurs. et confer Vossium, Epistt. mythol. vol. i. p. 198 sqq. Eæ a poetis Argonaut. inprimis adhibitæ in historia *Phinei*, vatis Thracici et excæcati, cujus ab ore cibos auferebant, reliquiasque fœdo odore implebant. *Strix*, Linn. strix alucus, cujus caput grande plumisque velatum, color cinereus et albus, idemque maculis et lineis nigris distinctus ; vid. Stenius Müller in Linnei Syst. Nat. tom. ii. p. 102. Hæ aves infantibus in cunis sanguinem extrahere, atque etiam ubera sua immulgere vulgo credebantur ; Plinius, xi. 95. qui putat non constare, quæ sit avium.

Nocte volant, puerosque petunt nutricis egentes,  
 Et vitiant cunis corpora rapta suis. 136  
 Carpere dicuntur lactentia viscera rostris,  
 Et plenum poto sanguine guttur habent.  
 Est illis strigibus nomen; sed nominis hujus  
 Causa, quod horrenda stridere nocte solent. 140  
 Sive igitur nascuntur aves, seu carmine fiunt,  
 Næniaque in volucres Marsa figurat anus;  
 In thalamos venere Procæ: Proca natus in illis,  
 Præda recens avium, quinque diebus erat:  
 Pectoraque exsorbent avidis infantia linguis. 145  
 At puer infelix vagit, opemque petit:  
 Territa voce sui nutrix adcurrit alumni;  
 Et rigido sectas invenit ungue genas.  
 Quid faceret? color oris erat, qui frondibus olim  
 Esse solet seris, quas nova læsit hiems. 150  
 Pervenit ad Granen, et rem docet; illa, Timorem  
 Pone; tuus sospes, dixit, alumnus erit.

136. *Vitiare*, lædere, nomen generale, ut ver. 167. *violare cunas*. Mox ipse explicat, *carpere viscera*, et ver. 145: *pectora exsorbere*. Puto, *rapta* esse correpta unguibus, et *carpere*, lacerare, arrodere rostro, ut sanguinem inde exhauriant; ver. 148. *rigido ungue secare*. De nomine etiam Isidorus: "Strix, nocturna avis, habens nomen de sono vocis, quando enim clamat, stridet." Græcis *σπιξ* a *σπιζεν*, stridere. Sed pro *horrenda nocte* cum Heinsio *horrendu voce* legendum arbitror; *horror enim vocis* ad rem pertinet, non *noctis*.

141. *Carmine*, incantatione. Hoc jam speciali notione exprimit, *Næniaque*, etc. Anus figurantur in volucres a Marsa ope næniæ. *Marsi* et Sabini

ab arte magica famosi erant. *Nænia* Marsa etiam Art. Amat. ii. 102; Horat. Epod. xvii. 27. Et hoc loco Marsa se tuetur honorum librorum auctoritate. *Nænia*, omnino carminis formula. De tali anu figurata Noster I. Amorr. viii. 13: "Hanc ego nocturnas vivam volitare per umbras Suspicio, et pluma corpus anile tegi."

143. De *Procæ* vide iv. 52. *Pectora* nunc substituit *visceribus* ver. 137. ne idem vocabulum repeteret.

149. Homines in calidiore regione viventes, quum timor eos invadit, flavescunt. Flavum autem colorem trahunt etiam frondes atque segetes frigore tactæ; iv. 918.

Venerat ad cunas; flebant materque paterque:  
 Sistite vos lacrymas, ipsa medebor, ait.  
 Protinus arbutea postes ter in ordine tangit 155  
 Fronde; ter arbutea limina fronde notat;  
 Spargit aquis aditus, et aquæ medicamen habebant,  
 Extaque de porca cruda bimestre tenet:  
 Atque ita, Noctis aves, extis puerilibus, inquit,  
 Parcite; pro parvo victima parva cadit: 160  
 Cor pro corde, precor, pro fibris sumite fibras;  
 Hanc animam vobis pro meliore damus.  
 Sic ubi libavit, prosecta sub æthere ponit;  
 Quique sacris adsunt respicere illa vetat:  
 Virgaque Janalis de spina ponitur alba, 165  
 Qua lumen thalamis parva fenestra dabat.  
 Post illud nec aves cunas violasse feruntur;  
 Et rediit puero, qui fuit ante, color.  
 Pinguia cur illis gustentur larda Kalendis,  
 Mixtaque cum calido sit faba farre, rogas? 170

155. *Arbutea fronde* utitur, sive quia est spinosi fruticis, sive quia obvia erat; iv. 656. quo loco Numa: *bis sua faginea tempora fronde premit. Notat idem quod tangit. Extæ* diis offerebantur et *cruda*, et cocta, et semicocta, et assa; Arnobius advers. Gentes, ii. p. 91. *Bimestre porcello* curabatur et Genius; Horatius, III. Od. xvii. 15.

159. Sacra strigibus facta. *Extæ* et mox *fibræ*, viscera. *Fibras* distinxisse videri possit a reliquis partibus, quum alias *fibræ* sint ipsa *extæ*, in quibus et *cor*; sed talia non urgenda sunt in talibus precibus. *Extæ prosecta*, in partes secta, alias adolenda injici altari solebant; nunc *ponuntur sub æthere*, sub dio, devoranda strigibus. *Respicere*, retro spectare; vide v. 437.

165. *Janalis*, a Jano accepta, novum vocabulum quod propter insolentiam Heinsio et Burmanno displicebat. Heinsius conjicit vel *Malalis*, vel *ramalis*, virga ex ramo arboris. Burmannus addit, spinæ albæ posse ramos tribui, quum Columella, vii. 19. eam inter arbores recenseat. Idem et proponit *rhamnalem*, quia spinam illam Græci *ῥάμνον* dixerunt, quamquam ipse huic conjecturæ non multum tribuit. Quum Ovidius plura vocabula finxerit, non offendor eo quod hic legimus, quod rei indicandæ satis accommodatum, atque ei simillimum est, quod ver. 63. legitur, *Junonalis*. Alia adversus has aves antidota Neapolis memorat, ut carmina, allium infantibus annexum.

169. Macrobius dicto loco: "Cui (*Carnæ*) pulte fabaria et larido sacri-

Prisca dea est, aliturque cibus quibus ante solebat;  
 Nec petit adscitas luxuriosa dapes.  
 Piscis adhuc illi populo sine fraude natabat,  
 Ostreaque in conchis tuta fuere suis:  
 Nec Latium norat, quam præbet Ionia dives, 175  
 Nec, quæ Pygmæo sanguine gaudet, avem;  
 Et præter pennas nihil in pavone placebat;  
 Nec tellus captas miserat ante feras.

ficatur, quod vires maxime his rebus corporis roborentur. Nam et Kalendæ Juniæ fabariæ vulgo vocantur, quia hoc mense adultæ fabæ rebus adhibentur." *Gustentur*, comedantur.

172. *Adscita*, aliunde petita, peregrina. Heluones terra et mari conquirebant edulia, quos Varro jam in Saturâ notaverat, eujus notationis summam Gellius, Noct. Attic. vii. 16. dedit. Confer Plinium, Hist. Nat. ix. 54 sqq; Senecam, Epist. xcvi. p. 718; Petronium de Mutat. R. 33 sqq. In deliciis inprimis erant *pisces* rariores. *Fraudem* Schirachius interpretatur damnum. Immo insidias intellige, quibus damnum infertur; ii. 227; iii. 853; Met. iii. 587. ubi *lino et hamo decipere pisces*, ut Virgil. Georg. i. 139. *fallere visco aves*.

175. *Avis quæ præbet Ionia*, est attagen. Glossæ: *Gallina rustica, ἀρραγήν*. Præstantissimas hujus nominis aves habebat *Ionia*; Horatius, Epod. ii. 54. *attagen Ionicus*; Martialis, xiii. 61: "Inter sapes fertur alitum primus Ionicarum gustus attagenarum." A Gellio dicto loco, *Phrygia attagena* memoratur. *Nec quæ*, etc. grus; gruum autem carnibus et ipsis Romani delectabantur; Horatius, ii. Satyr. viii. 87; Plinius, Hist. Natur. x. 33. Apud Gellium *Melicae grues* laudantur, ex Melo insula advectæ. Verba quæ *Pygmæo*, etc. re-

spiciunt Homerum, Il. Γ. initio, ubi grues avolant Australes ad terras ἀνδράσι Πυγμαίοισι φόνον καὶ κῆρα φέρουσαι ubi vide Heynium in Observatt. *Pavones* primus Q. Hortensius in cæna auguralia adposuit, M. Aufidius autem primus saginavit; Plinius, x. 20; Ælianus, Hist. Anim. v. 21. *Tellus* scilicet ulla. *Mittere* merces terra dicitur ubi magnus earum proventus. Taubnerus terram universam intelligit, ut hoc innuat, undique a luxuriosis Romanis conquiri delicias: sed Heinsio et Burmanno τὸ *tellus* sic absolute positum displicebat. Ille igitur pro ante malebat, aut *Afra* vel *Inda*, aut cum altero Puteano *arte*, ut leones, pantheræ, elephantum intelligantur Romam ad spectacula missi. Burmannus vero recte monet, non de spectaculis, sed de deliciis gulonum sermonem esse; si quis *Afra* præferat, posse de gallinis Africanis capi; Horatius, Epod. ii. 53: *Non Afra avis descendat in ventrem meum*: ipse Burmannus suadet: *Nec Delus capos miserat ante feros*; circa *Deliacos capos* fuisse maximum luxum, cognosci ex Petron. 23; eos dici *ante feros*, quia, antequam castrarentur, feroces et pugnares electi sint a Deliacis; Columella viii. 2; sed posse et legi *arte ferax*, quia, quum insula sterilis et saxosa fuerit Delos, arte hac castrandi gallos reditum sibi fecerit.

Sus erat in pretio; cæsa sue festa colebant :

Terra fabas tantum, duraque farra dabat. 180

Quæ duo mixta simul sextis quicumque Kalendis

Ederit ; huic lædi viscera posse negant.

Arce quoque in summa Junoni templa Monetæ

Ex voto memorant facta, Camille, tuo.

Ante domus Manlî fuerant, qui Gallica quondam

A Capitolino reppulit arma Jove. 186

Quam bene, dî magni, pugna cecidisset in illa

Defensor solii, Jupiter alte, tui !

Vixit, ut occideret damnatus crimine regni :

Hunc illi titulum longa senecta dabat. 190

Lux eadem Marti festa est ; quem prospicit extra

Adpositum Tectæ porta Capena viæ.

180. De *fabis* Plinius, xviii. 12 : " Inter legumina maximus honos fabæ : quippe ex qua tentatus sit etiam panis. Lomentum appellatur farina ea, aggravaturque pondus illa. . . Frumento etiam miscetur apud plerasque gentes. . . . Quin et prisco ritu fabacia suæ religionis diis in sacro est, prævalens pulmentari cibo." *Sextæ Kalendæ*, sexti mensis sive Junii. Sic et *tertius*, *quartus Kalendas* occurrere, atque Junias dictas esse etiam *fabarius* Neapolis monet.

183. *Iisdem Kalendis, templum Junonis Monetæ dedicatum.* De eo templo i. 638. Locus autem hic plurimum lucis accipit a Livio, vii. 28 : " Camillus (dictator anno U. C. 409. in bello cum Auruncis,) deorum quoque opes adhibendas ratus, inter ipsam dimicationem ædem Junoni Monetæ vovit : cujus damnatus voti quum victor Romam revertisset, dictatura se abdicavit. Senatus duumviros ad eam ædem pro amplitudine populi Romani faciendam creari jussit. Lo-

cus in arce destinatus, quæ area ædium M. Manlii Capitolini fuerat."

185. De *M. Manlio* res nota. De damnatione ejus Livius, vi. 20 : " Tribuni de saxo Tarpeio eum dejecerunt : locusque idem in uno homine et eximiæ gloriæ monumentum, et pœnæ ultimæ fuit. Adjectæ mortuo notæ sunt : publica una ; quod, quum domus ejus fuisset ubi nunc ædes atque officina (in qua nummi cudebantur) Monetæ est, latum ad populum est, ne quis patricius in arce aut Capitolio habitaret," etc. Confer Plutarch. in Camillo, 36. Pro *Capitolio* Ovidius gravius *Jovem Capitolinum*, ejusque *solum* memorat. De *pugna* illa lege Livium, v. 47. *Crimine regni*, crimini ei dabatur, quod regnum adpetiisset. *Longa senecta* ; nam si prius esset extinctus, non incidisset in suspicionem regni adfectati.

191. *Martis ædem ante portam Capenam* etiam Livius aliquoties memorat, ut x. 23. Eam a L. Sulla restitutam esse et auctam Neapolis

Hæc cepit Corsica Aléria que urbe,  
Dedit tempestatibus aedem merito.

Te quoque, Tempestatas, meritam delubra fatemur ;

Quum pæne est Corsis obruta classis aquis.

Hæc hominum monumenta patent : si quæritis astra,

Tunc oritur magni præpes adunca Jovis. 196

POSTERA lux Hyadas, Taurinæ cornua frontis,

Evocat ; et multa terra madescit aqua.

MANE ubi his fuerit, Phœbusque iteraverit ortus ;

Factaque erit posito rore bis uda seges ; 200

Hac sacrata die Tusco Bellona duello

Dicitur ; et Latio prospera semper adest.

observat. *Quem prospicit*, in cuius templum prospectus est ad Capenam portam stanti. *Tectæ* ; tres veteres, *recta*, unus *dextra*. Et negotium fecit hæc *via* interpretibus. Burmannus de ea cum Cupero per literas egit ; sed nec per hos ad liquidum res perducere potuit. Hoc inter eos convenit, fuisse semitam a Capena porta ad Martis templum, diversam illam a via Appia, quæ et ipsa incipiebat a Capena, sed in Campaniam ferebat. Hæc semita postea *via* facta est per censes ; Livius : “ Viam sternendam a porta Capena ad Martis templum locavere censes.” Vocatur vel *recta*, *recta* ducens ad templum, quum Appia per plures anfractus iret ; vel *dextra*, ut bivium extra portam fuerit, et ad dextram viam positum templum, aut, ut Fabret. *Disert.* i. de Aquæd. vult, ut adpositum fuerit Viæ Appiæ, quam a dextra haberet, quum a sinistra esset Latina, quæ ex Appia initium cepit paululum a porta Capena ; vel denique *tectæ*, cuius epitheti ratio certa reddi non potest. Donatus in Roma vet. lib. iii. cap. 13. porticibus eam aut fornicibus tectam fuisse conjicit ; Burmannus vero putat, si ostendi posset, per hanc viam sacram pompam quamdam duci solitam, in quam ex ædibus despiciere non licuerit, se malle *tectam*  
VOL. V.

viam intelligere, ut *velatas vias* Am. III. xiii. 12.

193. *Tempestatas templum* : id posuit, non Marcellus, ut Neapolis putabat, sed L. Scipio, Barbatii filius, anno U. C. 494. cos. qui *Corsicam cepit* ; id quod patet ex inscript. apud Reines. vi. 34. Hoc quoque templum extra portam Capenam fuit, ubi et lapis cum inscriptione illa effossus est.

195. *Ortus Aquilæ vespertinus.*] Plinius, xviii. 27. sect. 3 : “ Tertio Nonas Junii Cæsari et Assyriæ Aquila vesperi oritur ;” idem, cap. xxix. 4 : “ Quarto Nonas Junii iterum Aquila exoritur vesperi.” Sic et Columella, xi. 2. qui addit : “ tempestatas ventosa et interdum pluvia.” Aquila *Jovis præpes* etiam Metam. iv. 713.

197. IV. *Nonas Hyades oriuntur heliace.*] De Hyadibus vide iv. 679 ; v. 164 sqq.

199—208. *Pridie Nonas Bellonæ templum sacratum.*] *Duellum* pro bello etiam apud Livium passim. De bello Etrusco, in quo Appius rem gessit, idem, x. 18 sqq. : “ Dicitur Appius in medio pugnae discrimine, ita ut inter prima signa manibus ad cælum sublatis conspiceretur, ita precatus esse : Bellona, si hodie nobis victoriam duis, ast ego tibi templum voveo.” Etiam in inscript. quam Neapol. adtulit, *Bellonæ ædem fecisse* dicitur.

S s

Appius est auctor, Pyrrho qui pace negata,  
 Multa animo vidit; lumine captus erat.

Prospicit a templo summum brevis area circum :

Est ibi non parvæ parva columna notæ. 206

Hinc solet hasta manu, belli prænuntia, mitti,

In regem et gentes quum placet arma capi.

ALTERA pars circi custode sub Hercule tuta est :

Quod deus Euboico carmine munus habet. 210

Muneris est tempus, qui Nonas Lucifer ante est :

Si titulos quæris, Sylla probavit opus.

QUÆREBAM, Nonas Sanco Fidione referrem,

An tibi, Semo pater; quum mihi Sancus ait :

203. Obiter aliquid de Appio addit, quod inprimis celebrabatur, et de quo Valer. Max. viii. 12, similem sententiam habet: "Appius Claudius fessus jam vivendo, lectica se in curiam deferri jussit, ut cum Pyrrho deformem pacem fieri prohiberet. Hunc cæcum aliquis nominet, a quo patria, quod honestum erat, per se parum cernens, coacta est pervidere!"

205. Ante ædem Bellonæ area erat, et inde circus Flaminius, quem *summum*, cujus partem anteriorem, prospectabat area. *Brevis*, angusta, exigua. *Columnæ* illius meminerunt et alii. Festus in *Bellona*: "Ante ejus templum erat columella, quæ bellica vocabatur; supra quam hastam jaciebant, quum bellum indicebatur." Victor. in *Reg.* ix: *Ædes Bellonæ* versus portam Carmentalem: ante hanc ædem columna index belli inferendi." Antiquis temporibus *hasta* mittebatur a Fetiali in terram hostilem; Livius, i. 32. *Non parvæ notæ*, notabilis, memorabilis admodum.

209. Eodem die, pridie Nonas, *Herculis Custodis templum* in circo Flaminio dedicatum. Kalend. vetus: "Herculi Magno custodi in circo Fla-

minio." Neapolis putat, in eo circo duo fuisse templa Herculis, alterum a senatu positum jussu carminis Cuman, alterum a Fulvio Nobiliore, instauratum a Philippo, de quo infra ver. 802. De *carmine Euboico* iv. 257. *Muneris tempus*, dies, quo munus dedicatum. *Probare* est et censoris, dum opus absolutum explorat. *Tituli*, inscriptio. De *titulis* templorum vide Schwarzium ad Plinii paneg. liv. 4.

213. *Nonæ Sanco sacræ.*] *Sancus*, aut, ut alii scribunt, *Sangus* et *Sancus*, primus Sabinorum rex et auctor gentis, post mortem inter deos relictus, ut Faunus apud Latinos; Silius, viii. 422; Augustin. de Civit. Dei xviii. Idem et *Fidius* et *Semo pater* dictus est. Neapolis duas inscriptiones adtulit, in quibus: "Sango Sancto Semoni deo Fidio sacrum," et: "Semoni Sanco deo Fidio sacrum." Festus in *Prædia*: "In æde Saaci, qui deus Fidius putatur." Livius, viii. 20. *Semonem Sancum* aut *Sangum*. Sunt, qui putent eundem et *Sabum* dictum esse. Sed secundum Catonem in Origg. *Sabus*, a quo nomen Sabinorum, *Sanci* filius fuisse traditur,



Cuicumque ex illis dederis, ego munus habebō :

Nomina trina fero ; sic voluere Cures. 216

Hunc igitur veteres donarunt æde Sabini ;

Inque Quirinali constituere jugo.

Est mihi, sitque, precor, nostris diuturnior annis,

Filia, qua felix sospite semper ero. 220

Hanc ego quum vellem genero dare, tempora tædis

Apta requirebam, quæque cavenda forent.

Tum mihi post sacras monstratur Junius Idus,

Utilis et nuptis, utilis esse viris :

Primaque pars hujus thalamis aliena reperta est ;

Nam mihi sic conjux sancta Dialis ait : 226

atque etiam a Silio, dicto loco, a Sanco distinguitur. *Referre*, idem quod mox *dare*, dicere alicui sacrum esse.

217. *Sacellum Sancti versus ædem Quirini*, in quo anno U. C. 426. orbes ænei positi sint, etiam Livius d. l. memorat. Dionysius, iv. 58. de fœdere Tarquinii Superbi cum Gabinis icto: *Τούτων ἑστὶ τῶν ὀρκίων μνημείον ἐν Ῥώμῃ κείμενον ἐν ἱερῷ Διὸς Πιστίου, ὃν Ῥωμαῖοι Σάγκτον καλοῦσιν*. Secundum eundem, ix. 60. hanc ædem, a Superbo Tarquinio extructam, Spurius Postumius cos. Nonis mensis Junii in *Colle Quirinali* dedicavit. Is autem cos. fuit an. U. C. 290. Quum igitur Ovidius ait, *veteres donarunt Sabini*, forte nil aliud vult, nisi Sabinum deum esse.

219—245. Prior Junii pars nuptiis infausta, posterior apta : qualia et ii. 257 sqq ; iii. 393 sqq. monentur. Hæc ita tractavit poeta, ut *filia* suæ memoriæ ingeniose et commode intexeret. De *filia* sua IV. Trist. x. 75 : "Filia me mea bis, prima fecunda juventa, Sed non ex uno conjuge, fecit avum." De ea vide Masson. ad

annum ætatis Ovid. 20 et 21. *Sitque*, etc. utinam mihi superstes sit ! votum admodum solemne parentum, Romanorum inprimis ; quibus magnum solatium, inori superstitibus suis. Vide ad Plinium, Epist. I. xii. 11.

223. Male Heinsius putabat, intelligi certam quamdam Junii diem, haud dubie diem ante xviii. Kalendas Jun. itaque ei scribendum videbatur, *post actas Idus* ; omnes enim dies postriduanos fuisse atros. Immo, omnes dies Junii ante Idus sunt infausti nuptiis, post Idus incipiunt fausti. Neque adeo huc pertinet, quod Macrobius, Saturn. i. 15. notat, nuptiis copulandis Kalendas, Nonas, et Idus religiosas fuisse. *Sacræ Idus*, ut ii. 121. *sacræ Nonæ*. Hæ enim Junoni, illæ Jovi sacræ.

226. A Flaminica, sive Flaminis *Dialis* uxore, hæc certissime scire poterat. Ea et maritus peculiaribus legibus matrimonialibus erant circumscripti, de quibus Gellius, Noct. Attic. x. 15. Ea inprimis *sancta* erat et esse debebat. Vide omnino Schwarzium ad Plinii panegy. 83.

Donec ab Iliaca placidus purgamina Vesta  
 Detulerit flavis in mare Tibris aquis;  
 Non mihi detonsos crines depectere buxo,  
 Non ungues ferro subsecuisse licet; 230  
 Non tetigisse virum; quamvis Jovis ille sacerdos,  
 Quamvis perpetua sit mihi lege datus.  
 Tu quoque ne propera: melius tua filia nubet,  
 Ignea quum pura Vesta nitebit humo.  
 TERTIA post Nonas remove Lycaona Phœbe 235  
 Fertur, et a tergo non habet Ursa metum.  
 Tunc ego me memini ludos in gramine Campi  
 Adspicere; et didici, lubrice Tibri, tuos.  
 Festa dies illis, qui lina madentia ducunt,  
 Quique tegunt parvis æra recurva cibis. 240  
 MENS quoque numen habet: Menti delubra vide-  
 Vota metu belli, perfide Pœne, tui. [mus

227. *Donec*—*aquis*, id est, usque ad sacra Vestalia, de quibus inde a ver. 249. *Purgamina*; Festus: "Stercus ex æde Vestæ xvii. Kalendas Julias defertur in angiportum medium fere clivi Capitolini: qui locus clauditur porta Stercoraria. Tantæ sanctitatis majores nostri esse judicaverunt." Ab eo Noster dissentit, qui Tibri devehenda purgamina tradit.

329. Etiam alio tempore Dialis uxor *impeus debet habere comas*; iii. 398. *Buxus* aut *buxum* sæpe pro pectine buxæ. Olim hic edebatur *detonso buxo*, et id explicabant, rasili buxo. Heinsius suadebat *dentosa buxo*, id est, pectine buxæ, qui Martialis, xiv. 25. *buxus multifido dente* dicitur. *Perpetua lege*. Lex antiqua apud Gellium dicto loco: "Matrimonium Flaminis, nisi morte, dirimi non est jus." Et ipsa Flaminica univira esse debebat: Tertullianus, Exh. ad Castit. 13. *Vesta ignea*, templum Vestæ, in quo

ignis alitur perpetuus. *Pura humo*, æde illa purgata.

235. VII. *Idus* (die septimo) *Arctophylax occidit mane*. *Lycaon* pro *Lycaonides*, Lycaonis nepos, Arcas, qui quum in eo esset, ut Callisto, matrem in ursam mutatam, telo figeret, Jupiter ambos cœlo imposuit, sideraque vicina fecit ita, ut Ursa mater præcederet, Arcas filius Arctophylacis nomine a tergo sequeretur; Met. ii. 507. Is dies festus piscatorum in campo Martio. *Didici tuos*, quum quærerem, qui essent, cognovi tuos esse. *Lubricus*, ut iv. 337. De hac festa die Festus: "Piscatorii ludi vocantur, qui quotannis mense Junio trans Tiberim fieri solent a prætore urbano pro piscatoribus Tiberinis: quorum quæstus non in macellum pervenit, sed fere in arcam Volcani; quod id genus piscicorum vivorum datur ei deo pro animis humanis."

241—248. *Menti artes vota*.] In nu-

Pæne, rebellaras : et leto consulis omnes

Adtoniti Mauras pertimuere manus.

Spem metus expulerat, quum Menti vota senatus

Suscipit; et melior protinus illa venit. 246

Adspicit instantes mediis sex lucibus Idus

Illā dies, qua sunt vota soluta deæ.

VESTA, fave: tibi nunc operata resolvimus ora,

Ad tua si nobis sacra venire licet. 250

In prece totus eram: cœlestia numina sensi;

Lætæque purpurea luce refulsit humus:

Non equidem vidi, valeant mendacia vatum,

Te, dea; nec fueras adspicienda viro

minibus, quæ leges xii. tabb. coli jubebant, erant et *olla*, propter quæ datur homini adscensus in cælum, Mens, Virtus, Pietas, Fides; Cicero, Legg. ii. 8. Eam legem ridet Lactantius, Inst. i. 20. Bello Punico secundo, post pugnam ad lacum Trasimenum, decemviri, consultis libris Sibyllinis, retulerunt Veneri Erycinæ ac Menti ades esse vovendas. Menti vovit T. Otacilius prætor, idemque duumvir dedicavit; Livius, xxii. 8 et 10; xxiii. 31. *Rebellare*, novum bellum movere, redintegrare bellum: sic Livius, iv. 23. et alibi; Metam. ix. 81. est novam luctam ingredi. *Consulem* Flaminius Insuper eques in prælio lancea transfixit; Livius, xxii. 6. *Manus* haud dubie vis: sæpe manus et tela pugnantium occurrunt. In exercitu Hannibalis etiam Mauri erant; Livius, xxi. 22. *Adspicit*, etc. inter illam diem, qua vota soluta sunt, et Idus interjacent mediæ sex lucis. Falso Neapolis putabat, Ovidium hoc disticho diem vi. Idus exprimere voluisse.

249—460. V. Idus, Vestalia. De Vesta confer i. 528; iii. 417—428; ver. 697 sqq; iv. 949.

*Tibi—ora*; tua sacra cantaturus sum. *Resolve* ora, loqui, etiam i. 255; Met. ii. 282. et alibi. *Operari* et sacra facere, et omnino operam dare; Metam. vii. 746. *studiis operata Dianæ*; vide ad iii. 261. Simile autem exordium iv. 723: *Alma Pales faveas postoria sacra canenti: Prosequor officio si tua festa pio. Lux* illa signum præsentia divinae; i. 94. *Purpureus*, lucidus, splendidus. *Purpureum lumen* dixit etiam Virgilius, Æneid. vi. 641. Ab hoc lumine læta humus.

253. Dea casta non apparuit viro, ut eum ore doceret ritus suos, ut Janus, lib. i. Sed, quemadmodum iv. 15. Venus myrto leviter admota, sic nunc Vesta lucis ope poetam numine suo implevit, ut sufficeret rebus canendis, nullo præcipiente, verbis. *Valeant* de rebus, quas remotas cupimus. Et *mendacia* poetarum sunt fictiones; apud Horat. Arte Poetic. 151. ipse Homerus *mentitur*. Supra ver. 3: *erunt qui me finxisse loquantur, Nullaque mortali numina visa putent. Nec adspicienda viro*; confer ver. 450. Nullo generalius quam aliorum *nulla*. *Error* rursus incertitudo.

Sed, quæ nescieram, quorumque errore tenebar,  
 Cognita sunt, nullo præcipiente, mihi. 256  
 Dena quater memorant habuisse Palilia Romam,  
 Quum flammæ custos æde recepta sua est.  
 Regis opus placidi, quo non metuentius ullum  
 Numinis ingenium terra Sabina tulit. 260  
 Quæ nunc ære vides, stipula tunc tecta videres;  
 Et paries lento vimine textus erat.  
 Hic locus exiguus, qui sustinet atria Vestæ,  
 Tunc erat intonsi regia magna Numæ.

257—264. Primum Vestæ templum apud Romanos. Erant olim, qui contenderent, templum illud jam a Romulo esse conditum. Hos refellit Dionysius Halicarn. ii. 65. Ipse cap. 64. Numæ hoc tribuit: Ἀντὸς πρῶτος ἱερὸν ἰδρυσάμενος Ῥωμαῖοις Ἑστίας, καὶ παρθένους ἀποδείξας αὐτῇ θυηπόλους. Idem tradit Plutarchus, Num. 9 et 11. ubi narratur: τὸ τῆς Ἑστίας ἱερὸν ἐγκύκλιον περιβαλέσθαι τῷ ἄσβεστῳ πυρὶ φρουράν. Adde Livium, i. 20. Palilia describuntur iv. 721 sqq. et e vers. 727—732 apparet, cur hoc loco eorum mentio fiat. Dena quater; Numa anno U. C. 38. regnum suscepit; ergo templum condidit anno regni sui secundo. Custodes flammæ alias sunt Vestales: nunc ipsa dea custos; Velleius, ii. 131. perpetuorum custos Vesta ignium; Cic. Nat. Deor. ii. 27. rerum custos intimarum. Omnino dii vocantur custodes earum rerum, quibus præsent, ut Pan armenti ii. 277. Rex placidus, quia pacis amans. De ingenio ejus virtutibus temperato Livius, i. 18; Plut. 3. Deorum metum etiam suis injiciendum omnium prim. ratus est.

261. De ædificiis et moribus priscae ætatis confer i. 199 sqq; iii. 183. et alibi. Seneca, Epist. xc: "Furcæ

utrimque suspensæ fulciebant casam: spissatis ramalibus ac fronde congesta et in proclive disposita, decursus imbribus quamvis magnis erat. Culmus liberos texit." Tatio regnante, etiam curia de stipula erat; Art. Amat. iii. 118. Ære Lipsius putat aurato. Parietem vimine textum Neapolis credit in nova æde esse servatum, et hunc esse penum, de quo Festus: "Penus vocatur locus in æde Vestæ intimus tegetibus septus, qui certis diebus circa Vestalia aperitur."

263. Numæ regiam proxime fuisse ad ædem Vestæ, certum est. Plutarchus, Num. 14. sacerdotiis constitutis: εἰδείματο πλησίον τοῦ τῆς Ἑστίας ἱεροῦ τὴν καλουμένην Ῥηγίαν, οἶον τι βασιλείων ὄκημα. Solinus 2. Numa habitabat propter ædem Vestæ. Lipsius de Vesta cap. 4. monet, Ovidium diversa confudisse; atrium Vestæ adjunctum fuisse regie. In atrio illo habitabant Vestales; Plinius, VII. Epist. xix. 2. ubi vide notam nostram: conf. et supra 11. 69. Intonsus, priscus, ut ii. 30. et alibi. III. Trist. i. 30: "Hic fuit antiqui regia parva Numæ;" nunc dicitur magna pro ratione illorum temporum aut propter magnitudinem regis.

Forma tamen templi, quæ nunc manet, ante fuisse  
 Dicitur: et formæ causa probanda subest. 266  
 Vesta eadem est, quæ terra; subest vigil ignis utri-  
 Significant sedem terra focusque suam. [que:  
 Terra pilæ similis, nullo fulcimine nixa,  
 Aere subjecto tam grave pendet onus. 270  
 Ipsa volubilitas libratum sustinet orbem,  
 Quique premat partes, angulus omnis abest:  
 Quumque sit in media rerum regione locata,  
 Et tangat nullum plusve minusve latus;  
 Ni convexa foret, parti vicinior esset; 275  
 Nec medium terram mundus haberet onus.

265. De forma templi rotunda, Plutarchus dicto loco, *ἱερὸν ἐγκύκλιον*. Qui monet, Numam hanc formam secutum esse, non ut assimilaret terræ figuram, tamquam ea dea esset, sed universi hujus mundi, cujus medium Pythagorei ignem esse arbitrentur. Dionysius Halicarn. dict. loc. terram et ignem conjungit; Vestam, quum terra sit, quæ medium mundi locum teneat, accendere ex sese superiores illos ignes. Neque Noster sibi constat; namque hic et ver. 460. Vestam facit terram; ver. 291. *vivam flammam*. Euripid. Fragm. 178: *Γαῖα μήτηρ Ἑστίας ἐὲς οἱ σοφῶι Βροτῶν καλοῦσιν, ἡμένην ἐν αἰθέρι*. *Vigil*, æternus, perennis; Virgilius, *Æneid*. iv. 200: “vigilemque sacraverat ignem.” Florus i. 2. de his sacris: “ut ad simulacrum cœlestium siderum custos imperii flamma vigilaret.” *Focus*, ignis. Terra et ignis forma illa rotunda significant, ibi esse sedem suam. Lenzius vero *suam* pro *ejus* positum putat, ut sensus sit: forma rotunda terræ et focus describunt templum Vestæ, sunt ei propria.

269. Festus: “Rotundam ædem

Vestæ Numa Pompilius, rex Romanorum, consecrasse videtur, quod eandem esse terram, qua vita hominum sustentaretur, crediderit, eamque in pilæ formam esse, ut sui simili templo coleretur.” De *pendente* hoc onere in *aere subjecto* vide Met. i. 12. Versus sqq. sex 271—276. non leguntur, nisi in Ursini libro et sex aliis, et videntur mihi spurii esse, namque quo referes ver. 273. *locata?* ad *terram* ver. 269? at alia subjecta interposita sunt, *volubilitas* et *angulus*. *Ipsa volubilitas*, etc. volubilitas globum sustinet in æquilibrio; vide ad Met. i. 13; Cicero Nat. Deor. ii. 19: “Mundi volubilitas, quæ nisi in globosa forma esse non posset.” Idem in Timæo c. 10. deus mundum *ad volubilitatem rotundavit*. Cæterum non orbis planus hic cogitandus est, sed *pila*, globus. Nec *angulus* depressus intelligendus, sed procurrens, prominens, ut ver. 281. diserte monetur. Eminentes autem partes *premut* inferiora, quibus innituntur. *Nec medium*, etc. non haberet molem terræ in medio. *Onus* quidquid gestatur; iv. 241. *onus inguinis*.

Arce Syracosia suspensus in aere clauso  
 Stat globus, immensi parva figura poli :  
 Et quantum a summis, tantum secessit ab imis  
 Terra : quod ut fiat, forma rotunda facit. 280  
 Par facies templi ; nullus procurrit in illo  
 Angulus : a pluvio vindicat imbre tholus.  
 Cur sit virgineis, quæris, dea culta ministris ?  
 Inveniam causas hac quoque parte suas :  
 Ex Ope Junonem memorant Cereremque creatas  
 Semine Saturni ; tertia Vesta fuit. 286  
 Utraque nupserunt ; ambæ peperisse feruntur :  
 De tribus impatiens restitit una viri.  
 Quid mirum, virgo si virgine læta ministra  
 Admittit castas in sua sacra manus ? 290

277. Archimedes Syracusanus, ut multa, ita et sphaeram invenit, quæ motus solis et stellarum errantium referret, ita, ut tarditate et celeritate dissimillimos motus una regeret conversio. Cincta erat capsula vitrea, qua *aer clausus* motum illum efficere credebatur; Cicero, Tuscul. i. 25; Claudianus, Epigr. 68: *Jura poli, rerumque fidem, legesque deorum* (ordinem naturæ, systema mundi) *Ecce Syracosius transtulit arte senex. Inclusus variis famulatur spiritus astris, Et vivum certis motibus urget opus.* Lenzius putat, Archimedes usum esse eam in rem vi magnetica. *Syracosia* etiam metri necessitate correxit Heinzius quum libri omnes *Syracosie* haberent. Sic et poetæ græci *Συρακόσιος*. Idem ex optimo Patavino et duobus aliis *arte* mutavit in *arce*; monetque, intelligi Achradinam, editionem Syracusarum partem; ibi enim servatam esse illam sphaeram, ex Athenæo, V. xi. p. 207. apparere. *Tholus*, tectum (proprie interius) rotundæ ædis in testudinem concameratæ. *Pluvius imber* ut Tacitus, Histor. v. 23.

*pluviales imbres*; qui et cum vi cadunt, et diu durant. Cæterum apud Plutarchum, Sympos. vii. 4. quidam observat, mensam quoque terræ esse simulacrum, eamque, quia rotunda sit et stabilis, recte a quibusdam Vestam vocari.

283—294. Cur dea virgineis colatur ministris. Multi inter veteres ejus rei causam quæsierunt. Plutarchus, cap. 9. Numam putat aut puram incorruptamque ignis naturam impollutis Vestalium corporibus credidisse, aut infecunditatem et sterilitatem virginitati adsimilasse; conf. Cicero, Legg. ii. 12. Etiam Ovidius duas causas adfert: in Græcia viduæ præerant sacris Vestæ. *Vesta* filia erat maxima natu Saturni et Opis; vide ad ver. 30. *Impatiens viri*; ut Metam. i. 479: “*impatiens expersque viri.*” *Lætus* eleganter de eo, qui habet aliquid, qui instructus est aliqua re; Virgilius, Æneid. i. 275. Romulus *lupæ tegmine lætus*; et ver. 696. *duce lætus Achate*; Ovidius, Metam. ii. 634: *divine stivpis alumno lætus.*

Nec tu aliud Vestam, quam vivam intellige flam-  
 Nataque de flamma corpora nulla vides. [mam:  
 Jure igitur virgo est, quæ semina nulla remittit,  
 Nec capit; et comites virginittatis habet.  
 Esse diu stultus Vestæ simulacra putavi: 295  
 Mox didici curvo nulla subesse tholo.  
 Ignis inextinctus templo celatur in illo:  
 Effigiem nullam Vesta, nec ignis, habent.  
 Stat vi terra sua; vi stando Vesta vocatur;  
 Causaque par Graii nominis esse potest. 300  
 At focus a flammis, et, quod fovet omnia, dictus;  
 Qui tamen in primis ædibus ante fuit.  
 Hinc quoque vestibulum dici reor: inde precando  
 Adfamur Vestam; Quæ loca prima tenes.  
 Ante focos olim longis considerare scannis 305  
 Mos erat; et mensæ credere adesse deos.

291. Hanc alteram causam etiam Lactantius, Inst. I. xii. 5. ex hoc loco adfert: "Quia ignis inviolabile sit elementum, nihilque nasci possit ex eo, quippe qui omnia, quæ arripuerit, absumat."

295. In templo nullum Vestæ signum erat, ut nec apud Græcos, (Pausanias, Corinth. cap. 35.) quod Ovidius adhuc ignorabat, quum iii. 45. scriberet. Sed extra templum effigies ejus varie exprimebatur; vid. Lipsius de Vesta, cap. 3.

299. Arnobius adv. Gentes, iii. p. 119: "Terram nonnulli Vestam esse pronuntiant, quod in mundo stet sola, cæteris ejus partibus mobilitate in perpetuo constitutis." Sic jam Plato in Phædon. *Μένει μὲν Ἑστία ἐν θεῶν δίκῃ μόνῃ.* Sed mira est hæc Ovidii etymologia; melius Cicero, Nat. Deor. ii. 27: "Vestæ nomen a Græcis est; ea est quæ ab illis Ἑστία dicitur. Vis autem ejus ad aras et  
 VOL. V.

focos pertinet." Conf. idem Legg. ii. 12. *Causa Graii nominis, ut Ἑστία dicta sit ab ἑστάναι, ὃ ἐστίν ἐν ἐνὶ τόπῳ ἰδρῶσθαι* Et sic sane scholiastæ quidam. *Quod fovet*; id quoque ineptum. *Primas ædes* Krebsius intellexit aditum templi. Immo de ædibus humanis cogita, earumque vestibulo; vide ad i. 137. Græci Vestæ primæ sacra faciebant, prius etiam quam Jovi; vide Lipsium de Vesta, cap. 2. cui Ovidius quoque his verbis eo adluisse videtur, quamquam ipse ad vestibulum retulerit. Vulgo legitur: *inde precando Dicimus, o Vesta.*

305. Etiam Virgilius, Æn. vii. 176: "Perpetuis soliti patres considerare mensis," ubi vide Servium. De *Vacuna*, dea otii et vacantium, vide Horatii interpp. ad I. Ep. x. 49. *De more vetusto*, scil. considendi ante focos. Hinc cibi mittebantur *Vestæ*, in focum Vestalem. *Fert*, continet. *Puram* Neapolis nunc explicat, detersam,  
 T t

Nunc quoque, quum fiunt antiquæ sacra Vacunæ,  
Ante Vacunales stantque sedentque focos.

Venit in hos annos aliquid de more vetusto :

Fert missos Vestæ pura patella cibos. 310

Ecce, coronatis panis dependet asellis ;

Et velant scabras florida sarta molas.

Sola prius furnis torrebant farra coloni ;

Et Fornacali sunt sua sacra deæ.

Subpositum cineri panem focus ipse parabat ; 315

Strataque erat tepido tegula quassa solo.

Inde focum servat pistor, dominamque focorum,

Et quæ pumiceas versat asella molas.

Præteream, referamne tuum, rubicunde Priape,

Dedecus ? est multi fabula plena joci : 320

mundam ; quamquam *purum* et omne id, quod rebus sacris inservit.

311. Diebus feriatis etiam animantia coronari solebant, ut juveni, i. 663. catuli, etc. Vide Wernsdorf. ad Poetas minor. tom. i. pag. 253. Ad nostrum locum pertinet Propert. IV. i. 21. ubi de antiquis temporibus : "Vesta coronatis pauper gaudebat asellis." Recte Neapolis putat, *panem dependentem* habuisse formam coronæ ; ver. 347 : *de pane monilibus ornas*. Lactantius, Inst. I. xxi. 26 : "asinum Vestalibus panibus coronari." Quamquam et flores addebantur ; ver. 469. Erant autem molitorii asini, quibus id honoris habebatur ; unde et *mola* adduntur. Eas et alibi *scabras* vocat ; Art. Amator. iii. 290 : "Ut rudit ad scabram turpis asella molam ;" Medicam, Faciei, 58 : "Lenta jube scabra frangat asella mola." Causa hujus epitheti, e Seneca, Epist. 90. patet, ubi de panificii inventione agit : aliquis "lapidem asperum aspero imposuit ad similitudinem dentium." Quamquam et aliæ molæ

partes *scabræ*, id est, non læves, esse potuerunt. De *molis* tam manuariis, quam asinariis veterum vide Beckmann. in Symbolis ad historiam Invent. vol. ii. p. 1. et qui ibi laudantur.

313. Confer cum his ii. 519 sqq. et quæ ibi notata sunt de *farre*, de eo torrendo et de *Fornacalibus*. Antequam *furni* usus repertus esset, *foco* calido veteres utebantur ad panem coquendum ; Seneca, Epist. 90 : "Panem primo cinis calidus et fervens testa percoxit : deinde furni paulatim reperti sunt et alia genera." Panes illi placentæ formam habebant, nec nisi sub cœnæ tempus coquebantur ; vide Heynii Opuscul. Acad. vol. i. p. 374. *Pumiceas* : Heinsius in Opusc. p. 236. cum plurimis MSS. *pumiceus* tuetur, id est, rubras. Immo *pumex* omnis lapis excavatus ; iv. 495. et infra ver. 381. *cava machinu* mola vocatur.

319. Simillima fabula i. 391—440 ; et Noster ex una duas fecisse videtur, ut rem sibi gratissimam bis narrare posset. Sic, ut hic, sed breviter, re-



Turrigera frontem Cybele redimita corona  
 Convocat æternos ad sua festa deos ;  
 Convocat et Satyros, et rustica numina, Nymphas.  
 Silenus, quamvis nemo vocarat, adest.  
 Nec licet, et longum est epulas narrare deorum :  
 In multo nox est pervigilata mero. 326  
 Hi temere errabant in opacæ vallibus Idæ :  
 Pars jacet, et molli gramine membra levat.  
 Hi ludunt : hos somnus habet : pars brachia nectit,  
 Et viridem celeri ter pede pulsat humum. 330  
 Vesta jacet, placidamque capit secura quietem,  
 Sicut erat positum cespite fulta caput.  
 At ruber hortorum custos Nymphasque deasque  
 Captat ; et errantes fertque refertque pedes.  
 Adspicit et Vestam ; dubium, Nymphamne putarit,  
 An scierit Vestam ; scisse sed ipse negat. 336  
 Spem capit obscænam, furtimque accedere tentat ;  
 Et fert suspensos, corde micante, gradus.  
 Forte senex, quo vectus erat, Silenus asellum  
 Liquerat ad ripas lene sonantis aquæ. 340  
 Ibat, ut inciperet longi deus Hellesponti,  
 Intempestivo quum rudit ille sono.

petita est a Lactantio, Inst. I. xxi. 25. qui eam ab ipso Ovidio fictam putat. De *turrigera corona* iv. 219 sqq. *Evoocat* alterum, qui eum aliunde ad se venire jubet. *Convocat* h. l. aptius est. LEM.

325. *Nec licet.*] Recte Burmannus notat respici Tantalii fabulam, qui epulis deorum admotus, quum ibi acta narrasset, pœnam senserit. De *Ida* ejusque *vallibus* ver. 15 ; iv. 182. *Nectere brachia*, implexis manibus in orbem saltare ; Horatius, II. Od. xii.

18 : dare brachia Ludentem nitidis virginibus." *Pulsare humum* de saltante etiam Horat. I. Od. xxxvii. 1. idem, iii. Od. 18. *pellere humum*, cum Lucretio : " Gaudet invisam pepulisse fossor Ter pede terram ;" quibus tri-pudium, ut et h. l. describitur. Mox nonnulli *posito cespite*, ut cespes de industria subpositus fuerit capiti.

335. *Dubium* non ad Priapum pertinet, sed hæc sunt verba Ovidii interposita. Cum verbis *fert suspensos*, etc. confer i. 425—429.

Territa voce gravi surgit dea: convolat omnis  
 Turba: per infestas effugit ille manus.  
 Lampsacos hoc animal solita est mactare Priapo:  
 Apta asini flammis indicis exta damus: 346  
 Quem tu, diva memor, de pane monilibus ornas.  
 Cessat opus: vacuæ conticuere molæ.  
 Nomine, quam pretio celebrator, arce Tonantis,  
 Dicam, Pistoris quid velit ara Jovis. 350  
 Cincta premebantur trucibus Capitolia Gallis:  
 Fecerat obsidio jam diuturna famem.  
 Jupiter, ad solium Superis regale vocatis,  
 Incipe, ait Marti; protinus ille refert:  
 Scilicet ignotum est, quæ sit fortuna meorum, 355  
 Et dolor hic animi voce querentis eget.

344. Edit. Neapolis *effugit illa*, ut Vesta dicatur Priapi manus effugisse: quod placet Taubnero, sed non mihi: immo *ille* Priapus effugit per manus, quas dii convolantes ei injicere volebant. *Lampsacos*, etc. Sic et i. 439; et Lactantius, dicto loco: "Hac de causa Lampsacenos asellum Priapo, quasi in ultionem mactare consuevisse: apud Romanos vero eundem Vestalibus sacris, in honorem pudicitiae, panibus coronari." Inde patet Lactantium, qui diserte monet, se ex Ovidii Fastis hanc fabulam repetere, hoc quoque distichon habuisse in suo cod. quod Heinsius ab homine male feriato præter rem inculcatum esse putabat; sed nec potest abesse propter sqq; nam *quem* refertur ad asinum. Burmannus hæc sic refingi volebat: *Lampsacos hinc animal solita hoc mactare Priapo: Hinc asini flammis indicis exta damus*; quia *hinc asini* est in multis edd. *Memor*; aliter judicat Lactantius: "Quid turpius? quid flagitiosius, quam si Vesta beneficio

asini virgo est?" *Cessat opus* nempe die Vestalium.

349—394. Digressio ad *aram Jovis Pistoris*, quæ non pertinet ad rem, quamquam in hac fabula etiam Vestæ partes quædam fuere. Forte ver. 318 sqq. hæc inserendi poetæ occasionem dedere. Summam rei habet Livius, v. 48: "Quum identidem Galli (Romanis in Capitolio inclusis) famem objicerent, eaque necessitate ad deditionem vocarent, dicitur avertendæ ejus opinionis causa multis locis panis de Capitolio jactatus esse in hostium stationes." Id consilium ad deos auctores postea relatum et ab Ovidio exornatum est. *Ara Tonantis*, Capitolium. *Trucibus*; etiam Livius, vi. 28: "species Gallorum truces."

354. *Incipere* etiam ver. 341. absolute positum: h. l. supplend. referre. *Scilicet* gravem indignationem cum irrisione quadam exprimit, negatque ignotum esse id, quod jam additur. *Jacere* de victis.

Si tamen, ut referam breviter mala juncta pudori,

Exigis: Alpino Roma sub hoste jacet.

Hæc est, cui fuerat promissa potentia rerum,

Jupiter? hanc terris impositurus eras? 360

Jamque Suburbanos, Etruscaque contudit arma.

Spes erat in cursu: nunc Lare pulsa suo est.

Vidimus ornatos, ærata per atria, picta

Veste, triumphales occubuisse senes.

Vidimus Iliacæ transferri pignora Vestæ 365

Sede: putant aliquos scilicet esse deos.

At si respicerent, qua vos habitatis in arce,

Totque domos vestras obsidione premi;

359. Illa *promissa potentia* etiam i. 517; Met. ii. 259. occurrit. Confer Virgilium, Æneid. i. 257 sqq. *Imponi* de dominis; Livius, xlv. 36: "Si domini milites imperatoribus imponantur." *Lare*, sede sua, deleta urbe Roma.

363. Galli, quum in urbem defensoribus nudam penetrassent, in ædium vestibulis sedentes reppererunt senes consulares et triumphales, eosque splendidis vestibus ornatos, quos in sedibus suis trucidaverunt; Livius, v. 41. Secundum Plutarchum in Camillo, 21 et 22. id factum in foro; apud Florum, i. 13. in foro viri illi se diis Manibus consecrant; inde in suas quisque aedes regressi in sellis curilibus considunt. Et *atria* et vestibula Livius in hac re memorat. *Ærata* atria explicant, in quibus statuæ æneæ dispositæ. Mihi Heinsii conjectura placet, *reserata*; etenim Livius dicto loco, *patentia atria principum*; Florus *patentes domos*; Valerius Maxim. iii. 117. *apertas januas* habet. *Vestes* eorum Plutarch. vocat *ἱεράς καὶ λαμπράς*; Florus *trabeas*; Livius, *quæ augustissima vestis est thensas ducentibus triumphantibusve, ea vestiti medio*

*ædium sedere*; ea erat purpurea, auro intexto *picta*; Plin. viii. 48; ix. 60.

365. Plutarchus in Camillo, 20: *Τὸ πῦρ τῆς Ἑστίας αἱ παρθένοι μετὰ τῶν ἱερῶν ἀρπασάμεναι ἔφυγον*. Sacra religiosissima tum partim in doliis defossa, partim plaustris deportata sunt; Livius, v. 40; Florus, i. 13. Etiam post *deos* signum interrogandi mutavi, et *scilicet* capiendum ut ver. 355. Hoc sibi vult: stulti illi adhuc putant deos *esse aliquos*, qui vim habeant et curam gerant rerum humanarum; Metam. vi. 542: "Si tamen hæc Superi cernunt; si numina divûm Sunt aliquid." Æque recte autem dicitur *aliquem*, ac *aliquid* esse de iis, qui potentia, dignitate, auctoritate valent. *Qua vos habitatis*, Capitolium, ubi vos multis templis et aris colimini. Omnes fere dii ibi colebantur, et jam illo ipso tempore; apud Livium, vi. 16. Manlius; "Jupiter, Junoque regina, ac Minerva, cæteri que dii deaque, qui Capitolium arcemque incolitis." *Nil opis esse in cura*, non opem esse exspectandam a cura. *Tura perire*, frustra accendi, manu sollicita, manu hominum de salute sua sollicitorum.

Nil opis in cura scirent superesse deorum,  
 Et data sollicita tura perire manu. 370  
 Atque utinam pugnæ pateat locus! arma capessant;  
 Et, si non poterunt exsuperare, cadant.  
 Nunc inopes victus, ignavaque fata timentes,  
 Monte suo clausos barbara turba premit.  
 Tum Venus, et lituo pulcher trabeaque Quirinus,  
 Vestaque pro Latio multa locuta suo. 376  
 Publica, respondit, cura est pro mœnibus istis,  
 Jupiter: et pœnas Gallia victa dabit.  
 Tu modo, quæ desunt fruges, superesse putentur,  
 Effice; nec sedes desere, Vesta, tuas. 380  
 Quodcumque est Cereris solidæ, cava machina  
 Mollitumque manu duret in igne focus. [frangat;  
 Jusserat: et fratris virgo Saturnia jussis  
 Adnuit; et mediæ tempora noctis erant.  
 Jam ducibus somnum dederat labor: increpat illos  
 Jupiter; et sacro, quid velit, ore docet: 386

373. *Inopes victus* ambigue dictum, ut et Burmannus notavit; possunt enim intelligi et Romani victu destituti, et victus exigui, inopia, ut Met. i. Illos longa domant inopi jejunia victu." Burmannus porro monet, elegantius (immo gravius) fore *monte tuo*, quia mons Capitolinus Jovi sacer.

375. De *trabea Quirini* vide ad i. 37; ii. 504. *Lituo* Romulus usus erat in condenda urbe; Virgil. *Æn.* vii. 187: "Ipse Quirinali lituo, parvaque sedebat Succinctus trabea." Ut ibi *succinctus*, sic hoc loco *pulcher* etiam ad *lituum* refertur.

377. *Curam* Scaliger putat dictam pro curatore. Potest et sic capi: hæc cura nobis omnibus communis esse debet, aut, pertinet non ad rem privatam, sed ad publicam; Livius, ii. 41. *publica sollicitudo* de republica;

iii. 48. *publica indignatio* de reipublicæ damno. *Ceres solida*, grana solida. *Frangat*, ea contundantur saxis sibi illis aut pilo. Id quoque verbo *molere* expresserunt veteres; vide Heynii Opusc. Acad. vol. i. p. 367. *Mollitum manu*, subactum manu, adspersa aqua. *Duret focus*; vide ad ver. 315 sq.

383. Heinsius suadet, *at fratris*, et paulo post, *tempora noctis eunt*. *Increpare*, impellere, excitare, quod posterius unus Moreti habet; Virgil. Georg. iv. 71: "morantes Martius ille æris rauci canor increpat;" *Æn.* i. 738. ubi *increpitans* est adhortans, aut, ut Servius explicat, inclamans. *Mihi perdere* etiam propterea verum videtur, quia idem verbum mox a Romanis repetitur, quod fieri debebat a deliberantibus.

Surgite, et in medios de summis arcibus hostes  
 Mittite, quam minime perdere vultis, opem.  
 Somnus abit, quæruntque novis ambagibus acti,  
 Perdere quam nolint, et jubeantur, opem. 390  
 Ecce, Ceres visa est: jaciunt Cerealia dona:  
 Jacta super galeas scutaque longa sonant.  
 Posse fame vinci spes excidit: hoste repulso,  
 Candida Pistori ponitur ara Jovi.  
 Forte revertetar festis Vestalibus illac, 395  
 Qua Nova Romano nunc via juncta foro est.  
 Huc pede matronam vidi descendere nudo;  
 Obstupui; tacitus sustinuique gradum.  
 Sensit anus vicina loci; jussumque sedere  
 Adloquitur, quatiens, voce tremente, caput: 400  
 Hoc, ubi nunc fora sunt, udæ tenuere paludes;  
 Amne redundatis fossa madebat aquis.  
 Curtius ille lacus, siccas qui sustinet aras,  
 Nunc solida est tellus, sed lacus ante fuit.

389. *Ambages* vocantur monita obscura; iv. 261: *ambages sortis obscura*; ibid. 379: *ambages oris obscuri*; Met. xiv. 57: *obscurum verborum ambage novorum*. *Ceres visa est*; conjectando eo delati sunt, ut crederent *Cererem*, id est, panem, intelligi. *Scuta longa*, sed ad amplitudinem corporis parum lata etiam Livius Gallicis tribuit.

395. Cur sacris Vestalibus matronæ pede nudo in forum descendant. Interpreti Gallico hunc locum inseruisse Ovidius videtur, ut Velabrum describere posset. Quod non est; Velabri enim non nisi obiter et breviter fit mentio. Ad *Novam viam* ædes erat Vestæ; Livius, v. 32. Burmanno elegans videbatur lectio, quam Nea-

polis in suo cod. reperit, *revertetar*, quam recepisset, nisi sequeretur *jussumque sedere*, unde eum pede iter fecisse colligatur. Nec credibile est, poetam tempore sacrorum circumvectatum esse ædem deæ. *Descendere* de iis qui in forum eunt, quia cives honestiores in montibus habitabant. *Gradum*, plures *gradus*; inde Heinsius facit, *tacitos sustinuique gradus*.

399. Simile figmentum iv. 685 sqq. *Fossa*, omnino locus profundus; ibi *lacus*, qui vel bello Sabino a *Metto Curtio*, vel serius a *M. Curtio*, juvene egregio, quum se in specumrillum immisisset, nomen invenit; Liv. i. 13; vii. 6; "Redundatæ flumine aquæ" etiam Trist. ii. 51. Eo loco erat ara Saturni.

Qua Velabra solent in circum ducere pompas, 405  
 Nil præter salices, cassaque canna fuit.  
 Sæpe suburbanas rediens conviva per undas  
 Cantat: et ad nautas ebria verba jacit.  
 Nondum conveniens diversis iste figuris  
 Nomen ab averso ceperat amne deus. 410  
 Hic quoque lucus erat, juncis et arundine densus,  
 Et pede velato non adeunda palus.  
 Stagna recesserunt, et aquas sua ripa coercet;  
 Siccaque nunc tellus: mos tamen inde manet.  
 Reddiderat causam: Valeas, anus optima, dixi; 415  
 Quod superest ævi, molle sit omne, tui.  
 Cætera jam pridem didici puerilibus annis;  
 Non tamen idcirco prætereunda mihi.  
 Mœnia Dardanides nuper nova fecerat Ilus:  
 Ilus adhuc Asiæ dives habebat opes. 420

405. *Velabrum*, planities inter Capitolinum, Palatinum et Aventinum montem. *Pompas* intp. Gallicus triumphales intelligit; tu vero Circenses intellige, satis illas splendidas, de quibus Amorr. iii. 2. et Suetonius passim. Quamquam et triumphantes Velabrum prætervehebantur; Sueton. Cæsar. 39. *Velabra ducunt pompas*, pompæ procedunt per Velabra. *Cassa*, inanis. Stagnum autem Velabri et alii memorant; Propert. IV. ix. 5: Hercules venit "Qua Velabra suo stagnabant flumine, quaque Nauta per urbanas velificabat aquas;" Tibullus, II. iii. 33: "At qua Velabri regio patet, ire solebat Exiguus pulso per vada linter aqua. Illa sæpe gregis ditis placitura magistro Ad juvenem festa est vecta puella die." Pro *verba* Heins. mavult *dicta*, id est, dicitaria; sed *et ebria* satis definit rationem *verborum* istorum. De verbis, quibus lædimus aut læcessimus alte-

rum, usitatum est *jacere*; Cic. Sul. 7. *jacere contumeliam*: quamquam interdum et simpliciter edere significat.

409. Vertumnus intelligend. Propertius, IV. ii. 7. de foro Romano: "Hac quondam Tiberinus iter faciebat; et aiunt Remorum auditos per vada pulsa sonos. At postquam ille suis tantum concessit alumnis, Vertumnus verso dicor ab amne deus;" idem ver. 21. *convenientem diversis figuris* describit: "Opportuna mea est cunctis natura figuris: In quamcumque voles verte, decorus ero;" id quod latius exornavit Ovidius, Met. xiv. 642 sqq.

419. De *Palladio*, sive signo Palladis, quod e cælo delapsum, *διοπεπέγ*, summa religione in arce Iliaca colebatur, quodque in multis nummis Juliæ gentis expressum cernitur. Historiam ejus habet Apollodorus, III. xii. 3. ubi vide Heynium. *Dardanus* 200 s. 150. ann. ante Trojæ excidium

Creditur armiferæ signum cœleste Minervæ  
 Urbis in Iliacæ desiluisse juga.  
 Cura videre fuit : vidi templumque locumque ;  
 Hoc superest illi : Pallada Roma tenet.  
 Consulitur Smintheus ; lucoque obscurus opaco 425  
 Hos non mentito reddidit ore sonos :  
 Ætheriam servate deam ; servabitis urbem :  
 Imperium secum transferet illa loci.  
 Servat, et inclusam summa tenet Ilus in arce ;  
 Curaque ad hæredem Laomedonta venit. 430  
 Sub Priamo servata parum : sic ipsa volebas,  
 Ex quo iudicio forma revicta tua est.  
 Seu genus Adrasti, seu furtis aptus Ulixes,  
 Seu pius Æneas, eripuisse datur.  
 Auctor in incerto : res est Romana ; tuetur 435  
 Vesta, quod adsiduo lumine cuncta videt.

Dardanium, urbem ad Idam montem, condidit. Ejus pronepos *Ilus* autem *nova mania fecit*, Ilion. *Cura*, etc. Iter olim Ovidium fecisse in Asia, magnificasque ejus urbes perspexisse, ex *I Trist.* ii. 77. *II.* ex *Ponto*, x. 21. apparet. *Templum* illud bis deletum est, bello Mithridatico et a Fimbria. Prius instauravit Lysimachus, posterior alius.

425. *Smintheus*, Σμινθεύς, Apollo Sminthius, haud dubie a Sminthe sive Smintho, urbe Troadis, sic dictus ; Heyn. in *Observatt.* ad *Hom.* *II.* A. 39. *Ætheream*, ex æthere delapsam. *Servabitis*, etc. Pignus imperii describitur. Disputant, utrum eadem fuerit, cujus in arce Ilii positæ genibus pepulum Trojanæ mulieres apponunt, *II.* Z. 273. an ab ea diversa ; vide Heynii excurs. ix. ad *Æneid.* ii.

432. De *iudicio Paridis* vide ver. 15. De *Palladio raptio* variæ erant

traditiones. Secundum alios, Diomedes et Ulysses abstulerunt ante Trojam captam ; *Æn.* ii. 164 sqq. : secundum alios, ab Antenore proditum est Achivis. *Furta*, res clandestinæ ; *Met.* xiii. 104. de Ulysse : furtis incautum decipit hostem." Nonnulli tradebant, Græcos simulacrum ad veri similitudinem eripuisse, *Æneam* autem rei gnarum adtulisse verum ; *Dionys.* *Halicarn.* ii. 66. *Datur*, id est, narratur.

435. Locus mihi sanus videtur. Quicumque Palladium rapuerit, certe Romæ est, ibique servatur in æde Vestæ, quæ id tuetur, quia in igne perpetuo templi sui omnia videt ; sed Heinsius corrigebat : *præses Romana tuetur ; quod adsiduo lumine juncta* (ut Gronovius suaserat) *videt ;* quod videt junctum Vestæ Palladium, nempe quod eodem templo est sub Vestæ tutela.

U u

VOL. V.

Heu quantum timuere Patres, quo tempore Vesta  
 Arsit, et est adytis obruta pæne suis!  
 Flagrabant sancti sceleratis ignibus ignes;  
 Mixtaque erat flammæ flamma profana piæ. 440  
 Adtonitæ flebant, demisso crine, ministræ:  
 Abstulerat vires corporis ipse timor.  
 Provolat in medium, et magna, Succurrite, voce,  
 Non est auxilium flere, Metellus ait:  
 Pignora virgineis fatalia tollite palmis, 445  
 Non ea sunt voto, sed rapienda manu.  
 Me miserum! dubitatis? ait: dubitare videbat,  
 Et pavidas posito procubuisse genu.  
 Haurit aquas; tollensque manus, Ignoscite, dixit,  
 Sacra: vir intrabo non adeunda viro. 450  
 Si scelus est, in me commissi pœna redundet:  
 Sit capitis damno Roma soluta mei.  
 Dixit, et irrupit: factum dea rapta probavit;  
 Pontificisque sui munere tuta fuit.

437. De hoc incendio tempore belli Punici secundi, et de Metelli studio servandi Palladium conf. Dionys. Halic. ii. 66; Livii Epitom. 19; Valerium Maxim. i. 4; Senecam, Controv. iv. 2; Plin. Histor. Natur. vii. 43. s. 45. *Flagrabant*, etc. Lusus ineptus, sed Ovidio consentaneus.

441. *Ministræ* apud Dionysium fugiunt. L. Cæcilius *Metellus*, qui, Carthaginiensibus in Sicilia devictis, 138. elephantos in triumpho duxit, pontifex maximus erat, ideoque præfectus Vestalibus et Vestæ sacris. Is, neglecta sua salute, utilitatis publicæ causa, summo cum periculo est ausus in ardens penetrare irrumpere et sacra deserta a virginibus ex ipso incendio eripere. *Magna vox* est clara; etiam apud Livium, i. 48. Servius rex clamat *magna voce*. De *pignoribus imperii*

vide iii. 422. *Fatalia*, unde pendet fatum imperii.

449. *Haurit aquas*, quibus se lustraret ante, quam sacra adiret. *Viris* interdiu patebat templum Vestæ; sed ad ejus intima penetrare ne pontifici quidem maximo licebat; Dionysius Halicarn. dicto loco; hinc Lucanus, i. 503. de Vestali: "Trojanam soli cui fas vidisse Minervam."

453. *Irrumpere* verbum in hac re proprium, ut docet Burmannus; alii *eripuit*, *arripuit*. Passus est Metellus id damni, ut incendio usum oculorum amitteret; sed senatus id compensavit magnis honoribus, quos Dionysii adhuc ætate statua in Capitolio ei posita testabatur; Plinius dicto loco: "Tribuit ei populus Romanus quod nunquam ulli alii ab condito ævo, ut, quoties in senatum iret, curru vehere-



Nunc bene lucetis sacræ sub Cæsare flammæ : 455

Ignis in Iliacis nunc erit, estque, focis :

Nullaque dicetur vittas temerasse sacerdos

Hoc duce ; nec viva defodietur humo.

Sic incesta perit ; quia, quam violavit, in illam

Conditur ; et Tellus Vestaque numen idem est.

Tum sibi Callaico Brutus cognomen in hoste 461

Fecit, et Hispanam sanguine tinxit humum.

Scilicet interdum miscentur tristia lætis,

Ne populum toto pectore festa juvent.

Crassus ad Euphraten aquilas, natumque, suosque

Perdedit, et leto est ultimus ipse datus. 466

Parthe, quid exsultas ? dixit dea : signa remittes ;

Quique necem Crassi vindicet, ultor erit.

At simul auritis violæ demuntur asellis,

Et Cereris fruges aspera saxa terunt ; 470

tur ad Curiam. Magnum et sublime, sed pro oculis datum."

455. Desinit hic locus in votum. Cæsar vel Augustus, vel, ut Lenzius vult, Tiberius. Augustus quidem Vestalium commoda inprimis auxit ; Suetonius August. 31. *Temerare* plus est, quam polluere ; Metam. ii. 592. *patrium temerasse cubile. Vittæ* virginæ pro ipsa virginitate. De *incestu* Vestalium earumque supplicio vide Plinium, iv. Epist. 11. et quæ ibi notavimus.

461—468. *Eodem die Brutus Callaici cognomen invenit, Crassus autem devictus est a Parthis.* Hæc quo acutius jungerentur superioribus, interposuit versu 467. *deam*, nempe Vestam. *Gallaci*, populus Lusitaniæ inter Minium et Durium amnes ; hos vicit anno U. C. 618. *Decimus Brutus* ; Florus, II. xvii. 12 : " D. Brutus aliquanto latius Celticos Lusitanosque, et omnis Gallæciæ populos,

formidatumque militibus flumen Oblivionis : peragratoque victor Oceani litore, non prius signa convertit, quam cadentem in maria solem, obrutumque aquis ignem, non sine quodam sacrilegii metu et horrore deprehendit." Adde Velleium, II. v. 1. Sic apparet, meruisse eum *Gallaci* nomen ; sic illud apud Plinium, Florum, Velleium constanter scribitur ; sed hoc loco non nisi unus Neapolis cod. *Gallæco*, quod haud dubie verum. Sed quia omnes reliqui libri, scripti et editi, in *Callaico* conspirant, nolui hoc movere. *Scilicet* in principio sententiarum excitat mentem legentis, ut Met. iii. 135.

465. De *Crassi* pernicie et *ultore* vide v. 580 sqq.

466—472. IV. *Idus Delphini ortus vespertinus* ; sic et Plinius, xviii. 27. *Viola*, coronæ, de quibus versu 310. *Auritus* debetur Afranio, quem Virgil. Georg. i. 308. *secutus, auritos lepores*

Navita puppe sedens, Delphina videbimus, inquit;  
Humida quum pulso nox erit orta die.

JAM, Phryx, a nupta quereris, Tithone, relinqui:  
Et vigil Eois Lucifer exit aquis.

Ite, bonæ matres; vestrum Matralia festum; 475  
Flavaque Thebanæ reddite liba deæ.

Pontibus et magno juncta est celeberrima circo  
Area, quæ posito de bove nomen habet.

Hac ibi luce ferunt Matutæ sacra parenti  
Sceptriferas Servî templa dedisse manus. 480

Quæ dea sit; quare famulas a limine templi  
Arceat, arcet enim, libaque tosta petat;

Bacche, racemiferos hedera redimite capillos,  
Si domus illa tua est, dirige navis iter:

Arserat obsequio Semele Jovis; accipit Ino 485  
Te, puer; et summa sedula nutrit ope.

dixit. De asino, quem Phædrus, i. 11. *auritulum* vocavit, legitur etiam Art. Amat. ii. 547. *Saxa terunt*, quæ die superiore cessabant; ver. 348.

473—562. III. *Idus Matutæ templum positum est et Matralia in ejus honorem celebrantur.*

De Tythone Phryge, ejusque conjugæ Aurora, vide i. 461; iii. 403. *Exit aquis*, ut ii. ex Ponto, v. 50: "Qualis ad Eois Lucifer exit aquis;" quamquam ibi plurimi, *ortus aquis*; Met. iv. 92. *aquis nox surgit ab isdem*. Verum Pembroc. Putean. Frcf. et tredecim alii, *exit equis*, quod sine causa damnat Burmannus. Lucifer vel equo solitario vehebatur, vel curru et equis jugalibus; Tibullus, I. ix. 62. ibique Heynius; hinc Met. xv. 189. *quumque albo Lucifer exit Clarus equo*. De libis ver. 531. *Thebana* Ino in hanc *deam* mutata est.

477. *Area*, forum boarium, ubi *positus erat bos* ex ære Æginetico; Tacit.

Annal. xii. 24. *forum boarium*, "ubi æreum tauri simulacrum adspicimus;" Plinius, xxxiv. 2. s. 5. de ære Æginetico: "Bos æreus inde captus in foro boario est Romæ." Fuit autem id forum in regione octava, ut ex Victore constat. Ibi ædem fuisse *Matutæ matris*, etiam ex Livio, xxxiii. 27. constat; idem, v. 19. ubi Camillus *vovet*, se *Veiis* captis, eam esse refecturam, et cap. 23. *dedicat*, addit eam jam pridem *dedicatam* esse a *Servio Tullio* rege; confer Plutarchum Camill. 5.

483. *Invocat Bacchum*, qui ex eadem familia, et a Matuta olim educatus. *Domus*, familia, nempe Cadmea.

485—498. Has fabulæ partes Met. iii. 260—315, iv. 416—529. copiosissime narravit. *Obsequio*, ut Metam. iii. 293: "peritura amantis Obsequio Semele." *Educat*, atque edeo eo alumno *superbiat*; Met. iv. 416.

Intumuit Juno, rapta quod pellice natum

Educet: at sanguis ille sororis erat.

Hinc agitur furiis Athamas et imagine falsa:

Tuque cadis patria, parve Learchæ, manu. 490

Mœsta Learchæas mater tumulaverat umbras;

Et dederat miseris omnia justa rogis.

Hæc quoque, funestos ut erat laniata capillos,

Prosilit; et cunis te, Melicerta, rapit.

Est spatio contracta brevi, freta bina repellit, 495

Unaque pulsatur terra duabus aquis.

Huc venit insanis natum complexa lacertis;

Et secum e celso mittit in alta jugo.

Excipit illæsos Panope, centumque sorores,

Et placido lapsu per sua regna ferunt. 500

Nondum Leucotheæ, nondum puer ille Palæmon

Vorticibus densi Tibridis ora tenent.

*Rapta mihi non placet; veteres plurimi raptum, quod Taubnerus præfert, ut intelligit genetricis ab alvo ereptus, Met. iii. 311; sed pellice potius ad natum pertinet, et ita raptum foret otiosum. Sanguis; ita Metam. v. 515. Ceres Proserpinam sanguinem suum et Jovis vocat. Plenior forma est Met. iv. 788: "matris de sanguine natos."*

489. *Furiis, furore* Tisiphones, quæ, excitata a Junone, Athamanti et uxori, admoto serpente, graves animas inspiravit. Hinc Athamanti objecta imago, ut uxorem et duos filios pro læpæa haberet cum gemina prole, *Learchum*, autem, alterum filiolum, raptum de sinu matris saxo illideret. Mox mater quoque furore correpta cum Melicerta, filio altero, e scopulo se præcipitat in mare; Ovidius, dicto loco. *Tumulaverat umbras; sepulto corpore, anima aut umbra sepulcro condi dicebatur; vide ad v. 451.*

495. Isthmus Corinthiorum describitur; ibi Moluris scopulus, unde Ino se cum filio præcipitasse credebatur; Pausanias, Attic. p. 108. *Breve, angustum, non latum. Contracta spatio, contracta in spatium.*

499. Hanc fabulæ partem Metam. d. l. paucissimis verbis attigit et aliter narravit. Nunc id agit, ut Ino cum filio in Italiam deferatur, ibique in Matutam deam, Melicertes autem in Portunum mutetur. Illa Græcis *Leucotheæ*, hic *Palæmon*. *Panope*, una ex quinquaginta Nereidibus, quarum omnium nomina Hesiodus, Theog. 240. habet. *Lapsus* beue de ea, quæ more Nereidum per mare natat. *Nondum Leucotheæ, etc.* Ea, quæ nondum Leucotheæ dea erat, is, qui nondum Palæmon, jam tenebant *ora*, ostium, Tibridis. *Densis* Heinsius mutavit in *densi*; *densus* idem quod frequens.

Lucus erat: dubium, Semelæ Stimulæne vocetur;  
Mænadas Ausonias incoluisse ferunt.

Quærit ab his Ino, quæ gens foret: Arcadas esse  
Audit; et Evandrum sceptrâ tenere loci. 506

Dissimulata deam, Latias Saturnia Bacchas  
Instimulat fictis insidiosa sonis:

O nimium faciles, ô toto pectore captæ,  
Non venit hæc nostris hospes amica choris: 510  
Fraude petit; sacrique parat cognoscere ritum.

Quo possit pœnas pendere, pignus habet.  
Vix bene desierat; complent ululatibus auras  
Thyades effusis per sua colla comis; 514

Injiciuntque manus, puerumque revellere pugnant.  
Quos ignorat adhuc, invocat illa deos:

Dique, virique loci, miseræ succurrite matri!

Clamor Aventini saxa propinqua ferit.

Adpulerat ripæ vaccas Cætæus Iberas:

Audit; et ad vocem concitus urget iter. 520

503. *Semelæ* lucus etiam Romæ fuit; vide Neapol. et Heinsium qui lucum *Faunæ Fatuæ* sive *Bonæ deæ* intelligit. Semelen enim a Bœotia Fauni filiam esse habitam. *Similæ lucum* habet Livius, xxxix. 12: "Expromeret sibi, quæ in luco Similæ Bacchanalibus in sacro nocturno solerent fieri." Porro *Stimulam* deam etiam Augustin. de Civit. Dei, memorat, ejusque *lucum* scholiast. Juvenalis ad Sat. ii. 3: "Sacra Bacchanalia ex SC damnata sunt, quum probatum esset senatui, honestissimas feminas ad Stimulæ deæ lucum fœde adulterari." Burmannus putat, *Stimules* vel *Stimulæ* lucum a vulgo corrupta pronuntiatione pro *Semeles* appellatum. Vide et Gronov. ad Livii dictum locum.

509. *Faciles* ad credendum, credulæ. In altero *toto pectore captæ*

hæserunt interp. Schirachius: "hæc dictio si quam habet vim, eam, habet: vos totæ deditæ aliis, ut ironice hic sit adhibita." Immo, ut ver. 204. *lumine captus* est usu oculorum privatus, ita *pectore captæ* sunt, privatæ usu pectoris sive sensu, stolidæ. *Petit*, invadit vos, decipere vos vult; verbum sumtum a gladiatoribus, qui *petere* dicuntur quum ictum inferunt. *Pignus amoris*, filium.

515. *Revellere*; alii *avellere*: sic Cic. pro Font. 17: "De matris complexu avellere."

519. De Herculis cum *vaccis Iberis* adventu, tempore Evandri, vide i. 543 sqq. *Cætæus* hic vocatur per prolepsin, qui serius se combussit in Cæta monte; Met. ix. 230. Unus *Tiryntius heros*. *Concitus*, ὄρηθεϊς, qui ruit celerrime; iv. 461.

Herculis adventu, quæ vim modo ferre parabant,  
 Turpia femineæ terga dedere fugæ.  
 Quid petis hinc, cognorat enim, matertera Bacchi?  
 An numen, quod me, te quoque vexat, ait?  
 Illa docet partim; partim præsentia nati 525  
 Continet: et furiis in scelus isse pudet.  
 Rumor, ut est velox, agitatis pervolat alis;  
 Estque frequens, Ino, nomen in ore tuum.  
 Hospita Carmentis fidos intrasse penates  
 Diceris, et longam deposuisse famem. 530  
 Liba sua properata manu Tegeæa sacerdos  
 Traditur in subito cocta dedisse foco.  
 Nunc quoque liba juvant festis Matralibus illam:  
 Rustica sedulitas gratior arte fuit.  
 Nunc, ait, ô vates, venientia fata resigna, 535  
 Qua licet: hospitiis hoc, precor, adde meis.  
 Parva mora est: cælum vates ac numina sumit,  
 Fitque sui toto pectore plena dei.  
 Vix illam subito posses cognoscere; tanto  
 Sanctior, et tanto, quam modo, major erat. 540

526. *Continet*, coerces, reprimit, impedit; Cicero, *Harusp. Resp.* 1. *Ersultantem continui*. Mox Heinsius non bene volebat *provocat*, ut ver. 443; at ibi *provolare in medium*, nunc *pervolat* scilicet omnia loca; Claud. xxii. 408: "Jam Fama loquacibus ales Pervolat oceanum linguis?" ibi quoque Fama *alata*. Minus graviter Noster *Met.* vi. 147. *per oppida facti Rumor* it.

529. *Læti* cod. *Carmentæ*; et *Carmenta* et *Carmentis* dicta Evandri mater; vide Victor. de Orig. R. 5. De *Tegeæa* vid. i. 645. *Liba*: testuaria intelliguntur; Varro: "Testuaria, quod in testu caldo coquebatur;

ut etiam nunc Matralibus id faciunt matronæ." Ea quomodo ex caseo, farina siliginea et ovo facta sint, atque in foco caldo sub testu leviter cocta, docet Cato de Agric. 75. *Subitus* focus est subito calefactus.

535. *Resignare* bene de vata, qui prodit latentia. Si *meis* propter consensum tot codd. tuemur, interpretabimur, quibus ego a te excipior. Ut *sumere* animum, vires dicimur, quibus vel commovemur, vel implemur; sic vates nunc *sumit numina* et *cælum*, sive vim cælestem. *Sanctior*, augustior; ita apud Plinium, pan. viii. 3. Nerva "repente fit solito major et augustior," quasi forma divina indutus.

Læta canam : gaude, defuncta laboribus, Ino,  
 Dixit ; et huic populo dextera semper ades.  
 Numen eris pelagi : natum quoque pontus habebit ;  
 In vestris aliud sumite nomen aquis.  
 Leucothee Graiis, Matuta vocabere nostris : 545  
 In portus nato jus erit omne tuo.  
 Quem nos Portunum, sua lingua Palæmona dicit :  
 Ite, precor, nostris æquus uterque locis.  
 Adnuerant : promissa fides : posuere labores ;  
 Nomina mutarunt ; hic deus, illa dea est. 550  
 Cur vetet ancillas accedere, quæritis ? odit ;  
 Principiumque odii, si sinat ipsa, canam :  
 Una ministrarum solita est, Cadmei, tuarum  
 Sæpe sub amplexus conjugis ire tui.  
 Improbus hanc Athamas furtim dilexit : ab illa 555  
 Comperit agricolis semina tosta dari.

542. *Dextera pro prospera* Heinsius ex quatuor MSS. recepit, quia etiam i. 67. ad Janum : *Dexter ades ducibus* ; Metam. dicto loco Neptunus, Veneris precibus commotus, natantibus his in mari "nomenque simul faciemque novavit : Leucotheeque deum cum matre Palæmona dixit." Hos cuncta Græcia venerabatur ; Cicero, Nat. Deor. iii. 15. Fons fabulæ ex Homeri Od. E. 335. sqq. Eandem esse *Matutam* Romanorum, etiam Cicero, Tusc. i. 12. narrat : "Quid ? Ino, Cadmi filia, nonne Leucothea nominata a Græcis, Matuta habetur a nostris ?" De *Matuta* Nonius Marcel. "Manum dicitur clarum, unde etiam mane post tenebras noctis diei pars prima. Inde Matuta, quæ Græce Leucothea." Neapolis dubitabat, utrum *Portunus*, an cum suis MSS. *Portumnus* scribendum sit ; sine causa : Cicero, Nat. Deor. ii. 26 : "Ut Portunus a portu, sic Neptunus a nando."

549. *Promissa fides* ; ut *vota fides sequitur* passim, etiam in his Fastis, legitur, quum fit, quod quis optaverat ; sic *fides promittitur*, quum quis promittit se aliquid facturum esse ; iii. 366 : *Pollicitam dictis adde fidem* ; Pseudo-Lact. de Pasch. 65 : "pollicitam redde fidem ;" Metam. vii. 323 : "promissa postquam Exhibuere fidem."

551. Confer Plutarchum, Quæstion. Roman. tom. vii. p. 83 : *Δούλαις τὸ τῆς Λευκοθείας ἱερὸν ἄβατον*, qui addit, unam ancillam introduci a matronis, colaphisque verberari. *Sub amplexus ire* etiam Metam. vii. 616. De *seminibus illis tostis* vide ii. 628 : iii. 853. Illam unam fuisse *Ætolam* gente, Antipheram nomine, et inde apud Chæronenses æditum ante ædem Leucothees cum flagello stantem dicere : Ne quis servus intret, ne qua serva, ne quis *Ætolus*, ne ulla *Ætola*, Plutarch. dicto loco narrat.

Ipsa quidem fecisse negat, sed fama recepit :

Hoc est, cur odio sit tibi serva manus.

Non tamen hanc pro stirpe sua pia mater adoret,

Ipsa parum felix visa fuisse parens. 560

Alterius prolem melius mandabitur illi,

Utilior Baccho quam fuit ipsa suis.

Hanc tibi, Quo properas, memorant dixisse, Rutili ?

Luce mea Marso consul ab hoste cades.

Exitus accessit verbis ; flumenque Tolenum 565

Purpureo mixtis sanguine fluxit aquis.

Proximus annus erat : Pallantide cæsus eadem

Didius hostiles ingeminavit opes.

559. Matutam non invocasse matres pro suis, sed pro sororum liberis, propter causam hic adlatam, narrat et Plutarch. dicto loco p. 84.

563—568. Eodem, quo Matralia die, anno U. C. 663. in bello Marsico *Rutilius*, et anno proximo *Didius* occisus. *Marsicum* bellum est sociale, quod ortum a *Marsis* tradiderunt Strabo et Diodor. Siculus, quamquam Velleius, ii. 16. potius ab *Asculanis* ortum, deinde a *Marsis* exceptum narrat. Itaque et Ovidius *Marsum* (id est, *Marsicum*, ut Horatius, I. Od. i. 28. *Marsus aper*) potissimum hostem memorat. Eo bello *P. Rutilium Lupum* cos. periisse certum est ; Velleius, dicto loco : “ Tam varia atque atrox fortuna Italici belli fuit, ut per biennium continuum duo Romani consules *Rutilius*, ac deinde *Cato Porcius* ab hostibus occiderentur.” Florus, III. xviii. 12. *fusus* tantum *Rutilii copias* memorat. Nexus causa non male Ovidius *Matutam* deam inducit *Rutilio* fata prædicentem. De *Toleno* amne vide Cluver. Ital. Ant. ii. 10.

567. *Titus Didius* unus ex prætoribus in bello Marsico, ut ex Appiano constat ; sed eundem in eodem bello VOL. V.

periisse, nullus veterum tradidit. Immo Velleius d. l. eum potius cum *Minatio Magio Herculeano* cepisse narrat, et paulo post, ut modo vidimus, *Rutilium* et *Catonem Porcium* nominat, qui per biennium continuum ab hostibus cæsi sint. Florus d. l. *Julium Cæsarem* nominat : “ Nam ipse *Julius Cæsar*, exercitu amisso, quum in urbem cruentus referretur, miserabili funere mediam etiam urbem perviam fecit.” Neapolis igitur pro *Proximus annus erat* legi volebat, *Annus erat decimus*, quo *Didium* stragem accepisse putabat a *Sertorio* juxta *Bætin* in *Hispania*. Sed apud *Plutarchum* in *Sertorio*. 12. cujus auctoritate *Neapolis* hoc credebatur, duo quidem libri *Δεϊδιον* habent ; verum hoc nomen ibi corruptum esse constat. Quum excerpta Douz. et quatuor codd. pro *cæsus* exhibeant *victus*, *Taubnerus* legi vult *victor*, ut sensus sit : *Didium* effecisse victoria sua, ut hostes copias suas auferent ; suadet etiam *Didius* mutare in *Lucius*, nempe *Cato*. Equidem arbitror *Ovidium* lapsum esse in nomine. *Pallantide eadem*, ut iv. 373. *Postera Pallantias*.

Lux eadem, Fortuna, tua est, auctorque, locusque ;  
 Sed superinjectis quis latet æde togis ? 570  
 Servius est : hoc constat enim ; sed causa latendi  
 Discrepat ; et dubium me quoque mentis habet.  
 Dum dea furtivos timide profitetur amores,  
 Cœlestemque homini concubuisse pudet ;  
 Arsit enim magna correpta cupidine regis, 575  
 Cæcaque in hoc uno non fuit illa viro :  
 Nocte domum parva solita est intrare fenestra ;  
 Unde Fenestellæ nomina porta tenet.  
 Nunc pudet, et vultus velamine celat amatos ;  
 Oraque sunt multa regia tecta toga. 580  
 An magis est verum, post Tullî funera plebem  
 Confusam placidi morte fuisse ducis ?

569—636. *Eodem die Servius rex Fortunæ templum dedicavit, in quo regis statua togis tecta cernebatur. Eorum tegumentorum causas adfert tres, atque ita immiscet partem rerum ad Servium pertinentium. Lux eodem, auctorque, locusque, idem Servius, qui Matutæ templum dedit (ver. 480.) tibi quoque eodem loco, in foro boario, eodemque die, ædem dedicavit. Servium Fortunæ diversis sub nominib. templa dedisse, jam ad iv. 145. e Plutarcho, Quæst. Roman. p. 135. ed. Reisk. docuimus. Huc inprimis pertinet Dionys. Halicarn. iv. 27. ubi tradit, Servium Tullium Fortunæ, qua omnem per vitam secunda usus fuerit, templa duo ædificasse, alterum scilic. in boario foro, alterum ad ripam Tiberis, eandemque deam Virilem eum appellasse. Idem, cp. 40. addit, in altero fuisse statuam ejus ligneam et inauratam ; statua illa duabus togis superinjectis tecta erat. Varro de Vita populi Romani apud Nonium Marc. narraverat, hoc signum in Vir-*

*ginis (forte Virilis) Fortunæ ædē duabus undulatis togis esse opertum. Plinius, Hist. Natur. viii. 74: "factam ab ea (Tanaquile) togam regiam undulatam in æde Fortunæ, qua Servius Tullius fuerat usus."*

572. *Discrepat, non uno modo adfertur. Dubius mentis, ut Livius, i. 7. incertus animi. Quia Servius Fortuna semper usus erat secunda, inde fluxit fabella hæc, quam etiam Plutarchus de Fort. Roman. tom. vii. p. 279. Reisk. refert: "Ὡστε καὶ συνέιναι δοκεῖν αὐτῷ τὴν τῆχην διὰ τινος θυρίδος καταβαίνουσιν εἰς τὸ δωμάτιον, ὃ νῦν Φειεστέλλαν πύλην καλοῦσιν. Conf. idem, Quæst. Rom. pag. 106.*

581. *Altera causa: etiam Dionysius, iv. 40. narrat, ingentem tumultum et ululatum ob Servii mortem ortum esse per totam urbem. Placidus dux; Dionysius, ἐπιεικῆς καὶ μέτριος ἀνὴρ. Et plebis inprimis voluntatem sibi conciliaverat; Livius, i. 46.*



Nec modus ullus erat : crescebat imagine luctus,

Donec eam positis occuluere togis.

Tertia causa mihi spatio majore canenda est : 585

Nos tamen adductos intus agemus equos.

Tullia, conjugio, sceleris mercede, peracto,

His solita est dictis exstimulare virum :

Quid juvat esse pares, te nostræ cæde sororis,

Meque tui fratris, si pia vita placet ? 590

Vivere debuerant, et vir meus, et tua conjux,

Si nullum ausuri majus eramus opus.

Et caput, et regnum facio dotale parentis :

Si ver es ; i, dictas exige dotis opes.

Regia res scelus est : socero cape regna necato ; 595

Et nostras patrio sanguine tingue manus.

Talibus instinctus solio privatus in alto

Sederat : adtonitum vulgus ad arma ruit.

585. Tertia causa, quæ habet partem memorabilem historiæ Romanæ. *Nos tamen*, etc. de hac formula vide ad iv. 16. *Tullia* minor ferox nupserrat Arunti Tarquinio, mitis ingenii juveni; *Tullia* major vero, modesta et patris amans, Lucio Tarquinio, cui animus ardentior. Sed illa sic quoque Lucium celeriter suæ temeritatis implevit; "L. Tarquinius et *Tullia* minor prope continuatis funeribus, quum domos vacuas novo matrimonio fecissent, junguntur nuptiis;" Livius, i. 46. *Exstimulare* gravius est, quam aliorum *sollicitare*: apud Livium: "nec nocte, nec interdiu virum conquiescere patitur, ne gratuita præterita paricidia essent." Conf. Dionysium, iv. 28.

589—596. Si placuerit hæc cum Livio, i. 47. comparare, hunc videbis multo superiorem. Ibi quot verba, tot pondera, quibus multo acrius instigatur juvenis animus. *Pietas* nunc est

eorum, qui nihil audent in patrem; sed *pietatis* imaginem nunc non bene *Tullia* tribuit poeta: melius Livius, "Eo nunc pejus mutata est res, quod istic cum ignavia est scelus."

593. Apud Livium jus regni a Tarquinii patre repetit, hoc loco a se suoque conjugio; sic et Dionys. 29: illud melius. *Dicere dotem* aut *doti* esse formulam solemnem, quum *dicere* etiam polliceri, addicere, adsignare, constituere significet, docuit Heinsius. Cum verbis, *Regia res scelus est*, Neapolis comparat ex Seneca, Thyest. ver. 217: "Sanctitas, pietas, fides, Privata bona sunt: qua juvat, reges eant."

597. Apud Livium, i. 48. Servius Tarquinio: "Qua tu audacia, me vivo, ausus es in sede considerare mea?" Neapol. non definiebat, utrum *instinctus*, an aliorum *instructus* verius esset: immo *instructus* hoc loc. nimis languidum; Livius: "muliebribus in-

Hinc cruor ; hinc cædes ; infirmaque vincitur ætas :

Sceptra gener socero rapta superbus habet. 600

Ipsè sub Esquiliis, ubi erat sua regia, cæsus

Concidit in dura sanguinolentus humo.

Filia, carpento patrios initura penates,

Ibat per medias alta feroxque vias.

Corpus ut adspexit, lacrymis auriga profusis 605

Restitit ; hunc tali corripit illa sono :

Vadis ? an exspectas pretium pietatis amarum ?

Duc, inquam, invitas ipsa per ora rotas.

Certa fides facti : dictus Sceleratus ab illa 609

Vicus, et æterna res ea pressa nota. [rentis,

Post tamen hoc ausa est templum, monumenta pa-

Tangere : mira quidem, sed tamen acta loquar.

Signum erat in solio residens sub imagine Tullî :

Dicitur hoc oculis opposuisse manum.

Et vox audita est ; Vultus abscondite nostros, 615

Ne natæ videant ora nefanda meæ.

stinctus furiis." *Adtonitum* ; Livius : "Concursus populi fiebat in curiam, apparebatque regnaturum, qui vississet." *Gener socero* : cum vi hæc sic junguntur etiam a Livio, i. 49 : "Socerum gener sepultura prohibuit."

601. Secundum Livium, i. 48. Tullia a curia in collem Esquiliarium se recipiens, pervenit ad summum Cyprium vicum : ibi quum auriga carpentum dextra in Urbium clivum flecteret, regem trucidatum in via jacentem vidit. In *Esquiliis* Servium habitasse, etiam ex Solini Polyh. ii. constat. Tò *alta* non retulerim ad carpentum, quo vehebatur, sed ad superbiam animi ; Metam. vi. 169. Niobe pedibus incedens, ut oculos circumtulit alta superbos.

605. Auriga hic lacrymas profun-

dit ; a Liv. melius *pavidus* inducitur. *Amarum*, grave : apud Dionys. Tullia aurigæ correptum pedum scabellum infligit. Læti cod. habet *amara*, quæ mihi amara, molesta est : quidam *iniquum*. *Fides* potest argumentum intelligi, quo confirmatur aliquid ; Livius, *monumentoque locus est ; Sceleratum vicum vocant*. Dionys. auctore, ille vicus, quum antea *Orbius* (sive *Urbius*) appellaretur, Scelerati nomen accepit. *Æterna nota*. Putem *notam* hic esse ignominiam, aut nomen ignominiosum ; Livius, iv. 29 : "Imperioso Manlio cognomen inditum ; Postumius nulla tristi nota est insignitus ;" idem xxxi. 44. *notam ignominiamque* conjungit. *Ignominia* autem, ut *culpa*, recte dicitur hominem aut rem premere. De cognomine *nota* legitur etiam i. 596.

Veste data tegitur : vetat hanc Fortuna moveri ;

Et sic e templo est ipsa locuta suo :

Ore revelato qua primum luce patebit

Servius, hæc positi prima pudoris erit. 620

Parcite, matronæ, vetitas adtingere vestes ;

Solemni satis est voce movere preces :

Sitque caput semper Romano tectus amictu,

Qui rex in nostra septimus urbe fuit.

Arserat hoc templum : signo tamen ille pepercit

Ignis ; opem nato Mulciber ipse tulit. 626

Namque pater Tullî Vulcanus, Ocesia mater,

Præsignis facie, Corniculana fuit.

Hanc secum Tanaquil, sacris de more paratis,

Jussit in ornatum fundere vina focum. 630

620. *Positum pudorem* alii a Servio intelligunt, quem Ovidius sic neget unquam positurum esse pudorem, alii profligatum ex urbe pudorem. Immo *pudor* intelligend. quo tenebantur Romani propter Servium impie et nefarie interfectum, qui retinebat eos, ne os ejus revelarent ; si revelassent, patuisset pudorem illum ab iis esse positum. In *movere preces* hæsit Neapolis quia non credibile sit ad Servium, tanquam deum, preces esse factas. Burmannus monet posse illas preces referri ad Fortunam. *Septimus* ; ut Tatius adnumeretur regibus Romanis, quod fecit et Solinus, Plurimi ii. cod. quibus Neapolis usus, tum unus Moreti et Farnes. *sextus*. Quum Noster Tatii regis passim mentionem fecerit, ut supra ver. 49 ; i. 262 ; ii. 135 ; Amor. I. viii. 38. non mirum videri debet, eundem et nunc esse numeratum.

625. De incendio illius templi confer Dionysium, iv. 40. qui, quum doceret, Servium diis fuisse carum, narrat, in Fortunæ templo, quod ipse

posuerit, ligneam ejus statuam, orto incendio, cæteris omnibus absumentis, solam mansisse integram ; itaque et suo tempore illam retinere formam operis antiqui ; adde Valerium Maxim. iii. 4. Fabulam de Servii origine, in annalibus latinis lectam esse, testatur Dionysius, iv. 2 : eam repetiit etiam Arnobius adversus Gentes, v. p. 169. *Ocesia* ab aliis *Ocrisia* scribitur, ut et apud Græcos *Ὀκρήσια* et *Ὀκρίσια*. Itaque hoc loco et apud alios variant libri : Heinsius nunc *Ocesia* prætulit, qui sic in tabula quadam ænea, et in vetere saxo apud Gruterum. *Præsignis facie* ; etiam a Dionysio *καλλίστη τε καὶ σωφρονεστάτη τῶν ἐν Κορινθίῳ γυναικῶν* vocatur. *Corniculum*, urbs Latii, cujus princeps Tullius, vir regii sanguinis qui, quum urbs a Romanis caperetur, pugnans cecidit. *Tanaquil*, ut vulgo Etrusci, cælestium prodigiorum peritissima mulier ; Livius, i. 34. *Ornatum*, apparatus. Erat autem *focus* juxta regiam, in quo Romani quum alia sacra faciebant, tum cænarum primitias sacrabant ; Dionys.

Hic inter cineres obscæni forma virilis

Aut fuit, aut visa est; sed fuit illa magis.

Jussa loco captiva fovet: conceptus ab illa

Servius, a cœlo semina gentis habet.

Signa dedit genitor tum, quum caput igne corusco

Contigit, inque coma flammeus arsit apex. 636

Te quoque magnifica, Concordia, dedicat æde

Livia, quam caro præstitit illa viro.

Disce tamen, veniens, ætas, ubi Livia nunc est

Porticus, immensæ tecta fuisse domus. 640

Urbis opus domus una fuit; spatiumque tenebat

Quo brevius muris oppida multa tenent.

Hæc æquata solo est, nullo sub crimine regni,

Sed quia luxuria visa nocere sua.

Sustinuit tantas operum subvertere moles, 645

Totque suas hæres perdere Cæsar opes.

633. *Loco fovet*; Dionysius, εἰς Ὀμηλίαν ἀδριῶν συνέλθειν. Idem narrat, obscænium illud ab aliis *Vulcani*, ab aliis *Laris* cujusdam familiaris esse habitum. *Ignis ille coruscus* fuit haud dubie lumen electricum; eo *caput pueri arsisse* refert Livius, i. 39; Dionysius: φλόξ καταλάμπουσα ὄλην τῆν κεφαλὴν. *Apex*, ut Met. x. 279. *flamma apicem per aera duait*, ubi vide notam nostram.

637—648. *Eodem* iv. *Idus templum Concordiæ a Livia dedicatum*; confer i. 639. *Dedicantur* non modo templa, sed dii quoque, qui inter deos recipiuntur, positus in eorum honorem templis, aut, quibus jam receptis nova tantum appellatione nova ædes instituitur; vid. Mitscherlichium ad Horatium, I. Od. xxxi. l. Prima ædes Concordiæ jam anno U. C. 449. dedicata: Livius, ix. 46. *Liviæ porticum* Augustus ædificavit, eo loco, ubi immensa Vodii Pollionis, hominis luxuriosi (Seneca de ira iii. 40.) domus

steterat, quam sibi legatam propter nimiam magnitudinem solo æquaverat; Dio lib. 54. *Urbis opus*, opus tantum, quanta urbs.

643. *Nullo sub*, etc.] Sensum horum verborum recte explicuit Burmannus. Non, quia arcis speciem præbebat, et ita regni adfectati reum posset possessorem facere, sed quia luxuriæ exemplum aliis præbere posset. *Sub* causam indicat; vide Schulting, ad Senecam, Suas. vii. Fortasse poeta respexit ea, quæ Valerio quondam acciderunt: Livius, ii. 7. *Sic agitur*. Munus censoris intelligend. Suetonius, August. 27: "Recepit et morum legumque regimen." De vi hujus *exempli* recte judicat Plinius, paneg. 45: "Vita principis censura est, eaque perpetua; ad hanc dirigimur, ad hanc convertimur: nec tam imperio nobis opus, quam exemplo." *Index*; sic etiam Metam. i. 89: *quæ, vindice nullo, fidem rectumque colebat*.

Sic agitur censura, et sic exempla parantur,

Quum vindex, alios quod monet, ipse facit.

Nulla nota est, veniente die quam dicere possis :

Idivus invicto sunt data templa Jovi. 650

Et jam Quinquatrus jubeor narrare minores

Nunc ades ô! cœptis, flava Minerva, meis.

Cur vagus incedit tota tibicen in urbe?

Quid sibi personæ, quid stola longa, volunt?

Sic ego; sic posita Tritonia cuspide dixit; 655

Pace velim doctæ verba referre deæ :

Temporibus veterum tibicinis usus avorum

Magnus, et in magno semper honore fuit.

649. *Die sequenti*, in Calendario nulla nota, nihil notatum est, quod dicere, carmine enarrare, possis.

650. *Idivus Junis et Jovi ædes dedicata*, et *Quinquatrus minores celebrantur*. Quoniam *Jovis invicti* templum nullum a veteribus commemoratur, propterea Neapol. monet, *invicto* nunc esse epitheton, non cognomen.

651. De *Quinquatribus* majoribus vide iii. 809; de his minoribus Varro, de Ling. Lat. lib. v: "Quinquatrus minusculæ dictæ Junia Idus ab similitudine majorum, quod tibicines tum feriat per urbem vagantur, et conveniunt ad ædem Minervæ." Festus: "Minusculæ Quinquatrus appellabantur Idus Junia, quod is dies festus erat tibicinum, qui Minervam colebant."

653—692. Hæc de tibicinum discessu et reditu similiter refert Plutarchus, Quæst. Roman. p. 122. Paulo aliter Livius ix. 30. in rebus anno U. C. 443. gestis, et Valerius Maximus, ii. 5. *Vagus incedit*; et Varro et Livius habent, *per urbem vagantur*.

*Stola longa*.] Plutarchus ἐσθήτας γυναικείας habet, et paulo post ἐν ἐσθῆσιν ἀνθινῶς καὶ γυναικείας. Melius igitur hoc loco vestis memoratur

mulieribus propria, et in theatro etiam tibicinibus; Met. xi. 165 sqq; Horat. Art. Poet. 215. *De cuspide posita* iii. 7.

658. *Honor ille fuit ex instituto Numæ religionis causa*; Plutarchus dicto loco: Anno U. C. 443. "tibicines, qui prohibiti a proximis censoribus erant in æde Jovis vesci, quod traditum antiquitus erat, ægre passi, Tibur una agmine abierunt." Livius dicto loco. Secundum Plutarchum dicto loco, honore suo privati sunt a tribunis militum cons. potestate, penes quos imperium erat inde ab anno U. C. 310. Scriptor de Viris Illustr. 34. unum Appium Claudium "epulandi decantandique jus tibicinibus ademisse" refert. De altera causa, quam Noster adfert, silent cæteri scriptores. Erat lex antiqua de funeribus: "Tria si volet ricinia, et vincula purpuræ, et decem tibicines, adhibeto." Ea translata est in xii. Tabulas cum hoc additamento: "Hoc plus ne facito;" Verrius Flac. in voc. *reicinium*, et Cicero, Legg. ii. 23. Eam legem, quum male observaretur, *ædilis* quidam revocasse et severe exercuisse videtur: hunc ædilem fuisse Appium Claudium anno U. C. 440. censet Pighius. *Pom-*

Cantabat fanis, cantabat tibia ludis :

Cantabat mœstis tibia funeribus. 660

Dulcis erat mercede labor ; tempusque secutum,

Quod subito Graiæ frangeret artis opus.

Adde quod ædilis, pompam qui funeris irent,

Artifices solos jusserat esse decem.

Exsilio mutant urbem, Tiburque recedunt : 665

Exsiliium quodam tempore Tibur erat :

Quæritur in scena cava tibia ; quæritur aris ;

Ducit supremos nœnia nulla toros.

Servierat quidam, quantolibet ordine dignus,

Tibure ; sed longo tempore liber erat. 670

pam pro pompa dedit Heinsius ex Ursini et Strozze codd. ut simile sit illi *ersequias ire*. Ipse et suadet *pompæ*, ut ipsi tibicines intelligantur.

665. E discessu eorum Ovidius *exsiliium* fecit; et quum *Tibur* Latii oppidum esset idemque aemœnum cum miti solo, ubi Horatius (II. Od. vi. 6.) sedem senectæ suæ esse volebat, propterea mirabundus, forsitan et suum inter Getas *exsiliium* respiciens, exclamat *Exsiliium*, etc. De loco autem, quo recesserunt, consentiunt Livius et Plutarchus. *In scena*: Demster. ad Rosin. Antiq. iii. 31. contendit legendum *in cœna*, quod et Marsus in Annotatt. habet; immo repetit Ovidius triplicem illum tibiæ usum, quem jam ver. 659 sqq. commemoravit. De hujus usu in scena Livius, vii. 2: "Ludiones ex Etruria acciti ad tibicinis modos saltantes." Quamquam et in epulis jam priscis temporibus adhibebatur; Cicero, Tusc. i. 2. *Quæritur*, desideratur, abesse cum dolore sentitur: vide ad Plinium, VI. Ep. ii. 1. *Nœnia*, auctore Festo, "carmen, quod in funere laudandi gratia cantatur ad tibiā." *Tori*; lecti, in quibus mortui efferebantur: et in uno funere sæpe plures lecti adhibebantur,

quamquam id in xii. Tabb. prohibitum: "neive plureis lectos endo ferro." In funere Marcelli Augustus sexcentos præferri jussit. Multi veterum *choros*: quod respuit Burman. quia præficæ non choros egerint; præfert Taubn. quia *toros* ducere nihil significet, neque *chorus* sèmpè saltantium cœtum notet. At *ducere* etiam dicuntur, qui præcedunt aut præferuntur: Horat. Epod. viii. 11: "funus atque imagines Ducant triumphales tuum;" ubi vide Mitscherlich. Quod si quis *choros* retineri velit, possit id defendere Dionysii (vii. 72. p. 1492.) auctoritate: is enim tradit, in illustrium virorum funeribus vidisse se *Satyricos choros* qui torum præcederent, atque sicinnem saltationem saltarent: *προηγούμενους τῆς κλίνης τοὺς σατυριστὰς χοροὺς κινουμένους τὴν σικίννην ὄρχησιν* moxque addit, post istos choros multos citharistas et multos tibicines ivisse. *Toros* tamen verius puto, et tueor. Unus Vatic. *Ducit funereos*; non bene: *supremum* aut *extremum*, quiddid ad mortuos pertinet; Brouckhusius ad Propertium, I. xvii. 23.

669. Hic nonnulla supplenda sunt ex Livio: "Ut nemo in urbe esset,

Rure dapes parat ille suo; turbamque canoram  
Convocat: ad festas convenit illa dapes.

Nox erat; et vinis oculique animique natabant,

Quum præcomposito nuntius ore venit:

Atque ita, Quid cessas convivia solvere? dixit;

Auctor vindictæ jam venit, ecce, tuæ. 676

Nec mora: convivæ valido titubantia vino [des.

Membra movent; dubii stantque labantque pe-

At dominus, Discedite, ait; plastroque morantes

Sustulit: in plastro sirpea lata fuit. 680

Alliciunt somnos tempus, motusque, merumque;

Potaque se Tibur turba redire putat.

Jamque per Esquilias Romanam intraverat urbem;

Et mane in medio plaustra fuere foro.

Plautius, ut possent specie numeroque senatum

Fallere, personis imperat ora tegi; 686

qui sacrificiis præcineret. Ejus rei religio tenuit senatum; legatosque Tibur miserunt, ut darent operam, ut hi homines Romanis restituerentur." Tum Tiburtini, aliis frustra tentatis, homines vino oneratos sopiunt, atque ita in plaustra coniectos Romam deportant. Sed etiam Plutarchus dicto loco id ad hominem quemdam libertinum refert: 'Ανήρ ἀπειλεύθερος κρύφα τοῖς ἀρχουσιν ἐπηγγέλατο κατάξειν αὐτούς. Dapes, epulas post sacrificium; Plutarchus: θοίνην ἄφθονον, ὡς τεθουκῶς θεοῖς.

676. Auctor vindictæ tuæ, patronus, qui te per vindictam manumisit; Plutarchus: ὡς τοῦ πάτρωνος ἐπιόντος αὐτῷ. Vindicta et alibi pro libertate.

680. Sirpea; sic emendavit Neapolis; sirpeam enim esse, quod colligatum sit, τὸ πλέγμα, et intelligi tegiticulam e vimine textam, qua plastrum circumdatum: atque repperit hoc vocab. in MSS. qui-

VOL. V.

busdam; sed Heinsius nescit, an substantive occurrat. De scirpea Varro de Ling. Lat. iv: "quæ virgis sipatur, id est colligendo implicatur, in qua sterces aliudve quid evehitur." Scirpeam igitur Heinsius ait, nunc plastro insternendam fuisse, ne vectores essent conspicui, et ut commo- dius sterterent. Plutarch. notat ἀμάξας δέρισι κύκλω περικαλυπτομένης, plaustra pellibus circumquaque oblecta. Sic deportati sunt, "nec prius sensere, quam, plastris in foro relictis, plenos crapulæ eos lux oppres- sit; Livius.

685. Plautius est e conjectura Pighii, probata etiam Heinsio, ut Plautius intellig. collega Appii Claudii, qui operam dederit, ut tibicines restituerentur: olim edebatur Claudius. Sequentia docent, Ovidium secutum esse auctorem, secundum quem tibicines caute fuerint reducendi, in- scio etiam senatu: aliter sane Livius.

Y y

Admiscetque alios ; et, ut hunc tibicina cœtum  
 Augeat, in longis vestibus ire jubet.  
 Sic reduces bene posse tegi ; ne forte notentur  
 Contra collegæ jussa redisse sui. 690  
 Res placuit ; cultuque novo licet Idibus uti ;  
 Et canere ad veteres verba jocosa modos.  
 Hæc ubi perdocuit : Superest mihi, discere, dixi,  
 Cur sit Quinquatrus illa vocata dies.  
 Martius, inquit, agit tali mea nomine festa ; 695  
 Estque sub inventis hæc quoque turba meis.  
 Prima terebrato per rara foramina buxo,  
 Ut daret, effeci, tibia longa sonos.  
 Vox placuit : liquidis faciem referentibus undis,  
 Vidi virgineas intumuisse genas. 700

Puteanus *deorum* exhibet, ut personati deorum figuram gesserint. *Tibicina* pro plurali. *Longis* sive muliebribus *vestibus* plerique jam ante, quam deportarentur, erant amici propter commensationem ; Plutarch. Licet Livius : “ impetratoque, ut manerent, datum, ut tridrum quotannis ornati, cum cantu atque hac, quæ nunc solemnis est, licentia per urbem vagarentur.” Secundum Plutarchum, id decretum est a senatu, *ἐνομίσθη, τὴν ἡμέραν ἐκείνην ὄπως ἀμπεχομένους σοβεῖν διὰ τῆς πόλεως.*

695. *Martius* ; vide iii. 809. ubi causa nominis redditur. *Tibiam*, nempe rectam, Minerva reperisse credebatur, et quidem ex hinnulorum ossibus ; Bion. *Idyl.* iii. 7 ; Callimachus in *Dianam*, 244. ibique Spanhemius. Sed ob deformitatem vultus ex flatu intumescens a dea abjecta est : abjectam excepit Marsyas ; *Met.* vi. 385 ; Hyginus, fab. 165. Fons fabulæ Herodot. vii. 26. In sensum ejus subtiliter et copiose inquisivit vir doctus

in Museo Attico, vol. i. *Turbam* Marsus intelligit tibicinum, qui *sub inventis* Minervæ esse dicantur, quia exercent artem ab ea inventam ; durum : equidem mallet, aut pro *turba*, aut pro *inventis* codd. aliud vocabul. nobis suppeditare. *Longu*, quia multa habebat foramina ; *Metam.* iv. 30. *longo foramine* (longa foraminum serie) *buxus* : xii. 158. *longa multifori tibia buxi*. Prisca contra Romanorum tibia paucis foraminibus erat brevis ; Horat. *Art. Poet.* 203 : *tibia pauca foramine*. Vox *rarus* sæpe occurrit, ubi densitatis notio exprimenda erat ; vide ad *Met.* vii. 622.

699. *Vox*, sonus dulcis querulæ tibiæ. *Undis* pro speculis utebantur veteres ; *Metam.* iv. 312 ; Virgilius, *Ecl.* iii. 25. Hinc *lympharum speculum* apud Phædrum, I. iv. 3. *Non tanti est*, non est, cur tibia canam, quum mihi causa deformitatis sit. *Dixi* cum Taubnero revocavi, quum *dixit* ederetur : sunt hæc quoque verba Minervæ.



Ars mihi non tanti est: valeas, mea tibia, dixi.

Excipit abjectam cespite ripa suo.

Inventam Satyrus primum miratur; at usum

Nescit, et inflatam sentit habere sonum.

Et modo dimittit digitis, modo concipit auras; 705

Jamque inter Nymphas arte superbus erat.

Provocat et Phœbum: Phœbo superante pepen-

Cæsa recesserunt a cute membra sua. [dit;

Sum tamen inventrix auctorque ego carminis hujus:

Hoc est, cur nostros ars colat ista dies. 710

TERTIA lux veniat, qua tu, Dodoni Thyene,

Stabis Agenorei fronte videnda bovis.

Hæc est illa dies, qua tu purgamina Vestæ,

Tibri, per Etruscas in mare mittis aquas.

SI QUA fides ventis; Zephyro date carbasa, nautæ:

Cras veniet vestris ille secundus aquis. 716

AT PATER Heliadum radios ubi tinxerit undis,

Et cinget geminos stella serena polos;

702. *Ahjecit tibiã ad fontem Idaë montis, et simul imprecata est, ut, quisquis eam sustulisset, gravi adficeretur supplicio; vide Hyginum dicto loco. Putean. et Douzæ excerpt. ejectam nempe aqua: male. Satyris adnumeratur Marsyas pastor; vide nos ad Ovidium, Met. vi. 382. et Munker. ad Hyginum dicto loco. Lusus tibiçinis bene describitur. Dimittere est emittere. Concipit auras proprie tibia ipsa, dum inflatur, ut Met. i. 337: Buccina, quæ medio concepit ut æra ponto. Hinc etiam de artifice dicitur, ut adeo idem fere sit, quod comprimit, quod et ipsum Burmannus suadebat. Pependit, nempe ligatus ad arborem; vide ad Metam. vi. 387. ubi fœdum istud supplicium pluribus describitur. Carmen, cantus tibiæ, ut ii. 84. lyræ. Colat dies, adhibeatur ad celebrandos illos dies.*

711. XVII. *Kalendas Julias ortus Hyadum, de quibus v. 164 sqq. Hyadas Pherecydes Dodonides nymphas esse dixerat, Bacchi nutrices; vide Munkerum ad Hyginum, fab. 182. et Poet. Astron. ii. 21. ubi earum nomina, in quibus Thyene. Agenoreus bos, taurus, qui vexit Europam, Agenoris filiam, et postea inter sidera relatus est, ita, ut Hyades in fronte ejus appareant; Hyg. Poet. Astron. ii. 21. De purgaminibus Vestæ vide supra 227.*

715. XVI. *Kalendas Favonii ortus, quem alii sequenti diei tribuebant; Columella, ii. 21: "Favonius, qui lenis æqualisque æstivis mensibus perflat."*

717. *Nocte insequenti Orion oritur. De Hyrieo vide v. 493 sqq. Post versum 718. plurimi MSS. et edd. inserunt hoc distichon: Nam duo sunt: austris hic est, aquilonibus ille Provi-*

As the Sabines & Samnites were nearly related names  
M<sup>r</sup>. Falloh thinks it possible they may have taken their  
name from their God Summanus, or Saman, (the eastern  
word for Heaven), & that he was originally a celestial deity.

348

P. QUIDII NASONIS

There are 2 monuments at Capua, one of wh. bears the inscription

Tollet humo validos proles Hyriea lacertos :

Continua Delphin nocte videndus erit. 720

Scilicet hic olim Volscos Æquosque fugatos

Viderat in campis, Algida terra, tuis.

Unde suburbano clarus, Tuberte, triumpho

Vectus es in niveis, Postume, victor equis.

JAM sex, et totidem luces de mense supersunt :

Huic unum numero tu tamen adde diem. 726

Sol abit e Geminis, et Cancri signa rubescunt :

Cœpit Aventina Pallas in arce coli.

JAM tua, Laomedon, oritur nurus; orta que noctem

Pellit; et e pratis cana pruina fugit. 730

Reddita, quisquis is est, Summano templa feruntur,

Tum, quum Romanis, Pyrrhe, timendus eras.

HANC quoque quum patriis Galatea receperit un-

Plenaque securæ terra quietis erit, [dis,

Surgit humo juvenis, telis adflatus avitis, 735

Et gemino nexas porrigit angue manus.

Jovi O.M. Summano Exsuperantissimo. *He also, Jovi Vesuvio Sac. D.*

mus: a vento nomen uterque tenet: hoc  
repetitum est ex iii. 401.

721. Die insequenti anno U. C. 324.  
Volsci et Æqui fugati, quod bellum  
Livius, iv. 26—29. descripsit. Ho-  
rum populorum validi exercitus in  
Algidum, montem Latii, adeoque sub-  
urbanum, convenerant: vicit eos A.  
Postumius Tubertus dictator, vir se-  
verissimi imperii, atque de iis trium-  
phavit.

725. XIII. Kalendas Julias sol trans-  
it in Cancrum. In Aventino monte  
Pallas antiquissimis temporibus tem-  
plum habuit, in quod Livius Androni-  
cus donaria sua detulit.

729. XII. Kalendas Summano tem-  
plum redditum. Summanus, deus sum-  
mus Manium, Pluto, cui fulmina noc-  
turna tribuebantur, ut diurna Jovi;  
Plinius, ii. 52 s. 53; Augustinus de

Civit. Dei, iv. 23. Secundum Varro-  
nem cultus hujus dei jam a Tatio rege  
institutus. Tempore Pyrrhi anno  
U. C. 473. templum ei redditum. Tua  
nurus, Aurora, Tithoni Laomedon-  
tidæ uxor.

733—762. Ophiuchus oritur.] Olim  
fuerat Æsculapius, quem Jupiter ful-  
mine interfecit, quia Hippolytum in  
vitam revocaverat; post, Apollinis  
causa, inter sidera retulit; Hyginus,  
Poet. Astron. ii. 14. Galatea nympa  
marina, Nerei filia; Hyginus præf.  
Hanc nempe Auroram; vulg. Hunc.  
Pro telis nonnulli flammis, sed tela so-  
lemne de fulminibus; telis adflatus,  
ut Pont. III. vi. 17. "Fulminis ad-  
flatos interdum vivere telis Vidimus;"  
Virgil. Æneid. ii. 649. "Fulminis  
adflavit ventis," unde causa illius lo-  
cutionis apparet.

Vesuvius w<sup>d</sup> seem to be the same as Vesivius or Vejivius.  
& hence the names of Summa & Vesuvius, the 2 mountains  
near Naples -

Notus amor Phædræ, nota est injuria Thesei :

Devovit natum credulus ille suum.

Non impune pius juvenis Træzena petebat :

Dividit obstantes pectore taurus aquas. 740

Solliciti terrentur equi ; frustra que retenti,

Per scopulos dominum duraque saxa trahunt.

Exciderat curru, lorisque morantibus artus

Hippolytus lacero corpore raptus erat ;

Edideratque animam, multum indignante Diana.

Nulla, Coronides, causa doloris, ait : 746

Namque pio juveni vitam sine vulnere reddam ;

Et cedent arti tristia fata meæ.

Gramina continuo loculis depromit eburnis :

Profuerant Glauci Manibus illa prius : 750

Tunc, quum observatas augur descendit in herbas,

Usus et auxilio est anguis ab angue dato ;

737. De Hippolyto vide iii. 265 ; Metam. xv. 497 sqq. *Phædra* no-verca, quum non posset Hippolytum ad voluntatem suam perducere, incesti stupri eum insimulavit. *Theseus* pater credulus innocentem filium in exsilium abegit, Neptunumque oravit, ut eum interficeret. *Pius* juvenis quum *Træzena* peteret, ubi *Pittheus*, apud quem educatus erat, regnabat, in sinu Saronico fluctus decumanus *taurum*, monstrum immane, protrusit, quo viso consternati sunt equi, aurigamque suum curru excussum rapuerunt, raptique membra fœde lacerarunt.

745. *Diana* inprimis indignabatur, quam Hippolytus et studio venandi et virginitate coluerat. Itaque apud Hyginum, fab. 251. etiam *voluntate Diana* in vitam redit. *Coronides*, *Æsculapius*, *Apollinis* et *Coronidis* filius ; Metam. ii. 531. 626 sqq.

751, 752. Hoc distichon Heinsius delendum censebat, quia sensus inde commodus non posset elici ; immo potest : *Glaucus* enim, *Minos* filius, in dolium melle plenum quum incidisset, suffocatus est. Hinc *Minos augures* convocavit, e quibus *Polyidus*, augurio accepto, corpus pueri reperit, atque de dolio eduxit ; tum *anguis* arrepsit, quem *Polyidus* interfecit. Interfecto alius *anguis*, herba quadam adlata, vitam restituit. Eiusdem herbarum igitur opera usus est *Polyidus* in restituendo *Glaucos*, post etiam *Æsculapius* in Hippolyto ; *Apollodorus*, III. iii. 1 ; *Hyginus*, fabul. 135 ; *Pa-læphat.* 27. *Usus est anguis* ; *Krebsius* intelligit *Æsculapium*, qui sub imagine anguis cultus sit. Equidem anguem interfectum intelligo, qui usus est auxilio ab altero angue dato, expertus est auxilium illius aut herbe vim.

Pectora ter tetigit, ter verba salubria dixit :

Depositum terra sustulit ille caput.

Lucus eum, nemorisque tui, Dictynna, recessus 755

Celat : Aricino Virbius ille lacu.

At Clymenus Clothoque dolent, hæc, fila reneri,

Hic, fieri regni jura minora sui.

Jupiter exemplum veritus, direxit in illum

Fulmina, qui nimiae moverat artis opem. 760

Phœbe, querebaris. Deus est; placare parenti :

Propter te, fieri quod vetat, ipse facit.

NON ego te, quamvis properabis vincere, Cæsar,

Si vetet auspicium, signa movere velim.

Sint tibi Flaminius Trasimenaque litora testes, 765

Per volucres æquos multa monere deos.

Tempora si veteris quæris temeraria damni :

Quartus ab extremo mense bis ille dies.

POSTERA lux melior: superat Masinissa Syphacem;

Et cecidit telis Hasdrubal ipse suis. 770

753. *Verba salubria*, carmina, incantationes, quæ adhiberi solebant a medicis, ut alibi jam notatum. De *Virbio* et *Aricino lacu* iii. 265. *Clymenus* Græcis dictus est Pluto, quatenus omnia ad se vocat. Ad hunc igitur pertinent verba *Hic, fieri*, etc. quemadmodum ad *Parcam* antecedentia hæc, *fila reneri*.

760. *Qui nimiae*, etc.] *Qui nimius* fuerat in arte medica adhibenda, qui mortuum adeo in vitam revocaverat.

763—768. IX. *Kalendas*, anno U. C. 535. C. *Flaminius cos.* ad lacum *Trasimenum*, spreto auspicio et prodigiis, cecidit: vide *Livium*, xxii. 1 et 3; *Florum*, II. vi. 14: *Plutarch.* in *Fabio*, 2. *Cæsar* Germanicus intelligit. *Vincere*, blandius quam prælium committere. *Signa movere*, ut castra mo-

vere; *Livius*, dicto loco, *signa convellere*. *Æqui dii*, sunt propitii; *iniqui irati*. *Volucres* omnino omina, prodigia, etc. *Temerarius* ipse *Flaminius* et a *Livio* et a *Floro* vocatur: itaque *Noster* paulo durius *temeraria tempora*.

769. VIII. *Kalendas* anno U. C. 550. *Syphax* victus est; anno U. C. 546. *Hasdrubal cecidit*. *Syphacem*, *Numidarum* regem, *Scipio* pluribus præliis vicit, ad extremum per C. *Lælium* et *Masinissam* cepit; *Livius*, xxxix. 5—12. *Hasdrubal*, *Hannibalis* frater, victus est a *Claudio Nerone* et *M. Livio*; “ *Postremo*, quum haud dubie fortuna hostium esset, ne superesset tanto exercitui suum nomen secuto, concitato equo se in cohortem Romanam immisit. *Ibi*, ut patre *Hamilcare* et *Annibale* fratre dig-

TEMPORA labuntur, tacitisque senescimus annis ;

Et fugiunt, freno non remorante, dies.

Quam cito venerunt Fortunæ Fortis honores !

Post septem luces Junius actus erit.

Ite, deam læti Fortem celebrate, Quirites ; 775

In Tiberis ripa munera regis habet.

Pars pede, pars etiam celeri decurrite cymba,

Nec pudeat potos inde redire domum.

Ferte coronatæ juvenum convivia lintres ;

Multaque per medias vina bibantur aquas. 780

Plebs colit hanc ; quia, qui posuit, de plebe fuisse

Fertur, et ex humili sceptrâ tulisse loco.

Convenit et servis ; serva quia Tullius ortus

Constituit dubiæ templa propinqua deæ.

ECCE, suburbana rediens male sobrius æde, 785

Ad stellas aliquis talia verba jacit :

num erat, pugnans cecidit ;" Liv. xxvii. 49.

771—784. *Sacra Fortunæ Fortis.*] De variis templis *Fortunæ* a Servio rege dedicatis vide ad ver. 569 : Varro, de Ling. Lat. v. "Dies Fortunæ appellatus a Servio Tullio rege, quod is sanum Fortis Fortunæ secundum Tiberim extra urbem Romam dedicavit Junio mense." Taciti anni eleganter, qui sensim, nullo tumultu, transiguntur. *Honores, sacra.*

777. Neapolis putat, ædem illam fuisse in regione pedestiberina, eoque ivisse nonnullos *pede* per pontem : idque ex hoc ipso loco apparere. Potuit et in citiore ripa esse ; quo, quia pede fatigari nolebant, secundo flumine *celeri decurrebant cymba*. Si in ripa ulteriore fuisset, transmisissent flumen, non decurrissent. Prope eam anno U. C. 459. Carvilius aliam eidem deæ ædem posuit ; Livius, x. 46. Prior illa memoratur etiam a Plutar-

cho, de Fort. Rom. p. 266: Τὴν δὲ πρὸς τῷ ποταμῷ Τύχην, ἣν Φόρτικαν (Reisk. conjicit Φόρτιν vel Φόρτεμ) καλοῦσιν (ὅπερ ἐστὶν ἰσχυράν, ἢ ἀρυστευτικὴν, ἢ ἀνδρείαν) ὡς τὸ νικητικὸν ἀπάντων κτεάνων ἔχουσαν. *Tiberinam* autem illam *decursionem* ipsum Scipionem Africanum magno gaudio adfecisse, narrat Cicero, Fin. II. v. 24.

781. Pugnans hæc cum iis, quæ ver. 634. de Servii origine tradita sunt. Vulgatam traditionem, serva eum esse natum, parvumque ipsum serviisse, habet Dionysius, iv. 1 ; refellit Livius, i. 39.

785. VI. *Kalendas Orion oritur* : is zona cinctus, unde gladius pendet ; Hyginus, Ret. iii. 33 : "Hunc a zona et reliquo corpore æquinoctialis circulus dividit." Plinius, xviii. 68. "Solstitium peragi in octava parte Cancri et octavo Kalendas Julii" tradit. Nempe veteres cardines an-

Zona latet tua nunc, et cras fortasse latebit ;

Dehinc erit, Orion, adspicienda mihi.

At si non esset potus, dixisset eadem

Venturum tempus solstitiale die. 790

LUCIFERO subeunte, Lares delubra tulerunt,

Hic ubi fit docta multa corona manu.

Tempus idem Stator ædis habet, quam Romulus

Ante Palatini condidit ora jugi. [olim

TOT RESTANT de mense dies, quot nomina Parcis,

Quum data sunt trabææ templa, Quirine, tuæ.

TEMPUS Iuleis cras est natale Kalendis ;

Pierides, cœptis addite summa meis.

Dicite, Pierides, quis vos adjunxerit isti,

Cui dedit invitas victa noverca manus? 800

Sic ego ; sic Clio : clari monumenta Philippi

Adspicis ; unde trahit Marcia casta genus :

nuos non in signorum initiis, sed in octavis partibus statuebant; Columella, ix. 14: "Nec me fallit Hipparchi ratio, quæ docet solstitia et æquinoclia non octavis, sed primis partibus signorum confici. Verum in hac ruris disciplina, sequor nunc Eudoxi et Metonis, antiquorumque Fastos astrologorum, qui sunt aptati publicis sacrificiis."

791. *Larium et Jovis Statoris ades*: de templo, quod Romulus *Jovi Statori* in bello cum Sabinis vovit, vide Livium, i. 12; Florum, I. i. 13. Positum erat ad portam Mugoniam, quæ ducebat a via sacra ad Palatium; Dionysius, ii. 50. Olim edebatur, *Tempus idem Statoris erit*, producta in *Statoris* prima syllaba; quod ferri nequit. Heinsius igitur ex Ursini optimo, uno Patavino et margine Sarra-viani, *Stator ædis habet* recepit.

796. *Trabææ tuæ* paulo durius, tibi, quia Romulus *trabæa* insignis; i. 37;

ii. 504. Templum illud antiquum, statim post Romuli mortem positum, Cæsar Octavianus exornavit, iterumque dedicavit.

797—800. *Ultimo die ades Herculis Musarum sacrata*. M. Fulvius Nobilior novem Musarum signa Ambracia Romam translata in Herculis templo dedicavit (Plinius, 35 seu 36. 4.) idque *Marcus Philippus* restituit; Suetonius, August. 29. Eumenii in Or. pro rest. Sch. cap. 7. auctor est, Fulvium, in Græcia quum esset imperator, accepisse Herculem Musagetem esse, id est, comitem ducemque Musarum. De eo valde dubitat Heynius in Opusc. Acad. vol. ii. p. 305; recentius esse Herculis cum Musis contubernium. *Tempus natale Kalendis*; oriuntur, sunt Kalendæ. *Noverca*, Juno, *invitas manus dedit*, invita cessit, ubi Jupiter Herculem in cælum accepit; Metam. ix. 254 sqq.

802. *Marcia*, Fabii Maximi uxor,

Marcia, sacrificio deductum nomen ab Anco,

In qua par facies nobilitate sua.

Par animo quoque forma suo respondet in illa ; 805

Et genus, et facies, ingeniumque simul.

Nec, quod laudamus formam, tam turpe putaris :

Laudamus magnas hac quoque parte deas.

Nupta fuit quondam matertera Cæsaris illi.

O decus, ô sacra femina digna domo ! 810

Sic cecinit Clio : doctæ adsensere sorores.

Adnuit Alcides, increpuitque lyram.

*Friday 16<sup>th</sup> Dec. 1842. C. H. L.*

fuit vel filia, vel neptis Marcii Philippi, quem Augusti vitricum fuisse vulgo contendunt : verum e vers. 65 et 809. apparet, *materteram*, non matrem Augusti, nuptam fuisse Marcio Philippo ; conf. I. ex Ponto, ii. 140. Jam Ovidii uxor ex Fabii Maximi familia fuit, *Marciamque* reverenter coluit ; III. ex Ponto, i. 75 sqq : sic intelligimus, cur hoc loco in laudes mulieris poeta excurrit ; vide de hac Marcia Masson. in Vita Ovidii ad annum U. C. 767. Ancus Marcius rex vocatur *sacrificus*, quia longe antiquissimum ratus est, " sacra publica, ut ab Numa instituta erant, facere ;" Livius, i. 32 ; Dionysius, iii. 36. *Nobilitate sua* : olim edebatur *fuit* ; at Marcia, quo tempore Ovidius hæc scribebat, adhuc erat in vivis. *Par* eti. n cum ablativo construi, docent Heinsius et Burmannus. *Verbis et genus, et facies ingeniumque simul* in Francofurt. adscriptum : " Hæc adulterina sunt." Sic judicant etiam Brouckhusius et Burmannus, quia poeta idem jam dixerat.

812. Hercules *lyram pulsans* superioris artis frequens argumentum ; Heynius dicto loco. *Increpuit lyra*, lyra fortius pulsata finem facere jussit ; sic Horatius, IV. Od. xv. 1 : " Phœbus volentem prælia me loqui, Vietas et urbes, increpuit lyra ;" ibi vid. Jani et Mitscherl. Disputatur autem hoc loco utrum legendum sit *lyra*, an, quod Heinsius ex Ursini, Sarraviano et tribus aliis adoptavit, *lyram*. Putant, *increpare lyram* esse simpliciter *pulsare lyram*, ut Heroidd. iii. 118 ; Amorr. II. xi. 32 ; sed *increpare lyra*, signum dare, admonerè lyra asperius pulsa : sic etiam Schirachius et Krebsius ; sed Heynius ad Virgilium, Æn. I. 747. in varr. lectt. *lyra pulsare* magis poetice dici putat, quam *lyram*. Cæterum in MSS. Ursini, duobus Patavinis, uno Vaticano atque Francof. juncti leguntur versus hi quatuor : *Si novus a Jani sacris numerabitur annus, Quintilis falso nomine dictus erit. Si facis ; ut fuerant, primas a Marte Kalendas, Tempora.*

FINIS FASTORUM.

## PRÆMONITIO

### AD ERUDITISSIMUM LECTOREM.

IN sua præfatione et præmio, (vide supra p. 1 et 4) D. V. GIERIG pauca dixit de symbolis observationum, quas in Ovidii Fastos exhibuerat FRIDER. HENR. GUIL. GESENIUS, quia hujus rationem ab ipsius opera nonnihil discrepare viderat. Ego autem, postquam illas diligenti sedulitate perpendi, multa recognovi quæ in locis difficilioribus illustrandis forent perutilia; eaque tibi, lector optime, subjicienda judicavi, ut ab omni parte magis absolutum opus invenires. Itaque nonnullos Excursus, de Fastis Romanorum tam kalendaribus quam historicis, de novis quibusdam præsiis Ovidii interpretationem adjuvantibus, de astronomiæ probabili cognitione, de quibusdam veteris Italiæ numinibus, et de aliis quæstionibus explicandis, in unum doctrinæ corpus conjunctos hic habebis, quos in tuam utilitatem cessuros vehementer opto et confidenter spero. Vale.

N. E. L.



EXCURSUS  
IN OVIDII FASTOS.

EXCURSUS PRIMUS.

DE FASTIS ROMANIS ; ET DE HUIUS CARMINIS, QUOD IN IIS ILLUSTRANDIS VERSATUR, CONSILIO ET RATIONE.

**CONSILIUM**, quod in hoc carmine componendo spectavit et feliciter exsecutus est Ovidius, totius anni Romani ferias, cæterasque fastorum notationes ad eorum ordinem poetice enarrandi et ad causas suas revocandi ipsius poetæ ingenio et inventioni ita certe deberi videtur, ut neminem, quem ab omni parte in hac re præeuntem habuerit, indicare queamus. Est hæc in singularibus hujus poetæ laudibus, quam et in heroica epistola condenda, maxime tamen haud dubie in Arte amatoria, quod carmen quoad inventionis laudem haud facile ulli carmini Romano secundum est, meretur<sup>a</sup>.

Princeps omnium igitur de his fastis quæstio esse debet, et ut, quicquid vel ipsa antiquitas de iis tradat, vel fragmenta eorum huc illuc servata, collecta, et e tenebris vindicata docuerint, accurate et diligenter videamus, quam proxime ad institutum nostrum pertinet: idque inprimis quum in duobus fastorum generibus (*historicis et kalendaribus* vel *sacris*) valde quidem diversis, quæ tamen veteres eodem nomine plerumque complecti solebant, commutandis multos turbas fecisse, et ad utrum genus pertineant

<sup>a</sup> Conf. iudicium, quod de hujus Viri summi *Bottigerus* in *Sabina*, carminis æstimatione egregie tulit. pag. 40.

singula loca, non rite discrevisse reperiam<sup>b</sup>. Verum jam vidit Siccama aliique (Grævii Thesaur. tom. viii.) qui alterum genus fastos minores, kalendarios vel kalendaria, alterum fastos majores vocando, errorem vitandum docuerunt, etsi hoc etiam monendum est, ab optt. scriptorum usu, ubi nec fasti kalendares nec kalendaria leguntur, hanc appellationem, qua tamen et nos ad turbas vitandas uti debebimus, abhorrere. Apud optt. scriptores *Fastorum* nomen in utroque genere adhibitum, utrum genus indicetur, interdum dijudicatu difficile reddit.

### 1. *Fasti sacri (kalendares, kalendaria.)*

Initio hæ tabulæ, unde et nomen invenerunt, nihil aliud fuere ac dierum, quibus fari (id est, jus dicere) liceret, nec ne, per totum annum notationes, ita ut cuiusvis anni diei, sive fastus, sive nefastus, sive intercisis esset, certis signis (F. N. et E.) i. e. endotercisus<sup>c</sup>, adscriptum esset<sup>d</sup>. Efficiebant ita partem juris civilis, æque ac commentarii pontificum, et senatus pontificesque, ut in hac re magis pro arbitrio agere possent, a populi conspectu has tabulas diligenter arcere soliti erant<sup>e</sup>; donec summa cum senatorii ordinis indignatione et invidia a Flavio, Appii Claudii scriba, homine callido et populi favorem captante, cum iisdem commentariis pontificum primum prodirent<sup>f</sup>. Ex

<sup>b</sup> Omnia turbavit v. c. Adam in Antiq. Rom. e vers. Meyeri, t. i. p. 526. qui fastos historicos et kalendares et summa imis miscet.

<sup>c</sup> *Endo* enim antique pro *in* in leg. xii. tab. apud Ennium et Lucret. exstat. Cic. *de leg.* ii. 8; Lucr. lib. i. 82.

<sup>d</sup> Festus ex. emend. Dac. *Fastis enim dies fasti insunt*. Primum eorum vestigium forte apparet in pontifice a Numa instituto, ubi Liv. i. 20: *Ei sacra omnia exscripta exsignataque tribuit, quibus hostiis, quibus diebus, ad quæ templa sacra fierent, atque unde in eos sumtus erogaretur.*

<sup>e</sup> Liv. iv. 3. Canuleius in oratione

contra senatum inter alia, quæ de violentia et injuria ejus conqueritur: "Obsecro vos, ait, *si non ad fastos, non ad commentarios pontificum admittimur*, ne ea quidem scimus, quæ omnes peregrini etiam sciunt, consules in locum regum successisse? nec aut juris aut majestatis quicquam habere, quod non in regibus ante fuerit?" Quæ de jure consulum ibi celato queritur, nonnisi ad commentarios pontificum pertinent, in quibus jus civile continebatur, fastos autem simul nominat, quum ad idem jus pertinerent.

<sup>f</sup> Factum erat anno U. C. 440. Livias, ix. 46: *Civile jus repositum in*

eo inde tempore fasti, ita comparati, ut dies fasti nefastique, etc. Idus et Nonæ, præcipue *feriæ omnes statæ et templorum dedicatarum anniversaria*, subinde res quædam in republica egregie gestæ ibi annotarentur, non solum publice in foro et aliis locis *expositi erant*, sed et privatim in porticibus, atriis, plerumque lapidi, interdum æri incisi habebantur.

Per urbem dispositorum exempla habemus in fastis Fulvii Nobilioris in templo Herculis publicatis (Macrob. i. 12.) qui infra alio nomine laudandi sunt et in fragmentis fastorum per urbem inventis in campo Floræ, in Exquilis, etc, (vide infra.) Eundem autem tabularum proponendarum morem in municipiis etiam aliisque Italiæ oppidis obtinuisse, post Ovidium (Fast. vi. 59.) ubi ad fastos Aricinos, Laurentinos, Prænestinos provocat, fastorum fragmenta extra urbem et in aliorum oppidorum ruinis reperta docent; quæ tabulæ, quo major urbibus cum Roma intercedit necessitudo, eo propius ad fastos Romanos accedunt. Videmus hoc v. c. in Amiterninis, Prænestinis, in quibus pauca ad oppidi cujusvis proprios ritus pertinentia occurrunt\*, omnia fere cum iis, quos Roma habuit, conveniunt.

In aliis Latii populis, quos Ovidius, Fast. iii. 87 seq. recenset, quique minus a Roma profecti erant, fastos abisse in multis, vel ex diverso ordine mensium intelligitur (confer Censorin. i. 20.) Colonis contra in ipsa coloniarum deductione, ut sacra iis cum urbe communia essent,

*penetralibus pontificum evulgarit, fastosque circa forum in albo proposuit, ut quando lege agi posset, sciretur.* Conf. Val. Max. II. v. sec. 2: *Fastos pæne toto foro exposuit*: unde fortasse eos duodecim tabulis, quarum singulæ singulos menses comprehenderent, ut postea fieri solebat, contentos fuisse colligi potest. Antea enim singuli dies festi publice per urbem prænuntiati sunt, vel si quis prius de iis scire voluit, a pontifice eos petere debuit. Cic. pro Murena 11: Erant in magna

potentia qui consulebantur, a quibus etiam dies, tamquam a Chaldæis petebantur. Ad illud tempus pertinere haud dubie Arnobii locus adv. gentes, vii: *Lavatio matris Deum est hodie, Jovis epulum cras fiet, Lectisternium Cereris erit Idivus proximis.*

\* Vid. Fast. Præn. ad d. 11. Apr. ubi e patria et peculiari Prænestinorum religione *Festum Fortunæ primigeniæ*, Deæ Prænestinorum tutelaris, celebrandum esse, oraculum patere, etc. annotatur. Conf. Foggin. p. 48.

fastos urbanos traditos esse, probatum it veterum fastorum interpres apud Fogginium (in libro laudando, pag. 103.) qui coloniarum nomina tunc in fastis annotata reperit.

Accedit, ut de more res memoratu dignas in fastis sacris ad eos, quibus gestæ sunt, dies adscribendi, quædam dicamus, quum in hac re, quæ etiam in fastis historicis fieri solebat, dubitari possit, ad utrum genus aliquis locus pertineat. In fastis sacris hoc mature jam factum esse Ovidii loca probant vi. 461. 465. 563. 721. 765. 769. 770; ubi res populo Romano vel lætæ vel tristes, tum victoriæ et res præclare gestæ, tum clades, quibus Roma afflicta est, in fastis, quibus Ovidius usus est, adscriptæ fuisse videntur. Victoria v. c. Postumi de Æquis et Volscis (Fast. vi. 721.) quam ad d. 17 Jun. ita canit:

Scilicet<sup>h</sup> hic olim Æquos Volscosque fugatos  
Viderat in campis, Algida terra, tuis;  
Unde suburbano clarus, Tuberte, triumpho  
Vectus es in niveis, Postume, victor equis:

coll. Livio iv. 26—29. in an. U. 322. incidit, et jam tum hic mos obtinuisse videtur. Similiter in D. Bruti victoria, Syphace victo et aliis, l. l. c. c. et falsi igitur sunt, si qui (v. c. Siccama de fastis Gr. Thes.) in M. Antonio hoc primum factum esse contendunt. Hic enim, ut Cicero (Phi-

<sup>h</sup> *Scilicet*, particula transitoria, et digito qs. intendens ad sequentia, ut *ecce*, significatione antea neglecta, sed quæ sine dubio prima est hujus vocis, unde cæteræ demum profluunt, quam vindicavit Ill. Vossius ad Georg. p. 136. n. edit. (vid. loca ibi laudata;) Georg. i. 281. "Ter sunt conati imponere Pelio Ossam *Scilicet*, atque Ossæ frondosum involvere Olympum;" i. 492. "*Scilicet*, et tempus veniet, quum finibus illis Agricola," etc. unde vocem Ovidio, iv. 627. reddere nullus dubitavi. Analogam autem arbitror huic particulæ quoad significationum

transitum, qui certe in utraque voce bene se illustrat, Græcam particulam *ἤ*. Significationes utriusque vocis ita se excipere videntur: 1° *profecto, re vera*. Ita *scilicet* sæpe apud Terent. Phorm. I. ii. 32; Adelph. IV. vii. 33. et *ἤ* semper apud Homerum. Interdum *scilicet* initio orationis animum tantum intendit ad sequentia, ut h. l. et ita non raro *ἤ* apud Homerum; 2° inde utraque vox *ironice* usurpatur. De *scilicet* res nota. De *ἤ* cf. Il. A. 229: *ἤ πολλὸν λάϊόν ἐσσι*, etc. 3° utraque in quæstionibus occurrit *pro num?*

lip. ii. 34.) ei objicit, in fastis ad Lupercalia adscribi jusserat: *C. Cæsari, dictatori perpetuo, M. Antonium consulem populi jussu, regnum detulisse, Cæsarem uti noluisse*; qui locus æque ac Cic. ad Brutum 15: “Ego Decio Bruto liberato, quum lætissimus ille civitati dies illuxisset, decrevi, ut in fastis ad eum diem Bruti nomen adscriberetur” ad fastos kalendares haud dubie pertinet.

Quod si vero in aliis fastis alias res gestas annotatas reperimus, diversas diversis temporibus, ex cujusvis temporis adulatione petendum est, quæ imperatorum præsertim et virorum illustrium res gestas ita memoriæ mandare voluit. Ita in fastis, quos ætas nobis servavit plerumque ex Augusti et Tiberii tempore, horum tituli; sub sequioribus Imperatoribus, ejus qui tunc imperium tenebat, res gestæ feriis celebratæ sunt, extirpatis antea iis, quæ sub antecessoribus fuerant annotata. Post honores gentis Juliæ ab Ovidio etiam celebratos, vide, quæ Fasti Prænestini in ejusdem gentis laudem annotant ad Januarii dies 7, 8, 16, 17, 29: Amiternini ad Augusti dies 1, 2, 9; Sept. 1, 9; Oct. 12, etc. Et quum ex sequiorum Imperator, fastis nulla exstent fragmenta, idem tamen in ultimo quod exstat Constantini Magni Kalendario (Græv. Thes. tom. viii. p. 97.) habes, ubi, ut antea Augusti Tiberiique, nunc Constantini, Constantii aliorumque res fortiter gestæ titulis celebrantur.

Sed tantum de his fastis kalendaribus, quos Ovidius carmine exornavit, et ad quos sæpius recurrere licebit. Quid autem? quod passim ab interpretibus, multo alia cum re, fastis scilicet, seu annalibus, quæ historiæ ad instar primis temporibus fuere, commutantur, quare erroris vitandi causa de his etiam paucis videndum est.

## 2. *Fasti historici, (Annales, F. consulares.)*

Commune nomen inde haud dubie fluxit, quod in his primis historiæ initiis singulis annis res gestæ vel quicquid memoria dignum judicabatur, ad ordinem dierum, qui in

fastis kalendaribus descripti erant, annalium in morem exhibebantur<sup>i</sup>. Magistratus cujusvis anni, consules potissimum ibi annotati esse debebant<sup>k</sup>, et cum consulibus demum initium cepisse videntur e Valerio Maximo, libris iv. 4. sec. 1; et vii. 3. sec. 2. ubi altero in loco Valerius Poplicola, primus consul *Fastorum illud columen* vocatur; in altero autem Brutus, Valerii in primo consulatu collega, vafro illo, quo Tarquinii filios decepit, osculo *primum in Fastis locum* sibi parasse dicitur. Poterant igitur gentibus Romanis antiquæ earum nobilitati probandæ inservire, si plures sui nominis ibi notati erant, unde v. c. Horatius, Od. III. xvii. 2. Lamiæ sui proavos in fastis undique notatos generis nobilitatem a Lamo illo vetere, Læstrygonum rege, ex nota Romanorum vanitate et poetarum adulatione, ducere canit:

Æli, vetusto nobilis ab Lamo,  
 Quando et priores hinc Lamias ferunt  
 Denominatos, et nepotum  
 Per memores genus omne *fastos*  
 Auctore ab illo ducit originem.

<sup>i</sup> Cic. ad div. v. 12. in nobilissima epistola ad Luceium: Etenim ordo ipse annalium medicriter nos retinet, quasi *enumeratione fastorum*. Horatius ita Sat. I. iii. 112. *fastos mundi* de totius universi historia dicit, et Carm. IV. xiii. 13. Lycen, ut ætate fruatur, admonens, annum fastis semel adscriptum irrevocabilem vocat: "Nec Coæ referunt jam tibi purpuræ Nec clari lapides tempora, quæ semel *Notis condita fastis* Inclusit volucris dies."

<sup>k</sup> Liv. ix. 18. paginas in annalibus magistratuum, fastisque percurrere licet, consulum dictatorumque, quorum nec virtutis nec fortunæ ullo die P. R. penituit. Annales magistratuum a fastis discerni videntur, ita ut fasti nonnisi consules singulis annis inscriptos, annales autem magistratuum cæteros magistratus complectantur. Cic.

ad Att. iv. Ep. 8: Si vero, id est, quod nescio, an sit, ut *non minus longas jam in codicillorum fastis futurorum consulum paginulas* habeat, quam factorum, quid illo miserius, nisi respublica, in qua ne speratur quidem melius quidquam, ubi cuius consuli sua pagina destinata videtur ita probabiliter, ut consules annui fastorum annis superscribantur. Martialis, xii. 26. hominem perstringit, qui jam senator, id insuper adpetit, ut fastis adscribatur et provinciam nanciscatur; quibus rebus dignitas consularis innuitur: "Sexaginta teras quum limina mane *senator*, Esse tibi videor desidiosus eques, Quod non a prima discursam luce per urbem. .... Sed tu purpureis ut des nova *nomina Fastis*, Aut Numidum gentes Cappadocumque petas, etc.

Et si ignominiae causa alicujus consulis nomen publico S. C. e fastis eradi dicitur, semper hi intelligendi sunt. Factum hoc erat in M. et L. Antoniis, sed postea restitutum; idem facere parabant in Pisone: Cic. Philip. xiii. 12; Tac. Ann. III. xvii. xviii.

Jam de Ovidio, ejusque opera in *Fastis kalendaribus* explicandis et exornandis posita.

Multa, quæ in his fastis, sive veteres notas interdum interpretatione ambiguas, sive ferias earumque origines, sive notitias historicas ibi adscriptas spectes, ob antiquitatem obscura erant et explicatione indigebant, jam mature invenerant auctores, qui in iis exponendis data opera versati erant. Tot feriarum origines ibi illustratæ, quatenus fieri poterat ex antiquitate Romana repetitæ, ritus ceremoniæque singulorum festorum enarrati et explicati, Deorum antiquorum nomina et cultus expositi, templorum conditorum historia tradita, notis illis antiquitus translatis quid significaretur indicatum, anni rationes diversæ expositæ, errores, qui vulgo circumferebantur, discussi legebantur, verbo, quicquid in iis illustratione indigebat, commentario perpetuo omnem annum persequente comprehendebatur: eoque magis hi scriptores, qui vel *commentariis* et libris peculiaribus vel *brevioribus adnotationibus*, quas fastis publice affixis adjecerant, hanc operam navaverant, ad hanc quæstionem pertinent, quum et ipsi præcipui fontes carminis Ovidiani haud dubie fuerint.

Luculentissimum exemplum *brevioris ejusmodi adnotationis* in ipso publico marmore descriptæ habemus in *Verrii Fastis* (de quibus fusius infra) et ad eundem prorsus modum in iis, quos *Fulvius Nobilior*, Catonis æqualis et Ennii familiaris in æde Herculis et Musarum a se condita (Fast. vi. in fine) posuerat, simulque brevi annotatione adjuncta nominibus rebusque antiquis explicandis operam dederat. Macrob. I. xii. 13. qui Maium et Junium ibi a majoribus derivari tradit, et i. 13. de intercalatione haud dubie ad eosdem fastos respicit. Laudantur iidem a Charisio.

Peculiarium autem librorum data opera in fastis explicandis versantium plures auctores habemus, quorum notitiam præsertim Macrobio et Festo debebamus, quibus nunc Laurentius Lydus accedit. Agmen eorum, quos novimus, ducit nomen in historicis et antiquariis celeberrimum *Cincius Alimentus*; post eum sæpe laudatur in hoc etiam genere, *Masurius Sabinus*, celeberrimus ille JCtus, et quæ utriusque scriptoris exstant fragmenta, tum quod ad Ovidium arctissime pertinent, tum ob judicii acumen et criticam in veteribus insolitam, tum ob antiquitatis doctrinam, merito desiderium horum librorum injiciunt. Fasti, quos *L. Cincius Alimentus* condiderat, Fabii Pictoris æqualis (vid. Voss. de hist. Latinis, p. 25.) a Livio sæpe laudatus, et magnæ apud eum auctoritatis præsertim in rebus antiquariis (“maximus auctor” et alibi: diligens *talium* monumentorum auctor, ubi de *mores* Volsiniensium *solemni* sermo est) post Macrobius (i. 12. et alibi,) et Festus (vid. Ind. in ed. Dacieriana) a Lydo recitantur, ubi liber *περὶ ἐργῶν* non potest non idem esse. (Lydus, p. 90 et 125.) Effata ejus antiquitatis et linguæ criticam scientiam et judicium subactum produnt, et multæ, quas Ovidius exhibet sententias in re sua illustranda, ad hunc referendæ esse videntur. Ita apud Macrobius l. c. Aprilis mensis a Venere derivationem, quippe linguæ rationibus contrariam vel hanc ob causam, quod Veneris nec Romanum nec Græcum nomen regum tempore notum fuisse, et in carmine Saliari inveniri scribit, egregie sane refutavit, æque ac Maii et Junii a majoribus et junioribus explicationes vulgares, alterum a Maia dea, alterum, quum et antiquitus et suo tempore alibi Junonius dicatur, a Junone dictum esse censens (ubi Ovidius, Fast. vi. 61. eum haud dubie respexit.) Post hunc Macrobius *Masurii Sabini* commentarios imprimis laudat, celebris sub Tiberio Jurisconsulti, Ateii Capitonis adseclæ et sectæ Sabinianæ auctoris [vid. fr. ii. sect. 48. Digest. (i. 2.)] qui vel e Persio notus est: Sat. v. 90. *Masuri rubrica vetat*. Alii



commentariorum auctores recensentur: *Nisus* (Macrob. ibid.) *Bebius Macer*, *Comelius Labeo*, (Macrob. i. 16.) *Rutilus Geminus*, *Titus*, Anysius et Elpidianus *περὶ μηνῶν*, *περὶ ἑορτῶν* apud Lydum, *Julius Modestus*, *Hygini libertus* (Suet. de grammat. 20.) de feriis, *Fulvius Flaccus*, *Junius Gracchus* aliique. Nobis omnes ætas invidit et præter Ovidii commentarium poeticum et breviores Verrii notas, nonnisi Lydi et Macrobiani Festique excerpta notitiam aliquam præbent. Quæ passim ex his scriptoribus laudantur, ostendunt, eos in omnibus iis, quæ supra ad hos libros retulimus, enarrandis et investigandis, plus minusve, et ut quis historiæ, antiquitatis et chronologiæ peritissimus erat, versatos esse. Haud quidem data opera ad fastos explicandos, sed universe ad antiquitatem Romanam illustrandam etiam *Varro* in lib. antiquit. divinarum, *Verrius* aliique passim de hoc genere in antiquis feriis, ceremoniis, ritibus illustrandis et ex historia deducendis meruerant, eosque sæpissime *Dionysius* et *Plutarchus* passim hanc antiquitatem illustrantes respiciunt. Etiam in Quæstionibus Romanis, quæ id genus multa exhibent, *Plutarchus* easdem prorsus cum Ovidio proferens sententias, eosdem fontes, forte et fastorum commentarios ob oculos habuisse videtur. *Butam* autem fuisse poetam, qui res Romanas ad causas suas fabulosas referendo incertum quo tempore, carmine hanc Romanæ antiquitatis partem illustrare suscepit, discimus ex *Plut.* in *Romulo*, cap. 21; cf. *Arnob.* lib. 5. init. et præclare hoc carmen carmini Ovidiano cognatum judicavit *Lenz*. l. c. p. 5. *Plutarchus* duo versus<sup>1</sup> de *Lupercaliis* ex eo laudans, αἰτίας μυθῶδεις ἐν ἐλεγεῖοις περὶ τῶν Ῥωμαϊκῶν scripsisse tradidit, et *Arnob.* ex ejus *Causaliibus*, ut inscriptionem libri Latine vertit, *Fatuæ* historiam

<sup>1</sup> Tradiderat ibi *Butas*, cursum in *Lupercaliis* solemnem repetendum esse a gaudio, quo *Romulus*, *Amulio* victo, cursu festinavit in eum locum, ubi lupa uber ei præbuerat: et pergit in loco supra citato *Plutarchus*: καὶ

μίμημα τοῦ τότε ὄρομον τὴν ἑορτὴν ἀγεῖν, καὶ τρέχειν τοὺς ἀπὸ γένους, τοὺς: Ἐμποδοῦς τύπτοντας ὅπως τότε φάσαν ἔχοντες Ἐξ Ἄλβης ἔθειον Ῥωμύλος ἢ δὲ Ῥίμος.

exhibet. *Vide de eo Vossium* de historicis Græcis, p. 337. et de poet. Græc. p. 225. An in ordine etiam ad anni tempora digerendo et in aliis Ovidius eum sequi potuerit, ob paucas de eo notitias pro certo dici nequit, quum ipsi Haraldus ad Arnobium l. c. ita ignotus videretur, ut nomen Butæ in Plutarcho corrigendum esse putaret, ubi mirandum est, etiam Wittenbachium v. c. (Proleg. ad Plutarch. præf. p. 46.) cum eo consentire videri. Quod idem v. c. Lenzius, p. 4. conjecit, simile Callimachi Carmen, quod *Αἴτια* inscribitur, Ovidio quoad genus et formam in fastis sæpe ante oculos fuisse et Valkenarius ad Callimachi elegiarum fragmenta, p. 10. et Jacobs in Animadversionibus ad Anthol. gr. vol. III. p. ii. p. 182. amplexi sunt: etsi prior, p. 8. non elegiaco, sed heroico metro concinnatum fuisse velit. Hoc carmen, cujus fragmenta exstant in ed. Ernestii, Romanorum etiam manibus frequenter tritum esse, Varronis, Servii aliorumque citata docent, et ipsum Ovidium, Trist. V. v. 33. in prodigii, quod in Eteoclis et Polynicis sacris fiebat, narratione hæc *αἴτια* respexisse judicavit Rubnkenius.

Hoc (memini) quondam fieri non posse loquebar,  
Et me Battiades iudice falsus erat.

Epigramma Anthologiæ (vid. Bentl. ad Callimach. fragmenta, p. 416. ed. Ernest.) totum carmen somnio contineri canit, in quo Callimachus in Heliconem delatus a Musis ipsis de rebus antiquis, priscorum hominum vita et moribus, etc. quærens quæ volebat, edoctus sit. Ultimi versus,

Αἱ δὲ οἱ εἰρομένῳ, ἀμφὶ Ὀγγύϊων Ἡρώων  
Αἴτια καὶ μακάρων εἶρον ἀμειβομένοι,

conjecturam commendant, Ovidium potissimum in Deorum Musarumque ministerio, quo eodem prorsus modo utitur (iv. 191; v. 7 sqq; vi. 798. etc.) Callimachum ob oculos habuisse. Veteres ritus ibi explicatos habent fragm. 8 et 9; et Lenzius jam annotavit, historiam Hippolyti in

Callim. cum eadem in Ovidio, vi. 730. consentire, ut et in rebus Græcis eum interdum respexisse videri posset. Attamen magis colorem, rationem, et formam ex hoc scriptore, materiam sine dubio potissimum ex aliis, quos diximus, Fastorum libris mutuam accepit. Et luculenter hoc ex eo apparet, quod non solum in explicanda aliqua re easdem semper cum illis referre solet sententias, sed sæpissime idem et eodem loco et ordine, quo illi afferre solent. Docent hoc vel breves Verrii adnotationes ad Fast. i. 45; conf. Verrius ad d. 2 Jan. ad iii. 97: conf. Verr. initio Martii mensis, ubi fere eadem iisdem verbis. Adde multa ex iis, quæ postea ex Verrio excerptimus. Ad Ovidium de mensibus Aprili, Maio et Junio conf. Fastor. conditores apud Macrob. i. 12. etc. etc. Tamen ipsum notitiis aliunde conquirendis intentum fuisse ipse Fast. iv. 378 et 690. docet, et quum diu in opere suo limando stylum verteret, ea, quæ recens accesserant, in fastis donec prodirent, diligenter adnotare et inserere solebat. Huc pertinet, præter alia quæ de Germanici triumpho i. 285. de Concordiæ æde i. 637—650. an. U. C. 762. exstructa, canit, quæ ex notitiis ad amicis secum communicatis, vel e novis fastis in exsilio interpolare debuit. Refer huc etiam, quæ de Tiberio imperatore canit i. 533; de Julia Augusta, i. 536.

Eo autem magis hoc argumentum carminis varietati aptum erat, quum a temporis sui sacris ad remotissimos patriæ antiquitatis mythos, ab operibus et rebus gestis principum ad laudem et adulationem eorum exspatiandi occasionem præberet. Et cum Virgilio sentiens, qui in Græcarum fabularum lusibus satis jam decantatis vix veram laudem adhuc quæri posse cecinerat<sup>m</sup>, hanc sibi viam delegerat, fructuosissimam sane ad gratiam ineundam apud

<sup>m</sup> Sed grandiori stylo, Georg. III. 3: "Cætera, quæ vacuas tenuissent carmine mentes Omnia jam vulgata. Quis aut Eurysthea durum Aut illau-

dati nescit Busiridis aras? ... Tentanda via est, qua me quoque possim Tollere humo, victorque virum volitare per ora."

homines Romanos patriæ historiæ amantissimos et quam maxime gnaros, quibus jam antea Ennii et Virgilit carmina patria gratissima dona acciderant. Et simile propositum prius jam Propertio fuisse ipse IV. i. 69. canit, quorum versuum non exiguam vim ad Ovidii consilium vel capiendum vel confirmandum fuisse, quidam voluerunt (Lenz. p. 4; Barth. ad Propertii l. c.) In elegia enim illa, qua homini peregrino præclara Romæ monumenta se ostendentem fingit, postquam diu summo cum ardore et impetu sacra Romana horumque locorum divinam originem celebraverat, hæc se aliquando carmine elaturum promittit :

Sacra diesque canam et cognomina prisca locorum :

quod consilium certe quam proxime ad nostri rationem accedit. Ovidius, qui jam ad carmen etiam didacticum metrum elegiacum transtulerat, in hoc etiam genere magis epico elegis sibi familiarissimis simpliciori magnam partem orationi aptius visis uti maluerat, forte in hac etiam re, nisi Callimachum, de cujus metro dubitatur, tamen Propertium respiciens, qui et antea plures heroicæ Romanorum ætatis res gestas elegis exornarat, et in hoc carmine quod promittit, ut ejus verbis utar, mollem vatis elegiaci hederam hirsutæ Ennii lauro se prælaturum profitetur (IV. i. 57.) Tantum si res majores canendæ sunt, Ovidius excusationes de carminis tenuitate et metri elegiaci usu in carmine historico minus solemni, poetarum more, modeste ab ingenii in tantis defectu et innato quodam amore levis hujus generis petit. Statim ab initio libri secundi, in quo Augusti quidam tituli celebrandi sunt, hac de re præmonet (ii. 8 sqq.) et quum Octaviani cognomen Patris Patriæ canendum est,

Quid volui demens, (clamat) elegis imponere tantum  
Ponderis, heroi res erat ista pedis.

## EXCURSUS II.

DE COMMODIS, QUÆ AD OVIDII INTERPRETATIONEM E NOVIS  
 QUIBUSDAM PRÆSIDIIS REDUNDARUNT.

**PRÆTER** magnorum virorum curas, quibus multæ res huc pertinentes egregie illustratæ sunt, aliam fastis contigisse fortunam, ex accessione novorum præsidiorum, quin h. l. statim attingam, a me non impetrare possum. Quo enim jam diutius harum literarum cultores merito omnem abjecerant spem, fore, ut passim rudera ingentis illius rerum antiquarum naufragii in lucem revocentur, eo sane jucundius accidit, si præter omnem spem et opinionem vel totis literis, vel potissimum peculiari alicui materiæ, in qua elaboramus, ex quibuscumque antiquitatis fragmentis alto situ obrutis novam oriri lucem videmus: unde novis testimoniis scriptor illustretur, confirmetur; explicationes ejus dubiæ vel adserantur vel mutentur; et quod fructuosissimum sane et præstantissimum est, ipsius textus huc illuc constituendi nova quædam ratio adpareat. Hæc autem in nostrum scriptorem redundare commoda inventis ante hos viginti septem annos fastorum sacrorum, quos Verrius concinnaverat, fragmentis quamvis mutilis, insignes eorum in Ovidii locis explicandis partes docent. Archetypum hujus operis, pluribus certe ex eo, quod inde descripsit Vollius V. C. in Suetonio, tom. iii. noti, prodit Romæ 1779<sup>n</sup>. Hi fasti a Verrio Flacco, celeberrimo illo grammatico, cujus librum de verborum significationibus Festus in compendium redegit, et Augusti nepotum magistro, duodecim tabulis marmoreis, quarum singula unum

<sup>n</sup> Fastorum anni Romani a Verrio Flacco ordinatorum reliquiæ ex marmorearum tabularum fragmentis Præneste nuper effossis collectæ et illustratæ. Accedunt Verrii Flacci Operum fragmenta omnia, quæ ex-

stant, ac fasti Romani singulorum mensium ex hactenus repertis calendariis marmoreis inter se collatis expressi, cura et studio P. F. F. (Fogginii) Romæ anno 1779. Hæc omnia diligenter perpende.

mensem comprehendebat, incisi et in foro Prænestino (ubi nunc Palestrina) in conspectu domus Cæsareæ in hemicyclo expositi, jam a veteribus excitantur. Suet. de illustr. grammat. cap. 17; Macrob. i. 10. p. 196: cf Verrium ad d. 21 Dec. Macrob. I. xii. p. 209; confer Verrium ad d. 1 Apr. ubi Macr. verba Verrii minus pudica sibi visa reticet; et Ovid. in Fast. vi. 62:

Inspice quos habeat nemoralis Aricia fastos,  
 Et populus Laurens, Lanuviumque meum;  
 Est illic mensis Junonius: inspice Tibur  
 Et Prænestinæ mœnia sacra Deæ,

ad quem locum egregie Neapolis, se eorum opinioni qui fastis Capitolinis inventis Suetonii locum eo trahebant, unquam calculum additurum negat. Quatuor mensium, Januarii, Martii, Aprilis et Decembris fragmenta nunc eruta, et quippe vetustate et ruina maxime adrosa et perfracta, sed Fogginii opera, quoad fieri poterat, ordinata, suppleta, et amplo commentario illustrata, ob egregium, qui iis in Ovidio explicando usus est, eo majus operis integri desiderium injiciunt. Agite igitur, quædam loca percenseamus, ubi eorum in Ovidio explicando vel emendando partes sunt.

*Fast.* i. 589. ad d. 13. April. Ovidius provincias ab Octaviano populo redditas, et cognomen Augusti in unum eundemque diem ponere videtur:

Redditaque est omnis populo provincia nostro,  
 Et tuus Augusto nomine dictus avus.

Tenendum h. l. quod diligentissimus quisque veterum scriptorum lector minime ignorabit, sæpe eos rerum, haud quidem simul gestarum, sed mutua ratione conjunctarum, junctim mentionem injicere. Ita Orosius, vi. 20. postquam d. viii. ante Id. Cæsarem rediisse scripserat, eodem die eum Augustum consalutatam esse, addit, conjungens duas res a se invicem pendentes, non simul factas. Præ-

sertim Suetonius ita sæpe explicandus est. Hoc loco unum et alterum non uno die contigisse jam Dio tradiderat liii. 16; scribens, primum habita de dividendis provinciis oratione coronæ quernæ honores ei decretos, postea autem eum, perfectis demum iis, quæ pollicitus fuerat, *Augustum* dictum esse: ad quem locum jam *Reimarus* diversas notationes conciliatum ivit. Cum Dione ita statuendum esse Verrius docet, ut d. 13 Jan. coronæ quernæ honores ob provincias divisas, die 16 demum Augusti cognomen traxisse intelligatur. Ad d. 13. hæ notæ scriptæ sunt: *Corona quer . . . August. oner . . . Po. R. Res.* quod supplendum haud dubie cum *Foggino*: *Corona querna* ex S. C. superposita est domui Imp. Cæs. *Augusti*, onerosas quod eo die recepit provincias et pacatas *Populo Romano Restituit*. Ad. d. 16. legitur: *Imp. Cæsar Augustus est appellatus ipso vii. et Agrippa Cos.* qui annus est U. C. 727.

I. 637 sqq. de Concordiæ æde Ovidius canit:

Causa recens melior: passos Germania crines  
Porrigit auspiciis, dux venerande, tuis.

De anno disputari magnopere poterat. Suetonius enim Tiber. cap. 20. ædis dedicationem posuit *post triumphum Tiberii* de Pannoniis et Dalmatis, quem gestum esse an. 765. (æra Varronianæ) Germanico et Fonteio Cos. Verrii Fasti ad d. 16 Jan. (conf. Fogg. p. 14.) docent. Decretus jam fuerat Dolabella et Sil. Cos. (Dio. lv. 17.) sed, ob civitatem clade Variana mœstam, dilatus. Secundum Suetonium ædis dedicatio post annum 765. caderet, quod jam refutavit Masson. in vita Ovidii, p. 100. ed. Burm. tom. iv. Verrius nunc docet, eodem anno quo pax in Pannonia et Dalmatia composita est, scilicet 762. C. Dolab. et Sil. Cos. ædem dedicatam esse; perperam itaque Suetonium post triumphum *habitum* posuisse, quod statim post bellum compositum factum erat.

Ad *Fast.* iii. 419. (d. 6. Mart.) de Cæsaris Pontificatu annus nunc certus, quo Octaviano traditus est, prodit.

Quod enim antea in anno 740. quo Lepidus mortuus est, ponebant, anno sequente demum factum esse ostendit hæc nota:

*Imp. Cæs. Augustus Pontif. maximus factus est, Quirinio et Valgio Cos.*

*Fast. iii. 812 et 838. (d. 19 Mart.) Ovidio hic dies Minervæ natalis vocatur; et kal. Vindob. habet N. Minerves, quod autem hoc etiam loco nihil aliud ac primi templi dedicationem designare indicat Verrius, scribens: quod Minervæ ædis in Aventino eo die est consecrata, cui consentit Fest. Scribas et Quinquatrus. Nam et alibi templorum dedicatorum anniversaria Natales vocari solent V. C. dies 15 Maii, ubi templum Mercurio exstructum esse tradunt; Ovid. v. 669; cf. Liv. II. xxi. 27; in kalend. N. Mercurii vocatur et Martialis canit:*

Maia Mercurium creastis Idus.

*Fast. iii. 849. de Tubilustrio et Verrius et Lydus (p. 85.) lectionem quorundam codd. et Heinsii explicationem aperte vindicant. Plurimi ibi legunt:*

Summa dies e quinque tubas lustrare canoras  
Admonet, et forti sacrificare Deæ;

quod ad Minervam referebant. Alior. lectionem *Deo* jam Heins. ad Martem referri voluit. Accedunt nunc duo testimonia; Verrius: *Feriæ Marti*; Lydus: καθαριὰς σάλπιγγος, τιμαὶ Ἀρέως καὶ Νερίνης.—De loco Tubilustrii Varro confirmatur.

*Fast. iv. 354. (ad d. 4 Apr.) Heinsii viri magni acumen in re graviore dijudicanda novis accedentibus testimoniis vindicatur; versus enim 353—356 quum ita legerentur:*

Cur vicibus factis ineant convivia, quæro  
Tum magis, indictas concelebrentque dapes.  
Quod bene *mutarit* sedem Berecynthia, dixit;  
Captant *mutatis* sedibus omen idem;

Heinsius non habens, ad quod referret τὸ *mutarit*, et e



Gellio ii. 24; et xviii. 2. hæc convivia nobilium Megalensibus ludis celebrata peculiari et solemnino nomine *mutitationes* vocari videns, hanc vocem obscuriorem, sed in hac re solemnem more suo hoc loco Ovidium exponere censuit, et reponens pro *tum magis* vocem *mutuita* ad hanc referri voluit τὸ *mutarit*.—Vere eum coniecisse, verisimilius fit novo de usu hujus vocis accedente testimonio. Verrius enim fere iisdem verbis ac Ovidius, quæ integra in lapide supersunt.

Ludi M. D. M. I. Megalensia vocantur, quod ea Dea Micala appellatur. Nobilium *mutitationes cænarum* solitæ sunt frequenter fieri, quod Mater Magna ex libris Sibyllinis arcessita locum *mutavit* ex Phrygia Romam. Quod si præterea observaris, ut fere in omnibus explicationibus Ovidius cum Fastorum commentationibus conveniat, et non raro ab iis pendeat, vix de veritate lectionis, quam Fogginius hoc loco affert, dubitabis. Quum enim *mutitationes* et *mutitare* vix a mutuis esse possit, sed potius frequentativum verbi *muto*, ut O et V indicare videntur, pro *mutuita*, quod Heinsius voluit, *Mutita* legendum censeo, ut *convivia mutita* idem sit, quod *mutitationes cænarum* apud Verrium, et sequentibus versibus Ovidius obscuram hanc vocem illustratum eat. E contextu eam excidisse vix mireris, quum in Gellii locis eadem lectionis varietas sit. Verrius omnes vindicat.

*Fast.* iv. 378. Fortunam Publicam sacratam ait in colle Quirinali his versibus :

Qui dicet, quondam sacrata est colle Quirini

Hac Fortuna die Publica, verus erit.

Verrius ad d. 5 April. Ludi Fortunæ publicæ citerio . . . in colle ; eumque supplens Fogginius legi vult *citeriori*, sed ad Fortunæ Publ. referri. Fortunam citeriorem autem eandem esse vult, quam Plut. Quæst. Rom. 73. βρεβρεμ. vocat, id est, brevi obventuram, brevi necessariam, hujus diei. Sed *citeriorem* Fortunam absolute ita usurpari

posse, vehementer omnino dubito, et quum alia explicatio, qua *citeriori in colle* jungantur, præsto sit; dubito an illa unquam admitti possit. Præterea Ovidius nihil tale habet, et potuit hæc Fortuna nude Fortuna Publica vocari. *Ad Fast. v. 739.*

Nec te præteream, populi Fortuna potentis  
Publica, cui templum luce sequente datum,

ubi *Kalendaria, tum Fortun. public. PR. in colle, tum Fortun. prim. in colle* legunt, luculenter ex altero loco quidem apparet hanc notam PR. legendam esse *primigeniæ*; sed Ovidium idem designasse hac circumlocutione *populi potentis*, cum Fogginio mihi persuadere non possum, et credere malo Ovidium easdem notas PR. in kalendario suo repertas legisse *Populi Romani*, et ita versui intexuisse.

Taceo cætera loca, ubi Verrius Ovid. supplet, v. c. ad d. 23 et 24 Mart. ad 1 et 23 April. et alios dies, quum et infra quædam in subsidium vocanda sint.

Alius, quem Fogginii liber laudatus præstat, usus cernitur in fastorum veterum, ut nusquam antea exstabat, collectione plena et integra, quam cum illustratione uberiore, commentario in Verrium adsuit. Quæ tabulæ quum arcissimo vinculo cum Ovidii carmine, quod in iis interpretandis versatur, cohæreant, eo magis dolendum est, fragmenta eorum casu quodam ingrato, in prioribus mensibus, quos Ovid. describit, præ aliis manca esse, quum uberiore eorum adnotationes in mensibus Augusto et Septembre exstent, e quibus quasdam, speciminis causa, ex Augusto mense descripsi et in fine adjunxi. Quum tamen non raro et in prioribus laudanda sunt hæc fragmenta ut ut pauca, præcipua eorum hoc loco attingenda putavi.

1°. Kalend. *Maffæiorum*, ita dictum, quod in ædibus Maffæiorum primum patere cœpit; ut perhibetur, anno 1524. ad campum Floræ repertum. Præ aliis minus man-

cum est, et omnes anni menses complectitur, brevioribus tamen cum notis. Marmor inscriptum videtur sub Tiberio.

2°. Kalend. *Capranicorum*, sub quo nomine sæpius editum est. Supersunt nonnisi Augustus et September, sed uberiore cum adnotatione.

3°. Kalend. *Amiterninum*, e præstantissimis fastis marmoreis, in quod peculiarem commentarium Purpurini habes in Sallengre suppl. ad Grævii antiq. tom. 3. effossum e rudibus veteris Amiterni in Sabinis (hodie *Aquila*.) Correcte æri incisum est apud Foggin. p. 100. Sex posteriores menses satis integri supersunt.

4°. Kalend. *Antiaticinum* e rudibus theatri Antiaticini (*Anzo*) erutum, item posteriores sex menses complectitur, quorum singulis deest decas prima. Inscriptio in superiore tabulæ parte testatur, incisum esse marmor cura collegii libertorum vernarumque domus Augustæ in Antiaticino secessu degentium, idque sub Claudii imperio.

5°. *Pincianum* ad montem Pincium erutum, præter literas nundinales et dierum rationes nihil continet. Complectitur menses a Jul. ad Octob. inclusive.

6°. *Venurinum* Maium et Junium complectitur.

7°. *Vaticanum* a Fogginio primum editum continet quosdam Aprilis et Martii dies. Alifanum, Exquilinum, Farnesianum minoris momenti sunt. Suppositi autem, et fere ex Ovidio descripti, quos Mazochius edidit, fasti sex priorum mensium. Kalendarium Rusticum Farnesianum contra Pontederam antiq. p. 393. vindicat Fogginus, p. 104. Supersedeo recensere loca, ubi eorum in Ovidio aliquis usus est, et eorum in gratiam, quibus Fogginii opus, non parvi parandum, non ad manus esset, potius specimen quoddam fastorum inter se comparatorum e mense, qui uberiores notas habet, describere volui.

II. Transeo autem ad aliud quaecumque subsidium, quo ad Ovidii argumentum tamen proxime pertinente, priores interpretes, quorum tempore tenebris adhuc obru-

tum jacebat, caruerunt. Joannis *Laurentii* Philadelphensis *Lydi* aio opusculum Græcum de mensibus, quod e duobus codd. Barberin. et Vatic. post specimen exhibitum in *Bibliothek. d. Litteratur u. Kunst. Stück, 7.* Lipsiæ edidit Nic. Schow, prof. Hauniensis, 1794. Quam maxime gaudeo, jam pridem Lenzium V. C. in libro laudato, vel ad specimen illud, quod ad hoc argumentum accedere videbat, animum attendisse ejusque loca cum Ovidio comparasse; hujus autem loci potissimum esse putavi, quomodo hoc scriptore in Ovidio utendum sit, paucis adnotare. Congerit hic seculi sexti compiler adversaria sua e multis scriptoribus antea fere ignotis, et, ut multa frivola præsertim sine omni ordine eum exhibere nemo inficias eat, ita passim loca hoc argumentum præclare illustrantia ei deberi concedendum est. Ut fieri solet in ejusmodi hominibus, ea, quæ ipsorum sunt, plerumque quidem vana et inepta reperiuntur, sed servarunt nobis optimorum etiam scriptorum, quos tunc temporis manibus adhuc terebant, sententias et loca, ut ut interdum confusa et turbata, in quibus expediendis haud raro nostrum acumen exercent. In hoc nostro, ut in quo alio, caute versandum erit, quum haud facile aliquis exstet, qui res maxime alienas magis misceat, et quæcumque ei forte succurrebant, sine certa ratione et consilio jungat, ita ut totus liber potius adversariorum undique corrasorum, aliquando digerendorum, quam justi libelli speciem præ se ferre mihi videatur°. Maxima ejus commoda omnino redundant ad historiam festorum recentiorum, quæ fere ad ejus tempora pertinebant, ubi imprimis *Kalendario Constantini* in multis illustrando inservit, v. c. p. 62. de votorum nuncupatione; p. 80. de *Mamuralibus*; 84. *Pelusiis, Hilaribus, etc.*

° Siquidem V. C. mense Januario, cap. 6. a magnetis et piperis arboris natura, ad ortus et occasus quorundam siderum, et cap. 7. post Junonis allegoricam interpretationem de Tra-

jani genere et rebus gestis exponit— et cum *Esaiæ* capite i. ver. 11 sq. commentariis suis in *Januarium* finem imponit. Omnia, ut certe videtur, sine causa e rei natura oblata.

Sed in Ovidio etiam tum illustrando, tum confirmando magnæ ejus partes sunt, ad suum ubique locum in subsidium vocandæ P. H. l. quædam ejus loca pertingam, ubi, quæ diverse ab Ovidii aliorumque auctoritate tradit, non tam diverso suæ ætatis mori, quam turbis ab ipso compilatore ingestis, ubi, quæ ad plures pertinebant, in unam rem cumulabat, tribuerim. Ejusmodi locum jam ad Fast. iv. 635. exhibuisse mihi visus sum. Probabiliter huc pertinet, quæ, p. 71. de Parentalibus exhibet. Bene cum Ovidio aliisque convenit, si ob Manes placandos ab Id. Febr. hora sexta usque ad viii. Kal. Mart. sacra cessare, et principes privato habitu incedere dicit. Ovid. enim ii. 567: *Nec tamen hæc ultra, quam tot de mense supersint Luciferi, quot habent carmina nostra pedes. Ultima placandis Manibus illa dies*; quod bene se invicem illustrat. Sed vix huc pertinet, quod statim subjungit, matronas Romanas eo procedere pudicitia, ut in balneis, ne plebeiis mulieribus misceantur, peculiaribus locis (ματρωνικίους) utantur; nam in Parentalibus lavationum nullam mentionem usquam legi; referenda autem hæc nota haud dubie ad d. 1 Aprilis, ubi *humiliores etiam feminas* in balneis lavari omnes annotant. *Lyd. 91. Verrius ad 1 April.* Sacrificium denique matronarum in honorem Bruti certo non tam ad hunc diem, quam ad Regifugium d. 24 Febr. pertinere, quisquæ videt, p. 101. ubi Lydus: *πρώτη δὲ ἑορτὴ τοῦ Μαίου παρὰ Ῥωμαίους αἱ περὶ σεισμῶν ἱκεσίαι*; commutatio videtur cum Kalend. Jun. ad quas Tempestatis ferias refert Ovid. vi. 191. Non nisi de priore Junii parte, sed de toto Maio Ovidius edicit, quod Lydus de toto Junio, male ibi nuptias fieri, p. 107. *ὁ δὲ Ἰούnius μὴν ἀνεπιτηδεῖος πρὸς γάμους*, differentia e duorum mensium permutatione haud dubie nata.

III. In multis scriptoribus etiam *nummos* non raro in-signe interpretationis et illustrationis subsidium esse, apud

P P. 91. de mulieribus sub myrto lavari solitis; p. 107. de pistorum fe-

riis, et asinorum coronandorum more, etc.

omnes semper in confesso fuit. Magnum eorum in hoc etiam carmine usum fore, quum ad patriam religionem et cætera hujus carminis argumenta sæpissime nummi spectare soleant, et facile existimavi et expertus sum, ad ipsius textus constitutionem aliquam eorum vim esse merito magnopere gaudens. Speciminis causa ex hoc etiam genere loca quædam percensere liceat.

*Fast.* vi. 803. (*Marcia, sacrificio deductum nomen ab Anco.*) Marcii Philippi generis nobilitatem ab Anco rege repetunt, quam vanitatem gentes in nummis maxime exprimere solebant (Ekhel. tom v. p. 89.) Ut igitur Cæsar (Suet. Jul. 6.) idem de Marciis regibus prædicat, ita nummi gentis Marciaë *Ancum* regem cum *Numa* avo tamquam capita jugata referre solent (Ekhel. doctrin. nummor. t. v. p. 246.)

*Herculem Musagetem* (*Fast.* vi. 812. Adnuit Alcides, *increpuitque lyram*) probabiliter ad statuam in templo positam expressum nobis affert nummus Pomponii Musæ, exhibens Herculem cum attributis *lyra canentem* c. inscr. *Hercules Musarum.* Ekhel. l. c. tom. v. p. 283.

*Fast.* iii. 253. Junoni Lucinæ more solempni flores offeruntur :

Ferte Deæ flores; gaudet florentibus herbis  
Hæc Dea, de tenero cingite flore caput.

Flores autem ejus attributum fuisse e nummo Lucillæ videmus, ubi stat Lucina dextra extenta *florem*, s. infantem tenens: et nunc patet, quid sibi velint flores opere musivo expressi in pavimento, quod e ruinis templi Lucinæ erutum tradit Foggin. Comm. p. 21.

*Lares præstitites*, ut ab Ovid. v. 129. descripti sunt, exacte exhibet nummus gentis Cæsiæ. *Vejovis* (*Fast.* iii. 433.) cum capra adstante, ita tamen ut fulmen adsit, contra Ovidium, in gentis Fonteiaë denariis habetur.

*Juno Sospita* (quæ in nummis Sispita scribi solet, unde, an etymologia a sospes, sospitare, vera sit, dubitari potest)

Fast. ii. 55. in denariis Prociliæ, *Juno Moneta* (Fast. vi. 183.) in nummis gentis Carisiæ exstat.

Ad Fast. iv. 945. in fine, ubi vide notas argumenti historici ad instar *nobis est nummus* Servillii, vide Ekhel. loco ibi citando.

Sed omnium fructuosissimum haud dubie est, si uno in loco jam Ekhelius, vir magnus (tom. v. p. 276.) lectionis vindicandæ viam e nummo ostendit.

*Fast.* vi. 651 sqq. (cf. Liv. ix. 30; et Val. Maxim. ii. 5. sec. 4.) Ovidius originem Quinquatuorum minorum expositurus, tибicines Romanos aliquando jura quædam sibi ademta ægre passos Tibur exsulasse, canit; alterius censoris autem astutia, quum religio ejus rei senatum teneret, potos in plastro noctu in urbem invectos esse: ver. 683. ita pergit:

Jamque per Exquilias Romanam intraverat urbem ;

Et mane in medio plaustra fuere foro.

*Callidus*, ut possent specie numeroque senatum 685

Fallere, personis imperat ora tegi.

Admiscetque alios: et ut hunc tibicina cœtum

Augeat, in longis vestibus ire jubet.

Sic reduces bene posse tegi, ne forte notentur

Contra *Collegæ* jussa redisse *sui*. 690

Duo in censura collegæ tunc fuere, Appius Claudius et C. Plautius; Liv. I. c. Versu 690. sub *collega* qui, ne irritum faceret consilium, timetur, haud dubie Appius Claudius intelligendus; cf. v. 663. Alterius nomen in vulgatis deest, sed e varia lectione *Cautius* pro *Callidus* jamdudum Pighius e conjectura restituerat *Plautius*, quod unice sensum præbebat, quum nomen proprium ibi necessario desideraretur. E gentis Plautiæ nummo (vid. Ekhel. l. c.) quem ipse in Museo, quod Cassellis est, inspexi, ubi ad lepidam hanc catastrophem alluditur, vix dubium manere poterit, Plautium tunc restitutæ pacis et piæ fraudis auctorem fuisse, et Pighii conjecturam unice rectam veramque esse. Habet nummus in Ant. *Personam mulierem*, in-

script. *L. Plautius*; in averso exstat Aurora alata quatuor equos ducens; inscribitur *Plancus*. Persona muliebris ad jocos a se excogitatos, Aurora ad tempora catastrophes alludebat, et a dignitate gentis non alienum erat, nummis incidere casum aliquem, qui festi alicujus Romani origo factus erat, quod gentes semper magno sibi honore ducere, et in nummis celebrare solebant.

### EXCURSUS III.

DE ORTIBUS ET OCCASIBUS SIDERUM IN OVIDIO NOTATIS, DEQUE FASTIS SIDERALIBUS GRÆCORUM ET ROMANORUM.

I. **EO** majore ego cum voluptate huic carminis nostri parti immoror, quæ ad rem astronomicam pertinet, quo pauciores harum literarum cultores, etsi veterum scriptorum intelligentia probabilem hujus disciplinæ cognitionem omnino flagitet, hac etiam ex parte rerum cognitione interpretationem adjuvare solent. Magnorum philologorum et interpretum, Heinsiorum, Burmannorum aliorumque, quorum commentarii frequenter manibus triti sunt, exemplum, qui his rebus explicandis dijudicandisque plerumque supersederunt<sup>9</sup>, non parum nocuisse, in promptu est. Quamvis alia fortasse earum disciplinarum causa sit, quæ a veteribus quidem peculiaribus libris traditæ, minus tamen ad alios omnes scriptores pateant (v. c. medicina, architectura, etc. in quorum scriptoribus quædam ignorare philologo non adeo crimini vertendum esset, quum magis per se valeant, minoremque et in aliis scriptis vim habeant) contra historiæ naturalis et astronomiæ probabili notitia in veteribus scriptoribus non facile carere posse dixerim.

Ne enim dicam de cœli cognitione, sine qua geographo-

<sup>9</sup> Vid. v. a. Heinsium et Burmannum ad Fastos.



rum veterum nulla est intelligentia, quæ in philosophis frequenter desideratur, in mythologis denique atque poetis mythicis, qui signis cœlestibus fabulas suas adnectunt; *siderum ortus et occasus annui* ad anni tempora indicanda ita ab omnibus scriptorum generibus recepti sunt, ut quorundam, præsertim scriptorum rei rusticæ, sine eorum cognitione nulla omnino intelligentia sit<sup>r</sup>. Et re vera prisca illis hominibus, præcipue Græcis, in felici terræ regione per octo fere anni menses sæpe noctes diesque, dum negotiis agrestibus et gregum tutelæ operam dabant, sub dio degentibus cœli splendidum spectaculum nimis se ingessit, quin ad sidera illa animum intendere, splendidiora dignoscere, et certa, quibus in cœlo conspiciantur vel aufugiant, tempora observare debuissent. Et ita jam Hesiodi ætate ad splendidiorum siderum ortus et occasus negotia rustica distribui, anni partes majores distingui, jam apud Homerum navis cursum ad astrorum situm dirigi, cœlique regiones inde noctu dignosci videmus<sup>s</sup>. Sine ulla autem de cœli natura deque causis hujus motus cognitione, et absque observationibus accuratioribus eam, quam diximus, siderum observationem cogitari posse et per se patet, et contra *Bailly* jam multi adseruerunt. Quatenus in oculis incurrebant, ortus et occasus tunc in cœlo notabantur, de sphaeræ descriptione et notatione in *παραπήγματος* nullum adhuc vestigium.

II. Thales primus astronomiam sphaericam et sphaeræ constructionem in usum vocare debuit, siquidem ad eum primum ea refertur laus, Vergiliarum exortum non appa-

<sup>r</sup> Aristoteles ita sæpissime temporum notationes a sideribus petit. Hist. anim. viii. 15. de thunnis: *καὶ ἀρχονται θηρεύεσθαι ἀπὸ πλειάδος ἀνατολῆς μέχρι ἀρκτουροῦ δύσεως τὸ ἔσχατον*; viii. 14. *de quibusdam insectis, ἡσυχάζουσι δὲ ἀπὸ πλειάδος δύσεως μέχρι τοῦ ἔαρος*, et ita sæpissime. Ipsi rerum scriptores hac temporum

notatione sæpe utuntur, et plura ejusmodi exempla exstant apud *Thucydidem* et *Polybium*.

<sup>s</sup> *Odys.* v. 271. *Hesiod. ἔργ.* 383. 564. 597. 609. 614. Antiquissimum Jobi carmen apud Hebr. novit *Pleidas*, *Hyadas*, *Orionemque*, ix. 9. et *draconem septemtrionalem*, cap. xxvi. 14.

rentem tantum et heliacum, sed cosmicum et verum exposuisse, et post ejus tempora, accedentibus aliis etiam, quæ ex his ortibus et occasibus notandis sperabantur, commodis, certo et artificiose reliquorum etiam siderum tempora notata esse invenimus. Cernebantur hæc commoda in anni tempestatum variarum ex siderum motibus præ sagio, tum ad agriculturam, tum ad omnem vitam utilissimo. Meteorologi enim, sicut hodie id agunt, ut e lunæ diversis vicibus tempestatum mutationes præ sagiant, tunc temporis omnes aeris mutationes et temperies, ventos, pluvias, etc. cum certis siderum ortibus et occasibus conjunctas esse, et re vera ab iis pendere, arbitrabantur; atque tempestates ita æque ac siderum motus certo suo tempore redire et præ dici posse credebant.

Maximam hæc res ad popularem usum vim habuit. Celeberrimi igitur ejus temporis astronomi, rationibus ad astronomiam sphericam subductis, singulis diebus tum certos siderum ortus et occasus, et veros et apparentes (ut kalendaria ex iis excerpta docent;) tum certas tempestates cum iis conjunctas, quatenus experientia docuerat, adposuerunt. *Meton, Eudoxus, Euctemon, Democritus, Calippus, Dositheus*, nomina illa celebria fuere, in quorum observationibus, non eorum solum tempore sed et postea, plurimi e Græcis et Romanis ob singularem utilitatem, etsi ob ævi et situs diversitatem minus convenirent, acquiescere soliti sunt<sup>t</sup>. Ut in fastis postmodo Romæ factum est, ita tabulæ, in quibus hæc notata fuere, in Græciæ urbibus publice expositæ et adfixæ erant (unde παραπήματα,) et, ut e Theone<sup>u</sup> videtur, non singulorum tantum sed undeviginti

<sup>t</sup> Valet de his observation. quod alia de re Festus Avienus Progn. 45: "Illius ad numeros proluxa decennia rursus Adjecisse Meton Cecropia dicitur arte: *Inseditque animis, tenuit rem Græcia sollers Protinus, et longos inventum misit in annos.*

<sup>u</sup> Theo ad Arati Phæn. οἱ δὲ μετὰ

Μέτωνα ἀστρονόμοι καὶ πίνακας ἐν ταῖς πόλεσι ἔθηκαν περὶ τῶν τοῦ ἡλίου περιφορῶν τῶν ἑννεακαίδεκαετηρίδων, ὅτι καθ' ἕκαστον ἑνιαυτὸν τοιοῦδε ἔσται χειμῶν, καὶ τοιόνδε ἔαρ, καὶ τοιόνδε θέρος, καὶ τοιόνδε φθινόπωρον καὶ τοιοῦδε ἀνεμοὶ καὶ πολλὰ πρὸς βιωφελεῖς χρείας τοῖς ἀνθρώ-

annorum, qui cyclum sub Metonis nomine circumlatum efficiebant, tempestates sideribus suis adsignabant et prædicebant. Servatus etiam erat mos, in præceptis rusticis singulorum negotiorum tempora non ad menses eorumque dies, sed ad siderum ortus et occasus præcipere, et postquam rustici in ipso cælo observare desierant, harum tabularum ope cujusvis sideris ortus et occasus reperiebant, et ad mensis dies referebant. Observatio harum tabularum, etsi non rigorosa, tamen sæpe accurata erat, ut jam Pfaffius\* monuit, qui etiam criticæ ope in contextu parapegmatum interdum corrupto veritatem restituendam esse docuit.

Duo sunt antiqua parapegmata magnæ auctoritatis, quæ observationes illorum astronomorum, nomine plerumque laudatorum, nobis servarunt. Alterum est Ptolemæi (Petavii Uranolog. p. 94.) et inscribitur *φάσεις ἀπλανῶν ἐπισημασιῶν*, vel *φάσεις ἀπλανῶν καὶ ἐπισημασίαι*, quod jam a Suida laudatur. Singulis mensium diebus ortus et occasus ex variorum auctoritate cum *ἐπισημασίαις* adsignat; hoc tamen proprium habet, quod et scholion indicat, non omnes ibi stellas, sed primæ tantum et secundæ magnitudinis, indicari; Vergilias, Hædos et ejusmodi minores exclusas esse. Fructuosissima ejusdem nota est, qua de auctoribus, unde conflatum est, et de regionibus, ubi singuli observabant, exposuit. Alterum est *Gemini* (Petav. Uranol. p. 64.) illi subsimile, ita tamen ut sidera non mensis diebus, sed signorum Zodiaci partibus adscripta sint. Tertium, a *Leonico*

ποις. Si enim accuratius quæreretur, undevicesimo quoque anno, quo Metonis cyclus incœpit, cum iisdem ortibus easdem tempestates redire credebant. Brevius spatium ponens Plin. xviii. s. 57. coll. ii. s. 48. quarto quoque anno easdem redire ex Eudoxo tradit. Omnium si libet *minimos* ambitus, redire easdem vices quadriennio exacto Eudoxus putat, non ventorum

modo, verum reliquarum tempestatum magna ex parte; conf. Columella, libro III. vi. sec. 4.

\* In libro egregio, quo omni huic argumento præclare lucem adtulit: *De ortibus et occasibus siderum apud auctores classicos commemoratis Commentatio*, Gottingæ 1786. *præmio ornata*.

quodam Latine versum, e pluribus compilatum et sine auctoritate Petavio videtur. *Aetii Amideni* medici παράπηγμα (Petav. 421.) eas tantum aeris mutationes, quæ ad ægrotorum statum aliquam vim habere credebantur, excerptit. Usum eorum in Romanorum fastis rusticis, qui toti ab iis fere pendent, explicandis et dijudicandis maximum esse, patet.

III. In hac etiam re, Græcis præeuntibus, Romani rustici eadem parapegmata, ad quæ negotia rustica componerent et unde tempestates præviderent, quotidiano usu terebant, et Ovidius, in carmine suo condendo, hos fastos rusticos cum urbanis, qui raro siderum mentionem injiciunt, conjunxit. Accedebat autem in his alius adhuc usus, feriarum scil. rusticarum publicorumque sacrificiorum notationes, quem tamen usum Græcis etiam parapegmatibus fuisse, conjicere licet e Colum. IX. xiv. sec. 12: *Verum in hac ruris disciplina sequor nunc Eudoxi et Metonis, antiquorumque fastus astrologorum, qui sunt aptati publicis sacrificiis.* Mutato horizonte et tempore veritas eorum nulla erat, sed etiam post Cæsaris accuratiores calculos semper adhuc in usu manebant, et in normam negotiorum rusticorum adhibebantur. Pergit Col. I. c. *Quia et notior est ista vetus agricolis concepta opinio; nec tamen Hipparchi subtilitas pinguioribus, ut aiunt, rusticorum literis necessaria est.* Ex iis autem *kalendaria rustica sideralia* ut apud Colum. xi. 2; Plin. xviii. 25 sqq. Quincitilios apud Geop. I. ix. p. 39. exstant, conflata sunt, omniaque præcepta Plinii, Columellæ Virgilique, si tempus indicandum est, non anni menses, sed siderum occasus et ortus spectant. De ipsius autem cœli observatione tunc non cogitabatur in rustico, et Plin. xviii. s. 60. 65. 67. *indocilem cœli agricolam* ad folia decidua tamquam Pleiadum occidentium signum, cicindelas autem lucentes, sidera illa terrestria, ut cœlestium contemplatione careant, tamquam solstitii appropinquantis signum attendere jubet. Virgilium (Georg. i. 257.) etiam, qui præcipit:

Nec frustra signorum obitus speculamur et ortus,  
Temporibusque parem diversis quatuor annum ;

potius hoc sibi velle, ut horum fastorum usum commendet, quam ipsa sidera observare jubeat, egregie ad h. l. notavit Voss. Quin ex his ipsis tabulis, quibus auctorum nomina probabiliter, vel in titulis, vel in singulis observationibus adscripta erant, *astronomi illi duumviri* Conon et Eudoxus<sup>y</sup>, quos Virgilii pastor poculo insculptos habuit, pastoribus et agricolis innotuisse poterant. Ecl. iii. 40 :

In medio duo signa, Conon et quis fuit alter,  
*Descripsit radio totum qui gentibus orbem,*  
*Tempora, quæ messor, quæ curvus arator haberet.*

IV. Præter Græcorum et Alexandrinorum observationes, aliæ etiam in Italia insitutæ accesserant, verbi c. Cæsaris apud Plinium sæpe satis exactæ, et fasti plerumque et Græcas et Romanas junctim exhibere solebant. Plurimas vett. observationes, quoad veritatem astronomicam egregie et exacte ad Petavii fabulas propriosque calculos discussit, et horizonti ævoque suis reddidit ill. Pfaff. l. c. Priusquam vero simili ratione in quibusdam Ovidii locis ad veritatem astronomicam revocandis versabimur, et, quid de iis judicandum sit, videbimus, paucis *de ortuum et occasuum* apud veteres *diversis generibus*, et de veritatis astronomicæ probabiliter quærendæ ratione dicendum est. Veteres enim Græci ante Thaletem (vide supra) apparentes nonnisi ortus occasusque spectabant et ita nonnisi dividebant, ut ortum (*ἐπιτολήν*) et occasum (*δύσιν*), vel matutinum, vel vespertinum esse indicarent<sup>z</sup>. Quum

<sup>y</sup> Eudoxum autem esse illum, cujus nomen non suppetit canenti, ob celebre, quod ejus fasti apud rusticos habebant, nomen neminique secundum, fere exploratum est. Vide Lucanum, Phars. x. 187.

<sup>z</sup> *Ἐπιτολήν*, id est annum ortum,

vel quando sidus primum in cœlo apparet diligenter distingui vult Geminus (c. xi.) *ἀπὸ τῆς ἀνατολῆς*, id est, ortu quotidiano post solis occasum. *Δύσιν* item *ἀπὸ τῆς κρύψεως*, quæ tamen voces sæpius commutantur, ut passim reperies.

vero ortus apparentes et veros discernere didicissent, ita eos divisos et appellatos esse constanter invenimus :

Ortus matutinus verus, i. e. cosmicus.

———— apparens, i. e. heliacus.

—— vespertinus verus, i. e. acronychus.

———— apparens.

Occasus matutinus verus, i. e. cosmicus.

Occasus matutinus apparens.

Occasus vespertinus verus, i. e. acronychus.

Occasus vespertinus apparens, i. e. heliacus.

ubi hoc universe tenendum est :

1°. Mane veros ortus multis sæpe diebus præcedere apparentes. 2°. Vesperi apparentes præcedere veros. Astro-  
nomi Græci, et Columella, et Plinius semper, ut necesse est, sive ortus matutinus, sive vespertinus, interdum etiam sive cosmicus, sive heliacus, sive acronychus sit, annotant. Ovidius raro, sæpe falso, sæpe ambigue, uter ortus occasusve sit, indicat, et videbimus infra eum vix ipsum hanc differentiam, utut maximam, novisse, vel expressisse. Penes interpretes igitur manet semper investigatio, quale ortus genus in singulo loco accipiendum sit; et non mirum est sæpe eos in diversa abire, siquidem sine calculo et tabula nihil nisi globum aliave kalendaria in consilium vocaverant. Non solum ad hoc videndum, sed universe ad veritatem astronomicam dijudicandam, expeditissimam sane viam aperuit et cuivis patentem calculorum etiam imperito *Petavius*, tabulis condendis, in quibus multis iisque notissimis stellis ortus occasusque cosmici, heliaci, acronychi ad Romæ et Alexandriae horizontem, cum signorum Zodiaci partibus, in quas anno primo Juliano incidebant, assignati sunt. Uranolog. var. Diss. p. 58—61. His signorum partibus ad mensis dies, quibus tunc temporis respondebant secundum laterculum, quod p. 57. præmisit, relatis, accurate intelligi potest, quando quæpiam stella anno primo Juliano, vel Romæ, vel Alexandriae orta sit,

vel occiderit, unde, quale ortus occasusve genus in Ovidii aliorumque notationibus intelligendum sit, quatenus ad veritatem astronomicam accedant, vel denique an negligentiae, vel Ovidius, vel ejus auctores culpandi sint, judicari potest. Quam fructuosa sit hæc via, quam jam Petavius exposuerat, ad criticum rei studium, luculenter laudatus iii. Pfaffii liber ostendit, qui tamen numerorum typis expressorum accuratam castigationem passim in suspicionem vocavit, et semel in locum incidit, qui aperte falsus erat (p. 95.) Quædam etiam signa in Ovidio obvia, Aquarius et Pisces ibi desunt, et ex accessione horizontis Atheniensis, qui ibi sæpe desideratur, magnum haberet incrementum illa Petavii tabula.

Quas igitur Ovidii notationes singulas si quis ad tabulas illas exiget, advocatis aliis calendariis sideralibus, ad unum horizontem unumque ævum omnes nullo modo revocari posse, alias ad Romanum, alias ad Alexandriae horizontem pertinere, eumque modo Græcas modo Romanas auctoritates sequi, statim intelliget. Non enim cum Pontedera<sup>a</sup> consentiri potest, qui eum maxime fastis Cæsaris, qui postea sub Augusto emendatius prodierunt, usum esse voluit, quod nonnisi quibusdam in locis, ubi vere cum ævo Juliano et Romæ horizonte convenit, concedi potest. Verisimillimum erit et maxime consentaneum rationi, qua Ovidius in omni hoc argumento versatus est, ipsum usum esse fastis, quales Plinii et Columellæ sunt, ubi ortus et occasus *secundum varias plagas annotati*<sup>b</sup> erant, et inde pro lubitu et ut carminis rationes admittebant, notissimorum siderum apparentias modo huic, modo alii horizonti adscriptas in carmen suum transtulisse. Luculentius hoc

<sup>a</sup> Pontedera Antiqu. Latinarum Græcarumque enarrationes atque emendationes, præcipue ad veteris anni rationem attinentes. Patav. 1740. Qui vir post Cæsarem aliud kalendarium emendatum et Italiae magis adaptatum esse censet, quum Plinius inter-

dum Italicam rationem Cæsaris auctoritati opponat.

<sup>b</sup> Ita Plin. semper xviii. s. 66. iii. nonas April. in Attica Virgiliae vesperi occultantur. Eadem postridie in Bæotia: Cæsari et Chaldæis Nonis.

mihī arguere videntur ea loca, ubi ejusdem stellæ idem ortus bis diversis diebus adscriptus est, et ita ut alter accurate ad Romæ, alter ad Alexandriae horizontem pertineat. Accidit hoc in Delphini *ortu acronycho*, qui vi. 471. diei 10 Jun. adscribitur (in quem idem ortus Romæ incidit, ad Petavium Gem. 17°, 0 = d. 10 Jun.)

Navita puppe sedens, Delphina videbimus, inquit ;  
Humida quum pulso nox erit orta die.

Postea repetitur die 17 Jun. quod ad Alexandriae horizontem pertinet. (Gem. 25°, 2 = d. 18 Jun. quod uno die differt.) vi. 720 :

Continua delphin nocte videndus erit,  
quod et h. l. de ortu acronycho intelligi debet. Similia fere loca sunt, v. 733. et vi. 235. (vide Pfaff. p. 74 et 75.) ubi Bootæ occasus matutinus bis repetitur, et semel ad Romæ, semel ad Græciæ horizontem pertinet, et eodem modo se habebit *cum Lyræ et Reguli* occasibus, alio nomine postea laudandis, quos i. 654. d. 23 Jan. et iterum ii. 75. d. 2 Febr. adscribit, ubi in Calendario, quod ante oculos habuit, iidem occasus bis, sed secundum diversos horizontes adnotati fuere. Ad Ovidii autem imperitiam in his ortibus et occasibus carmini suo intexendis, jam pridem Kästnerus aliquando digito intendit (*Kästnersches Manchesterley astronomisch-philologischen Inhalts in d. neuen philol. Bibliothek. B. II. St. i. p. 7 sqq.*) et Ovidium, quid intersit inter ortum et occasum, vel *matutinum*, vel *vespertinum*, non solum neglexisse, sed forte ne scivisse quidem, et locus a Kästnero ibi expositus et multi alii, ubi aperte alterum alteri substituit, luculenter arguunt. Utrumque autem vere toto cœlo differre nemo ignorat, vel inspecto globo deprehendet ; i. 311 :

Ergo ubi nox aderit venturis tertia nonis,  
Sparsaque cœlesti rore madebit humus ;  
Octipedis frustra quærentur brachia Cancri ;  
Præceps occiduas ille subivit aquas.



Aperte occasum vespertinum verbi innuunt. Occasum autem *matutinum* dicendum fuisse omnes viderunt. Pro *aderit* autem rescribere *abiit*, etsi Latinum foret, nec obsequentem versum licet, qui vesperam innuit, nec hic error semper recurrens concedit.

I. 653. (d. 23 Jan.) Occasus Lyræ *vespertinus* cum casu Reguli *vespertino* jungitur. Toto cœlo hos differre ne verbo quidem indicatur, et ubi iidem occasus junctim recurrunt (causam supra tentavi) ii. 57. verba ejus aperte indicant, poetam utramque stellam toto cœlo distantem simul occidere, credidisse :

Illa nocte aliquis tollens ad sidera vultum  
 Dicit : Ubi est hodie, quæ Lyra fulsit heri ?  
 Dumque Lyræ quæret, medii quoque *terga* Leonis  
 In liquidas *subito* mersa videbit aquas.

Vertere liceat, quæ Kästnerus l. c. egregie disseruit : Si quis frustra Lyræ quæsiverat, idque, ut apparet, in cœli parte vespertina, converti hunc nonnisi oportebat, ut orientem videret : poetice igitur, non *mari immersum*, sed *emergentem* e mari videbat. Quod si noctem pervigilare voluisset, mane quidem Leonis occasum spectare poterat. Etsi autem nox ineunte Februario pervigilata non æque longa est in Italia, ac forte Gottingæ fuerit, dubito tamen, an etiam Romæ de integræ noctis intervallo *subito* dici queat. Et patebit ita, Ovidium, *Lyræ et Leonis occasum simul cerni*, vere credidisse. Occasum ibi duplicem esse, interpretes breviter adnotarunt, etsi vix aliquis inde sensum loci satis percipiat : *Eo magis exponendum esset, quam præter naturam passim depinxerit poeta, in cujus descriptionibus alibi non legere, sed ipsam naturam intueri nobis arbitramur.* Haud dubie stellas nonnisi e libris, cæteras res ex ipsa natura cognovit, et defuit una e virtutibus, quas in Astronomis laudat :

*Non Venus*, et vinum sublimia pectora fregit.

De aliis locis monere liceat, ubi eadem est utriusque

ortus commutatio, quæ lectorem facile in errorem inducat.  
Fast. iv. 165—170 :

Nox ubi transierit, cœlumque rubescere primo  
Cœperit, et tactæ rore querentur aves ;  
Semustamque facem vigilata nocte viator  
Ponet, et ad solitum rusticus ibit opus ;  
Pleiades incipiunt humeros relevare paternos, etc.

Fusa descriptione tempus matutinum indicat, ubi vespertinus est occasus. Cf. Pfaff. p. 63 et 64.

Fast. v. 545. Noctem contrahi et aufugere solito citius sidera canens, ut mox pulcherrima Martis appareat lux, his verbis utitur :

Sed quid et Orion et cætera sidera mundo  
Cedere festinant, noxque coarctat iter ?

ita ut Orion, mane occidens, occasum festinare videatur ; sed jam *die 9 April.* Fast. iv. 387. primæ ejus partes vesperi occiderant, ut Ovidius ibi explicandus est e Plinio : Non. Apr. “ Orion et Gladius ejus incipiunt abscondi,” et die 11 Maii reliquæ ejus partes secutæ erant Fast. v. 493 et 494. (cf. Pfaff. p. 84.) ita ut ne vesperi quidem, nedum per noctem et *mane*, quod Ovidius vult, ullum Orionis vestigium in cœlo esset, quatuor diebus post occasum ejus vespertinum : *Locus luculenter ejus imperitiam arguens !*

Cf. insuper iii. 403. quæ huc etiam pertinent. Majoris fere momenti sunt ea loca, ubi occasum etiam et ortum commutari nullum dubium est. In his etiam locis raro poetam emendandum censerem, et potius vitium interdum ejus negligentia, vel vitiis in ejus fontibus tribuerim, ubi facile voces semper recurrentes *oritur* et *occidit* passim commutatæ esse poterant<sup>c</sup>.

<sup>c</sup> Nusquam fere frequentius librorum oscitatione commutationes et depravationes admissas esse quam in locis, ubi verba quædam pauca fre-

quenter recurrunt, dudum a criticis observatum est. Et hodie hæc critica in parapigmatibus Græcis exercenda est, ubi verba ἔφορος, ἐσπέριος, δύνει,

1°. IV. 903. (die 25 Aprilis) Aries dicitur occidere :

Et frustra pecudem quæres Athamantidos Helles.

*Occasus acronychus* (Aries 12°. 45.) valde inde dissentit, quum in die 4 Aprilis incidat, *ortus heliacus*, quem huic substituendum putat Pontedera, propius accedit, quum sit in Ariet. 22°, 8 = d. 13 April. Attamen haud inde sequitur, locum emendandum esse cum viro laudato,

Nec frustra pecudem quæres, etc.

Cæterum Græcus auctor concivit cum Ovidio : apud Gem. ad Taur. i. *qui dies fere convenit*, legitur. Καλίππῳ ὁ κριὸς λήγει ἐπιτέλλων, id est, desinit oriri, sive partes extremæ asterismi oriuntur, quum dies modo scriptus 13 April. ad lucidam in capite Arietis, prius orientem, pertineat.

2°. Majoris momenti locus, iii. 405. (d. 5 Mart.) *Arctophylax* dicitur *mane occidere*, ut aperte verba loquuntur :

Quum croceis rorare genis Tithonia conjux  
Cæperit, et quintæ tempora lucis aget ;  
Sive est *Arctophylax*, sive est piger ille Bootes  
*Mergetur*, visus *effugietque* tuos.  
At non effugiet *Vindemitor*.

Substituatur *occasus matutinus ortui vespertino*, in quo omnes consentiunt. Euctemon, qui item Arcturum et Vindemiatores jungit ; Pisc. 12 : Ευκτῆμονι ἀρκτοῦρος ἐπιτέλλει, καὶ προτρογγήτην ἐκφανῆς. Ptolemæus haud dubie ex eodem d. 5 Mart. ἀρκτοῦρος ἐσπέριος ἐπιτέλλει. Plin. xviii. 26. 8 Kalen-

καὶ ἐπιτέλλει semper recurrunt. A-perta commutatio in Gemino Piscium 14 : Εὐκτῆμονι ἵππος ἔριος δύνει, quod mutandum esse in ἔριος ἐπιτέλλει omnes rationes postulant. Gaudeo idem animadvertisse Pontederam, p. 405. qui eodem modo medetur. Ita etiam in lib. iii. Fastorum, duo carmina 449. 450. intelligenda sunt et explicanda. Facilius tamen fortasse emendatio foret, si ἐσπέριος δύνει legatur, quod æque verum est, et a

Ptolemæo d. 5. 7. 9. Martii adscribitur, ὁ κοινὸς ἵππου καὶ Ἀνδρομέδας ἐσπέριος δύνει, quum ἐσπέριος et ἔριος facilius commutari poterant. Vide emendationes Ill. Pfaffii, p. 81. not. quas inter hanc etiam amplectitur. Pares errores sæpe notat Petavius Diss. p. 90. C. Firmicus pro occasu ortum scripsit, viii. 14. p. 91. A. Idem Plinium emendat: *emergitur* pro *immergitur*.

dar. Mart. hirundinis visu et postero die Areturi *exortu vespertino*, qui cum Eudoxo facit. Ad amussim autem Petavius cum Euctemone, in cujus tabula *acronycte oritur Pisc.* 13°. 32 = d. 5 Mart.

Idem video animadvertisse Pontederam, qui astronomicas rationes ne respexit quidem, p. 405. Quam Taubnerus tentat, medela, ut, interrogationis signo post *tuos* posito, locus negetur, vix mentionem meretur. Aperte inter vitia a poeta admissa referendus est locus, et probabiliter fastos, quos sequebatur, male legit. *Occasum enim matutinum*, quem in hunc diem male posuit, recte describit v. 733. (d. 26 Mai.)

Auferat ex oculis veniens Aurora *Booten*;

consentiente Petavio, qui eundem ad Gem. iii. 16. adscribit et fere Columella: xi Kalend. Jun. *Arcturus mane occidit*: cf. Euctem. in Gem. Ovidius maxime ad veritatem accedit.

3°. iv. 904. (d. 25 April.) Canis traditur oriri:

Signaque dant imbres; exoriturque Canis;

ad quod sidus placandum Robigalia instituta dicuntur. Occasum heliacum, sive vespertinum apparentem substituendum esse, ita ut festum celebraretur, quum primum Sirius in coelo apparere desierat, omnes viderunt. *Occasui* enim sideris vis perniciosa in fruges tribuebatur; vid. Plin. xviii. 29. Ad Petavii tab. occidit heliace Taur. 5°. 31 = 28. d. April. cum quo convenit Plin. Columella adponit diei 30. Pr. Kal. Maias Canis se vespere celat; et Virg. Georg. i. 217. canis occasum cum solis transitu in Taurum, quem Ovid. etiam tetigerat, jungit:

Candidus auratis aperit quum cornibus annum  
Taurus, et adverso cedens *Canis occidit* astro.

Cod. Farnes. lectio jam medelam adlatura erat: *occidit atque canis*. Neap. conjecit: *effugietque*, alii *occuliturque*. Sed hoc vitium a poeta admissum esse, persuasum mihi

est, et fortasse aliorum populorum sacra ad Sirii ortum celebrata (vid. quæ supra adduxi) ei ante oculos erant.

4°. v. 723. (d. 22 Mai.)

Nocte sequente diem canis Erigoneius *exit*. Si cum interpretibus facias, locus aperte falsus est. Hi enim *exit* accipere pro *oritur*, ut similibus locis vi. 474. *exit Eois aquis*: sed ortus ab hoc loco alienissimus est. In hunc ipsum diem incidit *occasus ejus heliacus* Taur. 29°. 2; cf. Plin. xviii. 27 s. 67. et Ptolem. ad d. 27. *προκίων κρύπτεται*. Quæritur itaque, ane verius ita intelligatur poeta, ut *exit* sit: decedit de cœli statione, aufugit ex aspectu, itaque *occidit*, etsi valde ambigue dictum est, et de ortu alibi sæpius dicitur. In loco sequente, non possum a me impenetrare, quin contrarium contendere maluerim.

5°. iii. 711. (d. 16 Mart.)

Postera quum teneras Aurora refecerit herbas,

Scorpius a prima parte videndus erit.

*alias*: notandus erit.

Utraque lectio aperte ortum mihi indicare videtur; et dubito an e verbis aliud quid elici possit. Indicandum fuisse *occasum* matutinum *primarum stellarum*, non dubium est. Euctemon: *τοῦ σκορπίου οἱ πρῶτοι ἀστέρες δύνουσι*. Et ita Columella et Plinius, iv. 163. (d. 1 April.) totius sideris *occasus* matutinus sequitur:

Dum loquor, elatæ metuendus acumine caudæ

Scorpius in virides præcipitatur aquas.

Eadem tamen ambiguitate *notandus erit* et Fast. v. 417. de *occasu* dicit:

Scorpius in cœlo, quum cras lucescere Nonas

Dicimus, a media parte notandus erit;

ubi mihi non persuadere possum, poetam, si *occasum* innuere voluerit, *notandus erit* dicere potuisse. In utroque loco poetam ortum sibi cogitasse, credere fere maluerim.

## EXCURSUS IV.

DE QUIBUSDAM VETERIS ITALIÆ NUMINIBUS ET IDEIS  
RELIGIOSIS.

**MAXIME** fortasse Ovidio debeamus eas, quas nobis de veteris Italiæ mythis reliquit notitias, et haud facile aliquis scriptor est, qui difficilis hujus nec tamen tenuis et infructuosæ quæstionis, quæ in veterum Latinorum ideis religiosis, numinibus et mythis enarrandis et ab interpolatione Græca discernendis versatur, denuo excutiendæ officium magis injungat. Omnem hanc rem, in qua veterum testimonia sæpe tam pauca exstant, et insuper critica plerumque indigent severissima, quum non raro verum inter multa frivola et grammaticorum somnia lateat, maxime lubricam esse et nonnisi in partibus ad certam aliquam lucem referri posse, et multi viderunt, et re ipsa, ut nunc est, conditio indicat. Egregie in quibusdam viam prævit Illustr. Heyn. (Exc. 5 et 6. ad Virg. Æn. vii.) et fore, ut jam dum hæc scribo, ab iis, qui præmium in hac academia de eadem re explicanda propositum ambituri sunt, quædam illustrata fuerint, spes mihi est jucundissima.

Quæstio statim in limine movenda merito in eo versatur, unde factum sit, ut mythi veteris Italiæ, si qui huic terræ proprii fuere, in populo tot scriptorum laude florente adeo parum propagati sint, ut vix ullus integer, reliqui fere omnes cum Græcis fabulis confusi supersint, plurimi interierint. Ex sola enim accessione religionum Græcarum, quæ, quum frequentior consuetudo inter utrumque populum intercedere cœpit, Romam delatæ sunt, nondum patrios mythos summos esse et decessisse necesse est. Heynius, Vir Ill. l. c. ad pravum illud Romanorum studium, omnes res suas antiquiores adeoque mythos et religiones ab antiquiore aliquo populo v. c. Trojanis et Græcis repetendi, hanc rem refert. Aliud mihi momentum hac in causa in-

super ponderandum videtur. Videmus enim populos antiquos in primis culturæ gradibus versantes et ante artis scriptoriæ vel plasticæ initia ad fabulas et religiones suas propagandas et posteritati tradendas carminibus, quæ a bardis suis composita omniumque ore frequentata erant, ad unum fere omnes usos esse. Habuere ejusmodi carmina Græci, Romani, Germani, Hebræi. Quæ si igitur, vel ob naturalem eorum præstantiam, ut in Græcis carminibus Homeridarum, vel casu aliquo servata sunt, veteres illæ ideæ et fabulæ hujus populi cum iis posteritati traditæ et quasi sancitæ sunt; e contrario cum iis plurimæ gentis fabulæ perire, et unicum tunc memoriæ genus mansere ritus sacri in memoriam Deorum instituti. Ita inter Romanos factum esse arbitror. Rudia illa, quæ Latium et Roma habuere, patria carmina<sup>d</sup>, citra dubium in religione patrum potissimum versantia, adeo parum auctoritate valuisse et virtutibus se commendasse videntur, ut nisi prius amissa, tamen poesi Græcæ in Italiam translata statim cederent, et cum iis patriæ illæ veteris Latii ideæ religiosæ et mythi haud dubie perierint, ita ut, nonnisi in festis et ritibus domesticis aliqua eorum notitia servata, causæ rituum illorum plerumque perirent. Inde simul apparet, cur ipsi veteres in mythis et causis, a quibus feriæ et ceremoniæ domesticæ repetendæ essent, adeo in diversa abierint, quum vetera illa monumenta vel deperdita essent,

<sup>d</sup> Ejusmodi fuere *Saturnii versus* metro rudi et incondito; Hor. ep. II. i. 158. et Ennius apud Cic. Brut. 18; *carmina Saliaria*, postea, quum ex accessione literarum Græcarum lingua mirum in modum mutata esset, vix intellecta, quorum autem magnam vim esse ad intelligendam patriam mythologiam certum est. Ea enim numina, quæ in illis nominatim occurrunt, jam tunc Romæ culta esse, judicare licet, et jam veteres grammatici ex eo, si quod numen in illis non obvium erat, de superiore ejus accessione conjece-

runt; (vid. infra de Venere.) In paucis iis, quæ habemus, fragmentis, v. c. *Janus*, cujus præcipue ibi partes fuere (unde Lydus a potiore: Σάλιοι ἠμνοποιοῦντες τὸν Ἰαννόν) *Saturnus* (quam formam vult Scal.) *Lucetius*, *Volumnia*, *Mania*, *Pilumnus* occurrunt, de quorum antiquitate et domestica in Italia religione judicare licet. Aliud eorum commodum in eo versatur, ut, si quid aliud, antiqua eorum lingua, ad veram notionem deorum quorundam domesticorum conjectura adsequendam ducat.

vel ob inconditam linguam vix intelligerentur. Græcis autem fabulis literæ Romanæ tunc potissimum citra dubium obrutæ sunt, quum Græcis poetis et scriptoribus vertendis Romani ingenium exercere cœpissent, et tunc maxime, quum pro Crono *Saturnum*, pro Rhea *Opem*, pro Baccho *Liberum* substituerent, factum est, ut mythi Græci ad hæc nomina domestica referrentur. Ita in multis accidit, ut nonnisi nomina ad Latium pertinentia arguant religionem eorum ibi domesticam esse; fabulæ omnes e Græcia petitæ sunt. Jucundissimum accidit, si quando commutationis eorum cum numinibus Græcis momentum aliqua cum verisimilitudine deprehendisse nobis videri possumus, ut v. c. Saturnum cum *falce* agresti in *Κρόνον*, quod ille *falce* demetebat, abiisse multi bene observarunt. In aliis v. c. *Anna Perenna*, *Maia*, *Sanco*, haud dubie appellationis similitudinem, in aliis ut in *Matuta*, vocis significationem illud momentum fuisse, quo nomine comparabantur et commutabantur, apparet; vide infra.

De quibusdam certe numinibus in vetere Latio citra controversiam domesticis, deque aliorum probabili notione et interpolandi ratione quædam verba facere, post ea quæ Ill. Heynius l. c. habet, ab Ovidii interpretatione non alienum erit. Universe numina illa, modo reges heroesque in deorum numerum relati, modo præsides et primi auctores operum agrestium, modo nymphæ et numina sylvestria et montana vaticiniis clara, modo dei tutelares singulorum hominum fuisse, videntur. De *Jano* et *Saturno* celeberrimis omnino in hac mythologia nominibus h. l. agere supersedeo: de altero quæ tentari possunt ad Fast. i. collegi; de altero ad Ill. Heynium l. c. relegare licebit. De *Silvano* multa collegit et disputavit Ill. Voss. ad Eclog. p. 521. De *Libero* s. *Læbasio* vide eundem ad Ecl. vii. 58. De Cerere, quæ mature cum Demetre commutata est, vix aliquid præter nomen, quod Sabinum esse, et *panem* sonare volunt grammatici, superest; Serv. ad Georg. i. 7. Alii explicabant per *Geres*, permutatione literarum



antiqua; Cic. Nat. Deor. ii. 26. Ambarvalia illa (Tib. ii. 1.) quibus junctim cum Libero plerumque culta est, ad veterum ejus in Italia cultum pertinere videntur, quum *Cerealia* contra urbana prorsus more Græco celebrarentur, et a Demetriis Græcorum repetita essent; Cic. pro Balbo, cap. 24.

Si, quod certum est, vita pastoritia agrorum culturam in Italia præcessit, numina huc spectantia, ut *Pales* et *Ops* forte etiam antiquiora sunt illis culturæ auctoribus, et ad vitam fere nomadicam ascendere possunt. *Palilia* illa (vid. Fast. iv. 721.) ipsa Roma antiquiora memoriam nobis servarunt *Palis*, de quo numine tam parum liquet, ut aliis femina, aliis mas videatur, quod ad antiquam statuam, cujus sexus non amplius apparebat, refert Ill. Lenz. ad l. c. Plurima eo redeunt, procreationi et generationi eam præfuisse, quod et ipsum festi nomen indicat; non enim pro pecudis solum, sed et mulierum fecunditate, eo festo vota suscepta legimus<sup>e</sup>, et altera scriptura *Parilia* (a pariendo) hoc aperte innuit. Comparatis pluribus vocibus, ubi *l* et *r* commutata sunt, et *in se* invicem abierunt, (cæria, cælia, λείριον, lilium; cf. quod Ovid. tentat de Remuriis et Lemuriis) ipsi scripturæ *Pales* et *Palilia* hanc notionem inesse fere crederem.

*Opis* nomen divitias et opulentiam prisca hominis rustici, quæ in rei pecuariæ et gregum affluentia totæ comprehendebantur, referre videtur. *Ops* esse oīs, ovis, ut δαίς, daps, et a pecude ad omnem possessionem antiquitus translatum esse jam prius monitum est<sup>f</sup>; vid. Voss. ad

<sup>e</sup> Tibull. II. v. 91: *Et fetus matrona dabit*, etc. Festus: *Parilia* festa sibi observanda judicant privatim ipsæ quoque puerperæ domi in stratis, ut pariendo ab iis stabiliantur. De votis pro pecudis partu, vide etiam Dionys. i. 88. et Ovid. l. c.

<sup>f</sup> Ab ipsa forma *opis* ... ovis est opilio, pro quo et ovilio reperitur. Inde opulentus, inops. Ut autem a pecude, in quo omnes fere prisca ho-

minis copiam versabantur, πολύμηλοι, πολυάρνες apud Homerum sæpe notionem divitum præbent, ut inde *pecunia* dicitur, ut apud Homerum πρόβατα quæ κειμηλίοις opponuntur, et hodieque passim in Germania *tauri* κατ' ἐξοχήν *das Gut* vocantur, ita *opes* postea de omnibus, quæcumque aliquis possideat, dici cœperunt; vid. Voss. epist. myth. i. 17.

Ecl. X; Scalig. ad Fest. h. v. Pro Saturni conjuge jam tunc fuisse habitam, Opalia cum Saturnalibus conjuncta, et Opis cum Rhea, Croni uxore, commutatio innuunt. Macrobio (i. 10.) ipso cum Saturno frugum et fructuum repertores dicuntur, nunc tanquam vitæ cultioris auctores coli soliti. Aliis terra videbatur, quod semen recipiebant, quo etiam *Opis consiviæ* cognomen spectat.

*Vertumni* quoque et *Pomonæ* memoria flaminibus, templis, et feriis celebrata est. *Pomonæ* munus nomen prodit; de *Vertumuo* ipsi veteres interdum dissentiunt; eo tamen plurima recurrunt, ipsum nomen munus ejus indicare, ita ut omni rerum vicissitudini, anni etiam diversis temporibus præesset. Locus class. apud Prop. iv. 2.

Proxime eandem ob rationem ad eum accedit *Anna Perenna*, in cujus festo ver, *lætum anni tempus spatium* suo rediens, publica lætitia excipiebant. Ovidius multus est de hilaritate et gaudio interdum effuso, cui suo adhuc tempore bibendo, jocando, cantando et saltando in Annæ nemore ad pontem Milvium indulgebant. Ovidius, qui in ea explicanda quidem fabulas alienissimas admiscet, et in alia omnia abit, alibi tamen manifesto ipsam ad Anni initia fausta refert (iii. 145. 146.) si quidem anni veteris auspicia hanc etiam ob causam a Martio petit, quod ibi *Anna Perenna* colatur. *Nec mihi parva fides, annos hinc isse priores, Anna quod hoc cæpta est mense Perenna coli*; in qua argumentorum serie eosdem cum Macrobio (i. 12. post init.) fontes, haud dubie fastographos illos (vid. sup. p. 454. Exc. i.) respexit. Inter alios antiquiores Latii deos recensetur his Varronis versibus: te *Anna* et *Perenna*, *Panda* καὶ λάτω *Pales*, *Nerienes*, *Minerva*, *Fortuna* ac *Ceres*.

Ipsum nomen æque ac *annus* esse a notione orbis, circuitus, cui omnes fere populi annum similem fingunt, persuasum mihi est. Voces: *Annus* et *Annulus* (id est, circuli) ἔτος, ἐνιαυτός, *Jahr*, *year* ab antiquo *yra* circuire, jam compararunt *Bredow* et *Vossius*; sed et *an-*

*num* esse a particula vetere *an*, id est, circum, jam Ateius Capito apud Macrob. i. 14. animadvertit, et multa verba cum hac particula composita arguunt; confer Fest. vid. Am. verba: *anquirere* (circum, circa quærere,) *anceps* (διπρόσωπος) *anclabre* (ἀμφικύπελλον,) *ancile* (circumcælatum, Neapol. ad ii. 435.)

Singulare autem in mythologia veteris Latii momentum est, numina ista tantum non omnia vaticinio et cantu apud mortales claruisse, et celeberrimorum oraculorum in Italia antiqua undique vestigia sunt.

De Fauno Picoque, de quibus locus class. exstat apud Virg. Æneid. vii. 81; deque celeberrimo Fauni oraculo, quod Latinus de Lavinia sua consulit, abunde egit ad h. l. Illust. Heynius; Ovidius duobus locis (Fast. iv. 651; iii. 291.) ejusdem oraculi, quod diverso modo exornat, mentionem injecit. A vaticiniis eidem *Fatui* nomen inditum est, quod proprie *fatidicus* est, postea ex eadem idearum conjunctione, de delirante, desipiente dici cœpit, qua μάστις de utroque Græcis dici solebat, ita tamen, ut in μάστις notio *furendi* præcederet. Frequentius uxor ejus *Fauna Fatua* dici solet. Vetus de ea mythus (Butas apud Arnob. v. p. 99; Elm. Plut. Quæst. Rom. 20.) narrat mulieribus eam fata cecinisse, Faunum viris, nec unquam ob singularem castimoniam virum vidisse; tandem, quum clam maritum e vino potu ebrietatem contraxisset, virgis ab eodem ad mortem cæsam esse, postea divinis honoribus auctam. Ad hanc fabulam referendi sunt ritus sacrorum ei die 1 Maii offerri solitorum. Eadem enim videtur, quam *bonam Deam* vocabant, consentiente Plut. Cæs. p. 711. Bonam Deam Dryada et Fauni uxorem dicente; Macrob. i. 12. Terram etiam et Opem immiscet. De commutatione cum Pane res nota est, et Lupercalia recte Ovidius a Lycæis Arcadicis repetit (ii. 281;) nam ad regem Latinum prorsus non spectant. Quicquid etiam de terrore Panico et repentina fuga gregum Faunis tribuitur, jam Pani suo tribuerant Arcades.

Pertinent porro ad hoc genus *Canens*, *Egeria*, *Camenæ*, *Carmenta*, *Porrina* et *Postverta* (Ovid. i. 635.) de quibus ad Ovidium passim agendum est. Etiam *Martis* oraculum apud Aborigines habet Dionys. i. 14; ubi picus columnæ lignæ insidens deorum voluntatem exponit. *Juno* oracula edens plus semel occurrit v. c. in luco Exquilino sub nomine *Lucinæ* (Fast. ii. 440.) Ab eadem futura præmonendi facultate, et monitis ejus in reipublicæ calamitatibus audiri creditis, postea *Monetæ* nomen accepit. Inprimis in historia Sabinarum raptarum mentio fit *Consi*, dæmonis cæterum ignoti, qui Romulo consilium de raptis virginibus suppeditavit, (Κῶνσος, βουλαῖος Plutarch.) in cujus honorem Consualia celebrata sunt, quique haud dubie consilii præses fuit, ut nomen ipsum prodit; conf. Plut. Rom. xiii. 3; Dionys. ii. 32. Si denique, quod vix aliter se habere potest, *Minerva* ad terram Latinam pertinet, mox cum Pallade Græca commutata, hæc etiam ad ea, quæ consilio et sapientia sua homines monere et adjuvare credebantur numina, pertinere debet. Menervare enim antiqui dicebant pro monere (Fest. *promenervat*.) et *Minerva* igitur eamdem notionem, quam v. c. *Moneta*, offerret. Recte igitur in hanc sententiam Festus: *Minerva, quod bene moneat; hanc enim pagani pro sapientia ponebant.* Unicum hoc forte vestigium de eo, quod *Minerva* apud priscos Italos sibi voluerit; nisi quis hoc nomen Latinum demum ad exprimendam Pallada Græcorum formatum esse malit.

Romanis, vel potius Hetruscis etiam domestica est *Larium*, vel publicorum, vel privatorum religio. *Lar* apud Hetruscos i. q. *dominus*, *princeps*, tum viris nobilibus honoris causa præponitur (*Lar Herminius*, *Lar Tolumnius*, *Lar Porsenna*, Liv. iii. 65; iv. 17; ii. 19.) tum diis inferioribus et domesticis tribuitur, et prorsus respondere videtur τῷ ἥρωι priscorum Græcorum, quod ætate Homerica, tanquam epitheton honorificum, viris claris veniebat, postea de hominibus divino honore auctis dicebatur: vide

Schn. h. v. de herois notione. Ut porro ἥρωες ἐπιχόριοι in Græcia, id est, viri demortui et de civitate sua bene meriti una semper cum diis domesticis coli solebant, ita apud Romanos quæque civitas, gens et familia proprios sibi habebat Lares, ad quos tum viri civitatis principes, tum singularum gentium patres, quibus vis aliqua in familiæ salutem tribuebatur, pertinebant. Plautus: *Ego sum Lar familiaris ex hac familia . . . familieque Lar pater.* Amphit. prolog. 2; Merc. V. i. 5. Post apotheosin Cæsar, et Octavianus ex urbium adulatione jam 718. post Sext. Pomp. victum iis additi sunt, quod Hor. IV. v. 33. heroum cultui in Græcia comparat.

De publicorum Larium matre Lara, Larunda, dea Muta, Mana, Mana Geneta, etc. denique de Manibus, Summano, Lemuribus et Larvis, exponendi occasionem Ovidii loca præbebunt.

Quædam addere liceat de aliarum veteris Italiæ gentium diis et religionibus domesticis, quæ plus minusve postea Romam etiam migrarunt. Ita potissimum Satrici, Volscorum urbe, sanctam *Matutæ* matris fuisse religionem Livius (vi. 33; vii. 27; XXVIII. ii.) tradit. Satis notum est, hoc numen pro *Leucothea* Græcorum semper habitum esse. Veram autem hujus deæ, quæ ad priscam Italiam spectat, notionem assecutus esse videor, si ab Lucretio eandem prisco illo sensu ab interpolatione Græca libero abhibitam video; de Rerum Natura, libro v. vers. 655. ubi ita canit ille vates:

Tempore item certo roseam *Matuta* per oras  
Ætheris Auroram defert, et lumina pandit ;

*Matuta* ut ἠώς Græcorum diei primam lucem designat, et hanc veram verbi notionem esse cognatæ voces et grammaticorum testimonia docent. Nonius Marcellus: *manum* dixere clarum, unde etiam mane post tenebras diei prima pars; inde *Matuta*, quæ Græcis *Leucothea*; et Priscian. ii. p. 591. Putsch. *Matuta* significat Auroram. *Matutinum*

*tempus* inde dici, vix monendum est. Quod si igitur hæc prima ejus notio erat, ut primam diei lucem designaret, et inde *Matuta*, id est, *lucida, splendida*, (ut solem Græci *φωῖβον*, splendidum, appellabant) diceretur; facile conjicere licet, quomodo cum *Λευκοθέα* Græcorum commutata sit, cui commutationi haud dubie nominis significatio ansam præbebat; mox dici coeptum est *Leucotheam* cum *Matuta* eandem esse, et fabulæ Græcæ de Ino sive *Leucothea* ad *Matralia* etiam Romana transire mature coeperunt, ut ceremoniæ hujus festi solemnes (Fast. vi. 481.) ad Inus fabulam adludentes, et Græcæ proprie originis (Plut. Quæst. Rom. 16.) aperte produnt. Quæ si ceremoniæ ad ipsum Servium templi conditorem adsurgunt, interpolatio Græca hoc ipso (ut re vera videtur) antiquior esse debet. Cultus Volscorum an more Græco celebratus sit, non apparet.

In Sabinæ gentis numinibus, hujus gentis auctor *Sancus*, ob templum quod Romæ habuit, et varias ejus interpretationes celebrer est; (Fast. vi. 213. 214.) De popularium cultu locus insignis apud Sil. viii. 421. *Ibant, et læti pars Sancum voce canebant Auctorem gentis, pars laudes ore ferebant, Sabe, tuas, etc.* Coll. Lactant. I. xv. sec. 8; qui, ut Faunum Latinæ, Quirinum Romanæ, ita Sancum Sabinæ gentis auctorem vocat. Romani etymologiam hujus nominis proprii, quod fere cum Anco (nomine item Sabino) convenire videtur, a *sanciendo* quærentes, inde eum Jovem, sancientorum foederum præsidem, interpretabantur, et foedera ei sacra putabant. Dionys. IV. cap. lviii. p. 257; ix. p. 617. (*ἐν ἱερῷ Διὸς Πιστίου ἐν Ῥωμαίων Σάγκτον καλοῦσι.*) Post eam interpretationem demum dei Fidii, Fidionis nomen ei inditum videtur, et ex eo orta commutatio cum Hercule, quem in jurejurando alias invocare solebant. Frequentissima omnium hæc commutatio, et Sancus passim nonnisi cognomen Herculis putabatur; quod Propert. IV. ix. 74. ab orbe terrarum manibus suis sanciendo, id est, purgando, derivat. (?) Aliud cognomen *Semo*, *Sanco* vulgo

inditum, quod semihomo explicant, nescio quo jure fatoque in libris antiquitatem explicantibus, ad omnes heroas et semideos transiit; æque mirandum me iudice, ac si divisionem illam in deos majorum et minorum gentium, quam fere jocose Cic. Tusc. i. 13. a senatu Romano ad deos transfert (alibi etiam ad Stoicos, Acad. iv. 41.) tamquam priscis solemnem in libris mythologicis serio adoptari videmus; quum Stoicos, in quos eandem divisionem transfert, in majorum et minorum gentium Stoicos serio dividere non facile cui in mentem veniat. Citra dubium ab antiqua scriptura, vel e Fastis Præn. nota (i pro e, Viniri pro Venere) profectum est, si Tertullianus, qui *Simoni, Deo Sancto* templo inscriptum legeret, Simonem magum (Act. viii. 18.) Romæ cultum sibi deprehendisse videbatur; vide Neap. ad vi. 213.

Ad eundem populum pertinet dea quædam bellica, pro uxore Martis ibi habita, *Neriene*, Nerio, Neria (ut Anio, Anien) quam docta disputatione ex Ennii, Licinii aliorumque locis vindicat Gell. xiii. 22; cf. vers. Varronis supra de Perenna. Virtutem et fortitudinem ipsa vis vocis innuit, quæ in cognomen Claudiorum, Sabinæ gentis, qui a fortitudine Nerones appellabantur, transiit; vide Suetonium, Tiber. 1: *Nero lingua Sabina fortis et strenuus*. E Lydo, p. 85. eandem Romæ cum Marte marito Tubilustrii die cultam esse cognoscimus, ubi eandem interpretationem adjicit.

In Tusculanorum religionibus domesticis præcipue laudatur *Maiia* (magna Dea) quæ tellurem referre videtur, et Vulcani uxor dicitur. Forte et Maius, id est, summus deus, Vulcani nomen apud Tuscul. fuit, etsi plerumque Maium ad Jovem referunt. Vindicanda erit eadem Gellio, xiii. 22. ubi *Naiia Volcani* apud Gronov. perperam legitur. Ab alterutro autem Maium mensem nomen habere adserunt auctores apud Macrob. quod ad probabilitatem omnium proxime accedit, et plurimi Bonam Deam, die 1 Maii coli solitam, ad hanc Maiam referunt. Forte Faunæ,

Terræ, Maiaë nomina in unum numen cumulata sunt, vel utriusque festum nonnisi in unum diem incidebat. Commutatio ejus cum Maia Mercurii frequens in grammaticis.

Multum referret, si tempus, quo hujus vel illius numinis cultus in Italiam primum advectus sit, persequi liceret, ubi in paucis vel conjectura aliquid efficere licet. Serius aperte, et vel post Numæ tempora transierunt v. c. *Apollo* et *Venus*. Apollinem, quem cum ipso nomine Græco adoptarunt, a Numæ indigitamentis, vel canone deorum a Numa agnitorum alienum fuisse Arnobius narrat, et Veneris nomen neque in carmine saliare occurrere, neque omnino sub regibus cognitum fuisse, Cincius et Varro Macrob. i. 12. tradunt.

Denique adjiciamus quædam de Hercule, divitiarum, fortunæ et sortis præside, ad Fast. vi. 212:

Altera pars Circi, custode sub Hercule tuta est.

Si titulos quæris, *Sylla probavit opus*.

Huc referunt locum Plutarch. Sylla 35: 'Αποθῶν δὲ τῆς εὐθείας ἀπάσης ὁ Σύλλας τῷ Ἡρακλεῖ δεκάτην; e more Romanis satis consueto Herculi bonorum decumam offerendi, eumque inde novarum divitiarum acquirendarum sibi sperandi adiutorem<sup>ε</sup>. Quum et alia loca accedant, ubi Hercules tanquam divitiis, sorti et fortunæ præpositus adparet, et quum veteres et quidam recentiores jam hac de re quæsi- verint, paucis, quid sentiam, profiteri liceat. Post pollicendi illum morem, tanquam divitiarum acquirendarum viam superstitiose creditam, thesauri etiam subterranei, subito et præter spem eruti, ejus favori deberi credebantur, et universe ut cui maxime res suæ feliciter procedebant, ita Hercule se dexterrimo uti credebat, eumque colere solebat. Huc pertinet Horatii illud Sat. II. vi. 10:

<sup>ε</sup> Plaut. Bacch. IV. iv. 15; Stich. II. i. (al. I. iii. 80;) Varro, L. L. v. 54; Dionys. i. 40. de ara maxima: δεκατησίαις χρημάτων γίνονται σπυ-

ραι κατ' εὐχάς. Quare et Crassum et Lucullum frequenter decumam dedisse legimus, et a mercatoribus factum esse e Varrone apparet.



O si urnam argenti fors quæ mihi monstret—*dives amico Hercule*; et Pers. ii. 11: Sub rastro crepet argenti mihi seria *dextro Hercule!* ubi scholiastæ animadvertunt, “Herculem divitiarum præsidem esse.” Quo autem nexu, quæso, hoc divitiarum præsidium cum heroe illo Tiryinthio, rebus ejus gestis, laboribus et mythis? quem tanquam Pluti et divitiarum inimicum ipsa fabula repræsentat<sup>h</sup>? Inter veteres jam Plut. Quæst. Rom. 18. ea de re quærens, multa tentat, nec sibi ipsi satisfacere videtur; conf. Wieland. ad Horat. l. c. Quid igitur, si ea, quæ de Hercule forte sub nomine *Heaarkel*, id est, mercator, a Phœnicibus culto, cujus et ideæ et res gestæ postea aliquando ad Herculem Græcum translatae sunt, jam pridem a quibusdam conjectata esse video, hoc etiam nomine in subsidium vocare tentaremus? Bene illi viderunt (vid. Encyclop. univ. voc. *Herc.*) præsertim itinera illa, quibus terrarum orbem peragravit, ad Oceanum usque occidentalem penetravit, et Herculis columnas condidit, ad Herculem illum Tyrium proprie pertinere, et inde ad Herculis Græci famam, cui magna etiam itinera adscribebantur, postea accessisse<sup>i</sup>. Poterat hic Hercules Tyrius priscus eorum heros esse, quem primum loca illa ad mercaturam gravissima adiisse fama narrabat, et quem nunc tanquam divitiarum et fortunæ auctorem atque præsidem colebant, eique pro felici successu vota faciebant. Hoc modo Herculem Tyri, Carthagine, Gadibus pari religione cultum esse legimus; et omnia ista templa donis opulentissimis Herculi ex voto datis conspicua fuerunt. De opibus templi Tyrii vide Dio. xlii. 49; et eundem, xliii. 39. de templo Gaditano, quod prorsus simile erat illi Tyrio; Herod. ii. 44; Philostr. v. 4.

<sup>h</sup> Phædr. iv. 11. Cælo receptus propter virtutes Hercules, veniente Pluto, qui Fortunæ est filius, avertit oculos, dicens: “Odi illum, quia malis amicus est, simulque objecto cuncta corrumpit lucro.”

<sup>i</sup> Ipsi portus Herculis, quorum in

Italia plures occurrunt, H. Moneci, Labronis, in quibus fama accedit, eos ab ipso Hercule conditos esse, ad Phœnices pertinere videntur, qui omnia in Herculem tanquam nomen aliquod illustre cumulabant. Vide Virg. vol. iii. nostræ Coll. p. 203. note 831.

Persuasum inde mihi habeo, Romanos hunc morem, votis et decumis in Herculis ara oblati, divitias ab Hercule expetendi, eique opum et fortunæ præsidium adscribendi, quandocumque ab hoc Phœnicum more petiisse; et certe hic mos æque accedit prope ad Tyrium illum Herculem, quam procul eum abhorrere ab heroe illo Græco omnes viderunt<sup>k</sup>.

---

## EXCURSUS V.

DE ROMULI ANNO DECEM MENSIVM AD FASTOS, III. 121.  
ET I. 28.

Tempora digereret quum conditor urbis, in anno  
Constituit menses quinque bis esse suo.

.....  
Annus erat, decimum quum luna repleverat orbem.

**I. RATIONEM** a plurimis veterum initam<sup>l</sup>, ut menses, quales postea erant, lunares acciperent, modo triginta dierum, modo triginta et unius, et ita anno Romuleo 304 dies adsignarent, acute jam confutavit illustr. *Bredow* (*Hist. Unters. H. I. p. 38.*) Disertis enim verbis Livius anni divisionem ad *lunæ cursum* Numæ demum adscribit; et, quod omnino gravissimum est, ipsius anni notio, quæ cer-

<sup>k</sup> Quod si igitur in Syllæ nummis apud Ekhel. tom. vi. p. 93. Herculem agnoscit vir doctus, "quacumque de causa illum monetæ intulerit, nescire se" dicens, vix amplius de causa, cur adsidue Herculem coluerit Sylla, dubites. Hic enim vir, qui ipse confiteri solebat, Fortunæ se omnia debere, et inde Felicis, Fausti, cognomina sibi imponebat, Herculem, qui tanquam opum et divitiarum præsidii, bonorum

sub ejus præsidio paratorum decumam offerebat, omnino maximi habere debebat, et eandem ob causam, qua Venerem et Fortunam, etiam Herculem in nummis exhibet. Tamquam sortis et fortunæ præses apparet etiam in historiola apud Plut. Romul. 5. ubi talis ludit cum ædituo.

<sup>l</sup> Ovid. l. c. Macrob. i. 12; Solin. i. Censorin. xx.

tum orbem gravissimorum naturæ phænomenorum, et temporis certo spatio recurrentium designat, annum solarem aperte desiderat. Et omnino nihil naturæ magis consentaneum est, quam ut populi rudes hanc periodum a natura ipsa constitutam, et maxime in oculos incurrentem, ad tempora digerenda adhibeant. Si vero h. l. annum solarem ponimus, de mensium numero et ratione difficultas oritur.

II. Fuere jam inter veteres, qui omnem hanc de decem mensibus famam negarent, et nonnisi ex antiquariorum conjectationibus, quod Quinctilis et Sextilis a numero dicti essent, ortam esse scriberent. Ita Licinius Macer et Fenestella apud Cens. et e recent. Scalig. emend. tempor. ii. p. 172. ejusdem sententiæ se patronum obtulit. Eandem fere paulo tamen immutatam amplectitur Plutarch. (Numa, xviii. sec. 1 et 2.) duodecim menses accipiens, quorum primum locum Martius, undecimum et duodecimum Januarius et Februarius occuparent; ita tamen quoad dierum ordinem dispositos, ut sibi impares alius ne vicanos quidem, alius ultra triginta quatuor dies haberet; in quo ordine hoc unum spectaretur, ut annus 360 dierum existeret. Sed hac etiam ratione constans reliquæ antiquitatis fama negligitur, et viæ quærendæ erant, quomodo decem menses in anno pleno solari explicari possent.

III. A Plutarcho igitur ductus Petavius annum accipit mensibus imparibus distinctum, sed decem tantummodo, *ita ut modo longiores, modo breviores*, tamen justum anni spatium implerent; et fere similiter illust. Bredow. loc. cit. sentit numerum denum, tanquam Romanis et alibi solemnem, ad hanc anni divisionem in decem partes, a lunæ motu alienas, *sed fere suppare*, adhibitum esse. *Laudat* Vir Cl. alios etiam populos (confer etiam Putean. de bissexto Græc. Thes. viii. 457.) qui annum solarem in partes modo plures, modo pauciores, libere tamen a lunæ cursu distinctum haberent, v. c. Mexicanos, qui annum in 18 partes ita diviserant, ut quævis pars 20 dies haberet, 5 in

toto anno superessent, et Indos (Curt. viii. 9.) qui 24 anni partes habebant: quibus addere liceat Kamchatkanos, qui, secundum labores suos in agro colendo, annum in decem partes dividunt. (*Voyage de M. l'abbé Chappe en Sibérie, tom. iii. p. 17 et 18.*)

IV. Fortasse et causam hujus Romanorum divisionis reperire licet, quæ sese aliqua probabilitate commendet. Apud Athenienses, ut populus in decem *φύλας*, et senatus in totidem *πρυτανείας*; ita etiam totus annus in decem partes (*πρυτανείας*) divisus erat, quarum quævis triginta quinque vel sex dies habebat, et in quibus singulis singulæ senatus *πρύτανεις* reipublicæ præerant. Hæ anni partes juxta menses consuetos solemnī divisioni inserviebant, ut mercedes ad earum ordinem solverentur, etc. et ipsæ aliquando per abusum *μήνες* vocantur: vide Ammonii locum apud Neap. ad i. 29. s. v. *πρυτανεία*. Etsi igitur scriptores Romani in hist. Romuli, de simili senatus divisione et imperii per vices tenendi more nihil edant, Ovidii verba (iii. 127.) similem divisionem non obscure innuunt:

Inde *pares*<sup>m</sup> centum *denos* secrevit in *orbes*  
Romulus:

et quid igitur, si anni totum orbem ita, ut in Atheniensibus fieri videmus, a Romanis etiam ante Numam, qui “*omnium primus annum ad lunæ cursus in duodecim menses divisit*” a tempore, quo quæque decima senatus pars imperium urbis teneret, divisum esse statueremus? et decem menses *pares*, circiter totidem dierum ac *πρυτανείαι*, in anno Romuleo acciperemus? Nomina harum partium, seu mensium<sup>n</sup>, si ita eas vocare licet, a numero petita esse poterant, e quibus Numa quædam etiam in mensibus lunaribus ser-

<sup>m</sup> Alii *patres*: sed *pares* jure prætuli.

<sup>n</sup> Derivatur quidem vulgo nomen mensis a *μήν*, ita ut nonnisi de mense lunari originitus dictum sit. Fortasse

vero æque bene a *metiri*, *mensus sum*, derives, ita ut ii, qui primi hoc nomen posuerunt, non lunam, sed divisionem tantum anni respexerint.

vavit°. Annum autem initium cepisse ab eo tempore, quo nunc Martius est, et constans omnium fama est, et plura argumenta probabiliter declarant. Tum enim naturæ maxime consentaneum est, a vere anni initium petere, tum Annæ Perennæ festum, anni initia fausta haud dubie designans, tum denique ceremoniæ illæ antiquæ ad anni initium spectantes, quas Ovid. iii. 137. et Macrob. i. 12. exhibent, non obscure innuunt.

## EXCURSUS VI.

QUÆSTIONES AD INTERPRETANDOS QUOSDAM LOCOS  
SPECTANTES.

1°. VI. 773. **QUAM** cito venerunt *Fortunæ fortis honores*. Quæri potest, an *Fortuna*, cui Servius hoc die templum dedicavit, primo casu *fortis Fortuna*, vel *Fors Fortuna* dicta fuerit. Prius verum esse, certissime nunc mihi probatur. *Fortis* (vel *fortis*, *fortus*, *horetus*; conf. ad iv. 620.) priscis Romanis fuisse i. q. bonus, et Fest. (vid. *Sannates* et *Horctum*) expressis verbis tradit, et exempla apud Plautum, ubi hoc usu occurrit, probant; Mil. IV. iii. 13; Bacch. II. ii. 38.

Ecquid *fortis* visa est? de puella, ubi est i. q. *bona*, *pulchra*. Eodem sensu vir *fortis*, alibi bonus (*Patriot.*) Eo autem minus dubito, ipsum forte templum inscriptum fuisse: *Fortuna fortis*, quum ex hac solum forma lucem nanciscatur Plutarchi locus perquam singularis: (de fort. Rom. p. 319. A.) Τύχην, ἣν φορτικὴν καλοῦσιν, ὅπερ ἐστὶν ἰσχυρὰν, ἀριστευτικὴν, ἢ ἀνδρείαν, ὡς τὸ νικητικὸν ἀπάντων κράτος ἔχουσαν. Formam *fortis* in Græcæ vocis similitudinem mutaverat, ut ille linguæ Latinæ interdum gnarus est; sensum tamen exprimit, ac si *φορτικὴ* i. q. *fortis* esset. Habermus igitur

° Pari ratione menses apud Judæos primum numero distinguebantur; postea demum propria nomina

accipiebant; vid. *Warnekros hebr. Alterth.* p. 539.

hoc cognomine designatam Fortunam bonam, faustam, felicem, quum et malam Fortunam a Romanis cultam sciamus, et perperam igitur quidam Fortem Fortunam *casum cœcum* esse dixere. Idem est constans loquendi usus in “forte fortuna” quod de re aliqua dicitur, quæ casu quidem, sed feliciter nobis obtigit; Ter. Eun. I. ii. 54; Hecyr. III. iii. 26; et si postea primo casu Fors Fortuna occurrit (Phormio, V. vi. 1.) ut ipsi grammatici adnotant, ubique eodem, quo dixi, sensu fit. Donat. ad l. c. *Fortuna dicta est incerta res, Fors fortuna eventus fortunæ bonus*. Fortasse primus casus *Fors*, hoc nexu demum a casu sexto *forte fortuna*, qui proprie erat a *fortis fortuna*, petendus est.

2°. VI. 793. Tempus idem stator ædis habet, etc. Librarios, qui *T. i. statoris erat* reposuerant, jam bene refutavit Heinsius, hanc lectionem ex opt. codd. adprobans. Haud scio an satis jam a grammaticis annotatum sit momentum illud, quod bene ad hanc lectionem stabiliendam facit, plurima, scil. verba Latina et Græca, vocali brevi in longam producta, significationem suam activam in passivam et mediam mutare solere. Exempla in promptu sunt: *Act.* est stāre, cum reduplicat. sistere (*stellen*) unde stātor, qui sistit; stātum, i. e. constitutum; stātim, i. e. mox (vid. Donat. ad Ter. Phorm. V. iii. 7. quod vere observatum, etsi interdum neglectum est;) *Med.* stāre, se sistere (*stehen*;) stātorus, stātim, i. e. firmiter: vid. Donat. l. c. et proprie stātor, si est i. q. stans, qui adstat, v. c. de servo, ut sæpe. Falsam igitur prosodiam arbitror in Priap. lli. 3. Jam primum stator hic libidinosus, ubi stator esse deberet Priapus adstans, non, qui sistit. Analogiæ causa cf. act. pendere (*henken*) in specie libram suspendere, inde solvere. med. pendere, suspensum esse (*hängen*.) *Act.* jacio, med. jaceo, jactus sum (*liegen*) act. parere, producere (*erzeugen*;) parere, produci, (*erscheinen*.) Eodem modo Græci, ubi duplex forma est, altera transitiva, altera intransit. prosodia has distinguere solent: v. c. *πέρσσω* transit. (*α* brev.) *trans mare duco, vendo* (unde *πικράσκω*) *πέρσσω*, intransit.

*a* long.) *transibo*—φύω, φῦμι—alibi productiores formæ intrans. ἄσαι satiare, ἀθήσαι satiatum esse. etc. etc.

3°. I. 525. ubi Carmenta fatidica de Roma, ex Trojæ eversæ cinere splendidius resurrectura, exclamat :

Urite victrices Neptunia Pergama flammæ ;  
Num minus hic toto est altior orbe cinis ?

explicari et jungi video : *num hic cinis*, id est, Troja in cineres redacta, *altior toto orbe minus* quid est, quam ante Troja erat, igitur : an Troja incendio imminuta est ? Nonne ita sensus expediendus est ? *num minus* est interrogative, ut gravior oratio poetica poscit, pro pedestri : *non minus, nihilominus, attamen*. Sensus : Urite, etc. Attamen hic cinis altior erit toto orbe. Hoc non capientes librarii *minus* pro adj. capientes ad *altior cinis* referebant, et lectiones cuderant, quales sunt : *non minor, num minor*.

4°. I. 595. ubi multi insignes referuntur duces, qui rebus gestis titulos et cognomina reportaverant, post multos alios etiam dux quidam his verbis innuitur :

*Hunc Numidæ faciunt, illum Messana superbum*. Cogitarunt interpp. de M. Valerio Messala, vel de Appio Claudio, qui, primo bello Punico, rem in Sicilia gesserant, et alterum vel alterum *Mamertini* cognomen accepisse opinantur. Sed dubito, an de Valerio, cujus partes in hac expeditione secundæ erant, et de cognomine cujus nullum vestigium exstat, cogitari liceat, quum inspecto Polybio (i. 1.) vix de eo, quem Ovidius innuit, dubitari queat. Appius enim Claudius non solum singulari celeritate primam expeditionem confecit, Messana expulit Carthaginienses et Hieronem expugnavit, sed et postea ad exempla navis Carthaginensis classem extruxit, prælium navale commisit, et *Caudicis* cognomen inde invenisse dicitur : vid. Polyb. l. c. Nonne hunc titulum Ovidius spectasse putandus erit ?

FINIS EXCURSUUM IN FASTOS.

The first part of the book is devoted to a general history of the country, from the earliest times to the present day. The author has collected a vast amount of material, and has written in a clear and concise style. The second part of the book is devoted to a detailed description of the country, its geography, its climate, its flora and fauna, and its people. The author has also written a number of chapters on the history of the country, and on the progress of its civilization. The book is a valuable work, and is highly recommended to all who are interested in the history and geography of the country.



**NERONIS CLAUD. DRUSI,  
COGNOMINE GERMANICI,**

ἘΠΙΚΗΔΙΟΝ

**OVIDIO PROBABILITER RESTITUTUM.**

VERONIS CLAUD. DRUGS.

COGNOMINE GERMANICI.

EDITION

OVIO PROBABILITER RESTITUTUM

## PRÆFATIUNCULA.

### DE AUCTORE HUIUSCE ELEGIÆ.

CARMEN hoc *longe præstantissimum*, ut summi Viri verbis utar, et *dignum genio ac majestate sæculi Nasoniani*, etsi non Pedoni Albinovano, ut Jos. Scaliger, Vossius, aliique, tribuendum existimet N. Heinsius, nihilominus Ovidio non ausit adscribere. “ Ille tamen, eodem auctore, qui primus eruit e tenebris, *insignem thesaurum* usibus publicis est largitus!” Vossius vero, Art. Grammat. ii. 27. indignum quidem non esse Ovidio censet, *ob egregia in illo ingenii lumina*; sed in verba *magni* Scaligeri jurare promptior, Ovidio non nisi *falso* tribui pronuntiat. Non defuere tamen, qui Nasoni libenter concederent; quos inter *Passerat*<sup>a</sup>, in Præfatione quam præmittendam curaverat interpretationi hujus Poematis, *quæ utinam prodisset!* exclamat ex animo Burmannus. Neque negligenda prorsus Cl. Barthii sententia, qui, quoties sese darèt, occasionem non prætermisit Ovidiani juris in pulcherrimam hanc Elegiam asserendi<sup>b</sup>. Quibuscum omnino consentit vir recentioris quidem, sed non minoris ideo auctoritatis, *Dan. Beck*, in sua carminis hujus *suavissimi* editione, quæ Lipsiæ prodiit, 1783. in-8.

Quum igitur lis tantos inter viros quasi componenda nobis supersit, expendendas sine studio rationes censuimus, quibus suam quisque opinionem tueri conatur.

<sup>a</sup> *Jean Passerat*, qui Augustæ Tricassinorum natus, A. D. 1534. Commentarios inter cætera edidit in Catull. Tibull. et Propert. quorum salva adhuc auctoritas, non sine laude unquam ab iis commemoratur, qui curas posteriores in illustrandis Elegiæ Latine principibus impenderunt.

<sup>b</sup> In *Adversariis* passim, et ad Stat. Theb. ii. 134; ibid. 345.

Ac primum quidem de Pedone inquirendum, an is exstiterit poeta, cui *præstantissimum* illud opus, et tot *ingenii luminibus* insigne, tribueretur; quum illi ipsi, qui tribuunt, fateantur Elegiam *in obitum Mæcenatis*, ejusdem ingenii fœtum, *totam languere*, nec quidquam habere *dignum Augustæo ævo*<sup>c</sup>. Meminit quidem Pedonis Quintilianus, lib. x. i; sed obiter, et cum Rabirio conjungens, de quibus: *non indigni*, inquit, *cognitione*; sed illis tantum, quibus *vacaret*. Quod certe non pronuntiasset judex sagacissimus de auctore *Consolationis ad Liviam*. At, inquiet forsitan, perierat carmen, quum hæc Quintilianus scriberet: perierat igitur quoque, tempore Senecæ Rhetoris, qui quum Suasor. i. fragmentum Pedonis afferat *de Navigatione Germanici per Oceanum septentrionalem*, nullam omnino de *Consolatione*, aliisque Albinovani operibus mentionem faciat. Sed ad auctoritatem confugiamus gravioris multo ponderis: illam dico Ovidii, cui vixisse Pedonem conjunctissimum constat, ex Elegia x. de Ponto, lib. iv. ad eum missa, quo tempore, *carmine Thesea laudaret*, id est, *Theseida*, conscriberet. *Sidereum* quoque dicit, in ejusdem Libri Elegia ultima v. 6. Quis porro crediderit Nasonem, qui nulli æqualium poeseos laudem dicitur invidisse, carmen præstantissimum, in laudando Pedone, qui tam fidelem se amico præstiterat, silentio volentem præteriisse?

Faciant magis ad rem, qui, omisso Pedone Albinovano, *fabulatore egregio*, ut vocat Seneca, et *festivo*, in scenam inducant auctorem Elegiæ nostræ, Celsum hunc Albinovanum, ad quem inscribit Horatius Epistolam viii. Libri primi, quemque *scribam* dicit, *comitemque* Neronis (Tiberii;) quo scilicet munere potuit quidem Drusi frater poetam ad tempus remunerasse, qui non ita Drusum laudaverat, ut non in Tiberii fratris laudes copiosior exundasset. Diversum hunc a Pedone nostro, licet *Albinovanus* uterque cognomine, a patria *Alba Nova*, recte de-

<sup>c</sup> Longissime abest a carminis nostri suavitate. Beck, op. cit.

monstravit Torrentius, ad Horat. locum, sed nihil adduxit, unde constet scripsisse eum *Consolationem ad Liviam*: conspirant vero multa, quæ Ovidio legitimam restituant.

Si tempora spectemus, occidit Drusus, *in campis æstivis*, eo ipso anno, quo in exilium pulsus Naso, Roma emigravit, mense Novembri, A. D. ix. Tam opportunam igitur nactum occasionem flectendi Cæsaris, et Liviam, Tiberiumque sibi conciliandi, quis credat non arripuisse promptissimum? Sed cavisse simul probabile est, ne suus ipsi auctor Epistolæ noceret; ideoque nomine non suo primum emisisse; tacitumque expectasse, quis eam successus apud Augustum exciperet; nec sibi unquam in posterum opus vindicasse, quod infeliciter adeo cessisset.

Si vero ad opus ipsum respexeris, nihil fere deprehendas, quod non Ovidium, et auream Latinæ linguæ ætatem referat, unum si tollas alterumve locum, temporum injuria manifeste depravatum. Nec aliter videntur sensisse primi operum ejus editores, qui quum e MSS. proxime exscriberent, Ovidio constanter Elegiam hanc donaverunt. Donemus igitur et nos quoque, donec ejusmodi consurgant argumenta, quæ nodum exsolvant, sicque novum poetam, et egregium quidem, Augusti sæculo congratulentur.

Dignum erat profecto tale carmen, quod post Micylum, Scaligerum, et alios, Heinsii et Burmanni studiosam sagacitatem exerceret; sed non ea, qua solent, felicitate. Burmannum præsertim hic ego vix agnosco, qui totus in effundendam, qua tumet, bilem, nauseabundam carminis hujus commentationem ultra modum omnem ea mente produxit, ut dicterii Clericum incesset<sup>d</sup>, Editionis

<sup>d</sup> *Jean Le Clerc*, Latine Clericus, natus erat Genevæ, A. D. 1657. Vir fuit doctrinæ a teneris tam immodice cupidus, ut sacris simul et profanis literis operam impenderet; et quo tempore scriptores sacros illustraret, aut rebus theologicis vacaret, Græcos et Latinos auctores suscipere interpretandos, et quæstiones philologicas viros inter doctos moveret. Unde effectum est, ut raro festinationis vitium in scribendo effugerit; et secundas tantum teneat, qui

reum Albinovanæ, quæ Amstelædami prodiit, *Forma* quam dicunt *Octava*, 1702. et iterum 1718. sub *Theodori Goralli* nomine<sup>e</sup>, cum Scaligeri et Heinsii notis, quibus et suas adjecerat. Nec cuncta certe probanda in hac editione, quæ præproperum in edendis operibus editorem arguit; neque laus ingens Burmanno frequentes in interprete errores, aut memoriæ lapsusprehendisse; cui enim interpretum tale nihil aliquando effluxit, quum nec Scaliger quidem, nec Heinsius ipse, omnino se Burmannianæ ferulæ subduxerint? Sed gravius in virum, qui magistrum se in *Arte Critica* profitebatur, peccaverat scriptor, qui, dum Artis hujus fundamenta, regulas et fines describeret, certis aliquot signis homines vere eruditos ab illis discreverat, qui vana tantum verborum ostentatione, vel locorum apparatu hinc et illinc, prout sese offerunt, coactorum; vel emendationum licentia, fucum ignaris faciunt, mentitam inde famam doctrinæ consequuti. Quorum hic causam, veluti propriam, quare amplexus fuerit Burmannus non video, nisi lacessitus prior ab ipso Clerico<sup>f</sup>, impositam sibi respondendi necessitatem censerit.

Inde sequitur, ut nihil omnino interpretem novum vetus hic commentator juverit; et tota fere illustrandi operis moles in unum me recubuerit. Quod quidem qui scriptoris et scripti commodo, viderit æquus Lector ac benevolus.

primas partes in arte critica potuisset obtinere. Obiit Amstelædami, A. M. DCCCXXVI. Operum illius Catalogus, opus ipse, quod bibliographis relinquentium judico.

<sup>e</sup> *Theodori Goralli*. Quæ voces sunt nominis ejus et prænominis interpretationes; ita ut prænomen quidem Hebraicum sit græce versum; nomen vero Græcum, Hebraica voce expressum.

<sup>f</sup> Vid. vitam Clerici, ab ipso conscriptam, p. 117; et cl. viri Spanheim. Epistol. ad calcem ejusdem libri. Amstelæd. 1711.

# AD LIVIAM AUGUSTAM,

DE

## MORTE DRUSI NERONIS,

FILII EJUS,

CONSOLATIO \*.



VISA diu felix, mater modo dicta Neronum,  
Jam tibi dimidium nominis hujus abest :  
Jam legis in Drusum miserabile, Livia, carmen :  
Unum, qui dicat jam tibi, mater, habes.  
Nec tua te pietas distendit amore duorum :     5  
Necposito filii nomine, dicis ; Uter ?

\* “Livia amiserat filium Drusum, magnum futurum principem, jam magnum ducem. . . . Accedebat ad hanc mortem, quam ille pro republica obierat, ingens civium, provinciarumque, et totius Italiae desiderium ; per quam effusis in officium lugubre municipiis coloniisque, usque in urbem ductum erat funus, triumpho simillimum. Non licuerat matri, ultima filii oscula, gratumque extremi sermonem oris haurire. Longo itinere reliquias Drusi sui prosequuta, tot per omnem Italiam ardentibus rogis, quasi toties illum amitteret, irritata, ut primum tamen intulit tumulo, simul et illum, et dolorem suum posuit ; nec plus doluit, quam aut honestum erat Cæsari, aut æquum matri. Non desit itaque Drusi sui celebrare nomen,  
VOL. V.

ubique illum sibi privatim publiceque repræsentare, et libentissime de illo loqui, de illo audire.” Senec. Consolat. ad Marciam, Cremutii Cordi filiam ; iii.

1. *Mater modo dicta Neronum.*] Tiberii scil. et Drusi, quos ex priori conjuge Tiberio Nerone Livia susceperat.

3, 4. *Miserabile carmen.*] Ad misericordiam commovendam compositum. Sic apud Virgil. *Philomela miserabile carmen integrat.*—*Unum qui dicat, etc.* E duobus filiis *unus* tantum superest, qui dulci te matris nomine compellet! Idem quod supra: *Jam tibi dimidium nominis hujus* (matris) *abest* ; et ad Ovidianos modos et quasi nutus aptissimus sane, qui hæc, si non Ovidius ipse, scripsit.

3 H

Et quisquam leges audet tibi dicere flendi?

Et quisquam lacrimas temperat ore tuas?

Hei mihi! quam facile est, quamvis hic contigit  
omnes,

Alterius luctu fortia verba loqui! 10

Scilicet exiguo percussa es fulminis ictu;

Fortior ut possis cladibus esse tuis.

Occidit exemplum juvenis venerabile morum,

Maximus ille armis, maximus ille toga.

Ille modo eripuit latebrosas hostibus Alpes, 15

Et titulum belli dux, duce fratre, tulit.

7, 8. *Et quisquam leges audet tibi dicere flendi.*] Quis in tanto tamque justo dolore, *flendi* modum aut *leges* audeat tibi præcipere? Eodem animi affectu Horat. ad Virgil. de morte Quinctilii Vari, lib. i. Od. 24: "Quis desiderio sit pudor aut modus Tam cari capitis?"—Notanda in sequenti locutio hæc *lacrimas ore temperare*, quod idem, ac verbis consolatoriis dolorem alicujus imminuere. Hinc sane Statius, *Silv.* libro v. *Carm.* v. 60: "... Qui dicere legem Fletibus, aut fines audet censere dolendi."

9, 10. *Hei mihi! quam facile est, Alterius luctu fortia verba loqui!*] Hinc vere et humaniter Charinus ille apud Terent. *And.* ii. *Sc.* i. ix.: "Facile omnes, quum valemus, recta consilia ægrotis damus; Tu, si hic sis, aliter sentias!"

11. *Scilicet exiguo, etc.*] Sic enim tecum isti, de quibus modo: non ea est, quam experiris, jactura, quæ animi gravioribus servatum calamitatis usque adeo debeat affligere.

13. *Occidit exemplum juvenis, etc.*] Non consentiunt inter se scriptores de mortis genere quo Drusus occubuit. Livius enim *Epitom.* lib. cxl.: "Ex fractura, equo super crus ejus collap-

so, trigesimo die quam acciderat, mortuus est." Confuse Vell. Paterc. ii. 97: "Illum... *fatorum iniquitas*, consulem, agentem annum tricesimum, rapuit." Apertius vere, et quis scit an non verius, Suet. in *Claud.* i. narrat: "Nonnullos tradere ausos suspectum eum Augusto, revocatumque ex provincia: et quia cunctaretur, *veneno interceptum.*" Cui vero ex illis, quæ sentiret, profari licebat, grassante magis ac magis regnantibus assentandi libidine?

14. *Maximus ille armis, etc.*] "Cujus ingenium, (inquit Velleius, ii. 97.) utrum bellicis magis operibus, an civilibus suffecerit artibus, in incerto est." Proximeque: "Morum certe dulcedo ac suavitas, et adversus amicos æqua ac par sui æstimatio inimitabilis fuisse dicitur."

16. *Et titulum belli dux, duce fratre, tulit.*] Verbo quidem Tiberius frater, ut qui natu major, *dux* exercitus; sed vere dux ille, qui ducebat ad victoriam, sicque *titulum*, id est, laudem omnem *belli hujus tulit.* Vid. Dio. Cass. liv. et Vell. Paterc. cujus hæc sunt verba: "Adjutore operis dato, fratre ipsius (Tiberii) Druso Claudio."



Ille genus Suevos acre, indomitosque Sygambros  
 Contudit, inque fugam barbara terga dedit;  
 Ignotumque tibi meruit, Romane, triumphum;  
 Protulit in terras imperiumque novas. 20  
 Solvere vota Jovi, fatorum ignara tuorum,  
 Mater, et armiferæ solvere vota Deæ,  
 Gradivumque patrem donis implere parabas;  
 Et quoscumque coli jusque piumque Deos.  
 Maternaque sacros agitabas mente triumphos: 25  
 Forsitan et curæ jam tibi currus erat.

17. *Ille genus Suevos acre, etc.*] "Ipsam Suevorum nomen unde originem ceperit, plane incertum est. Est equidem immensum montium jugum in Septemtrione, Norvagiæ hodie a Suedia disspescens, olim *Sevo* Romanis auctoribus dictum; cui jam inde ab antiquissimis sæculis adfixa fuit *Suionum*, sive Sueonum magna gens; est præterea amnis Ptolemæo Σοῦνησος, *Suevus*, in Germanicum mare, sive sinum ejus Codanum sese effundens; quorum singula ex uno eodemque fonte, cum universis Suevis sortita fuisse adpellationes suas, nemo temere negaverit. Nec tamen facile quisquam dixerit, cujus vocabulum primum omnium exstiterit, amnis, nationis Suenonum, an vero universæ gentis Suevorum." *Cluver. German. Antiq. iii. 24.*—*Indomitosque Sygambros.* Horum populorum, qui varie apud scriptores occurrunt denominati, *Sicambri, Sygambri* et etiam *Sugambri*, non dubitat vir idem doctissimus *Cluver. ibid. c. 9.* quin nomen quæsitum sit a flumine *Sige*, quod accoluisse eos, antequam ab Ubiis pulsati, ad Rheni divortium descenderunt, credibile est. Hinc etiam oppidum est in Sigambrorum finibus, *Sigeburg* nomine, veteris sedis ad Sigum amnem memoriam servans. Quapropter om-

nium rectissime nomen eorum scribi Latine putat *Sigambri*.

20. *Protulit in terras imperiumque novas.*] Sed hæc ad tempus. "Difficilius est enim, inquit *Florus*, provincias obtinere, quam facere." Victi quippe magis Germani, quam domiti, Romanos mores magis, quam arma, sub imperatore *Druso* susceperant; cui quum in imperio *Varus* successisset, superbia mox et intempestiva crudelitate irritare victorum animos, qui, correptis subito, *Arminio* duce, armis, *Varianas* legiones, tres quidem numero, profigarunt. Quæ clades, ipsa *Cannensi* exitu fœdior, tanto *Augustum* dolore confecit, ut per continuos menses, barba, capilloque summisso, caput interdum foribus illideret, vociferans: *Quinctili Vare, legiones redde.* *Suet. August. 23.*—Non hic *Varus*, cujus de morte *Virgil. Horatius* consolatur, *Od. I. 24, 1*; sed ad hunc referendum quod ipse *Virg. Ecl. vi. 12*: "... Nec Phœbo gratior ulla est, Quam sibi quæ Vari præscripsit pagina nomen."

24. *Et quoscumque coli, etc.*] Deos intelligit cæteros, quos colere æquum et pium est.

26. *Forsitan et curæ, etc.*] Curam jam triumphalem mente exornabas.

Funera pro sacris tibi sunt ducenda triumphis ;  
 Et tumulus Drusum pro Jovis arce manet.  
 Fingebas reducem ; præceptaque mente fovebas  
 Gaudia ; et ante oculos jam tibi victor erat. 30  
 Jam veniet ; jam me gratantem turba videbit :  
 Jam mihi pro Druso dona ferenda meo.  
 Obvia progrediar, felixque per oppida dicar ;  
 Collaque et hoc oculos illius ore premam.  
 Talis erit ; sic occurret, sic oscula junget : 35  
 Hoc mihi narrabit ; sic prior ipsa loquar.  
 Gaudia vana foves ; spem pone, miserrima, falsam :  
 Desine de Druso læta referre tuo.  
 Cæsaris illud opus, voti pars altera vestri,  
 Occidit : indignas, Livia, solve comas. 40  
 Quid tibi nunc mores prosunt, actumque pudice  
 Omne ævum, et tanto tam placuisse viro ?  
 Quidque pudicitia tantum inviolata bonorum,  
 Ultima sit laudes inter ut illa tuas ?

28. *Et tumulus Drusum, pro Jovis arce, manet.*] Pro Capitolio, ubi Jovi Opt. Max. templum exstructum erat, quod victorem ascensurum Livia Drusum speraba, ignava scilicet factorum quæ ipsum oppresserant.

31. *Jam veniet, etc.*] Suus eam ita ludit error vere maternus, et quæ dicit, quæque dicenti referet filius, animo jam præcipiat.

39. *Cæsaris illud opus.*] Eo sensu *Cæsaris opus* Drusum dicit, quod illum sibi et Tiberium fratrem in filios Augustus adscriperat.—*Voti pars altera vestri.* Sic ex ipso Ovidio corrigendum, qui Pont. iv. Eleg. xiii. 47: "Sic valeant pueri, votum commune duorum." Alii omnes: *Veluti pars altera vestri.*

41. *Quid tibi nunc mores, etc.*] Nihil hic poeta in Liviæ laudibus:

parciores multo, sed forsani iniquiores, Tacit. Suet. Dio. Patercul. vero, lib. ii. 130. per omnia Deis, quam hominibus, similiorem feminam dicere non dubitat.

43. *Quidque pudicitia tantum inviolata bonorum?*] Locus certe mendosissimus, in quem tamen restituendum vicissim, sed frustra, conspirasse video viros doctissimos. Non male Pithœus, in *tantum inviolata bonorum.* Maxima quippe pudicitiae laus, quæ in tanto bonorum concursu, id est, quum tot suppeditent causæ, quæ possint violare, *inviolata* permanet. Sed Latina minus locutio hæc, quam ut admittendam putaverim. Micylli vestigiis insistens Heinsius, aliquando cogitabat: "Quidque pudicitia tantum cumulasse bonorum?" Ut sit sensus: quid tibi profuit tantum bo-

Quid tenuisse animum contra sua secula rectum ;  
 Altius et vitiis exseruisse caput ? 46  
 Nec nocuisse ulli, et fortunam habuisse nocendi ?  
 Nec quemquam nervos extimuisse tuos ?  
 Nec vires errasse tuas Campoque Foroque ;  
 Quamque libet citra continuisse domum ? 50  
 Nempe per hos etiam Fortunæ injuria mores  
 Regnat ; et incerta est hic quoque nixa rota.  
 Hic quoque sentitur : ne quid non improba carpat,  
 Sævitur ; et injustum jus sibi ubique facit.  
 Scilicet immunis si luctus una fuisset 55  
 Livia, Fortunæ regna minora forent ?  
 Quid ? si non habitu sic se gessisset in omni,  
 Ut sua non essent invidiosa bona ?  
 Cæsaris adde domum ; quæ certe, funeris expers,  
 Debuit humanis altior esse malis. 60  
 Ille vigil, summa sacer ille locatus in arce,  
 Res hominum ex tuto cernere dignus erat.

*norum* (tot virtutes) adeo pudicitia cumulasse, (superasse,) ut sit illa (pudicitia scilicet) *ultima* (extrema, summa) tibi virtus, tot inter virtutes. Legebat Clericus (*Jean Le Clerc* :) *Quidve pudicitiae (profuit) turba inviolata bonorum ?*

47. *Nec nocuisse ulli, et fortunam habuisse nocendi.*] Hanc quoque laudem Patere. loc. cit. Liviæ tribuit, "cujus, inquit, potentiam nemo sensit, nisi aut levatione periculi, aut accessione dignitatis."

49, 50. *Nec vires errasse tuas, etc.*] Quid juvat nec suffragia in comitiis, nec in foro judicia corrupisse, quum utrumque tibi, pro tuis *viribus*, (quæ tua est potentia) facile admodum cessisset ? *Quamque libet citra constituisse domum.* *Vires* subintell. aut *nervos* ; et sic e præcedenti 48. interpretis : nulla domus est, quantumvis

*humilis* (quælibet) quæ quid possis unquam extimuerit. Legendum igitur cum Heinsio, *continuisse*.

51. *Nempe per hos mores.*] *Per hos mores* intelligendum, meo quidem iudicio, de iis principibus qui insolentiori potentiae suæ usu, animos exasperant ; sicque fortunæ subserviunt inscii, quæ brevi a miseris pœnas repetit favoris sui. Unde fit, ut miscere principatum cum publica libertate sit res omnium difficillima ; statioque (in rota fortunæ) maxime lubrica. Nihil aliud, credo, poeta voluit innuere.

54. *Injustum jus sibi ubique facit.*] Hoc sibi fortuna arrogat *injuste*, ut *ubique* dominetur.

57. *Quid ? si non habitu, etc.*] Fortunæ hoc laudi tribuit, quæ talem se semper gesserat, quo minorem, quæ largitur *bona*, invidiam sui facerent.

61. *Ille vigil, summa sacer ille, etc.*]

Nec fieri ipse suis, nec quemquam flere suorum ;  
 Nec, quæ nos patimur vulgus, et ipse pati.  
 Vidimus erepta mœrentem stirpe sororis : 65  
 Luctus, ut in Druso, publicus ille fuit.  
 Condidit Agrippam, quo te, Marcelle, sepulcro ;  
 Et cepit generos jam locus ille duos.  
 Vix posito Agrippa tumuli bene janua clausa est :  
 Perficit officium funeris ecce soror. 70  
 Ecce ter ante datis, jactura novissima, Drusus  
 A magno lacrimas Cæsare quartus habet.  
 Claudite jam, Parcæ, nimium reserata sepulcra ;  
 Claudite : plus justo jam domus ista patet.  
 Cedis ; et incassum tua nomina, Druse, levantur.  
 Ultima sit fati hæc summa querela tui. 76

Non sine *ἔμφασι* repetitio hæc. *In arce*: in cælo scilicet, ubi suam Augustam stationem poeta adsignat.

65. *Erepta stirpe sororis.*] Marcello, Octaviæ filio, qui Juliam Augusti filiam duxerat, et tantam sui spem morum candore, et omni virtutum genere fecerat, ut *publicus* defunctum, anno quidem ætatis decimo octavo, *luctus* prosequutus fuerit. Noti nimis, quam ut hic referam, Virgilio de eo versus, *Æn.* vi. 883. Sed in dubium nuper revocavit Cl. Mongez, e Sociis Regiæ Inscript. Academiæ, animo Octaviam defecisse, recitante Virgilio hunc versum, *Tu Marcellus eris*; et jussisse, pro singulis hujus argumenti versibus auctori dena sesteria numerari. Desiderantur, fateor, scriptorum testimonia quæ factum comprobent, a Donato primum, ut videtur, confictum: legimus contra apud Senecam, *Consol. ad Marc. ii.* *carmina celebrandæ Marcelli memoria composita rejecisse*; sed ne laudem hanc Musis et tanto poetæ invidemus!

63. *Et cepit generos jam locus ille duos.*] Defuncto enim Marcello, Juliam Augustus Agrippæ nuptui dederat, exorata sorore, ut sibi generum cederet. *Suet. Aug.* 63.

70. *Perficit officium funeris ecce soror.*] Octavia, quæ, *perfecto vix Agrippæ funere*, et quum tumuli *vix bene clausa* esset janua, Romæ decessit, quinquagesimum et quartum agens ætatis annum.

73, 74. *Claudite, jam Parcæ, etc. Plus justo jam domus ista patet.*] Ditis, scilicet, *Virg. Æn.* vi. 127: "Noctes atque dies *patet* atri janua Ditis."

75, 76. *Cedis; et incassum tua nomina, Druse, levantur.*] Intelligit Burmannus de clamore supremo, quo mortuos ciebant, proprio eos nomine vocantes; unde *vocantur* legendum *forte* censebat. Micyllus vero, de titulis et nominibus magnificis quæ jam sibi Drusus virtute paraverat. *Ultima sit fati hæc summa querela tui.* Optat poeta, ut *querela hæc de fato* Drusi sit tandem *ultima*, quum tot secum bona abstulerit. Tentaverat

Iste potest implere dolor vel secula tota,  
 Et magni luctus obtinuisse locum.  
 Multi in te amissi: nec, cui tot turba bonorum,  
 Omnis cui virtus contigit, unus eras. 80  
 Nec genetrice tua fecundior ulla parentum,  
 Tot bona per partus quæ dedit una duos.  
 Heu! par illud ubi est, totidem virtutibus æquum?  
 Et concors pietas, nec dubitatus amor?  
 Vidimus, attonitum fraterna morte, Neronem 85  
 Pallida promissa flere per ora coma,  
 Dissimilemque sui, vultu proficiente dolorem:  
 Hei mihi! quam toto luctus in ore fuit?  
 Tu tamen extremo moriturum tempore fratrem  
 Vidisti; lacrimas vidit et ille tuas; 90  
 Adfigique suis moriens tua pectora sensit,  
 Et tenuit vultu lumina fixa tuo;  
 Lumina, cærulea jam jamque natantia morte;  
 Lumina, fraternas jam subitura manus.  
 At miseranda parens suprema neque oscula fixit,  
 Frigida nec fovit membra tremente sinu. 96  
 Non animam adposito fugientem excepit hiatu;  
 Nec traxit cæsas per tua membra comas.

olim Heinsius, sed non sua, ut mihi videtur, fortuna: "Cedis, ut incassum tua nomina, Druse, legantur. Ultima sit factis hæc querela tuis!"

77. *Iste potest implere dolor*, etc.] Friget admodum oratio ad v. 83. quia longius Naso immoratur, in evolvenda una eademque sententia.

79. *Cui tot turba bonorum contigit*, etc.] Tot cui virtutes obtigerant: ex emendatione Scaligeri; nam prius legebatur, *tot verba bonorum*. Sed correctionem N. Heinsius in textum

recipere minime dubitavit, et translulit, ut vidimus, *Le Clerc*, ad ver. 43.

83. *Heu! par illud ubi est*, etc.] Fratrum scilicet, Tiberii et Drusi, quos eadem exornabant virtutes, et indubitatus amor adhuc conjunxerat.

94. *Lumina fraternas jam subitura manus*.] Quæ mox fraterna manus occludet.

95. *At miseranda parens*, etc.] Ita Euryali mater apud Virg. *Æn.* ix. 483. sed vehementius multo, ut matrem ipsam decebat.

Raptus et absenti, dum te fera bella morantur,  
 Utilior patriæ, quam tibi, Druse, tuæ. 100  
 Liquitur; ut quondam, Zephyris et solibus ictæ,  
 Solvuntur teneræ, vere tepente, nives.  
 Te queritur, casusque malos, irrisaque tales,  
 Accusatque annos, ut diuturna, suos.  
 Talis in umbrosis, mitis nunc denique, silvis 105  
 Deflet Threïcium Daulias ales Ityn:  
 Halcyonum tales ventosa per æquora questus  
 Ad surdas tenui voce sonantur aquas:  
 Sic plumosa novis plangentes pectora pennis  
 Œniden subitæ concinuistis, aves: 110  
 Sic flevit Clymene; sic et Clymeneïdes, alte  
 Quum juvenis patriis excidit ictus equis.  
 Congelat interdum lacrimas, duratque, tenetque,  
 Suspensasque oculus fortior intus agit.

101. *Liquitur; ut quondam, etc.*] Solvitur in lacrimas: propria vox eo sensu *liquitur*. Virg. Georg. i. 43: "Gelidus canis quum montibus humor *Liquitur*, et Zephyro putris se gleba *resolvit*."

103. *Te queritur, casusque malos, irrisaque tales.*] Feliciter Heinsius corruptissimum locum, qui nullum omnino sensum exhibebat, nulla licet MSS. vel scriptorum emendantem auctoritas adjuvaret, sic curavit restituendum: "Te queritur, etc. *irrisaque vota*."

104. *Ut diuturna.*] Ut quæ vitam longius protulerit.

105. *Talis in umbrosis, etc.*] Nulus sane hic erat locus in campum mythologicum late adeo excurrendi. Quod si forte poetam Virgilio exemplum tentaverit, qui luctus Orphei, amissa Eurydice, cum luctu Philomelæ comparat, Georg. iv. 511; debisset attendere Maronem fabulam

narrare, quæ sua peteret ornamenta, ex ipso fonte, unde esset oriunda: Nasonem vero facto recentiori, et quidem crudelissimo, matris ipsius aures verberare.

106. *Daulias ales.*] Vide Epistolam xv. 156.

109—110. *Sic plumosa novis.*—*Œniden concinuistis aves.*] Diomedis socios designat, qui ducem amissum tam amare defleverunt, ut illos Dii in cyenos immutaverint. Dicunt alii in aves conversos, ob iram Veneris, quam ferro Diomedes læserat.

111. *Sic flevit Clymene: sic et Clymeneïdes.*] Mater Phaetontis et sorores. Vid. Nostrum Met. lib. ii.

113. *Congelat interdum lacrimas.*] Facit premendo, ut subsistant lacrimæ, aquæ more, quæ acriori, vel inter cadendum frigore correpta, subito pendet adstricta. De oculis Hom. Odys. T. 211: 'ὄφθαλμοὶ δ' ὥσει κερὰ ἔστασαν, ἢ ἐ σίδηρος. Ubi recte Scholias-

Erumpunt, iterumque gravant gremiumque sinus-  
Effusæ gravidis uberibusque genis. [que,

In vires abiit flendi mora: plenior unda

Defluit, exigua si qua retenta mora.

Tandem, ubi per lacrimas licuit, sic flebilis orsa est,  
Singultu medios impediēte sonos: 120

Nate, brevis fructus, duplicis sors altera partus,  
Gloria confectæ, nate, parentis, ubi es? [tus,

Sed neque jam duplicis, neque jam sors altera, par-  
Gloria confectæ nunc quoque matris, ubi es?

Heu! modo tantus, ubi es? tumulo portaris et igni.  
Hæc sunt in reditus dona paranda tuos? 126

Siccine dignus eras oculis occurrere matris?

Sic ego te reducem digna videre fui?

Cæsar̄is uxori si talia dicere fas est;  
Jam dubito, magnos an rear esse Deos. 130

Nam quid ego admisi? quæ non ego numina cultu,  
Quos ego non potui demeruisse Deos?

Hic pietatis honos? artus amplector inanes.

Et vorat hos ipsos flamma rogosque sinus.

tes κερὰ ρόξα interpretatur. Inde contenti oculi apud Suet. Tib. c. 7; et mox Noster: "Suspensasque oculus fortior intus agit." Quod est resorbere fletum, ut ait Senec. Herc. Œt. 1285.

117. In vires abiit flendi mora.] Id est, eo fluunt lacrimæ ubiores, quo longior eas mora detinuit: rem comparatione illustrat.

120. Singultu—impediēte sonos.] Præpediente, Noster, Tristium, I. Eleg. iii. 42: "Singultu medios præpediente sonos."

122. Gloria confectæ—parentis.] Mærore scilicet; nondum enim annis. Vett. Edd. *conspicæ*; quæ vox in tanto dolore ambitiosior: possit tamen defendi, oppositionis respectu cum gloria filii, unde multo magis *conspici-*  
VOL. V.

enda mater. Venus quidem ad Amorem, Æn. libro i. 668: "Nate, meæ vires, mea magna potentia solus."

129. Cæsar̄is uxori si talia dicere fas est.] Recte corrigit quæ mox dictura: non enim decebat Cæsar̄is uxorem, qui ut rebus politicis, sic et religiosis præerat, dubitare an Dii essent, licet eo desperationis adductam et amentiam, ut furenti quidquid exciderit, ipsi Dii faciles ignovissent: sed occasionem nactus Ovidius suam Augusto pietatis famam gratulandi, non voluit prætermittere.

132. Quos ego non potui, etc.] Quem inquit, Deorum neglexi, ut adversum sperare meruerim?

134. Et vorat hos ipsos flamma rogosque sinus.] Libri veteres: "Evo-

Tene ego sustineo positum scelerata videre? 135  
 Tene meæ poterunt unguere, nate, manus?  
 Nunc ego te infelix summum teneoque tuorque?  
 Effingoque manus? oraque ad ora fero?  
 Nunc primum adspiceris consul victorque parenti?  
 Sic mihi, sic miseræ nomina tanta refers? 140  
 Quos primum vidi fascēs, in funere vidi:  
 Et vidi eversos, indiciumque mali.  
 Quis credat? matri lux hæc mœstissima venit,  
 Qua natum in summo vidit honore suum!  
 Jamne ego non felix? jam pars mihi rapta Neronum,  
 Materni ceber nomine Drusus avi? 146  
 Jamne meus non est, nec me facit ille parentem?  
 Jamne fui Drusi mater? et ipse fuit?

cat (vel Et vorat) hos ipsos flamma rogosque suos." Qui versus quidem, quin vera sit lectio, minime dubito; nec *sinus*, pro *suus* legentibus ullus adsentior. Agit enim de artubus, quos *inanes* amplectitur, quosque jam *vorat* rogos suos, id est, qui ad comburendos paratur. Fuit qui vellet *suos*, quasi illos artus jure suo rogos sibi jam vindicaret; verum hoc argutius. Quam facile autem in *evocat* abierit et *vorat*, non distincte satis exaratum, vix dicendum.

135. *Tene ego sustineo positum scelerata videre.*] *Sustineo* pro *possum*, vulgare; et *positum*, solemne in exequiis. *Scelerata*. Pollutam se aliquo *scelere* suspicatur, ideoque Diis invisam, qui tale *pietatis* præmium rependerent. Idem enim sæpe *sceleratus* ac impurus, ἀνόσιος: sic *sceleratus campus* dicebatur, in quo Vestales, quæ incestum fecerant, defodiebantur; et *scelerata* Porta Carmentalis, unde sex et trecenti Fabii, cum clientium millibus quinque, adversus Hetruscos egressi, pugnando interfecti sunt. Vid. Tit. Liv. ii. 49.

140. *Nomina tanta refers!*] Consulatus quippe, et Germanici cognomen Druso, eo ipso, quo periit, anno obtigerunt.

142. *Et vidi eversos.*] Quidam *inversos*. Solebant enim virorum insignia, vel arma in funere *inverti*: qui mos adhuc apud nos. Sic Virgil. *Æn.* xi. lib. 93. in Pallantis funere: "—Tum mœsta phalanx, Teucrique sequuntur, Tyrrhenique duces, et *versis* Arcades armis."

143. *Lux hæc mœstissima venit.*] *Carissima* vett. omnes edd. Quod ita non improbem, ut ironice dictum, neque ideo a summo dolore alienum. Confirmant præterea quæ sequuntur, 145: *Jamne ego non felix!*

146. *Materni ceber nomine Drusus avi.*] Drusorum familia, Livia primum denominabatur; sed quum unus ex illis Gallorum ducem quemdam, *Drusum* nomine, occidisset, hoc sibi cognomen addidit. Hinc genus ducebat *Livia Drusilla*, de qua hic agitur. Drusus Virgil. honorifice commemorat, *Æn.* vi. 824; sed adulatorie magis, quam historice.



Nec quum victorem referetur adesse Neronem,  
 Dicere jam potero, Major, an alter, adest? 150  
 Ultima contigimus: jus matris habemus ab uno:  
 Unius est munus, quod tamen orba negor.  
 Me miseram! extimui, frigusque per ossa cucurrit;  
 Nil ego jam possum certa vocare meum.  
 Hic meus ecce fuit: jubet hic de fratre vereri;  
 Omnia jam metuo: fortior ante fui. 156  
 Sospite te saltem moriar, Nero! tu mea condas  
 Lumina, et excipias hanc animam ore pio.  
 Atque utinam Drusi manus altera, et altera fratris,  
 Formarent oculos comprimerentque meos! 160  
 Quod licet, hoc certe tumulo ponemur in uno,  
 Druse; neque ad veteres conditus ibis avos.  
 Miscebor cinerique cinis, atque ossibus ossa.  
 Hanc lucem celeri turbine Parca neat!" 164  
 Hæc et plura refert: lacrimæ sua verba sequuntur,  
 Oraque nequicquam per modo questa fluunt.  
 Quin etiam corpus, matri vix vixque remissum,  
 Exsequiis caruit, Livia, pene suis.

150. *Major, an alter adest?*] Nec quærere jam potero, uter adest victor? Natune major, Tiberius scilicet, an Drusus frater? Ambo autem victores jam redierant e Rhætis, Vindelieis, etc. quæ quidem victoriæ magnifice adeo fuerunt ab Horatio decantatæ, lib. iv. Od. 4 et 14.

161. *Quod licet, hoc certe, tumulo componemur in uno.*] O certe legendum monebat Heinsius. *Tumulo in uno.* In mausoleo Cæsarum, non in monumento Claudiæ vel Liviæ gentis; et ita factum fuisse narrat Dio Cass. iv.

163. *Miscebor cinerique cinis.*] Nec voto excidit; nam in eodem tumulo,

quo Drusus, Livia condita fuit; teste scriptore eodem, ineunte lib. lviii. Conferant, qui talibus delectantur, orationem hanc Liviæ cum verbis Evandri, *Æn.* xi. 152. super extinctum Pallanta procumbentis, erumpentisque in has voces: "Non hæc, ô Palla, dederas promissa parenti," etc.

167. *Quin etiam corpus matri vix viaque remissum.*] Is erat militum amor in Drusum, ut auferendum ipsis fuerit corpus; quod quum retinere non potuissent, duci saltem monumentum inane quidem, sed splendidum posuerunt, ad Rhenum, ipsis in locis ubi Germanorum impetum ad tempus fregerat.

Quippe ducem arsuris exercitus omnis in armis,  
 Inter quæ periit, ponere certus erat. 170  
 Abstulit invitis corpus venerabile frater;  
 Et Drusum patriæ, quod licuitque, dedit.  
 Funera ducuntur Romana per oppida Drusi;  
 Heu facinus! per quæ victor iturus erat;  
 Per quæ deletis Rhætorum venerat armis. 175  
 Hei mihi! quam dispar huic fuit illud iter!  
 Consul init fractis mœrentem fascibus urbem.  
 Quid faceret victus, sic ubi victor init?  
 Mœsta domus plangore sonat, cui figere lætus  
 Parta sua dominus voverat arma manu. 180  
 Urbs gemit, et vultum miserabilis induit unum;  
 Gentibus adversis forma sit illa, precor! [bem;  
 Incerti clauduntque domos, strepitantque per ur-  
 Hic illic pavidi clamque palamque dolent.  
 Jura silent, mutæque tacent sine vindice leges: 185  
 Adspicitur toto purpura nulla foro.

171. *Frater.*] Tiberius, qui, audita vix fratris valetudine, ad illum advolavit, defunctique corpus "pedibus toto itinere prægrediens, Romam usque pervexit." Ab hoc uno Tiberium omnem discas licet. Rem fusius narrat, nec adulatorie minus Val. Maxim. v. 5. "Tantum amorem princeps, inquit, parensque noster insitum animo fratris Drusi habebat, ut quum Ticini, quo victor hostium, ad complectendos parentes venerat, gravi illum et periculosa valetudine in Germania fluctuare cognosset, proinde metu attonitus erumperet. Iter quoque quam rapidum et præceps, vel ut uno spiritu corripuerit, eo patet, quod Alpes, Rhenumque transgressus die ac nocte, mutato subinde equo, ducenta millia passuum, per modo de-

victam Barbariem, Antabagio duce solo comite, evasit." Omnes, ut videtur, ex Livio, Epit. lib. cxl.

177. *Consul init, etc.*] Sic olim legebatur: "Consuluit fractis mœrentem fascibus urbem." Versum hunc corruptissimum omnium primus Micyllus restituit, legitque pro *consuluit, consul init*. Sequiti deinde Pithœus, Scaliger, Heinsius, etc. Sed viri modestiam animadvertas, quæso; qui quum plurima felicitate pari emendaverit, textum nusquam immutare ausus est; talemque omnino, qualem invenerat, fideliter exhibuit.

181. *Urbs gemit, et vultum miserabilis induit unum.*] Tristitia eadem omnium in vultu pariter insidet; quod *gentibus adversis* accidat *precatur* poeta; scilicet, ut sic luceant.

Dique latent templis ; neque iniqua ad funera vul-  
 Præbent ; nec poscunt tura ferenda rogo. [tus  
 Obscuros delubra tenent : pudet ora colentum  
 Adspicere, invidiæ quam meruere metu. 190  
 Atque aliquis de plebe pius pro paupere nato  
 Sustulerat timidæ sidera ad alta manus :  
 Jamque precaturus : “ quid ego autem credulus,”  
 “ Suscipiam in nullos irrita vota Deos ? [inquit,  
 Livia, non illos pro Druso Livia movit : 195  
 Nos erimus magno maxima cura Jovi ?”  
 Dixit : et iratus vota insuscepta reliquit ;  
 Duravitque animum, destituitque preces.  
 Obvia turba ruit ; lacrimisque rigantibus ora  
 Consulis erepti publica damna refert. 200  
 Omnibus idem oculi ; par est concordia flendi.  
 Funeris exsequiis adsumus omnis Eques.  
 Omnis adest ætas : mœrent juvenesque senesque ;  
 Ausoniæ matres, Ausoniæque nurus.  
 Auctorisque sui præfertur imagine mœsta, 205  
 Quæ victrix templis debita laurus erat.  
 Certat onus lecti generosa subire juvenus,  
 Et studet officio sedula colla dare.  
 Et voce et lacrimis laudasti, Cæsar, alumnum ;  
 Tristia quum medius rumperet orsa dolor. 210

190. *Invidiæ, quam meruere, metu.*] Non ignari quantum in ipsos invidiæ tam acerba Drusi mors apud Romanos debeat incitare.

200. *Consulis erepti publica damna refert.*] Enumerat illacrymans, quot quantaque Reipublicæ bona *Consulis*, id est Drusi, letum inviderit. Nec sine mente *Reipublicæ* dixit : prolata enim est, a Tiberio fratre, Drusi Epist. “ qua secum, inquit Sueton. Tiber.

50. de cogendo ad restituendam libertatem Augusto agebat.” Quid mirum nunc, quod incerto mortis genere, triginta vix annos natus, e vivis excesserit !

209. *Et voce et lacrimis, etc.*] “ Vivum tantopere dilexit Augustus, ut coheredem semper filii instituerit, sicut quondam in senatu professus est ; et defunctum ita pro concione laudavit, ut Deos precatus sit, similes ei

Tu letum optasti, Dis aversantibus omen,  
 Par tibi; si sinerent te tua fata mori.  
 Sed tibi debetur cœlum: te, fulmine pollens,  
 Accipiet cupidi regia magna Jovis.  
 Quod petiit, tulit ille; tibi ut sua facta placerent:  
 Magnaque laudatus præmia mortis habet. 216  
 Armatæque rogum celebrant de more cohortes,  
 Et pedes exsequias reddit equesque duci.  
 Te clamore vocant iterumque iterumque supremo;  
 At vox adversis collibus icta redit. 220  
 Ipse pater flavis Tiberinus inhorruit undis:  
 Sustulit et medio nubilus amne caput.  
 Tum salice implexum, muscoque et arundine, cri-  
 Cæruleo magna legit ab ore manu; [nem  
 Uberibusque oculis lacrimarum flumina misit: 225  
 Vix capit adjectas alveus altus aquas;  
 Jamque rogi flammæ extinguere fluminis ictu,  
 Corpus et intactum tollere, certus erat.  
 Sustentabat aquas, cursusque inhibebat equorum,  
 Ut posset toto proluere amne rogum. 230

suos Cæsares facerent, sibi que tam honestum quandoque exitum darent, quam ipsi dedissent." Sueton. Claud. c. 1. Neque contentus (addit scriptor idem, loco cit.) elogium ejus tumulo, versibus a se compositis insculpsisse, etiam vitæ memoriam prosa oratione composuit."

215. *Quod petiit, tulit ille.*] Nihil aliud sibi Drusus in agendo proposuit, quam ut sua tibi facta probarentur; ergo vitæ et mortis ipsius præmium habet, a te post mortem publice laudatus.

221. *Flavis undis.*] Solemne fluvii hujus epitheton; neque aliter illum unquam designant Virgilius et Hora-

tius. De origine et vero sensu vocabuli, vid. Turneb. Adv. xxii. 7.

222. *Nubilus.*] Tristis; et fronte quasi nubibus obducta.

226. *Vix capit adjectus, etc.*] Nulla tunc Tiberis exundatio; sed refert poeta ad funus Drusi, quod evenisse narrat Dio, liii. quo tempore obiit Marcellus; scilicet, adauctum repente Tiberim pontem sublicium evertisse, fecisseque, ut urbs per triduum esset navibus pervia.

227. *Fluminis ictu.*] Immisso undarum impetu. Sic illum fingit Hor. "Retortis... violenter undis, Ire dejectum monumenta regis, Templaque Vestæ." (I. Od. 2.)

Sed Mavors templo vicinus, et accola Campi,

Tot dixit siccis verba nec ipse genis :

Quamquam annes decet ira, tamen, Tiberine, qui-

Non tibi, non ullis vincere fata datur. [escas :

Iste meus periit ; periit arma inter et enses, 235

Et dux pro patria ; funere causa latet.

Quod potui tribuisse, dedi : victoria parta est.

Auctor abít operis ; sed tamen exstat opus.

Quondam ego tentavi Clothoque, duasque sorores,

Pollice quæ certo pensa severa trahunt, 240

Ut Remus Iliades, et frater conditor urbis

Effugerent aliqua stagna profunda via.

De tribus una mihi ; partem accipe, quæ datur,

Muneris : ex istis, quod petis, alter erit. [inquit,

231. *Templo vicinus, et accola cam-  
pi.*] Erat enim Marti templum, in  
campo ab ipsius nomine dicto, sacra-  
tum, quod A. U. C. dclliii. fulmine  
percutsum, totum conflagravit. Dio.  
lvi.

233. *Annes decet ira.*] Egrege  
Lucanus, de Nilo, *Karapákpaç* im-  
petu magno profluente, Phars. x. 315 :  
“... Quis te tam lene fluentem Motu-  
rum tantas violenti gurgitis iras, Nile,  
putet? Sed quum lapsus abrupta via-  
rum Excepere tuos, et præcipites  
cataractæ, Ac nusquam vetitis ulla  
obsistere cautes Indignaris aquis,  
spuma tunc astra lacessis ; Cuneta  
fremunt undis ; ac multo murmure  
montis Spumeus invictis canescit fluc-  
tibus amnis.” Non male certe ; sed  
quanto major Homerus, in descri-  
bendis Scamandro et Simoënte, pro  
ripis cum Achille decertantibus ! Iliad.  
Φ. v. 234. sqq.

235. *Iste meus periit.*] *Meus*, quem  
ipse ad artem bellicam informaveram,  
fovebamque amore paterno ; *periit*  
quidem ; sed ut alumnum meum de-

cebat perire, *arma inter et enses, et  
dux pro patria!* *Funere causa latet.*  
Interpres diu multumque exercuit  
hoc hemistichion. Intelligebat Mi-  
cylus : cur illum Dii, seu fata, tam  
cito abstulerint, in obscuro est. Qui  
sensus non ita repugnat, quum non  
satis inter se constant scriptores, de  
causa, aut genere mortis : sed ad-  
mittenda tunc durior multo *ἀνρίπ-  
τωσις, funere, pro funeris vel funeri.*  
Quod Scaligerum, Heins. et Burman-  
num impulit, ut legerent, primus qui-  
dem : “ *Et lux proh! patriæ funere  
clausa latet.*” Heinsius vero : “ *Et  
lux proh! patriæ lumine cassa latet.*”  
Servato Burmanni priori hemistichio,  
levi admodum immutatione. *Ut dux  
pro Patria, alterum sic constituit :  
funere causa patet.* Id est, ipsum  
*funus* declarat Drusum *pro patria* oc-  
cubuisse. Præluserat jam Cuperus,  
Observ. iv. 3.

244. *Quod petis, alter erit.* Im-  
mortalis, scilicet ; qua autem via ad  
Superos Romulus migraverit, incer-  
tum. Poëticæ quidem : “ Martis

Hic tibi; mox Veneri Cæsar promissus uterque.  
 Hos debet solos Martia Roma Deos. 246  
 Sic cecinere Deæ; nec tu, Tiberine, repugna,  
 Irrite; nec flammam amne morare tuo;  
 Nec juvenis positi supremos destrue honores.  
 Vade age, et admissis labere pronus aquis. 250  
 Paret, et in longum spatiosas explicat undas;  
 Structaque pendenti pumice tecta subit.  
 Flamma diu cunctata caput contingere sanctum,  
 Erravit posito lenta sub usque toro. 254  
 Tandem ubi complexa est silvas, alimenta que sum-  
 Æthera subjectis lambit et astra comis. [sit,  
 Qualis in Herculeæ colluxit collibus Cætæ,  
 Quum sunt imposito membra cremata Deo.  
 Uritur heu! decor ille viri, generosaque forma,  
 Et faciles vultus; uritur ille vigor! 260

equis Acheronta fugit." (Hor. iii. Od. 3.) Sed historicos audiamus: "fuisse credo, inquit Livius, lib. 1. cap. 16. tum quoque aliquos, qui discerptum patrum manibus taciti arguerent." Plutarch. quoque in *Romul.*

245. *Cæsar uterque.*] Julius Cæsar et Augustus, promissus uterque *Veneri* ab ipso Jove: Julius quidem, *Æn.* i. 390; Augustus vero, *Metam.* xv. 819.

249. *Nec juvenis positi supremos destrue honores.*] Nec rogam deicias, ut certus eras, in quem honorandum supremo funere juvenem posuerunt.

250. *Admissis labere pronus aquis.*] *Immissis*, codd. nonnulli, et vet. edd. ad unam omnes: et recte quidem. Quum enim Mars, *labere pronus aquis*, dicit, Fluvium monet, ut, receptis in alveo aquis, quæ in rogam Drusi jam jam immitte dæ intumuerant, *pronus labatur*; id est, quo suus eum fert decursus, placidus sequatur. Nihil

ergo mutandum: ferri tamen posset, si daretur, *admissis*.

252. *Structaque pendenti pumice tecta subit.*] Ita passim apud poetas saxa quævis erosa, de quibus sacra Dearum ac Nympharum antra construxerunt, *pumices* vocantur, aut *tophi*, in quibus *pendere* verbum est maxime proprium.

254. *Lenta sub usque toro.*] Veteres, *sibi usque*: Scaliger, *lenta subitque*. Neutri adhærendum, quum res ipsa sensum tam aperte declarat. Flamma enim *cunctata diu*, quasi timeret *caput sanctum* contingere, corripit primum, et lente (*usque*) ligna deposcit, quæ *toro* fuerant subjecta.

256. *Subjectis lambit et astra comis.*] Flammam eleganter *comas* dicit, quæ, quum altius exsurrexerint, in totidem apices, capillorum more, quasi filatim dissolvuntur, et perpetuo ac volubili motu astra videntur *lambere*.

260. *Et faciles vultus: uritur ille*

"The cold, ungracious marble to declare  
How many hopes lie desolate & there."

Præd's A. M. M. -

CONSOLATIO.

433

Victricesque manus, facundaque principis ora,  
Pectoraque, ingenii magna capaxque domus!  
Spes quoque multorum flammis uruntur in isdem. |  
Iste rogos miseræ viscera matris habet.  
Facta ducis vivent, operosaque gloria rerum: 265  
Hæc manet; hæc avidos effugit una rogos.  
Pars erit historiæ, totoque legetur in ævo;  
Seque opus ingeniis carminibusque dabit.  
Stabis et in rostris tituli speciosus honore;  
Causaque dicemur nos tibi, Druse, necis. 270  
At tibi jus veniæ superest, Germania, nullum;  
Postmodo tu pænas, barbarâ, morte dabis.  
Adspiciam regum liventia colla catenis;  
Duraque per sævas vincula nexa manus;

vigor! Quum vero facilis habeant Scaliger. Ald. Pith. et aliæ edd. legendum hinc conjiciebat Burmann. "Et facilis vultus uritur ille rigor." Ut qui rigorem quemdam vultu præferret, facilitate et benignitate temperatum. Quod non ita repugnat de Druso, cujus dulcedo ac suavitas maxime a Vell. laudatur, ii. 97.

262. Pectoraque, ingenii magni capaxque domus.] De eodem scriptor idem, loco citato: "Cujus ingenium, utrum bellicis magis operibus, an civilibus suffecerit artibus, in incerto est. Fuisse autem creditur, non minus gloriosi, quam civilis animi." Suet. Claud. l.

268. Seque opus ingeniis carminibusque dabit.] Amplam certe materiam suppedietabit, in quam tractandam sese exserant poetarum ingenia. Et Horatio jam, ut vidimus, suppedi-taverat, et ipsi deinde Ovidio: Trist. IV. Eleg. ii. 39. de Pont. II. Eleg. ii. 74. Fast. i. 597.

269. Stabis et in rostris, etc.] Statua VOL. V.

in rostris donaberis. "Præterea senatus, inter alia complura, marmoreum arcum cum tropæis via Appia decrevit, et Germanici cognomen ipsi posterisque ejus." Suetonius, Claud. l. Dio. lv. Tituli speciosus honore. Honorifica insignis inscriptione, quæ sic adhuc in numismatibus legitur: NERO CLAUDIUS DRUSUS GERMANICUS IMP. "Non per adulationem, inquit Florus, iv. 12. sed ex meritis defuncto ibi (in German.) fortissimo juvene, ipsi, quod numquam alias, senatus cognomen ex provincia dedit."

273. Adspiciam regum liventia colla catenis, etc.] Durior justo imprecatio hæc in Germanos, qui, communi gentium jure, suam sibi libertatem et patriam armis vindicare conabantur. Cæterum, hunc se erga illos Drusus gesserat, quem vel ipsi hostes, teste Seneca, Consolat. ad Marciam, iii. ægrum cum veneratione et pace mutua prosequerentur; nec optare quod expediebat auferent.

3 K

Et tandem trepidos vultus; inque illa ferocum  
 Invitis lacrimas decidere ora genis. 276  
 Spiritus ille minax, et Drusi morte superbus,  
 Carnifici in mœsto carcere dandus erit.  
 Consistam, lætisque oculis, lentusque videbo  
 Strata per obscænas corpora nuda vias. 280  
 Hunc Aurora diem, spectacula tanta ferentem,  
 Quam primum croceis roscida portet equis.  
 Adjice Ledæos, concordia sidera, fratres;  
 Templaque Romano conspicienda foro.  
 Quam parvo numeros implevit principis ævo, 285  
 In patriam meritis occubuitque senex!  
 Nec sua conspiciet, miserum me! munera Drusus,  
 Nec sua pro templi nomina fronte leget!  
 Sæpe Nero, illacrimans, submissa voce loquetur:  
 Cur adeo fratres, heu! sine fratre, Deos? 290  
 Certus eras nunquam, nisi victor, Druse, reverti.  
 Hæc te debuerant tempora: victor eras.

280. *Strata per obscænas corpora nuda vias.*] Mos erat occisorum in carcere corpora nuda fœde projici per vias vicinas, quæ ideo *obscæna*, id est, male ominosa habebantur: memoraturque a Dione, lviii. tot inter quæ Sejani mortem portenderent, quod servi ejus, eo ipso die quæ captus est, in viam diverterint quæ ducebat ad carcerem, lapsique ceciderint per scælas Gæmonias descendentes.

283. *Adjice Ledaos, concordia sidera, fratres.*] “His (Tib. et Drus.) scio equidem nullum aliud, quam Castoris et Pollucis, specimen consanguineæ charitatis convenienter adjici posse.” Val. Max. v. 5. Putida hæc quidem adulatio; constat tamen Tiberium Concordiæ et Ledæorum ædes instaurasse, suoque et Drusi fratris nomine, licet defuncti, inscripsisse, ut amicitia, quæ vivos conjunxerat,

mansuram apud posteros famam consecraret. De illa templi Concordiæ, quod olim Furius voverat, instauratione meminit quoque Ovidius Fastorum libro i. 637 sqq.

285. *Quam parvo numeros implevit principis ævo!*] Eleganter admodum, pro: quam brevi annorum spatio princeps exstitit numeris omnibus absolutus! Numerum adimplevit virtutum, quæ principem absolvunt.

290. *Cur adeo fratres, heu! sine fratre, Deos!*] Verba sunt Tiberii, dolentis quod sine fratre, *Deos fratres*, adeat, Cast. et Polluc. in ædem quam ipsis dicabat. Sensus plane obvius, et affectus quidem dulcissimus: unde non video quid Scaligerum impulerit, ut legeret: “Cur adeo, frater, heu! sine fratre tuo es?”

291—292. *Certus eras nunquam, nisi victor, etc.*] Fixum, immotumque



Consule nos, duce nos, duce jam victore, caremus :

Invenit en tota mœror in urbe locum.

At comitum squalent immissis ora capillis, 295

Infelix, Druso sed pia turba suo.

Quorum aliquis, tendens in te sua brachia, dixit :

Cur sine me, cur sic incomitatus abis ?

Quid referam de te, dignissima conjuge Druso,

Atque eadem Drusi digna parente nurus ? 300

Par bene compositum ; juvenum fortissimus alter,

Altera tam forti mutua cura viro.

Femina tu princeps ; tu filia Cæsaris : illi

Nec minor es magni conjuge visa Jovis.

Tu concessus amor, tu solus et ultimus illi, 305

Tu requies fesso grata laboris eras.

Te moriens, per verba novissima, questus abesse ;

Et mota in nomen frigida lingua tuum.

Infelix recipis, non quem promiserat ipse ;

Nec qui missus erat, nec tuus ille redit ; 310

in animo tibi sedebat, ut Romam nunquam, nisi victor redires. *Victor eras*: debuerant igitur incolumen te nobis tempora reddere.

299. *Quid referam de te*, etc.] Sermonem nunc convertit ad conjugem Drusi, Antoniam minorem, Antonii Triumviri ex Octavia, Augusti sorore, filiam. De ea sic Val. Max. iv. 3: "Antonia quoque femina laudibus virilem familiæ suæ claritatem supergressa, amorem mariti egregia fide pensavit ; quæ post ejus decessum, forma et ætate florens, cubiculum sororus pro conjugio habuit : in eodemque toro alterius adolescentiæ vigor extinctus est ; alterius viduitatis experientia consenuit." Totam se tradidit liberis educandis, qui tres numero : Germanicus, Caligulæ pater :

Claudius, qui deinde imperator, et Livia, seu Livilla, morum dissolutione adeo infamis. Veneno interceptam a Caligula dato Antoniam innuit Suet. Claud. 23.

305. *Tu concessus amor, tu solus et ultimus illi*.] Laudem hanc Druso tribuit Val. Max. loco jam adlato, quod *Veneris usum intra conjugis charitatem clausum tenuerit*. Quidam, *confessus amor*, legitimus.

308. *Et mota in nomen frigida lingua tuum*.] Volebat Francius ad nomen, quasi, audito conjugis nomine, adhuc compellaret. Sic de Orpheo suo Virgil. Georg. iv. 525: "... Eurydicen vox ipsa et frigida lingua, Ah! miseram Eurydicen, anima fugiente, vocabat!"

Nec tibi deletos poterit narrare Sicambros,  
 Ensibus et Suevos terga dedisse suis.

Fluminaque, et montes, et nomina magna locorum;  
 Et si quid miri vidit in orbe novo.

Frigidus ille tibi, corpusque refertur inane; 315  
 Quemque premat sine te, sternitur ecce torus.

Quo raperis, laniata comas, similisque furenti?

Quo ruis? attonita quid petis ora manu?

Hoc fuit Andromache, quum vir religatus ad axem  
 Terruit admissos sanguinolentus equos. 320

Hoc fuit Evadne, tunc quum ferienda coruscis  
 Fulminibus Capaneus impavida ora dedit.

Quid mortem tibi mœsta rogas; amplexaque natos,  
 Pignora de Druso sola relicta tenes?

Et modo per somnos agitaris imagine falsa, 325  
 Teque tuo Drusum credis habere sinu?

311. *Nec tibi deletos poterit narrare Sicambros, etc.*] “Inde validissimas nationes, Cheruscos, Suevos et Sicambros pariter aggressus est: qui, viginti centurionibus incrematis, hoc velut sacramento sumserant bellum, adeo certa victoriæ spe, ut prædam in antecessum pactione dividerint: Cherusci equos, Suevi aurum et argentum; Sicambri captivos elegerant; sed omnia retrorsum. Victor namque Drusus equos,” etc. Flor. lib. iv. 12.

314. *Et si quid miri vidit in orbe novo.*] Non ita *novus* Romanis orbis ille, quem jam Cæsar obiter descripsit, de Bell. Gall. vi. 21 sqq. Fuscus deinde et accuratius, ut par erat, Tacitus, in eximio illo *de moribus Germaniæ* opusculo.

320. *Terruit admissos sanguinolentus equos.*] Vide quæ adnotavimus, ad vers. 36. Epist. prim.

321—322. *Hoc fuit Evadne, etc.*] Tali quoque furore agitata Evadne Capanei uxor, præcipitem se in conjugis rogam immisit. Statius, Theb. xii. 800. Unde meruit, ut de illa caneret Propert. i. Eleg. xv. 21: “Occidit Argivæ fama pudicitiae.”—*Quum ferienda coruscis Fulminibus Capaneus impavida ora dedit.* Merito *impavidum* dicit, qui sic ipsum Jovem increpasset, Theb. lib. x. 899: “Nunc age, nunc totis in me consistere flammis, Jupiter! an pavidas tonitru turbare puellas Fortior, et soceri turres excindere Cadmi?”—*Ferienda.* Putat Heins. *feriunda*; sic *potiunda* et similia apud Ovidium.

325. *Agitaris imagine falsa.*] Turbaris per somnos et inquietaris imagine, quæ tuum amorem ludit, inane tibi Drusum offerens, quem frustra quæris *in vacui parte tori*.

Et subito tentasque manu, sperasque receptum ;  
 Quæris et in vacui parte priore tori ?  
 Ille pio, si non temere hæc creduntur, in arvo  
 Inter honoratos excipietur avos ; 330  
 Magnaque maternis majoribus, æqua paternis  
 Gloria, quadrijugis aureus ibit equis ;  
 Regalique habitu, curruque superbus eburno,  
 Fronde triumphali tempora vinctus erit.  
 Accipient juvenem Germanica signa ferentem 335  
 Consulis imperio conspicuumque decus ;  
 Gaudebuntque suæ merito cognomine gentis,  
 Quod solum domito victor ab hoste tulit.  
 Vix credent tantum rerum cepisse tot annos :  
 Magna viri latum quærere facta locum. 340  
 Hæc ipsum sublime ferent : hæc, optima mater,  
 Debuerant luctus attenuare tuos.

333. *Regalique habitu, etc.*] Recite: nam quem mors Druso præripuerat triumphum, in *arvo pio* poeta concedit, fingitque ab avis honorifice exceptum, qui *gaudent*, quod unus e suis *Germanici* primus *meritum* cognomen Drusorum et Claudiorum nomini addiderit.

339. *Vix credent tantum rerum cepisse tot annos.*] Vix credent tot tantasque res, tam brevi annorum spatio confici potuisse.—*Tot*, pro paucis, vulgare apud poetas. *De tot sororibus*, dixit Ovid. Met. iv. 418. quum *de tribus* modo hic agatur.

340. *Magna viri latum quærere facta locum.*] Quamvis concedat Burm. et exemplis firmet, *locum* pro temporis spatium sumi posse, negat tamen *latum locum*, pro temporis spatio ampliori esse hic intelligendum ; conjicitque : “ *Magna viri lætum quærere facta modum.*” Ut, inquit, *modus latus* temporis sit longum

spatium, non certis finibus conscriptum ; et *locum* adfert, e Statio, Theb. vii. 296 : “ . . . Pater est, natusque ; sed ævi Confudere modos.” Sed agitur ibi de patre et nato, (Lapithaone et Alathreo,) qui, *confusis* revera *ævi* ordine *modoque*, ita pares ætate et armis incedebant, ut *fratres* dicerentur. Hic vero, cur non *locum* referamus ad ipsam Germaniæ partem, ubi factis Drusus inclaruerat ; quem quidem *locum* velint *latiorem*, dignioremque, qui præclaris adeo facinoribus illustraretur ? Qui locus, ab ipsis militibus *Campus sceleratus* dictus est.

341. *Hæc, optima mater, debuerant, etc.*] Feliciter admodum eo redit, unde inceperat oratio ; ad Liviam scilicet quam poeta, postquam materno dolori diu satis permisit indulgere, ad Imperatoriam dignitatem revocat, hortaturque *aspiciat* quid Drusi matrem *deceat*, quid uxorem *Cæsaris*.

Femina digna illis, quos aurea condidit ætas,  
 Principibus natis, principe digna viro.  
 Quid deceat Drusi matrem, matremque Neronis,  
 Adspice: quo surgas, adspice, mane toro. 346  
 Non eadem vulgusque decent, et lumina rerum:  
 Est quod præcipuum debeat ista domus.  
 Imposuit te alto Fortuna, locumque tueri  
 Jussit honoratum, Livia: perfer onus. 350  
 Ad te oculos, auresque trahis: tua facta notamus;  
 Nec vox missa potest principis ore tegi.  
 Alta mane; supraque tuos exsurge dolores;  
 Infragilemque animum, quod potes, usque tene.  
 An melius per te virtutum exempla petemus, 355  
 Quam si Romanæ principis edis opus?  
 Fata manent omnes: omnes exspectat avarus  
 Portitor; et turbæ vix satis una ratis.  
 Tendimus huc omnes: metam properamus ad unam.  
 Omnia sub leges mors vocat atra suas. 360  
 Ecce necem intentam cælo, terræque, fretoque,  
 Casurumque triplex vaticinantur opus.

343. *Condidit ætas.*] Pro *condidit*, legit *prodidit* Ruhnk. ad Vell. Pat. i. 3.

346. *Quo surgas, adspice, mane toro.*] Cujus sis uxor; cujus e thalamis mane prodeas.

347. *Et lumina rerum.*] Nescit Burmann. an non præstet *culmina*; neque ego ignoro verba hæc sæpius a librariis confusa: cave tamen ne quid immutes. Virorum enim principum exempla quasi totidem sunt *lumina*, quæ, quo imposita altius, eo certius in rectam vel pravam viam sequentis vulgi gressus inducunt. Mox ipse Noster: *ad te oculos trahis: tua facta notamus.*

352. *Nec vox missa potest principis*

*ore tegi.*] Nec si quid principi exciderit, diu latere potest. Cavendum igitur, ne quid dicat, vel faciat, quod indictum frustra, infectumve deinde velit.

356. *Quam si Romanæ principis edis opus.*] Quam si principem te, et Romanam quidem præstiteris.

358. *Turbæ vix satis una ratis.*] Petron. Specim. Belli civilis, 117: "... Vix squalida Porthmeus Sufficiet simulacra virum traducere cymba: Classe opus est."

362. *Casurumque triplex vaticinantur opus.*] Editio prim. *casurum triplex vaticinatur opus.* Unde passive sumendum *vaticinatur*, conjiciebat Micyllus. Aliæ omnes, ut edidimus;

I nunc, et, rebus tanta impendente ruina,  
 In te solam oculos et tua damna refer.  
 Maximus ille quidem juvenum, spes publica vixit;  
 Et, qua natus erat, gloria summa domus. 366  
 Sed mortalis erat; nec tu segura fuisti,  
 Fortia progenie bella gerente tua.  
 Vita data est utenda: data est sine fœnore nobis  
 Mutua, nec certa persolüenda die. 370  
 Fortuna arbitriis tempus dispensat ubique.  
 Illa rapit juvenes: sustinet illa senes.  
 Quaque ruit, furibunda ruit; totumque per orbem  
 Fulminat, et cæcis cæca triumphat equis.

et accipias de Philosophis, vel Sibyllinis oraculis, quæ *intentam hanc necem triplici operi*, id est, cœlo, terris et freto, *vaticinabantur*. Respexit Noster ad Lucretium, v. 95: "Principio, maria ac terras cœlumque tenere: Horum naturam *triplicem, tria corpora, Memmi, Tres species tam dissimiles, tria talia texta Una dies dabit exitio*." Neque illud non animadversione dignum, quod versus ille *casurumque*, etc. totidem verbis occurrat expressus, Trist. ii. 426. Secundum autem hunc Trist. librum constat scripsisse Ovidium, et ad Augustum misisse, statim ut in Pontum advenerit, ineunte scilicet decimo a Christi nativitate anno. Quum vero Drusi mors in annum præcedentem incidit, minime potuit Albinovanus, seu quis auctor alius hujus Elegiæ, versus hunc Ovidio surripere; nec probabile magis carmen de morte Drusi tam cito ad Ovidium in exilio suo pervenisse. Præterea, quis credat poetam omnium uberrimum, eo penuriæ subito devenisse, ut alienum hunc in sua reciperet? Qui se ipsum toties, cur alium hic compilasset?

364. *In te solam oculos*, etc.] Quæ ipsa, et quem amiseris considera: *maximus ille quidem*, etc.; sed *mortalis erat*; et quum ea sit rerum omnium conditio, ut intereant, eo minus *segura fuisti*, quo sua Drusum in certius periculum virtus immitteret. Potam hic rhetor male occupat, et Senecam magis, quam Nasonem agit; sed ipsa hæc verborum intemperies Ovidium arguit; qui in patentem adeo adulationi campum semel expansiatus, non erat is qui stare posset, ubi sistendum recto iudicio oportuit.

369. *Vita data est*, etc.] Ex Cicerone, qui Tuscul. l: "At ea quidem (natura) dedit usuram vitæ, tamquam pecuniæ, nulla præstituta die." Lucret. quoque, iii. 984: "Vitaque mancipio nulli datur, omnibus usu."

372. *Sustinet illa senes*.] Frustra vulgatam *sustulit* tuetur Scaliger, quem non cepisse mirum est, eo sensu *sustinere* hic accipiendum, quo in Epistol. i. 114: "Respice Laerten; ut jam sua lumina condas, Extremum fati *sustinet* ille diem." Ubi pro, in aliud tempus *differri* exoptat, sane est intelligendum.

Regna Deæ immitis parce irritare querendo : 375  
 Sollicitare animos parce potentis heræ.  
 Quæ tamen hoc uno tristis tibi tempore venit,  
 Sæpe eadem rebus favit amica tuis.  
 Nata quod en alte es, quod fœtibus aucta duobus ;  
 Quodque etiam magno consociata Jovi ; 380  
 Quod semper domito rediit tibi Cæsar ab orbe,  
 Gessit et invicta prospera bella manu ;  
 Quod spes implerunt maternaque vota Nerones ;  
 Quod pulsus toties hostis utroque duce.  
 Rhenus, et Alpinae valles, et sanguine nigro 385  
 Decolor infecta testis Itargus aqua ;  
 Danubiusque rapax, et Dacius orbe remoto  
 Apulus ; huic hosti perbreve Pontus iter ;  
 Armeniusque fugax, et tandem Dalmata supplex,  
 Summaque dispersi per juga Pannonii ; 390  
 Et modo Germanus Romanis cognitus orbis :  
 Adspice quot meritis culpa sit una minor.

379. *Nata quod es alte.*] *Alte es* veteres plerique, ne in metrum pectetur. Edidit Heinsius: *nata quod en alte es*. Davis. vero ad Cæs. de Bell. Gall. ii. 25: *Nata quod ex alto es*. Sed *ex alto nasci* recte dici non putat Burmannus: nec ullus quidem, unde firmetur hæc lectio, occurrit locus.

386. *Decolor infecta testis Itargus aqua.*] “Vulgo varie dicti amnis vocabulum scriptum est in variis exemplaribus, *Itargus*, *Itargis* et *Iturgus*, *Iturgis*, ex quibus doctissimi etiam fecerunt *Isurgis* et *Isurgus*; eumque intelligi poetæ annem docuerunt, qui aliis auctoribus dicitur *Visurgis*, *le Weser*. Ego vocem varie vitiatam in-trepide corrigo in *Ilorgus*; esseque eum annem, qui nunc in Suevia dici-

tur *Iler*, audacter pronuntio.” Sic Cluver. Vindel. et Noric. c. 6. p. 747.

388. *Apulus huic hosti perbreve Pontus iter.*] Locum valde depravatum Scaliger sic emendabat: “Danubiusque rapax, et Dacius orbe remoto *Angulus*: hinc hosti perbreve *pontis* iter.” Veteres scribebant *aggulus*, unde *apulus* fecerunt. Dacia tunc finis imperii Romani, Danubio terminata: itaque *pous* jungens Danubium fuisset *perbreve iter* hosti ad fines imperii Romani.

392. *Adspice quot meritis*, etc.] Tecum ipsa reputes quot quantaque in te beneficia fortuna contulerit; et unam quam admisit, in tollendo Druso, *culpam* minorem *meritis* invenias necesse est. Sed hæc omnia subtilius, quam verius.

Adde quod est absens functus ; nec cernere nati  
 Semineces oculos sustinuere tui.  
 Quique dolor menti lenissimus influit ægræ, 395  
 Accipere es luctus aure coacta tuos.  
 Prævertitque metus per longa pericula luctum ;  
 Tu quibus auditis anxia mentis eras.  
 Non ex præcipiti dolor in tua pectora venit,  
 Sed per mollitos ante timore gradus. 400  
 Jupiter ante dedit fati mala signa cruenti,  
 Flammifera petiit quum tria templa manu ;  
 Junonisque gravi nocte, impavidæque Minervæ,  
 Sanctaque et immensi Cæsaris icta domus.  
 Sidera quin etiam cœlo fugisse feruntur ; 405  
 Lucifer et solitas destituisse vias.  
 Lucifer in toto nulli comparuit orbe,  
 Et venit stella non præeunte dies.  
 Sideris hoc obitus terris instare monebat ;  
 Et mergi Stygia nobile lumen aqua. 410  
 At tu, qui superes mæstæ solatia matri,  
 Comprecor, illi ipsi conspiciare senex.  
 Perque annos diuturnus eas fratrisque tuosque ;  
 Et vivat nato cum sene mater anus.

402. *Flammifera petiit quum tria templa manu.*] Scilicet Jovis Capitolini, et Junonis, et Minervæ, quæ ipsi proxima. In quo differt Noster a Dione, qui libri lv. initio, Jovis templum indicat, et alterum *σύνναον ἀβ-  
 τού* ; cuius vero numinis, non dicit.

403, 404. *Junonisque gravi nocte,* etc.] Distichon hoc vicissim Cuper. Heins. et Burmannus tentaverunt ; sed parum adeo feliciter, ut fateatur Burm. expectandum esse *a libris melioribus auxilium* : quod quum nobis nondum obtigerit, desperatam tantis viris curationem non suscipiemus.

VOL. V.

Neque ita repugnat qui sese primum offert sensus ; domum scilicet Junonis, Minervæ et Cæsaris, nocte gravi, id est, ominosa, exitiosa, fulmine simul a Jove ictam fuisse. Forsan et tria hæc esse templa, de quibus superiori versu locutus est, credi potest.

411. *At tu, qui superes,* etc.] Sermo nunc ad Tiberium conversus.

414. *Et vivat nato cum sene mater anus.*] Vixit quidem anus Livia, et cum nato provectæ jam ætatis ; sed eum experta, ut multo ei præstitisset, antequam Tiberius imperaret, inter-

3 L

Eventura precor : Deus excusare priora 415  
 Dum volet, a Druso cetera læta dabit.  
 Tu tamen ausa potes tanto indulgere dolori,  
 Longius ut nolis, heu male fortis, ali.  
 Vix etiam fueras paucas vitalis in horas,  
 Obtulit invitæ quum tibi Cæsar opem : 420  
 Admovitque preces, et jus immiscuit illis ;  
 Aridaque adfusa guttura tinxit aqua ;  
 Nec minor est nato servandæ cura parentis :  
 Hic adhibet blandas, nec sine jure, preces.  
 Conjugis et nati meritum pervenit ad omnes : 425  
 Conjugis et nati, Livia, sospes ope es.  
 Supprime jam lacrimas : non est revocabilis istis,  
 Quem semel umbrifera navita lindre tulit.  
 Hectora tot fratres, tot deflevere sorores :  
 Et pater, et conjux, Astyanaxque puer, 430  
 Et longæva parens : tamen ille redemptus ad ignes,  
 Nullaque per Stygias umbra renavit aquas.  
 Contigit hoc etiam Thetidi : populator Achilles  
 Iliaca ambustis ossibus arva premit :

iisse. Vide Sueton. Tib. capp. 50 et 51.

415. *Deus excusare priora dum volet, etc.*] Nec vana precor ; Dii enim, ut illatam Drusi morte calamitatem imminuant, nihil non felix ac prosperum matri deinceps et fratri concedent.

417. *Tu tamen ausa potes, etc.*] Liviam increpat, quæ ita dolori primum videtur indulsisse, ut *longius alii* noluerit ; vixque *precanti et jubenti* etiam Augusto, cui *non minor* erat quam filio (Tiberio,) cura servandæ parentis, vitam suam concesserit. Hæc Poeta : Seneca vero, Consolat. ad Marc. iv : “ Illa, inquit, in primo fervore, quum maxime impatientes, ferocesque sunt miseræ, se consolan-

dam Areo philosopho præbuit ; et multum eam rem profuisse sibi confessa est : plus quam populum Romanum, quem nolebat tristem tristitia sua facere : plus quam Augustum, qui, subducto altero adminiculo, titubabat ; nec luctu suorum inclinandus erat,” etc. Certe non *male fortis*, quæ talem se mulier præstiterit.

427. *Non est revocabilis istis (lacrimis) quem semel, etc.*] Horat. ad Virgil. de Quinctilio, i. Od. 24 : “ Non vanæ redeat sanguis imagini, Quam virga semel horrida Non lenis precibus fata recludere, Nigro compulerit Mercurius gregi.”

429. *Hectora tot fratres, etc.*] Poetice luxuriantem quis non hic Ovidium agnoscat ?



Illi cæruleum Panope matertera crinem      435  
 Solvit, et immensas fletibus auxit aquas ;  
 Consortesque Deæ centum, longævaque magni  
 Oceani conjux, Oceanusque pater ;      [omnes  
 Et Thetis ante omnes : sed nec Thetis ipsa, neque  
 Mutarunt avidi tristia jura Dei.      440  
 Prisca quid huc repeto? Marcellum Octavia flevit,  
 Et flevit populo Cæsar utrumque palam ;  
 Sed rigidum jus est, et inevitabile mortis :  
 Stant rata, non ulla fila renenda manu.  
 Ipse tibi emissus nebulosi litore Averni,      445  
 Si liceat, forti verba tot ore sonet :  
 Quid numeras annos ? vixi maturior annis.  
 Acta senem faciunt : hæc numeranda tibi ;  
 His ævum fuit implendum, non segnibus annis.  
 Hostibus eveniat longa senecta meis.      450  
 Hoc atavi monuere mei, proavique Neronis :  
 Fregerunt ambo Punica bella duces ;

435. *Illi cæruleum Panopa crinem solvit.*] Id est, Panope soror Thetidis, quæ Achillis mater, crines suos solvit, audita illius (Achillis) morte. De luctu vero Thetidis, vidend. Quint. Calab. iii. 604 sqq. quem locum adisse non pigebit.

441. *Marcellum Octavia flevit.*] Et immodice quidem, si fides Senecæ, supradicta Consolat. cap. ii : " Nulum finem, per omne vitæ suæ tempus, flendi, gemendique fecit ; nec ulla admisit voces salutare aliquid adferentes, ne avocari quidem se passa est. Intenta in unam rem, et toto animo affixa, talis per omnem vitam fuit, qualis in funere."

448. *Acta senem faciunt : hæc numeranda tibi.*] Martial. x. 53. de quodam Scorpo, auriga famoso Ep. : " Invida quem Lachesis raptum trieteride

nona, Dum numerat palmas, credit esse senem."

449. *His ævum fuit implendum, non segnibus annis.*] " Longa est vita, si plena est. Impletur autem, quum animus sibi bonum suum reddidit, et ad se potestatem sui transtulit," Senec. Epist. 93.

451. *Hoc atavi monuere mei, proavique Neronis.*] Livii scilicet et Claudii. Narrat Tit. Liv. lib. xxvii. 46. 49 ; Asdrubalem, qui cum recenti exercitu Alpes eo consilio transcenderat, ut se cum fratre Annibale conjungeret, a M. Livio Salinatore victum ac cæsum esse ; eamque victoriam non minore opera Claudii Neronis, alterius Consulis, esse partam, propterea quod, quum Annibali oppositus esset, relictis ita castris ut hostem lateret, lecta manu profectus, Asdrubalem circum-

Hoc domus ista docet, per te mea, Cæsaris alti.

Exitus hic, mater, debuit esse meus : 454

Nec meritis, quamquam illa juvant magis, abfuit

Mater, honos : titulis nomina plena vides. [illis,  
Cõsul, et ignoti victor Germanicus orbis,

Cui fuit heu ! mortis publica causa, legor.

Cingor Apollinea victricia tempora lauro,

Et sensi exsequias funeris ipse mei ; 460

Decursusque virum notos mihi, donaque Regum ;

Cunctaque per titulos oppida lecta suos ;

Et quo me officio portaverit illa juventus,

Quæ fuit ante meum tam generosa torum :

Denique laudari sacrato Cæsaris ore 465

Emerui, lacrymas elicuique Deo.

venit. Merito igitur Horat. in carmine jam laudato : “ Quid debeas, ô Roma, Neronibus Testis Metaurum flumen ; et Asdrubal Devictus, et pulcher fûgatis Ille dies Latio tenebris.”

453. *Ista domus, per te mea.*] Ducta scilicet uxore Antonia, quæ Augusti neptis, ex Octavia sorore ; quod non nisi per Liviam factum, cujus filios suis adscriperat liberis Augustus, quum ipse nuberet Livix.

455. *Nec meritis, quamquam illa juvant magis, abfuit illis, Mater, honos.*] Sic, et Gronovio in suis ad Heins. Epist. quum olim legeretur ; “ Nec meritis quicquam illa juvat : magis affuit illis Mater honos.” Quod sic modeste, ut solet, corrigendum proponebat Micyllus : “ Nec meritis quicquam illa juvat magis ; affuit illis,” etc. Ut esset sensus : nec me domus illa Cæsaris facta mea per te, magis juvat, in posterum commendat, quam quæ de patria bene merui ; quia scilicet testis affuit mater, honor ipsa, honoribus, quos sequentibus recenset.

456. *Titulis nomina plena vides.*]

Forte *omnia plena*, inquit Burman. Quid enim *nomina plena titulis* ? Indicant quæ sequuntur : *Consulis enim et Germanici titulis nomina Neronis Claudii Drusi, etc.* in inscriptionibus insignita *legebantur*.

458. *Cui fuit heu ! mortis publica causa.*] Qui, ed. prim. et recte quidem, ut ad orbem Germanicum referas, in quo pro patria pugnando Drusus occubuit ; ideoque fuit *mortis ejus publica causa*.

462. *Cunctaque per titulos oppida lecta suos.*] Nomina et tituli urbium quas ceperat Drusus, in pompa funebri, velut in triumpho, præferebantur.

464. *Quæ fuit ante meum tam generosa torum.*] Quid sibi velit istud *ante torum* non intelligit Micyllus ; et interpretatur Burmannus de iis qui torum (lectum in quo jacebat cadaver impositum) præcedebant, illorum vicem, qui deferebant, excepturi. Malit tamen legi. “ Quæ fuit ante meum tam generosa rogum.” Sed quid opus emendatione, quum difficultatem (si quæ tamen) solverit interpretatio ?

Et cuiquam miserandus ero? jam comprime fletus:

Hoc ego, qui flendi sum tibi causa, rogo.

Hæc sentit Drusus, si quid modo sentit in umbra;

Nec tu de tanto crede minora viro. 470

Est tibi, sitque precor, multorum filius instar;

Parsque tui partus sit tibi salva prior.

Est conjux, tutela hominum; quo sospite, vestram,

Livia, funestam dedecet esse domum.

467. *Et cuiquam miserandus ero?*] Cui sim in posterum *miserandus*, qui *laudatus* a Cæsare, lacrimas ipsi (*Deo*) elicuerim? *Jam comprime fletus*. Querelarum igitur desine, mater; et fletus comprime, quum tot sint tibi causæ, unde petas solatium!

473. *Est conjux, tutela hominum, etc.*] Nimius in adulando Noster, quam qui non lectori nauseam sæpius

moveat, modo quis pudoris sensus. Quid enim vero? *dedecet domum Cæsaris luctu funestari*, vel si maximæ spei principem amiserit, *sospite scilicet uno Cæsare*. Summum hoc humilitatis, nec poetæ, etiam exulanti, et reditum imploranti, condonandum. Quid vero, si nec ipsum tam abjectæ adulationis pretium tulerit!

*The day 28<sup>th</sup> Nov. 1843. C. H. L.*

# P. OVIDII NASONIS

## HALIEUTICON \*.

### FRAGMENTUM.

ACCEPIT mundus legem: dedit arma per omnes,  
Admonuitque sui; vitulus sic namque minatur,

Utrum terrestria aquaticis animalibus, an terrestribus aquatica præstent industria, quærit et examinat Plutarchus, in libello, cujus ipsa quæstio titulus; et adductis utrinque, quibus suam quisque opinionem tueatur, exemplis, dubia prorsus res ab arbitro relinquitur. Id genus argumentum Noster sibi videtur proposuisse, quantum licet conjicere, e collectis adeo misere discerpti poetæ membris.—Vid. Aristot. Hist. Animal. ibique Jul. Cæs. Scal. Gratii Cyneget. Opiplan. Halieut. et Cyneget. ed. Schneid. Argentorati, 1776. Plin. Hist. Nat. ix. et xxxii.—Quæ mira referunt veteres de quorundam Piscium industria, magna ex parte infirmavit credula minus, sed diligentior recentiorum exploratio.

\* Hujus tam fæde ac misere corrupti et mutilati operis, bis mentio est apud Plin. Sem. xxxii. c. 2, his verbis: "Mihi videntur mira, quæ Ovidius prodidit piscium ingenia, in eo volumine, quod *Halieuticon* inscribitur." Secundo, eodem Libr. cap. ult. ubi sic: "His adjiciemus *apud Ovidium* posita nomina, quæ apud neminem alium reperiuntur; sed fortassis in Ponto nascuntur," etc. Illustravit hoc poema Scholiis suis Conradus Gesnerus in libellis tribus novis

de Piscibus et aquatilibus, Tiguri, in-8º: quem librum ipse vocat *Pro-gymnasmata* in historiam aquaticum, quam postea majori mole edidit. Deinde Janus Vlitius, in *Venatione Novantiqua* recensuit; quorum virorum Scholia nostris adjunximus. Primum vero fuisse Paulum Manutium, Aldi fil. qui in lucem edidit, Gesnerus in Præfatione docet; attulisse vero Actium Syncerum Sannazarium ex Galliis manu scriptum. HEINS. et BURM.

1. *Accepit mundus legem*, [etc.] Swartius, libro i. *Analect.* cap. 5. legit, *regem*: inepte, licet approbatorem repperit magistrum suum Barthium, xlv. *Advers.* ii. *Lex* est constans ille et perpetuus naturæ ordo, quem omnia creata sequi debent: quæ *jura, fœdera mundi*, passim a poetis dicuntur.—*Dedit arma per omnes*. Certe corruptus locus; an enim *mundus* dedit arma? et quibus? forte illa, *accepit mundus legem*, cum præcedentibus, quæ periere, includenda parenthesi; et *natura*, de qua antea agebat, intelligenda est, quæ *dedit arma* animalibus omnibus. Per *arma* vero intelligit illa animalium membra, quibus se defendunt. Vid. lepidissim. Anacreontis *Odarium*, ii: *Φύσις κέρτα τὰρπος*. κ. τ. λ. BURM.

2. *Minatur*.] Ald. ex MSS. San-

Qui nondum gerit in tenera jam cornua fronte :  
 Sic damæ fugiunt, pugnant virtute leones,  
 Et morsu canis, et caudæ sic scorpios ictu ; 5  
 Concussisque levis pennis sic evolat ales.  
 Omnibus ignotæ mortis timor, omnibus hostem,  
 Præsidiumque datum sentire, et noscere teli  
 Vimque modumque sui: sic et Scarus arte sub undis  
 Incidit, adsumptamque dolo tandem pavet escam.  
 Non audet radiis obnixa occurrere fronte ; 11  
 Aversus crebro vinem sed verberere caudæ  
 Laxans subsequitur, tutumque evadit in æquor.  
 Quin etiam si forte aliquis, dum pone nataret,  
 Mitis luctantem Scarus hunc in vimine vidit, 15

nazarii: *minaci*. Forte: "... Vitulus sic namque minaci, Quæ nondum gerit, intentat jam cornua fronte."

6. *Concussisque.] Concursisque levis pennis* MSS. VLITIVS. *Pinnis* ed. Gesneri et Pithæi.

9. *Sic et Scarus*, MSS. *sic Escarus*; et sic itidem vers. 38. Isidorus quoque *Escarum* pro *Scaro* posuit lib. xii. c. 6. et ab *esca* dictum finxit. Gesnerus *ἔσχαρον* aliud aquatile animal, a *Scaro* longe diversum constituit. Nam et him *σκάροσ* Græcis est. Nobis, *Le Scare*.

10. *Incidit.*] Ita Gesn. ut supplementum juvaret MSS. et Ald. *decidit*, quod meo insititio versusi quadraret. Ante hunc versum legebatur *sin*: cetera hiatu unius versus relicto; quod ex diversa lectione *ροῦ decidit* natum puto; cui aliquis superscripserit *In*: hoc est, vel, *Incidit*. *Incidere escam*, ut *Incidere terras*. Met. vii. 524. HEINS.—Swartius legebat: "Decipit, absumptamque dolo jam depavet escam." *Assumptaque*. Forte, *assumptamque dolo escam*.

12. *Aversus crebro veniens sub.]* Plinius, lib. xxxii. c. 2. "Mihî videntur mira, quæ Ovidius prodidit, piscium ingenia, in eo volumine, quod Halieuticon inscribitur: Scarum inclusum nassis non fronte erumpere, nec infestis viminibus caput inserere, sed aversum caudæ ictibus crebris laxare fores, atque ita retrorsum erumpere: quem luctatum ejus si forte alius Scarus extrinsecus videat, apprehensa mordicus cauda, adjuvare nixus erumpentis."—Oppian. Halieutic. iv. 44 sqq.

14. *Quin etiam si forte aliquis dampus nataret.] Dum pone nataret*, Pantagath. et Gesn. restituerunt ex vet. lect. quæ est in Al. *dampus nataret*. Pith. *dampus nat.* ex MSS. qui ita: *dam pronataret*: f. *dum pronat extra*.—*Aliquis dam pronata retro* Thuan. Ambrosian. *dam pro nata rete*. Scribe, *si forte alius, dum prænatat, arto arto* sc. vimine, quod sequitur; *prænatat*, pro præternat; nisi malis, *prope, dum natat*: posset et *dum pone nataret*, cum Pantagatho et Gesnero legi. HEINS.

Aversam caudam morsu tenet; atque ita . . . .

Uber servato, quem textit, in . . . resultet.

Sepia tarda fugæ, tenui quum forte sub unda  
Deprensa est, jam jamque manus timet illa rapaces,  
Inficiens æquor nigrum vomit ore cruorem; 20  
Avertitque vias, oculos frustrata sequentes.

Clausus rete Lupus, quamvis immanis et acer,  
Dimotis cauda submissus sidit arenis.

16. *Atque ita, etc.*] Sic locum hunc vere inextricabilem restituendum censebat Gesnerus: “. . . . Atque trahendo Captivum texto socium de carcere solvit.” Heinsius vero: “. . . *Atque ita tandem Victor servato, quem textit, cive resultat.*” Quam ego correctionem Gesnerianæ eo libentius prætulerim, quod servet ingeniosius quæ fractæ lectionis fragmina supersunt.

18. *Sepia tarda fugæ.*] Vide et *Ælianum*, i. cap. 35. H. A.

19. *Jam jamque manus timet illa rapaces, etc.*] Verbum *illa* bis in hoc disticho positum otiosum plane est: lego igitur cum *Ach. Statio*: “. . . Vomit ore cruorem.” *CIOF.* MSS. *vomit illace*, quod alteri conjecturæ meæ adstipulatur: *nigram vomit ilicet iram, vel undam.* *VLR.*

21. *Avertitque vices.*] Et pericula effugit. *Virg.* lib. ii. *Æn.* 431: “*Iliaci cineres, et flamma extrema meorum, Testor in occasu vestro, nec tela, nec ulla Vitavisse vices Danaum,*” etc. Observavit *Statius* hoc verbum *vices*, nullum hic locum habere, et cum *Ciaccono*, et *Mureto* sentio. *CIOF.* *Plin.* ix. 29, de *Sepiis*: *Ubi sensere se apprehendi, effuso atramento, quod pro sanguine his est, infuscuta aqua absconduntur.* Et ad verbum *Oppianus*, libro iii. v. 162: *καὶ ἡμάλδυνε κέλευθα, obscuratque vias.* *VLR.* *Vias* scripti: opinor, *avertitque fugar*, vel *avertitque minas*. II. Ita *via* et *vices* confusæ, lib. xv. *Metam.*

238; et apud *Val. Flac.* i. 283. et alibi. *BURN.*

22. *Clausus rete Lupus.*] Græcis, *λάβραξ*; Italis, *spigola*.

23. *Dimotis cauda; submissus sedet armis in austri.*] *Lego, Latitat submissus arenis.* Post hunc versum inseruerim alium: “*At piscis captus, qui Grajo est nomine Cestreus.*” Nam hoc de *Cestreo* (id est *Mugili*, quem forte eundem esse ignoravit *Ovidius*, quum inferius iterum de *Mugilis* astutia scribat; aut hoc nihil prohibet: nam et de *Murænæ* astutia denuo scribit) ostendit *Oppianus*, lib. iii. de *Piscibus*: ubi et alia quædam similiter, ut hoc in loco *Ovidius*, describit. *Lupum Plinius* ex *Ovidio* scribit reti circumdatum, arenas arare cauda, atque ita conditum transire rete. *GESN.*

—*Dimotis cauda submissus cedet arenis in austri.* *Fantagathus* legebat: *Sidit arenis.* Sed inter hunc, et sequentem versum aliquot carmina deesse suspicabatur. *CIOF.* *Sidit arenis.* Ita ego: *Pith. sidet arenis.* MSS. *ridet arenis.* *Gesner. latitat submissus arenis*: pro eo, quod est in *A. sedet armis in austri.* Quorum ultima proximo vers. sunt, quæ sequuntur: *in auras.* Ita MSS. et *Pith.* Quibus ego præfixi: *Atque ubi jam transire plagas persentit, in auras, etc.* Præeunte *Plinio*: “*Lupum reti circumdatum arenas arare cauda, atque ita conditum transeat rete.*” *Isidorus*: “*Denique rete circumdatus fertur arenas*

. . . . . in auras  
Emicat, atque dolos saltu deludit inultus. 25

Et Muræna ferox, teretis sibi conscia tergi,  
Ad laxata magis conversa foramina retis,  
Tandem per multos evadit lubrica flexus,  
Exemploque nocet, cunctis intervenit una.

At contra scopulis crinali corpore segnis 30  
Polypus hæret, et hac eludit retia fraude,  
Et sub lege loci sumit mutatque colorem;  
Semper ei similis, quem contigit: atque ubi prædam  
Pendentem setis avidus rapit, hic quoque fallit

arare, atque ita conditus transire rete." Inepte. Non *conditus* plagas transit lupus, sed *conditum* lupum plagæ. Hoc voluit Plinius. VLIT. Thuan. et Ambr. *ridet arenis in auras*. Lege, *sedit arenis: in auras* sequentis versus duæ ultimæ sunt voces. Met. lib. i. 307. ex antiquis libris: "Quæsitisque diu tenis ubi *sidere* detur." Quum *sistere* illic legeretur in vulgatis; possit et scribi, *se dat arenis*. H.

25. *Dolos saltu deludit inultus.*] Lege, *inultus*. Met. iv. 426: "Nil poterit Juno nisi inultos flere dolores." Ubi *multos* scripti plerique perperam: sic et apud Apulei. i. Met. scribendum opinor, *quæ quum subinde inultis nosceretur non a multis nosceretur.*—*Deludit. Diludit* ed. Gesn. Bers. Vlitii.

26. *Et Muræna.*] Hunc locum adumbravit Plinius, lib. xxxii. c. 2. ubi ita est: "Murænam maculas appetere ipsas, consciam teretis ac lubrici tergi, tum multiplici flexu laxare, donec evadat." CIOF.

27. *Conversa foramina.*] *Connexat* forma MSS. IDEM.

29. *Exemploque nocet, etc.*] Sic et scripti. Castigandum omnino: "Exemploque nocens cunctis iter invenit una." Apposite Philas, de Muræna: 'Ἡ μὲν γὰρ ἐνθὺνδ' ἐνθὺς ἀπὸ μετρίου  
VOL. V.

πόρον, Διεξέδν σὺζουσα καὶ τὰς συννόμους. H.

30. *At contra scopulis crinali corpore segnis Polypus hæret, etc.*] Idem tradit Ælianus, lib. vii. c. 11; et Plin. lib. ix. cap. 29; lib. xxxii. cap. 11.

31. *Hæc. MSS. hæc.* Plinius de hac fraude nihil, nisi quod eam respexisse videri possit, lib. ix. cap. 29. de Polypis: "Cetero per brachia veluti acetabulis dispersis astu quodam adhærescunt, tenentque supini, ut avelli non queant." Si bene ita conjicio. Vulgo: *haustu quodam*. De quo nihil Aristoteles, lib. iv. cap. 1. unde illa desumpsit Plinius.

32. *Sub lege loci.*] Plinius ibidem: *colorem mutat ad similitudinem loci. Loci.* Ovidiana locutio iii. Am.: "Hæc ex lege loci commoda circus habet." H.—*Mutatque. Mittitque, Ambros.*

33. *Atque ubi prædam Pendentem retis avidus, etc.*] Pantagathus legendum putavit, *setis*, non *retis*: vere. Equinis enim, ut nunc quoque fit, setis albis ad suspendendos hamos captandis piscibus usos priscos, docet Plutarchus in libello *De industria animalium*; ejusque rei rationem adfert Oppianus, libro iii. C.

34. *Fallit.* MSS. *stillit*: et supra  
3 M

Elato calamo, quum demum emersus in auras 35  
Brachia dissolvit, populatumque exspuit hamum.

At Mugil cauda pendentem everberat escam,  
Excussamque legit. Lupus acri concitus ira,  
Discursu fertur vario, fluctusque ferentes  
Prosequitur, quassatque caput, dum vulnere sævus  
Laxato cadat hamus, et ora patentia linquat. 41  
Nec proprias vires nescit Muræna nocendi;  
Auxilioque sui, morsu nec cominus acri  
Deficit, aut animos ponit captiva minaces.

Anthias his, tergo quæ concutit, utitur armis, 45

in fine proximi versus post *prædam* adjicitur, *prædaret*, quod huc refero, ut restituum: *huic quoque adhæret Elato calamo. Huic sc. prædæ: τὸ adhæret* absorptum erat in *prædaret*, atque ita factum, *præda, ret*. Conjecturæ meæ adstipulatur, Plin. l. xxxii. c. 2: "Polypum hamos appetere, brachiisque complecti, non morsu; nec prius dimittere, quam escam circumroserit; aut arundine levatum extra aquam." Sed postrema non satis congruunt. Noster enim, etiam *elato calamo*, adhærere *prædæ* suæ polypum dicit, donec *hamum* jam *populatum* exspuat.

35. *Quum demum.*] *Tum demum.* Ambros.

37. *Et Mugil.*] "Scit et Mugil esse in hamo escam, insidiasque non ignorat: aviditas tamen tanta est, ut cauda verberando excutiat cibos." Plin. xxxii. c. 2. Ita hæc plusquam *παραφράζει*, qui reliqua vixdum epitomaverat. VLTZ. De Mugili Plinius, eodem lib. cap. 9. sec. 23. et alibi. C. At editiones multæ. *Mugilis*, Heins. malebat.

38. *Lupus acri concitus ira.*] "Minus in providendo Lupus solertiæ habet, sed magnum robur in pœnitendo: nam ut hæsit in hamo, tumultuoso dis-

curso laxat vulnera, donec excidant insidiæ." Plin. ib. c. 2.

39. *Discursu.* MSS. *Discussus* id est, *discussu.* IDEM.

42. *Muræna.*] "Muræna etiam non ignorat vires proprias tum nocendi aliis, tum ad auxiliandum sibi in morsu esse sitas. Præmordet enim lineam: neque mordendi vim remittit, donec omnino debilitata se captam et victam fateatur. Murænæ amplius devorant quam hamum, admoventque dentibus lineas, atque ita erodunt." Plinius, loco cit. G.

43. *Auxilioque sibi.*] Lege, *sui* ex Thuan. et deinde, *cominus* pro *eo minus*, ex utroque scripto; forte: "Auxiliumque sui morsu nec cominus acri deficit." Sic illa tempestate loquebantur; et *τὸ deficere* cum quarto casu conjungebant, ut alibi pluribus est demonstratum. Sequenti versu *hamos ponat captura minuces.* Thuan. H.

45. *Anthias his.*] De hoc pisce Plinius lib. ix. cap. 59. Est autem a Græcis vocatus *ἰερός ἰχθύς*, ut ait Aristoteles lib. ix. de hist. anim. cap. 37; quod in eo loco sit, ubi nulla reperitur bellua. De eodem etiam Ælianus lib. i. cap. 3. et lib. viii. cap. 27. Plutarchus, in jam citato libello. --*Tergo quæ non videt. Vidit* Thuan.



Vim spinæ novitque suæ; versoque supinus  
Corpore, lina secat, fixumque intercipit hamum.

Cetera quæ densas habitant animalia silvas,  
Aut vani quatiunt semper lymphata timores,  
Aut trahit in præceps non sana ferocia mentis. 50  
Ipsa sequi Natura monet, vel cominus ire.  
Impiger ecce Leo venantum sternere pergit  
Agmina, et adversis infert sua pectora telis:  
Quoque venit, fidens magis et sublatis ardet,  
Concussitque toros, et viribus addidit iram; 55  
Prodidit, atque suo properat sibi robore letum.

quem non vidit, Ambros. Lege, quæ concutit, vel, quæ continet. Met. i. 143: "Sanguineaque manu crepitantia concutit arma."

47. Corpore, lina.] Plinius ix. c. 59: "Anthiæ, quum unum hamo teneri viderint, spinis, quas in dorso serratas habent, lineam secare traduntur, eo, qui tenetur, extendente, ut præcidi possit. At inter sargos ipse qui tenetur, ad scopulos lineam terit." Imo et ipse Anthias sibi id præstat, ut Noster tradit; quem, oblitus sui, ita hic sequitur Plinius: "Anthiam tradit idem infixum hamo invertere se, quoniam sit dorso cultellato, spinaque lineam præsecare." Ita jam dudum restitui corruptissimum locum, quem ant frustra tentant, aut temere nimis prostituunt editores. VLT.—Anthiarum capturam eleganter describit Oppian. Halieut. v. 305 sqq.

48. Cetera.] Digreditur ad animantes terrestres, ut eas minus industriæ, vel astutiæ, quam plerosque pisces habere ostendat. Equos tamen et canes laudat. IDEM.

49. Aut vani.] Id est, aut nimis sunt timida, aut nimis audacia: et

animi tantum affectu, non ingenio aut astutia aliqua utuntur. GENN.

51. Ipsa sequi natura, etc.] Sequi fugientia, et cominus ire resistantibus. IDEM. Hic versus est infra; unde hæc omnia e suis locis convulsa, et turpissimo mendo deformata, vel etiam adulterina esse, qui iudicio pollet, nullo negotio animadvertet. C.—Mouvet. Alii, monet, vel docet. G. Monet MSS. et Pith. movet. Ald. V.

52. Impiger et telo venantum sternere pergit Agmina.] In verbo telo, mendum inesse recte putavit Ciacconus; et Leo, quum de aliis infra feris agat, legit. Ego vero, quoniam syllaba le brevis est, et carmen claudicat, a veteribus editionibus parum recedens, lego: Impiger ecce Leo, etc. Venantum autem emendavit idem Ciacconus, quum antea male legeretur, Venatem. CIOF.

54. Quoque venit.] Sensus videtur: quo proprius venit, vel quo magis vulneratur. GENN.

55. Toros.] Id est partes corporis carnosas. IDEM.

56. Prodicit.] Mallem, proruit, si active acciperetur: simul omnes foras proruuunt se, Terent. IDEM.—Thuan.

Fœdus Lucanis provolvitur Ursus ab antris,  
 Quid nisi pondus iners, stolidæque ferocia mentis?  
 Actus Aper setis iram denuntiat hirtis,  
 Et ruit oppositi nitens in vulnera ferri; 60  
 Pressus et emisso moritur per viscera telo.  
 Altera pars fidens pedibus, dat terga sequenti,  
 Ut pavidi Lepores, ut fulvo tergore Damæ,  
 Et capto fugiens Cervus sine fine timore.  
 Ipsa sequi natura docet, vel cominus ire<sup>a</sup>. 65

Hic generosus honos, et gloria major Equorum;  
 Nam capiunt animis palmam, gaudentque trium-  
 Seu septem spatiis Circo meruere coronam; [pho:  
 Nonne vides, victor quanto sublimius altum

*Prodedit pro prodidit.* Lego: "Concussitque toros, et viribus adjicit iram, Prodigus." Tō *Prodigus* a viro clarissimo, Jano Vlitio, jam occupatum video. HEINS. Ego legerem, *Procidit*; vid. ad librum ix. *Metam.* 649; *addidit* vero non mutandum. Sic lib. iii. *Metam.* 306: "Sævitiæ, flammæque minus, minus *addidit* iræ."

58. *Ferocia mentis.*] *Menti* reponit Aldus. CIOP.

59. *Actus aper.*] *Actus et per retis* MSS. τὸ *agere* ita passim ponit Grætius: "*Glympice te silvis egit, etc. stimulisque potentibus acti In furias vertere canes.*" VLIT.

60. *Et ruit.* MSS. *se ruit.* IDEM. *Se ruit*, Thuan. Forte: *iram dum nuntiat (vel concitat) hirtis, se ruit.* Eleganter. Sic *omnia ruere*, Germanicus, Fragmento Prognosticorum.

61. *Emissio.*] Forte, *immissio.* HEINSIUS.

64. *Et capto fugiens cervus sine fine timore.*] *Capto*, id est concepto, ut paulo post; *nam capiunt animis palmam.* GESN. Reposui, *cauto timore*: quod passim in vetustissimis Ovidii

codicibus pro *cauto*, *capto* scribi animadvertim. HEINS.

65. <sup>a</sup> *Ipsa sequi.*] Abundat hic versus, paulo ante suo loco positus.

66. *Hic generosus.*] Puto legendum, *Hinc*; et pro *Nam*, sequenti versu, *Jam.* HEINS.

68. *Seu septem spatiis Circo.*] Hinc emenda Grætius, sub finem *Cynegetici*, ubi legendum: "... Ille vigebit *Septem* actus *spatiis.*" De Numida equo: quum nunc scribatur, *Centum spatiis. Septimam orbitam et septimam rotam* dixit Propertius, *septem Circi spatia* respiciens; *septem gyros* Arnobius. Græcis ἑπτα κάμπτοι vel καμπτήρες; quorum exemplo Casiodorus, in descriptione Circi *septem metus*, etsi parum proprie, dixit. H. —Sensus idem, quem in *Cynegetico* his versibus decoravit ipse Grætius: "... *Spatii qualis permissa Lechæis Thessalium quadriga decus, quam gloria patrum Excitat, et primæ spes ambitiosa coronæ.*" Quæ si comparentur inter se, et sequentia cum iis, quæ de equis in fine *Cynegetici* sunt, eundem genium ac auctorem referre, nemo negaverit. VLIT.

Attollat caput, et vulgi se venditet auræ? 70

Celsave quum cæso decoratur terga leone,

Quam tumidus, quantoque venit spectabilis actu,

Compescatque solum generoso concita pulsu

Ungula sub spoliis graviter redeuntis opimis: 74

Quæ laus prima Canum? quibus est audacia præ-

Venandique sagax virtus, viresque sequendi. [ceps,

Quæ nunc elatis rimantur naribus auras,

Et nunc demisso quærunt vestigia rostro;

Et produnt clamore feram, dominumque vocando

Increpitant: quem si collatis effugit armis, 80

Insequitur tumulosque canis camposque per omnes:

Noster in arte labor positus; spes omnis in illa.

72. *Quantoque venit spectabilis actu.*] MSS. *actum*: pari mendo supra *cuteso* pro *cæso*: *leo* pro *leone*: unde decessit, quod hic accrevit. Luculentissima autem hæc locutio et vere Gratiana. Cynegetico: *primos nequidquam offenderet actus*. V. Mallim, *quanto veniat*: vel, *quanto ut veniat*. HEINS.

73. *Compescatque solum.*] Nihil in hoc versu desidero. Astericum tamen appositum reliqui. Sic et Lucanus eleganter dixit: *Undas compescere remis*. GESN. Ita MSS. et Al. *compiscatque* Pith. *Compescatque solum*. Thuan. forte, *concutiatque solum*. HEINS.

75. *Quæ laus prima Canum.*] Canes, præsertim venatici, similiter ut equi, animosi generosique sunt: non timidi, non cum furore audaces. GESN.—*Audacia præceps*. Mera Gratii phrasis, de cane Hyrcano: *sed præceps virtus*, etc. Pertinet hoc ad genus bellicosum, quum vorat extremo (ut ibi canit) *præceps discriminine Mavors*. Ad sagaces, quod sequitur: *Venandique sagax virtus*. Quibus *natura sagax* et *solertia naris* ab eodem attribuitur in

Cyneg. Tertium genus faciunt illa: *viresque sequendi*; de quo in Cyneg. ad v. 200. videsis. De tribus his generibus quum ita distincte hic agatur, quis auctorem non agnoscit? Nempe ipsum Gratium; qui primus inter Latinos triplex canum genus instituit. VII.

77. *Naribus auras.*] Noster in Cyneg. vers. 239. *celsisive adprensat naribus auras*. Ubi et hunc locum explicui, pag. 195. IDEM.

79. *Et produnt clamore feram.*] Loquitur enim hic de canibus agminatim indagantibus, qui non quidem semper *ἀμα ἑλακῆ διαθέοντες* indistincte et indesinenter latrant; sed tum demum, quum ad cubile pervererunt, *Clamore feram produnt*. Hoc est, quod expressit Maro in Georg. iii. 411: *Volutabris pulsos silvestribus apros Lutrato turbabis agens*, etc.

80. *Effugit armis.*] Si fera dominum effugerit. GESN. Locus mendosus: puto, *quæ si collatis effugit armis*: ut ad feram referatur. H.

82. *In arte labor.*] Non quod venatio pedestris in viribus magis, quam arte consistat; sed quia initio *παρεκ-*

Nec tamen in medias pelagi te pergere sedes  
 Admoneam, vastique maris tentare profundum.  
 Inter utrumque loci melius moderabere funem. 85  
 Aspera num saxis loca sint: nam talia lentos  
 Deposcent calamos; at purum retia litus.  
 Num mons horrentes demittat celsior umbras  
 In mare: nam varie quidam fugiuntque petuntque.  
 Num vada subnatis imo viridentur ab herbis. 90

Objectetque moras, et molli serviat algæ.  
 Descripsit sedes varie Natura profundi;  
 Nec cunctos una voluit consistere pisces.  
 Nam gaudent pelago, quales Scombrique, Boves-  
 Hippuri celeres, et nigro tergo Milvi; [que,

*βάσειως* dixerat reliqua animalia terrestria suo quodam instinctu agi, quæ ipsa natura monet, vel sequendo, vel cominus depugnando, venari; quumque pisces jam vafritie quadam aut hac, aut illac excellere docuerit, ideo jam subjicit, arte adversus eos utendum, qui non natura sua, aut viribus, aut fuga, sibi semper consulunt, sed insuper ingenio et fraudibus certant. Hic sensus totius digressionis, et hujus ἐπανόδου. IDEM.—In illa. Cane; est enim dubii generis apud Græcos pariter et Latinos. GESN.

86. *Aspera.*] Deest verbum *aspice*, vel simile. IDEM.

87. *At purum retia litus.*] Verbum, *deposcit*, hic subaudies. Describit autem qualia esse oporteat loca, in quibus homines piscentur, et quibus uti debeant instrumentis. CIOF.—*Purum.* Sine saxis et algis. MSS. *puerum*: id est *pulchrum*, vel *curvum*. VLIET.

89. *Quidam.*] Pisces, scilicet.

90. *Num vada.*] Post hunc deest versus talis, aut similis: "In fundo, soleatque illic se pascere piscis." Ex

Oppian. Hal. 102. supplevit Vlitius hoc modo: "Gurgite: limosa num quis pascatur arena."

92. *Descripsit sedes varias.*] *Varie* Thuan. ut supra: "... Nam varie quidam fugiuntque petuntque." An *Dissepsit*, ut in *Metam.* lib. i? sed nihil temere muta: vide Gifan. Ind. Lucret. HEINS.

94. *Scombrique.*] Idem, *Scombrus*, Latin. Σκόμβρος, Græce: *Macarello*, Italice. Marinus in arenosis litoribus est. CIOF.—*Bovesque.* *Boves* Oppianus collocat in cæno maris. G. De Bobus, Ælianus, lib. i. c. 20. C.

95. *Hippuri celeres.*] *Hippurus* a caudæ equinæ similitudine nomen accepit, pinna scilicet a capite ad caudam deducta, quæ caudæ equinæ simillima est: hieme latitat; æstate tantum capitur; carnivorus est, nostris litoribus ignotus; Hispanis cognitus, a quibus vocatur *Lampuga*. Giscaf. CIOF.—*Milvi.* *Milvus*, Latine. Ἰέραξ, Græce. *Rondina*, Italice. Pelagius; altius volat, quam hirundo, et ad lapidis jactum: id autem solet fa-

At pretiosus Helops, nostris incognitus undis ; 96

Ac durus Xiphias, ictu non mitior ensis ;

Et pavidi magno fugientes agmine Thunni :

Parva Echeneis adest, mirum ! mora puppibus  
ingens : 99

Tuque comes ratiū, tractique per æquora sulci,

Qui semper spumas sequeris, Pompile, nitentes :

Cercyrosque ferox, scopulorum fine moratus :

cere, dum timet : it gregatim ; licet edentulus sit, carnivorus tamen est ; linguam igneam, rubicundam et splendentem habet. IDEM.

96. *At pretiosus Helops, nostris incognitus undis.*] Plinius nullum ordinem sequitur, quanquam pleraque expressit ; sed post alios, qui hic sequuntur, de Helope ita enotat : *Helopen quoque dicit esse nostris incognitum undis.* Quintilianus, lib. v. ex Nostro etiam habet : *nec Helopen nostro mari ducas.* An ergo in Ponto tantum nasci credidit Plin. ? Dixerat enim : “ His adjiciemus apud Ovidium posita nomina, quæ apud neminem alium reperiuntur, sed fortassis in Ponto nascuntur.” Triplici errore. Non Ovidii hæc sunt, sed, si quid probavi, Gratii. Nec hic tantum Helopis mentio ; sed et Aristoteles, et Hesiodus Scnto Hercules “ *Ἐλλοπας ἰχθύς* indigitavit. Denique non in Ponto, sed in Pamphylio tantum mari capitur, testibus Columella et Æliano. In eo quoque fallitur, quod lib. ix. c. 17. dicat de Acipensere : “ Nullo in honore est, quod quidem miror, quum sit rarus inventu : quidam eum Elopen vocant.” Nostro contra est, *pretiosus Helops* ; qui et *πολυτίματος*, Epicharmo ; sed ipse sibi etiam obloquitur Plinius, ut ostendam ad vers. ult. VLIT.

97. *Xiphias.*] Plinio, cap. xlix. libro ix. *Trygon* vocatur. De quo Ælianus, lib. ix. cap. 40. et lib. xiv.

cap. 22. Oppianus, lib. ii. Latine, *Gladius* : Italice, *Pesce spada*. Giscaferius. Pelagus est ; ad Cetaceam magnitudinem pervenit : rostro est mucronato, utramque maxillam rostratam habet : inferiorem tamen brevem, et triangularem : superiorem magis osseam, duriorē, longissimam, ensiformem. CIOF. *Ac durus*, bene scripti. HEINS.

98. *Thunni.*] *Thunnus*, Latine. *Θύννος*, Græce. *Tonno*, Italice. Ubi primus natus est, Latinis *Cordila* ; ubi ad sex menses pervenit, *Pelamis* ; ubi ad annum, *Thunnus* dicitur : a verbo Græco *θύνειν*, quod est cum impetu promoveri : ubi major factus est, *ὄρνυος* in immensum auctus, *κήρη*. Giscaf. CIOF.

99. *Parva Echeneis adest, mirum ! mora puppibus ingens.*] Plinius ix. cap. 25. “ Est parvus admodum piscis, Echeneis appellatus ; hoc carinis adhærente, naves tardius ire creduntur, inde nomine imposito, etc. ; ἀπὸ τοῦ τῆς νῆας ἴχθυος.” Puto, *Parva Echeneis*, ut et. HEINS.

101. *Pompile.*] Oppianus, i. 186. penultimam corrigiit : *Ἐν κείνοις νεμεται καὶ Πομπίλος ὅν ποτε ναῦται ἄζονται.* GESN. De Pompili natura Ælianus lib. ii. capite 15. et lib. xiv. capite 33 ; Plinius, lib. ix. cap. 15. et alibi. Hic autem piscis Neptuno sacer est, quod navigia ad portum usque sequatur.

102. *Cercyrosque.*] *Κέρκυροι* Op-

Cantharus, ingratus succo: tum concolor illi  
 Orphas, cæruleaque rubens Erythinus in unda:  
 Insignis Sargusque notis, insignis et alis: 105  
 Et super aurata Sparulus cervice refulgens;  
 Et rutilus Pagur, et fulvi Synodontes, et ex se  
 Concipiens Channe, gemino fraudata parente.  
 Tum viridis squamis, parvo Saxatilis ore,  
 Et rarus Faber, et pictæ Mormyres, et auri 110

piano circa petras degunt. Apud Plin. circa finem lib. xxxii. perperam legitur, *Bohgyros*. MSS. *Cercyroesque*: Plinius; *Cercyron in scopulis viventem*. Ita dudum ego, et pridem Gesnerus. Vulgo *Boogyron*: monstrose. Forte: *Sævum Cercyrum*; quia *ferox* hic dicitur a Nostro. VLIT.—*Cantharus*. De hoc pisce Ælianus, lib. i. cap. 27.

103. *Tum concolor illi Orphas.*] Plinius ex Ovidio nominat *Orphum rubentem*, *Rhacinumque pullum*, perperam, ut apparet; nisi *coracinum* legas *pullum*; et forte carmen unum hic desit. Scio quidem etiam *Orphum* rubere. Græcis Ὀρφός, vel Ὀρφός Attice. GESN.

104. *Erythinus.*] Plinius, lib. ix. cap. 16 et 52. et alibi. Pelagius est Aristoteli: Oppiano vero litoralis: in mari tantum reperitur.

105. *Insignis Sargus.*] Festus: *Sargus piscis genus, qui in Ægyptio mari fere nascitur*. Lucil.: “Quem præclarus Elops, quem Ægypto Sargu’ movebit.” De Sargo Plinius quinque in locis, et Ælianus libro i. cap. 24; litoralis, marinus; Auratis, et Sparis fere similis, latior, rotundior tamen est: bis parit, Vere, et Autumno: plures habet uxores, et pro iis certamen init: caprarum est amantissimus. Nulli lutarii reliquias sequitur. VLIT.

106. *Sparulus.*] Sparus Auratæ similis, adeo ut etiam piscatori-

bus frequenter imponat. Verum rotundiore, minore, et magis compresso est corpore. GISCAF.—*Et rutilus Pagur*. *Pager* vel *Pagrus*, Græcis, φάγρος, quod voracissimus sit; ab Erythino diversus est, ut notat Rondeletius: distinguitur magnitudine corporis, et latitudine, et rostri figura. Fallitur Jovius, qui Pagrum eum esse existimat, qui vulgo Romanis *Fravolino*, et Gallis Narbonensibus *Fragellus* vocatur, quum iis potius Erythinus sit. CIOR.

107. *Et fulvi Synodontes.*] Συνόδου, συνάγρις, χάραξ, et Latinis *Dentia*, eundem piscem significant; nomen enim ab extantibus, et prominentibus dentibus impositum est. Romanis *Dentale*. GISCAF. De eodem Ælianus, libro i. cap. 49. CIOR.

108. *Et ex se Concipiens Channe gemino fraudata parente.*] Idem tradit Plinius, lib. ix. cap. 16. et lib. 32. cap. ult. IDEM.

110. *Et rarus Faber.*] *Faber* is est, qui χαλκεός Græcis, vel τεύς. Plinio *Faber* dicitur: Romanis *pesce S. Pietro*: Gallis *Dorce*. Captus grunnit suum more: Romæ in foro piscario frequens est. C.—*Et pictæ Mormyres*. *Mormures gaze* dicuntur: Græcis μόμυροι, vel μόμυλοι. Quod etiam nomen hodie Romani imitari videntur, a quibus *Mormilli* vocantur. Lyncis pullis in lateribus parallelis insignis est, unde ab Ovidio *pictæ* dicuntur. GISCAF. CIOR.

Chrysophrys imitata decus: tum corporis Umbrae  
 Liventis, rapidique Lupi, Percæque, Tragique.  
 Quin laude insignis caudæ Melanurus, et ardens  
 Auratis Muræna notis, Merulæque virentes,  
 Immitisque suæ Conger per vulnera gentis; 115  
 Et capitis duro nociturus Scorpios ictu,  
 Ac numquam æstivo conspectus sidere Glaucus.

111. *Chrysophorus.*] *Aureique coloris Chryson:* apud Plinium non recte pro, *Cryosphryn.* GESN. *Aurata,* Latine: *Orata,* Italice. Litoral, marinus, et in marinis stagnis capitur; ætate mediis fervoribus, diebus circiter sexaginta, ut Glaucus, et Asellus, latet; hieme etiam laborat; solum carne vescitur; timidissimus est. CIOP.—*Umbrae.* Umbram alii sextilem faciunt, et alios quoque ex his, quos Ovidius hic pelagios facit, ut Merulam, Scorpium: litorales vero Melanurum et Mormylum. Lupos circa ostia fluminum, etc. GESN.—*Σκίαβα,* Græce, quod suo natatu oculos effugiens piscis umbra potius, quam verus piscis intuentibus appareat. Ausonius: *Effugiens oculos celeri levis Umbra natatu.* Marinus piscis est, loca saxosa, et herbis virentia incolens; carnivorus est, et solivagus. CIOP.

112. *Percæque.*] Plinius, libro ix. cap. 16. et Ausonius in Mosella, ubi ita scribit v. 115: "Nec te delicias mensarum, Perca, silebo Amnigenos inter pisces dignande marinis."—Pergit cum Nostro Plinius: *Præterea parvum Teragum, et placentem cauda Labrum.* In his ego invicem Gesperum prævertam. Ille ex Plinio superiore versu legebat: *Tum viridis Teragus parvo saxatilis ore.* Ego contra monstra illa non hinc modo, sed et ex Plinio extirpanda censeo, quem ita emendo: *Præterea Percam, Teragum, et placentem cauda Mela-*  
 VOL. V.

*nurum;* quibus vestigiatis Nostrum expressit. Qui vero *parvum Teragum* potuit dicere, quem ne fando quidem cognoverat, ut ipse fatetur, quumque nihil tale quid hic de magnitudine ejus traditum invenisset? VLIT.—*Tragique.* Oppiano Mænæ et Tragi in cæno maris degunt. GESN.

113. *Laude insignis caudæ Melanurus.*] Aliter videtur tradere Ælianus, libro i. cap. 43. CIOP.

114. *Merulæque virentes.*] Idem eodem lib. cap. xix. ejus mentio est apud Plinium.—MSS. *Munera notis merelateque.* VLIT.

115. *Conger.*] "Congri, (inquit Gesperus ad hunc locum,) se invicem maxime vorant, auctore Aristotele." Si id verum est, leg. *Immitisque suæ c. p. v. genti.* Sed quum id apud neminem, nec quidem in Aristotelis lib. inveniam, præplacet mihi lectio, quam Pithæus edidit ex MSS. *cancer;* præsertim quum Scorpius sequatur. Reliqua tamen in mendo cubant. Forte: *suæ per vulnera chelæ.* Vel, si de Congro loquitur: *sui per vulnera dentis.* VLIT.

116. *Et capitis duro nociturus Scorpius ictu.*] Ciacconus legit, *Et captus duro,* etc. probabilis admodum conjectura: utpote quæ eadem pæne litteræ sunt, et sensus talis requiritur; Scorpii autem non semel mentio est apud Ælianus, et apud Plinium, lib. ix. cap. 51.

117. *Æstivo sidere.*] Exorto Cane, id est, quo usque in cælo Canis con-





Extremi parent . . . . .  
 Lubricus et spina nocuus non Gobius ulla,  
 Et nigrum niveo portans in corpore virus  
 Lolligo, durique Sues, sinuosaque Caris : 130  
 Et tam deformi non dignus nomine Asellus :  
 Tuque peregrinis, Acipenser, nobilis undis. . . .

12<sup>a</sup> Nov. 1843. C. H. L.

(quod sciam) nemo hoc nomen posuit. *Lopida* vulgo dicuntur pisces quidam plani et lati. G.—MSS. *Lepores lati*. Plin. excerptis, *Epodes lati generis*. VLT.—*Ranae*. Ranas marinas de piscium genere intelligo. G.

127. *Pascunt*.] Ald. *extremi pas*. \* MSS. et Pith. *extremi pareuc*. \* Ego reliqua ex Oppiani Hal. I. initio ita supplevi: "Extremi pascunt, propter confinia ripæ, Aut fixæ scopulis hærent, Pernæque Sudesque." *Pernæque Sudesque* ex Plinio, qui hinc citaverat, in locum hunc postliminio restitui. VLT.

128. *Gobius*.] *Gobii* vel *Cobii* in petris et arenis degunt Æliano. *Lubricus* Gobii epitheton dixerim: quamquam *Olisthos*, id est lubricus sui generis, piscis est Oppiano prope ostia fluviorum. GESN.

130. *Lolligo*.] Pelagia est Lolligo magna. GESN. Plinius multis in locis: Ælianus, in libri ix. capite 52. Ex mollium genere, sicut Polypus, et Sæpia: proprium habet, inter mollia ut volet, et volitans Conchæ adhærens, et ita affixus, aut arena sese suburrans, tempestatis signum est: vivendi spatium tam Sæpiæ, quam Lolligini breve est. Namque paucis excerptis, bimatum non complent: numquam illi deest copia atramenti; suis promuscidibus pisces venatur. CIOF.—*Durique Sues*. *Dirique* passim citat Gesnerus. VLT.—*Sinuosaque Cess*. \* Præclare, ut omnia, hoc vulnus sanavit Pantagathus; legit enim, *Cestra*. Est autem Cestra, piscis, quæ in capite habet duos aculeos,

quibus Thynnium vel maxime infestat, ac persequitur. Aldus Aldi N. reponebat, *Thessa*; quo de pisce Plinius, lib. xxxii. cap. 11. CIOF. *Caris*, libri scripti, et Pithæus.

132. *Tuque peregrinis, Acipenser, nobilis undis*] De Acipensere Plinius, lib. ix. cap. xvii. et alibi. Italice, *Storione*, Gallice, *Esturgeon*. Sensit mecum clarissimus Muretus: et alii viri eruditissimi, inter quos Rondeletius, cap. ult. lib. xiv. id litteris consignarunt. At aliter Giscaferius, qui hæc notat in hac secunda editione. De Acipensere, inquit, varia est inter scriptores sententia, quisnam sit, et quo apud nos vocetur nomine. Jovius eundem esse vult cum Ellope; *le Lézard*; idque probare contendit nonnullis argumentis. Rondeletius diversos esse inter se existimat; Ellophenque squamosi, Acipenserem mustellini generis; eumque esse, qui apud nos Sturio vocatur: quod quidem non paucis rationibus et auctororum testimoniiis confirmat. Paulus tamen Jovius Silurum Sturionem esse nostrum arbitratur. In hac tam anticipi pugna perdifficile est nosse in utram magis partem inclinet victoria. Hoc tamen animadvertendum existimo, mirum videri Acipenserem ab Ovidio peregrinum vocari, si noster Sturio sit, quum non procul a mœnibus Urbis in Tiberi, vere et æstate Sturiones laudatissimi frequenter capiuntur. Hoc autem argumento facile credi posse alium esse Acipenserem, qui e remotis maribus Romam vehi solitus esset. CIOF.

## ARGUMENTUM NUCIS.

EX ANTHOLOG. GRÆCA. I. C. 20. EPIGR. I. BRUNCK. ANAL. I. P. 173.

Εἰνοδίην καρὺν με παρερχομένοις ἐφύτευσαν  
Παισι, λιθοβλήτου παίγνιον εὐστοχίης·  
Πάντας δ' ἀκρέμονάς τε καὶ εὐθαλείας ὀροδάμνους  
Κέκλασμαι, πυκναιῖς χερμάσι βαλλομένη.  
Δένδρεσιν εὐκάρποις οὐδὲν πλέον· ἢ γὰρ ἐγωγε  
Δυσδαίμων ἐπ' ἐμὴν ὕβριν ἐκαρποφόρουν.

Quod Epigramma, sive Platoni, sive Antipatro Sidonio tribueris (nam inter utrumque disceptatur,) nullus tamen negaveris quin hinc effluxerit Elegiæ subsequentis argumentum, quod juvenili more, et primo luxuriantis ingenii impetu amplificatum, in carmen excrevit non fere minus quam ducentos versus complectens. Græcum sic vertit Alciat. in Emblem. :

Ludibrium pueris lapides jacentibus, hoc me  
In trivio posuit rustica cura Nucem :  
Quæ laceris ramis, perstrictoque ardua libro,  
Certatim fundis per latus omne petor.  
Quid sterili posset contingere turpius ? eheu !  
Infelix fructus in mea damna fero !

# NUX,

## ELEGIA<sup>a</sup>.

NUX ego juncta viæ, quum sim sine crimine vitæ,  
A populo saxis prætereunte petor.  
Obruere ista solet manifestos pœna nocentes,  
Publica quum lentam non capit ira moram.  
Nil ego peccavi; nisi si peccare vocatur, 5  
Annua cultori poma referre suo.  
At prius arboribus, tum quum meliora fuere  
Tempora, certamen fertilitatis erat.

<sup>a</sup> Sunt qui asserant, hoc opusculum de *Nuce* falso adscribi Nasoni: ego vero, ut non negarim, Ovidium juvenem, et adhuc tironem in Musarum militia, hæc quasi sui præexercitamenta scripsisse, meliora quidem futura, si in provectionem ætatem distulisset; sic ipsius, non alterius poetæ partum esse asseverarim, quod ex dicendi caractere quivis, vel mediocriter eruditus,prehendere poterit. M.

1. *Nux ego*, etc.] Contigit hoc fortuna quadam huic Elegiæ, ut interpretem nancisceretur virum sæculi decimi-sexti lumen ingens et decus, Desider. Erasmus; qui si tales in Ovidium omnem curas extendisset, vix equidem sentio quid agendum posteris reliquisset. Jam ab hoc versu primo, leonis unguem sentias, in exponendo qua potissimum arte Noster lectorem secum in rem mediam rapiat; et, omissis quibuscumque præludiis, id

statim de quo agitur det intelligendum. *Juncta via*. Proxima, contigua.

2. *Petor*.] Percutior. Val. Maxim. lib. v. cap. 3. *Lycurgus sæpe lapidibus petitus est*.

3. *Obruere*.] Proprie. Dicitur enim elegantissime, saxis et lapidibus aliquem obruere.

5. *Nisi si peccare fateamur*.] *Vocatur prætuli*: eadem varietas II. Pont. ii. 19: "Utque magis cauti possunt timidique videri." Ubi *vocari* codd. nonnulli. *Peccare* etiam pro peccato, Terent. Andr. act. v. sc. 3. v. 55. *Si id peccare est, fateor id quoque*. Unde hic *fateamur* posset defendi. Nec tamen *docetur* admodum displicet, ut sit pro ostenditur, probatur: ita Terent. Adel. i. 2. 45. *te plura in hac re peccare ostendam*.

6. *Referre suo*.] *Meo*, Bodleianus a manu secunda.

Quum domini memores sertis ornare solebant  
 Agricolas, fructu proveniente, Deos. 10  
 Sæpe tuas igitur, Liber, miratus es uvas :  
 Mirata est oleas sæpe Minerva suas.  
 Pomaque læsissent matrem ; ni subdita ramo  
 Longa laboranti furca tulisset opem.  
 Quin etiam exempro pariebat femina nostro ; 15  
 Nullaque non illo tempore mater erat.  
 At postquam platanis, sterilem præbentibus um-  
 Uberior quavis arbore venit honos ; [bram,  
 Nos quoque fructiferæ, si nux modo ponor in illis,  
 Cœpimus in patulas luxuriare comas. 20

9. *Quum domini memores sertis, etc.*] Memores scilicet tunc agricolæ, cui Deorum arbor unaquæque erat sacra, Deum hunc, id est, ipsam arborem, sertis ornabant, quum fructuum proventus votis respondisset. Hinc Liber *suas uvas*, et oleas Minerva *mirabantur*.

10. *Agricolas, fructu proveniente, Deos.*] Lege, *Agricolas Deos*, quicquid libri veteres dissentiunt. Met. viii. 226 : " Cœptus ab agricolis superos pervenit ad omnes Ambitiosus honos." Posset et *Agricolam Deum* legi ; quemcumque Deum agricolam. Sic Tibullus, libro I. Eleg. i. 19 : " Et quodcumque mihi pomum novus educat annus, Libatum *agricolæ* ponitur ante *Deo*." Ubi nihil mutandum : quamquam *Agricolas ante Deos* nonnulli legunt : aut si quid mutetur, pro *libatum*, libens reponam, *libandum*. *Proveniente*. Bersmannus explicat *præcoci fructu* : sed quis ita veterum loquitur ? *provenire, proventus* millies de fertilitate tam hominum et animalium, quam agrorum apud veteres occurrit. BURM. *Præveniente* est vetus lectio.

12. *Oleas.*] Pro olivis dixit. Contra

Maro in Bucol. *olivam* pro olea, in-quiens : *Incumbens tereti Damon sic capit olive*. Est enim *olea* arbor, *oliva* bacca. Licet hic in proprio quoque significato pro arbore dictum accipere possimus. Sed melior tamen prior sententia : nam supra non vites, sed uvas dixit. MAR.

13. *Matrem.*] Arborem scilicet, quæ poma tulit, quorum pondere oppressa fuisset, ni, etc. Ita Plin. libro xii. *Rami in excelsum emicant, sylvosa multitudine, vasto matris corpore*.

14. *Longa laboranti ramo.*] Fatiscenti, præ multitudine fructuum. Sic alibi Noster, Remed. Am. 175 : " Aspice pomorum curvatos pondere ramos, Ut sua, quod peperit, vix ferat arbor onus."

16. *Nullaque non illo tempore mater erat.*] In mores ætatis suæ, data occasione, erumpit ; et feminas tangit, quæ non modo non *fertilitatis honorem* expetebant, sed et conceptos fœtus nefandis artibus in ipso sæpe utero necabant.

19. *Nos quoque fructiferæ.*] *Frugifera* scripti plerique ; nec respuendum. Jurisconsulti certe tam *frugiferas* arbores, quam *fructiferas* agnos-

Nunc neque continuos nascuntur poma per annos ;

Uvaeque læsa domum, læsaque bacca venit.

Nunc uterum vitiat, quæ vult formosa videri ;

Raraque in hoc ævo est, quæ velit esse parens.

Certe ego, si numquam peperissem, tutior essem.

Ista Clytemnestra digna querela fuit. 26

Si sciat hoc vitis, nascentes supprimet uvas ;

Orbaque, si sciat hoc, Palladis arbor erit.

Hoc in notitiam veniat maloque pyroque ;

Destituent silvas utraque poma suas. 30

cunt. *Frugiferarum* Columella non semel meminit. Tacitus de Germania : *Satis ferax, frugiferarum arborum impatiens*. B. *Si nux modo ponor in illis*. Modeste nimium vix se inter *fructiferas arbores* ponit recensendam.

20. *Luxuriare*.] Eleganter hoc de arboribus late crescentibus. Sic xiv. Met. 629 : " *Qua modo luxuriam premit, et spatiantia passim Brachia compescit.*"

21. *Nunc neque*.] Maluerim, *hinc neque*: causam reddit infœcunditatis. HEINS.

21, 22. *Continuos per annos*.] Non uno quoque anno, ut quondam. *Uvaeque læsa, læsaque bacca*. *Læsas* dicit, quia jam non Baccho nec Minervæ soliti honores persolvuntur; neglectique Dei suas quoque arbores negligunt: unde fit ut nec *uva* nec *bacca domum*, id est apud agricolam, adferantur.

23. *Nunc uterum vitiat*, etc.] Varie exhibent codices hunc locum, sed præfero receptam a viris doctis, et de abortu intelligo, qui medicamentis curatus, vitiat uterum, ne facile iterum concipiat. B.

26. *Ista Clytemnestra digna querela fuit*.] *Tutior* etenim, si nunquam peperisset Clytemnestra, quæ Orestem tulit, a quo postea interempta fuit.

Sed juste minus, quam Nux, questa fuisset, quum, occiso conjuge, scelus ipsa scelere provocaverit.

27. *Nascentes supprimat uvas*.] Vel in ipso nascendi tempore *premat*; enasci vetet. Jam de verbo hoc *supprimere* diximus, eo sensu accipiendum.

28. *Orbaque—Palladis arbor erit*.] Ipsam se fructibus suis *orbaret*.

29. *Hoc in notitiam veniat*, etc.] Discant hinc (ex iis quæ patior,) quid ipsis servetur; et mox quos ferunt fructus, arbores suas *destituent*, quæ nihil tunc aliud quam *silvæ*, et inutile lignum, foci *destinatum*.

30. *Utraque poma suas*.] Post hunc versum in multis codicibus adscripti erant ineptissimi quidam versus, quæ Monachorum sordes facile produunt: " *Audiat hoc prunus, dare desinet utile munus: Audiat hæc cerasus, stipes inanis erit. Audiat hæc ficus, ficu privabit amicum (vel amicos.) Escule, ne parias! ne quoque tu pereas. Fraxinus horroris causam quum vestit honoris. . .*" Et hæc ipsa etiam diverso modo leguntur in codicibus, et multa etiam deesse hujus poetastri, indicium dabat Junianus codex, ubi inter primum et secundum versum intervallum erat, unde excidisse quædam constat. BURM.

Quæque sibi vario distinguit poma colore,  
 Audiatur hoc cerasus, stipes inanis erit.  
 Non equidem invideo: numquid tamen ulla feritur,  
 Quæ sterilis sola conspicienda coma est?  
 Cernite sinceros omnes ex ordine truncos, 35  
 Qui modo nil, quare percutiantur, habent.  
 At mihi sæva nocent mutilatis vulnera ramis;  
 Nudaque decerpto cortice ligna patent.  
 Non odium facit hoc, sed spes inducta rapinæ.  
 Sustineant aliæ poma; querentur idem. 40  
 Sic reus ille fere est, de quo victoria lucro  
 Esse potest: inopis vindice facta carent.  
 Sic timet insidias, qui scit se ferre viator,  
 Quod timeat: tutum carpit inanis iter.  
 Sic ego sola petor, soli quia causa petendi est:  
 Frondibus intactis cetera turba virent. 46

31. *Vario colore.* Sic *varia uvæ* apud Columellam. *Distinguit. Vestit sua poma colore,* Lovan.

35. *Sinceros.*] Id est integros et illæsos. Ovid. IV. Pont. ix. 10: "Et mea sincero curreret axe rota. DOUZA.

38. *Decerpto.*] Licet nonnulla ex manuscriptis exemplaribus habeant *detecto*, tamen legendum omnino est, ut in pluribus exemplaribus legitur, *decerpto*: quod participium ante oculos ponere videtur vulnera illa, quæ cortice illiso et detracto a saxis carpitim inferuntur arboribus. MAR.

41. *Sic reus.*] *Fit reus ille fere* ex Vaticano legebatur olim Heinsius. Sic *facere reum* Suet. Tib. 8. et passim alii. *De quo victoria lucro.* In multis legitur, *victoria læta*, etiam in MSS. unde suspicor lectionem ab alio emendatam: *læta* autem, lucrosa, triumpho digna. FABR.

42. *Inopis vindice facta carent.*] Non est qui pauperem ab injuria vindicet, tueatur.

43. *Qui scit se ferre viator.*] *Quod timeat.*] Aut legendum est, *cui timeat*, aut *quod positum est pro quare*; ut, *non est quod metuas.* ERASMUS. Maff. liber, *Cur timeat. Vere.*

44. *Tutum carpit inanis iter.*] *Inanis viator*, qui nihil fert secum, unde a latronibus impetatur. Eodem sensu *vacuus*, apud Juv. Sat. x. v. 22: "Cantabit *vacuus* coram latrone viator."

45. *Soli quia causa.*] *Soli mihi causa* Neapol. *quia fructus causa*, alius. *Petendi passive dixit: causa cur petar.* ERAS.

47. *Nam quod habent frutices aliquando proxima nostro.*] Pro aliquando, legendum alii quoque, cum Moreti codice. Lovaniensis ex nostris, et Fabricii codex, *alioquin.* H.

48. *Fragmina, quæ, læso, etc.*] Ramos intellige, qui saxis petiti, in illos ex arbore vicina resultantibus, *fracti* circa Nucem ipsam jacent.

Nam quod habent frutices aliquando proxima nobis

Fragmina, quæ læso vimine multa jacent;

Non istis sua facta nocent: vicinia damno est.

Excipiunt ictu saxa repulsa meo. 50

Idque fide careat; si non, quæ longius absunt,

Nativum retinent inviolata decus.

Ergo, si sapiant, et mentem verba sequantur,

Deveveant umbras proxima quæque meas.

Quam miserum est, odium damnis accedere nostris;

Meque ream nimis proximitatis agi! 56

Sed, puto, magna mei est operoso cura colono.

Invenias, qui det nil mihi, præter humum.

Sponte mea facilis contempto nascor in agro:

Parsque loci, qua sto, publica pene via est. 60

Me, sata ne lædam, quoniam sata lædere dicor,

Imus in extremo margine fundus habet.

Non mihi falx nimias Saturnia deputat umbras:

Duratam renovat non mihi fossor humum.

Sole licet siccaque siti peritura laborem, 65

Irriguæ dabitur non mihi sulcus aquæ.

At quum maturas fisso nova cortice rimas

Nux agit, ad partes pertica sæva venit:

53. *Ergo si sapiant, etc.*] *Si mens*, igitur arboribus illis; si quid possent capere mente, et *mentem* hanc verba, quibus, quid sentiant, exprimerent, sequerentur, sapienter faciant, fatalem hanc ipsi vicinitatem *Diris* devovendo.

55. *Odiū damnis accedere nostris.*] Eleganter in uno codice, *accrescere*: de qua voce, cum *τῶ* *accedere* confusa, vide Heins. ad Val. Flac. lib. i. 178.

61. *Quoniam sata lædere dicor.*] Callide, nec inficiatur, quod manifestum est: nec agnoscit, quod erat obfuturum. ERASM.

VOL. V.

62. *Imus.*] *Imus fundus*, pro *ager postremus*; quomodo *Faber imus*, in extrema vici parte habitans, apud Horat. in Art. Poet. Sic *prima fabula*, *extrema platea*, *medius Janus*.

63. *Non mihi falx nimias Saturnia, etc.*] Non hic *Saturnia falx* insigne *Temporis*, *Κρόνου*; sed Saturni, ut pote cui vitis et frugum disciplina competeret.

66. *Sulcus aquæ.*] Multi libri, *sulcus*: nil muta. In tribus erat, *rivus*.

68. *Pertica sæva.*] *Longa*, duo libri: ut in istis Ovidii, iii. Fast. 117: "*Pertica suspensos portabat longa mani-*

3 O

Pertica dat plenis immitia vulnera ramis ;  
 Ne possim lapidum verbera sola queri. 70  
 Poma cadunt, mensis non interdicta secundis :  
 Et condis lectas, parca colona, nuces.  
 Has puer aut rectus certo dilaminat ictu ;  
 Aut pronus digito bisve semelve petit.  
 Quattuor in nucibus, non amplius, alea tota est ;  
 Quum sibi suppositis additur una tribus. 76  
 Per tabulæ clivum labi jubet alter ; et optat  
 Tangat ut e multis quamlibet una suam.

plos." H. *Scæva* Palat. et mox Neapolit.

71. *Mensis non interdicta secundis.*] Fuit tempus, quum non modo non *interdicta nux mensis secundis*, quæ, sublatis primis, eleganti apparatu instruebantur ; sed et ipsis *ornamento* erat. Horatius, Serm. libro II. Satyr. ii. 121 : "—Tum pensilis uva secundas *Et nux ornabat* mensas, cum duplice ficu."

73. *Has puer, etc.*] Nihil addubito, quin Ovidius ita scripserit hoc carmen : *Has puer aut certo rectas dilaminat ictu*. Siquidem *dilaminare* dixit, pro in duas laminas diducere. Id fit quoties, solutis commissuris, finditur *nux* in duas partes. Unde paulo post laminam vocat putamen fissile. Illud interim erat artis, *certo ictu* tangere commissuram. Nam *dilaniandi* verbum, quod in Aldinis quoque codicibus legitur, etiam carminis ratio respuit. Porro quod ait, *Rectas*, opponitur illi quod mox sequitur, *Pronas*, hoc est, transversas. Suspicio autem hunc esse lusum, quo findimus etiam mala prædura. Imponitur index sinistrae mali pedunculo, et in hunc pugnus dexter subito impingitur. In impetu ac celeritate sita est victoria. Etenim si levitate impingas, et digitum offen-

dis, nec findis malum. ERASM. *Dilaniat* multi ex scriptis. Unde Erasmus, *dilaminat* : ingeniose ; quomodo et codex Mediceus, cum prisca editione : etsi verbum id sit novum, certe *Laminam* nucis infra hic idem auctor appellat.

76. *Quum sibi suppositis.*] Elegantissime descripsit *alææ* illud genus, quum pueri castellatim sibi nuces construunt, quas procul distantes si everterint nuce emissa, quotquot everse fuerint, atque etiam quæ dispositæ sunt infra everas, omnes luçantur. Hinc quidam apud Tranquillum in Augusto cap. 83. legunt sic illud membrum : "Animi laxandi causa modo talis, aut *castellatis* nucibus ludebat cum pueris minutis." Tranquilli tamen plura exemplaria, *Ocellatis nucibus* ; id est, perforatis instar ocellorum, scriptum habent.

77. *Per tabulæ.*] Altera ludendi species est, ut, dispositis in seriem nucibus, per tabulam declivem volvatur *nux* : quæ si tangat quam oportet, vincit qui misit. ERASM. *Clivum*, declivitatem et descensum. Virgil. in Bucol. IX. v. 7 : *Qua se subducere colles Incipiunt, mollique jugum demittere clivo*. MAR.



Est etiam, par sit numerus qui dicat, an impar :  
 Ut divinatæ auferat augur opes. 80  
 Fit quoque de creta, qualem cœleste figuram  
 Sidus, et in Græcis litera quarta gerit.  
 Hæc ubi distincta est gradibus, qui constitit intus,  
 Quot tetigit virga, tot rapit inde nuces.  
 Vas quoque sæpe cavum, spatio distante, locatur ;  
 In quod missa levi nux cadat una manu. 86

79. *Est etiam, par sit.*] Sic hodie quoque ludentes pueros conspiciamus. Nuces enim, quotquot voluerint, manibus premunt, et tanquam problema quisque compari suo proponens interrogat, par insit numerus, an impar : quod si ille divinaverit, omnes nuces aufert : sin minus, totidem amittit. Hujus ludi meminit et Flaccus in Sermonibus, dum pueriles ludos recenset, inquit : *Ludere par impar, equitare in arundine longa.* Nec vero nucibus tantum aut castaneis ludere *par impar* soliti erant antiqui, sed etiam nummis. Legimus enim apud Tranquillum, Augustum sic ad filiam scripsisse : “ Misi tibi denarios ducentos et quinquaginta, quos singulis convivis dederam, si vellent inter cœnam, vel talis, vel par impar ludere.” *IDEM.*

80. *Ut divinatæ auferat augur opes.*] Ut tollat victor puer opes, nuces scilicet ! quarum numerum *divinando* conjecerat. Totus hic plenus elegantiae locus ; et varius semper poeta in describendo varios puerorum lusus, cum ipsis videtur colludere ; neque ideo rerum gravitatem verbis usquam elevat.

81. *Fit quoque.*] Tertium lusus genus describit. Ex creta pingitur ampla figura triangula, qualem habet apud Græcos *Δέλτα* majuscula forma scriptum. Eandem figuram apud Ægyptios cursu suo facit Nilus : unde et loco nomen inditum. Et huic si-

milis ostenditur in cœlo super caput Arietis. Hac notant tres stellæ, duabus lineis æqualibus, tertia brevior : sed quæ in angulo stellam clariorem habeat, Græci *δέλτων* appellant. In lineis itaque pictis, certis intervallis, quos hic *gradus* vocat, disponuntur nuces. Puer qui stat in medio, jactu virgæ quot tetigerit, tot aufert. *ERASM.*

84. *Quot tetigit virga, tot capit ipsa nuces.*] Ipse nonnulli, ille duo. Sed vetus editio, codex Regius, et Langermanni recte, *tot capit inde* : quare et in superiori versu scribendum, *qui constitit intus ; non, quæ.* *HEINS.* Legebat vero Sentlebius : “ ... Quæ constitit intra Quot tetigit virgas, tot capit inde nuces.” Et ita explicat : Delta Græcorum triangulari forma pingebatur, idque gradibus invicem distinguebatur. Colludentes ergo pueri procul stantes nuces singulas in Deltoto mittebant, et cujuscunque nux in illo schemate consistebat, tot lucrabatur nuces, quot tangebatur virgas, seu lineas ; si vero nux missa Deltoto penitus emigrasset, missio ista erat irrita, et alius ex sociis admittebatur. Recte, ut quidem puto, Sentlebius, qui uberius hunc locum illustrat : nam *consistere* nux dicitur, quæ e manu emissa et evoluta, quiescit et cursum finit, ut millies ea vox occurrit. *BURM.*

85. *Vas quoque.*] Meminit hujus lusus et Persius : *Et angusta collo*

Felix, secreto quæ nata est arbor in arvo ;  
 Et soli domino ferre tributa potest !  
 Non hominum strepitus audit, non illa rotarum ;  
 Non a vicina pulverulenta via est. 90  
 Illa suo, quæcumque tulit, dare dona colono,  
 Et plenos fructus adnumerare potest.  
 At mihi maturos numquam licet edere fœtus ;  
 Ante diemque meæ decutiuntur opes. 94  
 Lamina mollis adhuc tenero dum lacte, quod intro  
 Nec mala sunt ulli nostra futura bono : [est ;  
 Jam tamen invenio, qui me jaculentur ; et ictu  
 Præfestinato munus inane petant.  
 Si fiat rapti, fiat mensura relictî ;  
 Majorem domini parte, viator, habes. 100  
 Sæpe aliquis, foliis ut nuda cacumina vidit,  
 Esse putat Boreæ triste furentis opus.  
 Æstibus hic, hic me spoliata frigore credit :  
 Est quoque, qui crimen grandinis esse pu-  
 tet.

*non fallier orca.* Singuli pueri deponunt nuces aliquot in orcam, id est ollæ genus : deinde ex intervallo singuli per vices petunt os ollæ ; qui solus, aut frequentius, immiserit, aufert omnes nuces. ERASM. Quamvis Scholiastes Persii, quisquis ille sit, huc referat, ad Talorum jactum est referendum.

92. *Et plenos fructus adnumerare potest.* Proprie usus est verbo *adnumerandi*. CIOP.

93. *At mihi maturos.* Rursus manuscriptum, *At mihi maternos* : quod sequentia declarant non plane esse ineptum ; nam ad arbores transferri modo diximus. FAB.

95. *Lamina mollis adhuc tenero dum lacte, etc.* Dum succus est adhuc

lacteus magis, quam nucleus. Sic de frumentis Virgil. Georg. i. 315. quum "... In viridi stipula *lactentia* turgent." *Lamina* corticem designat, quæ *mollis* primum, et quasi *lactea*, sensim durecit, fitque maturitate lignum, et quidem durissimum.

99. *Si fiat rapti, etc.* Ut ubique, malum hic exaggerat, ex modo rapinæ. Non solum fraudatur dominus, sed plus aufert raptor ; qui si dimidiam saltem, non vero *majorem* tolleret partem !

103. *Æstibus hic, hic me.* Odiosa repetitio et ingrata τὸν *hic* : scribe cum Neapolitano : "*Æstibus hic, alius spoliata frigore credit.*" B. Sic Metam. libro i. 293 : "Occupat *hic* collem ; cymba sedet *alter* adunca."

At mihi nec grando, duris invisâ colonis, 105  
 Nec ventus fraudi, solve, geluve fuit. [cem ;  
 Fructus obest; peperisse nocet; nocet esse fera-  
 Quæque fuit multis, et mihi præda malo est.  
 Præda malo, Polydore, fuit tibi : præda nefandæ  
 Conjugis Aonium misit in arma virum. 110  
 Hesperii regis pomaria tuta fuissent ;  
 Una sed immensas arbor habebat opes.  
 At rubus, et sentes tantummodo lædere natæ,  
 Spinaque vindicta cetera tuta sua est.  
 Me, quia nec noceo, nec obuncis vindicor hamis,  
 Missa petunt avida saxa proterva manu. 116

106. *Nec ventus fraudi.*] *Fraus* verbum Juris. Alii perperam legunt, *damno*: quod glossema est. Terent. in *Heautontim.* act. iii. sc. i. v. 33: "In eandem fraudem ex hac re, atque ex illa incidet."

107. *Fructus obest; peperisse nocet; nocet esse feracem.*] Expressisse videtur ex Epigramm. Græco, unde peti- tum duximus totius Elegiæ argumen- tum. Malim, *feraci*, si per libros liceat. Sic lib. ix. 477. Met. *verum nocet esse sorori*; et ubique fere, ut jam notavimus.

108. *Est mihi.*] Querelæ magis convenit lectio manuscripti, *hei mihi præda malo est!* Convenit etiam exem- plis tristibus Polydori Trojani, Amphiarai Thebani, Atlantis Libys. FABR.

109. *Præda malo, Polydore, etc.*] Vid. Euripid. *Hecub.* et Virg. *Æn.* iii. 45. *Præda nefandæ conjugis.* Eryphiles, quæ, accepto a Polynice monili, quod Hermionæ olim Venus dono dederat, Amphiarum conjugem in bellum Trojanum immisit, quod ipsi fatale erat. Vid. Stat. *Theb.* ii. 265; ibid. vii. viii. *Aonium* autem dicit, quod et Apollineum, quia vates et augur celebris.

111. *Hesperii regis, etc.*] Nota satis fabula de hortis Hesperidum. Marcus autem Varro mala aurea, capros et oves interpretatur (de *Re Rustica*, lib. ii.) quas Hercules ex Africa in Græciam exportavit. Ea enim sua voce Græci mala, μήλα adpellant. Hoc idem Diodor. lib. v. Draconem vero, hortorum custodiæ præpositum, intellexerunt Plin. et Solin. flexuosos maris meatus, qui pomaria Atlantis circuibant. Plura ad Met. ubi limes historiam inter et fabulam conterminus recentioribus documentis adsignabitur.

113. *At rubus, et sentes tantummodo lædere natæ.*] Persimile apud Terentium, in *Phormione*, act. iii. scena i. 16: "... Non rete accipitri tenditur, neque milvio, Qui male faciunt nobis: illis, qui nil faciunt, tenditur; Quia enim in illis fructus est; in illis opera luditur." *At rubus et sentes lædere natæ.* Pro *natæ ad lædendum*. Græce potius, quam Latine: πέφυκνται βλάπτειν. Quamquam Græci πέφυκεν usurpant simili modo, pro solet. E.

116. *Saxa proterva.*] Eodem modo *impudens lapis* dicitur ab Homero, qui commendatur ab Arist. lib. iii. *Rhetoricorum.* CIOF.

Quid, si non aptas solem fugientibus umbras,  
     Finditur Icario quum cane terra, darem ?  
 Quid, nisi suffugium nimbos vitantibus essem,  
     Non exspectata quum venit imber aqua ? 120  
 Omnia quum faciam, quum præstem sedula cunctis  
     Officium, saxis officiosa petor.  
 Hæc mihi perpessæ, domini patienda querela est.  
     Causa habeor, quare sit lapidosus ager. 124  
 Dumque repurgat humum, collectaque saxa remit-  
     Semper habent in me tela parata viæ. [tit,  
 Ergo invisâ aliis, uni mihi frigora prosunt :  
     Illo me tutam tempore præstat hiems. [esse ;  
 Nuda quidem tunc sum ; nudam tamen expedit  
     Nec spoliûm de me, quod petat, hostis habet.  
 At simul induimus nostris sua munera ramis, 131  
     Saxa novos fructus grandine plura petunt.  
 Forsitan hic aliquis dicat : quæ publica tangunt,  
     Carpere concessum est : hoc via juris habet.

117. *Solem vitantibus.*] Non solum, inquit, fructifera et innoxia ; verum etiam aliis modis commoda sum viatori : videlicet sub umbram meam confugit, quum non tolerat æstum solis, aut quum sub dio subito oborta pluvia occupavit. ERASM.

118. *Finditur Icario quum cane terra, etc.*] Sirius, sive *πρόκυων*, quod sit in capite stellæ, quæ *canis* dicitur. Produunt hunc fuisse comitem Icarî, qui domini corpus exstincti prodiderit ; quod ipsi officium locum inter sidera meruit. ERASM.

124. *Causâ habeor.*] Tibull. lib. I. Eleg. iii. 17 : “ Aut ego sum *causatus*, aves dant omina dira, Saturni aut sacram me tenuisse diem.” *Causa habeor quare sit lapidosus ager.* E conjectis in nucem saxis.

126. *Semper habent in me, etc.*]

Saxa scilicet quæ dominus agri, dum *repurgat*, in viam remittit.

131. *Sua munera ; id est fructus.* M.

132. *Grandine plura.*] Hyperbolice dicit ; quod Græci *χαλαζήδων*.

133. *Forsitan hic aliquis dicat.*] Quod sibi objici posset, confutat exemplis. Quæ cujusquam civitatis publica sunt, communi omnium, qui ex eadem sunt civitate, usui deserviunt. Nux igitur in publica via sita communis est, ex qua omnes ejus civitatis homines fructus capere possunt. Eodem sensu sunt illa Ciceronis libro i. de Offic. “ Multa, inquit, sunt civibus inter se communia : forum, fana, porticus, viæ, leges,” etc. *Publica autem et communia* interdum apud Jurisconsultos confunditur. CIOF.

134. *Hoc juris.*] Sic Eleg. I. lib. i.

Si licet hoc, oleas distringite : cædite messes, 135

Improbe! vicinum carpe, viator, olus.

Intret et urbanas eadem petulantia portas ;

Sitque tuis muris, Romule, juris idem.

Quilibet argentum prima de fronte tabernæ

Tollat ; et ad gemmas quilibet alter eat. 140

Auferat hic aurum : peregrinos ille lapillos ;

Et quascumque potest tangere, tollat opes.

Sed neque tolluntur : nec, dum regit omnia Cæsar,

Incolumis, tanto præside, raptor erit.

At non ille Deus pacem intra mœnia finit : 145

Auxilium toto spargit in orbe suum.

Quid tamen hoc prodest, media si luce, palamque

Verberor, et tutæ non licet esse mihi !

Ergo nec nidos foliis hære, nec ullam

Sedibus in nostris stare videtis avem. 150

At lapis, in ramo sedit quicumque bifurco,

Hæret ; et, ut capta victor in arce, manet.

Cetera sæpe tamen potuere admissa negari,

Et crimen nox est inficiata suum.

Nostra notat fusco digitos injuria succo, 155

Cortice contactas inficiente manus.

Amor. v. 5 : " Quis tibi, sæpe puer, dedit hoc in carmina juris ? " Id est, hoc jus, hanc facultatem.

138. *Sitque tuis muris, etc.*] Nove, inquit Erasmus, *tuis muris*, pro *in tuos muros*. Mœnia sunt inviolata ; nam Romulus ob violata, Remum fratrem occidit. Ad id adlusit poetæ ; nec gratia caret apostrophe.

140. *Et ad gemmas quilibet alter eat.*] Adnota hic vim verbi *ire*. Donatus in Terent. And. Act. i. sc. v : *Itur ad me, quasi ad hostem*. Plaut. in Pseud. *Itur ad me*. Virg. ix. 423 :

" . . . Simul ense recluso, lbat in Euryalum." *Lapillos*, uniones. CIOFF.

144. *Raptor.*] Recte : quasi fur manifestus. CIOFF.

149. *Ergo nec nidos, etc.*] Ne quid ommitteret argumentorum, hinc quoque colligit improbitatem viatorum, quod ob densitatem saxorum, nullæ aves nidulentur in ramis ipsius : quod tamen accidere probabilius est, ob naturam amaritudinem foliorum et corticis, gravemque nidorem. ENASM.

153. *Cetera sæpe tamen potuere admissa negari, etc.*] Ea dicit crimina,

Ille cruor meus est: illo maculata cruore  
 Non profectura dextra lavatur aqua.  
 O ego, quum longæ venerunt tædia vitæ,  
 Optavi quoties arida facta mori! 160  
 Optavi quoties, aut cæco turbine verti,  
 Aut valido missi fulminis igne peti!  
 Atque utinam subitæ raperent mea poma procellæ;  
 Vel possem fructus excutere ipsa meos!  
 Sic, ubi detracta est a te tibi causa pericli, 165  
 Quod superest, tutum, Pontice castor, habes.  
 Quid mihi tunc animi est, quum sumit tela viator,  
 Atque oculis plagæ destinat ante locum?  
 Nec vitare licet moto fera verbera trunco,  
 Quem sub humo radix vinclaque firma tenent.  
 Corpora præbemus plagis: ut sæpe sagittis, 171  
 Quum populus manicas deposuisse vetat;  
 Utve gravem candens ubi tolli vacca securim,  
 Aut stringi cultros in sua colla videt.

quorum *nox* sola conscia fuit, et quæ potuit ideo negare; *inficiata est*.

161. *Aut cæco turbine verti.*] *Cæcum* ideo vocat, quod insano tumultu ruat, et cuncta sine discrimine ullo perfet. Sic *cæcum* amorem dicimus, et furorem *cæcum*.—*Cæco turbine verti.* *Verti* pro everti capiendum esse notavit Douza: ut apud Virg. *Æneid.* i. 20: "... Tyrias olim quæ verteret arcus." Quod Pierius efficacius esse docet, quam *evertere*.

163. *Atque utinam subitæ, etc.*] Ventus enim vehementior frequenter excutit mala, pyraque; sed juglandes hærent, tenacius ligno adfixæ; nec temere, nisi saxis aut pertica ex arbore excutiuntur. Rursus fructus alii, ubi immaturuerunt, sponte in terram decidunt; quod non Nuci; ideoque exoptat sibi id quoque evenire. ER.

165. *Sic, ubi detracta est a te tibi causa pericli, etc.*] Fabulis receptum est Fibrum, quum venatores, ut eum capiant, insequuntur, testes sibi amputare, illisque eos abjicere, atque ita venantium insequentiumque manus effugere. Hac de re *Æsopus* fab. 33. CIOF.—*Sextius* vero apud Plin. xxxii. 3. negat id esse verum, quod hoc animal testes habeat pusillos, ac lumbis substrictos; nec posse avelli, nisi cum vita.—*Pontice.* Sic dictus *Castor*, vel *Fiber*, quia in Ponto frequentissimus: "... Virosaque Pontus Castorea (Mittit)." VIRG. *Georg.* i. 57.

173. *Utve gravem candens, etc.*] *Candens vacca*, quia victimæ albæ, ut ex antiquis auctoribus est compertum, nisi quæ Dis inferis cædebantur.—HEINS.

Sæpe meas vento frondes tremuisse putastis : 175

Sed metus in nobis causa tremoris erat.

Si merui, videorque nocens, imponite flammæ ;

Nostraque fumosis urite membra focus.

Si merui, videorque nocens, excidite ferro,

Et liceat miseræ dedecus esse semel. 180

Si nec cur urar, nec cur excidar, habetis,

Parcite : sic cœptum perficiatis iter !

177. *Imponite flammæ.*] Forte legendum, *imponite flammam*: ut intelligatur, arborem succisam exuri. Id si non placet, intelligamus illam excisam, illic exuri, ubi nata est.

178. *Nostraque fumosis, etc.*] Quorum deplorata malitia est, capitis supplicio velut amputantur a corpore civium: in arboribus deploratis, duplex est pœna capitis: aut enim *exciduntur*, ut admoveantur focus; aut si non est tanti, *exuruntur*, injecta flamma, ut vestigium exustæ testetur fuisse noxiam. Facete vero ramos dixit

*membra.*—*Si merui.* Convenit affectui repetitio. ERASM.

180. *Et liceat miseræ dedecus esse semel.*] Ignominia quidem est affici supplicio; sed majus multo supplicium pati quotidie quod patitur; ideoque orat ut miseræ liceat subire *dedecus*, quod ipsam perpetuo dedecori subducat, et ignominia, quæ sit momenti cujusque. Quod ita parum videtur Heinsius intellexisse, ut *nihil sani* in hoc versu inesse affirmet, et sic censeat refingendum: "Et liceat miseræ *dedoluisse* semel."

12<sup>th</sup> Nov 1843. C.H.L.

# PUBLII OVIDII NASONIS

## IBIS<sup>a</sup>.

TEMPUS ad hoc, lustris jam bis mihi quinque  
peractis,

Omne fuit Musæ carmen inerme meæ;  
Nullaque, quæ possit, scriptis tot millibus exstat  
Litera Nasonis, sanguinolenta legi.

Nec quemquam nostri, nisi nos, læsere libelli, 5  
Artificis periit quum caput Arte sua.

Unus, et hoc ipsum est injuria magna, perennem  
Candoris titulum non sinit esse mei.

Ibin, sub quo nomine Hyginum latere volunt, quod Ovidii nomen maledictis laceraret, et falsis criminationibus in invidiam et odium adduceret, quod porro ejus uxorem sollicitaret importune, quodque fortunis inhiaret poetæ, diris omnibus hic devovet.

<sup>a</sup> IBIS. Ita rectius inscribetur hoc poema, quam IN IBIN, quod hactenus circumfertur; neque aliter suum poema Callimachus inscripserat. Vide Suidam in Καλλιμάχος. Eutyches quoque Grammaticus, lib. ii. *Ovidium in Ibide* citat, non in *Ibin*.

1. *Lustris*.] Lustrum dixerunt Latini spatium quinque annorum. Serv. in *Æneid*. lib. i. vs. 283: "Lustrum dictum, quod post quinquennium unaquæque civitas lustrabatur. Unde Romæ ambilustrum, quod non licebat, nisi ambos censors, post quin-

quennium lustrare civitatem." Quamvis Varro a *luendo*, id est, solvendo lustrum ducit, quod quinto quoque anno vectigalia, et ultro tributa per censors persolvebantur. ДОМІТ.

2. *Carmen inerme*, etc.] Hic mores suos, candoremque, et ingenium minime maledicum indicat Naso. Z.

4. *Litera sanguinolenta*.] Carmen maledicum.

6. *Arte sua*.] Eadem alibi ac frequens querela est poetæ: ut *Trist.* lib. ii. vers. 2: "Ingenio perii qui miser ipse meo." Et *Pont.* II. *Eleg.* vii. v. 47: "Artibus ingenuis quæsita est gloria multis: Infelix perii dotibus ipse meis."

7. *Unus*.] Ibis: vel quem deinceps Ibidis nomine notabo.

8. *Titulum*.] De quo III. de *Ponto*, *Eleg.* iv. vs. 13.



Quisquis is est, nam nomen adhuc utcunque tacebo,  
 Cogit inadsuetas sumere tela manus. 10  
 Ille relegatum gelidos Aquilonis ad ortus  
 Non sinit exsilio delituisse suo;  
 Vulneraque immitis requiem quærentia vexat,  
 Jactat et in toto nomina nostra foro;  
 Perpetuoque mihi sociatam fœdere lecti 15  
 Non patitur miseri funera flere viri:  
 Quumque ego quassa meæ complectar membra  
 Naufragii tabulas pugnat habere mei; [carinæ,  
 Et qui debuerat subitas exstinguere flammæ,  
 Is prædam medio raptor ab igne tulit. 20  
 Nititur ut profugæ desint alimenta senectæ;  
 Heu! quanto nostris dignior ipse malis!

9. *Nomen adhuc utcunque tacebo.*] Neminem interpretum observasse video, cur Ovidius Ibis nomen subticuerit. An, ne carminibus Ovidianis Ibis inclaresceret; in quam sententiam eundem, ni fallor, adloquitur, lib. IV. ex Ponto, El. iv. vs. 1 sq. Vix tamen est, ut hæc fuerit mens poetæ, quoniam, postremo disticho hujus libelli, verum Ibis nomen pollicetur. An Naso reverentia legis duodecim Tabularum sibi temperavit, qua nimirum famosos libellos projicere capitale fuit. Ejus meminit Tullius, lib. iv. Tusculan. in hunc modum: "Quamquam id quidem etiam duodecim Tabulæ declarant, condi jam tum solitum carmen, quod ne liceret fieri ad alterius injuriam, lege sanxerunt."

10. *Tela.*] Imprecationes.—*Inadsuetas manus.* Quia neminem præter Ibis carnem offendit.

15. *Sociatam, etc.*] Uxorem dicit, quam ad extremum usque diem adprobavit.

16. *Non patitur miseri funera flere*

*viri.*] Argute Politiani liber et unus Vatican. *viri viri:* exsules civiliter mortui. Seneca relegatus in Epigrammate ad Corsicam: "Parce relegatis, hoc est, jam parce sepultis. Vivorum cineri sit tua terra levis;" Rutilius, Itinerario de amico vitæ monasticæ addicto: "Perditus hic vivo funere civis erat." *Exsul ubi nusquam domi est, sine sepulcro est mortuus,* apud P. Syrum. Seneca Thebaid. "funus extendis meum, Longasque vivi ducis exsequias patris." H. *Funera.* Vivi viri calamitatem, et me vivum ac exsulem perinde ac mortuum funere prosequi.

19. *Subitas exstinguere flammæ.*] Mihi opitulari, sicut solent incendiis homines extinguendo ignem auxilium præstare. Z.

21. *Alimenta.*] *Alimenta* exponit Glossarium vetus *Σρεπτήρια και τροφεία*, hoc est, præmia educationis, sive quod parentibus nutritionis causa a filiis rependitur. Legimus liberos parentibus ætate confectis alimenta, sive *Σρεπτήρια* suppeditare le-

Dī melius! quorum longe mihi maximus ille,  
 Qui nostras inopes noluit esse vias.  
 Huic igitur meritas grates, ubicunque licebit, 25  
 Pro tam mansueto pectore semper agam.  
 Audiet hæc Pontus: faciat quoque forsitan idem,  
 Terra sit ut propior testificanda mihi.  
 At tibi, calcasti qui me, violente, jacentem,  
 Quamlibet et misero debitus hostis ero. 30  
 Desinet esse prius contrarius ignibus humor,  
 Junctaque cum Luna lumina Solis erunt;  
 Parsque eadem cœli Zephyros emittet et Euros,  
 Et tepidus gelido flabit ab axe Notus;

gibus coactos: Græcis νόμοι πελαργυκοὶ adpellantur. Sensus est: ille, quisquis est, hostis acerrimus, conatur et uxori et liberis bona adimere, quo mihi ætate fracto, et in extremas Ponti oras ejecto, alimenta suppeditare nequeant. Recte *profugam senectam* vocat, quod procul a finibus Romanis pulsus, apud Tomitas senescere inglorius cogatur. DESSEL.

23. *Dī melius!*] Nota priscis formula; Virg. G. iii. 513. *Dī meliora piis*; Ovid. Met. vii. 37. *Dī meliora velint. Quorum longe mihi maximus ille.* Augustum intelligit, quem Trist. ii. 54. *presentem conspicuumque Deum* adpellat. Quod vero Augustus poetæ nostro bona minime ademerit, ipse abunde testis est; "Idque Deus sensit, pro quo nec lumen ademptum est: Nec mihi detractas possidet alter opes." Relegationis beneficium significat, ab Augusto acceptum: alias eorum, qui exsilio erant damnati et deportati, bona publicabantur. DESSEL.

24. *Inopes vias.*] Viaticum enim dedit. ZAR.

27. *Audiet hæc Pontus, etc.*] Sensus est: Audiet hoc, sive hæc, id est, gratiarum actionem meam; et *idem* scil. Cæsar fortassis faciet, ut terra propior sit mihi testificanda, hoc est, testis citanda, meæ erga illum gratitudinis: per quod innuit, se nondum omnem spem abjecisse propioris ac tolerabilioris exsillii. Quasi dicat: Ac spero Cæsarem aliquanto placatiorem, mitius exsiliium aliquando mihi adsignaturum. Sed mortuus est in exsilio Ovidius, Olymp. cxcix. kalendar. januarii, ætatis lx. Tiberii regnantis quarto. MICYL.

29. *Calcasti.*] Insultasti injuria adfecto. DOM.

30. *Quamlibet.*] Quacunq̄ parte licuerit. ZER.

33. *Parsque eadem cæli Zephyros.*] Ventos hos cardinales, qui quatuor, pulcherrime describit I. Trist. Eleg. ii. ver. 27: "Nam modo purpureo vires capit Eurus ab ortu, Nunc Zephyrus sero vespere missus adest. Nunc gelidus sicca Boreas bacchatur ab Arcto, Nunc Notus adversa prælia fronte gerit." DESSEL.

Et nova fraterno veniet concordia fumo, 35  
 Quem vetus accensa separat ira pyra ;  
 Et Ver Autumno, Brumæ miscebitur Æstas ;  
 Atque eadem regio Vesper et Ortus erunt,  
 Quam mihi sit tecum positus, quæ sumsimus, armis  
 Gratia, commissis, improbe, rupta tuis : 40  
 Quam dolor hic unquam spatio evanescere possit,  
 Leniat aut odium tempus et hora meum !  
 Pax erit hæc nobis, donec mihi vita manebit,  
 Cum pecore infirmo quæ solet esse lupis.  
 Prima quidem cœpto committam prælia versu: 45  
 Non soleant quamvis hoc pede bella geri.  
 Utque petit primo plenum flaventis arenæ  
 Nondum calfacti velitis hasta solum ;  
 Sic ego te ferro nondum jaculabor acuto,  
 Protinus invisum nec petet hasta caput. 50  
 Et neque nomen in hoc, nec dicam facta libello ;  
 Teque brevi, qui sis, dissimulare sinam.  
 Postmodo, si perges, in te mihi liber iambus  
 Tincta Lycambeo sanguine tela dabit.

35. *Et nova, etc.*] Nota est fabulosa historia Eteoclis et Polynicis fratrum, rogum in duas partes divisum esse: "Scinditur in partes, geminoque cacumine surgit;" Lucan. Phars. lib. i. ver. 551: "Scinditur in partes atra favilla duas;" Ovid. Trist. lib. v. Æl. v. ver. 35.

43. *Pax erit hæc nobis, etc.*] Non dissimile illud Flacci, Epod. iv. ver. 1: "Lupis et agnis quanta sortito obtigit, Tecum mihi discordia est." DESSEL.

45. *Cæpto.*] Cæptum versum simpliciter intellige, quo cæpit hæc scribere in Ibin, hoc est, Elegiaco.

46. *Hoc pede.*] Nam metro iambico maledicta scribuntur.

48. *Velitis.*] Velites levis armaturæ et expediti: vide Turneb. 48. Advers. lib. xiv. cap. 11.

54. *Tincta Lycambeo sanguine, etc.*] Nota iambica mordacitas. Archilochum primum iambis usum volunt: ut Horat. de Arte Poet. vers. 79: "Archilochum proprio rabies armavit iambo," etc. Lycamben enim, socerum suum, a quo minus desponsatæ filiæ nuptiis frui posset, virulentis et maledicentissimis poematis ad laqueos adegit. DESSEL.

Nunc, quo Battiades inimicum devovet Ibin, 55  
 Hoc ego devoveo teque tuosque modo.  
 Utque ille, historiis involvam carmina cæcis :  
 Non soleam quamvis hoc genus ipse sequi.  
 Illius ambages imitatus in Ibide dicar,  
 Oblitus moris iudicii que mei. 60  
 Et quoniam, qui sis, nondum quærentibus edo,  
 Ibidis interea tu quoque nomen habe.  
 Utque mei versus aliquantum noctis habebunt,  
 Sic vitæ series tota sit atra tuæ.  
 Hæc tibi natali faxo, Janique kalendis, 65  
 Non mentituro quilibet ore legat.  
 Dî maris et terræ: quique his meliora tenetis  
 Inter diversos cum Jove regna polos ;

55. *Battiades.*] Callimachus, quia *ὄϊος Βάτρου καὶ Μεσάρμας*, ut est in Suida. Alii a Batto rege, Cyrenes conditore, ita vocatum volunt, et Cyrenenses omnes *Battiades* dictos. *Ibin.* Apollonium Rhodium. *Inimicum.* Nam quum fuisset discipulus Callimachi, multa, quæ a præceptore acceperat, pro suis ostentabat. *Dom.* *Devovet Ibin.* Non solum propter impuritatem et spurcitiem ipsius significandam, Ibin dici puto: sed et quia Ægyptius esset patria, cujus terræ hæc avis quasi peculiaris: utroque autem modo per contemptum, et contumeliose. *MICYL.*

57. *Utque ille, historiis involvam carmina cæcis.*] Suidas etiam Callimachi libellum in Ibin perobscurum fuisse testatur, de quo Papinium loqui non dubito, lib. iv. *Sylv.* quum patrem laudat in ejus epicedio, quod Callimachi, Lycophonis, Sophronis et Corinnæ versus obscurissimos intellexeret.

62. *Tu quoque.*] Quemadmodum Apollonius Rhodius. *Dom.*

65. *Faxo, minantis. Hæc tibi natali.* Priusquam Naso Deos invocando sibi conciliet, Ibin monet, ut natali suo, kalendis que januariis, has imprecationes a quovis legi, sibi que pro faustis imprecationibus recitari curet, quo scil. iis diebus pronunciata, certiore perniciem portendant. Veteres enim, quidquid ominis mali, temporibus illis auditum fuisset, dirum nescio quod exitium minari credebant. Contra dies illos, si nihil infausti contigisset, faustissimos censebant. *SALVAG.*

68. *Inter diversos polos.*] Arcticum et antarcticum. Divi erant duodecim, qui cum Jove dicebantur tenere cælum, et majorum gentium Dii vocabantur; quos et *consentes* adpellabant, qui a consilio Jovis erant; ita dicti, quod consentirent in eo, quod gerendum esset. Jupiter, Juno, Vesta, Minerva, Ceres, Diana, Venus, Mars, Mercurius, Liber, Neptunus, Apollo, ii tantum nectare utebantur.

Huc precor, huc vestras omnes advertite mentes,  
 Et sinite optatis pondus inesse meis. 70  
 Ipsaque tu Tellus, ipsum cum fluctibus Æquor,  
 Ipse meas, Æther, accipe, summe, preces :  
 Sideraque, et radiis circumdata Solis imago ;  
 Lunaque, quæ nunquam, quo prius, ore micæ ;  
 Noxque tenebrarum specie reverenda tuarum ; 75  
 Quæque ratum triplici pollice netis opus ;  
 Quique per infernas horrendo murmure valles  
 Imperjuratæ laberis amnis aquæ ;  
 Quasque ferunt torto vittatis angue capillis  
 Carceris obscuras ante sedere fores ; 80  
 Vos quoque, plebs Superûm, Fauni, Satyrique,  
 Laresque,  
 Fluminaque, et Nymphæ, Semideûmque genus,  
 Denique ab antiquo Divi veteresque novique,  
 In nostrum cuncti tempus adeste, Chao !  
 Carmina dum capiti malefido dira canuntur, 85  
 Et peragunt partes ira dolorque suas :  
 Adnite optatis omnes ex ordine nostris,  
 Et pars sit voti nulla caduca mei.  
 Quæque precor, fiant : ut non mea dicta, sed illa  
 Pasiphaes generi verba fuisse putet. 90

77. *Quique.*] Invocat Stygem paludem, cujus filia Victoria, quum in bello Giganteo opem tulerit Jovi, meruit ut matris nomen jusjurandum esset Deorum : quod qui fallebat, novem diebus carebat nectare ; Virgil. Æn. vi. ver. 324 : " Dii cujus jurare timent, et fallere numen."

79. *Vittatis, etc.*] Ligatis tanquam vittis : nam vittarum loco tribuunt anguibus contortis revinctum caput.

81. *Vos quoque, plebs.*] Dii minorum gentium, quos et plebeios appellat. *Laresque.* Dii domestici et

patrii. Ii compita servant. Inde compitalia festa, et dies attributi Laribus, quibus in compitis sacrificabatur.

82. *Semideûmque genus.*] Hierocles in Carm. Pythag. ver. 1. hoc ita illustrat : Πρῶτον ἀθανάτους θεοὺς ὁ παρῶν λόγος ἐσήμανε, τὸ δὲ μέσον, Ἡρώας ἀγανούς, καὶ τὸ ἔσχατον δαίμονας καταχθονίους. propter virtutes enim in Deos referebantur. Hic autem poeta minorum gentium Deos appellat Semideos.

90. *Pasiphaes generi.*] Theseum innuit, ob ductam Ariadnam, Minois

Quasque ego transiero pœnas, patiatur et illas :  
 Plenius ingenio sit miser ille meo.  
 Neve minus valeant fictum exsecrantia nomen  
 Vota, minus magnos commoveantve Deos ;  
 Illum ego devoveo, quem mens intelligit, Ibin ; 95  
 Qui se scit factis has meruisse preces.  
 Nulla mora est in me : peragam rata vota sacerdos :  
 Quisquis ades sacris, ore favete, meis.  
 Quisquis ades sacris, lugubria dicite verba,  
 Et fletu madidis Ibin adite genis : 100  
 Ominibusque malis, pedibusque occurrite lævis,  
 Et nigræ vestes corpora vestra tegant.  
 Tu quoque, quid dubitas ferales sumere vittas ?  
 Jam stat, ut ipse vides, funeris ara tui.  
 Pompa parata tibi est : votis mora tristibus absit :  
 Da jugulum cultris, hostia dira, meis. 106  
 Terra tibi fruges, amnis tibi deneget undas ;  
 Deneget adflatus ventus et aura suos.  
 Nec tibi Sol clarus, nec sit tibi lucida Phœbe ;  
 Destituant oculos sidera clara tuos. 110

et Pasiphaes filiam. Sensus est ; tam rata ac certa mea sint vota et verba, quam Thesei, quibus Hippolyto filio dira vovit ; vide Argum. Epist. iv. Heroid. Ovid. DESSEL.

91. *Pœnas.*] Octo pœnarum genera in legibus Cicero tradit : damnun, ignominiam, servitatem, vincula, verbera, talionem, exsilium et mortem. ZAR.

92. *Plenius ingenio sit miser ille meo.*] Eodem sensu capio hunc versum Valerii Catonis in *Diris* : “ nostris superent hæc carmina votis.”

93. *Neve minus noceant.*] In carmine quo aliquis devovebat, necesse erat proprium nomen exprimere ; alioquin preces erant inanes. Hac de

causa Romani nomen urbis Latinum exstare noluerunt, ne ab hoste devoveri posset ; vide Plin. lib. iii. cap. 5. et lib. xxviii. cap. 2 ; Macrob. lib. iii. cap. 9.

98. *Ore favete.*] Εὐφραμεῖτε, bona verba dicite. Juven. *Linguis animisque favete* ; Virgil. v. *Æneid.* 71. *Ore favete omnes.* Alii pro *silet* ; vide Lævin. Torrent. in Horat. iii. Od. i. ver. 2.

102. *Et nigræ vestes.*] Nam sacra infernalium peragebantur indutis sacerdotibus veste nigra, qua umbrarum similitudinem repræsentabant.

103. *Ferales vittas.*] Cæruleas, seu atras ; Turneb. lib. xiv. c. 4. DESSEL.

Nec se Vulcanus, nec se tibi præbeat aer :  
 Nec tibi det tellus, nec tibi pontus iter.  
 Exsul, inops erres, alienaque limina lustres,  
 Exiguumque petas ore tremente cibum.  
 Nec corpus querulo, nec mens vacet ægra dolore ;  
 Noxque die gravior sit tibi, nocte dies. 116  
 Sisque miser semper ; nec sis miserabilis ulli :  
 Gaudeat adversis femina virque tuis.  
 Accedat lacrymis odium, dignusque putere,  
 Qui mala, quum tuleris plurima, plura feras. 120  
 Sitque, quod est rarum, solito defecta favore  
 Ærumnæ facies invidiosa tuæ.  
 Causaque non desit, desit tibi copia mortis :  
 Optatam fugiat vita coacta necem.  
 Luctatusque diu cruciatus spiritus artus 125  
 Deserat, et longa torqueat ante mora.  
 Evenient : dedit ipse mihi modo signa futuri  
 Phœbus ; et a læva mœsta volavit avis.  
 Certe ego, quæ voveo, Superos motura putabo,  
 Speque tuæ mortis, perfide, semper alar. 130  
 Finiet illa dies, quæ te mihi subtrahet olim ;  
 Finiet illa dies, quæ mihi tarda venit :  
 Et prius hanc animam, nimium tibi sæpe petitam,  
 Auferet illa dies, quæ mihi sera venit ;

123. *Causaque non desit, desit tibi copia mortis.*] Juxta Sophocleum illud in *Electra*, ver. 1010: Οὐ γὰρ θανεῖν ἐχθιστον, ἀλλ' ὅταν θανεῖν Χρηζῶν τις, εἴτα μηδὲ τοῦτ' ἔχῃ λαβεῖν.

127. *Evenient.*] Omni in re agenda observabant majores signa, quæ a numinibus darentur: ut aut his confirmati rem inchoatam perficerent, aut perterriti desisterent. Inchoato igitur devotionis carmine, fingit poeta Deos signa dedisse, quibus por-

tendebant ejus imprecationem fore ratam.

128. *Et a læva mœsta.*] Cœli parte sinistra: ab ea enim Romanis prospera auguria. Graiis et Barbaris ea meliora erant, quæ a dextra cœli dabantur; vide Cic. ii. de *Divinat.* Quæ essent aves mali ominis, Plinius docet in X. *ZAR.*

131. *Finiet illa dies.*] Supervacuum est hoc distichon, et a manu indocta hic inculcatum. HEINS.

Quam dolor hic unquam spatio evanescere possit,  
 Leniat aut odium tempus et hora meum. 136  
 Pugnabunt jaculis dum Thraces, Iazyges arcu,  
 Dum tepidus Ganges, frigidus Ister erit;  
 Robora dum montes, dum pabula mollia campi,  
 Dum Tiberis flavas Tuscus habebit aquas; 140  
 Bella geram tecum: nec mors mihi finiet iras;  
 Sæva sed in manes manibus arma dabit.  
 Tum quoque, quum vacuas fuero dilapsus in auras,  
 Exanimis mores oderit umbra tuos.  
 Tum quoque factorum veniam memor umbra tuo-  
 Insequar et vultus ossea larva tuos. [rum, 146  
 Sive ego, quod nolim, longis consumtus ab annis;  
 Sive manu facta morte solutus ero:  
 Sive per immensas jactabor naufragus undas,  
 Nostraque longinquus viscera piscis edet: 150  
 Sive peregrinæ carpent mea membra volucres;  
 Sive meo tingent sanguine rostra lupi:  
 Sive aliquis dignatus erit supponere terræ,  
 Et dare plebeio corpus inane rogo:  
 Quidquid ero, Stygiis erumpere nitar ab oris, 155  
 Et tendam gelidas ultor in ora manus.  
 Me vigilans cernes: tacitis ego noctis in umbris  
 Excutiam somnos, visus adesse, tuos.  
 Denique quidquid ages, ante os oculosque volabo,  
 Et querar, et nulla sede quietus eris. 160

146. *Insequar et vultus ossea forma tuos.*] *Ossea larva* codex Dionysii Salvagnii Boessii: quomodo Seneca, *Epist.* xxiv. *larvarum habitum nudis ossibus cohærentium* dixit. H.

148. *Morte solutus.*] Definitionem Platonis exprimit, qui scribit mortem esse solutionem animæ a corpore: ὁ

θάνατος λύσις καὶ χωρισμὸς ψυχῆς ἀπὸ σώματος.

151. *Volucres peregrinæ.*] Vultures habebantur aves peregrinæ, quasi ex alieno orbe venientes. Unde et bellis civilibus venerunt aves nunquam antea visæ, specie paulo infra columbas, quas adpellabant *Betrientes*.



Verbera torta dabunt sonitum ; nexæque colubris  
 Conscia fumabunt semper ad ora faces.  
 His vivus furiis agitabere, mortuus isdem ;  
 Et brevior pœna vita futura tua est.  
 Nec tibi contingent funus lacrymæque tuorum ; 165  
 Indeploratum projiciere caput.  
 Carnificisque manu, populo plaudente, traheris ;  
 Infixusque tuis ossibus uncus erit.  
 Ipsæ te fugient, quæ carpunt omnia, flammæ :  
 Respuet invisum justa cadaver humus. 170  
 Unguibus et rostro tardus trahet ilia vultur ;  
 Et scindent avidæ perfida corda canes.  
 Deque tuo fiet, licet hac sis laude superbus,  
 Insatiabilibus corpore rixa lupis.  
 In loca ab Elysiis diversa fugabere campis ; 175  
 Quasque tenet sedes noxia turba, coles.  
 Sisyphus est illic saxum volvensque petensque ;  
 Quique agitur rapidæ vinctus ab orbe rotæ :

161. *Verbera sæva.*] *Verbera torta* primæ editiones et tres scripti ; recte : Tibullus, lib. i. Eleg. vi. 45 : " nec acrem Flammam, nec demens verbera torta timet ;" Eleg. ix. 22 : " intorto verbere terga seca ;" Seneca Thyeste : " Quid ora terres verbere, et tortos ferox Minaris angues ?" et Medea : " anguis excusso sonat Tortus flagello ;" Val. Flac. viii. 20 : " Inde, velut torto furiarum erecta flagello, Prosilii."

162. *Conscia.*] Cicero pro Sexto Roscio, dicit : " Nolite putare, eos qui aliquid impie scelerateque commiserunt, agitari et perterreri tædis ardentibus : sua quemque fraus, suus error maxime vexat : suum quemque scelus agitat, amentiaque adfcit : suæ malæ cogitationes conscientiaque

animi terrent : eæ sunt impiis adsiduæ domesticæque furia, quæ dies noctesque parentum pœnas a sceleratissimis filiis repetant."

165. *Nec tibi continget, etc.*] Acerbissimum id veteribus visum, si sepulturae honore carerent.

166. *Projiciere.*] Corpora, quæ sepultura carent, peculiari significatione *projici* dicuntur ; Cicer. lib. i. Tusculam : " Durior Diogenes, et id quidem sentiens, ut Cynicus, asperius, projici se inhumatum ;" Sen. Epist. 93 : " Quem sævitia projecerit, dies condet." Ita Græcis ἐξερριμμένος.

168. *Infixusque tuis ossibus uncus erit.*] Puto *faucibus*. Gutturi enim infigebantur unci, qua de re dictum nonnihil Amor. lib. i. Eleg. vi. ver. 26. HEINS.

Quæque gerunt humeris perituras Belides undas,  
     Exsulis Ægypti, turba cruenta, nurus.      180  
 Poma pater Pelopis præsentia quærit, et idem  
     Semper eget, liquidis semper abundat aquis;  
 Jugeribusque novem qui summus distat ab imo,  
     Visceraque adsidue debita præbet avi.  
 Hic tibi de Furiis scindet latus una flagello,      185  
     Ut sceleris numeros confiteare tui:  
 Altera Tartareis sectos dabit anguibus artus;  
     Tertia fumantes incoquet igne genas.  
 Noxia mille modis lacerabitur umbra, tuasque  
     Æacus in pœnas ingeniosus erit.      190  
 In te transcribet veterum tormenta reorum:  
     Manibus antiquis causa quietis eris.  
 Sisyphæ, cui tradas revolubile pondus, habebis;  
     Versabunt celeres nunc nova membra rotæ.  
 Hic erit, et ramos frustra qui captet et undas: 195  
     Hic inconsumto viscere pascet avem.  
 Nec mortis pœnas mors altera finiet hujus,  
     Horaque erit tantis ultima nulla malis.  
 Inde ego pauca canam; frondes ut si quis in Ida,  
     Aut summam Libyco de mare carpat aquam. 200

181. *Poma pater Pelopis.*] Tantalus dignatus Deorum mensa, Jovis mystica protulit mortalibus. Unde apud inferos esse meruit sitiens in aquis ori adlabentibus: "Quærit aquas in aquis, et poma fugacia captat Tantalus: hoc illi garrula lingua dedit." ZAR.

190. *Æacus in pœnas.*] Hic, Minos et Rhadamantus, Jovis et Europæ filii, apud inferos judices sunt. ZAR.

191. *Veterum tormenta virorum.*] Reorum esse scribendum monui, Fast. v. ver. 622. Seneca, Hercule furente,

de Minoe ac Rhadamanto: "Et qui fronte nimis crimina tetrica Quærun, ac veteres excutiunt reos." Idem Agamemnone: "Reputemus omnes, quos ob infandas manus Quæsitorna Gnosius versat reos." Claudianus, lib. ii. in Rufinum de Rhadamanto: "Tum quoque, dum lites Stygiique negotia versat Dura fori, veteresque reos ex ordine quærit, Rufinum procul ecce notat." HERNS.

200. *Ut si quis carpat frondes in Ida.*] Ida sylvæ in Creta, ut et in Phrygia: in hac proceritas arborum,

Nam neque quot flores Sicula nascantur in Hybla,  
 Quotve ferat, dicam, terra Cilissa crocos.  
 Nec, quum tristis hyems Aquilonis inhorruit alis,  
 Quam multa fiat grandine canus Athos.  
 Nec mala voce mea possint tua cuncta referri, 205  
 Ora licet tribuas multiplicata mihi.  
 Tot tibi vœ misero! veniant talesque ruinæ,  
 Ut cogi in lacrymas me quoque posse putem.  
 Illæ me lacrymæ facient sine fine beatum:  
 Dulcior hic risu tum mihi fletus erit. 210  
 Natus es infelix; ita Dî voluere, nec ulla  
 Commoda nascenti stella, levisve fuit.  
 Non Venus adfulsit, non illa Juppiter hora:  
 Lunave non apto, Solve fuere loco.  
 Nec satis utiliter positos tibi præbuit ignes, 215  
 Quem peperit magno, lucida Maia, Jovi.  
 Tefera, nec quidquam placidum spondentia, Martis  
 Sidera presserunt, falciferique senis.  
 Lux quoque natalis, ne quid, nisi triste, videres,  
 Turpis, et inductis nubibus atra fuit. 220

et copia in admiratione est. *De mare Libyco.* Mare Libycum idem Africanum dictum est; protenditur in Ægyptium usque pelagus. *Libyco de mare.* Prisce, pro de mari; Caris. lib. i. Dess.

202. *Terra Cilissa crocos.*] Circa Corycium Ciliciæ montem crocum optimum habetur, inter cætera electissimum, ibi Corycos opp. est, et specus. Crocum autem adolescentem fuisse, fabulæ ostendunt, in florem sui nominis transmutatum.

204. *Athos.*] Mons altissimus Macedoniae.

214. *Lunave non apto.*] Hoc est, nullo adpectu bono, horoscopum, sive signum adscendens respexerunt. Significat autem Sol, vitæ atque anni

constitutionem, Luna autem corporis: qui si nulla bona radiatione cum adscendente signo comparantur, ipsi quoque natum infeliciorem, minusque durabilem futurum, astrologorum dogmata tradunt. MICYL.

215. *Nec satis utiliter.*] Mercurii sidus dicit admodum humano generi nocivum, si in Ariete fuerit, in Geminis, in Cancro, in Sagittario, ac in Capricorno.

217. *Martis sidera.*] Planetam pessimum, bella, interneciones, et litigia amat; et quando alicujus præest natiuitati, malum significat, nisi adpectum cum Jove, aut Venere habuerit; vide Joh. Bapt. Pium, Annotat. poster. cap. 42. ZAR.

Hæc est, in Fastis cui dat gravis Allia nomen,  
 Quæque dies Ibin, publica damna tulit.  
 Qui simul, impura matris prolapsus ab alvo,  
 Cinyphiam fœdo corpore pressit humum;  
 Sedit in adverso nocturnus culmine bubo, 225  
 Funereoque graves edidit ore sonos.  
 Protinus Eumenides lavere palustribus ulvis,  
 Qua cava de Stygiis fluxerat unda vadis;  
 Pectoraque unxerunt Erebeæ felle colubræ,  
 Terque cruentatas increpuere manus: 230  
 Gutturaque imbuerunt infantia lacte canino;  
 Hic primus pueri venit in ora cibus.  
 Perbibit inde suæ rabiem nutricis alumnus,  
 Latrat et in toto verba canina foro.

221. *Hæc est.*] Dies erant atri omnes post Idus et Nonas, qui *postriduani* dicebantur. Idem dies dicuntur *Allienses*, quoniam ob infelicem pugnam ad Alliam sint constituti. *Allia*. Flumen quindecim millibus passuum ab urbe distans, bustis Romanis nobilis, deleto prope ad interfectionem exercitu; vide Flor. lib. i. cap. 13. Dom. Ea enim fuit veterum superstitio, ut eos dies, quibus cladem aliquam accepissent, pro nefastis ac inauspicatis haberent, illosque ἀποφράδας Græci vocabant. SALVAGNIUS. *Fasti*. Libri dies festos continentes, redacti in volumen a Cn. Flavio, scriba Appii Cæci, tanta gratia apud plebem, quum eos edidisset, ut creatus sit ædilis curulis, præteritis duobus filiis consulum: nam, ante libros illos ab eo editos, cogebatur plebs rationem dierum quærere a principibus civitatis, auctore Plinio. Dom. *Hæc est in Fastis*. *Hæc est*, pro, eadem dies est in Fastis, *Alliensis*, et quæ Ibin in lucem protulit; ut significet, postriduana atque atra die natum.

224. *Humum Cinyphiam.*] Cur ait poeta Ibia natum esse in Cinyphia terra, quæ est in Libya, an ob hircos Cinyphios, qui fœtidi sunt; ut ostendat eum male olere: nam qui male olent, dicuntur *hircosi*. An quoniam feræ monstruosæ ibi nascebantur, convenientibus diversis animalibus ad eundem fontem ob penuriam aquarum in Libya, et ibi diversissimis mistis. Unde proverbium illud susceptum est, Africam semper novi aliquid adferre.

225. *Bubo.*] Acherontis filius et Orphnes nymphæ, conversus in avem ex Ascalapho, ob accusationem Proserpinæ, avis funebris est.

226. *Graves.*] Querulos.

227. *Protinus Eumenides lavere palustribus undis.* Tò unda proximo versu sequitur, ut hic ferri vix possit. Scribe: "Eumenides lavere palustribus ulvis," et ad Notas Met. xiv. ver. 103. HEINS.

223. *Ebibit inde suæ rabiem.*] *Perbibit* plerique veteres. Mihi tamen distichon hoc suspectum est, ut supra, ver. 24. jam sum testatus. H.

Membraque vinxerunt tinctis ferrugine pannis,  
 A male deserto quos rapuere rogo : 236  
 Et, ne non fultum nuda tellure jaceret,  
 Molle super silices imposuere caput.  
 Jamque recessuræ, viridi de stipite factas  
 Admorunt oculis usque sub ora faces. 240  
 Flebat, ut est infans fumis contactus amaris,  
 De tribus est quum sic una locuta soror :  
 Tempus in immensum lacrymas tibi vovimus istas,  
 Quæ semper causa sufficiente cadent.  
 Dixerat: at Clotho jussit promissa valere, 245  
 Nevit et infausta stamina pulla manu ;  
 Et ne longa suæ præsentia diceret horæ :  
 Fata canet vates qui tua, dixit, erit.  
 Ille ego sum vates : ex me tua vulnera disces,  
 Dî modo dent vires in mea verba suas. 250  
 Carminibusque meis accedant pondera rerum,  
 Quæ rata per luctus experiere tuos.  
 Neve sine exemplis ævi moriari prioris ;  
 Sint tua Trojanis non leviora malis.  
 Quantaque clavigeri Pæantius Herculis heres, 255  
 Tanta venenato vulnera crure geras.  
 Nec levius doleas, quam qui bibit ubera cervæ,  
 Armatique tulit vulnus, inermis opem :

235. *Ferrugine.*] Colore noctis. Sic poeta Met. xv. ver. 788: "Cærus et vultum ferrugine Lucifer atra . . . Sparsus erat." Sic Virgilius, vi. ver. 303. Charontis cymbam vocat ferrugineam.

239. *De viridi stipite,* etc.] Nam faces virides infelices sunt, propter fumum.

255. *Pæantius Herculis.*] Philoctetes, Pæantis filius, ex Melibœa urbe: compulsus ab Hercule jurare corporis

sui reliquias non indicaturum, ab ipso pro munere sagittas felle hydræ intactas accepit, sine quibus Troja capi non poterat. ΖΑΡ.

257. *Nec levius doleas, quam qui bibit ubera cervæ.*] Telephus ἀπὸ τῆς θηλῆς καὶ τοῦ ἐλάφου, filius Herculis et Auges, filiae Alei, inter virgulta inventus est, nutritus a cerva, donatus a pastoribus Corytho, Thessaliæ regi. Dum ex oraculo didicisset, matrem fugientem paternam iram, vel potius

Quique ab equo præceps in Aleïa decidit arva,  
 Exitio facies cui sua pæne fuit. 260  
 Id, quod Amyntorides, videas, trepidumque minis-  
 Prætentens baculo, luminis orbus, iter : [tro  
 Nec plus adspicias, quam quem sua filia rexit,  
 Expertus scelus est cujus uterque parens :  
 Qualis erat, postquam est iudex de lite jocosa 265  
 Sumtus, Apollinea clarus in arte senex :  
 Qualis et ille fuit, quo præcipiente columba  
 Est data Palladiæ prævia duxque rati :

emissam a patre ob stuprum cum Hercule, pervenisse in Mysiam, eo se contulit : ubi a Teuthrante rege et Auge ducta est uxor, et Telephus factus filius, successor regni, vulneratus est ab Achille. DOM.

258. *Armatique tulit vulnus, inermis opem.*] Ut sit sensus : Qui vulnus ab armato, id est, hoste Achille accepit, quod postea ejusdem illius reconciliati auxilio et ope curatum fuit.

259. *Aleia.*] Græcis 'Αλήϊα πεδία sunt, et πεδίον 'Αλήϊον. Plinio, lib. v. cap. 27. *campi Aleii*; Homerus, *Iliad. Z. de Bellerophonte*: "Ἡροι ὁ καππεδίον τὸ 'Αλήϊον οἶος ἀλάτο "Ὀν θυμὸν κατέδων, πάτον ἀνθρώπων ἀλεινῶν. Quæ Cicero sic vertit : " Qui miser in campis mœrens errabat Aleis, Ipse suum cor edens, hominum vestigia vitans."

261. *Id, quod Amyntorides, videas, trepidumque ministro,* etc.] Phœnix filius Amyntoris fuit, filii Cercaphi, quem Ormenius genuit. Hic, quum haberet rem cum pellice patris, ut auctor est Hom. delatione novercæ accusatus aufugit, venitque ad Peleum, Achillis patrem.

263. *Nec plus,* etc.] Œdipus, incesta matre, et patris nece infamis, ob sceleris conscientiam cæcatus est, regebatque cæcus ab Ismena filia.

265. *Qualis.*] Tiresias, sumtus iudex a Junone et Jove, virine an mulieris libido major esset, sententiam tulit in Junonem, a qua oculis est privatus : sed Jupiter consolatus est ejus calamitatem honore ; nam dedit divinandi artem : hic prædixit Thebarum interitum. Daphne, ejus filia, quæ postea dicta est Sibylla, vaticinandi arte edocta, multa scripsit responsa ; unde Homer. poema ornavit. DOM. *Qualis erat postquam,* etc. Traditur et alia causa, cur visu privatus fuerit Tiresias : videlicet quod Palladem lavantem nudam adspexisset. MICYL.

267. *Qualis et ipse.*] Phineus, *Arca-diæ rex* : qui ductu *Cleopatra uxore, Orythum et Crambin ex ea filios habuit* : superinducta noverca, suasu ejusdem liberos excæcavit : unde et ipsi a Diis iratis eruti oculi, et dapibus non poterat vesci, quum Harpyæ admotæ mensis eas fœdarent. Zetus et Calais, Boreæ filii, insecuti sunt aves ad Plotas usque insulas, quæ postea dictæ sunt *Strophades* : eumque tanto supplicio liberarunt. Quo beneficio devinctus, canit apud Apollonium Rhodium, monens Argonautas, ut inter Cyaneas petras columbam sequantur, quam Dii mitterent.

268. *Palladiæ.*] Argo navis *Palla-*

Quique oculis caruit, per quos male viderat aurum,  
 Inferias nato quos dedit orba parens : 270  
 Pastor ut Ætnæus, cui casus ante futuros  
 Telemus Eurymedes vaticinatus erat :  
 Ut duo Phinîdæ, quibus idem lumen ademit,  
 Qui dedit : ut Thamyraë, Demodocique caput.  
 Sic aliquis tua membra secet, Saturnus ut illas 275  
 Subsecuit partes, unde creatus erat :  
 Nec tibi sit melior tumidis Neptunus in undis,  
 Quam cui sunt subitæ frater et uxor aves ;

*diu dicta est, quoniam facta est cura Palladis.*

269. *Quique oculis.*] Polymnestor, rex Thraciæ, veteri amicitia conjunctus cum Priamo, imminente bello Græcorum, Polydorum Priami filium a parentibus sibi demandatum hospitio suscepit. Sed ruentibus Trojanis, auri, quod Polydorus adtulerat, aviditate captus, contempto hospitii jure, Polydorum obruncat. Quod quum Hecuba mater percepisset, dissimulans se ignorare, Polymnestorem rogavit, ut, accepto thesauro quem indicaret, filium redderet. Is secutus mulieris fidem, adductus in secretum, ab Hecuba et ancillis oculis privatur.

271. *Pastor ut Ætnæus.*] Polyphemus, inter Cyclopes Siculos Homeri carmine celeberrimus, oculum amisit, adusto stipite effossus ab Ulysse, quum, absumptis quinque sociis illius, vino obrutus jaceret.

272. *Telemus Eurymedes.*] *Eurymides* dictum Met. xiii. ver. 771. H. *Telemus*. Vates, qui prædixit Polyphemo aliquando futurum, ut ei oculus effoderetur ab Ulysse.

273. *Ut duo Phinîdæ.*] Crambis et Orythus, duo Phinei filii ex Cleopatra, vim intulerunt Idæ, quam Phineus superinduxerat, filiam Dardani, Scytharum regis : qua de causa excæcati a patre sunt.

VOL. V.

274. *Thamyraë.*] Filius Philammonis et Argiope Nymphæ, et a Lino musicam edoctus. Dicitur ab Hom. Thamyris aptus ad lyram et carmen, ut scribit Diod. Claruit musica, adeo ut ex Echalia Peloponnesi veniens, Musas quibus occurrit, in certamen provocaverit, a quibus excæcatus est. *Demodocique*. Duo cantores sunt apud Hom. Phemius in convivio procorum, Demodocus in convivio Alcinoi : cujus musicam laudat Hom. Hunc cæcum valde Musa dilexit, dedit bonumque malumque ; oculis quidem privavit, sed cantum dedit suavissimum.

277. *Nec tibi sit.*] Ceyx Alcyones conjux, quum ad oraculum navigasset, facto naufragio submersus est ; cujus rei dolore Alcyone in avem conversa est sui nominis ; vide Ovid. Met. lib. xi. ver. 741 sqq.

278. *Frater, etc.*] Dædalion, Ceycis frater, filiam habuit nomine Chionem, formosissimam, quam Apollo et Mercurius compressere, et nati sunt gemelli. Apollini Philamon, qui musica claruit, patrem imitatus. Autolycus autem Mercurio, fur nobilis. Suam præferre Chione formam Dianæ ausa est, a qua est sagittis interempta. Cujus in rogam pater Dædalion præ dolore se voluit immittere : at prohibitus, in Parnassum montem abiit ;

3 R

Sollertique viro, laceræ quem fracta tenentem  
 Membra ratis Semeles est miserata soror. 280  
 Vel tua, ne pœnæ genus hoc cognoverit unus,  
 Viscera diversis scissa ferantur equis:  
 Vel quæ, qui redimi Romano turpe putavit,  
 A duce Puniceo pertulit, ipse feras.  
 Nec tibi subsidio sit præsens numen, ut illi, 285  
 Cui nihil Hercæi profuit ara Jovis:  
 Utque dedit saltus de summo Thessalus Ossa,  
 Tu quoque saxoso præcipitere jugo:  
 Aut velut Euryali, qui sceptrum cepit ab illo,  
 Sint artus avidis anguibus esca tui: 290  
 Vel tua maturet, sicut Minoïa fata,  
 Per caput infusæ fervidus humor aquæ:

unde quum se præcipitem dedisset, in volucrem ab Apolline est mutatus.

280. *Semeles est miserata soror.*] Cadmo Thebarum conditori ex Harmonia, Veneris et Martis filia, natæ sunt Agave, Autonoe, Ino, et Semele, et Polydorus. Athamanti, Æoli filio, Thebarum regi, Ino nupsit, quæ Clearchum genuit, et Melicertam, qui Junonis odio haud diu vixere.

283. *Vel quæ, qui redimi.*] Attilius Regulus, qui captus patribus suasit, ne captivorum permutatio fieret: maluitque ad paratum supplicium reverti, quam vivere inutilis civis patriæ. Quo supplicio sit adfectus, non satis constituunt Annales. DOM.

286. *Cui nihil Hercæi.*] Vide Virgil. Æneid. ii. 512 sqq.

287. *Utque dedit saltus.*] Plutarchus memorat divinatricem quandam, Aglaonicem nomine, Egemonis Thesali filiam, quum in Ossa monte Lunæ coitus observaret, in judicio convictam, a mulierculis, existimantibus ab ea Lunam cælo deduci, gravissimis adfectam suppliciiis, et ex Ossa præcipitatum. DES. *E summa Thessalus*

*Ossa.* De summo quatuor scripti et primæ editiones; sic Metam. x. *Etam* bis masculino genere dixit, ut in optimis est codicibus, et tum *ro mons* subintelligitur. Sic *Othrys* apud Græcos feminini generis est, masculini apud Romanos. HERN.

289. *Aut velut Euryali.*] Hæmon filium habuit Thessalum, Thessalia regem, qui ab Euryalo advena (nam erat Corcyraeus) ex Ossa monte præcipitatus est. Ea cæde quum purgari non posset Euryalus, deditum Stygiæ paludi caput, furialibus anguibus dicitur absumptus.

291. *Minoïa.*] Minos, ob injuriam acceptam a Dædalo, labyrintho fabricato, eum classe persecutus est ad Cocalum regem Siciliae, ad quem confugerat, multisque præclaris operibus editis, illius gratiam sibi comparaverat: quum primum Minos classem adpult in Siciliam, hostiliterque agrum popularetur, Cocalus ad colloquium eum provocavit, proposita spe dedendi Dædali. Tamdiu autem jussit eum in thermis clausum expectare, quoad vaporibus calidarum aquarum



Utque parum miti, sed non impune, Prometheus,  
 Aerias volucres sanguine fixus alas :  
 Ac, velut Etracides magno ter ab Hercule quintus,  
 Cæsus in immensum projiciare fretum : 296  
 Aut, ut Amyntiaden, turpi dilectus amore  
 Oderit, et sævo vulneret ense puer :  
 Nec tibi fida magis misceri pocula possint,  
 Quam qui cornigero de Jove natus erat. 300  
 More vel intereas capti suspensus Achæi,  
 Qui miser aurifera teste pependit aqua :  
 Aut ut Achillidæ cognato nomine clarum  
 Opprimat hostili tegula jacta manu :  
 Nec tua quam Pyrrhi, felicius ossa quiescant, 305

est extinctus. Exanimum corpus reddidit sociis, adfirmans eum casu lapsum in aquas calidas mortuum esse.

293. *Utque parum mitis.*] Scribe *miti*, et refer ad *rô sanguine*. H. *Impune, Prometheus.* Prometheus, a Vulcano religatus in Caucasio monte, pascit aquilam : quoniam et olim Deos deceperit, et ignem subripuerit de cælo.

295. *Aut velut Etracides.*] Etracides, quum Clebam puerum, Dori filium, in deliciis haberet, eique tribueret omnia, ab eo occisus est. Nam puer in militarem ardorem excitatus, necato domino, exercitum contraxit, lateque evagatus condidit Cumam Phryconitiden. Dom. *Magno ter ab Hercule quintus.* Qui quintus Hercules vocatus est, post ter magnum illum Herculeum, cujus ingentia facta Theseus est æmulatus.

297. *Aut, ut Amyntiadem, turpi dilectus amore Oderit, et sævo vulneret ense puer.*] Philippus, Amyntæ filius, Macedonum rex, ab oraculo acceperat, ut quadrigas evitaret : nam erat ab eis in fati ut occideretur. Non tamen fati periculum effugere potuit. Stuprato etenim Pausania ab Attalo Phi-

lippi sororio, apud regem sæpissime Pausanias conquestus est : ille autem hoc protrahendo parvi fecit ; Pausanias inimici Attali injuriam in ipsum judicem vertit, quem gladio, in quo quadrigæ erant, interfecit. ZAR.

300. *Quam qui cornigero de Jove natus erat.*] Intelligit Salvagn. Alexandrum, qui Hammouem Jovem generis sui auctorem credi volebat.

301. *Achæi.*] Intelligem Andromachi filium, qui, quum universam cis Taurum Asiam imperio suo regeret, a Bolide et Cambylo proditus, et ad regem Antiochum adductus, crudelissimo supplicio interiit, ut Polyb. lib. viii. p. 528. describit.

303. *Aut ut Achilliden.*] Alii *Achillidæ*. Scribe *Achillidæ*, hæc est Pyrrhi Neoptolemi. H. *Aut ut Achilliden.* Pyrrhus materno genere ab Achille oriundus, paterno ab Hercule, quum adversus Antigonum Argos obsideret, anus e tecto spectans filium prodeuntem in aciem, et periculo commota, utraque manu tegulam demisit, qua exanimatus est Pyrrhus, ut Plutarchus et Cornelius scribunt. Dom.

305. *Nec tua quam Pyrrhi, etc.*] De Pyrrho Neoptolemo intelligendum,

Sparsa per Ambracias quæ jacuere vias :  
 Nataque ut Æacidæ, jaculis moriaris adactis :  
 Non licet hoc Cereri dissimulare nefas.  
 Utque nepos dicti nostro modo carmine regis  
 Cantharidum succos dante parente bibas : 310  
 Aut pia te cæso dicatur adultera, sicut,  
 Qua cecidit Leucon vindice, dicta pia est :  
 Inque pyram tecum carissima pignora mittas ;  
 Quam finem vitæ Sardanapalus habet :  
 Utque Jovis Libyci templum violare parantes, 315  
 Acta Noto vultus condat arena tuos :  
 Utque necatorum Darei fraude secundi,  
 Sic tua subsidens devoret ora cinis :

Achillis filio, cujus ossa per fines Ambraciæ sparsa esse, narrat Hyginus, Fab. cxiii. Micyl.

306. *Ambracias.*] Ambracia, teste Livio, urbs in Epiro est, aspero subiecta tumulo, quæ dudum Pyrrhi regia fuit.

307. *Nataque ut Æacidæ.*] Ut in veteri legitimus commentario, Laodamia, sive Peribœa, Pyrrhi filia fuit: quæ, quam in templum Cereris Ambraciæ confugisset, inimicorum telis est interfecta. Intelligunt nonnulli Heracliam, Hieronis filiam ex Achillis genere, quæ in templo Cereris una cum duabus filiabus a populo Syracusano telis confossa cecidit.

308. *Non licet, etc.*] Vid. Justin. lib. xxviii. Zan.

309. *Utque nepos dicti, etc.*] Mihi Pyrrhus designari videtur, qui tertius est ab eo, cujus res in Italia gestæ memorantur. Hic enim magni Pyrrhi nepos fuit. Deinde Olympias, mater ejus, vel avia, ut nonnulli volunt, Tigridem puellam Leucadiam ejus concubinam, φαρμάκοις ἀπέκτεινεν, veneno sustulit, inquit Athenæus, lib. xiii. p. 579. edition. Casaub. ut sus-

picer, Pyrrhum una cum Tigride amica sublatum esse. SALV. *Cantharidum succos.* *Cantharis* vermis viridis; vide Plinium, lib. xxix. cap. 4. et Dioscorid. lib. vi. VAL. ANDR.

311. *Aut pia te cæso.*] Leucon, ut vetustissimus docet interpret, ex Persicis regibus Spartacum fratrem occidit, regno inde potiri sperans, quum et rem haberet cum ipsius fratris uxore. Non tamen votum valuit consequi; nam in palude Sabedana Leuconem mulier interfecit, quare pia est judicata. Dicunt nonnulli, Oxilochi regis Ponti uxorem hanc fuisse, non Spartaci.

315. *Utque Jovis Libyci.*] Cambyses, cujus meminerunt Herodotus et Trogus, quum studio evagandi Ægyptum peteret, misit qui popularentur templum locupletissimum Jovis Ammonis: qui omnes ira numinis arenarum cumulis obruti sunt. DOM.

316. *Acta Noto.*] Signate adpositeque *Noto* dixit, quia flante tantummodo Austro fit illa arenarum tempestas, ut auctor est Herodotus et Arrianus in tertio.

317. *Utque necatorum Darei.*] De

Aut, ut olivifera quondam Sicyone fugato,  
 Sit frigus mortis causa famesque tuæ : 320  
 Aut, ut Atarnites, insutus pelle juvenci  
 Turpiter ad dominum præda ferare tuum :  
 Inque tuo thalamo ritu jugulere Pheræi,  
 Qui datus est leto conjugis ense suæ :  
 Quosque putas fidos, ut Larissæus Alebas, 325  
 Vulnere non fidos experiare tuo :  
 Utque Milon, sub quo cruciata est Pisa tyranno,  
 Vivus in occultas præcipiteris aquas :  
 Quæque in Adimantum Phlïasia regna tenentem  
 Ab Jove venerunt, te quoque tela petant : 330

Ocho aliqui dictum volunt, qui Dæreus est dictus; cujus historiam Val. Max. lib. ix. cap. 2. de crudelitate; vol. ii. pag. 151. nostr. edit.

319. *Aut, ut olivifera.*] Neocles (vel Nicocles) Thuscus, ex Sicyone pulsus, omnibus vitæ præsidiiis destitutus, fame et frigore mortem obiit.

321. *Atarnites.*] Et de Hermia intellige, Atarnæ rege, sive tyranno, ut recte Turneb. lib. ix. Advers. cap. 26. Addit e Diodoro, lib. xvi. Turnebus, Hermiam, quia a Persarum rege defecerat, circumventum ab Hectore duce regis Persarum, et in potestatem redactum. At quod Ovidius ait, *insutum pelle juvenci*, id de Hermia qui scriberet adhuc non vidi. VAL. ANDR.

323. *Inque tuo thalamo.*] In secundo Officiorum docet Cicero, Alexandrum Pheræum uxorem Theben admodum dilexisse: tamen ex epulis ad eam in cubiculum quum se conferebat, barbarum districto gladio jubebat anteire: deque stipatoribus suis præmittebat, qui muliebres arculas perscrutarentur. Non tamen eum fefellit opinio: nam ab uxore propter pellicatus suspicionem est interfectus.

325. *Quosque putas fidos.*] Thiodamantis filius fuit Alebas, qui Larissæ in Thessalia dominatum habuit. Satellites, civium timore, Alebas ad custodiam habebat, quos fidos sibi existimabat. At ab ipsis postea est interfectus; vide Alciatum, lib. vi. Pareg. cap. 21.

327. *Utque Milon.*] Milones plures fuisse constat: quorum quidam Pisanam Elidos tenuit, qui Pisanos cruciatibus adiciebat. Tandem in Alpheum fluvium Pisanam profluentem demersus a Pisanis est, si vetustissimo credimus interpreti. Sunt autem Pisæ juxta Alpheum sitæ, ubi ludi Olympii celebrabantur. Forte legend. hic: *Utque ille sub quo*, et intelligendum de Pantaleone. Pausan. pag. 240—242. SANCT.

329. *Quæque in Adimantum.*] Adimantus, Phyletiæ rex, Ponto conjunctæ, sive (ut alii volunt) Thessaliæ, Deorum contemptor, Diis sacrificare neglexit, se ipsis majorem prædicans; quare a Jove fulmine ictus interiit. Pausanias, in Corinthiacis, multa scitu dignissima de Phlïasiis prodidit.

Aut ut Amastriacis quondam Lenæus ab oris  
 Nudus Achillea destituaris humo.  
 Utque vel Eurydamas ter circum busta Thrasylli  
 Est Larisseis raptus ab hoste rotis ;  
 Vel qui quæ fuerat tutatus mœnia sæpe 335  
 Corpore lustravit non diuturna suo ;  
 Utque novum passa genus Hippomeneide pœnæ,  
 Tractus in Actæa fertur adulter humo ;  
 Sic, ubi vita tuos invisâ reliquerit artus,  
 Ultiores rapiant turpe cadaver equi. 340  
 Viscera sic aliquis scopulus tua figat, ut olim  
 Fixa sub Euboico Graia fuere sinu.  
 Utque ferox periit et fulmine et æquore raptor ;  
 Sic te mersuras adjuvet ignis aquas.  
 Mens quoque sic Furiis vecors agitetur, ut illi 345  
 Unum cui toto corpore vulnus erat ;

331. *Aut ut Amastriacis.*] Amastris urbs est in peninsula, habens portus ex utraque parte, quam condidit Amastris Oxyartis filia, uxor Dionysii tyranni Heracliensis. Hic Dionysius Lenæus dictus est: qui expulsus a Mithridate, aufugit in Ἀχιλλέως δρόμον, in locum, quem Cursum Achillis adpellant; ubi a suis desertus, periit omni destitutus ope. DOM.

333. *Utque vel Eurydamas.*] Mos diu apud Thessalos fuit, ut interficientium corpora circa occisorum sepulchra traherentur, ut Eurydamantis exemplo constat, qui circa Thrasylli (quem interfecerat) tumulum a Simo, Thrasylli fratre, tractus est, auctore in xxii. Iliad. Porphyrio.

335. *Vel qui quæ fuerat tutatus mœnia sæpe Corpore lustravit non diuturna duo.* Hector. DOM.

337. *Hippomeneide.*] Hippomenes Athenarum princeps fuit, cujus filia in adulterio deprehensa est, a patre

ob scelus juncta equo: qui conclusus quum alimentis careret, dentes in puellam coniecit. Adulter vero per regionem Atticam ab equis tractus est. DOM.

341. *Viscera sic aliquis, etc.*] Locrenses intelligit, qui post eversam Trojam, in patriam redeuntes, ob unius Ajacis noxam, in Eubœæ promontoriis misere naufragio perierunt; ut Virg. Æn. i. 39 sqq. refert; quod et Ajacis ipsius interitus disticho proximo indicat. SALV.

343. *Utque ferox periit.*] Imprecatur laniationem corporis, qualis Ajaci Oilei contigit naufrago: scribunt hoc factum fuisse, quoniam Cassandram in templo Palladis violaverat; quare indignata Pallas, ipsum circa Caphareum promontorium, fulmine interfecit, navesque dissipavit.

345. *Mens quoque.*] Imprecatur furorem mentis, qualis contigit Marsyæ, qui tibiæ inventa modulatione adeo

Utque Dryantidæ Rhodopeia regna tenenti,  
 In gemino dispar cui pede cultus erat ;  
 Ut fuit Cætæo quondam, generoque draconum,  
 Tisamenique patri, Callirhoesque viro. 350  
 Nec tibi contingat matrona pudicior illa,  
 Qua potuit Tydeus erubuisse nuru ;  
 Quæque sui Venerem junxit cum fratre mariti,  
 Locris in ancillæ dissimulata necem.

est elatus, ut Phœbum in certamen provocaverit : in quo superatus pellem amisit, pependitque ex platano : Parrhasius et Micyllus hoc de Ajace Telamonio intelligi volunt : sed contra mentem Salvagnii, qui priorem expositionem probat.

346. *Unum qui toto corpore vulnus habet.*] Cui erat Juret. qui erat duo alii ; recte : Met. vi. ver. 388. de Marsya, *Nec quicum nisi vulnus erat ;* lib. xv. ver. 529. de Hippolyto, *unumque erat omnia vulnus.*

347. *Utque Dryantiadæ Rhodopeia regna tenente.*] Lycurgum, Dryantis filium, intellige, qui Liberum de regno fugavit : quem quum negaret Deum esse, vinumque bibisset, et ebrius matrem suam violare voluisset, tunc vites excidere est conatus : qui insania a Libero objecta, uxorem suam et filium interfecit : ipsumque Lycurgum Liber pantheris objecit in Rhodope, qui mons est Thraciæ, cujus imperium habuit. Hic traditur unum pedem sibi pro vitibus excidisse. Atque hunc *μνοκρηπίδα* Græci quoque vocarunt, utpote altero pede cæso, sive læso. MIC. *Dryantiadæ. Dryantidæ* meliores.

349. *Ut fuit.*] Hercules Cætæus dicitur est ab Cæta monte, in quo arsit : vel ob tunicam venenatam, missam a Dejanira, ut fabulæ ferunt, Ovid. Metam. ix. *Generoque draconum.*

Athanas in furem versus est, ira Junonis : gener fuit Cadmi et Harmoniæ : qui in Illyricum profecti, in dracones versi sunt : unde gener draconum dictus est.

350. *Tisamenique patri.*] De Oreste intellige, qui ex Hermione Tisamenum filium suscepit. DOM. *Callirhoesque viro.* Alcmaonem intelligit Ovid. Amphiarai et Eriphyles filium, qui occisa matre in furem versus fingitur. Consulto oraculo, in terram omnium recentissimam ire jussus est. Nactus itaque terram, qua Achelous in mare erumpit, filiam Acheloi Callirhoen uxorem habuit : vide Apollodorum, lib. iii.

351. *Nec tibi contingat, etc.*] Ægialeam intelligit, Diomedis uxorem. Quum enim Venus a Diomede vulnus accepisset, ejus uxorem tante libidinis impotentem reddidit, ut se passim Hippolyto et Cometi prostitueret ; quorum furiosis amoribus adeo exagitabatur, ut ipsi Diomedi, Troja redeunti, necem molita sit, quam ad Junonis aram noctu confugiens, vix evadere potuit. SALV.

354. *Locris.*] Hypermnestra Locrensis, quum fratris viri concubitum adpeteret, clam nocturno tempore id adsecuta, mane pudore adfecta, ut scelus suum dissimularet, ancillam cum famulo necavit, quasi in ejus concubitu eos deprehendisset.

Di quoque tam faciant possis gaudere fideli 355  
 Conjuge, quam Talai Tyndareique gener ;  
 Quæque parare suis letum patruelibus ausæ  
 Belides adsidua colla premuntur aqua !  
 Byblidos et Canaces, sicut facit, ardeat igne ;  
 Nec, nisi per crimen, sit tibi nota soror. 360  
 Filia si fuerit, sit quod Pelopea Thyestæ,  
 Myrrha suo patri, Nyctimeneque suo.  
 Neu pia, neve magis capiti sit fida paterno,  
 Quam tibi vel, Pterela, vel tibi, Nise, fuit ;

356. *Conjuge, quam Talai.*] Eriphyle, Amphiarai uxor, Talai filia, latentem maritum ne ad bellum Thebanum iret, in quo per auguria prospexerat se periturum, prodidit corrupta monili, quod olim Venus possederat : deprehensus maritus, et in bellum proficiscens Alcæoni filio mandavit, ut quum mortuus esset, mactaret tumulo suo Eriphylem matrem ; quod factum est, sed postea insanus factus. *Tyndareique gener.* Agamemnon gener Tyndari (nam Clytæmnestra Tyndari filia fuit, ut scribit Pausan.) interfectus est ab uxore dolis Ægisthi. DOM.

359. *Biblis.*] Mileti filia et Cyanes, Caunum fratrem impudice amavit ; cujus concubitum quum adsequi non posset, lacrymis liquata est in fontem ; Ovid. lib. ix. Met. 453. D. *Et Canaces.* Fuit Canace Æoli et Amphiteæ filia ; cujus ardens amore Macareus frater eam violavit. Verum conceptus infans rem vulgavit. Æolus itaque filiaë ense misit ; quæ accepto ense flagitium a fratre illatum nece sua ulta est. DESSEL.

361. *Filia si fuerit.*] Pelopeia cum patre Thyeste inscio concubuit : ex quo nefario concubitu Ægisthus natus est : quem a matre, ut scelus tegetet, in sylvis expositum, a capris nutritum

fabulantur : unde et illi nomen. Hic ætate grandior Atreum et Agamemnonem occidit. VAL. ANDR.

362. *Nyctimene.*] Quum patris concubitum esset adsecuta, pudore in avem conversa sui nominis, luce non volat, solaque amat tenebras. Fabula est apud Ovidium in lib. ii. Met. ver. 591. DOM. *Myrrha suo patri.* Fuit Cinyræ, Cypriorum regis, filia Myrrha, quæ ut in x. Metamorphos. inscio cum patre concubuit ; a quo cognita parum abfuit quin occideretur ; nam stricto gladio eam petiit, quæ in pedes se dedit, in Arabiam usque : ubi in myrrham arborem dicitur mutata, et Adonem formosissimum edidisse, qui adeo a Venere creditur amatus. ZAR.

364. *Pterela.*] Thebarum rex, a Creonte necatus est, proditione Polydices filiaë ; Ovid. Metam. viii. *Tua, Nise, fuit.* Pandion, Athenarum rex, quatuor habuit filios, Nisum, Ægeum, Lycum, Pallantem. Nisus, Megaresium rex, obsessus a Minoe, proditione Scyllæ filiaë, quæ Minois amore capta est, crinem fatalem amisit, sicque interemptus est ; Ovid. viii. Metamorph. DOM. *Quam tua vel Pterela.* De Taphiorum rege ejusque filia Comæthone locum intellige, quæ Cephalis amore capta, patriam patremque hostibus prodidit. VAL.

Infamemque locum sceleris quæ nomine fecit, 365  
 Pressit et inductis membra paterna rotis.  
 Ut juvenes, pereas, quorum fastigia vultus  
 Olim Pisææ sustinuere foris ;  
 Ut qui perfusam miserorum sæpe procorum  
 Ipse suo melius sanguine tinxit humum ; 370  
 Proditor ut sævi periit auriga tyranni,  
 Qui nova Myrtoæ nomina fecit aquæ ;  
 Ut qui velocem frustra petiere puellam,  
 Dum capta est pomis tardior illa tribus ;  
 Ut qui tecta novi formam celantia monstri 375  
 Intrarunt cæcæ non redeunda domus ;  
 Ut quorum Æacides misit violentus in altos  
 Corpora cum senis altera sena rogos ;

365. *Infamem.*] Tullia Tarquini filia carpentum per ora patris intercepti agi jussit, quo scelere loco nomen dedit. Nam vicus ille est dictus *Sceleratus*. DOM.

367. *Ut juvenes, pereas.*] His versibus Hippodamiæ proci tanguntur ; quos CEnomaus, Elidis et Pisæ rex, curuli certamine victos interfici jussit. Quum enim CEnomaus ex oraculo percepisset, aliquando fore, ut a genero conficeretur, omnibus artibus procos ab Hippodamiæ filia conjugio deterere est conatus. Equis enim fisus, quos Aquilone velociore habebat, certamen curule proposuit, ea lege, ut qui victor exstittisset, Hippodamiæ nuptias obtineret ; qui vero victus, temeritatis pœnas capite lueret ; eoque pacto non paucos vita privavit ; quorum deinde capita Pisææ foribus adfigi imperabat, ut aliis fastidio terrorique forent : unde Naso eorum juvenum vultus, *fastigia* nuncupat. SALV.

369. *Ut qui profusam.*] CEnomaum dicit : qui ut modo docuimus, trede-

cim proci interemptis, seipsum a Pelope victum interfecit.

371. *Proditor ut sævi.*] Myrtilus, quum ab Hippodamia promissum præmium posceret, a Pelope est in mare præcipitatus, cui et nomen dedit ; nam *Myrtoum* dicitur pelagus, estque inter Ionium et Ægeum. Z.

373. *Ut qui velocem, etc.*] Atalanta *Schæneï filia*.

375. *Ut qui tecta.*] Androgeo, Minois filio, Athenis interfecto, numinis ira sterilitas agrum Atticum invasit ; qua liberari posse Athenienses didicerunt ex oraculo, si Minoen placarent ; quod, ut fieret, jactis sortibus, septem juvenes Athenienses singulis annis Minotauro mittebant, quem labyrinthi ambagibus clausum habebat Minos. Theseus voluit et ipse tanto se periculo exponere, quia inter cives rumor erat, ipsum malorum causa a periculis abesse : qui Ariadnæ auxilio victor domum rediit.

376. *Cæca domus.*] Labyrinthus. Z.

377. *Ut quorum.*] Achilles in rogam Patrocli ardentem, duodecim

3 S

Ut quos, obscuri lusos ambagibus oris,  
 Legimus infandæ Sphinga dedisse neci;      380  
 Ut qui Bistonix templo cecidere Minervæ,  
 Propter quod facies nunc quoque tecta Deæ est;  
 Ut qui Threicii quondam præsepia regis  
 Fecerunt dapibus sanguinolenta suis;  
 Therodamanteos ut qui sensere leones,      385  
 Quique Thoontæ Taurica sacra Deæ;  
 Ut quos Scylla vorax, Scyllæque adversa Charyb-  
 Dulichix pavidos eripuerè rati;      [dis,  
 Ut quos dimisit vastam Polyphemus in alvum;  
 Ut Læstrygonias qui subiere domos;      390  
 Ut quos dux Pœnus mersit putealibus undis,  
 Et jacto canas pulvere fecit aquas;

Trojanos fortissimos jugulatos con-  
 cit, ut Homerus scribit; quatuor  
 equos præterea, et duos canes, uncto  
 prius cadavere pingui ovium et boum,  
 qui mactati sunt. DOM.

379. *Victos ambagibus oris.*] *Lusus*  
 eleganter Polit. lib. nisi *vinctos* mavis,  
 ut ad Sphingos nomen adludat.

381. *Ut qui Bistonix.*] *Bistones*  
 populi sunt Thracix; unde Palladis  
 simulacrum ad Lacedæmonios trans-  
 latum est, apud quos impia lex, quam  
 ξενηλασίαν adpellarunt, est promul-  
 gata, ne alicui hospiti Spartæ com-  
 morari liceret. Spreta autem lege,  
 Lemnii Spartam venere; quos in tem-  
 plo Palladis Spartani occidere: quo  
 facinore pariter et impietate Deæ  
 imago torva adparere creditur, ut  
 vetus scribit interpres. ZAR. *Bisto-  
 nix*. Fortasse Naso Minervam *Bis-  
 toniam* adpellat, quod illa præset  
 militiæ, cujus peritia Thraces maxime  
 gloriantur: unde et Στραρεία est  
 dicta, et Ἀρεία, sive Martia. SAL-  
 VAG.

383. *Ut qui.*] Diomedes Tyndam

urbem Thracix tenuit, ut scribit Pli-  
 nius, ubi equos feros catenis devinctos  
 æneis, corporibus humanis alebat:  
 eos Hercules sustulit, jussu Eurys-  
 thei: Eurystheus sacravit Junoni:  
 eorum genus propagatum est usque  
 ad Alexandrum Magnum, si Diodoro  
 credimus. DOM.

385. *Therodamanteos.*] Theroda-  
 mas, rex Scythiæ, sicut vetus docet  
 interpres, timens ne per insidias occi-  
 deretur, leones hominum sanguine  
 alebat, quo magis sævirent: ut si cas-  
 us postulare, ad crudelitatem para-  
 tos haberet. Hujus in primo de Ponto  
 Ovid. Ep. ii. 121. meminit: "Non  
 tibi Therodamas, crudusque vocabitur  
 Atreus, Quique suis." Z.

390. *Ut Læstrygonias.*] Antiphates  
 Læstrygonus rex fuit, qui et unum ex  
 Ulyssis sociis comedit, ac naves viros-  
 que mersit, præter unam, quæ Ulys-  
 sem vehebat; ut in Met. xiv. 240. ab  
 Ovid. docemur.

391. *Ut quos dux Pœnus.*] Appianus  
 Alexandrinus, in eo, qui *Libycus* in-  
 scribitur, libro, ostendit Carthaginen-



Sex bis ut Icaridos famulæ periëre procique,  
 Inque caput domini qui dabat arma procis;  
 Ut jacet Aonio luctator ab hospite fusus, 395  
 Qui, mirum, victor, quum cecidisset, erat;  
 Ut quos Antæi fortes pressere lacerti;  
 Quosque feræ morti Lemnia turba dedit;  
 Ut qui post longum sacri monstrator iniqui  
 Elicuit pluvias victima cæsus aquas; 400  
 Frater ut Antæi, quo sanguine debuit, aras  
 Tinxit, et exemplis occidit ipse suis;  
 Ut qui terribiles pro gramen habentibus herbis  
 Impius humano viscere pavit equos;  
 Ut duo diversis sub eodem vindice cæsi 405  
 Temporibus Nessus, Dexamenique gener;

ses quandoque Acerranorum senatum per inducias fidentem puteis immer- sisse, atque saxis obruisse. Addit ve- tus interpres, Amilcarem tunc Pœno- rum ducem fuisse, de hac puto poetam loqui crudelitate, licet alii aliter intel- ligant.

393. *Sex bis ut Icaridos famulæ pe- riëre*; Odyss. x: "Tum substrata procis famularia scorta necantur. In- formi tremulum fune pependit onus." Μη καθαρῶ Σανάρω; Homer. d. l. ver. 462.

394. *Inque caput domini qui dabat arma procis*.] Hæc omnia reperies in Odyss. x.

395. *Aonio ab hospite*.] Ab Her- cule. *Luctator*, etc. Antæus.

297. *Ut quos Antæi*.] Multos ex- ternos certamine ab Antæo occisos fuisse, auctor est Diodorus.

398. *Lemnia turba dedit*, etc.] Lem- nienses mulieres, quum Veneris sacra essent aversatæ, irata Dea eis tetrum inmisit odorem. Quumque Lemnii viri in Thraces bellum agerent, tan- dem victores magnam pellicum tur-

bam secum duxere; quam quum uxo- res ferre non possent injuriam, unani- mes decreverunt viros occidere: quos, ut statuerant, ad unum interemere, pariter et Thraces mulieres filiosque, metuentes, ne paternam ulciscerentur injuriam: non tamen tantæ immani- tatis fuit Hipsipytle, quæ sola patri Thoanti pepercit, eumque servavit. ZAR.

399. *Ut qui post*.] Prasillus, ut alii cod. habent, Thrasius, vel Thrasyllus, Busiridem docuit immolare hospites, quum adfirmasset nece humana plu- vias impetrari posse a Jove. Primus occisus est, eandemque servavit cru- delitatem Busiris in adventum usque Herculis, a quo domitus fuit.

401. *Frater ut Antæi*.] Pygmalion, frater Antæi, hospites suos occidebat ante aras.

403. *Ut qui terribiles*.] Diomedem dicit, qui equos humanis pascebat cor- poribus; hunc Hercules suis equis tradidit edendum. ZAR.

405. *Ut duo*.] Nessus centaurus, quum ad Evenum fluvium Dejaniram

Ut pronepos, Saturne, tuus, quem reddere vitam  
 Urbe Coronides vidit ab ipse sua;  
 Ut Sinis, et Sciron, et cum Polypemone natus,  
 Quique homo parte sui, parte juvencus erat; 410  
 Quique trabes pressas ab humo mittebat in auras,  
 Æquoris adspiciens hujus et hujus aquas;  
 Quæque Ceres vidit læto pereuntia vultu  
 Corpora Thesea Cercyonea manu.

violare vellet, uxorem Herculis, sagitta ab Hercule interemptus est.

406. *Dexamenique gener.*] Per quem Eurytionem centaurum intelligo: Ixiomis ex nube filium, Nessi fratrem, qui et ipse occisus fertur vindice Hercule.

407. *Ut pronepos, Saturne, tuus.*] De Peripheta intellige, quem a clava, quam gestare solebat, *Corynetam* dixere. Hic a Theseo circa Epidaurum occisus est, quo loco Æsculapius colebatur: unde ab *urbe sua* cædem illius prospexisse ipsum dicit poeta. Est enim *reddere vitam*, mori; non, ut quidam accepisse videntur, reviviscere. Fuit autem Coryneta pronepos Saturni, hoc pacto: Saturni filia Juno fuit; Junonis Vulcaus; hujus Peripheta; quod et Pausanias testatur in principio Corinthiorum.

408. *Coronides.*] Æsculapius, Coronidis ex Apolline filius. ΖΑΡ.

409. *Ut Sinis.*] *Sinis* tam hic, quam Met. vii. ver. 440. et Epistola Phylidis, ver. 70; Σινις est apud Græcos. H. *Sinis*. Qui (ut scribit Diodorus) adligata corpora curvatis arboribus in altum emittebat, unde curvabantur. D. *Et cum Polypemone.* Procrustes Polypemonis filius in eo loco terræ Atticæ, quæ dicitur *Curdaus*, viatores inusitato supplicio sustollebat. In lectica namque eos ponebat: quod, si longiores erant, parte

supereminente amputabantur: si vero breviores, pedibus distendebantur. ZER.

410. *Quique homo.*] De Minotauro intelligit, quem Theseus interfecit.

411. *Quique trabes pressas, etc.*] Pityocampten intelligit poeta, qui ab eo nomen habuit, quod hospites a se certamine victos, diversis pinibus in terram curvatis adligabat, atque ita ligatos, iisdem arboribus sursum iterum ac pariter emissis, lacerabat. Hic Isthmi angustias obsidebat, quare hic a poeta dicitur, hujus et illius æquoris aquas, hoc est, Ionium et Ægeum mare adspexisse. Cæterum eundem hunc alii faciunt cum eo quem Sinim supra vocari diximus. Ovidius autem, diversos, Sinim et hunc, de quo hic dicitur, Pityocampten facere videtur: quum supra Sinim, suo ac proprio nomine, hic autem, eum qui arbores in terram curvatas, rursus in auras emisit, subpresso nomine posuerit.

413. *Quæque Ceres vidit.*] Cercyonem Arcadem in palæstra Theseus juxta Eleusiniam Cererem superavit, ut Plutarchus scribit, et ab Ovidio in Met. lib. vii. 439. tangitur: "Cercyonis lethum vidit Cerealis Eleusis." *Quaque Ceres vidit læto pereuntia vultu.* Propter sublata latrocinia scilicet, quibus ille viam atque aditum ad Eleusinem, ubi Ceres præcipue colebatur, infestarat.

Hæc tibi, quem meritis precibus mea devovet ira,  
 Eveniant, aut his non leviora malis : 416  
 Qualis Achæmenides Sicula desertus in Ætna,  
 Troïca quum vidit vela venire, fuit :  
 Qualis erat nec non fortuna binominis Iri,  
 Quique tenent pontem, quæ tibi pejor erit. 420  
 Filius et Cereris frustra tibi semper ametur,  
 Destituatque tuas usque petitus opes.  
 Utque per alternos unda labente recursus  
 Subtrahitur presso mollis arena pedi ;  
 Sic tua nescio quo semper fortuna liquescat, 425  
 Lapsaque per medias effluat usque manus.  
 Utque pater solitæ varias mutare figuras,  
 Plenus inexstincta deficiare fame.  
 Nec dapis humanæ venient fastidia ; quaque  
 Parte potes, Tydeus temporis hujus eris. 430

419. *Qualis erat.*] Irus Ithacensis mendicus, celebris carmine Homeri. Hic in mendicitatis objurgationem semper objicitur. *Binominis* dicitur, quoniam Arneus olim est adpellatus a matre: sed dictus Irus ab aliis, a loquacitate mendicandi.

420. *Quique tenent pontem.*] Vide Mart. lib. x. Ep. v. Juv. Sat. v. de *egenis* in pontibus considerare solitis.

421. *Filius et Cereris.*] Hunc omnes locum meo quidem iudicio, falso interpretantur, quum de Triptolemo, aut Asterio intelligunt. Plutum enim intelligit, cujus in Theogonia Hesiodus hanc fabulam refert. Cum Jasio, in templo, quod fuit in Tripoli Cretæ civitate, Ceres concubuit: ex quibus Plutus natus est, qui *opulentia* interpretatur. Dives, quicumque hunc adibat, efficiebatur. Ideo nunc poeta imprecatur mendicam in inimicum

vitam: et quod si forte Plutum adiret, cupit ut ab eo spernatur, cui et odio sit. ZAR.

427. *Utque pater.*] Erisichthon, succisa quercu, Dryadum precibus a Cerere irata tanta fame torquebatur, ut coactus sit vendere filiam, Dryopida: vel ut alii volunt *Mestram*. Vendita modo pro virgine, modo pro aliis animantibus, patri alimenta diu subministravit: sed tandem coactus est miser morsu proprios artus lacere.

429. *Nec dapis humanæ.*] Tydeus Enei regis filius, vel, ut alii, Martis et Althææ, in bello Thebano a Menalippo lethali vulnere percussus est: moribundus Tydeus, Menalippi caput ad se deferri jussit: quod Capaneus e vestigio in ipsius Tydei conspectum portavit: quo viso lætatus Tydeus, cerebrum dentibus corrosit, ut Statius in octavo Thebaidos scribit. ZAR.

Atque aliquid facias, a vespere rursus ad ortus  
 Cur exsternati Solis agantur equi.  
 Fœda Lycaoniæ repetes convivium mensæ,  
 Tentabisque cibi fallere fraude Jovem:  
 Teque aliquis posito tentet vim numinis opto; 435  
 Tantalides tu sis, Tereïdesque puer.  
 Et tua sic latos spargantur membra per agros,  
 Tanquam quæ patrias detinuere vias.  
 Ære Perilleo veros imitere juvencos,  
 Ad formam tauri conveniente sono: 440  
 Utve ferox Phalaris, lingua prius ense resecta,  
 More bovis, Paphio clausus in ære gemas.  
 Dumque redire voles ævi melioris in annos,  
 Ut vetus Admeti decipiare socer.  
 Atque eques in medii mergare voragine cœni, 445  
 Dummodo sint fati nomina nulla tui.  
 Atque utinam pereas, veluti de dentibus orti  
 Sidonia jactis Graia per arva manu.  
 Et quæ Penthides fecit, fraterque Medusæ,  
 Eveniant capiti vota sinistra tuo. 450  
 Et quibus exiguo volucris devota libello est,  
 Corpora projecta quæ sua purgat aqua.

431. *Aut aliquid.*] Adludit ad fabulam Thyestæ et Atræi, a quorum mensa Sol dicitur avertisse currum; vide Hygin. Fab. 68. et Tragœd. Senecæ Thyest.

436. *Tantalides.*] Pelops, filius Tantalus, numinibus hospitio susceptis, a patre adpositus est, experiente an Dii essent. Reliqui abstinerunt: Una Ceres humerum absumpsit, quem postea reddidit eburneum divinitas. *Tu Tereusque puer.* Ityn filium Tereï designat, patri adpositum.

445. *Atque eques.*] Dehiscente terra

in urbe, aruspices responderunt, Postulionem manium Deum poscere virum fortissimum: qui nisi daretur, interitum urbi imminere. Curtius inventus est, qui armatus eum in locum se dejecit. Nomen datum est, ut *Curtius lacus* adpellaretur; vide Val. Maxim. lib. v. cap. 5. Дом.

451. *Et quibus exiguo volucris.*] Intellige eas imprecationes, quibus Apollonium Rhodium a Callimacho, sub Ibis nomine devotum esse diximus initio harum observationum. Ovidius enim planius describere non

Vulnera totque feras, quot dicitur ille tulisse,  
 Cujus ab inferiis culter abesse solet.  
 Adtonitusque seces, ut quos Cybeleia mater 455  
 Incitat ad Phrygios vilia membra modos.  
 Deque viro fias nec femina nec vir, ut Attys,  
 Et quatiâs molli tympana rauca manu.  
 Inque pecus subito magnæ vertare parentis,  
 Victor ut est celeri victaque versa pede : 460  
 Solaque Limone pœnam ne senserit illam,  
 Et tua dente fero viscera carpat equus.  
 Aut, ut Cassandreuâ, domino non mitior illo,  
 Saucius ingesta contumuleris humo.  
 Aut, ut Abantiades, aut ut Cycneius heros, 465  
 Clausus in æquoreas præcipiteris aquas.

potuit Ibis naturam, quam ventrem rostro purgare solitam prodiderunt, Plin. lib. viii. cap. 32; Ælian. lib. vi. cap. 7. de Hist. Animal. SALVAG.

453. *Vulnera totque feras.*] De Mœnetio nonnulli intelligunt : quod falsum est; nam loquitur de Osiride qui in 24 partes discriptus fuit a Typhone fratre : huic mortuo, sacra instituta fuerunt ab uxore, in quibus piaculum est, gladium esse. D.

455. *Adtonitusque seces.*] Mos erat, ut Cybeles sacerdotes virilia amputarent, ejus rei causam hanc tradit Lactantius : Deum, inquit, mater amavit formosum adolescentem, et eundem cum pellice deprehensum, exsectis virilibus, semivirum fecit : et nunc a Gallis sacerdotibus sacra ejus celebrantur.—*Cybeleia mater.* Cybele a monte Phrygiæ nomen habet, in quo colebatur : alii ἀπὸ κυβιστῶν τὴν κεφαλὴν, id est, a capitis rotatione, quod proprium est sacerdotum.

459. *Inque pecus.*] Atalanta superata ab Hippomene cursu, versa est in læenam, marito in leonem converso,

quum in Cybelis templo amoris impatiens Hippomenes cum puella rem habuisset. DOM.

461. *Solaque Limone.*] Limone, Hippomenis ex Atalanta, filia, a patre in adulterio deprehensa, equis discerpenda est tradita. ZAR.

463. *Aut, ut Cassandreuâ.*] Vid. Pont. l. ii. El. 9.

465. *Aut ut Abantiades.*] Perseum intelligit; nam ex Lynceo et Hypermnestra Abas, ex Abante Præteus et Acrisius, ex Acrisio Danae, e Danae Perseus oriundus est : qui arcule inclusus, ab Acrisio in mare præceptus datus est, postquam consulenti Deum περὶ παίδων γενέσεως ἀρρένων, ex oraculo responsum esset, nasciturum e filia filium, a quo interimeretur. VAL. ANDR.—*Lynceus heros.* Cycneius cum Sarraviano ; multi *Ligneius* et *Leneius* ; pro *Cæsus* etiam *Clausus* reponendum. Perseus enim et Tenes arcæ inclusi fuerunt, quum in mare præcipitabantur. Nos plura de hoc loco notis uberioribus in medium proferemus. H.

Victima vel Phœbo sacras macteris ad aras,  
 Quam tulit a sævo Theudotus hoste necem.  
 Aut te devoveat certis Abdera diebus,  
 Saxaque devotum grandine plura petant. 470  
 Aut Jovis infesti telo feriare trisulco,  
 Ut satus Hipponoo, Dosithoesque pater ;  
 Ut soror Autonoës, ut cui matertera Maia est ;  
 Ut temere optatos qui male rexit equos :  
 Ut ferus Æolides, ut sanguine cretus eodem, 475  
 Quo genita est, liquidis quæ caret Arctos aquis :  
 Ut Macedo rapidis icta est cum conjuge flammis ;  
 Sic precor ætherei vindicis igne cadas.  
 Prædave sis illis, quibus est Latonia Delos  
 Ante diem raptò non adeunda Thraso : 480

469. *Abdera.*] Urbs Thraciæ initio anni hominem devovet pro salute communi, obruitque lapidibus.

472. *Ut satus Hipponoo.*] Imprecatur hosti *κεραυνοπληγίαν*. De Capaneo, Hipponoi filio, quem poetæ in oppugnatione Thebarum, fulmine percussum esse fingunt. Illud non perinde notum, ab ipso primum scalarum oppugnationem inventam ; cuius rei testis est Vegetius, lib. iv. c. 21. S.—*Dosithoes.* Atrax, quum filiam Dosithoen a Jove compressam prodidisset, fulmine exstinctus est.

473. *Ut soror.*] Semele soror Autonoës, luce Jovis, quam decepta impetravit, exstincta est ; vide Ovid. *Metam.* iii. *DOM.*—*Ut cui matertera Maia.* Non referendum hoc ad Semele, cui Maia Atlantis filia matertera magna fuit (tunc enim legendum esset, *et cui mater Maia* ; ) neque ad Cœnomaum, Martis et Steropes Atlantis filium, cuius domus fulmine quoque arsit : sed potius ad Jasium, Jove et Electra Atlantide natum. *VAL. ANDR.*

475. *Ut ferus Æolides.*] Salmonei, Æoli filii, temeritatem in vi. *Æn.* Virgil. cecinit: *Vidi et crudeles dantem Salmonea pænas*, etc. Hic solum sibi perforatum extruxit, in quo vehabatur ; unde crepitus ingens prodibat, et aquam per foramina emittebat, prædicans tonitrus et pluvias ut Deus edere : quem Jupiter fulminavit. *ZAR.*—*Ut sanguine natus eodem.* Nescio quid de Ismeneo Lycaonis filio comminiscuntur ; qui quum Deos flocci faceret, fulmine percussus interiori : Sanctius de ipso Lycaone interpretatur. Ego, hanc libri San-Victoriani lectionem sequor : ut *eodem sanguine nati* : quia Lycaonis liberos intelligo : eos enim partim in lupos conversos, partim fulmine percussos, auctor est Hecataeus Milesius, libro ii. *Genealog. Natal. Comes*, lib. ix. cap. 9. *Mytholog. SALV.*—*Sanguine natus.* *Cretus* tres scripti. *H.*

479. *Prædave sis illis.*] Imprecatur laniationem a canibus, qualis contigit Thraso puero in Delo ; Thrasus autem puer Dianæ dilectus a canibus

Quique verecundæ speculantem labra Dianæ,  
 Quique Crotopiaden diripuerunt Linon.  
 Neve venenato levius feriaris ab angue,  
 Quam senis Œagri Calliopesque nurus; 484  
 Quam puer Hypsipyles; quam qui cava primus  
 Cuspide suspecti robora fixit equi. [acuta  
 Neve gradus adeas Elpenore cautius altos,  
 Vimque feras vini, quo tulit ille modo.  
 Tamque cadas domitus, quam quisquis ad arma  
 vocantem  
 Juvit inhumanum Thiodamanta Dryops; 490  
 Quam ferus ipse suo periit mactatus in antro  
 Proditus inclusæ Cacus ab ore bovis;  
 Quam qui dona tulit Lernæo tincta veneno,  
 Euboicasque suo sanguine tinxit aquas.  
 Vel de præcipiti venias in Tartara saxo, 495  
 Ut qui Socraticum de nece legit opus;

discerptus est. Ego Thrasum eundem puto cum Thrasio, Anii sacerdotis filio, de quo Hyginus, cap. 247.

482. *Quique Crotopiaden diripuerunt.*] Duo Lini fuerunt, alter Apollinis et Psamathes, filiæ Crotopi, filius, a canibus est discerptus. *Crotopiades* dicitur, quod nepos sit Crotopi. Pausan. alter Amphimari, ejus qui fuit Nepuni et Uraniæ fil. qui ab Apolline sagittis confixus fuit, eo quod se illi arte musices comparasset.

483. *Neve.*] Eurydice, uxor Orphei, filii Œagri et Calliopes; vide Ovid. *Metam.* lib. x. vers. 10: serpentis icta mortua est.

485. *Quam puer.*] Opheltis, filius Lycurgi regis Nemeorum, qui postea Archemorus est dictus, dum parum diligenter ab Hypsipyle nutrice custodiretur, serpentis morsu extinctus est. Qua orbitate Lycurgus iratus, dirum jus in Hypsipylem exercuisset,

VOL. V.

ni a Græcis fuisset prohibitus; at quum ab oraculo admoniti essent Græci, non prius Thebas posse pervenire, quam Archemori manes placassent, ludos funebres constituerunt, de quibus victores apii corona insigniebantur, et ludi postea celebres ex iv. agonibus Isthmii. *Micyl.*—*Quam qui.* Laocoon, immisso telo in equum Trojanum ligneum, serpentis morsu cecidit. Notum est carmen Virgiliti. *Dom.*

493. *Quam qui dona.*] Lichas venenatam tunicam Herculi adtulit, a quo in mare Euboicum dejectus est; Hygin. cap. 36. *Dom.*

495. *Vel de præcipiti venias in Tartara.*] Cleombrotus Ambraciotes, Platonis lib. de Anim. immortalitate, qui Phædon inscribitur, perlecto, e turri in saxo præcipitem se dedit: Cicero autem in mare eum scribit se præcipitasse. *Zan.*

3 T

Ut qui Theseæ fallacia vela carinæ  
 Vidit; ut Iliaca missus ab arce puer;  
 Ut teneri nutrix, eadem matertera, Bacchi;  
 Ut cui causa necis serra reperta fuit; 500  
 Lydia se scopulis ut virgo misit ab altis,  
 Dixerat invito quæ mala verba Deo.  
 Fœta tibi occurrat patrio popularis in arvo,  
 Sitque Phayllææ causa læna necis.  
 Quique Lycurgiden letavit, et arbore natum, 505  
 Idmonaque audacem, te quoque rumpat aper.

497. *Ut qui Theseæ.*] Ægæus, Thesei pater, quum revertentis filii vela nigra ex arce prospexisset, mortuum putavit, doloreque sese præcipitavit ex alto: ab hoc mare Ægæum nonnulli dictum putant.

498. *Iliaca missus ab arce puer.*] "Heu! columen illud regiæ extremum decus, Tantum timendus ad necem extrahitur puer;" ex Eurip. Hecub.

499. *Nutrix.*] Ino, Semeles soror, quum Athamantis viri furorem fugeret, e scopulo se cum filio Palæmone dimisit in mare: hæc nutritvit Bacchum.

500. *Ut cui causa.*] Perdix, Dædali nepos ex sorore, quum serram et circinum ingenio suo adinvenisset, Dædali invidia dejectus ex turri, in avem sui nominis est conversus.

501. *Lydia.*] Mars Ilicen Ibyci Lydii filiam amavit, quæ tuta Dianæ auxilio, amores Martis contemnens, diris imprecationibus in furorem acta se demisit e scopulo. DOM.

503. *Patrio popularis in arvo.*] Hic Ovid. Ibis patriam subindicat: nam initio hujus libelli, eum quasi Libycum esse ostendimus. Etenim leonibus, quos *Ibidis populares* Naso vocat, Libya scatet. SALV. Fœta. Paphagus, Ambraciæ rex, quum incidisset

in lænam catulis stipatam, in hortis suis ab ea est dilaniatus.

504. *Sitque Phayllææ.*] Phayllus cursu celerrimus. v. Ælian.

505. *Quique Lycurgiden laceravit ab arbore natum.*] Scribe *letavit et arbore natum* cum Jureti libro, aliisque nonnullis; atque ita citat Eutyches Grammaticus. *Letandi* verbo usus Noster Metam. iii. et Virgilius in Culice, 324. Adonin autem intelligit. H. *Quique Lycurgiden.* Ego Ancæum, Lycurgi et Antinoes filium, itemque Adonidem et Idmonem (quos et inter Argonautas numerant) intelligo; vide Hyginum, cap. 247. de iis qui apri ictu conciderunt. *Et arbore natum.* Adonim intelligit, Cinyra Cypri rege et Myrrha jam arbore natum, quem juvenem Mars, in porci sylvestris speciem formamque mutatus, ut sibi primas in amore Veneris vindicaret, incaute contra se ruentem, percussit; vide Nostrum lib. x. Metamorph. VAL. ANDR.

506. *Idmonaque.*] Idmon, Apollinis et Pheretiæ filius: vel, ut alii volunt, Asteriæ. *Et audacem* poeta illum vocat, quia, quum sciret se in illa expeditione (erat enim vates) periturum: tamen una cum Argonautis Argo navim conscendit. Quumque aliquantum a sociis secessisset, ab apro



Isque vel exanimis faciat tibi vulnus, ut illi,  
 Ora super fixi quem cecidere suis.  
 Sive idem simili pinus quem morte peremit:  
 Phryx et venator sis Berecynthiades. 510  
 Si tua contigerit Minoas puppis arenas,  
 Te Corcyræum Cressia turba putet.  
 Lapsuramque domum subeas, ut sanguis Alevæ,  
 Stella Leoprepidæ quum fuit æqua viro:  
 Utque vel Evenus torrenti flumine mersus, 515  
 Nomina des rapidæ, vel Tiberinus, aquæ.

occisus est, ut Orpheus et Apollonius testantur.

507. *Isque vel.*] In agro Posidoniatarum in regione Andragathia: quæ, quum venando excelleret, captarumque ferarum capita et pedes Dianæ vovisset, capto ingenti apro, solum caput arbori adpendit, Dea contempta; mox quum eodem loco dormiret meridiano æstu, solutum apri caput, dormientis os oppressit.

509. *Atque idem.*] Atys et Naucelus pinei pomi casu dormientes in venatione obruti sunt.

511. *Minoas.*] Socii Minois regis interfecti in Sicilia injuriam ulciscentes, quicumque ex Sicilia in Cretam navigarunt, interficiebant.

513. *Lapsuram.*] Alcide, Alebæ Larissæi filia, cum viro Lycoride eadem domus ruina obruta est. *Dom.* *Ut sanguis Alevæ.* Videtur poeta historiam Simonidæ significare, cujus meminere Valer. Maxim. lib. i. cap. de Miraculis, et Cicero item, lib. ii. de Oratore, hujus verba sunt hæc: "Dicit enim, quum cœnaret Cranone in Thessalia Simonides apud Scopam, fortunatum hominem et nobilem, cecinissetque id carmen quod in eum scripsisset, in quo multa in Castorem scripta et Pollucem fuissent, nimis illum sordide Simonidi dixisse, se di-

midium ejus, ei quod pactus esset pro illo carmine daturum; reliquum a suis Tyndaridis, quos æque laudasset, peteret, si ei videretur. Paulo post ferunt esse nunciatum Simonidi, ut prodiret: juvenes stare ad januam duos quosdam, qui eum magnopere evocarent, surrexisse illum ipsum, prodidisse, vidisse neminem. Hoc interim spatio conclave illud, ubi epularetur Scopas concidisse: ea ruina ipsum oppressum cum suis interiisse," etc. Fuit enim Scopas Alevæ sanguis, hoc est, ex illius progenie, Creontis, et Echekratæ filius, ut interpret Theocriti tradit. Per *stellam* ergo Castorem et Pollucem, qui Geminorum sidus constituunt, intelligo: per *Lycoridem* autem virum, Simonidem. *Mic.*

514. *Stella Lycoridæ.*] Recte *Leoprepidæ* Scaliger Ausonianis Lectionibus, insistens vestigiis veterum exemplarium: Leoprepis filius Simonides; ita passim auctores. II.

515. *Utque.*] Evenus, quum Marpissam filiam pulcherrimam haberet, eam poscentes in uxorem, in certamen curule provocabat, eorum qui victi essent, capita foribus adfigebat, ut reliquos a contentione deterreret. Idas autem, qui Apharei filius ferebatur, quum esset Neptuni, acceptis a patre

Astacidæque modo decisa cadavere trunco,  
 Digna feris, homini sit caput esca tuum :  
 Quodque ferunt Brotean fecisse cupidine mortis,  
 Des tua succensæ membra cremanda pyræ : 520  
 Inclususque necem cavea patiaris, ut ille  
 Non profecturæ conditor historiæ.  
 Utque repertori nocuit pugnacis iambi,  
 Sic sit in exitium lingua proterva tuum :  
 Utque parum stabili qui carmine læsit Athenas,  
 Invisus pereas deficiente cibo : 526

equis velocissimis, Evenum superavit, Marpissam filiam abduxit uxorem. Evenus autem præ dolore se in Lycormam Ætoliæ fluvium demersit, cui dedit nomen. Nam ex illo est adpellatus *Evenus*.

516. *Nomina des rapidae.*] Aurelius Victor in Origine gentis Romanæ sic illum adpellat: "Post eum regnavit Tiberius Silvius, Silvii filius, qui quum adversus finitimos bellum inferentes copias eduxisset, inter præliantes depulsus in Albulam flumen, deperiit, mutandique nominis exstitit causa." De qua nominis varietate non mirandum; quum ipsi quoque fluvio diversa sint nomina. Fuit Tiberius octavus Albanorum rex ab Ænea, ut Ovidius, lib. ii. Fast. ver. 389. scribit. SALVAGN.

519. *Quodque.*] Broteus, Vulcani et Minervæ filius, propter deformitatem oris contemptus, se in pyram ardentem conjecit. Alio nomine *Erichthonius* dicebatur; vide et Gell. Noct. Art. lib. xxii. c. 11. DOM.

521. *Inclususque necem cavea.*] Callisthenem designat, qui rerum Alexandri Magni scriptor, illius jussu cavea inclusus inedia periit. De Callisthenis nece differunt scriptores; vide quæ narrant Suidas; Justinus, xv. 3: Curtius, viii; Senec. Nat. Quæst. v. 23;

Tullius, de Oratore, ii; Arrian. iv. Cæterum existimarunt quidam Callisthenis Historiam in Vaticana Bibliotheca Romæ, in regia Lutetiæ, in Medicea Florentide asservari. Sed hæc omnino spuria, falsa et supposititia est, fabulisque referta.

523. *Utque repertori.*] Archilochus quum Lycamben, iambico carmine invento, ad laqueum compulisset, ab illius domesticis necatus est. Alii in exsilium missum dicunt. DOM.

524. *Si sit in exitium lingua proterva.*] Valerius, lib. vi. cap. de Severitate, dicit, libros ejusdem poetæ Lacedæmonios e civitate sua exportari jussisse: quod eorum parum verendum ac pudicam lectionem arbitrabantur. De morte Archilochi autem, et de Calonda percussore ejus tradit Suidas.

525. *Utque parum stabili, etc.*] Alcicius, Parerg. lib. v. cap. 18. et Turneb. Advers. lib. ix. cap. 25. *Athenin* legendum adserunt, et de Hipponacte intelligendum: "Videtur enim, ait, de Hipponacte intelligi, qui claudicante et parum stabili versu, id est, Seazonte in Bupalum et Athenin inductus est Atheniensis: quo in carmine, ne Athenis quidem pepererat," etc. SALVAGN.

"Lycophrona" is also read. The "conditor" is Bassus because Gyrene was not founded till 631 B.C. of 2 years in the island Naxos, & between 60 the main land -

Utve lyræ vates fertur periisse severæ,  
Causa sit exitii dextera læsa tui :  
Utque Agamemnonio vulnus dedit anguis Orestæ,  
Tu quoque de morsu virus habente cadas. 530  
Sit tibi conjugii nox prima novissima vitæ ;  
Eupolis hoc periit, et nova nupta, modo.  
Utque cothurnatum cecidisse Lycophrona narrant,  
Hæreat in fibris fixa sagitta tuis.  
Aut lacer in silva manibus spargare tuorum, 535  
Sparsus ut est Thebis angue creatus avo.  
Perque feros montes tauro rapiente traharis,  
Ut tracta est conjux imperiosa Lyci.  
Quodque suæ passa est pellex invita sorori,  
Excidat ante pedes lingua resecta tuos. 540  
Conditor ut tardæ, Blæsus cognomine, Myrrhæ,  
Orbis in innumeris inveniare locis.  
Inque tuis opifex, vati quod fecit Achæo,  
Noxia luminibus spicula condat apis.

527. *Utque lyræ vates.*] Alcæum, poetam lyricum intelligo, qui mordacissimis versibus Pittacum præcipue, Myrsilum, Megalagyrum, Cleanactidas, aliosque tyrannidem in patria exercentes, insectatus est, teste Strabone, lib. xiii. pag. 424. edit. Casaub. Horat. lib. IV. Od. ix. ver. 7. Per *læsam dextram*, fidem, quam Pittaco verisimiliter Alcæus obstrinxerat, violatam intelligo; nam in fide adstringenda, dexteras jungere solebant. SALVAG. *Utque lyræ vates.* De Stesichoro forte loquitur, de quo Horatius, lib. iv. Od. ix. ver. 8. *Stesichorique graves camæna.* Credibile enim est poetam junxisse tres iambographos eosdemque maledicos: Archilochum, Hipponactem et Stesichorum. SANCT.

529. *Utque Agamemnonio vulnus.*] Orestes, ut jam omnibus constat, in-

terfecta matre, furore correptus fuit; inde liberatus, quum per sylvam iret, a serpente occisus est. Z.

531. *Sit tibi.*] Eupolis, veteris comœdiæ scriptor apud Græcos, ducta uxore Glyceria, prima nocte mortuus inventus est una cum puella.

534. *Lycophrona.*] Hic quum de antiquorum poetarum principatu certaret, sagitta ab adversario ictus occidit, ut hic ait Ovid.

535. *Aut lacer.*] Pentheus, a furente matre discerptus, nomen a luctu est sortitus. DOM.

536. *Avo angue.*] Cadmum dicit in anguem versum. ZAR.

537. *Perque feros.*] Dyrce Lyci, Thebarum regis uxor: vide Hygin. fab. 7 et 8. D.

543. *Inque tuis opifex.*] Achæi plures fuerunt: quorum hic unus, de quo

- Fixus et in duris carparis viscera saxis, 545  
 Ut cui Pyrrha sui filia fratris erat.  
 Ut puer Harpagides referas exempla Thyestæ,  
 Inque tui cæsus viscera patris eas.  
 Trunca geras sævo mutilatis partibus ense,  
 Qualia Mimnermi membra fuisse ferunt. 550  
 Utve Syracosio præstricta fauce poetæ,  
 Sic animæ laqueo sit via clausa tuæ.  
 Nudave derepta pateant tua viscera pelle,  
 Ut Phrygium cujus nomina flumen habet.  
 Saxificæ videas infelix ora Medusæ, 555  
 Cephenum multos quæ dedit una neci.  
 Potniadum morsus subeas, ut Glaucus, equarum;  
 Inque maris salias, Glaucus ut alter, aquas.  
 Utque duobus idem dictis modo nomen habenti,  
 Præfocent animæ Gnosia mella viam. 560

nunc agitur, in cujus per hortum ambulantis capite agmen apum insedit, quod quum expellere vellet, eorum aculeis acie oculorum dicitur privatus, ut tradit vetus interpret. ZAR.

545. *Fixus et in duris.*] Prometheus, qui fratrem habuit Epimetheum, ex quo Pyrrha nata.

549. *Trunca.*] Mamertes, ut scripserunt quidam, Mycernus Sysaphonis Corinthii frater, quum fratris filium imperii cupiditate necasset, a Sysaphone membratim est laceratus. DOM.

551. *Utve Syracosio,* etc.] Syracosius poeta Empedocles est, philosophus et poeta; vide Horat. de Art. poet. "Deus immortalis haberi Dum cupit Empedocles," etc. V. ANDR. *Syracosio.* Syracosio dixi libro v. ver. 277. Fastorum. HEINS.

553. *Nudave,* etc.] Marsyas, victus Phæbo, pelle exutus, nomen fluvio dedit, de quo supra. DOM.

555. *Saxificæ videas.*] Perseus, liberata Andromeda, cum Phineo certavit; ut Ovidius in *Metam.* lib. v.

557. *Potniadum morsus.*] Glaucus e Potnia civitate, quum Veneris sacra sperneret, suis equabus a Dea furor immissus est: a quibus quum veheretur, morsibus est dilaceratus, ut Virg. in iii. Georg. docet, 267 sqq.

558. *Inque maris salias.*] Glaucus is piscator ardentem Scyllam amavit, qui in Euboica Andone herba quadam gustata, incredibili cupiditate se in mare projecit, et a Neptuno cæterisque Diis marinis Deus effectus est, auctore Ovid. in *Met.* xv.

559. *Utque duobus idem.*] Alius quidam Glaucus, Cretensis (nam plures Glauci fuerunt,) ob lasciviam in filiam venenato melle exstinctus est; vide Hyginum, Fab. 136.

Sollicitoque bibas, Anyti doctissimus olim  
 Imperturbato quod bibit ore reus.  
 Nec tibi, si quid amas, felicius Hæmone cedat,  
 Utque sua Macareus, sic potiare tua.  
 Vel videas, quod jam, quum flammæ cuncta tene-  
 Hectoreus patria vidit ab arce puer. [rent, 565  
 Sanguine probra luas, ut avo genitore creatus,  
 Per facinus soror est cui sua facta parens.  
 Ossibus inque tuis teli genus hæreat illud,  
 Traditur Icarii quo cecidisse gener. 570  
 Utque loquax in equo est elisus guttur acerno,  
 Sic tibi claudatur pollice vocis iter.  
 Aut ut Anaxarchus pila minuaris in alta,  
 Ictaque pro solitis frugibus ossa sonent.

561. *Anyti doctissimus olim.*] Vete-  
 res plerique *veluti*, an *Meliti*? tam  
 enim Meliti quam Anyti reus Socrates.  
 HEINS. Melitus penultimam longam  
 habet.

563. *Hæmone.*] Hæmon, Creontis  
 Thebanorum regis filius, Antigonæ,  
 Œdipi et Jocastæ filiam, sibi despon-  
 sam, tam impotenti amore deperit, ut  
 ad mortuæ tumulum sese interfecerit.

564. *Utque sua Macareus.*] Insigni  
 dedecore notus est ob concubitum  
 Canaces sororis: eandem turpitudi-  
 nem Ibidi imprecatur. DOM.

567. *Sanguine probra luas.*] Myrrha,  
 Cinyræ filia, innuitur.

569. *Ossibus inque tuis . . . Icarii ge-  
 ner.*] Interemit Ulyssem patrem Te-  
 legonus.

571. *Utque loquax.*] Hunc locum  
 explicat Politian. in *Miscellaneis*, cap.  
 75. Intelligitur autem Anticlus, qui  
 cum cæteris Græcis equo Durateo in-  
 clusus, ad vocem Helenæ simulantis  
 sermonem et verba uxoris illius, re-  
 spondere voluit. Sed ab Ulysse eo

usque illius fauces compressæ, donec  
 cum voce una et vitam amitteret :  
 auctore Tryphiodoro.

573. *Aut ut Anaxarchus.*] In Vita  
 Anaxarchi, Laertius tradit, Anaxar-  
 chum hunc Abderitam fuisse, et Alex-  
 andrum secutum. Habuisse autem  
 inimicum Nicocreontem, Cypriorum  
 tyrannum. Proinde quum aliquando  
 cum Alexandro cœnaret, isque de  
 convivii adparatu Anaxarchum inter-  
 rogaret, respondisse, omnia laute atque  
 adfatim adparata esse, præterquam  
 quod caput satrapæ (NicoCreontem  
 innuens) non eodem adlatum esset.  
 Hanc vocem postea Nicocreontem,  
 mortuo Alexandro, ultum, atque An-  
 axarchum tempestate quadam Cypro  
 adpulsum comprehendisse, mortario-  
 que sive pila (ut hic dicitur) impositum,  
 pistillis ferreis contundi jussisse : ex-  
 secta etiam lingua, ne conviciis, qui-  
 bus etiam inter supplicia tyrannum  
 incessebat, diutius molestus esset ;  
 vide et Valer. Max. lib. iii. cap. 3.  
 MCCR.

Utque patrem Psamathes, condat te Phœbus in  
 Tartara; quod natæ fecerat ille suæ. [ima 575  
 Inque tuos ea pestis eat, quam dextra Chorœbi  
 Vicit, opem miseris Argolicisque tulit.  
 Utque nepos Æthræ, Veneris periturus ob iram,  
 Exsul ab adtonitis excutiariis equis. 580  
 Propter opes magnas ut perdidit hospes alumnum,  
 Perdat ob exiguas te tuus hospes opes.  
 Utve ferunt fratres sex cum Damasichthone cæsos,  
 Intereat tecum sic genus omne tuum.  
 Addidit ut fidicen miseris sua funera natis, 585  
 Sic tibi sint vitæ tædia justa tuæ.  
 Utve soror Pelopis, saxo dureris oborto,  
 Et læsus lingua Battus ab ipse sua.

575. *Utque patrem Psamathis.*] Scribe *Psamathes* ex Photio. H. *Utque patrem Psamathes.* Ita in Aldinis legitur; ut de Crotopo *Psamathes* patre, cujus crudelitate *Linus* infans expositus, et a canibus laceratus fuit, intelligatur. Et hanc lectionem etiam probabilem facit id quod statim sequitur de *Chorœbo*, de quo *Pausanias* in *Atticis*. Vel *Crotopus*, *Argivorum* rex, ubi rescivit filiam ab *Apolline* vitiatam, atque matrem jam esse, morti dedit. Indignatus *Apollo* *Crotopum* confecit telis. M.

577. *Inque tuos ea pestis eat.*] A *Chorœbo* monstrum filios matrum sinu educens, atque devorans interfectum; *Stattius*, lib. i. *Thebaidos*, ubi hoc monstrum graphice depingit, dicens 596: "Sero memor *thalami*, mœstæ solatia morti, *Phœbe*, paras, monstrum infandis, *Acheronte* sub imo," etc. *Ovidius* autem illud monstrum *pestem* appellat. S.

579. *Utque nepos Æthræ.*] *Revera Hippolytum*, ob iram *Veneris*, quæ ab eo contemnebatur, interemptum

comperio apud *Ovid.* lib. v. *Fastor.* 309: "Hippolyte infelix, velles coluisse *Dionem*, Quum consternatis diripereris equis." SALV.

581. *Ut perdidit hospes.*] Id est, ut *Polydorus* a *Polymnestore*, *Thraciæ* rege, violato hospitii jure necatus est, cupiditate auri quod habebat. D.

583. *Utque ferunt.*] De numero filiorum *Niobes* diversæ apud auctores reperiuntur sententiæ: nam *Homerus* pueros puellasque senos fuisse scribit, bis septenos *Euripides*, quidam alii scriptores tres tantum volunt; *Ovid.* etiam in *Met.* vii. bis septem dicit, et *marium* ponit nomina: qui omnes sagitta a *Phœbo* occisi sunt, propter matris nimiam superbiam, *Latonæque* contemptum, quam sterilem prædicabat; e quibus unus erat *Damasichton*.

585. *Addidit.*] *Amphion*, conjux *Niobes*, mortuis filiis, sibi mortem conscivit, clarus arte musica. DOM.

587. *Soror Pelopis.*] *Niobe* *Tantali* ex *Taygete* filia, *Amphionis* *Thebarum* regis uxor fuit: quæ nimio mœ-

Aera si misso vacuum jaculabere disco,  
 Quo puer *Æbalides*, ictus ab orbe cadas. 590  
 Si qua per alternos pulsabitur unda lacertos,  
 Omnis *Abydena* sit tibi pejor aqua.  
 Comicus ut mediis periit, dum nabat, in undis,  
 Et tua sic *Stygius* strangulet ora liquor :  
 Aut ubi ventosum superaris naufragus æquor, 595  
 Contacta pereas, ut *Palinurus*, humo.  
 Utque cothurnatum vatem tutela *Dianæ*,  
 Dilanient vigilum te quoque turba canum.  
 Aut tu *Trinacrius* salias super ora gigantis,  
 Plurima qua flammis *Sicanis* *Ætna* vomit. 600  
 Diripiantque tuos insanis unguibus artus  
*Strymoniaë* matres, *Orpheos* esse ratæ.  
 Natus ut *Althææ* flammis absentibus arsit,  
 Sic tuus ardescat stipitis igne rogos.  
 Ut nova *Phasiaca* comprehensa est nupta corona, 605  
 Utque pater nuptæ, cumque parente domus ;  
 Ut ruor *Herculeos* abiit diffusus in artus ;  
 Corpora pestiferum sic tua virus edat.

rore ob natorum interitum in marmor dicitur versa, ut ab *Ovid.* in *Metam.* lib. vi. accepimus.

588. *Et læsus lingua Battus.*] In *Metamorph.* ii.

590. *Quo puer.*] *Hyacinthus*, a *Phœbo* dilectus, in ludo disci ab eo est extinctus per imprudentiam. *DOM.*

593. *Comicus ut mediis.*] *Terentii* comœdiarum scriptoris significat interitum, qui, quum ex *Græcia* rediens, navem conscendisset, naufragio periit, et cum eo fabulæ 108. ex *Menandro* conversæ, interierunt. *ZAR.*  
 — *Comicus ut mediis.* *Egnatius Eupolim* *Comicum* putat intelligi, quem bello *Peloponnesiaco* in *Hellesponto* periisse naufragio constat ex *Suida.*

VOL. V.

*Eupolim* vero inter *prisæ commœdiæ* principes numerat *Flacc.* lib. i. *Sat.* iv. ver. 1. *VAL. ANDR.*

597. *Utque.*] *Euripides*, quum apud *Archelaum* regem cœnasset, domumque reverteretur, a canibus a quodam æmulo immissis, est discerptus ; *Val. Maxim.* lib. ix. cap. 12.

602. *Strymoniaë.*] *Mulieres Thraciæ* *Orpheum* laniantur. *D.*

605. *Ut nova Phasiaca comprehensa est nupta corona.*] *Eurip. Medea* : "Nec potuit unquam gravius ulcisci virum. Ornata namque *Colchicis* donis perit *Creusa* : totam flamma comprehendit domum. Ipsum *Creontem* corripit flagrans lues, *Caræ* supremis gnataë inhærentem osculis."

3 U

Qua sua Penthîden proles est ulta Lycurgum,  
 Hæc maneat teli te quoque plaga novi. 610  
 Utque Milon, robur diducere fissile tentes,  
 Nec possis captas inde referre manus.  
 Muneribusque tuis lædaris, ut Icarus, in quem  
 Intulit armatas ebria turba manus.  
 Quodque dolore necis patriæ pia filia fecit, 615  
 Vincula per laquei fac tibi guttur eant.  
 Obstructoque famem patiaris limine tecti,  
 Ut legem pœnæ cui dedit ipsa parens.  
 Illius exemplo violes simulacra Dianæ,  
 Aulidis a portu qui leve vertit iter. 620  
 Naupliadæve modo ficto pro crimine pœnas  
 Morte luas; nec te non meruisse juvet.

609. *Pentheiden.*] *Penthiden* veteres. H.—*Qua sua.* Butes, Lycurgi filius, ob patrem sublatum a Baccho, ejus numinis sacerdotes omnes necavit variis et acerbissimis suppliciiis.

613. *Muneribus.*] Icarus, Erigones pater, quum Atticæ colonos vini usum docuisset, illi inusitato liquore ebrii, venenum datum sibi arbitantes, eum necarunt uno impetu: cujus morte audita, Erigone filia laqueo vitam finivit; Hyginus, Fab. 130.

617. *Obstructo.*] Tantum erat laudis bellicæ studium apud Lacedæmonios, ut matres filiis in aciem prodeuntibus scuta porrigentes, hæc dicerent: "Cum his, aut victores, aut mortui." Eurysthene, quum male pugnasset, domum sempiterno dedecore adfecit, qua de causa mater indignata, eum clausum inedia perire coegit. *Dom.*—*Limine tecti.* Alii autem, *limine templi* putant legendum, quoniam de Pausania intelligatur, qui in templo Minervæ χαλκιοίκου obsessus fuit. Scribit autem Æmiliius Probus, ma-

trem Pausaniæ, Alcitheam nomine, quum ille in templum confugisset, ephorique fores ædiculæ, ubi ille abditus erat, obstruerent, ac tectum demolirentur, ut inopia rerum ac fame laborantem hoc pacto conficerent; postquam de scelere ac proditione filii comperisset, primum lapidem ad obserandum illam adportasse, id quod hic Ovid. innuit, quum dicit legem pœnæ ipsam parentem dedisse. Verum in schedis San-Victorianis legitur, *ipse parens*: Et tum Agesilaum Pausaniæ patrem ædis fores oculuisse putandum est.—Hoc vero, cum Pausanias tutoris munere functus esset, prohibet historiæ fides. *Ed.*

619. *Illius exemplo.*] Intelligenda illa sunt de Ajace Oilei, qui, ob violatam Cassandram in templo Palladis Deæ, naufragium fecit, ut ante est dictum ex sententia et Homer. et Strab.

621. *Naupliadæ.*] Palamedes, crimine ficto ab Ulysse, quod aurum a Priamo in Græcorum proditionem accepisset, lapidibus obrutus est. *M.*



Æthalion vita spoliavit ut Isidis hospes,  
 Quem memor a sacris nunc quoque pellit Ion ;  
 Utque Melanthea tenebris a cæde latentem 625  
 Prodidit officio luminis orba parens ;  
 Sic tua conjectis fodiantur pectora telis ;  
 Sic, precor, auxiliis impediare tuis.  
 Qualis equos pacto, quos fortis agebat Achilles,  
 Acta Phrygi timido est ; nox tibi talis eat. 630  
 Nec tu, quam Rhesus, somno meliore fruaris,  
 Quam comites Rhesi tum necis, ante viæ :  
 Ut quos cum Rutulo morti Rhamnete dederunt  
 Impiger Hyrtacides, Hyrtacidæque comes ;  
 Cliniadæve modo, circumdatus ignibus atris, 635  
 Membra feras Stygiæ semicremata rati.  
 Utve Remo muros auso transire recentes,  
 Noxia sint capiti rustica tela tuo.

625. *Utque Melanthea.*] Melantheus, homicidio obnoxius, quum lateret, a matre rei inscia quærentibus est manifestatus, utque melius cognoscerent, lumen adtulit ; qui captus capite multatus est. Ita vetus interpres, quod mihi nusquam lectum.

627. *Sic tua conjectis.*] Ad hujus loci interpretationem tres inferiores versus pertinent : et Dolona Phrygium taxat. Hic ad Græcorum castra exploranda missus est a Trojanis, quibus Achilles equos abducere pactus est : sed ab Ulysse et Diomede per noctem captus occiditur ; prius tamen Trojanorum detectis consiliis. DOM.

629. *Qualis equos pacto.*] Dolon, Eumedis filius, in castra Græcorum a Trojanis explorator missus, equis Achilles pro mercede sibi promissis, a Diomede et Ulysse interceptus, et contra fidem datam interfectus est, postquam ipsos edocuisset, quid rerum Trojani molirentur. Ex Homero Iliad. X ; Dicty Cretensi, lib. ii. Cujus

facti meminit Ovidius, Trist. lib. iii. El. 4. et Art. Am. lib. ii ; item Met. lib. xiii. ; quo loco Dolonem *imbellem* vocat, ut hic *timidum*, ex Homeri nimirum verbis . . . 'Ο δ' ἄρ' ἔστη, τάρβησέν τε Βαυβαίωνων ἀραβος δὲ διὰ στόμα γίγνεται ὀδόντων, Χλωρός ὑπαὶ δείους.

633. *Quam quos cum Rutulo.*] Nisus, Hyrtaci filius, et comes Euryalus in Rutulorum castra venere, ubi Rhamnetem, multosque alios morti dedere. Tandem et ipsi agniti, occisi sunt, ut in IX. Æneid. Virgil. est auctor. ZAR

635. *Cliniadæque modo,* etc.] Clinia des Alcibiades intelligitur, cujus pater Clinias dictus fuit. Perit autem in oppido quodam Phrygiæ, circumdata domo, in qua erat, ignibus, quum ii qui a Pharnabazo ad interficiendum illum missi erant, ferro aggre di non auderent ; auctores Plut. et Æmilius. MICYL.

638. *Rustica tela.*] Rutrum, vel rastrum intelligo. ZAR.

Denique, Sarmaticas inter Geticasque sagittas,  
 His, precor, ut vivas et moriari locis. 640  
 Hæc tibi tantisper subito sint missa libello ;  
 Immemores ne nos esse querare tui.  
 Pauca quidem, fateor ; sed Dî dent plura rogatis,  
 Multiplicentque suo vota favore mea.  
 Postmodo plura leges, et nomen habentia verum,  
 Et pede, quo debent acria bella geri. 646

643. *Pauca quidem, fateor ; sed Dî dent plura roganti.*] Scribe rogatis, ut sit sensus, Dii plura mala dent tibi, quam in hoc opusculo eos in te roga-  
 verim. CONST. FANENS.

646. *Et pede, quo debent acria bella*

*geri.*] Carmine iambico utemur ad maledicentiam proprie, ut in principio docuit poeta, ubi dicit " Postmodo, si perges, in te mihi liber iambus Tincta Lycambeo sanguine tela dabit."

*11<sup>th</sup> Nov. 1843. G. H. L.*

FINIS IBIDIS.

EXCURSUS  
IN OVIDII IBIN,

AUCTORE D. SALVAGNIO BOESSIO.



CAPUT I.

MULTOS HUIC POEMATIO MANUS ADMOVISSSE: NONNULLA TAMEN  
IN EO SUPERESSE, QUIBUS ENODANDIS ŒDIPO VEL  
SIBYLLA SIT OPUS.

QUUM primum animum ad Ovidii libellum in Ibin enar-  
randum adpuli, nihil mihi prius atque antiquius fuit, quam  
ut omnium, qui de hoc libello bene meriti essent, Com-  
mentarios undique perquisitos evolverem: enimvero plu-  
rimi tum nostra, tum patrum et avorum memoria, in hoc  
poematio, tanquam in Olympico stadio non citra pulveris  
tactum desudarunt. Quorum vetustior *ἀδελος* cæteris facem  
prætulit; sed “ ejus scrinia,” inquit Adrianus Turnebus,  
Adversar. lib. ix. cap. 25. “ alii interpretes compilarunt;  
et scripta, etsi mendosa, unde tamen multa odorari potera-  
mus, suppresserunt.” Nos illum tamdiu desideratum in  
lucem edemus; sed enim, quia foedis glossematis ac sup-  
posititiis auctorum testimoniis inquinatus est, aurum ex ejus  
stercore colligendum. Anno vero supra millesimum qua-  
ter centesimo nonagesimo quinto, Domitius Calderinus  
Veronensis in id toto pectore incubuit; vir quidem plu-  
rimæ in litteris industriæ, qui quum Romæ profiteretur,  
et obscura duriorum poetarum sensa reconditæ lectionis  
admirabili testimonio dilucidaret, litterarii splendoris asser-  
tor, ac omnis obscuritatis illustrator, acclamatus est, uti  
Paulus Jovius in ejus Elogio prodidit: nec minus vere

Henricus Stephanus Epistola ad Ludovicum Castelvtrum, quæ præfixa est editioni suæ libri Jani Parrhasii de rebus per epistolam quæsitis, “Age, inquit, tu quicumque Beroaldi, aut Domitii scripta non unius assis, præ iis quæ hodie eduntur, æstimanda putas, quid sine Beroaldo, ac Domitio, aliisque hujusmodi magistris scribi ab eorum posteris potuisse arbitraris?” Neque enim solum Domitius hunc Ovidii libellum, sed etiam Ciceronis Epistolas, Martialem, Juvenalem, Papinii Silvas, Suetonium, et quosdam alios scriptores enarravit. Denique tot tantaque edidit, aiebat Egnatius, quot quantaque in hoc genere ad hanc diem nemo. Eo factum est, ut acerbas cum æmulis similitates exercuerit, a quibus piperatis literulis perstrictus fuit, quod sibi comparatam auctoritatem retinere quavis ratione et arte contenderet; atque ita crudos ingenii sui foetus emittere coactus sit, quibus provector ætas procul dubio maturitatem attulisset. Quippe “auctoritatis tam magnæ fuit,” inquit Angelus Politianus Miscellan. cap. 9. “ut Romæ inter professores juvenis adhuc primam celebritatem sibi vindicaverit, cujus tuendæ ac retinendæ gratia factum compluries putamus, ut in suis operibus frontem perfricuerit, et per æqua, per iniqua famam captans, parum ex fide quæpiam retulerit; nonnulla etiam male solers et præstigiosus speciem quidem primorem veri habentia, magno credentium dispendio sententiis ignorabilibus implicuerit, et pulverem, quod aiunt, oculis offuderit; aut, sicubi major difficultas, nec absistens, nec congregiens spem lectoris eluserit. Ita, dum nescire se nihil probare contendit, etiam Parthis aliquoties et Cretensibus mendacior invenitur.” Ideo Raphael Volaterranus, Anthropologiæ, lib. xxi. dignum eum, ut de Cœlio Quintilianus ait, vita longiore, ingenio tamen meliøre existimavit. Quum enim trigesimum quartum ætatis annum attigisset, Romæ pestilentia, vel ut Jovius auctor est, febre correptus, obiit. Ille ipse est, quem de sacrificio illo, quod Gregorius Nazianzenus ἀναίμακτον θυσίαν, Synesius τελετήν ἀπόβητον vocant,

male sentientem politissimus ille Politianus hoc epigrammate facetissime traduxit :

Audit Marsilius Missam ; missam facis illam

Tu, Domiti : magis est relligiosus uter ?

Quis dubitet ? tanto es tu relligiosior illo,

Quanto audire minus est bona, quam facere.

Nolim autem referre, quod de eo Ludovicus Vives, lib. ii. de Veritate Fidei, in hanc rem prodidit, ne pias christiani lectoris aures læserim. Cæterum non multo post eandem provinciam suscepit Christophorus Zarottus Justinopolitanus, cui transversum unguem a veteris interpretis sententia discedere religio est : qua etiam tempestate, nempe anno millesimo quingentesimo decimo sexto, Andreae Naugerii Annotationes, de Diversitate Lectionum, in omnia Ovidii opera Venetiis prodierunt. Post paulo, Jodocus Badius Ascensius in Domitii verba juratus, hunc libellum tironibus enarravit. Fuit ille typographus, et in illa tum celeberrima Lutetiæ τῆς οἰκουμένης ἐπιτομῆς Academia, grammatices professor, ubi familiares, ut ipse loquitur, expositiones in auctores, quum veteres, tum recentes, prope innumerabiles edidit. Quin etiam Baptista Egnatius Venetus, vir ætate sua magni nominis, brevibus suis notationibus non parum caliginis inde sustulit. Post illum Guido Morillonus, quem Adrianus Junius virum multijuga doctrina, et omnifaria lectione, atque humanitatis et philosophiæ omnis ἀφροδίτην καὶ χάριτα vocare non dubitavit, cujusque eruditionem Petrus Nannius initio lib. v. Miscellan. magnis laudibus extollit, hoc opusculum extremis digitis attingit. Deinde Jacobus Micyllus Argentinensis, accurato vir ingenio, aliquas observationes addidit, quibus non mediocrem laudem meruit. Hic Micylli nomen retinuit, quod puer scite personam egisset Micylli, unius ex interlocutoribus in dialogo Luciani, qui Ὀνειρος ἢ Ἀλεκτρυῶν inscribitur : Ovidianorum autem operum recensione, et variis Luciani latine redditis, tum poesi, et duobus arithmetices logisticæ

libris, exemplis admodum utilibus illustratis, nominis sui decus ad posteros propagavit. Heidelbergæ obiit anno 1558. relictis duobus filiis disparis sortis: Julius enim cancellarius fuit Ludovici, electoris Palatini; alter vero sartor erat Heidelbergensis. Tum Franciscus Sanctius Brocensis huic chartæ impalluit, et aliquid in eam non parvi momenti contulit. Accesserunt Gregorii Bersmanni, Constantini Fanensis, et Herculis Ciofani Sulmonensis scholia; eosque secutus est Didacus Mexia Hispalensis, qui apud Mexicanos Indos hoc poemation in Hispanam linguam traduxit, et annotationes vernaculas adjecit, editas Hispali anno 1608. quas humanitati debemus Jacobi Mantelli, hominis exquisita doctrina. Vidimus et quæ Joannes Grejonijs, itemque Jacobus Andrejus Lutetiæ, magno discipulorum plausu, dictasse feruntur; hic anno 1584. ille 1571: sed in illis merus Domitius, præterea nihil. Postremo Valerius Andreas Desselius, plurima lectione exercitus, non pœnitendam operam in hac Sparta ornanda collocavit, editis anno 1618. locupletibus notis. Nec sine piaculo præteream Antonium Urceum Codrum, Janum Parrhasium, Angelum Politianum, Andream Alciatum, Baptistam Pium, Paulum Leopardum, Adrianum Turnebum, Josephum Scaligerum, Didacum Covarruviam, Abstemium, Hartungum, Lipsium, Schottum (Jupiter, quos viros!) qui vel in adversariis et Miscellaneis dedita opera, vel in aliis opusculis obiter quosdam Nasonis locos excusserunt, ut vere de hoc poematio dici possit, *Cui non dictus Hylas?* Suppudeat autem, *me quoque principibus permistum agnoscere Achivis*, cui si paterna res administranda foret, ætatis venia non daretur. Et vero post tot eruditionis spectatæ viros in eadem palæstram descendere, hoc revera est post Roscium in scena velle gestum agere; sed, quia jacta est alea, efficiendum est, ne mihi jure novum opus nunciatur, aut interdicto quod vi. aut clam mecum agi possit. Neminem laude sua fraudabo: nobilis enim mihi semper visa est lex illa Laurentium, NE POMUM EX

ALIENO. Itaque præcipuus hic nobis scopus ob oculos erit, ut quæ obscuriora, nec dum cuiquam explicata sunt, quoad ejus fieri poterit, illustratum eamus. Excusorum etiam librorum maculas manu scriptorum ope, aut certe ipsi de ingenio eluamus. Prima quidem editione Observationum nostrarum difficiliora quædam loca saltuatim selegeramus; planiora, et quæ ab aliis enucleata, silentio transmiseramus: Nunc, hortatu virorum acri judicio, uberem et perpetuum Commentarium damus, ne alio quærenda sit fabularum minus obviarum enarratio. Quanquam ne sic quidem nos omnes hujusce libelli salebras explanatos pollicemur, ut quivis deinceps inoffenso pede quacumque progrediatur: id enim plenior, quam ætas nostra ferat, eruditionem postulat. Deinde multa sunt in eo, quæ nisi *Sibylla legerit*, ut ait apud Plautum Pseudolus, *interpretari alium posse reor neminem*; cujusmodi sunt ista:

Aut velut Euryali qui sceptrum cepit ab illo,  
Sint artus avidis anguibus esca tui.

Et ista:

Aut pia te cæso dicatur adultera, sicut  
Qua cecidit Leucon vindice, dicta pia est.

Item illa:

Æthalon ut vita spoliavit Isidius hospes,  
Quem memor a sacris nunc quoque pellit Io.  
Utque Melantheum tenebris a cæde latentem  
Prodidit officio luminis ipsa parens.

Et similia, quorum interpretatio petenda esset ab illis scriptoribus, qui, temporis injuria amissi, triste nobis et acerbum sui desiderium reliquerunt: hic enim fabulæ quædam sive historiæ tanguntur, quarum apud unum duntaxat auctorem mentio est, quem si forte desiderari contigisset, de earum enarratione procul dubio actum esset. Nimirum Achæi supplicium, cujus meminit Ovidius versu 301. unus Polybius commemorat. Pyrrhi, Achillis filii,

reliquias per Ambraciæ vias disjectas esse, Hygino soli cum Nasone convenit. De Eurydamante a Simone Larissæo circa Thrasylli tumulum raptato, præter Ovidium et Didymum, Homeri Scholiasten ad Iliad. x. nemo quidquam memoriæ prodidit. Thasum etiam a canibus lacertum Naso duntaxat et Hyginus retulerunt. Item carmen 507 ab unico Diodoro illustratur, ut et versus 531 ab epigrammate ἀδῆλφ, lib. iii. Anthologiæ; ut credibile sit, quædam hic esse obvia, quæ si quis alibi quærere velit, operam, credo, omnem luserit. Sic apud Lycophronem, historiæ quædam exstant, quas nemo alius attigit, ut Prylis, Midæ; et vocabula non pauca, quibus præter eum nullus usus est, qualia φύλαμος, λάρις, πέβρα, πτέλας. Ejus tamen Alexandram, sive Cassandram, quamvis tenebricosam, poematio nostro obscuriorem esse Domitius non concedit. Sic enim peroratione Commentariorum suorum: “Lycophronis carmen legimus sæpe, in quo argumento quidem Ovidio grandior, sed verbis apertior nobis videtur; et cæci, qui illum interpretantur, in tanta præsertim librorum copia: non tam enim per conjecturam fabulæ, ut apud illum indagandæ fuerunt, quam colligendæ a diversis auctoribus scriptæ.” Quamobrem nemini mirum videri debet, si tot Ovidianæ mentis interpretes in plerisque locis veluti in circo Andabatarum more decertamus. A versu nimirum 255, unde Naso fabulas et historias auspicatur, ad versum 645, qui libelli postremus est, triginta supra ducentas memorantur. Interdum uno disticho tres continentur, interdum quatuor, ut illo:

Ut fuit Cætæo quondam, generoque draconum,  
Tisamenique patri, Callirhoesque viro;

ita ut Ovidianum hoc poematium fabularum officina vere dici possit. Causa vero a nobis suo loco afferetur, cur Ovidius obscuritati studuerit; sed et ante illum Cinna poeta, Virgilii præconio celebratus, Smyrnam, poema obscurissimum, elaboravit, quod quum vulgo non intelligere-



tur, Crassitius grammaticus Commentario luculento, in ipsum edito, adeo inclaruit, ut hoc epigramma de eo scriptum sit, teste Suetonio, libro de illustribus Grammaticis :

Uni Crassitio se credere Smyrna probavit :

Desinite, indocti, conjugio hanc petere.

Soli Crassitio se dixit nubere velle,

Intima cui soli nota sua exstiterint.

Smyrnam autem novennii opus fuisse Catullus et Quintilianus prodiderunt : quo fortasse respexit Horatius in epistola ad Pisones, quum præcipit, duratura poemata in nonum annum premenda esse. Nec omiserim, antiquissimos poetas de industria obscuritatem affectasse, ut Æschyli scholiastes notavit ad Πρωμ. δεσμ. his verbis : Οἱ παλαιοὶ τὰ ποιήματα αὐτῶν πρῶτον μὲν αἰνίγμασι γεγράφασιν, ὕστερον δὲ καθόλου φανερώς ἐχρῶντο τῷ λόγῳ.

## CAPUT II.

GERMANUS HUIC OPUSCULO TITULUS ASSERTUS.

**ANTVERPIENSIS** editio arida, modo pumice Valerii expolita, hoc titulo circumfertur, P. Ovidii Nasonis *Diræ* in *Ibin*, quemadmodum egregium illud poemation, cujus autorem esse Valerium Catonem grammaticum perspicaciores existimant. Verum ne Dii sinant, ut ab epigraphe recepta deflectamus, nisi libros omnes tum excusos, tum exaratos valere jubeamus : nisi denique Nasoni ipsi affingamus, qui se hoc opusculum, *Libellum* in *Ibin* inscripsisse liquido testatur ver. 51, in hunc modum :

Et neque nomen in hoc, nec dicam facta libello ;

iterum versu 461 :

Hæc tibi tantisper subito sunt missa libello ;

qua dictione poematia quæque proprie designantur. Sic enim Ausonius *Griphum* suum de *Ternario* numero indigi-

tat: "Latebat inter nugas meas libellus ignobilis;" paulo post: "Igitur iste nugator libellus tamdiu secreta quidem, sed vulgi lectione laceratus, pervenit tandem in manus tuas." Idemque Protrepticon suum de puerili studio libellum nominat epistola ad Hesperium: "Libellum, quem ad nepotulum meum, sororis tuæ filium, instar Protreptici luseram, venturus tibi præmisi legendum." Sic etiam Papinius Silvulas suas Libellos adpellat, Præfatione, lib. i. ad Stellam; rursus, Præfat. lib. ii. ad Meliorem Atedium; iterum, Præfat. lib. iii. ad Pollium; et lib. iv. Hende-casyli ad Plotium. Quin etiam jurisconsulti ea carmina, quibus alicujus fama proscinditur, cujusmodi sunt ista Ovidiana, famosos libellos vocant. Hæc autem minora fortasse videbuntur, quam ut animadversione digna essent. Parum enim reipublicæ literariæ interest *Diræ* ne, an Libellus hoc poemation inscribatur: verum legitimam scriptionem, atque ipsam Nasonis manum immutare nulli per me licebit. Ut ut sit, Nasonis votum omne in malis, monstris, morbis, exsiliis, suppliciis, plagis, mortibus, cujusmodi carmen *diras* appellabant, quod illæ scilicet ultrices Deæ putarentur, quarum numina precibus in hostium, aut inimicorum perniciem evocarentur. Priscum illud quidem, atque in scenis primum agitatum, mox ad recentiorum animos accommodatum, ut observatum est a Julio Scaligero, Poetices lib. i. cap. 53. Exornatur autem, ut ipse ait, sententiis non vulgaribus, et variis historiarum ambagibus, qualia scripsit Ovidius in Ibin. In Horatii Epodo aliquid imaginis est: expressior apud Catullum in Ariadnæ conquestione, et in quarto Æneidos. Item quæ fundit Statianus Ædipus, sumpta de Græcis tragicis, ut et Senecæ Theseus ex Euripide.

## CAPUT III.

ARGUMENTUM LIBELLI. QUARE CALLIMACHUS APOLLONIUM  
IBIDIS NOMINE DEVOVERIT, CONTRA MINUTIANI, ALCIATI,  
BISCIOLÆ, ET ALIORUM SENTENTIAM. JOANNIS MEURSII  
LAPSUS. PHILIPPICÆ. ALIA SCITU DIGNA.

**OVIDIUS** hoc libello nescio quem sub Ibis nomine graphice exornatum Diris devovet: causa triplex ab ipso met affertur. Ibis Ovidii nomen ubique maledictis lacerebat, ipsumque in invidiam atque odium apud Augustum vocabat, quo diutius Tomis exsulantem remoraretur; tum ejus uxorem importune sollicitabat. Præterea Ovidii fortunis inhians, ipsum ad extremam inopiam redigere conabatur. Omne votum in suppliciis et mortibus, ut modo dicebam; idque Callimachi imitatione, qui in Apollonium Rhodium, Argonauticorum scriptorem, Ibis nomine notatum, libellum scripsit, de quo Suidas in Καλλιμάχος. Ἔστι δὲ ποίημα ἐπιτετηθευμένον εἰς ἀσάφειαν καὶ λοιδορίαν, εἰς τινα Ἴβιν, γενόμενον ἐχθρὸν τοῦ Καλλιμάχου· ἦν δὲ αὐτὸς Ἀπολλώνιος, ὁ γράψας τὰ Ἀργοναυτικά. “ Est autem poema de industria compositum obscure, continens contumeliosam insectationem in quemdam Ibin, qui fuerat inimicus Callimachi: erat autem hic Apollonius, ille qui Argonautica scripsit.” Quare dejerare ausim Callimachi manes, eundem Apollonium esse, quem ille hymno εἰς Ἀπόλλωνα, ipsam invidiam ἀξητικῶς appellat his versibus:

Ὁ φθόνος Ἀπόλλωνος ἐπ' οὐατα λάθριος εἶπεν  
Οὐκ ἄγαμαι τὸν αἰοῖδον, ὅς οὐδ' ὅσα πόντος αἰεῖδει.  
Τὸν φθόνον Ὀπόλλων πιδι τ' ἤλασεν, ὦδε τ' εἶπεν·  
Ἄσσυρίου ποταμοῦ μέγας ῥόος, ἀλλὰ τὰ πολλὰ  
Λύματα γῆς καὶ πολλὸν ἕρ' ὕδατι συρφετὸν ἔλκει.  
Δηοῖ δ' οὐκ ἀπὸ παντὸς ὕδαρ φορέουσι Μελισσαι,  
Ἄλλ' ἤτις καθαρῇ τε καὶ ἀχράαντος ἀνέρπει,  
Πίδακος ἐξ ἱερῆς ὀλίγη στιβάς, ἀκρον ἄωτον·  
Χαίρε ἀναξ· ὁ δὲ Μῶμος, ἴν' ὁ φθόρος, ἐνθα νέετα.

Quos quum alii totidem Latinis expresserint, quid impedit, quominus et nos id tentemus? interdum enim Latias Musas nostras inter Græcas luxuriari sinimus:

Livor Apollineas occulte dixit in aures:  
 Non miror vatem, qui non canit æquoris instar;  
 Livorem pepulit simul ille, simulque locutus.  
 Assyrius late fluit amnis, at ille palustris  
 Illuviem terræ sordesque volutat in undis.  
 Non quovis Cereri libant e fonte Melissæ,  
 Sed qui limpidus est, et limi prosilit experts,  
 Sacro fonte latex parvus, flos summus aquarum.  
 Salve, rex, abeat quo crux erit invidus ille.

Causam autem profert Nicodemus Frischlinus in vita Callimachi græce conscripta: Εἰς ὃν καὶ ποίημα ἐπιτετήδευκε διὰ τὸ προσποιητικὸν ἐκεῖνον εἶναι τῶν Καλλιμάχου βιβλίων, καὶ ἀλλοτρίων πόνων ἀνόμασε δ' αὐτὸν κρυπτικῶς Ἰβιν, ὡς καὶ Νάσων ὁ ποιητῆς οὕτω πως μαρτυρεῖ. “In hunc Callimachus, quod suos ille libros sibi arrogaret, et alienos labores pro suis venditaret, maledicum carmen edidit, ipsumque Apollonium suppresso nomine Ibin nominavit, quemadmodum Ovidius testatur.” Hæc ille, quod apud alium notæ melioris auctorem non memini me legere, nisi quod hunc versum, qui apud eundem Apollonium exstat, Argonaut. lib. i. pag. 64. editionis Stephaneæ,

*Καὶ τὰ μὲν ὡς ἡμέλλα μετὰ χρόνον ἐκτελέεσθαι,*

Callimachi versum esse ab Apollonio usurpatum, vetus ipsius Apollonii scholiastes asserit. Nicodemum autem Frischlinum quum in testimonium adduxi, miseret me acerbissimi ejus fati: nam, quum ob ea, quæ ore nimis libero effutiisset in viros nobilissimos, Moguntiæ in carcerem conjectus esset, indeque deductus foret in Wurtembergici soli arcem Hohenaucensem: quo captivitatem effugeret, pannos discidit, ut, his colligatis, se demitteret; sed hujusmodi funis perfidia in alias aliasque petras præ-

ceps datus, confractis membris expiravit. Cæterum Callimachus Apollonium Ibis nomine, quæ est avis Ægyptia, notum esse voluit, non propter ejus spurcitiâ, cui rostri aduncitate per eam se partem proluere insitum est, qua redduntur ciborum onera, ut Minutianus grammaticus apud Coelium Rhodiginum, *Antiq. Lection. lib. xiii. cap. 1*; Alciatus, *Emblemate 86*; Zarottus, et plerique grammaticorum existimant; nec etiam, quod libellus Callimachi diris et execrationibus esset refertus, quæ serpentium instar, quibus Ibis vescitur, Apollonium morderent & lacerarent (quæ sententia est Lælii Bisciolæ in *Horis Subsecivis, lib. v. cap. 18*;) sed ut Apollonius, qui Alexandrinus erat, aliqua ex parte indicaretur. Quamvis enim Rhodius diceretur, Alexandrinum tamen fuisse prodidit Strabo, *lib. xiv. pag. 45. editionis a Casaubono recognitæ, his verbis: Διονύσιος δὲ ὁ Θράξ, καὶ Ἀπολλώνιος ὁ τοῦς Ἀργοναύτας ποιήσας, Ἀλεξανδρεῖς μὲν, ἐκαλοῦντο δὲ Ῥόδιοι.* “ Dionysius vero Thrax, et Apollonius, Argonauticorum conditor, Alexandrini quidem fuerint, sed nominati sunt Rhodii.” *Ἀπολλώνιος Suidas: Ἀλεξανδρεῖς ἐπὼν ποιητῆς διατρέψας ἐν Ῥόδῳ, υἱὸς Σιλλέως.* Item anonymus auctor, qui scripsit *γένος Ἀπολλωνίου τοῦ Ῥοδίου* quam Ælianus, de *Animalibus, lib. xv. cap. 23.* eum Naucratis facere videtur. Sed utcumque est, Ægyptus patria fuit: Naucratis enim urbs est Ægypti. Quamobrem longe fallitur Joannes Meursius, qui, *Syntagmate de Apolloniis*, pro diversis habet Rhodium et Alexandrinum, Sillei filium, qui Eratostheni in Alexandrinæ bibliothecæ præfectura successit. Ovidius autem, Callimachi exemplo inimicum suum Ibin appellasse videtur, quemadmodum Tullius Orationes suas in Antonium, Demosthenis imitatione, Philippicas inscripsit, uti etiam Trogus Pompeius historias suas, æmulatione Theopompi, qui Philippicas scripserat. Sed magis est ut credam Nasonis adversarium Ibis nomine designatum, quod is revera Ægyptius esset, qua de re sequenti capite disseremus: nam et Aristophanes in *Avibus* Lycurgum Ibin nominavit, propterea

quod genere et moribus Ægyptius esset, ut vetus Aristophanis scholiastes exponit.

## CAPUT IV.

IBIDIS NOMEN CONJECTURA PERQUISITUM, FORTE  
COMPERTUM.

**NASCITUR** sua sponte obscuritas ex istis privatarum rerum historiis, quibus etiam Naso dedita opera tenebras effundit, ut arduum sit, tam densis nebulis veri scintillam exsculpere. Ego tamen, incusso ad illum tenebricosæ vetustatis pyriten chalybe, non mediocrem lucem expressurum me confido. Sed, antequam sententiam roger, operæ pretium est veterem grammaticum audire, qui, teste Cœlio Rhodigino, *Antiq. Lect. lib. xiii. cap. i.* Corvinum esse prodidit, quem hic Naso sale et resina confricat. Ejus verba sunt: "Illud obiter adnotarim, in Cæcilii Minutiani Apuleii Fragmentis observatum, annis septem in exsilio, consumptis functum esse fato Ovidium, qua die Titus quoque Livius decesserit; structum item illi a Barbaris per multas lacrymas tymbon ante januam. Auctor idem Minutianus est, Corvinum ab Ovidio adpellatum fuisse Ibin, ex avis fœditate, cui ventrem rostro purgare insitum sit, et hoc ex Callimachi imitatione: pulsum quoque in exsiliium, quod Augusti incestum vidisset." Hæc ille, quorum fides esto penes auctorem, qui nondum lucem vidit, unique Cœlio Rhodigino notus fuit, uti jam antea pronuntiavit Lilius Gyraldus, de Poetarum historia, *Dialog. 4.* An Corvinus, quisquis ille fuerint, in Libya natus est, ubi scilicet Ibin natales habuisse declarat Ovidius in his:

Qui simul impuræ matris prolapsus ab alvo est,  
Cinyphiam fædo corpore pressit humum?

Item vers. 513. ubi lænas, quibus scatet Africa, Ibdidis populares vocat. Verum enim vero, si conjecturæ locus detur, dicam quid ego sensero, et, ut apud Plautum Trachalio, *promittam capillum, incipiamque hariolari*. Neque enim cymbalum illud mundi Appionem grammaticum imitandum mihi proposui, qui teste Plinio, lib. xxx. cap. 2. prodidit, se evocasse umbras ad percontandum Homerum, qua patria, quibusve parentibus genitus esset; non tamen ausum profiteri, quid sibi respondisset. Non Georgium Joachimum Rheticum, Copernici discipulum, quem ferunt, dum in motu Martis hæreret mirabundus, neque se explicaret, ad Genii familiaris oraculum confugisse: atque hinc exasperatum Dæmona sciscitatoris importuni caput ad imminens laquear afflixisse, iterumque dimissi corpus ad pavimentum proturbasse, addito responso; hunc esse motum Martis, ut refert Joannes Keplerus, epistola dedicatoria ad Rudolphum imperatorem. Tota res conjecturis peragetur. Itaque suspicor C. Julium Hyginum esse, quem Ovidius ficto nomine Ibin appellat. Illum inquam, de quo Suetonius, libro de Illustribus Grammaticis, retulit in hæc verba: “ Caius Julius Hyginus, Augusti libertus, natione Hispanus, etsi nonnulli Alexandrinum putant, et a Cæsare puerum Romam advectum Alexandria capta, studiose et avide imitatus est Cornelium Alexandrum, grammaticum græcum, quem propter antiquitatis notionem Polyhistorum multi, quidam Historiam vocabant. Præfuit Palatinæ bibliothecæ, nec multo secius plurimos docuit, fuitque Ovidio poetæ familiarissimus, et Caio Licinio consulari historico, qui eum admodum pauperem decessisse tradit, et liberalitate sua, quoad vixit, sustentatum. Hujus libertus fuit Julius Modestus, in studiis atque doctrina vestigia patroni secutus.” Hæc ille, cujus verba diligenter et acri judicio perpensa non levem suspicioni meæ ansam præbere videntur. Quum enim Hyginum Ovidio familiarissimum fuisse dicit, ubi modo vel in omnibus utriusque monumentis tantæ necessitudinis vestigium exstat? Ovidius ad uxo-

rem, ad Carum, ad Perillum, ad Brutum, ad Maximum, ad Rufinum, ad Græcinum, ad Messalinum, ad Severum, ad Flaccum, ad Germanicum, ad Solanum, ad Atticum, ad Cottam, ad Cotim, ad Suillum, ad Albinovanum, ad Gallionem, ad Tuticanum epistolas mittit, ad Hyginum vero nullam. An forte ille est ad quem suppresso nomine toties scribit? neutiquam. Hyginum enim admodum pauperem decessisse Tranquillus ait; alterum divitem, atque opibus abundantem fuisse, Naso diserte prodidit his versibus, quos ad amicum mittit, cujus nomen consulto præterit, *Tristium*, IV. El. v :

O! mihi dilectos inter sors prima sodales,  
 Unica fortunis ara reperta meis ;  
 Cujus ab adloquiis anima hæc moribunda revixit,  
 Ut vigil infusa Pallade flamma solet ;  
 Qui veritus non es portus aperire fideles,  
 Fulmine percussæ confugiumque rati ;  
 Cujus eram censu non me sensurus egentem,  
 Si Cæsar patrias eripuisset opes.

Deinde in ea epistola uxor, liberi et frater ejus, ad quem scripta est, commemorantur, quorum Suetonius, cæteroqui non omissurus, nullam mentionem habet. Unum autem et eundem esse animadverto, ad quem Ovidius tacito nomine literas iterum atque iterum dedit. Ipsemet enim testis est, de *Ponto*, lib. iii. Eleg. 6. ubi familiarem quemdam his verbis adloquitur :

Ipse ego, quod primo scripsi sine nomine vobis,  
 Vix excusari posse mihi videor.

Una tamen est quæ ad Hyginum scripta videtur, nempe tertia, de *Ponto*, lib. iv. amicum enim quemdam taxat, et eum nota levitatis inurit, quod, quum a teneris annis secum arctissimo necessitudinis vinculo junctus fuerit, tandem in adversa fortuna non modo eum deserat, sed nequidem cognovisse simulet. Ejus est initium, *Conquerar, an taceam?* Qua quidem epistola facile crediderim



eundem ab Ovidio notari, in quem ipse nunc invehitur ;  
nam quod ait :

. . . . Sed et insultare jacenti  
Te mihi, nec verbis parcere fama refert ;

repetere videtur in Ibin, hoc modo :

Vulneraque immitis requiem quærentia vexat,  
Jactat et in toto verba canina foro ;

et paulo post :

At tibi, calcasti qui me, violente, jacentem,  
Qua licet, heu ! misero debitus hostis ero.

Hanc autem elegiam in Hyginum conscriptam esse verisimile est, quum enim inquit :

Ille ego sum, quanquam non vis audire, vetusta  
Pæne puer puero junctus amicitia.

Dixit *pæne*, quia, teste Suetonio, Hyginus Alexandria puer advectus erat, et Ovidio familiarissimus fuit. Rursum ubi sic :

Ille ego judiciis unica Musa tuis.

Illum apprime literatum, atque etiam criticum esse innuit, qualem fuisse constat Hyginum, cujus in Virgilium Commentaria laudantur ab A. Gellio. Jam vero quum nullam apud Ovidium apertis verbis Hygini mentionem fieri liquet, subortum equidem inter ipsos dissidium suspicari licet, quod Hyginus Ovidii exsulantis uxorem, ob pristinam cum illo consuetudinem procul dubio sibi notissimam, sollicitare ausus esset, ejusque facultates ab Augusto, cujus libertus erat, impetrare conaretur. Proinde Naso jure in ipsum invectus, Callimachum imitari voluit ; scilicet ut ille Apollonium, quod Alexandrinus esset, Ibin adpellavit, ipse pariter Hyginum, qui a nonnullis Alexandrinus habitus est, Ibin vocitaret. Advertendum præterea, quod

Ibidi cum Nasone jus arctum necessitudinis intercesserat,  
ut ex his liquido patet:

Desinet esse prius contrarius ignibus humor,  
Junctaque cum Luna lumina Solis erunt.

Deinde post *ἀδύνατα* multa,

Quam mihi sit tecum, positis quæ sumpsimus armis,  
Gratia, commissis, improbe, rupta tuis.

Hoc est plane quod de Hygino Suetonius testatum reliquit. Postremo quum ille Hyginum admodum pauperem decessisse tradit, conjectura mea mirum in modum confirmatur; Ibidis enim paupertatem Ovidius ipse innuit, hac imprecatione, quam Domitius non percepit:

Filius et Cereris frustra tibi semper ametur,  
Destituatque tuas usque petitus opes.

Nasonum enim votum est, ut Plutus, Cereris et Iasii filius, qui divitiarum Deus ab antiquis habitus est, molestas Ibdis preces nunquam exaudiat, eumque semper inopia laborare sinat. Is est autem, cujus mythologici libri omnium manibus tritū supersunt, ut merito fabulis suis, quasi propriis armis, jugulari videatur. Annon mirifice omnia conveniunt? Cæterum disticho superius adducto Cinyphius, id est, Africanus a Cinyphe, Libyam alluente, nominatur, quomodo Juba, Mauritaniae rex, ab eodem Nasone, Metamorphoseon, lib. v.:

..... Numidasque rebelles,

Cinyphiumque Jubam;

et Bocchus a Sidonio Panegyrico Majoriani:

..... Cum divite cera

Pinges Cinyphii captiva Mapalia Bocchi.

Hinc Hesychius *Κινύφιον*, inquit, τὸν Ἀνταίων ἀπὸ Κινύφου τοῦ ποταμοῦ, tametsi constet, regiam Antæi ad extremum Oceanum fuisse: unde apparet, Cinyphium generaliter sumi pro Libyco, more scilicet poetarum, quibus usitatum pecu-

liari unius loci nomine totam designare provinciam. Neque vero refert quod Ibis, licet Ægyptius, ad Cinyphem editus fingatur: poetæ siquidem non semel regionum nominibus propter viciniam abutuntur. Sic enim Claudianus, et ipse Alexandrinus, qui uxorem in patria duxerat, Libyæ appellatione usus est; idemque Pelusiacus et Canopicus a Sidonio dictus est, quum tamen Alexandriae natus esset; sic Ausonius scribens in Monosyllabis:

Threicum, Libycum freta, Cimmericumque ferat bos.

Per *Libycum* intelligit Ægyptum, ut Scaliger observavit. Sic Persa pro Medo et contra: sic in Catalectis Gallus pro Britanno, propter utriusque gentis vicinitatem. Ita, quoniam Hadriaticum mare Ionio conjungitur, κατὰ μετάδοσιν τοῦ ὀνόματος Ionium appellatur, et Ionium vicissim Hadriaticum, ut Apollonii Scholiastes ad Argonaut. lib. iv. et Eustachius ad Dionysii Periegesin notant. Ovidius autem quo στοματομολυσίαν Ibidi suo exprobraret, juxta Cinyphem natum fingere mihi videtur, ubi procerissimi nascuntur hirci, qui inde Cinyphii dicuntur Silio, lib. iii; Martiali, lib. vii. Epigrammate in Linum; item Virgilio, Georg. lib. iii. quum ait:

Nec minus interea barbas, incanaque menta  
Cinyphii tondent hirci.

Sed hæc hactenus quæ pro compertis non tradimus, donec super iis habita sint doctiorum comitia.

FINIS EXCURSUS IN OVIDII IBIN.

FRAGMENTA  
PUBLII OVIDII NASONIS.

---

EX MEDEA.

QUINTILIANUS, lib. viii. cap. 5: Nam quum sit rec-  
tum, nocere facile est, prodesse difficile, vehementius apud  
Ovidium Medea dicit:

Servare potui, perdere an possim rogas?

Item,

Feror huc illuc, ut plena Deo.

SEN. Suasor. iii.

EX EPIGRAMMATIS.

Cur ego non dicam, Furia, te furiam?

FAB. lib. ix. cap. 3.

Item,

Ride, si sapis, o puella! ride.

Pelignus, puto, dixerat poeta.

MART. lib. ii. Epig. 41.

Item,

Larte ferox cæso Cossus opima tulit.

PRISC. lib. v.

EX PHÆNOMENIS.

Tot numero, talique Deus simulacra figura  
Imposuit cælo: perque atras sparsa tenebras  
Clara pruinosæ jussit dare lumina nocti.

LACTANT. lib. ii. de Orig. Err. cap. 5.

Pleiades ante genu septem radiare feruntur,  
Sex tantum apparent: sub opaca septima nube est.

PROBUS, in Georgica Virgilio, in cujus vulgatis  
libris hi versus depravatissimi leguntur.

In Priapeis quædam Ovidii (vid. Bart. ad Statium, i. Theb. 229.) exstare, eruditi arbitrantur. Ex illo certe, cujus initium, *Obscure poteram tibi dicere*, Seneca pater, lib. i. Controvers. 2. hunc versum adducit:

Dum timet alterius vulnus inepta loci.

Servius, in Georg. iv. ubi agit de Eurydice, citat ex Ovidio,

Bis rapitur, vixitque semel,

quod in auctore nostro nunc nusquam comparet.

Scholiastes vetus Horatii ad lib. ii. Od. 5: "Gyges nomen pueri ex insula Cnido Veneri sacra; hujus autem pueri pulchritudinem laudat etiam Ovidius." Atqui in iis, quæ exstant, laudat nullibi.

Quintilianus, lib. xii. cap. 10: "Sed evanescent hæc, atque emoriuntur comparatione meliorum, ut lana tincta fuco citra purpuram placet: at si contuleris eam lacernæ, conspectu melioris obruatur, ut Ovidius ait." Quæ nullo negotio in metrum redacta iambum tragicum efficient, et duos hendecasyllabos:

Ut lana tincta purpuram citra placet:

At si contuleris eam lacernæ,

Conspectu melioris obruatur.

In Notis enim ad Epist. 7. communem esse ultimam in *contuleris, dederis, credideris*, et similibus syllabam monemus.

Seneca, Controvers. 10. ex declamatione Ovidii quædam hæc producit: "Quicquid laboris est, in hoc est, ut uxori virum, et viro uxorem diligere concedas. Necesse est deinde, jurare permittas, si amare permiseris. Quod habuisse nos jusjurandum putas? tu nobis religiosum nomen fuisti. Si mentiremur, illa sibi iratum patrem invocavit, ego socerum. Parce, pater; parce, socer; non pejeravimus. Ecce objurgator noster, quam effrænato amore fertur! quanquam esse filiam preceris; carum quidem,

quod illum ab indulgentia sua avocet. Dî boni! quomodo hic amavit uxorem? amat filiam, et abdicat: dolet periclitatam esse, et ab eo abducit, sine quo negat se posse vivere: queritur periculum ejus, qua pæne caruit hic, qui amare caute jubet. Facilius in amore finem impetres, quam modum: tune hos ponis terminos, ut nihil faciant, nisi considerate; nihil promittant, nisi ut jus facturi; omnia verba ratione et fide ponderent? Senes sic amant. Pauca nosti, pater, crimina: et litigavimus aliquando, et decidimus; et fortasse, quod non putas, pejeravimus. Quid ad patres pertinet, quod amantes jurent? si vis credere, nec ad Deos pertinet. Non est quod tibi placeas, uxor, tanquam prima peccaveris: periit aliqua cum viro, periit aliqua pro viro; illas tamen omnis ætas honorabit, omne celebrabit ingenium. Fer, socer, felicitatem tuam; magnum tibi quam parvo constat exemplum! in reliquum diligentiores facti sumus: errorem nostrum confitemur: exciderat jurantibus, esse tertium qui magis amaret: sic, Dî, sit semper. Persevera, socer; recipe filiam: ego, qui peccavi, pœna dignus sum. Quare, uxore necata, socero causa sim orbitatis? Discedam e civitate; fugiam; exsulabo: utcunque potero, desiderium misera et crudeli patientia perferam. Morerer, si solus moriturus essem."

In codice poematorum veterum longe antiquissimo, quem apud V. C. Petrum Scriverium vidi, Ovidio hoc epigramma ineditum adscribebatur:

Jam nitidum liquidis Phœbus jubar intulit undis,  
 Emeritam renovans Tethyos amne facem.  
 Astra subit niveis Phœbe subvecta juvencis,  
 Mitis et æthereo labitur axe sopor.  
 Adludunt teneri tremulis cum matribus agni,  
 Lacteolasque animas lacteus humor alit.

In eodem codice argumenta librorum Virgilianorum nostro etiam adscribebantur, ut et in multis aliis exemplaribus vetustis, quæ vidi: sed perperam. Denique in antiquo

libro Georgii Fabricii, hoc epigramma de Lucretia Nasonis nomen ostentabat :

Quum foderet ferro castum Lucretia pectus,  
Sanguinis et torrens egrederetur, ait :  
Procedant testes me non placuisse tyranno,  
Ante virum sanguis, spiritus ante Deos.

Sed jam satis : nam illas ineptissimorum hominum de Pulice, Philomela, et his similes nugas quis Ovidio adscribi patienter aut æquo animo ferat? Carmen etiam panegyricum ad Pisonem ad alia jam castra jure optimo transivit.

INSTYTUT  
BADAN LITERACKICH PAN  
BIBLIOTEKA  
00-350 Warszawa, ul. Nowy Świat 77  
Tel. 26-68-63

FINIS FRAGMENTORUM.

ubi Georgii Fabricii, hoc epigramma de Lucretio Naso  
 hic notum ostendit: Quam felices fore credam Lucretii postquam  
 libertatis et terrae egredierentur, illi: Quam felices  
 Libentibus tunc non phœnices tyrannus, Quam felices  
 Ante totum sanguis epistolarum ante Iliam: Quam felices  
 Quam felices: nam hinc progredimur hominum de Pa-  
 rthionibus et his angulis pugis quos Ovidio describit  
 contenti aut equo antio lateri: Carminibus panegy-  
 ricis ad Traianum ad eius iam carnis pure optino hinc

(very faint text, likely bleed-through or extremely faded)

(very faint text, likely bleed-through or extremely faded)



## VOLUMINIS QUINTI

### INDEX SPECIALIS.

---

	PAGE
PROÆMIUM .....	v
KALENDARIUM .....	xiii
FASTORUM Liber primus .....	1
———— Liber secundus .....	55
———— Liber tertius .....	115
———— Liber quartus .....	173
———— Liber quintus .....	245
———— Liber sextus .....	299

### EXCURSUS IN OVIDII FASTOS.


Excursus primus .....	355
———— secundus .....	367
———— tertius .....	378
———— quartus .....	392
———— quintus .....	404
———— sextus .....	407

WOLNYMI QVARTI  
IMBYE SPECIARE

1	.....	.....
2	.....	.....
3	.....	.....
4	.....	.....
5	.....	.....
6	.....	.....
7	.....	.....
8	.....	.....
9	.....	.....
10	.....	.....

WOLNYMI QVARTI  
IMBYE SPECIARE

11	.....	.....
12	.....	.....
13	.....	.....
14	.....	.....
15	.....	.....
16	.....	.....
17	.....	.....
18	.....	.....
19	.....	.....
20	.....	.....



EXCUDERANT TALBOYS ET WIEFFLER.

















F

23.426

5